

釋宗金書





禪宗全書

# 雜集部五

( 88 )

藍吉富 主編

北京圖書館出版社

圖書在版編目 (CIP) 數據

禪宗全書 / 藍吉富主編. — 北京: 北京圖書館出版社,  
2004.12

ISBN 7-5013-2602-9

I. 禪… II. 藍… III. 禪宗—文獻—匯編 IV. B946.5

中國版本圖書館 CIP 數據核字 (2004) 第 103681 號

責任編輯: 王冠 于浩

封面設計: 許冬麗

ISBN 7-5013-2602-9



9 787501 326020 >

本書原名為《禪宗全書》，藍吉富主編，經北京版權代理有限公司代理，授權北京圖書館出版社獨家出版發行。

書名 禪宗全書 (全 101 冊)

著者 藍吉富 主編

---

出版 北京圖書館出版社 (100034 北京市西城區文津街 7 號)

發行 010-66139745, 66175620, 66126153, 66174391 (傳真),  
66126156 (門市部)

E-Mail cbs@nlc.gov.cn (投稿) btsfxb@nlc.gov.cn (郵購)

Website www.nlcpress.com

印刷 河北三河燕郊古籍印裝廠

開本 880 × 1230 毫米 1/16

印張 4414

版次 2004 年 12 月第 1 版 2004 年 12 月第 1 次印刷

---

書號 ISBN 7-5013-2602-9/B · 108

定價 18000 圓

# 目次

壹、禪林類聚·····	一
原書目次·····	三
卷一：帝王——儒士·····	四
卷二：佛祖——佛像·····	一四
卷三：伽藍——橋路·····	三四
卷四：祖教——問法·····	四六
卷五：說法——大道·····	五七
卷六：示衆——棒喝·····	七〇
卷七：圓相——家風·····	八四
卷八：經教——祖偈·····	九四
卷九：姓名——行童·····	一〇六
卷十：人境——眞像·····	一二〇
卷十一：住山——省訪·····	一三一



卷十二：遊山——偃息·····	一四五
卷十三：問疾——追忌·····	一五八
卷十四：歲時——水火·····	一六五
卷十五：衣鉢——舟楫·····	一八一
卷十六：法器——鏡扇·····	一九〇
卷十七：器用——骨董·····	二〇一
卷十八：糧食——蔬菜·····	二一〇
卷十九：田地——柴薪·····	二二四
卷二十：獅象——飛走·····	二三八
貳、宗門統要續集·····	二五三
原書目次·····	二五五
序·····	二六二
卷一：大覺世尊釋迦文佛·····	二六四
卷二：西竺應化聖賢·····	二七三
西竺二十八祖師·····	二七八
東震六代祖師·····	二八二
卷三：牛頭山法融禪師——亡名古宿·····	二八六
卷四：南嶽懷讓禪師——百丈大智禪師·····	三〇五

卷五：越州慧海禪師——襄州龐蘊居士……………	三二三
卷六：趙州從諗禪師——湖南祇林和尚……………	三三七
卷七：潭州靈祐禪師——天台普岸禪師……………	三五二
卷八：楊州慧覺禪師——襄州王敬初常侍……………	三六三
卷九：睦州龍興陳尊宿——福州靈觀禪師……………	三七九
卷十：洪州米嶺和尚——叢上座……………	三九〇
卷十一：吉州如寶禪師——洪州黃龍南禪師……………	四〇〇
卷十二：吉州行思禪師——潮州大顛和尚……………	四一四
卷十三：汾州石樓和尚——韓愈文公……………	四二三
卷十四：潭州普會禪師——棗山光仁禪師……………	四三二
卷十五：筠州道虔禪師——明州咸啓禪師……………	四四六
卷十六：澧州元安禪師——襄州高亭簡禪師……………	四五九
卷十七：洪州常察禪師——福州慧稜禪師……………	四七二
卷十八：福州弘瑑大師——台州師彥禪師……………	四八五
卷十九：漳州桂琛禪師——鄂州誨機禪師……………	四九九
卷二十：鼎州緣觀禪師——洪州雲居齊禪師……………	五〇七
卷二十一：桂州齊曉禪師——溫州了威禪師……………	五一六
卷二十二：杭州大慧杲禪師——明州宏智覺禪師……………	五三三

# 禪林類聚







禪林類聚目錄

第一	帝王	宰臣	儒士
第二	佛祖	法身	佛像
第三	伽藍	殿堂	塔廟
	橋路并附		丈室
			門戶
第四	祖教	問法	
第五	說法	禪定	悟道
			大道
第六	示衆	勘辨	棒喝
第七	圓相	對機	賓主
			家風
第八			

經教	看經	講經	論議	祖偈
第八	姓名	頭首	知事	侍者
	尼女	行童		法屬
第十	人境	心眼	肢體	眞像
第十一	住山 <small>開堂附</small>	庵居	戒律 <small>出家附</small>	參學
	省訪			禮拜
第十二	遊山 <small>露送附</small>	馳書	緣化	應化
	因果	沐浴	偃息	神異
第十三	問疾	醫卜	藥餌	遷化
				追忌
第十四	歲時	解結	日月	風雲
	水火			雨雪
第十五				

衣鉢 服飾把針 鞋襪 珍寶 琴瑟

第十六

法器 槌拂 數珠 餅錫 杖笠

第十七

鏡扇 器用 刀劍 弓箭 骨董

第十八

糧食 齋粥 餅餅 五味

茶湯摘茶 蔬菜

第十九

田地 草木竹附花果 香燈 撥掃

柴薪

第二十

獅子像 龍虎 牛鹿 猫犬 龜魚  
兔蛇 飛走

禪林類聚卷第一

帝王 宰臣 儒士

帝王

阿育王內宮飯三萬大阿羅漢王躬自行香見第一座無人王問此座何故無一人尊者云此是賓頭盧尊者位此人曾見佛來王云此人今在何處者云且待須臾言訖賓頭盧從空而下王請就座禮敬盧不顧王乃問承聞尊者親見佛來是不盧以手撥開眉毛示之云還會麼王云不會盧云阿耨達池龍王請佛齋老僧亦預其數

五祖戒出王語云慚愧 翠巖真云且道甚麼處見直饒雪天漂渺湖光澹蕩且莫說夢 保寧勇代云希有希有 佛性泰云阿育王雖飯三萬大阿羅漢要且不識賓頭盧尊者阿育王既已不識諸人還識也無若也不識山僧爲諸人指出乃拈拄杖下禪床立云作麼

佛印元頌云拈起眉毛示育王當時凡聖絕商量後來對衆難收拾眼上依前兩簇長 保寧勇云

我佛親見賓頭盧眉長髮短雙目鷹阿育王猶疑  
狐唵嚕呢嚕嚕嚕嚕嚕 佛慧泉云一翳在眼  
空花亂墜狹路相逢難爲回避大王還識老僧無  
似雪眉毛長窄地

東印土國王請般若多羅尊者齋次王乃問諸人盡  
轉經唯師爲甚不轉者云貧道出息不涉衆緣入息  
不居陰界常轉如是經百千萬億卷

汾陽昭云却勞尊者心力

天童覺頌云雲屣玩月璨含輝木馬遊春駿不羈  
眉底一雙寒碧眼看經那得透牛皮明白心超曠  
劫英雄力破重圍妙圓樞口轉靈機寒山忘却來  
時路拾得相將攜手歸 西禪需云入息未嘗居  
陰界出息何曾涉萬緣一聲漁笛離南浦依舊蘆  
花深處眠

鬪賓國王秉劍問師子尊者云師得蘊空不者云已  
得蘊空王云旣得蘊空離生死不者云已離生死王  
云旣離生死就師乞頭得不者云身非我有豈況於  
頭王便斬之白乳涌高數尺王臂自墮七日命終太

● 果發果

子光首嘆云我父何故自取其禍

玄沙云大小師子尊者頭也不解作得主 玄覺

徵云且道斬著斬不著又云玄沙恁麼道要人作

主不要人作主若也要人作主蘊卽不空若不

人作主玄沙恁麼道意在甚麼處試斷看 汾陽

昭別云知師不恡 芭蕉云賣寶遇著瞎波斯

瑯琊覺云鬪賓好一口劍爭柰劍上無眼尊者好

箇獅子要且不解返躑 翠岩芝云當時祖引頸

王舉劍與麼時有人諫得住至今無人斷得此公

案如今衲僧作麼生斷 雪竇顯云作家君王天

然有在

海印信頌云混沌中央一竅開分清分濁列三才

祇因一劍輪機夜膽喪魂驚竟不回 佛眼遠云

楊子江頭楊柳春楊花愁殺渡頭人一聲羌笛離

亭晚君向瀟湘我向秦 鼓山珪云缸子下楊州

浮萍逐水流一聲河滿子千古動悲愁 徑山果

云殺人須是殺人漢當下一刀成兩段頭臂雖虧

劍刃鋒何似秦時轆轤鑽

梁武帝因初祖達磨大師自西天泛海來至金陵見帝帝問如何是聖諦第一義師云廓然無聖帝云對朕者誰師云不識帝不契師遂折蘆渡江至魏後帝舉問誌公誌公云陛下還識此人帝云不識誌云此是觀音大士傳佛心印帝云當遣使者詔之誌云莫道陛下詔闔國人去他亦不回

汾陽昭代云弟子智淺保寧勇代帝吐舌示之泉大道頌云凡聖縈纏情未忘廓然無聖便驚狂梁王殿下無謀略剛被胡人亂一場雪竇顯云聖諦廓然何當辨的對朕者誰還云不識因茲暗渡江豈免生深棘闔國人追不再來千古萬古空相憶休相憶清風匝地有何極師顧左右云這裏還有祖師麼喚來與老僧洗脚保寧勇云煉得通紅打一鎚周遭無數火星飛十成好箇金剛鑽攤向門前賣與誰上方益云第一義廓兮寥兮超象帝不把多年曆日看爭辯春分并夏至遼東白鶴去無蹤三山半落青天外佛鑑勲云始鳴阿闍一聲鐘日暖蒼龍睡正濃再擊鳳凰臺上鼓

半夜祥鸞未飛舞帝基永固如盤石胡僧虛費平生力回指少林歸去來春風一陣花狼藉太平古云聖諦第一義門廓然無聖誰尊堪笑江南三月裏鷓鴣啼在百花村長靈卓云不解作客勞煩主人面無慙色少喜多嘆雪堂行云西天屠子氣雄豪欺負神州罪莫逃梁帝當頭輕一撈果然提起活人刀佛燈珣云展陣開旗便要贏誰知御駕不親征把定鏘旗收陣脚直至雄峯不出兵梁武帝問達磨大師云朕自卽位已來起寺寫經度僧不可勝紀未審有何功德師云實無功德帝云師何言無師云此乃人天小果有漏之因如影隨形雖有非實帝云如何是真實功德師云淨智妙圓體自空寂如是功德不以世求

梁武帝請傳大士講經大士陞座以界尺揮案一下便下座帝愕然誌公問帝云陛下會不帝云不會誌云大士講經竟

白雲端云傳大士與誌公被梁武帝一狀領過正覺逸頌云遠別雙林事有因金陵明主慕仁人



良哉高座登臨次一擊大千經出塵 雪竇顯云  
不向雙林寄此身却於梁土惹埃塵當時不得誌  
公老也是悽悽去國人 白雲端云大士何曾會  
講經誌公方便且相成一揮案上俱無取直得梁  
王努眼睛 慈受深云大士講經時揮案成註脚  
一丸消衆病不假驢馳藥 佛鑑懃云案上一聲  
鳴嚶嚶已是重重添註脚梁王何事不回頭誌公  
將錯還就錯

唐肅宗帝問忠國師和尚百年後所須何物師云檀  
越與貧道造箇無縫塔帝云請師塔樣師良久云會  
麼帝云不會師云貧道有付法弟子耽源却諳此事  
請詔問之師遷化後帝詔耽源問此意如何源對云  
湘之南潭之北中有黃金充一國無影樹下合同船  
琉璃殿上無知識

雪竇顯拈云肅宗不會且致耽源還會麼祇消箇  
請師塔樣盡西天此土諸位祖師遭這一撈不免  
將南作北有傍不肯底出來我要問你那箇是無  
縫塔 神鼎譚云前來國師若此作用不能明了

次問耽源又恁麼頌且道盡善未盡善雖然方便  
須體解始得會麼神鼎爲你諸人下四轉語湘之  
南潭之北君臣有路中有黃金充一國淨體妙常  
無影樹下合同船千聖一轍琉璃殿上無知識凡  
聖路絕若恁麼會去也必不相賺老僧恁麼註解  
又是辜負國師 五祖演云前面是珍珠琉璃後  
面是瑪瑙珊瑚左邊是觀音勢至右邊是普賢文  
殊中間有箇旛子被風吹著道胡蘆胡蘆

雪竇顯頌云無縫塔見還難澄潭不許蒼龍蟠層  
落落影團團千古萬古與人看 雲巖因云無影  
林中窅堵波團圓一縫甚諳訛逢人擬欲親拈出  
還識南陽老作麼 羅漢南云窅堵無縫立還危  
寶鐸玲瓏八面垂千手大悲捫不著百重關鎖下  
金鎚 白雲端云無縫塔從誰手造雖然有樣不  
堪傳如何強寫無層級永向琉璃殿上懸 長靈  
卓云無縫塔子鎮團圓樂若知端的問耽源檀那合  
領深深旨大地收來薦一言

唐肅宗帝問忠國師如何是十身調御師乃起立云

還會麼帝云不會師云與老僧過淨瓶來

唐肅宗帝問忠國師如何是無諍三昧師云檀越踏毗盧頂上行帝云寡人不會師云莫認自己清淨法

身一本小異

雪竇頌云一國之師亦強名南陽獨許振佳聲大唐扶得真大子曾踏毗盧頂上行又云鐵鎚打碎黃金骨天地之間更何物三千刹海夜澄澄不知誰入蒼龍窟佛鑑云步步踏著毗盧頂亦非自己清淨身妙入空門得空相祖師肝膽佛精神大瀉秀云作者清規世莫儔金筵曾握上龍樓良哉撥破毗盧頂直得文殊笑點頭

唐肅宗帝問忠國師云師在曹溪得何法師云陛下還見空中一片雲麼帝云見師云釘釘著懸掛著

五祖戒云好事不如無

唐莊宗帝問興化獎禪師云寡人收中原得一寶只是無人酬價師云請陛下寶看帝以兩手引幞頭脚示之師云君王之寶誰敢酬價帝大悅

玄覺徵云且道興化肯同光不肯同光若肯同光

◆ 蔡靈素

興化眼在甚麼處若不肯同光過在甚麼處雪竇云至尊所得只可傍觀若非興化作家往往高價酬却翠巖芝云興化當時下一著可謂酪酊如今作麼生斷雲峯悅云真不掩偽曲不藏直有眼底辨取黃龍心云興化雖則一期見機而作爭奈埋沒伊一朝天子當時若作興化但向伊道蚌蛤之珠收得也無用處教伊向後別有生涯免見通相鈍置而今若有人問上座又作麼生酬價北塔祚頌云君王之寶實難酬興化形言下一籌兩手展開幞頭脚勅書掛在鳳凰樓白雲端云北番王子彎弓射南國將軍仰面看沙上空餘斜影在翩翩直自入雲端上方益云展手相呈老比丘至尊之寶敢輕酬滿庭和氣龍顏悅爭奈胡僧笑點頭天童覺云君王底事語知音天下傾誠蔡靈心拈出中原無價寶不同趙璧與燕金佛心才云中原收至寶合國不能藏一入相如手佳聲滿大唐

閩王請羅山閑禪師開堂師陞座方收歛僧伽黎乃

云珍重便下座閩王近前執師手云靈山一會何異  
今日師云將謂是箇俗漢

洞山聰頌云羅山忍俊不能禁大展家風吼一音  
紙墨如山書莫盡衲僧休向義中尋 白雲端云  
紛紛雪影耀閩天閩主欣逢倍樂然一旦春風吹  
大地更無一點在塔前 踈山如云須彌座上歛  
伽黎海口潮音闡大機世主大檀能藻鑑靈山嘉  
會愈增輝

閩王送銀交床與雪峯僧問和尚受大王如此供養  
將何報答師以兩手托地云輕打我打我

踈山僧問雪峰道輕打我意作麼生山云頭上插  
瓜蠶垂尾脚跟齊

汾陽昭頌云因問如何報主恩舉舉全收坐要津  
缸頭若有風浪動滿目流沙不見人 洞山聰云  
人王信重送交床旁問禪徒太著忙下手低聲言  
少打劣中全勝阿誰詳 保寧勇云不知將甚報  
君恩風起江湖水皺顏一片古帆乘興去與誰相  
逢過天門 正覺逸云得人一牛還人一馬投之

報之風流儒雅如今大有受恩人不知誰是報恩  
者

閩王封柑橘各一顆遣使送上雪峯問云既是一般  
顏色爲甚名字不同峯遂依舊封回復馳問玄沙沙  
將一張紙蓋却

汾陽昭頌云柑橘閩王親手封將來直問擊胡風  
長人入水分明在更問玄沙又不通汾陽爲汝開  
天路寶坊金界碧霄空 保寧勇云閩王兩般馳  
獻上雪峯一等到封回人情上下俱周美免把完  
全更擘開 延壽云柑子將來不用疑鐵牛蚊子  
咬應癡閩王猶未識師意更請玄沙下一錘

投子青禪師僧問和尚適來拈香祝聖壽且道當今  
皇帝壽年多少師云月籠丹桂遠星拱北辰高  
丹霞浮頌云六國清平賀聖年珠簾高捲月明前  
金輪那肯當堂坐不用丹墀擊靜鞭

宰臣

朗州刺史李翱仰慕藥山儼禪師道風久矣屢請不  
赴乃特入山致敬肅裝客禮直造座前師端然看經

殊不顧視李乃云見面不知聞名拂袖便行師却召李回首師云何得貴耳而賤目李遂頂拜起問如何是道師以手指天復指淨瓶云會麼李云不會師云雲在青天水在瓶李因有省乃呈頌云鍊得身形似鶴形千株松下兩函經我來問道無餘事雲在青天水在瓶

玄覺拈云且道李太守是讀他語明他語須具行脚眼始得

汾陽昭頌云雲在青天水在瓶恐君妄解作惶惶汾陽問你幽魂聽如實神通現姓名 天寧建云隴西賢相登藥嶠雲在青霄水在瓶風靜雲消空獨露天門玉女不曾腐 白楊順云古人問道復何言水在瓶中雲在天故國要歸歸便得離亭雲月渡頭船 無盡居士云雲在青天水在瓶眼光隨指落深坑溪花不柰霜風苦說甚深深海底行 圓通僊云雲在青天水在瓶丹霄把手共君行回頭不覺寒更曉一片紅光海上生 李刺史問歸宗教中道須彌納芥子渤即不疑言芥

子納須彌莫是妄談不師云人傳使君讀萬卷書籍是不云然師云公從頂至踵都來如椰子大萬卷詩書向甚處著李俛首而已

佛慧泉頌云放開日月明把定乾坤黑一割不回頭滿地生荊棘龍宮海藏兮非多石火電光兮非急君不見紫霄峯下墨池邊八駿如風追不及禾山方云芥納須彌驗祖風清機歷歷妙難窮要知萬卷書來處跳出當人智鑑中 佛心才云芥納須彌特地疑琴書拋下扣禪扉忽聞萬卷難藏處警轉神機唯自知唯自知丹桂和根拔得歸成尙書與大將送供入雲居山乃問膺禪師云世尊有密語迦葉不覆藏如何是世尊有密語師召尙書成應諾師云會麼成云不會師云汝若不會世尊有密語汝若會去迦葉不覆藏

法燈拈云且道喚底是密語應底是密語時有僧問如何是世尊有密語燈云何曾得密來 東林總云恠哉弘覺二十年羚羊掛角絕跡亡蹤及手被尙書一拶直得帶水拖泥作人笑恠法燈也是



日午點金燈夜半潑墨汁東林卽不然如何是密語却向伊道甚處不密且道恁麼道還有過也無良久云更不用別人性空云逢人且說三分話未可全拋一片心

古德頌云世尊密語難覆藏迦葉迦葉見如土千

古萬古黑漫漫焦尾大蟲元是虎

郢州太守請風穴禪師衙內陞座師乃云祖師心印狀似鐵牛之機去卽印住住卽印破只如不去不住印卽是不印卽是時有盧陂長老出問某甲有鐵牛之機請師不搭印師云慣釣鯨鯢澄巨浸却嗟蛙步驢泥沙陂佇思師喝云長老何不進語陂擬議師打一拂子云還記得話頭麼試舉看陂擬開口師又打一拂太守云佛法元來與王法一般師云太守見甚麼道理太守云當斷不斷返招其亂師便下座

南堂靜云好一場法戰大衆還要識風穴麼金鏃慣調曾百戰鐵鞭多力恨無難要識盧陂長老麼薰道入山擒虎易臨筌方覺取魚難要識郢州太守麼已得真人好消息人間天上更無疑

雪竇頌云擒得盧陂跨鐵牛三玄戈甲未輕酬楚王城畔朝宗水喝下曾令却倒流保寧云鋒頭壁立鐵牛機十字縱橫寶劍揮一陣賊軍俱粉碎凱歌齊和太平歸圓悟云列聖風規初不放過擬跨鐵牛齋頭印破盧陂當斷却沈吟電轉星飛被活擒喝下機鋒如霹靂三玄戈甲振叢林天童覺云鐵牛之機印住印破透出毗盧頂額行却來化佛舌頭坐風穴當衡盧陂負墮棒頭喝下電光石火歷歷分明珠在盤眨起眉毛還蹉過陳操尙書一日與諸官登樓次見數僧行過一官人云來者總是行脚僧陳云不是云焉知不是陳云待近來與勘過斯須數僧至樓前陳薦召上座僧皆舉頭望陳謂衆官云不信道

嵩山詰云陳尙書可謂手擎仲尼日月腰佩毗盧金印非唯儒士驚懾亦乃衲僧罔措不見道當機如電拂方免病接盧天童覺云陳尙書當面白拈瞞長蘆一點不得雪堂行頌云一語雖窠窟千生出蓋纒夜來風雪

惡木折古巖前

楊傑提刑入寶林寺因寫七佛殿額乃問昌禪師云  
七佛重出世時如何師云一回相見一回新又同遊  
山次楊拈起大士飯石問既是飯石爲甚麼咬不破  
師云祇爲太硬楊云猶涉繁詞師云未審提刑作麼  
生楊云硬師云也是第二月

儒士

張拙秀才因看佛名經乃問長沙岑禪師云百千諸  
佛但聞其名未審居何國土師云黃鶴樓崔顥題後  
秀才還曾題不云不曾題師云無事也好題取一篇  
佛眼遠云大衆秀才問佛居何國土長沙爲甚麼  
却恁麼道秀才尋常嘲風詠月爲甚麼長沙面前  
一辭不措若是黃鶴樓有甚麼難題處聽取山僧  
題破遂云容顏甚奇妙光明照十方我昔曾供養  
今復還親覲 南堂靜云當時若是南堂待他問  
百千諸佛但聞其名未審居何國土只向道秀才  
秀才何得責耳而賤目  
死心新頌云黃鶴樓前法戰時百千諸佛豎降旗

潮聲詞

渠無國土居何處留得多才一首詩 靈源清云  
聞名直下驚天地更問所居成自滿回首却登歸  
去路家家門口透長安 南華曷云百千諸佛聞  
名久國土莊嚴何處求觀面若無精徹眼又隨船  
子下揚州 禾山方云千佛靈蹤莫別求長沙機  
轉有來由要知觀面難藏處黃鶴樓前鸚鵡洲  
寶峯明云百千諸佛但聞名國土何曾不現成自  
是不歸歸便得五潮煙景有誰爭 大洪遂云黃  
鶴樓詩崔顥題古今吟詠韻難齊秋空月影千江  
印春晚流鶯是處啼

龐居士一日向丹霞前叉手立少時却出去霞不顧  
士却來坐霞乃向士前叉手立少時便入方丈士云  
汝入我出未有事在霞云這老翁出出入入有甚了  
期士云略無些子慈悲霞云引得這漢到這田地士  
云把甚麼引霞乃拈起居士幞頭云却似一箇老師  
僧士却拈幞頭安霞頭上云一似箇少年俗人霞應  
諾三聲士云猶有昔日氣息在霞乃拋却幞頭云大  
似箇烏紗巾士乃應諾三聲霞云昔時氣息爭忘得

士彈指三下云動天動地

佛鑑懃云丹霞與龐老開市裏相逢千峯頂上握手千峰頂上相逢却向開市裏握手如鐘在架隨扣發音大擊大鳴小擊小響聲非內出亦非外來只如未扣已前聲在何處各自歸堂究取 大瀉智云丹霞與龐老終日用神通是處遊歷盡全身徧界中還知麼千峯勢到嶽邊止萬派流歸海上融 塗毒策云平易中嶮峻斷絕處復續龐公三度扣關丹霞三回格下可謂風行草偃水到渠成檢點將來佛事門中則可謂僧分上全無祇如衲僧分上又作麼生覲面機鋒如同電拂咄 南堂靜頌云燒木佛老有甚心肝賣策籬翁家破人殘相追相逐相激相歎難難倚天長劒兮射斗光寒攬海蒼龍兮不觸波瀾看看家家有路透長安

胡釘鉸謁保壽沼禪師師云莫便是胡釘鉸麼云不敢師云還釘得虛空不云請和尚打破來師便打胡云莫錯打某甲師云汝向後遇多口阿師與你點破

金果錄

在胡後到趙州舉前話問不知某甲過在甚處州云只這一縫尙不奈何胡於此有省廣燈小異

雪竇顯云我要打這三箇漢一打趙州不合瞎却胡釘鉸眼二打保壽不能塞斷趙州口三打胡釘鉸不合放過保壽師薦拈拄杖云更有一箇大衆一時走退乃擊禪床一下 大瀉喆云這漢雖然省去可惜趙州當時待他道某甲過在甚處劈脊便棒非但承他保壽威光亦乃與叢林爲鑑爲鑑鼓山珪頌云一縫分明在當頭下手難饒君釘鉸得終是不圓全 徑山果云直饒釘得這一縫點檢將來非好手可憐兩箇老禪翁却向俗人說家醜

雲門偃禪師問僧光明寂照徧河沙豈不是張拙秀才語僧云是師云話墮也

徑山果云驢揀濕處尿 復庵封云向道莫行山下路果聞猿叫斷腸聲 法雲秀云甚處是話墮處忽有人問法雲如何是祖師西來意只對伊道話墮也還會麼具眼底辨取 月庵果云雲門大

師張幔天網撈龍打鳳這僧不覺入他陷穽中落  
他纔續裏若是福嚴卽不然纔見伊舉道豈不是  
張拙秀才語但向道未到雲門不妨疑著然雖如  
是也是賊過後張弓

禾山方頌云叶路縱橫得自由牢關振轉妙全收  
箇中密意人難會喝下須教水倒流 月菴果云  
萬丈龍門勢倚空懸崖撒手辨魚龍時人只看絲  
綸上不見蘆花對蓼紅 疎山如云問來答去無  
偏黨鐵壁銀山作麼通縱奪臨機言語墮遂令千  
古動悲風

禪林類聚卷第一

禪林類聚卷第二

佛祖 法身 佛像

佛祖

世尊纔生下乃一手指天一手指地周行七步目顧  
四方云天上天下唯我獨尊

雲門云我當時若見一棒打殺與狗子喫貴圖天  
下太平 雪竇云便與掀倒禪床 法眼云雲門  
氣勢甚大要且無佛法道理時有老宿代云將謂  
無人證明雪竇又別云鉤在不疑之地 琅瑯覺  
云雲門可謂將此深心奉塵刹是則名爲報佛恩  
雲峯悅云雲門雖有定亂之謀且無出身之路  
若也辯得許你頂門具一隻眼

洞山聰頌云四月八佛降生日指天指地稱第一  
九龍噴水沐金軀摩訶般若波羅蜜 泉大道云  
指天指地語琅琅送語傳言出畫堂使者尙能多  
意氣主人應是不尋常 保寧勇云混沌未分人  
未曉乾坤纔剖事潛彰天生伎倆能奇恠末上輸

他弄一場 無壽居士云七步周行手指天衲僧  
棒下病難全母胎出後成何事爭似閻浮未降前  
徑山杲云老漢纔生便著忙周行七步似顛狂  
賺他無限癡男女開眼堂堂入鑊湯 慈受深云  
一火鑄成金彈子團圞都不費鉗鎚拈來萬仞峯  
頭放打落天邊白鳳兒

世尊未離兜率已降王宮未出母胎度人已畢

鼓山珪頌云是非海裏橫身入豺虎羣中自在行  
莫把是非來辨我平生穿鑿不相關 徑山杲云  
利刃有蜜不須舐蠱毒之家水莫嘗不舐不嘗俱  
不犯端然衣錦自還鄉

世尊因廣額屠兒曰殺千羊一日至佛所颺下屠刀  
云我是千佛一數世尊云如是如是

東山覺云今時叢林將謂廣額過去是一佛權現  
屠兒曰殺千羊如此見廣額屠兒且喜沒交涉又  
云廣額正是箇殺人不眨眼底漢颺下屠刀立地  
成佛且喜沒交涉又道廣額颺下屠刀云我是千  
佛一數這一佛多少分明且喜沒交涉要識廣額

當經常

麼夾路桃花風雨後馬蹄何處避殘紅

大梅當禪師因夾山與定山同行言語次定云生死  
中無佛卽無生死夾云生死中有佛卽不迷生死二  
人是非不已特上山參見師人事了夾便問未審二  
人見處那箇較親師云一親一疎夾云那箇親師云  
且去明日來夾明日又問師云親者不問問者不親  
夾住後云我當時在大梅處失却一隻眼

雪竇顯云夾山畢竟不知換得一隻眼大梅老漢  
當時聞舉若以棒一時打出豈止劃斷兩人葛藤  
亦乃爲天下宗匠 瑞巖恭云夾山定山互論是  
非拖泥帶水卽且置作麼生是大梅辨是非親疎  
底眼還委悉麼金鎖無鬚兩頭動妙揮寶劍正當  
風

應庵華頌云苦瓠連根苦甜瓜徹蒂甜兩般滋味  
惡中後入黃泉

投子大同禪師僧問如何是十身調御師下禪床立  
又問凡聖相去多少師亦下禪床立  
雪竇顯云此公案諸人無不委知若恁麼學天下



衲僧盡成念話杜家雪竇莫有長處也無試爲大衆學看凡聖相去多少投子下禪床立如何是十身調御投子下禪床立且道與前來舉底是同是別若道一般許上座具一隻眼若道別有奇特也許上座具一隻眼更開一線道凡聖相去多少請上座下一轉語如何是十身調御請上座答一轉語非但參見投子亦乃知雪竇長處若總道下禪床立惜取眉毛好

白雲端頌云老婦低垂事舅姑起來爭免面模糊  
強將雲髻高高綰遮得傍人眼也無 投子青云  
水出崑崙浪接連天高地迴秀林巒禪牀略下雲  
山斷凡聖無蹤海嶽寒 長靈卓云愛向江邊弄  
釣絲碧潭深處有嘉魚釣頭不是無香餌箇底如  
何釣得渠 佛慧泉云投子下禪床雲中逆電光  
胡僧歸漢土六月下嚴霜 天寧鍾云投子下禪  
床通身誰辨的擬議卽千差覲面難相識 徑山  
杲云投子下禪床今朝爲舉揚驢前馬後漢功臣  
亂承當

投子一日指庵前一片石向雪峯云三世諸佛總在裏許峯云須知有不在裏許者師云不快漆桶保寧勇代雪峯以手指石云不妨好一片石佛鑑勲頌云有客釣鰲頭區區走五湖不知泥裏蚌滿腹是明珠

投子僧問一功聲是佛聲是不師云是云和尚莫屎沸盃鳴聲師便打又問龜言及細語皆歸第一義是不師云是云喚和尚作一頭驢得麼師便打雪竇顯頌云投子投子機輪無阻放一得二同彼同此可憐無限弄潮人畢竟還落潮中死忽然活百川倒流鬧潑潑

趙州諗禪師僧問如何是佛師云殿裏底云殿裏底是泥龕塑像師云是云如何是佛師云殿裏底保寧勇頌云酸甜滋味本天然帶菓連枝顆顆圓南贍邵州人未識菴摩羅果信虛傳

德山鑒禪師上堂云大衆及盡去也直待三世諸佛口掛壁上猶有一人呵呵大笑若識此人參學事畢

一本作圓明密

投子青云然雖如是德山大似藏盡楚天月猶存  
漢地星復顯云雙盲人暗路崎嶇日落棲蘆暫得  
甦爭似石人眠半夜免教舜讓守林居須知花綻  
非干木無脚行時早觸途昨朝風起長安道元是  
崑崙進國圖 天童覺云收把斷襟喉風雲拭  
水冷天秋錦鱗莫謂無滋味釣盡滄浪月一鉤  
長沙岑禪師僧問本來人還成佛不師云大唐天子  
還割茅刈草也無

汾陽昭頌云岑公拂袖播鴻機問佛人多作佛稀  
王主割茅親下手不能土上更加泥 圓悟勤云  
巨嶽何曾乏土唐皇豈可刈茅禮拜近前叉手西  
天下萬迢迢 投子青云苔殿重重紫氣深星分  
辰位正乾坤金輪不御閻浮境豈並諸侯寶印尊  
雲巖因云簾幕春風曉尙寒歌樓聲咽夢驚殘  
金輿不御人間世休羨壺中日月寬

長沙僧問如何是諸佛師師云汝從無量劫來承甚  
麼人恩力云未有諸佛已前事作麼生師云近日魯  
祖出世爲人東語西話

保寧勇頌云水墨丹青狀不成混然竹木箇精靈  
求恩乞福拋盃校向道明明自不聽 疎山常云  
混沌未分便有渠堂堂相貌絕名模長沙謾道知  
恩力試問還曾識也無

夾山會禪師僧問撥塵見佛時如何師云欲知此事  
直須揮劒若不揮劒漁父棲巢後僧問石霜撥塵見  
佛時如何霜云渠無國土甚處逢渠僧回舉似師師  
上堂云門庭施設不無老僧入理深談猶較石霜百  
步

丹霞淳頌云當機一句玉珊珊內外玲瓏溢日寒  
無漏國中曾不住月華影裏見應難 天寧璉云  
太阿在手誰敢當鋒青山萬朶白雲重重 枯木  
成云不立纖毫尙是塵那堪開口問他人高揮寶  
劒無蹤跡月裏嫦娥現半身 天童覺云拂牛劒  
氣洗兵威定亂歸功更是誰一日氛埃清四海垂  
衣皇化自無爲

夾山僧問如何是佛師云此位無賓主云尋常與甚  
人對談師云文殊與吾攜手去普賢猶未折花來



投子青頌云親言言處幾人知今古無儔類莫齊  
玉馬雪行歸夜半羚羊掛角日沈西 疎山如云  
大方獨立峭巍巍八面玲瓏萬象圍正坐當軒無  
位位圓通無礙應羣機 枯木成云當頭不犯難  
開口假借傍來落二三卓爾混融無向背西天佛  
是老瞿曇

洛浦安禪師僧問供養百千諸佛不如供養一無心  
道人未審百千諸佛有何過無心道人有何德師云  
一片白雲橫谷口幾多歸鳥自迷巢

丹霞淳頌云拾得疎慵非覺曉寒山懶墮不知歸  
聲前一句圓音美牧外三山片月輝 枯木成云  
是佛由來尙涉功明心方與道相同花開花落緣  
何事盡屬無私造化中 佛智禪云百千諸佛眉  
彎曲無證無修眼搭癡踏著未消連底凍一時認  
作碧琉璃

雪峯存禪師僧問如何是佛師云寐語作麼  
雲峯悅云古人與麼道喚作應病與藥放過卽不  
可若不放過你這裏下得甚麼語僧擬議師以拂

子驀口打

雪峯僧問如何是諸佛師云莫觸諱云如何是不觸  
諱師云解無慚愧僧問如何是諸佛出身處師云仁  
者已分事作麼生云是甚麼師云無我且問你僧無  
對師云我識得你又僧問承和尙有言三世諸佛向  
這裏出頭不得未審諸佛有何過所以出頭不得師  
云這不識羞耻漢

雲門偃禪師僧問如何是佛師云乾屎橛

佛鑑勲頌云稽首金容乾屎橛應物現形如水月  
香臭皆從佛口生凡聖從來同一舌 鼓山珪云  
不用唐言譯休將梵語傳摩醯首羅眼對面隔西  
天 徑山杲云雲門乾屎橛全超法報化無事出  
山遊百錢杖頭掛 惠因淨云問處分明答處親  
半同含笑半同嗔若看陌上二三月那箇枝頭不  
帶春

雲門僧問如何是諸佛出身處師云東山水上行  
覺報清頌云諸佛出身處東山水上行石壓笋斜  
出岸懸花倒生

雲門垂示云古佛與露柱交參是第幾機自代云南山起雲北山下雨

五祖演云大小雲門大師元來小膽四面道古佛與露柱交參是第四機良久云這箇說話面皮厚三寸出語成不遜好將臨濟棒一日打三頓甚麼人下得手雖然罪過彌天新赦咸放 禾山方云了得物我一如能使飛雲會合須是雲門始得且道既是了得物我一如這僧無對處又作麼生良久云嶮

雪竇顯頌云南山雲北山雨四七二三面相覩新羅國裏會上堂大唐國裏未打鼓苦中樂樂中苦誰道黃金如糞土 天童覺云一道神光初不覆藏超見緣也是而無是出情量也當而無當巖花之粉兮蜂房成蜜野草之滋兮麝臍作香隨類三尺一丈六明明觸處露堂堂 本覺一云南山雲北山雨新羅打鼓韶陽舞石虎哮吼上九天泥牛入海無尋處

疎山仁禪師僧問如何是諸佛師師云何不問疎山

老漢

投子青頌云養子方知在上慈親言無味外人疑欲窮滄浪深深處聽取漁家輞莫迷

洞山初禪師僧問如何是佛師云麻三斤

玉泉璉云天無四壁地絕八荒向甚麼處與洞山相見咄

北塔祚頌云麻皮三斤不用秤秤頭那肯坐於蠅一念纔生筋骨露徒勞更覓定盤星 雪竇顯云金烏急玉兔速善應何曾有輕觸展事投機見洞山跛鼈盲龜入空谷花簇簇錦簇簇南地竹兮北地木因思長慶陸大夫解道合哭不合哭 法昌遇云火麻皮子若何分臘雪煎茶解醉君更有路行人未到野花含笑舊枝春 投子青云三年一閨大家知也有瞞預不記時昨日鴈回沙塞冷嚴風吹綻月中枝 無盡居士云三斤足秤洞山麻撥動鎗銖萬里差啼得血流無用處夜來依舊宿蘆花

風穴沼禪師僧問如何是佛師云杖林山下竹筋鞭

慈明圓頌云杖林山下竹筋鞭南北禪人萬萬千  
莫恠相逢不下馬東西各自有前程 雲峯悅云  
杖林山下竹筋鞭頭尾拈來總一般莫恠玄沙不  
出嶺他家元是釣漁船 海印信云杖林山下竹  
筋鞭枝節蕭疎古澗邊要會宗師開正眼滿輪午  
夜照秋天 眞淨文云杖林山下竹筋鞭水在深  
溪月在天良馬不御何處去阿難依舊世尊前  
雲溪恭云杖林山下竹筋鞭南北行人萬萬千堪  
羨一堂無事客臥雲深處不朝天

風穴僧問如何是佛師云如何不是佛云未曉玄言  
乞師再指師云家住海門東扶桑最先照

保寧勇頌云眉間一道白毫光歷劫知將甚處藏  
永夜寂寥天未曉更須斫額望扶桑

法眼益禪師僧惠超問如何是佛師云汝是惠超其  
僧於是悟入

汾陽昭頌云問佛從頭理不虧莫同巧妙騁鋒機  
眞金若不鑪中煅爭得將金喚作泥 雪竇頌云  
江國春風吹不起鷓鴣啼在深花裏三級浪高魚

眞要直

化龍癡人猶辱夜塘水 天衣懷云通官買賣不  
相饒問佛言云是惠超嗟見衲僧生異解認他虹  
虹作僊橋 佛惠泉云纔到元正便是年暖風無  
處不陶然途中多少尋春客悞聽黃鸝作杜鵑  
直歇了云問佛分明答惠超羊斤八兩不相饒叢  
林萬古爲殃禍惡語傷人恨不消

廣德禪師僧問如何是佛師云盡戟門開見墜僊僧  
馳此語至州中悟空處便問盡戟門開見墜僊意旨  
如何空云眞饒親見釋迦來智者咸云不是佛師後  
聞此語遙望城中禮拜云悟空古佛豈止羊二十口  
琅瑯覺云廣德腦後添了悟空眼中拔楔雖然善  
順機宜敢保他家未徹

水庵一頌云盡戟門開見墜僊廓然身在洞中天  
從茲不復論冬夏石爛松枯知幾年

首山念禪師僧問如何是佛師云新婦騎驢阿家牽  
五祖演云大衆莫問新婦阿家免煩路上波吒遇  
飯卽飯遇茶卽茶同門出入宿世冤家  
海印信頌云新婦騎驢阿家牽王老空中駕鐵船

井底掛帆風勢惡須彌頂上浪滔天 南華曷云  
新婦騎驢阿家牽萬里滄溟駕鐵船參差島嶼分  
諸國彷彿星河共一天 文殊道云新婦騎驢阿  
家牽碧玉羅紋頂上旋播土揚塵尋不見元來只  
在舊山前 天童覺云新婦騎驢阿家牽體段風  
流得自然堪笑効顰鄰舍女向人添醜不成妍  
徑山杲云新婦騎驢阿家牽步步相隨不著鞭歸  
到畫堂人不識從今懶更出人前

長慶稜禪師有時云寧說阿羅漢有三毒不說如來  
有二種語不道如來無語只是無二種語保福云作  
麼生是如來語師云顰人爭得聞福云情知汝向第  
二頭道師云作麼生是如來語福云喫茶去

雲居錫云甚麼處是長慶向第二頭道處  
雪竇顯頌云頭号第一第二臥龍不鑑止水無處  
有月波澄有處無風浪起稜禪客稜禪客三月禹  
門遭點額 白雲端云不說如來有二語三三爲  
九須重數何謂顰人爭得聞孤喪未免還歸主  
佛鑑懃云無是無非歸掌握有聞有見隔關山始

知一種如來語不在世人情斛間 南華曷云第  
一頭第二頭清風明月兩悠悠將軍戰馬今何在  
野草閑花滿地愁

天彭禪師僧問如何是佛師云親切不離家寂寞不  
當戶

禾山方云天彭與麼說話終成滲漏且道三種滲  
漏中墮在那種滲漏要會麼無身有事超岐路無  
事無身落始終

投子青頌云白雲時映舊山青竹鎖薄煙露幾莖  
虛室夜寒秋月迴鴈回遙聽可三更

九峯處禪師僧問承聞和尚有言諸聖問出祇是傳  
語人是不師云是云世尊一手指天一手指地云天  
上天下唯我獨尊和尚爲甚麼却喚作傳語人師云  
祇爲一手指天一手指地所以喚作傳語人

丹霞淳頌云妙相圓明不可親奴兒婢子自懸懃  
指天指地稱尊大也是傳言送語人

同安察禪師僧問如何是天人師師云頭上角不全  
身上毛不出

丹霞淳頌云祕殿重幃曉尙寒丹堦苔潤未排班  
寶香鳳燭煙雲合寂寂簾垂不露顏

雲住禪師僧問如何是諸佛師師云文殊筆耳

丹霞淳頌云無相光中未兆身清虛渺邈豈爲隣

一輪明月當軒照玉殿蕭蕭不見人

趙橫山柔禪師僧問如何是佛師云平地望高坡

投子青頌云江山歷盡幾施功方得逢人話背同

春到洞庭南壁岸鳥啼西嶺月生東

曹山霞禪師僧問佛未出世時如何師云曹山不如

云出世後如何師云不如曹山

五祖演云若以世諦觀之曹山合喫二十棒若以

祖道觀之白雲合喫二十棒然雖如是棒頭有眼

兩人中一人全肯一人全不肯若人點檢得出許

你具半隻眼 天童覺云佛與曹山賓主互換出

世不出世各具一隻眼未有長行而不住長住而

不行還會麼幽洞不拘關鎖意縱橫那涉兩頭人

松源岳云輟已讓人弄巧成拙出世未出世虛

空裏釘橛曹山有沒量罪過治父亦有沒量罪過

汝等諸人還檢點得出麼一東二冬叉手當臂

玉泉璉云火燒荆棘三千界鐵鑄浮屠百萬層

投子青頌云月隱青山瑞氣高梧藏丹鳳觀無寥

無端石馬潭中過驚起泥龍翻海潮

五祖戒禪師僧問如何是佛師云踏著秤槌硬似鐵

雲峰悅頌云踏著秤槌硬似鐵幪幪禪和猶未瞥

三冬嶺上火雲生六月長天降大雪 白雲端云

踏著秤槌硬似鐵此時有理不能說新羅國裏火

星飛直向雲門指上熱 天寧璉云信步紅塵裏

無人問短長歸來天欲暮片月照滄浪

法華舉禪師僧問如何是佛師云蘆芽穿膝

海印信頌云信手拈來如掣電全機大用疾如風

放行一句通消息後夜猿啼在亂峯

法華示衆云釋迦不出世達磨不西來佛法徧天下

談玄口不開

徑山杲云作賊人心虛

慈明圓禪師僧問如何是佛師云水出高原

師自頌云水出高原也大奇禪人不會眼麻彌若



也未明泥水句燈籠露柱笑嘻嘻 正覺逸云慈  
明爲水出高原天下禪僧走似煙只聽清聲來耳  
畔不知流洛那峯前 瀉山秀云衝斷雲根迸石  
來冷冷千古下崔嵬未明滴滴朝宗意聽取春深  
動地雷 地藏恩云高原水出曉晴天對答臨機  
豈偶然禪子不知流落處一尋寒木破溪煙  
大愚芝禪師僧問如何是佛師云鋸解秤槌

白雲端頌云鋸解秤槌無縫罅風吹日炎朝復夜  
雖然不許亂商量一任稱提遶天下 鼓山珪云  
鋸解秤槌渾似鐵大愚老子曾饒舌水流澗下太  
忙生雲在嶺頭閑不徹 徑山杲云問佛如何是  
宗師即便酬秤槌將鋸解言外度迷流  
楊岐會禪師僧問如何是佛師云三脚驢子弄蹄行  
云莫只這便是師云湖南長老

應庵華云大小楊岐話作兩橛且道薦福爲人眼  
在甚麼處 松源岳云大小楊岐被這僧靠倒  
白雲端頌云三脚驢子弄蹄行奉報行人著眼睛  
草裏見他須喪命只緣踢踏最分明 保寧勇云

前步高兮後步低動頭搖尾三隻蹄騎過關市人  
東西湖南更有須菩提 佛鑑懃云三脚驢子弄  
蹄行騏驎追風越不前踏破化城無覓處湖南長  
老重加鞭 佛性泰云三脚驢子弄蹄行步步蓮  
花襯足生堪笑草中尋覓者不知芳樹囀春鶯  
鼓山珪云三脚驢兒惑殺好長放後園教喫草等  
閑牽去向人前踢倒湖南瞎長老

圓悟勤禪師僧問如何是佛師云口是福門

鼓山珪頌云的的當陽句明明箭後路著靴人喫  
肉赤脚人趨兔 徑山杲云口是福門電激雷奔  
娑竭出海震動乾坤

老宿僧問如何是佛宿云不封不樹

法華舉云大眾會麼若不會重下注脚去也不封  
不樹以棘欒

智門祚禪師僧問如何是佛師云踏破草鞋赤脚走  
云如何是佛向上事師云拄杖頭上挑日月

雪竇顯云千兵易得一將難求 南堂靜云問又  
問得好答亦答得奇今日或有人問踏破草鞋赤

脚走意旨如何只向道碧潭深處清秋月挂杖頭  
上挑日月又作麼生紫羅帳裏撒真珠然雖如是  
此猶是讚歎之語却如何是佛一池菡萏蓮兩株  
清瘦栢如何是佛向上事長向僧家庭何勞問高  
格又頌云踏破草鞋赤脚走胷中憤氣衝牛斗須  
彌頂上擊金鐘百戰場中獅子吼

五祖演禪師僧問如何是佛師云肥從口入又云露  
胷跣足

佛鑑懃頌云老去眉鬚似雪霜元來習氣尙難忘  
少年無限傷心事一度思量一斷腸

五祖示衆云釋迦彌勒猶是他奴且道他是阿誰

南堂靜頌云老年經節藕樂事甚悠悠不及兒童  
日都來不解愁

薦福古禪師僧問如何是佛師云莫莫又問如何是  
祖師西來意師云莫莫

松源岳頌云莫莫拈出一條斷貫索任從我佛及  
衆生遼天鼻孔都穿却

雪竇僧問如何是佛師云四山圍繞

南花曷頌云狂狗逐塊瞎驢趁隊只許我知不許  
你會

佛巖禪師僧問如何是佛向上事師云螺髻子云如  
何是佛向下事師云蓮花座

正覺逸頌云螺紋頂髻蓮花座香象嘖呻獅子吼  
流落人間三百年塞斷天下衲僧口

楊岐會禪師僧問撥塵見佛時如何師云東方來者  
東方坐

白鹿顯禪師僧問如何是無相佛師云灘頭石獅子  
云意旨如何師云有心江上住不怕浪淘沙

三十六萬億一十一萬九千五百同名同號阿彌陀  
佛

或庵體頌云竹溪煙絕雨纔通無數深紅間淺紅  
山店落英春寂寂青旗吹動柳花風

澄慧端禪師僧問如何是佛師云泥捏金裝云如何  
是法師云海口難宣云如何是僧師云剃頭洗鉢云  
向上更有事也無師云不妨惺惺

保福殊禪師僧問如何是佛師云巧畫不似云如何



是法師云巧說不出云如何是僧師云鬚頭跣足

道吾能禪師僧問如何是佛師云毀著不噴云如何

是法師云讚著不喜云如何是僧師云剃除鬚髮

九峯虔禪師因洞山問祖祖相傳合傳何事師云釋

迦徑迦棄富山云如何是釋迦徑師云無物與人云

如何是迦棄富師云國內孟嘗君云畢竟傳底事作

麼生師云百歲老兒看夜燈

禾山方云洞山雖則尋流討源未免黏牙滯齒虔

禪師可謂據令而行畢竟翻成露布若此見得水

到渠成其或未然切莫向燈影中行

丹霞淳頌云寂光影裏現全身貴異天然迥出倫

家富兒奴偏得力夜分燈光照西隣

大光誨禪師僧問達磨是祖不師云不是祖云既不

是祖又來作箇甚麼師云爲汝不薦祖云薦後如何

師云方知不是祖

丹霞淳頌云少林續焰事堪奇騰夜梅開雪後枝

黃蘗昔年曾有語大唐國裏沒禪師

趙州諗禪師僧問牛頭未見四祖時如何師云飽柴

飽水云見後如何師云飽柴飽水

汾陽昭頌云古人抱志坐牛頭信師就話示無休

飽柴飽水安心靜真正無私是趙州

楊岐會禪師僧問少林面壁意旨如何師云西天人

不會唐言

白雲端頌云天高地迥非難見水關山重不易論

萬古八風吹不入西天人不曾唐言

永安靜禪師僧問牛頭未見四祖時如何師云異境

靈松觀者皆羨云見後如何師云棄落已枝摧風來

不得韻

丹霞淳頌云寶杖親携掛翠纓徘徊常遶玉階行

轉身就父無標的拈却花冠不得名

五祖演禪師僧問如何是臨濟下事師云五逆聞雷

云如何是雲門下事師云紅旗閃爍云如何是漚仰

下事師云斷碑橫古路云如何是曹洞下事師云馳

書不到家僧作禮師云何不問法眼下事云留與和

尙師云巡人犯夜

鼓山珪頌五逆聞雷云從來五逆怕聞雷不似大

蟲看水磨孤峯頂上要同行十字街頭還共坐

徑山杲云五逆聞雷曾參顏回一粒豆子爆出冷

灰

護國元禪師僧問如何是臨濟宗師云殺人活人不

眨眼云如何是雲門宗師云頂門三眼曜乾坤云如

何是滄仰宗師云推不向前約不向後云如何是法

眼宗師云箭鋒相敵不相饒云如何是曹洞宗師云

手執夜明符幾箇知天曉

羅漢宗禪師僧問祖師未來時如何師云海分千派

浪地拔萬重山云來後如何師云片雲生晚谷明月

下堂堵

法身

仰山寂禪師僧問法身還解說法也無師云我說不

得別有一人說得云說得底人在甚處師乃推出枕

子瀉山聞乃云寂子用劒刃上事

應庵華云若是劒刃上事仰山何曾會用忽有箇

衲僧出來問章山法身還解說法也無只向他道

我說不得別有一人說得又問說得底人在甚處

只對他道三生六十劫 松源岳云仰山尋常一

條脊梁硬似鐵破這僧連拶兩拶便乃四稜塌地

瀉山一期忍俊不禁不知失却一隻眼忽有僧問

治父法身還解脫法也無便與攔臂一踏踏倒教

伊起來作箇灑灑落落底漢不見道犀因翫月紋

生角象被雷驚花入牙

乾峯禪師上堂云法身有三種病二種光須是一一

透過始得須知更有照用同時向上一竅雲門出衆

云庵內人爲甚不見庵外事師呵呵大笑門云猶是

學人疑處師云子是甚麼心行門云也要和尚相委

師云直須與麼始解穩坐門應諾諾

雪竇顯云若明得褒貶句未必善因而招惡果

瀉山果云乾峯平地生堆韶石因風起浪雖然合

水和泥千古叢林榜樣既是合水和泥爲甚麼却

是叢林榜樣不入洪波裏爭見弄潮人 四祖登

云乾峯布漫天網打鳳羅龍格外清規爲尋知己

雲門酒逢知己飲詩向會人吟也是利動君子要

見二大老麼好手手中誇好手一條拄杖兩人昇

白雲端頌云鋪主將鑰試寶人謂言難似此金眞  
實人拂袖先行去滿面慚惶不敢噴 佛性泰云  
垂鈎四海釣獐龍格外玄談知已從相見披衫帶  
席帽不妨把手上高峯 楚安方云三種病兮二  
種光法身於此露堂堂時人不曾箇中意猶把法  
身護度量 欽山方云三種病兮二種光納僧於  
此共商量商量得到無疑地野草閑花滿地香

身  
雲門偃禪師僧問如何是透法身句師云北斗裏藏

徑山杲云雲門老人怎麼道只答得法身句未答  
得透法身句今日或有人問徑山如何是透法身  
句卽向他道螻蛄眼裏放夜市大蟲舌上打鞦韆  
玉澗林頌云北斗藏身爲舉揚法身從此露堂堂  
雲門賺殺他家子直至如今護度量 慈明圓云  
南北東西萬萬千乾坤上下廣無邊相逢相見呵  
呵笑屈指擡頭月半天 雪竇頌云老倒雲門泛  
鐵船江南江北競頭看可憐無限垂鈎者隨例忙  
忙失釣竿 五祖演云何事文星與酒星一時分

同  
欽山方下

付與先生高吟大醉三千首留與人間伴月明  
無盡居士云透出毗盧頂上光夜來星轉斗中藏  
禪家不指天師訣也解交乾步踏岡  
雲門僧問如何是法身師云六不收

雪竇頌頌云一二三四五六碧眼胡僧數不足少  
林護道付神光卷衣又說歸西竺西竺茫茫無處  
尋夜來却對乳峯宿 白雲端云六不收兮調最  
新能欵何待繞梁塵和風滿檻花千樹不換乾坤  
別是春 圓悟勤云一不立六不收突然那更有  
蹤由無限青山留不住落花流水太悠悠  
雲門僧問如何是清淨法身師云花藥欄云便與麼  
去時如何師云金毛獅子

雪竇頌著語云太無端 天童覺云賊來須打客  
來須待雲門雪竇二俱作家這裏莫有便與麼去  
者麼切忌撞頭磕額

雪竇頌云花藥欄莫顛預星在秤兮不在盤便與  
麼太無端金毛獅子大家看 雲溪恭云是處三  
春花藥欄五湖禪客不須看尋枝摘葉應難會牙

爪分明子細觀 枯木成云遊子奔馳不少安但

知門外逐歎自家田地荒來久只看人間花藥欄 佛智裕云清淨法身拖藥欄眉毛刺倒須彌

山誰將玉笛傳淒怨吹過蘆叢明月灣

雲門僧問如何是法身向上事師云向上與汝道即不難作麼生會法身云請和尚鑑師云鑑即且致作麼生會法身云與麼與麼師云這箇是長連床上學得底我且問汝法身還解喫飯麼僧無對師云須知是學語之流

雪竇顯云將成九仞之山不進一簣之土過在甚麼處梁山庵主云雲門直得入泥入水 玄覺云喚甚麼作飯 圓悟勤云雲門可謂駢耕夫之牛奪飢人之食權衡佛祖龜鑑宗乘所以後來尊宿各出眼目扶豎大教雖然如是只明得法身邊事未明得法身向上事且道如何是法身向上事域中無向背闔外有權衡

南堂靜頌云韶陽機鋒迅雷霹靂僧問法身喫飯不喫學語之流卒說不出山河大地聊充饑四海

### 五湖輕一吸

雲門云光不透脫有兩般病一切處不明面前有物是一又透得一切法空隱隱地似有箇物相似亦是光不透脫又法身亦有兩般病得到法身為法執不忘已見猶存坐在法身邊是一直饒透得法身去放過即不可子細點檢來有甚麼氣息亦是病

徑山杲云不用作禪會不用作道會不用作向上商量此是雲門老漢據實而論我恁麼道有沒量罪過汝若檢點得出許你具擇法眼若檢點不出且向雲門葛藤裏參

天童覺頌云森羅萬象許崢嶸透脫無方礙眼睛掃彼門庭誰有力隱人曾次自成情船橫野渡瀟秋碧棹入蘆花照雪明串錦老漁懷就市飄飄一葉浪頭行

芭蕉清禪師僧問如何是透法身句師云一不得問二不得休云學人不曾師云第三度來與你相見松源岳以拂子擊禪床云還見麼握土成金猶可易變金爲土始知難

投子青頌云休問維摩臥病城靈山空自掩光陰  
流沙欲渡全無難莫聽鶯啼在那林 西禪需云  
一不問兮二不休直須識取那鉤頭再三回首來  
相見急水波心輓綉球

白馬禪師僧問如何是清淨法身師云井底蝦蟆  
吞却月

黃龍僧問如何是井底蝦蟆吞却月龍云不柰何  
云恁麼即吞却去也龍云一任吞云吞後如何龍  
云好蝦蟆

丹霞淳頌云九重深密視聽難玉殿瓊樓宿霧攢  
覺理盡歸臣相事輪王不戴寶華冠

風穴沼禪師僧問如何是清淨法身師云金沙灘頭  
馬露婦

浮山遠頌云相逢盡道歸山去林下何曾見一人  
回首面南看北斗金雞早報五更春 海印信云  
截鐵之機安可測頓開千眼莫能窺禪人到此徒  
名貌錯認查梨作乳梨 正覺逸云金沙灘裏馬  
郎婦宗匠臨機發一言自笑箭穿紅日影孰云斫

水不成痕 無盡居士云何年嫁事馬家郎鳳枕  
同歡碧玉床回首畫橋離別苦落花流水淚千行  
蟾首座問洞山佛真法身猶若虛空應物現形如水  
中月作麼生說箇應底道理山云如驢觀井座云是  
則是只道得八成山云首座作麼生座云如井觀驢  
或作曹山問僧

瑞巖鴻云首座始道一半洞山方得八成要得全  
道麼如井觀井

枯木成頌云出路從前無十成有言須是脫凡情  
江邊玉女呵呵笑嶺上石人側耳聽 無爲居士  
云驢觀井井觀驢五臺何處不文殊黃面老人任  
多口未知道得八成無 天童覺云驢觀井井觀  
驢智容無外淨涵有餘肘後誰分印家中不蓄書  
機絲不掛校頭事文彩縱橫意自殊

大龍禪師僧問色身敗壞如何是堅固法身師云山  
花開似錦澗水湛如藍

禾山方云這僧只有照壁月更無吹葉風若不是  
大龍全機幾乎話作兩橛參



雪竇顯頌云問曾不知答還不會月冷風高古巖  
寒檜堪笑路逢達道人將語默對手執白玉鞭  
驪珠盡擊碎不擊碎增瑕類國有憲章三千條罪  
南堂靜云色身敗壞世常情一點靈光到處晶  
澗水如藍花似錦法身何處不分明 地藏恩云  
山花如錦水如藍雲在高峯月在潭兩箇泥牛闕  
入海行人脫袴杖頭檐 佛鑑懃云山花似錦春  
長在澗水如藍碧湛然信步白雲深處去須知別  
有洞中天

疎山示衆云老僧咸通年已前會得法身邊事咸通  
年已後會得法身向上事雲門問承聞和尚咸通年  
已前會得法身邊事咸通年已後會得法身向上事  
是不師云是問云如何是法身邊事師云枯椿云如  
何是法身向上事師云非枯椿云還許學人證道理  
也無師云許云枯椿豈不是明法身邊事師云是云  
非枯椿豈不是明法身向上事師云是云法身還該  
一切也無師云作麼生不該門措淨餅云還該這箇  
麼師云闍梨莫向淨餅邊會門使你禮

上方岳云疎山總是戰爭收拾得却因歛舞破除  
休雲門舌上有龍泉 徑山杲云雲門禮拜不是  
好心

古德頌云青青掩映松蘿窻脩竹超然物外物若  
將脩竹比喬松不及喬松老風骨

烏石靈觀禪師僧問如何是毗盧師法身主師云不  
道云爲甚麼不道師云我若道即縮却我舌我若不  
道即嚙却我口其僧舉似洞山山大展坐具禮拜云  
古佛古佛

圓悟勤云猛虎口裏橫身毒蛇頭上措痒須是作  
家宗師方有此箇手段若不是洞山泊嶮放過也  
還知落處麼謂言侵早起更有夜行人

南堂靜頌云烏石老古錐門風能峭絕有問毗盧  
師開口端的別箇有齧鐵機天無第二月軟語若  
金剛溫是和生鐵

廣德延禪師僧問如何是透法身句師云無力登山  
水茆戶絕知音

丹霞淳頌云體妙探玄盡涉程爭如野老異中行

功忘日用平懷穩免事君王寵辱驚

天寧楷禪師上堂云法身者理妙言玄頓超終始之思諸仁者莫是幻身外別有法身麼莫即幻身便是法身麼若也恁麼會去盡是依他作解蒙昧兩岐法眼未得通明不見僧問夾山如何是法身山云法身無相如何是法眼山云法眼無瑕所以道吾云未有師在忽有人問老僧如何是法身羊便乾處臥如何是法眼驢便濕處尿更有人問作麼生是法身買帽相頭作麼生是法眼坑坎堆阜若點檢將來夾山祇是學處不立如流俗閨閣裏物不能捨得致使情關固閉識鎖難開老僧今日若不當陽顯示後學何以知歸勸汝諸人不用求真唯須息見諸見若盡昏霧不生自然智鑑洞明更無他物諸人還會麼良久云珠中有火君須信休向天邊問太陽

丹霞淳頌云道合平常絕異端行人何必歷艱難從今莫買孫臍卜龜殼無靈不用鑽

佛像

世尊往忉利天爲母說法優填王思佛命匠人雕旃

檀像及至世尊下來像亦出迎

五祖演云諸人且道下來底是出迎底是又教中道如來者無所從來亦無所去莫是法身無來去化身有來去麼若人於此見得日消萬兩黃金其或未然草鞋錢教甚麼人還

無邊身菩薩將竹杖量世尊頂丈六了又丈六量到梵天不見世尊頂相乃擲下竹杖合掌說偈云虛空無有邊佛功德亦然若有能量者窮劫不可盡

五祖演云大衆無邊身菩薩說偈且止諸人還解自量也無若教老僧自量直是無下手處不見古人道鉢克佛座功德難量蓋子燒香紫雲纓鬘何故如是別是一家春

南泉願禪師因陸亘大夫問弟子家中有一片石亦曾坐亦曾臥如今欲鑄作佛也還得麼師云得得陸云莫不得麼師云不得不得

雲巖云坐即佛不坐即非佛 洞山云不坐即佛坐即非佛 保福展云南泉看樓打樓雲巖洞山一起一倒 五祖戒云南泉只解移風不解易俗



雲巖洞山夢中說夢 虎丘隆云南泉雖似鏡之端形胡來胡現漢來漢現只是不通檢點當時待他道弟子家中有一片石亦曾坐亦曾臥欲鐫作佛得麼只對道莫惜高名鐫石上維摩傾盡此時心 天童覺云轉功就位轉位就功還他洞上父子且道南泉意作麼生直是針錐不得 眞如結禪師頌云得與不得天寬地窄坐臥經行無勞疑惑 正覺逸云問得也道得不得還不得侯白何曾白侯黑未是黑寶池王老師天下賊中賊賊大夫象簡曾拈得 黃龍震云南泉得得何似不得淑人君子其儀不忒 佛眼遠云親從家中來家中何所有持此一片石廣大堅且久靈山曾獻佛帝釋聊舉手心中出何物安樂并長壽丹震然禪師嘗到洛京慧林寺值天寒遂於殿中取木佛燒火向院主偶見呵責云何得燒我木佛師以杖撥灰云吾燒取舍利主云木佛安有舍利師云既無舍利更請兩尊再取燒之院主自後眉鬚墮落投子青云不會爲客勞煩主人 應庵華云諸方

商量道院主忽起疑心而致斯禍又云院主天寒不與丹霞火向致令燒却木佛遂乃眉鬚墮落殊不知院主買鐵得金一場富貴 無盡居士頌云雪擁巖扉凍不春一尊木佛劈爲薪眼睛動處眉毛落爲謗如來正法輪 投子青云古巖苔閉冷侵扉飛者驚危走者迷夜深寒熱汀洲火失曉漁家忙自疑 佛燈珣云老倒丹霞燒木佛院主眉鬚剛突出罪過從來做底當誰道千虛不博實 楚安方云覲面難藏向上機宗風千古爲人施銀山鐵壁重重透賴有丹霞院主知長髭曠禪師初參石頭頭問甚麼處來師云大庾嶺頭來云大庾嶺頭一鋪功德成就也未師云成就久矣只欠點眼云莫要點眼不師云便請石頭垂下一足師便禮拜頭云見甚麼道理便禮拜師云如紅爐上一點雪 玄覺云且道長髭具眼祇對不具眼祇對若具眼爲甚麼請他點眼若不具眼又道成就久矣且作麼生商量法燈代云和尚可謂眼昏 雪竇顯云

無眼功德有甚麼點處 南華曷云喚作一鋪功德已是強名石頭垂下一足長髭云如紅爐上一點雪轉見漏逗雖然如是劍閣路雖峻夜行人更多

保寧勇頌云一鋪大悲千手眼十分圓就未開光君看筆下神通現更有靈蹤在上方 天童覺云嶺頭功德眼倦足等閑垂紅爐一點雪直下廓亡依 無盡居士云國平精奇老石頭毫端點出佛雙眸破繩床上閑垂足兩道神光夜不收 智海清云長髭未向嶺南來功德圓成眼已開珍重善財回首處文殊元不下樓臺 草堂清云撥草瞻風到石頭關山重疊路迢迢嶺頭功德圓成久一點紅爐雪未消

黃藥運禪師因裴相國捧一尊像於師前跪云請師安名師召云裴休裴應諾師云與汝安名竟裴作禮雪竇顯代裴相國當時便喝

汾陽昭頌云師前跪托請安名驚地當鋒喚一聲不是裴公誰敢應直教聾瞽也開聽 佛印元云

胡龜鵬

裴相當時忘却名被人喚著又惺惺不知本具胞胎目誰敢塗胡此性靈 保寧勇云五彩繡來掌上擎老胡剛爲立虛名君今欲得超諸祖須向金剛頂上行 草堂清云不是心兮不是佛黃藥喚出是何物裴公從此認虛名天下禪僧跳不出楚安方云捧來前面請安名黃藥高高喚一聲剖出從前真面目從茲佐得國風清

黃藥因裴相國入大安寺見壁間高僧畫像乃問主僧眞容可觀高僧何在主無語裴云此間莫有禪僧麼主云近有一僧投寺轉役頗似禪僧卽是師也裴乃召至理前話師云請相公垂問裴云眞容可觀高僧何在師召相公裴應諾師云高僧何在裴於言下大悟

應庵華云大衆黃藥布縵天綱要打衝浪錦鱗裴相國坐籌帷幄不妨決勝千里諸人若也於此見得個儻分明可謂今之古之苟或未然三尺龍泉光照膽萬人叢裏奪高標

趙州諗禪師示衆云泥佛不度水金佛不度鐵木佛

不度火

白雲端云大衆趙州老子十二刺骨頭八萬四千  
毛孔一時拋向諸人懷裏了也圓通今日路見不  
平爲古人出氣以手拍禪床一下云須知海嶽歸  
明主未信乾坤陷吉人參

雪竇顯頌云泥佛不度水神光照天地立雪如未  
休何人不雕僞金佛不度鑪人來訪紫胡牌中數  
箇字清風何處無木佛不度火常思破竈墮杖子  
忽擊著方知辜負我 白雲端云併却泥佛金木  
佛趙州放出遼天鵲東西南北謾擡頭萬里重雲  
只一突 鼓山珪云金佛木佛泥佛度鑪度水度  
火盡入趙州紅鑪烈焰光中煅過一聲白雪陽春  
萬古無人能和 徑山杲云九十七種妙相顧陸  
丹青難狀趙州眼目精明覩見心肝五臟

禪林類聚卷第二

禪林類聚卷第三

伽藍

殿堂

塔廟

丈室

門戶

橋路并附

伽藍

世尊與衆行次以手指地云此處宜建梵刹帝釋將  
一莖草插於地上云建梵刹已竟世尊微笑  
天童覺頌云百草頭上無邊春信手拈來用得親  
丈六金身功德聚等閑攜手入紅塵塵中能作主  
化外自來賓觸處生涯隨分足未嫌伎倆不如人  
無著禪師因往五臺禮文殊因告辭文殊命均提童  
子送出門首師問此寺是何名額童子指金剛背後  
師回首寺與童子俱隱沒只見荒草空谷  
洞山云欲觀其父先觀其子 烏巨行云此是兄  
弟合做底事還會麼坐寺忽然隱處無著已眼親  
開童子再三喚時數目十分具足  
明招謙頌云廓周沙界聖伽藍滿目文殊接話談  
言下不知開佛眼回頭只見翠山巖 正覺遜云

寺額突然耀指端大悲千眼莫能觀自從一觀金剛背直至如今作野盤 佛印元云樓臺雖有額全無試問頑童起劫初忽指金剛看背後年衰多被鬼椰榆 道吾真云前後三三是多少大事光輝明皎皎回頭不見解空人滿目白雲臥荒草

趙州諗禪師僧問如何是清淨伽藍師云了角女子云如何是伽藍中人師云了角女子懷胎

汾陽昭頌云橫臂抱腹藏龍種刻膽披肝觸鳳胎勿謂此兒容易得須知出自痛腸來 海印信云咄這老竭得恁饒舌清淨伽藍一時漏泄金剛門外笑呵呵菩薩堂中聲嘎嘎 古德云伽藍雖是常清淨了角懷胎不識羞無意氣時添意氣不風流處也風流

西院明禪師僧問如何是伽藍師云荊棘叢林云如何是伽藍中人師云獐兒猢猻子

圓悟勤頌云毫髮不留縱橫自由闔外乾坤廓落大方無外優游明明祖師意明明百草頭翻破狐疑網截斷愛河流縱有回天力爭如直下休四衢

道中淨裸裸放出瀉山水牯牛

石門徹禪師僧問如何是無相道場師云月照水澄澄青山無異路云如何是道場中人師云我今向汝說汝還會也麼

大陽堅禪師僧問如何是無相道場師云不坐菩提樹嚙向雪山遊又云佛殿裏懸幡

寶蓋山禪師僧問一間無漏舍合是何人居師云無各不掛體云還有位也無師云不處

金華志禪師因曹山問作甚麼來師云蓋屋來山云了也未師云了也云這邊事則了那邊事作麼生師云候一日來白和尚山云如是如是

梁武帝問達磨起寺見帝王門般若寺被火焚見永火門

### 殿堂

投子大同禪師僧問如何是空王殿師云建立不得雪峯存禪師僧問如何是空王殿師云大小云如何是空王佛師云是甚麼

雲門偃禪師僧問古殿無佛時如何師云梵音何來南堂靜頌云古殿無佛梵音何來夢中喚省樓閣



門開靈光一點絕塵埃羅古騰今偏九垓

南院顯禪師僧問古殿重興時如何師云明堂瓦插

簷云恁麼則莊嚴畢備去也師云斬草蛇頭落

古德頌云縱奪之機安可測隨言生解實堪悲曉

來一陣春風起吹落庭前三四枝

德山鑿禪師行脚時挾複子到瀉山直上法堂上從

西過東從東迤西顧視方丈瀉山不顧師云無無便

出去雪竇顯着語云辭破了也師至門首却云也不得草草却具

威儀再入相見纔跨門提起坐具召云和尚瀉擲取

拂子師便喝拂袖而出發云勸瀉至晚問首座今日

新到在不座云當時背却法堂著草鞋出去了也瀉

云還識此人麼座云不識瀉云此子已後向孤峯頂

上盤結草庵呵佛罵祖去在發云雪上加霜

五祖戒云德山作賊人心虛瀉山賊過後張弓

徑山杲云二尊宿恁麼相見每人失却一隻眼

雪竇顯頌云一勘破二勘破雪上加霜曾嶮墮飛

騎將軍入虜庭再得完全能幾箇急走過莫放過

孤峯頂上草裏坐上方益云偷營所寨入中軍

應是機謀已十分袖裏金鑰猶未動山前飛騎去

紛紛海印信云虎穴深林人不不到者還須是

獵人老虎睡驚纔舉目瞥然跳出獲全身佛鑑

勲云德山老能法戰一喝聲光吼雷電騎虎頭兮

收虎尾捋虎鬚兮真可羨急走下山三十里又被

瀉山追一箭

雪峰存禪師示衆云望州亭與汝相見了也烏石嶺

與汝相見了也僧堂前與汝相見了也後來保福問

鵝湖僧堂前且致望州亭烏石嶺甚麼處相見來鵝

湖驟步歸方丈保福便低頭入僧堂

東禪齋云此二尊宿會不是相見不相見試斷看

雪竇顯云二老是則是只知雪峰放行不見雪

峯把定忽有箇衲僧出來問未審雪竇作麼生豈

不是別機宜識休咎底漢還有望州亭烏石嶺相

見底衲僧麼良久云擔板禪和如麻似粟薦福

信云古人與麼只有順水之波且無逆風之浪

寶林遠云雪峯是三處相見保福以兩處問人鵝

湖只解把定不解放行若有問寶林烏石嶺望州

亭甚麼處相見攔腰便掌待伊攔腰拽拄杖打出三門且要與雪峯流通此話

汾陽昭頌云望州烏石與堂前相見相逢萬萬千唯有鵝湖并保福此時相見解推遷海印信云望州烏石常相見何故禪人却背違保福鵝湖雖得意理兵曾未展鏘旗佛眼遠云密密堂堂早一二三本來無物更何堪癡人見了生歡喜作者相逢滿面慚徑山杲云望州烏石與僧堂業識忙忙不可當提起衲僧拄杖子五湖四海沸如湯大洪遂云登山邊水幾區區特地相逢問道途堪笑華山潘處士長安路上倒騎驢

雲居簡禪師僧問孤峯獨宿時如何師云閑却七間僧堂誰教你孤峯獨宿

丹霞淳頌云法爾非修本十成平常酬答最分明端然指出長安道無奈遊人不肯行

### 塔廟

疎山仁禪師因主事僧爲師造壽塔了來白師師云汝將幾錢與匠人僧云一切在和尙師云爲將三文

錢與伊爲將兩文錢與伊爲將一文錢與伊若道得與吾親造塔僧無對後有僧到大嶺即羅山也舉前話嶺云還有人道得不云未有人嶺云汝回舉似疎山道大嶺云若將三文與伊和尚此生決定不得塔若將兩文與伊和尚與匠人同出一隻手若將一文與伊累他匠人眉鬚墮落僧回舉似疎山山具威儀遙望大嶺禮拜歎云將謂無人大嶺古佛放光射此間雖然如是也是藕月蓮花大嶺後聞之乃云我與麼道已是龜毛長三尺

浮山遠云疎山以錐割地大嶺用刀剗空雖然二古德錯下錐刀今時人亦難構赴何故後語中有稍有殺然雖如是河裏失錢河裏漚圓悟勸云諸方作者千里同風萬派朝宗千途共轍陳尊宿尋常道老僧只有一口劍劍下有殺人之意亦有分身之路看他受用剗割不妨八面玲瓏若不是疎山度量通方爭見得金聲玉振只如道若將三文與伊和尚此生決定不得塔不可勢而無功若將兩文與伊和尚與匠人同出一隻手未免龜泥

帶水若將一文與伊累他匠人眉鬚墮落直得水  
灑不著疎山云也是藕月蓮花土曠人稀大嶺云  
已是龜毛長三尺亦有殺人刀亦有活人劍大衆  
且道畢竟明甚麼邊事翻身獅子大家看 佛燈  
珣云疎山傾囊答謝其奈尺頭有寸這僧只知造  
塔元來秤尾無星大嶺三文兩鑑支破不難慧日  
若作這僧待疎山恁麼道但對曰某甲今日功不  
浪施著得箇語免被三文兩鑑擾亂一生不教疎  
山外揚家醜只如藕月蓮花龜毛三尺又且如何  
要會麼待諸人造塔成就卽向你道  
佛鑑歎頌云接得風流傳粉郎一朝三度巧粧粧  
改頭換面無人識元是東村李二娘 佛性泰云  
窄堵波成賞匠人工錢一二與三文可憐眼裏無  
筋者當面定將數目分 鼓山珪云補頭打領無  
添減腋下剗襟有短長大庾嶺頭一尊佛疎山兩  
度放毫光 徑山杲云鑿壞十方常住地三錢使  
盡露屍骸羅山古佛雖靈驗未免將身一處理  
雲巖因云一文兩文與三文疎山大嶺謾區分須

知無縫元無價獨露乾坤皓白雲

興化契禪師僧問多子塔前共談何事師云一人傳  
虛萬人傳實

投子青云然諸佛不出世亦無有涅槃佛既如是  
道亦如然是以從上諸聖密證此地所以燃燈不  
付正覺自成法既無傳至今續焰法既無得更復  
何談罔測稱揚虛談玄說然到此地者何必塔前  
相見對衆拈花截臂傳衣方爲道矣旣不如是因  
甚麼大庾嶺頭提不起復頌云於道無所遺方顯  
高法露或明或暗行不愼亦不護月來松色寒雲  
去青山露今古天台橋幾人能得度

### 文室

世尊令文殊詣維摩詰處問疾時維摩詰心念今文  
殊師利與大衆俱來卽以神力空其室內除去所有  
及諸侍者唯置一床以疾而臥文殊旣入其會見其  
室空無諸所有獨寢一床時維摩詰遂與文殊廣說  
法要於是維摩詰現神通力卽時須彌登王遣二萬  
二千獅子之座高廣嚴淨入維摩詰室諸菩薩大弟



子釋梵四天王等昔所未見其室廣博悉包容三萬二千獅子座無所妨礙於毗耶離城及閻浮提四天下亦不迫迤悉見如故

瀉山祐禪師方丈頌云瀉山方丈峭峻難上若人踏著氣如攀將

雲峯悅云作家宗師天然有在僧問和尚作麼生因有頌示之云翠巖方丈曾無遮障衲子人來便見和尚僧便禮拜起師云還見翠巖這箇老漢麼僧擬議師以拂子烹口掇

石霜諸禪師在丈室中坐有僧在明牕外問云咫尺之間爲甚麼不覩師顏師云我道徧界不曾藏僧後問雪峰徧界不曾藏意旨如何峯云甚麼處不是石霜僧回舉似師師云這老漢有甚麼死急

玄沙云山頭老漢蹉過也 洞山代云笑殺土地

五祖戒云著甚來由 琅琊覺云雪峯雖有利人之心且無出人之眼石霜雖有出人之眼未知向上一竅 法雲秀云要見石霜麼富嫌千口少貧恨一身多

汾陽昭頌云千疑萬慮扣禪關徧界非藏豈小言象骨玄沙猶定動悞他遊子失歸源高賢不用隨聲色地久天長目對門 保寧勇云雙眸自小患生盲兩耳從來只聽聲指點萬端俱不見如何彈指得分明 佛慧泉云石霜雪老盡悠悠月下相逢互唱酬爭似酌螺江上客一聲漁笛過滄洲南華曷云咫尺之間不覩師顏幸然獨露誰作遮欄老倒石霜曾指月區區雪老重饒舌釣魚船上謝三郎金剛腦後添生鐵

慈明圓禪師一日於方丈內安一盆水上橫一口劍下著一雙草鞋橫按拄杖而坐見僧入門便指僧擬議師便棒

已菴頌云和尚今日供養家親那又以手擲掄便作女人拜 應庵華云我當時若見便去左耳邊低低地下一轉語待他貪觀天上却與一指纖纖擬議拔劍便斬驀拈拄杖下座大眾一時趕散

水庵一頌云家山指出路非遙萬仞嵯峨插碧霄一片白雲橫谷口幾多歸鳥盡迷巢 佛海遠云

暑往寒來春復秋夕陽西去水東流將軍戰馬今何在野草閑花滿地愁

南泉願禪師僧問端居丈室將何指南師云昨夜三更失却牛天明起來失却火

徑山杲云妙喜初住育王亦不曾失却牛亦不曾失却火或有人問師居丈室將何指示於人只向道饑餐渴飲閑坐困眠且道與南泉是同是別若也道得許你是箇禪僧若道不得三十年後却來方丈裏向你道

保寧勇頌云昨夜三更失却牛天明起來失却火腰未繫兮鞋未穿面不洗兮頭不裹

### 門戶

世尊一日見文殊在門外立乃云文殊文殊何不入門來文殊云我不見一法在門外何以教我入門玄覺徵云爲復是門外語門內語 潯山慧代云吾不如汝 性空云文殊雖善道理未免以方木逗圓孔

維摩會上三十二菩薩各說不二法門至文殊云我

於一切法無言無說無示無識離諸問答是爲菩薩入不二法門文殊又問維摩維摩默然文殊嘆云乃至無有語言文字是菩薩眞入不二法門說是入不二法門時於此衆中五千菩薩皆入不二法門得無生法忍

保福展云文殊也似掩耳偷鈴力盡烏江維摩一默未出化門又云大小維摩被文殊一坐直至如今起不得 琅瑯覺云文殊與麼讚善也是杓卜聽虛聲維摩默然你等諸人切不得鑽龜打瓦雪竇頌云維摩道甚麼復云勘破了也 潯山果云居士高門可謂壁立萬仞水泄不通擬心即差動心即隔不擬不動落在無事界中時人作麼生入良久云退後退後雪竇頌云咄這維摩老悲生空懊惱臥疾毗耶離全身太枯槁七佛祖師來一室且頻掃請問不二門當時便靠倒不靠倒金毛獅子無處討 白雲端云一箇兩箇百千萬屈指尋文數不辨暫時放在暗牕前明日與君重計算 天童覺云曼殊問

疾老毗耶不二門開看作家現表粹中誰賞鑑忘  
前失後莫咨嗟區區抱璞兮楚庭則土璫璫報珠  
兮隋城斷蛇休點破絕疵瑕俗氣渾無却較些  
西禪需云言言兮飄雨灑雪默默兮雷轟電  
掣藕絲孔裏騎大鵬等閑挨落天邊月

滄山祐禪師在百丈時因司馬頭陀問野狐話作麼  
生會師乃以手撼門扇三下陀云太廳生師云佛法  
不是這箇道理

佛心才頌云因果雙行孰共知茫茫四海路多岐  
擡頭拶出初生月便効張公畫翠眉 佛眼遠云  
春至百花開朱顏安在哉可憐園裏色不入鏡中  
來 佛燈珣云盲人來與痴人抓說著無因話病  
苗一下被他抓著後平生痒處一時消

鶴林素禪師因僧敲門師問是甚麼人云是僧師云  
非但是僧佛來亦不著云佛來爲甚麼不著師云無  
汝止泊處

松源岳頌云十月清霜重臨風徹骨寒苦無棲泊  
處攪手出長安

趙州在方丈內聞沙彌喝參乃向侍者云教伊去侍  
者纔教去沙彌便珍重師向傍僧云沙彌得入門侍  
者在門外

雪居錫云甚麼處是沙彌得入門侍者在門外這  
裏會得便見趙州

鼓山珪頌云得入門在門外說向人人不會更高  
聲我耳背 徑山杲云瑟瑟風松蕭蕭雨檜獅子  
咬人韓獪逐塊

趙州僧問如何是趙州師云東門西門南門北門

雪竇顯頌云句裏呈機劈面來燦迦羅眼絕纖埃  
東西南北門相對無限輪蹄擊不開 羅漢南云  
豁達門開入趙州東西南北任遨遊龍樓鳳閣依  
然在失却來時好路頭 照覺總云四廓闢闢  
趙州幾於城下起戈矛將軍戰馬今何在野草閑  
花滿地愁 普融平云袖裏金鎚一擊開東西南  
北絕纖埃石橋南畔臺山路報你遊人歸去來  
圓通僊云四門開豁任來遊脚下分明到地頭圓  
五百條花柳巷二三千處管絃樓

良遂座主初參麻谷谷見來便將鋤頭去鋤草主到鋤草處谷殊不願便歸方丈閉却門主次日復去谷又閉門主遂敲門谷乃問阿誰主云良遂纔稱名忽爾契悟乃云和尚莫瞞良遂良遂若不來禮拜和尚泊合被十二部經論賺過一生谷乃開門令通悟由遂印可之及歸講肆散席告諸徒云諸人知處良遂總知良遂知處諸人不知

雲門云便有逆水之波如今得入是順水之意亦喚作雙放時節又云麻谷問阿誰他道莫瞞某甲不是識破麻谷相見時節若不禮拜和尚泊被經論賺過一生亦知有賺人處又云作麼生是良遂知處

汾陽昭頌云逆順之機不易當大根良遂解思量若非久積同風事爭肯回頭見法王 正覺逸云禪林深窳乍遊盤鋤草關門豈易看莫謂老師渾不是得相瞞處且相瞞 佛眼遠云平生心膽向人傾到此門中有幾人別後都城舊知已暖煙斜日又黃昏 白雲端云閉戶攜鋤已太賒更來當

面受塗茶光中自覺遭瞞久方信無人共出家  
海印信云閉戶攜鋤理最幽豁然大悟話元由覺  
來學業空勞力始信黃河輓底流

雲蓋安禪師因僧問石霜萬戶俱閉時如何霜云堂中事作麼生僧經半年方始道得云無人接得渠霜云道也太煞道祇道得八九成師聞却禮請石霜爲道霜不道師乃抱霜從方丈後去坐云和尚若不道須打和尚去霜云得在師乃禮拜不住霜云無人接得渠師於言下有省

東禪齊云只如石霜意作麼生若道一般前來爲甚麼不許伊若道別有道理又只重說一偏且道古人意作麼生 翠巖芝云先行不到末後太過 徑山杲云一對無孔鐵鎚就中一箇最重 天童覺云穩密田地忌墮功勳貼體衣裳會須脫却 宗中辨的量外轉機須子細始得同中之異酌然尙帶依稀異中之異直是難臻妙極還到石霜父子轉側處麼燭曉玉人初破夢夜寒青女未登樓 投子青頌云古殿嚴開月鎖松霜凝雪露韻無窮

星前人臥千峯室佛祖無因識得渠

雲居膺禪師僧問六戶不明時如何師云不涉緣云  
向上事如何師云慎者不讓

投子青頌云春到石人視遠山鶯啼花木碧波閑  
須知雲外巖松瑞千古迎風任歲寒

夾山會禪師僧問會處卽不問不會處請師一言師  
云戶掛凋林影中辨取

丹霞淳頌云威音那畔不能行撒手還家懶問程  
寢殿無人空寂寂滿牕唯有月虛明

### 橋路并附

馬祖一禪師因鄧隱峯辭師師云甚處去云石頭去  
師云石頭路滑云竿木隨身逢場作戲便去纔到石  
頭遂繞禪床一匝振錫一下問是何宗旨頭云蒼天  
蒼天峯無對却回舉似師師云汝更去見他道蒼天  
蒼天汝便噓兩聲峯又去一依前問頭乃噓兩聲峰  
又無語歸舉似師師云向汝道石頭路滑

趙州諗禪師僧問久嚮趙州石橋到來祇見略約師  
云你祇見略約不見石橋云如何是石橋師云渡驢

渡馬云如何是略約師云箇箇度人

雲居錫云趙州爲當扶石橋扶略約

智門祚頌云趙州石橋本無星水急遊魚不易停  
橋上祇觀驢馬跡誰人敢向御街行 雪竇顯頌  
云孤危不立道方高入海還須釣巨鯨堪笑同時  
灌溪老解云劈箭亦徒勞

趙州僧問如何是不錯路師云識心見性是不錯路

徑山杲云棒打石人頭響響論實事不用作禪會  
不用作道會若要不錯路須是識心見性始得且  
那箇是識底心那箇是見底性有般底聞恁麼道  
便道有水皆含月無山不帶雲恁麼見解正是鄭  
州出曹門

盤山積禪師示衆云向上一路千聖不傳學者勞形  
如猿捉影

琅瑯覺云上來講讀無限良因 楊岐會云口上  
著

白雲端頌云盤山向上路何玄罕見行人耳有響  
口上著來無咬處方知千聖不能傳 松源岳云



千聖不傳到今日口上著來無等匹洞庭山脚太湖心行人路上空嗽唧

嗣山价禪師僧問和尚尋常令學人行鳥道如何是鳥道師云不逢一人云如何行師云直須足下無私去云祇如鳥道莫便是本來面目師云闍黎爲甚麼却顛倒云甚麼處是學人顛倒處師云若不顛倒爲甚麼却認奴作郎云如何是本來面目師云不行鳥道

丹霞淳頌云古路脩然倚太虛行玄猶是涉崎嶇不登鳥道雖爲妙點檢將來已獨途

神山密禪師與洞山過獨木橋洞山先過了拈起木橋云過來師云价闍黎洞山乃放下木橋

丹霞淳頌云平地無端鑿陷坑木橋拈起使人行

沈沈寒水如何渡月夜金雞報五更

乾峰僧問十方薄伽梵一路涅槃門未審路頭在甚麼處師以拄杖劃云在這裏僧後請益雲門門拈起扇子云扇子踣跳上三十三天築著帝釋鼻孔東海鯉魚打一棒雨似盆傾會麼會麼

◆浪遊歌

雪竇顯代僧喝曾有僧請益長慶慶云問取堂中第二座雪竇代僧云錯尋有僧問雪竇竇云墮坑落壑又自代云作賊人心虛黃龍南云乾峯一期指路曲爲初機雲門乃通其變故使後人不倦大瀉秀云今古盡道乾峯安居祖師之堂開後人之徑路殊不知乾峯老漢被這僧一問直得手忙脚亂諸德且道諸訛在甚麼處良久云不在水兮不在山只在人心返覆間東林總云有一古德道乾峯搖頭雲門擺尾這僧只是箇撞露柱漢脚跟下透過也不知便謂東家點燈西家暗坐龍吻海寶游魚不顧山僧今日不可也隨波逐浪臨危悚人殊不知大小乾峯雲門俱被這僧勘破且道甚麼處是勘破處良久云多時雨水不及曬浪佛心才頌云樓閣重重擊不開乾峯劃破露崔嵬十方佛刹全彰處一一門中見善財天童覺云入手還將死馬醫返魂香欲起君危一期拶出通身汗方信儂家不惜眉鼓山珪云乾峯不用指陳雲門休打骨董自然東海鯉魚築著帝釋鼻孔



徑山杲云擗破雲門一柄扇拗折乾峰一條杖

二三千處管絃樓四五百條花柳巷

鏡清怱禪師僧問達者同遊一路行爲甚麼不行師

云已到平頭

翠巖代云老兄還達也未 首山念代云不爭先

又云到了不知又云但請先行

首山僧問如何是菩提路師云此去襄縣五里云向

上事如何師云來往不易

投子青頌云問路窮途擬進程綠楊鶯語送行人

牌標五里向君說莫道當年不指陳

茶陵郁山主不曾行脚因廬山有化士至論及宗門

中事教令看僧問法燈百尺竿頭如何進步燈云啞

凡三年一日乘驢度橋一踏橋板而墮忽然大悟遂

有頌云我有神珠一顆久被塵勞封鎖今朝塵盡光

生照見山河萬朵因此更不遊方

白雲端頌云百尺竿頭曾進步溪橋一踏沒山河

從茲不出茶川上吟嘯無非邏哩囉

天衣懷禪師云九天雲路早須尋莫遣蹉跎歲月深

天地懸遠向甚麼處去

南堂靜頌云夏金烏似火當空掛最高峯挑在青

雲罇

法昌遇禪師問石門皐云近離甚麼處云石門師云

我聞石門路嶮水泄不通因甚到這裏云十里雙牌

五里單墩師云途中事作麼生云到處行松色時時

聽水聲師云來時水牯牛在甚麼處云自有人看師

云鼻索爲甚麼在法昌手裏皐云這老漢瞞却多少

人隨後打一坐具師云三十年撈龍打鳳今日被鼠咬

雲頂禪師僧問昔日相如題柱未是作家今日橋成

請師下筆師云彩氣夜常動精靈日少逢云荆山有

玉鑑在下和師云洪州斬冬瓜滿江皆是血

趙州諗禪師在南泉時一日在井樓上打水見泉過

乃抱定柱懸一脚云相救相救泉遂於踏梯上打云

一二三四五師便下樓具威儀上方丈云適來謝和

尙相救

佛鑑懃云一人將錯就錯一人看樓打樓然雖如

是子爲父隱直在其中

四禪禪師僧問古人有請不肯今請和尚入井還去也無師云深深無別源飲者消諸渴

丹霞淳頌云曹溪源派古之今意識徒將度淺深好是昔人遊戲處然雖入井不曾沈

### 禪林類聚卷第三

### 禪林類聚卷第四

祖教 問法

祖教

六祖大師因僧問黃梅意旨甚麼人得師云會佛法人得云和尚還得不師云我不得云和尚爲甚麼不得師云我不會佛法

汾陽昭代云方知密旨難傳 翠巖芝云會得二

頭不會得三首作麼生道得出身之路 白雲端

云大眾還識祖師麼 徑山杲云大眾還見祖師

麼若也不見徑山爲你指出蕉芭蕉芭有葉無了

忽然一陣狂風起恰似東京大相國寺裏三十六院東廊下北角頭王和尚破袈裟畢竟如何歸堂喫茶 佛性泰云破布裏眞珠識者方知是寶爛泥藏棘刺踏著方乃驚人諸人還見祖師麼倒騎白額虎突出衆人前

佛印元頌云當日黃梅傳意旨會佛法人如竹箴麟龍頭角盡成空盧老無能較些子

馬祖一禪師僧問離四句絕百非請師直指西來意師云我今日勞倦不能爲汝說問取智藏去僧乃問藏藏云何不問和尚云和尚教來問藏云我今日頭痛不能與汝說去問取海兄僧遂問海海云我到這裏却不會僧學似師師云藏頭白海頭黑

潯山詰云這僧與麼問馬師與麼答離四句絕百非智藏海兄都不知會麼不見道馬駒踏殺天下

人 五祖演云馬大師無著慚惶處只道得箇藏

頭白海頭黑這僧將一檐朦朧換得箇不會若也

眼似流星多少人失錢遭罪 佛眼遠云大眾說

白道黑理甚分明諸人還見馬大師麼久立也太

無端 文殊道云馬師言中有響這僧眼裏無筋  
西堂百丈同坑無異土依樣畫葫蘆只如馬大師  
道藏頭白海頭黑又作麼生片雲橫谷口迷却幾  
人源

雪竇顯頌云藏頭白海頭黑明眼衲僧會不得馬  
駒踏殺天下人臨濟未是白拈賊離四句絕百非  
天上人間唯我知 南華曷云四句百非皆杜絕  
陽春白雪唱彌高風清月皎無雲夜誰把吹毛換  
寶刀 照覺總云百非四句絕何言黑白分明定  
正偏獅子窟中無異獸驪龍行處浪滔天 佛鑑  
勲云湘靈二女神僊格笑倚朱門香陌陌一抹騰  
脂透臉紅更加十分天真色 圓覺演云百非四  
句絕疎親馬駒踏殺天下人藏頭白兮海頭黑門  
外金剛笑又嗔

水潦禪師問馬祖如何是西來的意祖乃當曾一  
踏踏倒師忽契悟起來拊掌大笑云也大奇也大奇  
百千三昧無量妙義只向一毛頭上便一時識得根  
源去遽乃作禮而退

廣燈  
小異

金剛經

瓊覺云大眾你道水潦還曾悟也未 天童覺  
云馬大師不合放過待伊起來恁麼道但問祇這  
一毫從甚麼處得來待伊擬議更與一踏 西禪  
需云大小水潦喫人拳踢了却道他悟悟甚麼屎  
及乎起來更不識羞猶道我向一毫頭上識得根  
源且莫捏目生花住山後告衆云自從一喫馬師  
踏直至如今笑不休且道笑箇甚麼 塗毒藥云  
諸方咸云癩病不假驢駝藥風流不在著衣多殊  
不知水潦錯喫巴豆吐得許多惡毒方盡若是禪  
全未夢見具眼者試甄別看

照覺總頌云水潦承機徹祖意馬駒一踏曉根源  
虛空撲落無閑地向滄溟駕鐵船 白雲端云  
一踏倒時堪大笑從前伎倆盡徒勞蛇頭却要重  
揩痒萬萬千千出一毫 旻古佛云海上海上追奔天  
馬駒偶來騰踏露全軀百千妙義毫端現拊掌呵  
呵笑識渠 野軒遵云馬駒一踏驢兒倒地大笑  
起來羊鳴犬吠

趙州諗禪師問如何是祖師西來意師云庭前栢

樹子云和尚莫將境示人師云我不將境示人云如何是祖師西來意師云庭前栢樹子

慈明圓頌云趙州庭前栢天下走禪客養子莫教大大了作家賊浮山遠云庭前栢樹趙州道廬陵米價吉陽敷三歲兒童皆念得八十翁翁會也無雲峯悅云入門何必辨來機老倒禪和不自知栢樹庭前剛指示番令平地針錐雪竇頌云七百甲子老禪和安貼家邦若是他人問西來指庭栢却令天下動干戈黃龍南云趙州有語庭前栢禪者相傳古到今摘葉尋枝雖有解須知獨樹不成林天衣懷云趙州庭前栢三冬括地寒處處綠楊堪繫馬家家門首透長安翠巖真云僧問西來意趙州栢樹翻皮下若有血官差不自由湛堂準云庭前栢樹子少悟出常情雨過山添翠雲收日月明兜率悅云趙州全不犯工夫覲面寧有細與麤重疊示君君不見庭前栢樹本來無

趙州僧問如何是祖師西來意師云欄中失却牛

或作

龍雲

慈雲圓照頌云欄中失却牛有問即有訓更若求玄妙糊獮築氣毬

趙州僧問如何是祖師西來意師云板齒生毛

投子青頌云九年少室自崖淹爭似當頭一句傳板齒生毛猶可事石人踏破謝家船

靈樹敏禪師僧問如何是祖師西來意師默然後遷化欲立行狀碑要選此語刻石時雲門爲首座僧問先師默然處如何上碑雲門代云師

白雲端頌云師之一字太巍巍獨向寰中定是非必竟水須朝海去到頭雲定覓山歸佛印元云靈樹當初密對揚暗中文彩已全彰後人不見雲門老一字千般亂度量旻古佛云師字相酬作者知韶陽千古特光輝茫茫宇宙人無數到底誰明一字師寶峰明云西來祖意若爲酬手把明珠已暗投却被雲門添一字致令千古鬧啾啾龍牙遁禪師僧問如何是祖師西來意師云待石鳥龜解語即向汝道云石鳥龜解語也師云向汝道甚

麼僧無對

保寧勇代云和尚也須忌口始得

投子青頌云石龜語話是誰聞無耳觸體夜聽深

天曉便藏無影樹太陽雖照不能尋

龍牙初參翠微師乃問云如何是祖師西來意翠微云與我過禪板來師過與微微接得便打師云打則任打要且無祖師意又參臨濟亦如是問濟云與我過蒲團來師過與濟濟接得便打師云打即任打要且無祖師意師後住山有僧問和尚當年問二尊宿祖師意明也未師云明則明已要且無祖師意廣證先參

五祖戒云祖師土宿臨頭又云和尚得與麼面長

雪竇顯云臨濟翠微只解放不解取我當時若

作龍牙待伊索蒲團禪板拈得劈臂便擲 翠巖

芝云當初如是今時衲僧皮下還有血麼 大瀉

詰云翠微臨濟可謂本分宗師龍牙一等是撥草

瞻風與他後人爲龜爲鑑又舉住山後僧問處乃

云龍牙瞻前顧後應病與藥大瀉則不然待問當

時二尊宿明不明劈脊便棒非唯扶豎翠微臨濟

乃不事他來問 石門聰云龍牙無人挨著猶可

纔被箇衲子挨著失却一隻眼

雪竇顯頌云龍牙山裏龍無眼死水何曾振古風

禪板蒲團不能用只應分付與盧公盧公付了亦

何憑坐倚休將繼祖燈堪對暮雲歸未合遠山無

限碧層層 佛性泰云子鄉不下單于拜始末常

遵漢帝儀雪後乃知松栢操事難方見丈夫兒

天童覺云蒲團禪板對龍牙何事當機不作家未

意成觀明月下恐將流落在天涯虛空那掛劍星

漢却浮槎不萌草解藏香象無底藍能著活蛇今

日江湖何障礙通方津渡有船車

龍牙問洞山如何是祖師西來意山云待洞水逆流

卽向汝道師從此悟旨

汾陽昭頌云龍牙未息狂心地遍問諸師不肯休

先達慙他親志切直言洞水逆須流 投子青云

古源無水月何生滿岸西流一派分蔥嶺罷詢熊

耳夢雪庭休話少林春



三聖然禪師僧問如何是祖師西來意師云臭肉來  
蠅僧舉似興化化云我即不與麼僧云如何是祖師  
西來意化云破驢脊上足蒼蠅

正覺逸頌云水母有骨靈龜無殼瞎驢臭肉來於  
蠅佛意祖意如山嶽 白雲端云破脊蠅多臭肉  
蠅誰知興化不徒行慣從五鳳樓前過手握金鏘  
賀太平 黃蘗勝云匝地風光無間違因何不  
信却生疑老婆爲君重指出臭肉團上青蠅飛

投子大同禪師遇翠微於法堂上行便問西來意旨  
和尚如何示人微顧視之小頃師云乞師垂示微云  
更要第二杓惡水那師便禮拜微云莫壞却時至根  
苗自生 減作來山小異

本覺一頌云曾把西來問翠微經行駐步太慈悲  
當時投子如能會惡水重將更撥誰

枝請師直指云春風一陣來滿地紅英落大衆作  
麼生會且各自歸堂去

仰山湧禪師僧問曹溪意旨如何師云一鏤入寒空  
投子青頌云重峯層仞排寒空塔鏤深雲勢莫窮

千古松聲來有韻萬年溪水去無蹤  
荷玉慧禪師僧問如何是西來的意師云不禮拜  
更待何時

丹霞淳頌云虛堂寂寂夜深寒攜得瑤琴月下彈  
不是知音徒側耳悲風流水豈相干

谷山像禪師僧問如何是祖師西來意師云半夜烏  
兒頭戴雪天明啞子抱頭歸

丹霞淳頌云瑞霧祥煙鏤玉樓妙年王子恣優遊  
琉璃殿上騎金馬明月堂前輓繡毬

雲門偃禪師僧問如何是祖師西來意師云日裏看  
山

智門祚頌云日裡看山也是常西來祖意謾商量  
金色獅子希逢有多是狐狸喚作猿 無爲子云  
日裏看山滿眼青千巖萬壑闢縱橫洞門疑是雲  
邊驛到者須知路坦平 三祖宗云匡真不惜兩  
莖眉日裏看山對祖機藕月火燒春又綠只宜飛  
走會相依 佛鑑懃云雨餘江上兩三峯堆疊煙  
嵐不記重眼裏看來端的瞎耳根聞處出天聰



投子青云坦然曾問老師安爭似韶陽一句傳日裏華山僊掌露夜深猿叫月當軒

雲門僧問如何是一代時教師云對一說

雪竇顯頌云對一說太孤絕無孔鐵鎚重下楔闍浮樹下笑呵呵昨夜驪龍拗角折別別韶陽老人得一橛五祖演云對一說卷盡五千四十八風花雪月任流傳金剛腦後添生鐵佛性泰云對一說五教二乘盡該攝龍宮海藏任縱橫水底泥牛吞却月

洛浦安禪師僧問如何是祖師西來意師云青嵐覆處出岫藏峯白月輝時碧潭無影

丹霞淳頌云群花未發梅先折萬木凋零栢轉奇雲淡不彰飾月影煙輕那露引風枝

洛浦僧問如何是祖師西來意師以拂子擊繩床云會麼云不會師云天上忽雷驚宇宙井底蝦蟆不舉頭

洛浦僧問祖意教意是同是別師云日月並輪輝誰言別有路云恁麼則顯晦殊途事非一揆師云但自

不亡羊何須泣岐路

丹霞淳頌云月篩松影高低樹日照池心上下天赫赫炎空非卓午團團秋夜不知圓

卽大行受記之緣亦就矣厥後衆緣不備果如所記

梁山觀禪師僧問如何是祖師西來意師云莫亂道投子青頌云國令嚴嚴擾者危毫釐纔動鐵輪隨心萌口應三千里齒露言來苦怨誰

梁山僧問祖意教意是同是別師云金鳥東上人皆貴玉兔西沈佛祖迷

丹霞淳頌云靈山會上言雖普少室峯前句未形瑞草蒙茸含月秀寒松翳鬱出雲青

巴陵鑑禪師僧問祖意教意是同是別師云雞寒上樹鳴寒下水

五祖演云大小巴陵只道得一半白雲卽不然掬水月在手弄花香滿衣松源岳云白雲盡力道只道得八成有問靈隱只向他道人我無明一串穿

保寧勇頌云昨夜三更屈指輪世間休說兩三人  
數聲羌笛離亭晚君向瀟湘我向秦投子青云  
同別祖教問端山便將元價與他酬絲綸夜靜人  
垂釣曉得金烏帶月收湛堂準云雞寒上樹鴨  
寒下水時節不相饒古今自然理寒松十里吼清  
風流水一溪聲未已

香林遠禪師僧問如何是祖師西來意師云坐久成勞

雪竇顯頌云一箇兩箇千萬箇脫却龍頭卸角馱  
左轉右轉隨後來紫湖要打劉鐵磨野軒遵云  
香林無雜木一一旃檀野火忽然發清風天地  
寬祖意報爾曹坐久自成勞

光孝鐵觜覺禪師至法眼處眼問近離甚處師云趙  
州眼云承聞趙州有栢樹子話是不師云無眼云往  
往皆謂僧問如何是祖師西來意趙州云庭前栢樹  
子上座何得道無師云先師實無此語和尚莫謗先  
師好眼云眞獅子兒

白雲端頌云新羅鷄子刺天飛鈍鳥離邊懷不去

趙州庭栢一何高誰道先師無此語滌山秀云  
僧問西來栢樹酬何必斯言謗趙州令人長憶清  
涼老一句當年喚轉頭正覺逸云日炎風吹瘦  
影孤趙州嘗指庭前株昇元大小清涼老未會先  
師此語無大洪遂云趙州無語幾人知江北江  
南見者稀山寺桃花復何在相逢空愛白公詩  
佛印元云庭前栢樹子趙州無此語承言須會宗  
勿自立規矩眞淨文云庭前栢樹子趙州無此  
語若是本色人直下未相許

石門徹禪師僧問如何是三乘教外別傳一句師云  
東村王老夜燒錢

洞山聰頌云東村王老夜燒錢草鞋踏地帽指天  
家無白澤招禍福窮時相炒餓相煎地藏恩云  
東村王老夜燒錢眼中塵霧口中煙招神引鬼成  
妖恠三脚蝦蟇飛上天上方益云東村王老夜  
燒錢野鬼閑神滿目前休更逢人覓玄旨謝家人  
不在漁船無爲子云三乘教外別流傳瞎漢多  
知喚作禪天下衲僧參不到東村王老夜燒錢

首山念禪師僧問如何是祖師西來意師云風吹日

炎

汾陽昭頌云日炎風吹不計年行人塵路辨應難  
擬心早已深三尺更教誰問箇中玄 法華畢云  
風吹日炎少人知頂仰先賢對此機饒君曠劫生  
前會穿耳胡僧也皺眉 翠巖真云日炎風吹問  
祖來紅塵亘野眼難擡忙忙役役知多少二月春  
深動地雷 二祖宗云日炎風吹也大奇根鐫正  
馬將家兒皇圖自古元無事撥動煙塵更是誰  
雲溪恭云日炎風吹當路頭衲僧見後莫遲留我  
今到此堪惆悵葉落花紅經幾秋

汾陽昭禪師僧問如何是祖師西來意師云青絹扇  
子足風涼

白雲端頌云青絹扇子足風涼親得搖來始息狂  
只愛團團無縫者人前空自眼如羊 正覺逸云  
叢林傑出鎮汾陽譽走名馳振八方人問西來祖  
師意解云扇子足風涼 上方益云汾陽青扇價  
難酬爲有涼風卒未休不見鹽官多少衆競頭爭

角覓犀牛

慈受深云青絹扇子足風涼日用何

曾有覆藏堪笑塵中無限客手遮西日汗如湯

楚安方云親得搖來始息狂風動荷花滿坐香自

從一得真歸趣無意涼人人自涼

浮山遠禪師僧問如何是祖師西來意師云平地起  
骨堆

海印信頌云平地起骨堆三春震地雷只聞千萬

去不見一人回 地藏恩云平地起骨堆金毛獅

子吼誰知無味談塞斷衆人口 投子青云嫩草

疏斜徑山泉帶碧流文曾要渭水烈士耻莊周

天寧蓮云大朴未分時混然成一片明暗不曾彰

已過新羅箭

南臺勸禪師僧問如何是祖師西來意師云一寸龜

毛重七斤

投子青頌云等閑不語未逢人語便傷直似太親

不顧火中鸞鳳息驚他石虎暗生隕

鐘山章禪師僧問如何是祖師西來意師云不東不

西

保寧舅頌云西來祖意不東西猿鳥春深抱樹啼  
多少行人空悵望青山孤峰白雲低

三祖宗禪師僧問祖意西來願垂開示師云泥牛吞  
巨浪云中下之機如何體究師云木馬踐紅塵云恁  
麼則法輪再轉祖道重光師云土上加泥

問法

清原思禪師僧問如何是佛法大意師云廬陵米作  
麼價

汾陽昭頌云出家學道未心開請問宗師大意來  
却問廬陵米幾價當時心境一齋灰 黃龍南云

廬陵米價逐年新道聽虛傳未必真大意不須歧  
路問高低宜見本來人 法昌遇云烏龜三眼赤

祥麟一角尖騰雲生暮雨溪月夜明簾 高庵悟

云老清原沒縫罅問佛法酬米價衲僧一粒若沾

唇拄杖橫擔繞天下 天童覺云太平治業無象

野老家風至淳只管村歌社舞那知舜德堯仁

無著禪師因往五臺禮文殊文殊問近離甚處師云  
南方殊云南方佛法如何住持師云末法比丘少奉

戒律殊云多少衆師云或三百或五百師却問此間  
佛法如何住持殊云龍蛇混雜凡聖同居師云多少  
衆殊云前三三後三三師退乃問童子適來大聖道  
前三三後三三是多少童子云大德師應諾子云是  
多少

汾陽昭代云識得你 翠巖芝云文殊道前三三  
後三三作麼生會要會麼千年無影樹今時沒底  
靴 徑山杲云徑山當時若見即向他道和尙却  
此住持極是不易

雪竇顯頌云千峯盤屈色如藍誰謂文殊是對談  
堪笑清涼多少衆前三三與後三三 正覺遷云  
首後三三問若干應機召發轉顛預如今大有如  
斯者負鉢腰囊到處搏 佛印元云堪笑前三與  
後三當時相對語喃喃却因無著分明見從此清  
涼沒可參 照覺總云聖者由來不可陪相逢相  
問豈安排三三前後輝今古一向無私振九垓  
雲溪恭云文殊前後答三三獨泛輕舟過海南洪  
浪波心看水勢一輪明月印寒潭 地藏恩云前

三三與後三三算數籌量卒未諳芳草淒淒煙景裏鷓鴣啼處是江南

臨濟玄禪師因定上座問如何是佛法大意師下禪床擒住打一掌便托開定佇立傍僧云定上座何不禮拜定纔作禮忽然大悟

雪竇顯頌云斷際全機繼後蹤持來何必在從容巨靈擡手無多子分破華山千萬重南華曷云一棒一條痕一摺一掌血若無般若靈根到此如何打發佛鑑勲云掣電之機過趙州爲人須到結窮頭掌中擎出香山子直上高高十二樓天童覺云不墮前後獨超古今喚回千歲夢飛出九臯禽直下一槌光迸散斬新彈子出爐金

趙州諗禪師僧問萬法歸一一歸何處師云我在青州作一領布衫重七斤

圓悟勤云摩醯三眼一句洞明似海朝宗千途合轍雖然如是更有一著在忽有人問蔣山萬法歸一一歸何處只向他道饑來喫飯困來眠佛眼遠云大衆至音絕韻妙曲非聲通身不掛寸絲赤

體全無忌諱諸人切莫拈鈍紙指直須截斷舌頭放下身心自然快活眼若不睡諸夢自除心若不異復名何物快活快活歸堂喫茶

雪竇顯頌云編辟曾挨老古錐七斤衫重幾人知而今拋向西湖裏下載清風付與誰白雲端云七斤衫重豈難提日出東方定落西一擊珊瑚枝粉碎轟轟雷雨滿山溪保寧勇云獨坐獨行眞渴斗無規無矩老禪和四方八面難拘檢天下誰能棄你何文殊道云趙老布衫重七斤問處分明答處親大地山河都蓋却誰是當機裁剪人普融平云七斤衫重絕纖挨妙手何人解剪裁堪笑東村王大姐滿身風雨入門來

趙州僧問方外忽有人問和尚說甚麼法如何祇對師云鹽貴米賤

西禪需頌云鹽貴米賤諸事成現擬欲商量腦後拔箭

洛浦安禪師僧問如何是佛法大意師云雪覆孤峯峯不白雨滴石笋笋須生



丹霞淳頌云海底龍吟雲雨潤林中虎嘯谷風清  
莫言滿路生荆棘況是貧家少送迎

長慶稜禪師問靈雲如何是佛法大意雲云驢事未  
了馬事到來

汾陽昭頌云靈雲因問出家才驢使前行馬使來  
長慶不明眞實地句中認影影難開予今報你諸  
禪侶九衢杲日照香街 保寧勇云東行不見西  
行利南頭買賤北賣貴橫千豎百算河沙九九翻  
成八十一 佛鑑懃云驢事未了馬事來鐘聲未  
了鼓聲催春來縱步林間看無限桃花夾李開  
無爲子云驢事未了馬事來一花欲謝一花開安  
南已得煙塵息塞北將軍唱凱回

鼎州文殊禪師僧問萬法歸一一歸何處師云黃河  
九曲

投子青頌云問法窮因歸何處黃河透過碧波瀾  
須知雲外千峯上別有靈松帶露寒 西禪需云  
路窮崖斷進無門賴有山翁指去原九曲黃河清  
徹底誰知別是一乾坤 木庵云九曲那容眨眼

成疑城

看操舟誰解別波瀾文殊曾展回天手直得朝宗  
萬派乾

首山念禪師僧問如何是佛法大意師云楚王城畔  
汝水東流其僧於此悟入

佛慧泉頌云楚王城畔水東流逐浪隨波早晚休  
唯有謝郎生計在夜深明月上孤舟 三祖宗云  
楚國成邊水去東發船便被打頭風蘆花彎裏聽  
漁唱熨斗煎茶餽不同 雲溪恭云楚王城畔水  
東流日夜波濤去不休巖下忽逢湘水客謂言依  
舊注悠悠 嵩山秀云楚王城畔水東流今古朝  
宗是到頭逐浪隨波如未息輸他漁父泛孤舟  
普融平云千波萬波曾無盡去槳來帆浩莫窮謝  
客睡惺孤月白閑吹一笛渡頭風

慈明圓禪師僧問如何是佛法大意師云洞庭湖水  
浪滔天

翠巖眞頌云水出高原上風翻浪作銀絲毫聊一  
頌夢裏說書紳 水庵一云洞庭湖水若爲窮南  
北東西浩浩風鸞鳳翱翔非鸞雀野田深處謾尋



蹤

禪林類聚卷第四

禪林類聚卷第五

說法

禪定

悟道

大道

說法

世尊一日陞座大衆集定文殊白槌云諦觀法王法  
法王法如是世尊便下座

芭蕉徹云忙忙者匝地普天 松源岳豎起拂子  
云世尊三昧文殊三昧總在拂子頭上諸人還見  
麼臥龍纔奮迅丹鳳便翱翔

明招謙頌云聲振大千龍虎伏無人解和法王才  
言下便明猶是鈍頻教千眼一時開 智門祚云  
文殊白槌報衆知法王法令合如斯會中若有僊  
隨客不待眉間毫相輝 雪竇顯云列聖叢中作  
者知法王法令不如斯會中若有僊陀客何必文

殊下一槌 海印信云未兆之前早二三白槌之  
後更那堪當時若有僊陀客不到如今疆指南  
地藏恩云諦觀法王法法王法如是玉輪影射珊  
瑚枝一陣清風動天地 南華曷云瞿曇按指文  
殊據令漏泄天機一槌打正 天童覺云一段眞  
風見也麼綿綿化母理機梭織成古錦含春像無  
柰東君漏泄何 楚安方云金槌影動寶劍光寒  
八萬之衆齊著眼看

馬祖一禪師一日陞堂百丈出卷却席師下座便歸  
方丈次問百丈我適來上堂未曾說話你爲甚便卷  
却席子丈云昨日被和尚扭得鼻頭痛師云爾昨日  
向甚處留心丈云今日鼻頭又不痛也師云你深知  
今日事百丈乃作禮而退廣燈小異

雪竇顯云諸方皆謂奇特潛麼舉還當麼若當譬  
如水母以蝦爲目若不當又空讚歎圖箇甚麼衆  
中一般漢亂踏向前問古人意旨如何更有老底  
不識好惡對云將謂僊陀客又云來日更到座前  
苦哉苦哉如此自稱宗匠欲開人天眼目驢年去

諸上座雪竇當時若見伊出來卷席劈臂與一踏  
令坐者倒者俱起不得且要後人別有生涯去免  
見互相鈍置豈不箇箇英靈底漢還會也無歸堂  
白雲端出馬祖語云我鈍置猶可你鈍置太煞  
汾陽昭頌云百丈當時侍馬師對師卷席更無私  
人天不測爲奇特恰是攢鴉捉鳳兒上士瞥然全  
體現太陽出照巖峰低 泉大道云陞堂馬祖卷  
席百丈得人半斤還他八兩直饒縫罅全無未免  
傍觀揶揄 白雲端云昨日東風偶然點桃花亂  
落如紅雨昨夜東風又發狂滿地不知何處去  
上方益云夜深認得歸時路不待天明便出關三  
尺鎮鄒橫在手至今坐斷大雄山 佛鑑勲云潮  
來潮子上潮頭手把紅旗逆水流忽被猛風吹退  
浪此時伎倆一時休

藥山儼禪師久不陞堂一日院主請云大眾久思和  
尙示誨師云打鐘著主聲鐘衆集師便歸方丈主隨  
後云和尚既許爲衆說法爲甚一言不施師云經有  
經師論有論師又爭惟得老僧

雪竇顯云可惜藥山老漢平地上喫撲盡大地人  
扶不起 琅瑯覺云藥山下座不妨疑著及乎院  
主拶著失却一雙眼 翠巖芝云藥山下座院主  
當初恠不爲說話可謂誤他三軍 五祖演云雖  
然以已妨人爭柰賊身已露諸人要識藥山麼閉  
持經卷倚松立笑問客從何處來

天童覺頌云癡兒刻意止啼錢良驪追風顧影鞭  
雲掃長空巢月鶴寒清入骨不成眠 野軒蓮云  
藥山老應病藥請上堂槌鐘著一丸不再愈願狂  
辜負金僊換骨方 慈受深云明珠一顆價難酬  
不是知音便暗投翻笑藥山空費力水清魚現不  
看鉤

趙州諡禪師一日在東司上見文遠過遂喚云文遠  
遠應諾師云東司上不可與你說佛法

鼓山珪頌云老僧正在東司上不將佛法爲人說  
一般屎臭旃檀香父子之機俱漏泄 徑山杲云  
趙州有密語文遠不覆藏演出大藏教功德實難  
量

投子大同禪師僧問三身中那身說法師乃彈指

投子青頌云三身說法問端由彈指輕輕海嶽收  
金鎖塔開紅日像夜深人笑碧峯頭

洞山价禪師僧問三身中阿那身說法師云吾常於  
此切僧後問曹山洞山道吾常於此切意旨如何曹  
山云要頭便斫將去又問雪峯峰以拄杖劈口打云  
我也曾到洞山來

承天宗云一轉語海晏河清一轉語風高月冷一  
轉語騎賊馬趕賊試請辨看忽有箇衲僧出來道  
總不恁麼也許他具一隻眼  
保寧勇頌云此切堪傷向外求至親何故似怨讎  
始終滿面無慚色更有曹山乞你頭 天童覺云  
不入世未循緣劫盡空處有家傳白蘋風細秋江  
暮古岸船歸一帶煙

夾山會禪師示衆云目前無法意在目前不是目前  
法非耳目之所到

雪竇顯拈起拄杖云夾山老甚處去也何不出來  
百草頭與大衆相見又卓地一下云在這裏復云

◆演說音通

咄者野狐精縮頭去便下座 天童覺云夾山老  
子解開布袋將差珍異寶撒向諸人面前了也正  
當恁麼時却作麼生路不拾遺君子稱美  
鼓山珪頌云年來萬事總成魔老去閑添白髮多  
道泰不傳天子令時清休唱太平歌 徑山杲云  
癡人面前休說夢生鐵團上須尋縫明明說與却  
作聾只管外邊閑打閑

仰山寂禪師嘗云夢見往彌勒所五百聖堂安第二  
座有一尊者白槌云今當第二座說法山僧乃起白  
槌云摩訶演法離四句絕百非諦聽諦聽其五百聖  
衆各自散去

大滄秀云仰山依文解義即不無忽然彌勒會中  
有箇作者纔見伊道摩訶演法便云合取兩片皮  
非唯止絕仰山寐語亦免使後人夢中說夢 琅  
琊覺云且道五百聖衆散去是肯他仰山是不肯  
他仰山若肯他仰山又辜負仰山若不肯仰山猶  
如平地上喫交山僧今日不惜兩莖眉毛與諸人  
註破摩訶演法離四句絕百非你若舉似諸方諸

方若與麼會入地獄如箭射

天童覺頌云夢中擁衲參著舊列聖森森坐其右  
當仁不讓健穉鳴說法無畏獅子吼心安如海膽  
量如斗鮫目淚流蚌腸珠剖譴語誰知泄我機  
眉應笑揚家醜離四句絕百非馬師父子病休醫  
汾陽昭禪師示衆云夫說法者須具十智同真若不  
具十智同真邪正不辨縹素不分不能與人天爲眼  
目決斷是非如鳥飛空而翼折如箭射的而斷弦弦  
斷故射的不中翼折故空不可飛弦壯翼牢空的俱  
徹作麼生是十智同真與諸上座點出一同一質二  
同大事三總同參四同眞智五同徧普六同具足七  
同得失八同生殺九同音吼十同得入又與甚麼人  
同得入與誰同音吼作麼生同生殺甚物同得失阿  
那箇同具足是甚麼同徧普何人同眞智孰能總同  
參那箇同大事何物同一質莫有點得出底麼點得  
出底不恪慈悲點不出底未有參學眼在切須辨取  
要識是非面目見在

徑山杲云汾陽末後若無箇面目見在一場敗闕

雖然如是喪我兒孫乃喝一喝復頌云兔角龜毛  
眼裏栽鐵山當面勢崔嵬東西南北無門入曠劫  
無明當下灰

覺範洪頌云十智同真面目全於中一智是根源  
若人要識汾陽老壁破三玄作兩邊 或庵云陽  
春白雪人難和藻鑑冰壺豈易觀一把柳絲收不  
得和風搭在玉闌干 鼓山珪云十年湖海覓冤  
讎不得冤讎未肯休芍藥花開菩薩面櫻欄葉散  
夜叉頭 正堂辯云盡得眞如活花間試展開黃  
鸞偷眼覷不敢下枝來

禪定

世尊因普眼菩薩欲見普賢不能得見乃至三度入  
定徧觀三千大千世界覓普賢不能得見而來白佛  
佛云汝但於靜三昧中起一念便見普賢普眼於是  
纔起一念便見普賢向空中乘六牙白象

翠巖芝云諸仁者作麼生會普眼推倒世尊世尊

推倒普眼你且道普賢在甚麼處

或作雲居

佛海遠頌云飄飄一鴈落寒空步步追空竟鴈蹤

踏破草鞋跟子斷巍然獨坐大雄峰

達磨大師自梁涉魏至洛陽少林面壁而坐經於九年方得二祖傳法

老宿云祖師九年面壁爲訪知音若恁麼會得喫鐵棒有日在 又有老宿云祖師九年面壁何不慚惶若恁麼會得更買草鞋行腳三十年 琅瑯覺云旣不然且道祖師面壁意作麼生良久云欲得不招無間業莫謗如來正法輪

白雲端頌云先被梁王勘破却向少林孤坐謾言教外別傳爭奈不識這箇 草堂詩云六宗調伏向東來五葉芬芳震旦開冷坐九年人不識手攜隻履又空回 太平古云航海梯山緣底事遊梁歷魏意何傳九年面壁垂慈切剛被時人喚作禪 旻古佛云九年熊耳空留隻履一花五葉春風四起 祖印明云精進翻成怠墮莫守癡禪兀坐少林面壁九年已被梁王勘破 疎山如云達磨西來未足誇少林捏目疆生花得皮得髓徒分別妙性圓明本不差

魯祖雲禪師尋常見僧來便面壁南泉問乃云我尋常向師僧道佛未出世時會取尙不得一箇半箇他恁麼驢年去

保福展問長慶稜云只如魯祖節文在甚處被南泉恁麼道稜云退已讓人萬中無一 羅山閑云陳老師當時若見背上與五火抄何故爲伊解放不解收 玄沙云我當時若見也與五火抄 雲居錫云羅山玄沙總與麼道爲復一般別有道理若擇得出許上座佛法有去處 玄覺云南泉爲復是唱和語不肯語 翠巖芝云我卽不然未具胞胎已前不得會會卽打折你腰 天童覺云魯祖法出好生南泉令下詐起天童不是檢點古人也要諸人體悉還會麼竿頭絲線從君弄不犯清波意自殊 大慧云魯祖不得南泉幾乎覷破壁琅瑯覺頌云祖師面壁播諸方無限禪人謾度量無事晚來江上立數株寒栢倚斜陽 梁山冀云魯祖三昧最省力纔見僧來便面壁若是同心達道者不在揚眉便相悉 黃龍新云魯祖當年不



用功逢僧面壁顯家風若遇上乘同道者請續此二句

草堂清云堪笑池陽老古錫僧來面壁擬何爲

大都端正人男女清淨不勞紅粉施 普融平云

魯祖山前古路通熙微一徑沒西東杜鵑聲裏春

光老零落桃花藉地紅

藥山儼禪師初參石頭和尚一日坐次頭問作甚麼

師云一物不爲頭云恁麼卽閑坐也師云若閑坐卽

爲也頭云汝道不爲箇甚麼師云千聖亦不識頭

乃作頌讚云從來共住不知名任運相將只麼行自

古上賢猶不識造次凡流豈可明

五祖戒云藥山夢中說夢兩重重

丹霞淳頌云玄微及盡本條然若謂渠閑萬八千

月印澄江魚不見釣人何必更拋筌 五祖演云

任運不知名輕輕著眼聽水上青青綠元來是浮

萍 圓悟勒云擺撥佛祖縛曠然繩墨外一物亦

不爲縱橫得自在古鑑臨臺明辨去來金鎚影動

鐵樹花開任運相將不可陪法雲隨處作風雷

隱靜儼云石頭打草要蛇驚密護玄機絕景情迅

句追風須辨的報云千聖不知名

栢巖禪師僧問如何是禪師云古塚不爲家

丹霞淳頌云放國清平久有年白頭猶自戀生緣

牧童却解忘功業懶放牛兒不把鞭

悟道

世尊於雪嶺六載修行門星現時忽然大悟

世尊在日有一鈍根比丘無多聞性令誦苾芻二字

日夕誦之誦苾芻忘誦苾芻忘苾芻每日尅責不休一日

忽然誦苾芻二字則大悟

四祖信大師爲沙彌時禮三祖問云願和尚慈悲乞

與解脫法門祖云誰縛汝師云無人縛祖云何更求

解脫乎師於言下大悟服勤九載乃付衣法住蘄州

破頭山學徒雲集攝心不寐脇不至席一日告衆云

吾武德中遊廬山望破頭山見紫氣如蓋下有白氣

橫分六道汝等曾不衆默然弘忍云莫是和尙他後

橫出一枝佛法不師云善唐太宗嘗師道三詔不起

就賜紫服

木庵永云看他祖師爲人抽釘拔楔黏去縛渾

不傷鋒犯手可謂獅子一滴乳迸散十斛驢乳汝等切不可妄生情計種種解會驀然脚跟尋著不知落處一劍當頭直教成未

無爲子頌云慈雲之塔大醫之師瞻之仰之雙峰巍巍懶融不得西天鉢直付黃梅路上兒草堂清云道出乾坤動至尊飛書三詔不離雲求人的嗣周家子遙望牛頭紫氣氛旻古佛云無縛無釋脇不至席分明一實兩箇伍伯佛國白云鳥外逢師解縛歸雙峯山下獨幽奇却將衣鉢爲人事乞與黃梅箇小兒覺範洪云絕知名迹能妨道正恐師承亦累人問法沙彌莫饒舌百年逆旅要同塵雲巖因云牛頭未生梅子熟也既步人間池成月下鳳書三到懶開眸白蓮峯頂光相射盤山積禪師初參馬祖作街坊一日出門見人昇喪謂郎振鈴云紅輪決定沉西去未委魂靈往那方幕下孝子哭聲哀哀師忽身心踴躍省悟歸學似馬祖祖印可之

文殊道頌云歌聲繚繞哭聲悲笑殺盤山老古錘

歷劫無明昏暗處一時頓覺發光輝夢庵信云哀哀相應便承當畢竟何嘗往別方踴躍自然全體露始知徧界不曾藏佛燈珣云紅輪決定沈西去未委魂靈往那方踏著故鄉田地穩本來面目是親娘人只在不曾亡率陀天上非人世須知別有好思量

盤山嘗於市肆行見一客人買猪肉語屠家云精底割一斤來屠家放下刀叉手云長史那箇是不精底師於言下大悟

南華曷頌云箇事分明不覆藏頭頭物物自相當千言萬語無人會又逐流鶯過短牆

五洩默禪師到石頭處云一言相契卽住不契卽去頭據坐師便行頭隨後召云闍梨闍梨師回首頭云從生至死祇是這箇迴頭轉腦作麼師忽然契悟乃拗折拄杖

洞山云當時不是五洩先師大難承當然雖如是猶涉途在長慶云險翠巖芝云石頭據坐五洩便去石頭召他却成多事雲峯悅云大小石

頭坐不定把不住似這般擔板漢放去便休又喚  
回被他塗糊一上道我向這裏有箇悟處驢年夢  
見

佛眼遠頌云在途在舍若爲酬莫把先師一例求  
雄雄宇宙如王者未免半邊無髑髏 枯木成云  
欲去高聲喚得回當時心眼一齊開要知不假修  
持力生死悠悠任往來

香巖閑禪師在潯山時潯山知其法器欲激發智光  
謂云吾不問汝平生學解及經卷冊子上記得者汝  
未出胞胎未辨東西時本分事試道一句來吾要記  
汝師惛然無對沈吟久之進數語陳其所解山皆不  
許師云却請和尚爲說山云吾說得是吾之見解於  
汝眼目何有益乎師遂徧檢所集諸方語句無一言  
可將齏對乃自歎云畫餅不可充饑於是盡焚之云  
此生不學佛法也且作箇長行粥飯僧免役心神遂  
辭去抵南陽觀忠國師遺跡遂憩止焉一日因芟除  
草木以瓦礫擊竹作聲俄失笑間廓然惺悟遽歸沐  
浴焚香遙禮潯山云和尚大悲恩逾父母當時若爲

我說却何有今日事也仍述偈云一擊忘所知更不  
假修治動容揚古路不墮悄然機處處無蹤迹聲色  
外威儀諸方達道者咸言上上機

雪竇宗頌云粥飯隨時養病軀本無迷悟可關渠  
無端擊著庵前竹直至如今在半途

樓子禪師因從街市中過經酒樓下偶整襪帶少住  
聞樓上人唱曲云你既無心我便休忽然大悟從此  
號樓子出長慶巖禪師註楞嚴經說文

慈受深頌云唱歌樓上語風流你既無心我也休  
打著奴奴心裏事平生恩愛冷啾啾 寶峰明云  
你既無心我亦休此身無喜亦無憂飢來喫飯困  
來睡花落從教逐水流 佛慈鑑云你若無心我  
也休鴛鴦悵裡懶擡頭家童爲問深深意笑指紗  
牕月正秋

米胡禪師令僧問仰山今時人還假悟不山云悟卽  
不無爭奈落在第二頭何師問肯之

投子青云然仰山與麼道卽得還免得自己落麼  
若免得更有一人大不肯在若免不得亦落第二

頭米胡雖然肯他自己還有出身之路也無諸人試點檢看若點檢得出兩人互解冰消若點檢不出且莫造次應庵華云米胡提本分錯錯仰山展劒刃上事二老於唱教門中足可稱尊若向衲僧門下總是喫棒底漢

投子青頌云碧岫峯頭借問人指山窮處未安身雖然免得重陽令爭似靈苗不犯春天童覺云第三頭分悟破迷快須撒手捨筌罟功号未盡成拚搏智也難知覺噬臍兔老冰盤秋露泣鳥寒玉樹曉風淒持來大仰辨真假痕玷渾無貴白珪佛眼遠云悟人千箇道無憂肯信遭他第二頭寂寞山花寒食後夕陽西去水東流

洞山价禪師先在雲巖問無情說法後辭去師猶涉疑因過水觀影大悟前旨作偈云切忌從他覓迢迢與我疎我今獨自往處處得逢渠渠今正是我我今不是渠應須恁麼會方得契如如

本覺一頌云動靜由來本與俱回頭驚面似逢渠直饒與麼猶堪笑喚作如如又却迂

雪峯存禪師同巖頭欽山到鰲山店上夜坐禪次頭云何不睡去如村裏土地相似他時後日魔魅人家男女去在師以手指曾云我這裏未穩在頭云我將謂你他後向孤峰頂上盤結草庵播揚大教猶作這話在師云某甲不敢自謾頭云若實如此據你見處一一通來是處與你證明不是處與你剗却師云我初到鹽官見上堂舉色空義得箇入處頭云此去三十年切忌舉著師云又因洞山頌云切忌隨他覓迢迢與我疎頭云若恁麼自救也未徹師云後問德山從上宗乘中事學人還有分也無德山打一棒云道甚麼此時如桶底脫相似頭喝云你不聞從門入者不是家珍師云如何即是頭云他後若欲播揚大教一一從自己曾襟流出將來與我蓋天蓋地師於言下大悟連聲云師兄今日始是鰲山成道師兄今日始是鰲山成道

教忠光云只如巖頭道一一從自己曾襟流出且道雪峯前三次悟還從自己曾襟流出也無若從自己曾襟流出又道未穩在若不從自己曾襟流

出又從甚麼處得來莫有斷得出者麼若斷得出  
不唯雪峯鼇山成道盡大地有情齊成正覺若斷  
不出說甚麼鼇山成道直饒少室傳心也未夢見  
在

佛眼遠頌云鼇山成道足人傳莫是從前話未圓  
賴有玄沙知始末偏身紅爛在漁船 枯木成云  
說盡平生去住因到頭難遇赤心人忽然自肯成  
家業瓦礫拈來也是珍 佛燈珣云丈夫凌勵志  
英雄向外馳求枉用功到得鼇山開眼觀方知屋  
裏用無窮

大禪佛通禪師在歸宗常禪師會下忽一夜叫云我  
大悟也衆駭之次日歸宗上堂集衆問昨夜大悟者  
出來師出云某甲宗云汝見箇甚麼道理言大悟師  
云師姑元是女人作宗默而異之

汾陽昭頌云悟來不在苦多端解了都由警爾問  
定道師姑女人作癡人積雪作銀山 保寧勇去  
半夜高聲似少神箇中明白有疎親如今隨例傳  
其響也道師姑是女人 大洪遂云悟了還同未

悟時何須更說與人知賊賊敗露無藏處便道師  
姑是女兒 草堂清云五月炎威當酷熱浹背汗  
流無處說匝地清風劈面來大禪眼裏重添屑  
黃龍震云童子學順朱赤處背模黑若將白紙來  
一點下不得若下得翻成紙上塗煙墨

嚴陽尊者初參趙州問一物不將來時如何州云放  
下著師云一物不將來放下箇甚麼州云與麼則擔  
取去師於言下大悟後住山有一蛇一虎就手而食  
黃龍南頌云一物不將來肩頭擔不起言下忽知  
非心中無限喜惡毒既忘懷蛇虎爲知己清風幾  
百年至今猶未已 眞淨文云移高就下縱威權  
解脫門開信可憐不得空王眞妙訣動隨聲色被  
勾牽 佛眼遠云盡力放不下著力擔不起將謂  
一物無元是自家底見得自家底心中大歡喜自  
茲家業興一舉九萬里 旻古佛云一物不將來  
教渠放下著廓爾悟無生活計俱拋却 天童覺  
云不妨行細輪先手自覺心靈愧撞頭局破腰間  
斧柯爛洗清凡骨共僊遊



羅山閑禪師初謁石霜問起滅不停時如何霜云直須寒灰枯木去一念萬年去函蓋乾坤去純清絕點去師不契復謁巖頭理前問頭喝云是誰起滅師於此大悟

天童覺頌云斫斷老葛藤打破狐狸窟豹披霧而變皮龍乘雷而換骨咄起滅紛紛是何物

法眼益禪師同修璣二禪師經過地藏琛禪師處阻雪少憩琛問此行何之師云行脚去琛云作麼生是行脚事師云不知藏云不知最親切師又同三人學肇論至天地與我同根處琛云山河大地與你自己是同是別師云同琛豎兩指熟視云兩箇即便起去師須臾啓行琛門送之問云上座尋常說三界惟心萬法唯識乃指庭下片石云且道此石在心內在心外師云在心內琛云行脚人著甚來由安片石在心頭耶師窘無以對即求決擇近一月餘日呈見解說道理琛云佛法不恁麼師云某甲詞窮理絕也琛云若論佛法一切見成師於言下大悟

天童覺頌云而今飽參似當時脫盡廉纖到不知

任短任長休剪綴隨高隨下自平持家門豐儉臨時用田地優游信步移三十年前行脚事分明事負一雙眉

護國澄禪師同演化大師在湖南報慈值慈陞堂次演化出問如何是真如佛性慈云誰無化不契遂請益師師云汝但問來化理前問師云誰有化於言下契悟乃云首座或在衆或住持某甲誓終身相助後化亦繼師住護國

佛性秦頌云朝三暮四一何少暮四朝三何太多多少未能知數量有無從此見殺訛不殺訛噉噉噉噉喇薩婆訶

### 大道

南泉願禪師因趙州問如何是道師云平常心是道州云還假趣向不師云擬向即乖州云不擬又爭知是道師云道不屬知不屬不知知是妄覺不知是無記若真達不疑之道猶如太虛廓然蕩豁豈可疆是非耶州於言下頓悟玄旨

松源岳云青天白日悟箇甚麼咄咄咄囉珠擊碎

蒼龍窟

雲峯悅頌云平常心是道舉步入荒草翻嗟王老師到底不能曉玉兔金烏任飛走 佛鑑勸云欲識平常道天真任自然行船宜舉棹走馬即加鞭若遇飢來飯還應困即眠盡從緣所得所得亦非緣所得亦非緣當人自了然雨中看皓月火裏汲清泉直立頭插地橫眠脚指天應須與麼會方契祖師禪 徑山杲云勸君不用苦勞神喚作平常轉不親冷淡全然沒滋味一回舉著一回新 鼓山珪云若謂平常心是道枝蔓向上更生枝貼肉汗衫如脫了喚來眼上更安眉

藥山儼禪師僧問如何是道中至寶師云莫謔曲云不謔曲時如何師云傾國莫換

趙州諗禪師因南泉示衆云道非物外物外非道師乃問如何是物外道泉便打師捉住棒云已後莫錯打人去在泉云龍蛇易辨衲子難瞞擲下拄杖便歸方丈

雪竇顯云趙州如龍無角似蛇有足當時不管盡

法無民直須喫棒了趣出 琅峯覺云不見道滿逢知己飲詩向會人吟 老衲證云南泉垂釣四海只釣得龍格外玄談爲尋知己趙州慣行棧道飽歷邊庭不施寸刃海晏河清然雖如是且道二老相見還有優劣也無良久云若不登樓望焉知滄海深

保寧勇頌云輭纏藏鋒入陣來畫時擒下眼瞪開死生一決英雄士文武雙行將相才 南堂靜云龍蛇能易辨衲子最難瞞性淨秋空闊心清巨海寬天涯毫末見世界掌中觀萬法不爲侶西江一吸乾

趙州示衆云至道無難唯嫌揀擇纔有語言是揀擇是明白老僧不在明白裏是汝諸人還護惜也無時有僧問既不在明白裏護惜箇甚麼師云我亦不知云和尚既不知爲甚麼道不在明白裏師云問事即得禮拜了退

雪竇顯云趙州倒退三千 天童覺云這僧也如切如磋不能見機而變趙州也如琢如磨幾乎事

不解交衆中祇管道退身有分殊不知盡力提持  
還體悉麼焦賴打著連底凍

雪竇頌云至道無難言端語端一有多種二無兩  
般天際日上月下檻前山深水寒觸體識盡喜何  
立枯木龍吟消未乾難難揀擇明白君自看 隨  
庵緣云世間無物可羅籠獨立嵯峨萬仞峯忽若  
有人猛推落騰身雲外不留蹤

趙州僧問至道無難唯嫌揀擇纔有語言是揀擇和  
尙如何爲人師云何不引盡這語云某甲祇念到這  
裏師云祇這至道無難唯嫌揀擇

雪竇頌云水瀝不著風吹不入虎步龍行鬼號神  
泣頭長三尺知是誰相對無言獨足立 白雲端  
云驅山塞海也尋常所至文明始是王但見皇風  
成一片不知何處有封疆

趙州僧問至道無難唯嫌揀擇是時人窠窟不師云  
曾有人問我直得五年分疏不下

雪竇云識語不能轉死却了也好與二十棒這棒  
須有分付處你若辨不出且收此語大行 烏回

範云大衆趙州具頂門眼向鑿石火裏分縑素閃  
電光中明縱奪爲甚麼却五年分疎不下還委悉  
麼易分雪裏粉難辨墨中煤

雪竇頌云象王嚙呻獅子哮吼無味之談塞斷人  
口南北東西鳥飛兔走 白雲端云分疏不下五  
年疆一葉舟中載大唐渺渺兀然波浪裏誰知別  
有好商量

趙州僧問至道無難唯嫌揀擇如何得不揀擇師云  
天上天下唯我獨尊云此猶是揀擇師云田庫蠶  
麼處是揀擇僧無語

雪竇頌云似海之深如山之固蛟龜弄空裏猛風  
蝶蟻撼於鐵柱揀兮擇兮當軒布鼓 白雲端云  
團團秋月印天心是物前頭有一輪入穴蝦蟇無  
出路却冤天上不平勻

趙州僧問如何是道師云牆外底云不問這箇師云  
問甚麼道云大道師云大道通長安

投子青頌云知道還他潦倒翁親言相指自爲憑  
關山路遠重須去一逕長途君任通 水磨云

趙老家風不熟瞞問他大道答長安有誰平步歸家去多是區區自作難 松源岳云大道透長安言端語亦端騰盡雪消去春來依舊寒

栢巖禪師僧問如何是道師云徒勞車馬跡

丹霞淳頌云曹溪古路綠苔生車馬登臨已涉程

野老痿羸兼跛挈手携玉杖夜深行

巴陵鑑禪師僧問如何是道師云明眼人落井

洞山聰頌云落井須明出井機直宜擡眼動睛輝

於斯個儻無纖隔祖道汪洋得旨歸 保寧勇云

秋夜霜天月正明仰觀星象約三更一條大路平

如掌歸去何妨徹曉行 正覺逸云好箇明眼人

落井叢林話會幾時休修心未到無心地萬種千

般逐水流 佛印元云南北東西苦問人新開多

口接迷津從茲八駿追風急空望悠悠脚下塵

海湖禪師有座主問和尚甚麼年行道師云座主近

前來主近前師云且道憐陳如甚麼年行道主忙然

無對師云尿牀鬼

丹霞淳頌云多是從人學得來一生空把口胡開

欲窮此片虛明地七佛前前總不談

### 禪林類聚卷第五

#### 禪林類聚卷第六

示衆

勘辨

棒喝

示衆

南泉示衆云心不是佛智不是道

鼓山珪頌云心不是佛智不是道青山白雲落花

芳草若是靈利阿師終不回頭轉腦 開善謙云

太平時節歲豐盈旅不齎糧戶不扃宮路無人夜

無月唱歌歸去恰三更 徑山杲云雨散雲收後

崔嵬數十峯倚欄頻顧望回首與誰同

南泉示衆云江西馬大師說卽心卽佛王老師不恁

麼不是心不是佛不是物恁麼道還有過麼

鼓山珪頌云剔起便行三萬里只今休去八千年

分明更爲從頭舉一任諸方取次傳 徑山杲云

倒腹傾腸說向君不知何故尙沈吟而今便好猛  
提取付與世間無事人 靈巖曰云倒腹傾腸幾  
箇知更無絲髮可相依直饒徹底承當去也落他  
家第二機

黃檗運禪師示衆云汝等諸人盡是噇酒糟漢與麼  
行脚何處有今日還知大唐國裏無禪師麼時有僧  
出云只如諸方匡徒願衆又作麼生師云不道無禪  
只是無師

潯山問仰山作麼生仰云鵝王擇乳素非鴨類潯  
云此實難辨 五祖戒出僧語云謝和尚說得道  
理好 石門聰云黃檗垂示不妨奇特纔被布衲  
挨拶著失却一隻眼 承天宗云五祖戒眼照四  
天下要見黃檗猶未可若要扶豎正法眼藏須是  
黃檗宗師 翠巖眞云諸方商確便道黃檗坐却  
這僧又道黃檗被這僧上來直得分拚不下何爲  
也翠岩輒生擬議霧豹澤毛未嘗下食庭禽養舅  
終待驚人 潯山詰云諸人還會麼莫恠從前多  
意氣他家曾踏上頭關

雪竇顯頌云凜凜孤風不自誇端居寰海定龍蛇  
太中天子會輕觸三度親遭弄爪牙 白雲端云  
大唐國裏無禪師與君攜手歸家裏拋鉤本欲釣  
鯢鯨誰知釣得跋鼈子 佛鑑勸云黃檗山中明  
示衆大唐國裏暗藏身袈裟一角猶拖地誰是叢  
林有眼人 佛慧泉云無師充塞大唐國噇酒糟  
漢會不得竹寺閑過春已深落花亂點莓苔色  
徑山果云上著衣方免寒口邊說食終不飽大  
唐國裏老婆禪今日爲君註破了

洞山价禪師示衆云言無展事語不投機承言者表  
滯句者迷

鼓山珪頌云只要拔楔抽釘爲人解點去縛如何  
洞山老人先自藤蛇繞脚 徑山果云言無展事  
語不投機承言者表滯句者迷逢人不得錯舉  
臨濟示衆云夫一句語須具三立門一立門須具三  
要有權有用汝等諸人作麼生會一本

慈明圓頌云第一立三世諸佛擬何宜垂慈夢裏  
生輕薄端坐還同落斷邊第二立靈利鶻僧眼未



明石火電光知是鈍揚眉瞬目涉關山第三玄萬  
象森羅宇宙寬雲散洞空山嶽靜落花流水滿長  
川第一要豈語聖凡妙擬議涉長途擡眸七顛倒  
第二要峯頂敲撻召神通自在來多聞門外叫第  
三要起坐令人笑掌內握乾坤千差都一照  
睦州示衆云大事未明如喪考妣大事既明如喪考  
妣

保寧勇頌云春去秋來古與今相逢休論歲時深  
飢餐渴飲無他事盡聽滿頭霜雪侵

三聖然禪師示衆云我逢人即出出則不爲人興化  
問云我逢人即不出出則便爲人

白雲端云大衆此二尊宿各有一處打得著且道  
那箇在前那箇在後還有人向這裏定當得麼良  
久云妙舞莫誇回雪手三臺須是大家催 五祖  
演云大衆此二古德一人文章浩渺一人武藝全  
施若道興化是文亦不得若道三聖是武亦不得  
還於此辨得出麼若辨得出許你通身是命若辨  
不出你自相度 保寧勇云此二尊宿與麼爲人

● 比擬北

猶在半途保寧今日路見不平拈拄杖下座大衆  
一時走散擲却便歸方丈 天童覺云墮也墮也  
今日不是滅古人聲光且要長後人節槩若是本  
色漢提祖佛印轉鐵牛機把拄杖一時穿却方見  
衲僧手段

保寧勇頌云騎驢戴笠迎南去躍馬搖鞭向北行  
兩箇大商俱突曉日高猶聽打三更 佛鑑勲云  
城南措大騎驢子市北郎君誇馬兒各各四蹄俱  
踏地三春同到金明池 圓通僊云翻是羅兮覆  
是繡弟兄同氣復連枝爲人不爲成歌曲祖父田  
園要及時 佛燈珣云湖光潋灩晴方好山色漣  
漪雨亦奇若把西湖比西子淡粧濃抹總相宜  
徑山杲云陽焰何曾止得渴盡餅幾時充得飢勸  
君不用栽荆棘後代兒孫惹著衣

白水仁禪師示衆云尋常不欲向聲前句後鼓弄人  
家男女何故且聲不是聲色不是色時有僧問如何  
是聲不是聲師云喚作色得麼云如何是色不是色  
師云喚作聲得麼僧作禮師云且道爲汝說答汝話

若人辨得有箇入處

雪竇顯云本仁也甚奇恠要且貪觀天上既非聲前句後且作麼生入 大滙秀云本仁只知橫干不會豎百如何是聲不是聲莫逐音響如何是色不是色莫逐青黃且從伊向聲前句後覓箇安身自然別有生涯 佛鑑懃云拂迹成痕欲隱彌露既道聲不是聲色不是色泊乎問著却云喚作聲得麼喚作色得麼本仁和尙鼓弄人家男女亦不少矣而今欲得親切麼乃擊禪床云還聞聲麼豎起拂子云還見色麼於此透過見聞許你有箇出路 應庵華云雪竇到這裏盡其神通無插手處只如道既非聲前句後從甚麼處入往往十箇有五雙蹉過還知薦福落處麼一箭落雙鷗 丹霞淳頌云色色色兮聲自聲新鶯啼處柳煙輕 門門有路通京國三島斜橫海月明 乾峯禪師示衆云舉一不得舉二放過一著落在第二雲門出衆云昨日有人從天台來却往徑山去師云典座明日不得曾請便下座

雪竇顯云諸德雲門老只解一手擡不能一手搦還有共相著力底麼試露爪牙看 佛印元云此語衆中商量甚多會者極少乾峯夢裏合眼跳黃河覺來身在牀上雲門醉後扶人倒上樹醒來只在坐中二人打作一團至今分疎不下若人知得落處許你解空第一 大僞詰云乾峰善唱雲門善拍拍唱相隨風清古格還有知音者麼一堂風冷淡千古意分明 琅瑯覺云路遙知馬力歲久見人心 滙山果云乾峯平地生堆韶石因風起浪雖然合水和泥千古叢林榜樣既是叢林榜樣爲甚麼合水和泥會麼不入洪波裏爭見弄潮人 黃龍心頌云乾峯舉一不舉二雲門擡手添意氣花開花落任風吹自有馨香滿天地 普融平云天台南嶽去無蹤更有何人覲面逢東嶺雲生西嶺白前山花發後山紅 慈受深云羨海成鹽終有味敲空作響本無聲崑崙撞著波斯子把手相將海底行 佛性泰云高樓美女一雙雙各向瓊牕坐玉牀繡出鴛鴦呈似了金針深插錦香囊

白雲端云黑白分明滿局基曾無一著有相虧可憐無限傍觀者斧爛柯消總不知

夾山示衆云明不越戶穴不棲巢目不顧他位脚不踏他位裏六戶不掩四衢無蹤學不停午意不立立千劫眼不借舌頭底萬劫舌頭不顧眼中明峻機不假鋒銳事到這裏有箇甚麼事闔梨竿頭絲線從君弄不犯清波意自殊

雲門偃禪師示衆云人人自有光明在看時不見暗昏昏作麼生是諸人自己光明自代云厨庫三門又云好事不如無

雪竇顯頌云自照列孤明爲君通一線花謝樹無影看時誰不見見不見倒騎牛兮入佛殿白雲端云徹底昏昏不待看拄天拄地黑漫漫三門厨庫長相對一徑松風滿院寒圓悟勤云夜明簾外千峯秀鸞鏡臺前萬象殊掃蹤滅跡不立錫鉢誰爲佛殿誰是香厨敲出鳳凰五色髓擊碎驪龍明月珠

雲門示衆云直得乾坤大地無纖毫過思猶是轉句

不見一色始是半提更須知有全提時節

松源岳頌云百尺竿頭弄險是非海裏橫身更有全提底時節只堪惆悵不堪陳

雲居示衆云得者不輕微明者不賤用識者不咨嗟解者無厭惡從天降下則貧寒從地湧出則富貴門裏出身易身裏出門難動則埋身千丈不動則當處生苗一言迥脫獨拔當時言語不要多則無用處

丹霞淳頌云門頭戶尾事千差了盡猶來未到家明月堂前無影木嚴凝雪夜忽開花

大陽玄禪師示衆云嵯峨萬仞鳥道難通劒刃輕冰誰當履踐宗乘妙句語路難陳不二法門淨名杜口所以道達磨西來九年面壁始遇知音大陽今日也大無端珍重

丹霞淳頌云不掛唇皮一句奇少林冷坐最慈悲須知此道非傳授立雪神光已強爲

風穴沼禪師示衆云若立一塵家國興盛野老嘯盛不立一塵家國衰亡野老安貼於此明得闍黎無分全是山僧於此不明老僧卽是闍黎闍黎與老僧亦

能悟却天下人亦能迷却天下人要識闍黎麼左邊拍一拍云這裏即是要識老僧麼右邊拍一拍云這裏即是

雲門云這裏即易那裏即難 琅瑯云約卜聽虛聲 五祖演云太平即不然若立一塵法堂前草深一丈不立一塵錦上鋪花何也不見道九九八十一窮漢受罪畢纔擬展脚眠蚊蟲獨蚤出 應庵華云大小風穴不會轉身句 松源岳云薦福見處又且不然大小風穴醋氣猶在何故始作翕如也縱之純如也皎如也釋如也以成喝一喝雪竇顯頌云野老從教不展眉且圖家國立雄基謀臣猛將今何在萬里清風獨自知 白雲端云立國仍教野老欣威行闔外不揚塵縱橫莫測文兼武宇宙茫茫有幾人 天童覺云幡然渭水起垂綸何似首陽清餓人只在一塵分變態高名勳業兩難泯

首山念禪師示衆云第一句薦得與佛祖爲師第二句薦得與人天爲師第三句薦得自救不了僧問和

尙是第幾句薦得師云月落三更穿市過

天童覺頌云佛祖髑髏穿一串宮漏沈沈密傳箭人天機要發千鈞雲陳輝輝急飛電箇中人看轉變遇賤則貴貴則賤得珠罔象兮至道綿綿游刃亡牛兮赤心片片

### 勘辨

仰山寂禪師因潯山問大地衆生業識忙忙無本可據子作麼生知他有之與無師云某甲有驗處時有一僧從面前過師召云闍梨其僧回首師云和尙還箇便是業識忙忙無本可據潯云此是獅子一滴乳迸散六斛驢乳

草堂清云古人臨機施設出在一時此是因風吹火用力不多當時若無僧從面前過仰山將甚麼語驗他不遇祖師端的旨臨機關口卒難應天童覺頌云一喚回頭識我不依條蘿月又成鈎千金之子纔流落漠漠塗窮有許愁

仰山問僧甚處人云幽州人師云汝還思彼中麼云常思師云能思是心所思是境彼中山河大地樓臺

毆閤人畜等物反思思底心還有許多般麼云某甲到這裏總不見有師云信位即是人位未是云和尚莫別有指示不師云別有別無即不中據汝見處只得一立得坐披衣向後即看

天童覺頌云無外而容無礙而冲門牆岸岸關鎖重重酒常酣而臥客飯雖飽而顏農突出虚空兮風搏妙翅踏翻滄海兮雷送遊龍

烏白禪師因玄紹二上座來參師問二禪伯發足甚麼處云江西師遂拈拄杖打立云久知和尚有此機要師云你既不會後面箇僧祇對看紹擬近前師便打云信知同坑無異土參堂去

雪竇顯云宗師眼目須至恁麼如金翅摩海直取龍吞有般漢眼目未辨東西拄杖未知顛倒只管說照用同時人境俱奪大滄詰云烏白大似巨靈逞摩大華之威蒼龍展奪珠之勢直得乾坤失色乃拈拄杖云諸人還識烏白麼若也識去橫按鎮鐺裏中獨據若也未識棒頭有眼明如日卓拄杖一下曹源生云顯大機明大用奮裏中意氣

運閫外籌略則不無烏白檢點將來未是本分草料若要據令而行盡大地一時荒却何故寸釘入木

鼓山珪頌云赤身挨白刃死中還得活一箭自迷蹤萬車皆喪轍徑山杲云猛焰不容蚊蚋泊大海那能宿死屍任是二頭并六臂望風無不豎降旗

### 棒喝

南泉願禪師示衆云文殊普賢昨夜三更起佛見法見每人與二十棒趁出院也趙州出衆云和尚棒教誰打師云王老師過在甚處州乃作禮師便歸方丈雲門代云深領和尚慈悲某甲歸衣鉢下得箇安樂又代云與衆除害玄覺云且道趙州休去是肯南泉不肯南泉五祖演云白雲則具大慈悲遂拍手云曷殊室利普賢大士不審不審今後更敢也無自云一度被蛇傷怕見斷井索夾山齡云南泉一期逞俊爭奈平地生堆趙州雖則覷面投機不免腦門著地佛鑑懃云大似無人行



拳無口人叫喚無手人掩著無口人口無口人咬著無手人手恁麼會得方知道法性不動動徧三界之中至理無言言滿四天之下若也不會紅塵飛碧海白浪湧青岑 徑山杲云南泉無過口能招禍趙州禮拜草賊大敗徑山不營結案據款文殊普賢且過一邊

佛燈珣頌云鴛鴦綉出世無雙好手元來更有強呈罷各歸香閣去金針難把度蕭郎 佛印元云普賢昨夜闢文殊趣出還同兩手祛却得趙州行正令從茲王老一時無 佛鑑懃云彩雲影裏偈人現尋用紅羅扇遮面無人著眼看偈人却看隨後紅羅扇

烏白禪師問僧近離甚處云定州師云定州法道何似這裏云不別師云若不別更轉彼中去便打僧云棒頭有眼不得草草打人師云今日打著一箇也又打三下僧便出去師云屈棒元來有人喫在云爭奈杓柄在和尙手裏師云汝若要山僧回與汝僧近前奪師手中棒打師三下師云屈棒屈棒僧云有人喫

在師云草草打著箇漢僧禮拜師云却與麼去也僧大笑而出師云消得恁麼消得恁麼

雪竇頌頌云呼即易遣即難互換機鋒子細看劫石固來猶可壞滄溟深處立須乾烏白老烏白老幾何般與他杓柄太無端

德山鑒禪師初在蜀講金剛經故號周金剛後聞南方禪宗遂滿車載疏鈔出蜀初見龍潭問答悟由出世德山不立佛殿凡見僧入門便棒

白雲端頌云突出雙頭卒辨難曾將一擊碎潼關自從天下大平後流落人間號德山 海印信云

德山棒斷聖凡魔膽喪善能方便持虎鬚忿怒那吒亦摧蕩 大洪恩云一棒一條痕辛酸不可

論丈夫多意氣幾箇是知恩 雲蓋昌云德嶠分

明顯大奇棒頭揮出絕離微令行佛祖無空過一似輪王握萬機 無盡居士云一條柳栗倚青天

別向三乘教外傳未眨眼時遭八百擬開口處著三千 大洪遂云驟雨迅雷驟雲與電影隨將軍

雖有令何似帝堯時 徑山杲云入門便棒郎當

不少依而行之胡麻斯繳

德山小參示衆云今夜不答話問話者三十棒時有僧出作禮師便打僧云某甲話也未問爲甚便打師云你是甚處人云新羅人師云未跨船舷時好與三十棒

法眼云大小德山話作兩橛 德山密云大小德

山龍頭蛇尾 雪竇顯云此二尊宿雖善裁長補

短捨重從輕要見德山老漢亦未可在何故殊不

知德山握閫外之威權有當斷不斷不招其亂底

劍諸人還識新羅僧麼只是撞著露柱底瞎漢

芭蕉云作死馬醫 琅琊覺云德山何似履春冰

雖然如此如貓弄鼠 大瀉詰云德山大似清平

世界鋸甲磨鉛這僧不惜性命身挨白刃法眼道

話作兩橛大似藥病相治圓明道龍頭蛇尾也是

金鎗難辨雪竇道撞著露柱底瞎漢截斷衆流如

今還有人與新羅僧作主麼出來與大瀉相見乃

豎拂云去去西天路迢迢十萬餘

佛印元頌云德山自得任公手一線分明下兩鈎

◆欲罷難休

透網金鱗纔弄水岸邊還把釣絲收 曼古佛云

橫按鐵錐居閫外當鋒誰敢犯重圍堪羨新羅箇

衲子全機破敵也光輝 寶峯照云煙塵掃蕩將

軍令正勅流行宣德音公子只知欲既醉夜深還

被活生擒 枯木成云祖令全提孰敢論鐵磨纔

動陷關津這僧不辨箇時節爲法亡身有幾人

臨濟立禪師初在黃檗三年因首座即睦州也教令去問

黃檗如何是佛法的大意檗便打二十拄杖如是

三問三被打既不契遂辭去首座密啓黃檗云問話

上座非凡他日可爲一株大樹蔭覆天下人去在來

辭時望方便指引師辭檗檗云不須他去只往高安

大愚處去師到大愚愚問甚處來師云黃檗來愚云

有何言句師舉前話復云未審某甲過在甚麼處愚

云黃檗與麼老婆心切爲汝得微困猶覓過在師於

是大悟乃云元來黃檗佛法無多子愚乃扭住云尿

牀子適來道有過無過而今又道佛法無多子是多

少道道師於愚肋下築三拳愚托開云汝師黃檗非

干我事師即便返黃檗檗問來來去去有甚了期師

云只爲老婆心切遂舉前話。禪云：大愚老漢饒舌待來與一頓師云：說甚待來？只今便與遂打黃檗一掌。禪吟吟大笑云：風顛漢却來這裏捋虎鬚參堂去。

馮山問仰山云：臨濟得大愚力。黃檗力仰云：非但捋虎鬚亦解坐虎頭。應庵花云：你諸人還覩得透也未？直饒一咬便斷也未？是大丈夫漢三世諸佛口掛壁上天下老和尚將甚麼喫飯？

白雲端頌云：一拳拳倒黃鶴樓，一踢踢翻鸚鵡洲。有意氣時添意氣，不風流處也風流。保寧勇云：

雷電喧轟海嶽昏，一家愁閉雨中門。狂風忽起烏雲散，白日滿天星斗分。黃檗勝云：叢林猛烈是

黃檗，拈棒便打途中客，回到大愚却知恩。老婆面上與一掴。眞淨文云：便言黃檗無多子，大丈夫

兒豈自乖脇下三拳？明有信不從黃檗付將來。

佛眼遠云：壁開花嶽連天色，放出黃河倒海聲。瞎驢死後蒿枝折，大地如今有幾人。天童覺云：九包之雛千里之駒，眞風度箭靈機發樞劈面來時，飛電急迷雲破處，太陽孤捋虎鬚見也，無箇是雄

### 雄大丈夫

臨濟出世後，唯以棒喝示徒。凡見僧入門便喝。

海印信頌云：臨濟喝霹靂一聲，邪腦裂忽然透出蒼龍穴，擊碎明珠拗角折。佛國白云：當機喝喝震春雷，萬蟄龍蛇眼豁開。忽若翻身無伎倆，任從千古臥塵埃。大洪恩云：入門便喝已是忒怛無限。杜禪和猶更論該括。普融平云：赫日光中轟然霹靂，禹門浪急風高，無限錦鱗點額。佛燈琦云：張公未醉，李公扶從此佳聲滿道途。却被金剛開口笑，誰能愛你護身符。徑山杲云：入門便喝全無巴鼻，引得兒孫弄粥飯氣。

臨濟問德山：示衆云：道道得也。三十棒道不得也。三十棒師令侍者卽落浦也去問爲甚麼道得也。三十棒道不得也。三十棒他若打汝，汝便接住推一推看他如何。侍者如教至彼，問山便打者，接住推一推山便歸。方丈閉却門者，回舉似師。師云：我從來疑著這漢，雖然如是，汝還見德山麼？者擬議師便打。巖頭云：德山尋常只據目前一箇拄杖子，佛來也。

打祖來也打爭奈較些子 東禪齊云只如臨濟  
道我從來疑著這漢是肯底語不肯語爲當別有  
道理試斷看

海印信頌云單于自負藝過人小將教詔去似眞  
到彼果然贏小捷回來未免陷全身 佛鑑勲云  
譬若金籠鸚鵡兒觜如紅玉一青衣雖然學得人  
言語問著元來總不知

臨濟問僧甚麼處來僧便喝師便揖坐僧擬議師便  
打又一僧來師豎起拂子僧禮拜師便打復見一僧  
來師亦豎起拂子僧不顧師亦打

鼓山珪頌云主賓都落第三機陣陣開旗不展旗  
石火光中分勝負倒騎鐵馬上須彌 徑山杲云  
五月五日午時書赤口毒舌盡消除更饒急急如  
律令不須門上畫蜘蛛 松源岳云閃電光中賓  
主分虚空背上立綱宗祖師活計只如此後代兒  
孫掃地空

臨濟一日問僧云有時一喝如金剛王寶劍有時一  
喝如踞地獅子有時一喝如探竿影草有時一喝不

作一喝用汝作麼生會僧擬議師便喝

汾陽昭頌云金剛寶劍最威雄一喝能摧萬刃鋒  
遍地乾坤皆失色須彌倒插半空中金毛踞地衆  
威全一喝能令喪膽魂獄頂峯高人不見猿啼白  
日更黃昏詞鋒探草辨當人一喝須知見有眞大  
海淵澄含萬象休將牛跡比功深一喝當陽勢自  
彰諸方盡有好商量盈衢溢路歌謠者古往今來  
不變常 劍門庵主云是非穿鑿不相干四喝諸  
方莫錯看六道四生平等法牧童吹笛過前山  
睦州巖禪師問僧近離甚處僧便喝師云老僧被你  
一喝僧又喝師云三喝四喝後作麼生僧無語師便  
打云這掠虛漢

應庵華云叢林中商量道他三喝四喝後如何便  
與掀倒禪牀不然拽坐具劈口撼不然拂袖便行  
不然更與一喝恁麼說話要稱爲達磨兒孫大遠  
在漆桶參堂去

雪竇顯頌云兩喝與三喝作者知機變若謂騎虎  
頭二俱成瞎漢誰瞎漢拈來天下與人看

睦州見僧來云見成公案放你三十棒

雲峰悅云作賊人心虛

僧云某甲如是師云寺門前金剛爲甚麼豎拳云金剛尙乃如是師便打趂出云這掠虛漢

雲門云睦州正恁麼時天下人披枷帶鎖 徑山

杲云雖然無孔笛撞著豔拍板直是五音調唱六律諧和子細檢點將來未免傍觀者哂且道誰是傍觀者良久云不得動著動著打折你驢腰

覺海元頌云見成公案未除瑕放過方能脫鎖枷

四海澄清人富庶更來石上種油麻 海印信云

呼蛇易遣蛇難袖裏金鎚不易看長安夜夜家家

月誰知愁樂有多般 佛燈珣云見成公案便相

當秤則秤兮斗則量非較當年三十棒至今平步

也翱翔

霍山通禪師因到仰山前乃翹一足云西天二十八

祖亦如是唐土六祖亦如是和尚亦如是某甲亦如

是仰山下禪牀打四下藤條

一本小異

雪竇顯云藤條未到折因甚麼只與四下須是箇

斬釘截鐵漢始得

翠巖芝云亦不得作賞亦不

得作罰如今作麼生會 棲賢遷云且仰山打伊

四藤條是何道理莫是打伊不會莫是打伊說道

理若恁麼會何曾夢見山僧道苦瓠連根苦甜瓜

徹蒂甜

野軒遵頌云集雲峯下四藤條幾嶮當時打折腰

堪笑後來稱猛將只知空說霍嫖姚 保寧勇云

竺國支那咸印定更無毫髮可參差眼橫鼻直喧

天下一頓殘羹永不飢 圓通僊云集雲峯下四

藤蒿打破潼川路一條似鶴似雲天地外如龍如

鳳在煙霄

通禪師到霍山自云集雲峯下四藤條天下大禪佛

參山乃喚維那云打鐘著師便走

雪竇顯云這漢雖見機而變爭奈有頭無尾

圓通僊頌云藤條喫了任閑遊未到牢關未肯休

打鼓打鐘俱是令知機識變有誰僞

興化獎禪師陞堂云今日不用如何若何便請單刀

直入興化與你證據時旻德長老出禮拜起便喝師

亦喝德又喝師亦喝德禮拜師云若是別人三十棒



一棒也較不得何故爲他旻德會一喝不作一喝用便下座

首山念云看他與化與麼作用爲甚麼放得伊過諸上座且道甚麼處是一喝不作一喝用是前一喝是後一喝那箇是賓那箇是主雖然如此也須子細始得良久云二俱有過二俱無過珍重 琅瑯覺云且道那一喝不作一喝用與化若無後語疑殺天下人雖然如是曉者還稀 松源岳云與化勾賦破家旻德把髻投衙更道他會一喝不作一喝用不知凌滅我臨濟宗風不見道作家不啐啐啐同時失

海印信頌云龍虎相交是底時未容擬議已參差分明一喝不作用却使禪人特地疑 雲溪恭云獐龍出水虎離山四起風旋萬頃煙若具阿那律正眼橫身三界背摩天 鼓山珪云單刀直入不須論擬議之間賓主分不得放他旻德過須知與化棒頭親 徑山杲云暗中携手上高山及至天明各自行無限途中未歸客明明眼墜深坑

與化因同參來纔上法堂師便喝僧亦喝行三兩步師又喝僧亦喝須臾近前師拈棒僧又喝師云你看這瞎漢猶作主在僧擬議師使打直打下法堂師却歸方丈有僧問適來僧有甚言句觸忤和尚師云是他適來也有權也有實也有照也有用我將手向伊面前劃一劃到這裏却用不得似這瞎漢不打更待幾時

圓悟勤云卞王庫刀振塗毒鼓掣電未足以擬其迅震雷未足以方其威可謂善驅耕夫之牛能奪飢人之食只如主賓互換有照有用有權有實則且置甚處是與化將手向伊面前劃一劃若這裏洞明可以荷負臨濟正法眼藏如或泥水未分未免瞎驢越大隊 應庵花云與化門牆千仞從來家法森嚴這僧暗透重關要看洞中春色好則好未免二俱失利祇如與化道我將手向伊面前劃一劃又作麼生天堂未就地獄先成 鼓山珪頌云霹靂驚天地那容掩耳聽須知與化老一半是人情 退庵休云恰如劊子氣雄豪便

向咽喉下一刀五臟肝心皆看出方知王法不相饒。徑山杲云鎮鄒在握天魔膽落明眼請僧休更卜度。劒門庵主云長松不改四時青縱奪當機幾箇明陣敗不禁蒼帚掃眼中瞳子面前人興化謂衆云我聞長廊下也喝後架裏也喝諸子汝莫盲喝亂喝直饒喝得興化上三十三天却撲下來一點氣也無待興化蘇息起來向汝道未在何故如此我未曾向紫羅帳裏撒眞珠與你諸人去在你虛空裏胡喝亂喝作甚麼。

佛性泰云驅耕夫牛奪飢人食擊碎明月珠敲出鳳凰髓可謂富貴中富貴風流中風流藹藹嘉聲迄今未已敢問大衆只如興化道未曾向紫羅帳裏撒眞珠作麼生會或若總道咄我也知你跳不出。水庵云興化是則是大似如飢喫鹽若是翠雲則不然待你喝得翠雲山振動却向伊道弄粥飯氣。

鼓山珪頌云紫羅帳裏撒眞珠禪客相承總掠虛拍手呵呵開口笑釋迦彌勒是他奴。徑山杲云

對衆全提摩竭令豈是閑開兩片皮喝下瞎驢成隊走夢中推倒五須彌。

揚岐會禪師問慈明幽鳥語喃喃辭雲入亂峯時如何明云我行荒草裡汝又入深村師云官不容針再借一問明便喝師云好喝明又喝師亦喝明連喝兩喝師便禮拜。

松源岳云二人父子譬如弄珠不觸其手不墮其地不住於空亦無玄妙箇裏如何眨眼喝一喝白雲端頌云將出驪珠遇大商金盤撥動有餘光無煩一句論高價把手歸家笑幾場。

禪林類聚卷第六

禪林類聚卷第七

圓相

對機

賓主

家風

圓相

南泉願禪師與歸宗麻谷同往謁忠國師至中路師於地上畫一圓相云道得卽去宗於圓相中坐谷便作女人拜師云與麼則不去也宗云是甚麼心行師乃相喚回不去禮國師

玄覺云只如南泉恁麼道是肯底語不肯底語

雲居錫云比來去禮拜國師南泉爲甚麼却相喚回且道古人意作麼生雲居元云歸宗麻谷氣宇如王落在南泉圈裏當時見他畫圓相拂袖便行直饒南泉更有神通也較三千里保寧勇別歸宗拍手大笑便起去天童覺云我當時若見便與撥却圓相不唯打破南泉窠窟亦乃教歸宗無著身處麻谷呈伎倆不得泉云與麼則不去也果然果然

汾陽昭頌云國師欲見義多般圓坐端居拜請看

不去同音聞便解久經行陣奪旗幡雪竇顯云由基箭射猿繞樹何太直千箇與萬箇是誰曾中的相呼相喚歸去來曹溪路上休登陟復云曹溪路坦平爲甚麼休登陟保寧勇云漫漫大地盈尺雪江湖一片難分別漁父披蓑月下歸誰道夜行人路絕

大鴻祐禪師因令僧馳書上王常侍王看書了乃問和尚近日有何言句僧云有僧問如何是祖師西來意師豎起拂子王云彼中兄弟如何商量云借色明心附物顯理王云不是這箇道理上座快回山去好某甲有回書到和尚處僧得書遂回持上師師拆開見中畫一圓相內寫箇日子師云誰知千里外有箇知音仰山侍次乃云雖然如是也祇是箇俗漢師云子又作麼生仰却畫一圓相於中書箇日子却以腳抹著師乃大笑一本小異

保寧勇頌云南星北斗總移位四海九州如鼎沸波斯匿王鼻拄天樓至如來腳踏地

仰山寂禪師一日有梵僧來師於地上畫半月相僧

近前添作圓相以脚抹却師展兩手僧拂袖便出

承天簡云仰山大似瘧子喫苦瓜 圓悟勤云以

膠投漆將鹽入醬羽毛相似體段一般雖然如是  
大小仰山被箇梵僧勘破

本覺一頌云寂子偶逢穿耳客曾將半月示伊家

僧添半月翻然去知道親逢小釋迦

仰山在洪州石亭粥後坐次有僧問和尚還識字不  
師云隨分僧乃右旋一匝云是甚麼字師於地上書  
箇十字僧又左旋一匝云是甚麼字師改十字作已  
字僧畫一圓相以兩手托如脩羅掌日月勢云是甚  
麼字師乃畫圓相圍却已字僧乃作樓主勢師云如  
是如是此是諸佛之所護念汝亦如是吾亦如是善  
自護持其僧禮拜騰空而去

天童覺頌云道環之虛靡盈空印之字未形妙運

天輪地軸密羅武緯文經放開捏聚獨立周行機

發玄樞兮青天激電眼含紫光兮白日見星

資福寶禪師因陳操尙書來師便畫一圓相陳云弟

子與麼來早是不著便那堪更畫圓相師於中著一

點陳云將謂是南番舶主師便歸方丈閉却門

大滌詰云資福雖是本身分爐韞爭奈陳操是煨了

精金諸人要識資福麼等閑擲一釣驚動碧波龍

虎丘隆云資福買鐵得金一場富貴是則是爭

奈公案未了今日諸大士入山相見山僧不畫圓

相亦不拖却方丈門且道與資福老人是一是二

還知落處麼竹院相逢無一事大家同喫趙州茶

應庵華云雖然如是若到天童門下未放過在

當時待陳操尙書道弟子恁麼來早是不著便那

堪更畫圓相天童大開東閣明牕下如法安排何

故門內有君子門外君子至

雪竇顯頌云團團珠繞玉珊珊馬載驢馳上鐵船

分付海山無事客釣鼈時下一捲學師復云天下

衲僧跳不出

資福寶禪師僧問如何是古人歌師乃畫圓相對之

投子青頌云一曲兩曲深夜彈松風和雨過前山

可憐卞玉離荊岫誰是知音却取還

對機

石頭遷禪師問青原云和尚自龍溪甚時到此間  
住原云我却不知汝甚時離曹溪師云某甲不從曹  
溪來原云我已知汝來處了也師云和尚幸是大人  
且莫造次

丹霞淳頌云木人來問青霄路玉女年尊似不聞  
携手相將歸故國暮山芳岩鎖重雲

百丈海禪師因瀉山五峯雲巖侍立次師問瀉山併  
却咽喉唇吻作麼生道瀉云却請和尚道師云我不  
解向汝道恐已後喪我兒孫師又問五峯峯云和尚  
也須併却師云無人處祈願望汝師又問雲巖巖云  
和尚有也未師云喪我兒孫

雪竇顯頌云却請和尚道虎頭生角出荒草十洲  
春盡花凋殘珊瑚樹林日杲杲和尚也併却龍蛇  
陣上看謀略令人長憶李將軍萬里天邊飛一鷲  
和尚有也未金毛獅子不踞地兩兩三三舊路行  
大雄山上空彈指 保寧勇云三箇兒郎總長成  
大家將本各經營共間消折兄嫌弟也有贏錢弟  
怨兄 佛鑑懃云却請和尚道千人萬人所不到

杲日朦朧海面紅清風凜凜霜天曉和尚也併却  
後人要踏前人腳其餘利鈍不同途畢竟到頭輸  
一著和尚有也未且向自身明見地未能展翼逆  
風飛少逐青雲千里志

南泉願禪師問黃檗定慧等學明見佛性是不檗云  
十二時中不依倚一物師云莫便是長老見處不檗  
云不敢師云漿水錢且置草鞋錢教誰還檗不對

瀉山問仰山云莫是黃檗構南泉不得麼仰云不  
然須知黃檗有陷虎之機瀉云子見處得與麼長  
保福展云若無瀉仰埋沒著黃檗 五祖戒云  
仰山大似爲蛇盡足 雲峰悅云若不同牀臥焉  
知被裏穿

佛眼遠頌云問答分明已切磋幾人於此見蕭訛  
少年俱決龍蛇陣老倒同吟稚子歌 佛鑑懃云  
昨夜銀蟾跨箕尾熹然一陣天風起捲盡千重萬  
重雲碧空寂寂凝如水 海印信云兩陣交鋒戰  
不難埋兵調鬪何人曉只解輪鎗趨勢來喪身失  
命有多少 佛慧泉云獵獵奔馳勞不休草深風



勁更堪愁翻身獅子無尋處空使行人說路頭  
瀉山問仰山終日與子商量成得箇甚麼邊事仰山  
於空中劃一劃師云若不是吾終被子惑

佛印元頌云盡日商量古佛言當時一劃却成冤  
至今尚有瀉山在莫道宗枝絕子孫 地藏恩云  
松直棘曲烏玄鵠白末後商量空中一劃若言向  
上玄關走殺諸方禪客

趙州一日問南泉明頭合暗頭合泉便歸方丈師歸  
堂去云這老和尚被我一問直得無言可對首座云  
莫道和尚無言自是上座不會師便與首座一掌云  
這一掌合是堂上老漢喫

五祖戒云正賊走却過賊人喫棒又云南泉當斷  
不斷返招其亂 雲居舜云你諸人作麼生會諸  
人會處便道首座落他趙州纔續與麼會又爭得  
大愚道趙州大似傍若無人

保寧勇頌云大事當陽已皎然十分須是更周圓  
堂中上座黑如漆冷地爲誰喫暗拳

趙州曾問南泉離四句絕百非請師道泉使下座歸

方丈師云這老漢尋常口吧吧地今日被我一問直  
得無言可對侍者云莫道和尚無語好師便與一摑  
云這一摑合是王老師喫

圓悟勤云明頭合暗頭合本分綱宗據虎頭取虎  
尾作家手段雖然如是要且落在第二頭  
智門祚頌云離却四句絕百非作者相諳識得伊  
跳下禪牀便歸去從他鷄子搏天飛

道吾智禪師到五峯峯問還識藥山老宿麼師云不  
識峯云爲甚麼不識師云不識不識

丹霞淳頌云白雲深處路難通擬問蹤由已涉功  
掛角羶羊無影跡從容還落正偏中

黃連禪師僧問如何是聲前一句師云聲前無句聲  
後問將來

投子青頌云空劫前時曠路閑聲前無句信人難  
欲窮滄浪白雲曲且看石人露半顏

巖頭豁禪師因羅山問起滅不停時如何師乃咄云  
是誰起滅

松源岳云古人慈悲之故有落草之談薦福卽不

然忽問起滅不停時如何但與一喝

天童覺頌云斫斷老葛藤打破狐窠窟豹披霧而變文龍乘雷而換骨咄起滅紛紛是何物

崇福志禪師僧問如何是寬廓之言師云無舌人道得

投子青頌云寬廓言時不犯舌清風高韻碧雲斜

石人食話西峯事不覺東巖起霧遮

廣德義禪師僧問古人云言語道斷非去來今此理如何師云彌勒涅槃知幾劫護明猶未降迦維

丹霞淳頌云妙湛圓明第一機降生成道涅槃時

迦維摩竭雙林樹認著元來不是伊

雲門偃禪師問乾峯云請師答話峯云到老僧也未

師云恁麼則某甲在遲也峯云恁麼那恁麼那師云將謂猴白更有猴黑

應庵華云二老宿一等相見就中奇特光孝今日

爲諸人說道理一徧將謂春歸無覓處不知還入此中來

天童覺頌云絃筈相銜網珠相對發百中而箭箭

清隱

不虛攝衆景而光光無礙得言句之總持住遊戲之三昧妙其間也宛轉偏圓必如是也縱橫自在雲門僧問如何是啐啄之機師云響

眞清文頌云有問啐啄機雲門答云響昨日雷震

天夜來山水長圓通僊云啐啄之機響字酬過

空雷電忽傾湫夜來霽霽漫天雨幾處波濤打釣

舟

雲門僧問不是目前機亦非目前事時如何師云倒一說

雪竇顯頌云倒一說分一節同死同生爲君決八

萬四千非鳳毛三十三人入虎穴別別擾擾忽忽

水裏月正覺逸云倒一說清人骨萬里無片雲

拋下一團雪別別老大禪翁甘滅舌野軒遵云

倒一說這饒舌無端都把天機泄四海九州徒蹶

蹶飛出龍宮鑽蟻穴

雲門僧問如何是沙門行師云會不得云爲甚麼會

不得師云祇守會不得

智門祚頌云君問沙門行沙門行最高若教人會

得業性卒難逃

南院願禪師上堂云赤肉團上壁立萬仞時有僧出問赤肉團上壁立萬仞豈不是和尚道師云是僧便掀倒繩牀師云你看這漢亂做僧擬議師便打趂出院

應庵華云也是勾賊破家若非這僧敢捋虎鬚爭見南院汗馬功高雖然明果更資一路赤肉團上壁立萬仞若有僧出劈脊便打何故殺人刀活人劍具眼者看塗毒策云莫信直中直須防仁不仁這僧雖亂逞英雄南院是作家手段然而美則美矣若是徑山卽不然纔見他道是和尙語不隨聲便打何也驗人端的處下口便知音松源岳云這僧一味小心放大膽南院老也是養子之緣鼓山珪頌云掌中擎白日舌上覆金錢壁立爭千仞毫光徹梵天徑山杲云赤肉團邊用得親主賓有理各難伸兩箇馳子相逢著世上如今無直人

金峯志禪師僧問四海晏清時如何師云猶是階下

漢

丹霞淳頌云四海煙塵已晏然當軒皓月照人寒大功不賜將軍賞寶馬金鐙頓懶觀

報慈嶼禪師僧問承古有言情生智隔想變體殊只如情未生時如何師云隔云情既未生隔箇甚麼師云這梢郎子未遇人在

琅琊覺云報慈不妨入泥入水若據衲僧門下遠之遠矣黃龍新云報慈也是小慈妨大慈這僧還同受屈梢郎子未遇人在今時人往往作是非會却不作是非會如何理論良久云天上有星皆拱北人間無水不朝東開福寧云報慈一隔佛祖命脉放去取來聖凡罔測隔不隔若爲陳檐取詩書歸舊隱野花啼鳥一般春

天衣懷頌云報慈一隔衲僧命脉欲識一貫兩箇伍伯白雲端云無情猶隔若爲通絲髮之間路萬重可惜兩頭空走者不能直下見其宗大中德云隔青天無雲轟霹靂叢林衲子如稻廬不知幾箇僂陀客

青峯楚禪師僧問大事已成爲甚麼也如喪考妣師云不得春風花不開及至花開又吹落

丹霞淳頌云家山歸到莫因循竭力寅昏奉二親機盡功忘恩義斷便成不孝闡提人

上藍超禪師僧問如何是上藍本分事師云不從干聖借豈回萬機求云不借不求時如何師云不可拈放闍梨手裏得麼

丹霞淳頌云一片虛明本妙圓箇中非正亦非偏

寶峯瑞草無根蒂不待春功色自鮮

大原孚上座初到雪峯纔上法堂顧視雪峯便下去見知事明日却上方丈作禮云昨日觸忤和尚峰云知是般事便休後有僧問雲門作麼生是觸忤處門便打

雪竇顯於見知事處云一千五百人善知識被孚老一覷便高豎降旗又於便休處云果然於末後云打得百千萬億箇有甚麼用處直須盡大地人喫棒方可扶豎雪峯且道孚上座具甚麼眼海印信頌云李廣將軍古今無對深入虜庭全身

遠害不動干戈贏小捷至今邊塞嘉聲在

重雲禪師僧問如何是歸根得旨師云早時忘却不憶塵生

投子青頌云家破人亡何處依無心無緒話求歸十年忘盡來時路暫憶些兒總不知

蜀州西禪禪師僧問如何是非思量處師云誰見虛空夜點頭

丹霞淳頌云一點靈明六不收昭然何用更疑眸箇中消息人難委獨有虛空暗點頭

瑞巖彦禪師問夾山與麼卽易不與麼卽難與麼與麼卽惺惺不與麼不與麼卽居空界與麼不與麼請師速道山云老僧謾闍梨去也師便喝云這老和尚是甚麼時節便出去後有僧舉似巖頭頭云苦哉將我一枝佛法與麼流將去

佛鑑懃云瑞巖恁麼問風不鳴條夾山恁麼答雨不破塊巖頭恁麼說話嘉禾合穗野老謳歌雖然如此總欠些在何故世事但將公道斷人心難與月輪齊大滙智云瑞巖問處欸出囚口夾山逢

人展手巖頭有判斷手段今古流輝雖然如是各  
自有據檢點將來無風起浪

白雲藏禪師僧問如何是深深處師云矮子渡深溪  
丹霞淳頌云白頭童子智尤長半夜三更渡渺茫  
任運往來無間斷不消船艇與浮囊

風穴到黃龍龍問石角穿雲路垂條意若何師云紅  
霞籠玉像擁嶂照川原云恁麼則相隨來也師云和  
尙低聲

投子青頌云無價明珠暗處懸夜深將把木人穿  
誰知却被泥牛見吞入紅霞碧浪淵

同安志禪師僧問二機不到處如何舉唱師云偏處  
不逢玄中不失

丹霞淳頌云這邊那畔總難逢一句無私不處中  
紅日暮沈西嶂外空留孤影照溪東

法眼問修山主毫釐有差天地懸隔是如何修云毫  
釐有差天地懸隔師云與麼道又爭得修云某甲只  
與麼師兄作麼生師云毫釐有差天地懸隔修遂禮  
拜

◆歇疑欬

東禪齊云山主恁麼祇對爲甚麼不肯及乎再請  
益法眼亦只恁麼道便得去且道疑訛在甚麼處  
若看得透道上座有來由 五祖出法眼劈脊便  
打 保寧勇代修山主云恁麼會又爭得 元豐  
滿云噫許大修山主被泥彈子換了眼睛還知麼  
復云後面禮拜也是停囚長智 徑山杲云法眼  
與修山主絲來線去綿綿密密扶豎地藏門風可  
謂滿目光生若是德山臨濟門下更買草鞋行脚  
始得爲甚如此毫釐有差天地懸隔甚處得這箇  
消息來

汾陽昭頌云宗師故故問同人一壘毫釐兩路分  
再審便能明的旨自然清白不從聞 保寧勇云  
石城親切問同參不語東西便指南明暗兩條來  
往路依倚屈曲在煙嵐 正覺逸云堪悲堪笑修  
山主因地起兮因地倒覲面難藏第一機令人却  
憶雲門老 佛印元云六國當時已太平太平纔  
久不知兵修公換得長蛇陣天下人人會死生  
天童覺云秤頭蠅坐便欺傾萬世權衡照不平斤



兩錙銖見端的終歸輸我定盤星

法眼僧問如何是塵劫來事師云盡在于今

楊次公頌云塵劫來事盡在于今祖師不會面壁  
沈吟

梁山觀禪師僧問如何是日用事師云碧玉點破瑠  
璃色滿目紅塵不見沙

丹霞淳頌云劫火洞然無相宅金門不覩玉樓家

寶天雲澹銀河冷浩浩波瀾豈動沙

黃檗慧禪師謁疎山正值坐法堂參次師先顧視大  
衆然後設問云剎那便去時如何山云逼塞虛空你  
作麼生去師云逼塞虛空不如不去山休去師下至  
僧堂前首座謂師云適觀上座祇對和尚語甚奇特  
師云此乃率爾實自偶然敢望慈悲開示愚迷座云  
一剎那間還有擬議也無師於言下有省

西禪需頌云逼塞虛空不如不去前後際斷今亦  
無住倒騎佛殿出三門却把三門掛露柱

三祖演禪師凡見僧來便云屈屈僧云屈作甚麼師  
云如今不屈更待何時

佛眼遠頌云盡力不奈何按牛頭喫草若無錦綉  
文難以論嘉藻

黃龍南禪師僧問不去不來時如何師云華嶽三峰  
頭倒卓云却去却來時如何師云風吹柳絮毛毬輓  
靈光觀頌云冰雪肌膚西舍女梳粧巧巧畫雙眉  
傍人筆力强傳寫戶外如何見得伊

### 賓主

曹山本寂禪師僧問五位對賓師云汝今問那箇位  
云某甲從偏位中來請師正位中接師云不接云爲  
甚麼不接師云恐落偏位中去師復問僧祇如不接  
是對賓是不對賓云早是對賓了也師云如是如是  
丹霞淳頌云月中玉兔夜懷胎日裏金烏朝抱卵  
黑漆崑崙踏雪行轉身打破瑠璃碗

瑞巖彥禪師一生常坐每自喚云主人公復自應諾  
乃云惺惺著他時莫受人瞞後有僧到玄沙沙問近  
離甚處云瑞巖沙云有何言句示人僧舉前話沙云  
一等是弄精魂也甚奇恠復云何不且在彼中云已  
遷化也沙云而今還喚得應麼僧無對

雪竇顯云蒼天蒼天 雲峯悅云鬼窟裏作活計  
却問傍僧云你還識瑞巖老漢麼僧無對師云蒼  
天蒼天 保寧勇代云和尚因甚對面不聞  
佛國白頌云一生長喚主人公不受人瞞迥不同  
今日惺惺何處去滿山松柏起悲風 祖印明云  
彎彎新月聚三星誰信心王本自寧可笑瑞巖方  
丈老夜深呼喚強惺惺 鼓山珪云一主人公死  
一主人公活若解弄精魂兩頭皆透脫 白楊順  
云自呼自應已惺惺不受欺瞞理不輕池內白蓮  
香未已簷前山色四時青

長慶稜禪師僧問有問有答賓主歷然不問不答時  
如何師云相逢盡道休官去林下何曾見一人  
智門祚頌云人人盡道我心休問著何曾有地頭  
口說心違瞞自己業河迅速任漂流

### 家風

大隋真禪師僧問如何是和尙家風師云赤土盡簸  
箕云未審此理如何師云簸箕有唇米跳不出

南堂靜頌云赤土盡簸箕團團無縫罅佛眼覷不

見海神不知價簸土揚塵無處尋山高海闊白雲  
深 應庵華云簸箕有唇米跳不出天下衲僧赤  
乾癭更須撥轉上頭關十方世界黑似漆  
韶山普禪師僧問如何是和尙家風師云絕頂無根  
草無風葉自搖

丹霞淳頌云妙峯孤頂偏肥膩天產靈苗不觸地  
翠葉無風常自搖清香那逐春光媚

育王山通禪師僧問如何是和尙家風師云渾身不  
直五文錢云太貧寒生師云古代如此云如何施設  
師云隨家豐儉

丹霞淳頌云祖代家風沒一文清貧中是更清貧  
著衣喫飯隨豐儉物物頭頭用最親  
雲門偃禪師僧問如何是和尙家風師云門外讀書  
人報來

徑山杲云讀書人已在這裏且作麼生與伊相見  
乃顧視左右云不是冤家不聚頭

智門祚頌云叢林在處有家風且與雲門事不同  
門外若有讀書者任是顏回亦不通 佛慧泉云

讀書人到切須看無絃難遇知音者端的家風說  
與君沒階趨進翼如也

同安不禪師僧問如何是和尙家風師云金雞抱子  
歸霄漢玉兔懷胎入紫微云忽遇客來將何祇待師  
云金果早朝猿摘去玉花晚後鳳啣來

圓悟勤云峭措不妨峭措風流且是風流偏正五  
位君臣言中不妨諦當雖然如是曹洞門下光前  
絕後臨濟宗風豈容回互若有人問蔣山如何是  
和尙家風對他道開口見膽忽遇客來如何祇待  
跳底金剛圈吞底栗棘蓬 微庵勤云廣福卽不  
然有問如何是和尙家風只向道翠竹叢邊歌歎  
乃碧巖深處臥煙蘿忽遇客來將何祇待沒底藍  
兒盛白月無心盃子貯清風 徑山杲云同安家  
風不妨奇怪徑山家風又且不然或有問如何是  
和尙家風卽向他道齋時一鉢和羅飯禪道是非  
都不知忽遇客來將何祇待蒸餅飢飢  
丹霞淳頌云日午煙凝山突屹夜央天淡月嬋娟  
混然寂照寒宵永明暗圓融未兆前

石門蘊禪師僧問如何是和尙家風師云物外獨騎  
千里象萬年松下鑿金鐘

丹霞淳頌云夜明簾外月朦朧騎象翻身擊寶鐘  
洪韻上騰三界外聾夫何事睡猶濃

大陽玄禪師僧問如何是和尙家風師云滿瓶傾不  
出大地沒飢人

丹霞淳頌云荊山美玉何須辨赤水玄珠不用拈  
罔象無心黃帝重卞和有智楚王嫌

禪林類聚卷第七

禪林類聚卷第八

經教 看經 講經 論義

祖偈

經教

世尊滅後諸聖弟子於畢鉢嚴中結集法藏阿難既  
陞座形儀與佛無殊大衆遂生三疑一疑阿難成佛

二疑佛再現身三疑他方佛化阿難唱云如是我聞衆疑皆息

五祖演云當時若有箇漢出衆云大衆依而行之各自散去免見滿藏琅函攪人腸肚然雖如是猶未勦絕在何也阿難道如是哉聞白雲也道如是我聞若道當時是重古輕今若道卽今是重今輕古要會麼優曇花不開跡絕無香氣

經首題八字

地藏琛僧問以字不成八字不是未審是甚麼字琛云看取下註脚披雲寂因僧問寂以頌答云以字不成八字不是森羅萬象此中明直饒巧說千般妙不是謳歌不是經

羅漢南頌云以字不成八字非滿琅函載絕毫釐看經到此須開眼玉軸分明兩畔題雲居祐云我佛金言義海深開遮唯要悟真心首標妙在當頭割密使泥牛曉夜吟地藏恩云拈起題摸不著却看下頭註脚了知字義炳然大藏潛通廣略徑山杲云以字不成八字非爍迦羅眼不能窺

一毛頭上重拈出忿怒那吒失却威覺範洪云以字不成八字不是法身睡著無遮閉禪僧對面不知名百萬人前呼不起

楞嚴經云佛告阿難云吾不見時何不見吾不見之處若見不見自然非彼不見之相若不見吾不見之地自然非物云何非汝

雪竇顯頌云全象全牛意不殊從來作者共名模如今要見瞿曇老利利塵塵在半途佛心才云雲叟空闊天如水月載姮娥四海流慚愧牛郎擬愛叟一心猶在鵲橋頭佛鑑懃云說離百非存軌則言無一法尙筌筌毗耶默默會緘口摩竭寥寥鎮掩扉白雲端云堂前露柱久懷胎長下孩兒頗俊哉未解語言先作賦一操直取狀元來湛堂準云老胡徹底老婆心爲阿難陀意轉深韓幹馬嘶芳草渡載嵩牛臥綠楊陰

楞嚴經佛謂阿難曰若能轉物卽同如來

白雲端頌云若能轉物卽如來春暖山花處處開自有一雙窮相手不曾容易舞三臺眞如詰云

若能轉物卽如來處處門開見善財花柳巷中呈  
舞戲九衢承醉臥樓臺 佛心才云毛吞巨海芥  
納須彌乾坤大地直下同歸一氣不言含有象萬  
靈何處謝無私 徑山杲云若能轉物卽同如來  
咄哉瞿曇誑諍癡獸

楞嚴經佛謂阿難云見見之時見非是見見猶離見見不能及

鼓山珪頌云拄杖頭邊無孔竅大千沙界猶嫌少  
毗婆尸佛早留心直至而今不得妙海印信云  
見不及處江山滿目不覩纖毫花紅柳綠白雲出  
沒本無心江海滔滔豈盈縮徑山杲云春至自  
開花秋來還落葉黃面老瞿曇休搖三寸舌

楞伽經云五法三自性二種無我

鼓山珪頌云破餅豈復作餅事焦種不應上藥芽  
如彼虛空槃大子毛輪垂髮鬘開花徑山杲云  
陝府鐵牛白癩嘉州大象耳聾兩箇病痛一般咄  
哉漆桶不快

楞嚴經七處徵心

東林顏頌云七處徵心欸便成推窮尋逐案分明  
都緣家賊難防備撥亂乾坤見太平  
楞嚴經八還辨見

東林顏頌云明暗色空不可還不可還者絕躋攀  
夾截虚空成畔岸一重水隔一重山

楞嚴經富樓那問佛清淨本然云何忽生山河大地  
琅琊覺云山僧卽不然清淨本然云何忽生山河  
大地 薦福信云先行不到末後太過 五祖演  
云金屑雖貴落眼成翳 佛眼遠云旣生山河大  
地如何得復清淨本然旣復清淨本然云何却見  
山河大地大衆如何卽是良久云水自竹邊流去  
冷風從花裏過來香好大奇歸堂

白雲端頌云混混玲瓏無背面拈起有時成兩片  
且從依舊却相當免被旁人來覷見 佛鑑懃云  
因風吹火徒爲妙借手行拳未足多清淨本然隨  
口道忽生大地與山河 大洪遂云當明不犯體  
全彰進步剛然要論量妍醜只因逢古鏡回頭滿  
面負慚惶 天童覺云見有不有翻手覆手琅琊



山裏人不落瞿曇後 東林願云清淨本然偏法  
界山河大地即皆現性覺必明認影明眼耳便隨  
聲色轉

圓覺經佛謂清淨慧菩薩曰居一切時不起妄念於  
諸妄心亦不息滅住妄想境不加了知於無了知不  
辨眞實

黃龍心頌云黃花漠漠翠竹珊珊嶺南地暖塞北  
地寒遊人去後無消息留得溪山到老看 鼓山  
珪云舉手攀南斗翻身倚北辰出頭天外看誰是  
我般人 天童覺云巍巍堂堂磊磊落落鬧處刺  
頭穩處下脚脚下線斷我自由鼻端泥盡君休斷  
莫動著千年故紙中合藥 徑山杲云荷葉團團  
團似鏡菱角尖尖尖似錐風吹柳絮毛毬走雨打  
梨花蛺蝶飛 正堂辯云張果老踏破葫蘆呂洞  
賓失却寶劍兩箇撒手相逢囊篋更無一線何僊  
姑鐵笛橫吹解道長江淨如練

維摩經云其施汝者不名福田供養汝者墮三惡道  
松源岳云還見維摩心肝五臟麼移花兼蝶至買

石得雲饒

保寧勇頌云無邊無際休斟酌潮去潮來本自平  
清濁淺深并苦淡一般滋味迥分明 徑山杲云  
獨坐許誰知青山對落暉花須連夜發不待曉風  
吹 鼓山珪云入林不動草入水不動波饒湯無  
冷處合眼跳黃河

維摩經云不斷煩惱而得涅槃

白雲端頌云朝生暮死千萬徧一日幾回相見面  
展陣開旗放出來一指動時客戲見

維摩經云觀身實相觀佛亦然

或庵體頌云眼空四海恣縱橫鼻孔遠天信脚行  
掣得電光爲火把却來日午打三更

法華經云大通智勝佛十劫坐道場佛法不現前不  
得成佛道

白雲端云直饒得現前也未得成佛道何謂如此  
欲得不招無間業莫謗如來正法輪 應庵華云  
禪僧門下却較些子且和泥合水一句作麼生道  
一朝權在手看取令行時

保寧勇頌云三際斷時凡聖盡十身圓處剎塵周  
無私應物隨高下未過僧祇大劫修 鼓山珪云  
種穀不生豆苗蒸砂豈能成飯大通智勝如來一  
箇擔板底漢 徑山杲云宴坐道場經十劫一一  
從頭俱漏泄世間多少守株人掉棒擬打天邊月  
金剛經云一切賢聖皆以無爲法而有差別

應庵華云應庵也著一隻眼東弗于逮西瞿耶尼  
南瞻部洲北鬱單越到處去來不知在此

保寧勇頌云仁者見之謂之仁智者見之謂之智  
寒時向火熱乘涼健即經行困打睡困打睡仰面  
看天開口取氣 覺海元云一金成萬器皆用匠  
者智何必毗耶城人人說不二

金剛經云若爲人輕賤是人先世罪業應墮惡道以  
今世人輕賤故先世罪業卽爲消滅

雲屏膺云動卽應墮惡道靜卽爲人輕賤 崇壽  
稠云心外有法應墮惡道守住自己爲人輕賤  
雪竇顯頌云明珠在掌有功者賞胡漢不來全無  
伎倆伎倆旣無波旬失途瞿曇瞿曇識我也無復

云勤破了也 白雲端云水不洗水誰不知旋風  
常靜太驅馳千年曆日如能筭免被巡官掌上推  
無盡居士云四序炎涼去復還聖凡只在利那  
間前人罪業今人賤倒却前人罪業山 天童覺  
云緩緩功過膠膠因果鏡外狂奔演若多杖頭擊  
著破籠墮籠墮破來相賀却道從前孤負我

金剛經云收衣鉢洗足已敷座而坐

水庵一頌云食訖跏趺坐石牀斗間劍氣燭天光  
幾多業識茫茫者衲被蒙頭在醉鄉

金剛經云於是中無實無虛

佛慧泉頌云菩提無實亦無虛幾箇男兒是丈夫  
丹穴不歸金鸞鴛鴦潭空浸玉蟾蜍

金剛經云過去心不可得現在心不可得未來心不  
可得

或庵體頌云三清道士無僂骨入教闍黎毀梵書  
黑漆崑崙舞華鼓天親無著暗嗟吁

文殊所說般若經云清淨行者不入涅槃被戒比丘  
不入地獄

祖印明頌云養就家欄水牯牛自歸自去有來由  
而今穩臥深雲裏秦不管兮漢不收保寧勇云  
平生疎逸無拘檢酒肆茶坊信意遊漢地不收秦  
不管又騎驢子過揚州徑山杲云壁上安燈盞  
堂前置酒臺悶來打三盞何處得愁來鼓山珪  
云鷓鴣白鳥本玄松直棘自曲清淨比丘僧却須入  
地獄

華嚴經云我今普見一切衆生具有如來智惠德相  
但以妄想執著而不證得

天童覺頌云天蓋地載成團成塊周法界而無邊  
折隣虐而無內及盡玄微誰分向背佛祖來償口  
業債問取南泉王老師人人只喫一莖菜  
栢巖禪師僧問如何是教師云貝葉收不盡

丹霞淳頌云四十九年成露布五千餘軸盡言詮  
妙明一句威音外折角泥牛雪裏眠

洛浦安禪師僧問如何是一大藏教收不得者師云  
雨滋三草秀片玉本來輝

投子青頌云畢鉢巖花曉帶春香風時結鷲峯層

須知玉像餅中塔別有輝天照地燈

同安丕禪師僧問依經解義三世佛冤離經一字卽  
同魔說此理如何師云孤峯迥秀不掛煙蘿片月橫  
空白雲自異

丹霞淳頌云雲自高飛水自流海天空闊漾孤舟  
夜深不向蘆灣宿迥出中間與兩頭

首山念禪師僧問一切諸佛皆從此經出如何是此  
經師云低聲低聲云如何受持師云不汚染

投子青頌云水出崑崙山起雲釣人漁父味來因  
只知洪浪巖巒闊不肯拋絲棄斧聲

洞山聰禪師云一大藏教是箇之字

白雲端頌云點畫分明無道理老胡幾度提不起  
不如分付王將軍無限風流歸手裡

洞山詮禪師僧問經云清淨行者不入涅槃破戒見  
丘不入地獄時如何師云度盡無遺影還他越涅槃

丹霞淳頌云相好巍巍大丈夫一生無智恰如愚  
從來佛祖猶難望地獄天堂豈可拘

法眼益禪師僧問承教有言從無住本立一切法如

何是無住本師云形與未質名起未名

天童覺頌云沒蹤跡斷消息白雲無根清風何色散乾蓋而非心持坤輿而有力洞千古之淵源造萬像之模則剎塵道會也處處普賢樓閣門開也頭頭彌勒

### 看經

藥山儼禪師看經次僧問和尚尋常不許人看經爲甚麼却自看師云我只圖遮眼云某甲學和尚得不師云汝若看牛皮也須穿

長慶云眼有何過 玄覺云且道長慶會藥山意不會藥山意

汾陽昭頌云徹底更何疑虧穿會者稀叮嚀猶付囑句句是玄機 保寧勇云遮眼誰同藥嶠看牛皮穿透骨毛寒五湖四海知多少字密行跡總一般 枯木成云門前雖有千山月室內都無一點塵貝葉若圖遮得眼須知淨地亦迷人

臨濟玄禪師同王常侍入僧堂王問這一堂僧還看經也無師云不看經云還習禪也無師云不習禪云

經又不看禪又不習究竟作甚麼師云總教成佛作祖去王云金屑雖貴落眼成翳又作麼生師云我將謂你是箇俗漢

投子別云官人何得貴耳賤目 鏡清代云此來拋顚引玉 潞山詰云王常侍可謂儒門君子禪門良匠若非知鑑分明爭得是非顚脫 白雲端云大眾臨濟端的具一隻眼若是圓通卽不然金屑雖貴落眼成翳又作麼生我將謂你是箇俗漢大眾試斷看 應庵華云風行草偃葉落知秋臨濟雖本分鉗鎚常侍乃頂門具眼祇如今日判府入山與老僧相見雖無僧堂可至亦無佛法商量祇這便是出他一頭地處且道以何爲驗以此爲驗

徑山杲頌云世出世間希有事顯發須憑過量人只將補袞調羹手撥轉如來正法輪 古靈贊禪師歸受業本師問汝學何業師云一如未去時後因本師看經次有蠅子撞牕師云世界如許廣大須要頭鑽故紙作甚麼本師異而問之師云某

甲今有頌云空門不肯出投牕也太奇百年鑽故紙何日出頭時

白雲端頌云爲愛尋光紙上鑽不能透處幾多難  
驀然撞著來時路始覺從前被眼瞞

睦州蹤禪師僧問一氣還轉得一大藏教也無師云  
有甚解羅縠子快下將來

鼓山珪頌云睦州只愛錐頭利這僧不見鑿頭方  
直饒轉得百千藏這般供養也尋常 徑山杲云  
一氣轉一大藏教頓漸偏圓權與實無邊妙義炳  
然彰元來一字他不識

雲居膺禪師問僧念甚麼經云維摩經師云我不問  
維摩經念底是甚麼僧於此有省

佛慧泉頌云不問維摩念甚麼新羅鷄子穿雲過  
杖頭擊著沒威靈惆悵嵩山破竈墮 無爲子云  
念底却是維摩經一回舉著一回精鷄鷄故鄉歸  
不得大都言語太分明 天章善云問經不問念  
維摩念底分明見也麼欲入塵沙法門海一言演  
出不須多 道場如云順風將欲到揚州風轉船

頭水逆流把拖全憑三老力瞥然到岸不須憂  
南堂靜云須彌山高不見巔大海水深不見底簸  
土揚塵無處尋回頭撞著自家底

### 講經

南泉願禪師問座主講得甚麼經云彌勒下生經師  
云彌勒甚麼時下生云現在天宮未來師云天上無  
彌勒地下無彌勒

洞山舉問雲居膺膺云天上無彌勒地下無彌勒  
未審誰與安名洞山被問直得禪牀振動乃云吾  
在雲巖曾問老人直得火爐振動今日被子問直  
得通身汗流 大陽延云如今老僧學起也有解  
問者致將一問來乃云地動也 徑山杲云禪牀  
振動火爐地動即不無三大老要見南泉直待彌  
勒下生始得忽有箇衲僧出來道天上無彌勒地  
下無彌勒却教作麼生祇對他但向他道老僧罪  
過

佛眼遠頌云禪床驚震被茶糊惹得兒孫不丈夫  
拄杖劈頭連打出也教知道赤鬚胡



西山亮座主謁馬祖祖問講甚麼經師云心經祖云將甚麼講師云將心講云心如工伎兒意如和伎者六識爲伴侶爭解講得經師云心既講不得莫是虛空講得麼云却是虛空講得師拂袖而去祖召云座主師回首祖云是甚麼師豁然大悟乃禮拜祖云這鈍根阿師你禮拜作甚麼師直得通身汗流遂歸謂衆云我一生所講經將謂無人及得今日被馬師一問平生工夫永釋而已遂罷講直入西山杳無消息開先瑛云教中道父母所生眼悉見三千界只如亮座主只今在甚麼處爲復餐服百草隱在神山爲復定力自持深居巖谷爲復神通變化俗眼難窺爲復脫離色身證涅槃樂如今有人見得麼若也見得不妨一員明眼衲僧倘或未然且莫撞著露柱

正堂辯頌云弓弦難結鴛鴦細御道那栽栗棘蓬堪笑香嚴饒舌老今年猶勝去年窮 東山空云馬師瞎却亮師眼一入西山更不返我有三十二藤條寄與山中這檐板

太原孚上座初爲座主在揚州光孝講涅槃經有一禪者阻雪在寺因往隨喜講至三因佛性三德法身廣談法身妙理禪者失笑師講罷請禪者喫茶問云某甲素志狹劣依文解義適蒙見笑有不到處伏望見教禪者云實笑座主不識法身師云如此解說何處不是云請座主更說一徧師云法身之理猶若太虛豈窮三際橫亘十方彌綸八極包括二儀隨緣赴感靡不周徧禪者云不道座主說得不是只是說得法身量邊事實未識法身在師云既然如是禪者當爲我說云座主還信不師云焉敢不信云若如是座主暫輟講旬日於室內端坐靜慮取心攝念善惡諸緣一時放却師一依所教從初夜至五更聞鼓角聲豁然契悟走扣禪者門禪者問云誰師云某甲禪者咄云教你傳持大教代佛宣揚夜來爲甚麼醉酒臥街師云禪德自來講經將生身父母鼻孔扭捏從今向去更不敢如是禪者云且去明日來相見師卽罷講徧謁諸方

古德頌云一曲單于風引長孚公聞處出官商至

今夜裏維揚客空聽梅花聲斷腸

### 論義

世尊因長爪梵志索論義預約云我義若墮我自斬首世尊云汝義以何爲宗志云我以一切不受爲宗世尊云是見受不志拂袖而去行至中路乃省謂弟子云我當回去斬首謝佛弟子云人天衆前幸當得勝何以斬首志云我寧於有志人前斬首不於無志人前得勝乃嘆云我義兩處負墮是見若受負門處墮是見不受負門處細一切人天二乘皆不知我義墮處唯有世尊諸大菩薩知我義墮回至世尊前云我義兩處負墮故當斬首謝世尊佛云我佛法中無如是事汝當回心向道出家於是五百徒衆一時投佛出家證阿羅漢一本小異

七祖婆須密尊者因佛陀難提索以論義祖云仁者論卽不義我卽不論若擬論義終非義論佛陀難提知師義勝心卽欽伏

十一祖那夜奢尊者因馬鳴問我欲識佛何者卽是祖云汝欲識佛不識者是云佛既不識焉知是乎祖

云既不識佛焉知不是云此是鋸義祖云彼是木義復問鋸義者何鳴云與師平出鳴問木義者何祖云汝被我解馬鳴於是信伏

十二祖馬鳴大士昔嘗事外道每持一了槍上懸一劍巡五天竺國索人論義自云我義若墮當斬首爲謝聞協尊者有大聲譽特請論義協云爾義以何爲宗祖云但有言說我悉能破協於是默然而坐祖忿色而去詬罵云我聞爾具大智慧及與論義一詞不措行至中路乃謂弟子云我義已墮我言但有言說皆悉能破彼既無言我當自破將回斬首而謝爾時協尊者化令回心并諸徒衆乃一時出家

### 祖偈

六祖大師家貧賣新養母因往五祖求法祖問汝自何來師云嶺南來祖云欲須何事師云唯求作佛祖云嶺南人無佛性若爲得佛師云人有南北佛性豈然祖知異器乃訶云著糟廠去師遂入碓坊腰石舂米因五祖示衆衆偈欲付衣法堂中上座神秀大師呈偈云身是菩提樹心如明鏡臺時時勤拂拭莫遣

惹塵埃師聞乃和之云菩提本無樹明鏡亦非臺本來無一物何處惹塵埃祖默而識之夜呼師入室密示心宗法眼傳付衣鉢令渡江過大庾嶺南歸曹溪開東山法門

黃龍新頌云六祖當年不丈夫情人書壁自塗糊明明有偈言無物却受他家一鉢孟 佛惠泉云今古曹溪一派寒師來因為起波瀾攜囊庾嶺人空逐負石黃梅衆識難 佛國白云七百高僧夢裏時三更月下獨南歸賣柴舂米儂家事底事親傳六代衣 祖印明云一偈投機一衆降嚙花百鳥去雙雙家山記得來時路半夜傳衣過九江草堂清云七百僧中選一人本來無物便相親夜傳衣鉢曹溪去鐵樹花開二月春

雙林傳大士偈云夜夜抱佛眠朝朝還共起起坐鎮相隨語默同居止纖毫不相離如身影相似欲識佛去處雪竇云三生六十劫祇這語聲是

玄沙云大小傳大士祇認得箇昭昭靈靈 玄覺徵云且道他認不認若認他又是補處彌勒不可

認也若不認玄沙又與麼道不可徒然 雪竇頌云天下衲僧跳不出直饒口掛壁上漢別有一竅勘過了打又云玄沙也是打草蛇驚 翠巖芝云認與不認來年更有新條在撓亂春風卒未休 天衣懷云誰有單于調換取假銀城良久云曾被霜雪苦楊花落也驚

保寧勇頌云要眠時即眠要起時即起水洗面皮光啜茶濕却臂大海紅塵生平地波濤起呵呵阿呵呵囉哩哩囉哩

傳大士偈云有物无天地無形本寂寥能爲萬象主不逐四時凋或作肇法師云

雲峯悅云且道是甚麼物又云水長船高 道吾真云且道是甚麼物還識得麼若識得乾坤大地森羅洞明若也不識被物拶著轉身不得 琅瑯覺云好箇頌却成兩橛若人點檢得出許你具一隻眼 保寧勇拈拄杖云且莫喚這箇作拄杖子好 五祖演云古人恁麼道可謂錦上鋪花不妨奇特諸人且作麼生會白蓮今日曲順後機不惜

眉毛亦爲頌出有中有無中無細中細靈中靈  
龐居士偈云十方同聚會箇箇學無爲此是選佛場  
心空及第歸

白雲端云每日動用施爲說黃道白若喚作心卽  
無及第之時若不喚作心亦無及第之時且道作  
麼生得心空及第去良久云向道是龍剛不信果  
然奪得錦標歸 大鴻喆云慧光門下直援超升  
不歷科目諸人既到這裏風雲布地牙爪已成但  
欠雷聲燒尾如今爲你諸人震怒雷去也以拄杖  
擊禪牀下座 草堂清云如今莫有心空及第者  
麼直饒心空及第到寶峯門下猶是半途且道到  
頭一句作麼生良久云但有路可上更高人也行  
佛慧泉頌云幃頭塵土靴欄破選佛場中無兩箇  
若道心空及第歸頂上一槌難放過

洞山价禪師悟無情說法偈云也大奇也大奇無情  
說法不思議若將耳聽終難曉眼裏聞時方始知  
南堂靜頌云好好萬象森羅俱是寶頭頭物物現  
家珍不識之人卽荒草

◆後字疑衍

仰山寂禪師問香巖聞師弟近日有甚悟道頌試舉  
看巖舉了其頌見悟道門師云此是閑時擲置巖又舉一偈  
云去年貧未是貧今年貧始是貧去年無卓錫之地  
今年雖也無師云汝只得如來禪未得祖師禪香巖  
後又呈一偈云吾有一機瞬目示伊若也不會別喚  
沙彌師云且喜師弟會得祖師禪

玄覺徵云且道如來禪與祖師禪分不分 長慶  
稜云一時坐却 雲居錫徵云衆中商量如來禪  
淺祖師禪深只如香巖當時何不問如何是祖師  
禪若置此一問何處有也 琅琊覺云武帝求僊  
不得僊王喬端坐却昇天 大鴻喆云香巖可謂  
上無片瓦下無卓錫露髑髏赤漚漚沒可把若不  
是仰山幾乎放過這漢何故不得雪霜力焉知松  
柏操

南堂靜頌云聲不是聲方見道色非色處卽直空  
精金百煉方成器利劍重磨始見功 枯木元云  
無地無錫未是貧知無尙有守無身儂家近日貧  
來甚不見當初貧底人 禪林類聚卷第八

禪林類聚卷第九

姓名 頭首 知事 侍者

法屬 尼女 行童

姓名

柏巖哲禪師因洞山與密師伯到師問二上座甚麼處來洞云湖南師云觀察使姓甚麼云不得姓師云名甚麼云不得名師云還理事也無云自有廊幕在師云還出入不云不出入師云豈不出入洞拂袖出去師明日侵晨入堂召二上座近前師云昨日問上座話不稱老僧意一夜不安今請上座別一轉語若恹老僧意便開粥相伴過夏洞云却請和尚問師云豈不出入洞云大尊貴生師乃開粥同過夏或襄山下鄂州百顏語收

天童覺云主張門戶自有傍來拱默威嚴誰敢正視借功施設轉位提持全成左右分權不犯尊貴一路還知尊貴處麼寶殿無人不侍立不種梧桐免鳳來

丹霞淳頌云燭香人靜杳無聲苔滿丹墀皓月明  
入戶當堂備正坐出門猶懶下階行

道吾智禪師與雲巖到南泉處南泉問閣梨名甚麼師云宗智泉云智不到處作麼生宗師云切忌道著泉云爾然道著則頭角生異日師與雲巖在後架把針南泉過見再問智頭陀前日道智不到處切忌道著道著則頭角生合作麼生行履師乃抽身入僧堂投子青頌云金剛際下古髑髏幾被人踏血灑空明月任從君自擲寒松那葉白雲封

仰山寂禪師問三聖汝名甚麼云慧寂師云慧寂是我云我名惠然師乃呵呵大笑

雪竇顯頌云雙收雙放若爲宗騎虎由來要絕功  
笑罷不知何處去只應千古動悲風 上方益云  
張弓架箭可無機特向幽關展信旗胡馬若非知  
步驟頂門爭免一金鎚 佛心才云是汝非渠能  
縱奪龍盤虎踞有來由因思海月清風夜直釣和  
竿懶更收

玄沙備禪師因僧問如何是和尙親切底事師云我



是謝三郎

雪竇顯云本是釣漁船上客偶除鬚髮著袈裟祖  
佛位中留不住夜來依舊宿蘆花投子青云親  
伸端的向君言莫比流沙少室傳昨夜鴈回雙嶺  
後謝家人立月明前祖印明云杪秋時節水雲  
鄉千頃蘆花未著霜江景不將零碎賣一時分付  
謝三郎草堂清云閩山滄海浪悠悠父子生涯  
一釣舟忽爾踏翻深猛省大家收拾去來休

頭首

南泉願禪師因黃檗在師會中爲首座一日捧鉢向  
師位中坐師入堂見乃問長老甚麼年中行道檗云  
威音王已前師云猶是王老師兒孫下去檗過第二  
位坐師休去

鴻山云欺敵者亡仰山云不然須知黃檗有陷虎  
之機鴻山云子見處得與麼長雪竇顯云可惜  
王老師只見錐頭利我當時若作南泉待伊道威  
音王已前即便於第二位中坐令黃檗一生起不  
得雖然如此也須救取南泉雲峯悅云後來叢

林中多有商量或道黃檗有陷虎之機南泉有殺  
虎之威若作與麼說話誠實苦哉殊不知這老賊  
有年無德喫飯生處也不依本分若雲峯門下說  
甚威音王已前王老師更大直須喫棒趨出  
疎山如頌云威音王佛是兒孫王老當時開大言  
黃檗見機分主伴典刑千古定宗門佛眼遠云  
彼此老來誰記得人前各自強惺惺一坑未免俱  
埋却幾箇如今眼子青

藥山儼禪師因遵布衲作殿主浴佛次師乃問汝祇  
浴得這箇還浴得那箇麼遵云把將那箇來師休去  
長慶稜云邪法難扶玄覺云且道長慶恁麼道  
在賓在主衆中喚作浴佛語亦云兼帶語且道盡  
善不盡善黃龍南云此二尊宿一出入未見  
輸贏三十年後不得錯舉佛性泰云好箇浴佛  
二俱不了古德若作遵布衲待藥山休去便將杓  
子舀湯劈面潑教伊皮膚脫落盡唯有一真實  
應庵華云遵布衲當時若是箇漢待他道浴那箇  
不得拈杓子劈面潑雖然也不得屈藥山何故不

入虎穴爭得虎子

塗毒策頌云愛將香火蒸頭澆引得清風慰寂寥  
無限遠山描不得喬松脩竹冷蕭蕭

臨濟玄禪師會下兩堂首座一日舉頭相顧各下一  
喝僧舉問師未審具賓主眼不師云雖然如此賓主  
歷然

承天宗云臨濟此語走殺天下衲僧我即不然當  
時見僧舉但云一對無孔鐵鎚 天童覺云殺人  
刀活人劍在臨濟手裏雖然如是當時便與一喝  
直饒他大逞神通也只得同聲相應 大潯智云  
作麼生是賓主歷然底道理若會得一雙孤鷹搏  
地高飛兩箇鴛鴦池邊獨立

慈明圓頌云啐啄之機箭拄鋒警然賓主當時分  
宗師憫物垂緇素北地黃河徹底渾 浮山遠云  
兩堂上座齊下喝眼裏瞳人帶金屑錐刀同用不  
能分黑漆崑崙迷夜月 佛印元云箭鋒相拄自  
諸訛李廣雙鵬射得多堪笑人來望天際歷然飛  
鶴過新羅 雲溪恭云賓主歷然句下分三玄從

此振乾坤如今多少途中客盡日區區獨自分

黃龍震云離朱明不到師曠聽亦訛箇中識賓主

日午下星河

南泉願禪師一日因齋次乃自將生盤去首座前云  
出生時杉山堅和尚爲首座乃云無生師云無生  
猶是未師纔行數步首座乃召云長老長老師回顧  
云作麼首座云莫道是未

智門祚頌云古老巡堂親掠生渡水行舟不易耕  
莫道無生猶是未纖毫不了亂縱橫

雪竇在南嶽福嚴爲藏主李殿院同雅長老入藏院  
師出接李云藏主那師云不敢李云藏中說著下官  
麼師云目前可驗李云驗底事作麼生師云不消一  
剎李無語師云且請殿院歸寮喫茶坐次山嵐忽起  
雅云殿院遊山恰值煙霧李云靈峯聖迹爲甚麼却  
有這箇師云下方無李擬道雅云藏主壯觀福嚴師  
云和尚且莫開眼李云作家作家師云殿院尊重時  
有道士秀才到李又問三教中那教最尊師乃起側  
身而立李云有口何不道師云對夫子難言李云休

休便起師云適來造次

南堂靜頌云五老峯前古觀基老君元是一牟尼  
時難只待同香火莫聽他人說是非

知事莊務附

南泉願禪師一日不赴堂侍者請赴堂師云我今日  
在莊上喫油糍飽者云和尚不曾出入師云汝去問  
莊主者方出門忽見莊主歸謝和尚到莊喫油糍  
鼓山珪頌云近在口皮邊遠過河沙國世間多少  
人不得油糍喫 徑山杲云和尚不赴堂莊主謝  
臨屈一字入公門九牛車不出 應庵華云背衆  
喫油糍對人誇好手潦倒不識羞抵死揚家醜  
擬禪妙云古德肚裏飽餉餉莊主雖飢解點頭侍  
者只聞歌樂響不知洪飲在高樓 東林頌云騎  
虎穿市過把火去偷猪主人開眼睡並舍叫失驢  
潯山祐禪師在百丈爲典座時百丈因司馬頭陀尋  
得大潯山地選人主之丈云老僧住得不陁云彼是  
肉山和尚是骨人若居之只安五百衆彼可安千衆  
丈云吾衆中莫有人住得不陁云觀典座可住得丈

乃呼師來說與時首座聞得云合當某甲去彼何人  
也丈乃集衆云下語出格者得遂拈淨餅置地設問  
云不得喚作淨餅喚作甚麼首座云不可喚作木楔  
也丈復問典座師乃踢倒淨餅而去丈笑云首座輸  
却山子也因命師往往山後果安千衆

上方益頌云不顧山前有信旗單刀一直入籌帷  
長戈短戟都無用奪得將軍金印歸 照覺總云  
定奪英雄是淨餅毫釐分處更無情太平本是將  
軍致不許將軍見太平 佛迹昱云正令全提作  
者知淨餅拈起定狐疑須知大智無私鑑解道潯  
山却屬伊 兜率悅云淨餅踢處有來由自是行  
人不到頭頌信春風生大野不風流處也風流  
智海清云百丈堂前定大潯金毛獅子振全威淨  
餅踢倒還元化千里淳風動地歸 通照逢云大  
用還應作者知當場一踢絕狐疑堪嗟不紹家園  
者只向餅過定是非

興化獎禪師一日謂克賓維那云汝不久爲唱導之  
師賓云我不入這保社師云你會了不入不會了不

入云總不與麼師便打云克賓維那法戰不勝罰錢設饋飯次日興化入堂白槌云克賓維那法戰不勝罰錢五貫設饋飯一堂仍須出院賓後出世住太行山嗣興化

雪竇顯云克賓要承嗣興化罰錢出院且致却須索取這一頓棒始得且問諸人棒既喫了作麼生索得雪竇要斷不平之事今夜與克賓維那雪屈以拄杖一時打散黃龍南云克賓失錢遭罪有理難伸興化以剛決柔未足光也雲峯悅云路遙知馬力歲久見人心大瀉詰云興化令雖行大似以勢欺人克賓一朝輸機爭奈千古聲光不墜且道利害在甚處若不沙場經久戰揭天樓鼓喪紅塵雲居舜云大治精金應無變色其奈興化令行太嚴不是克賓維那也大難承當總是而今泛泛之徒翻轉面皮多少時也

照覺總頌云克賓法戰挫英雄興化嚴行振祖風棒下直明無生忍莫教知解入塵籠直淨又云丈夫當斷不解斷興化爲人徹底漢已後從教眼

目開棒了罰錢越出院佛國白云主中主問賓中賓賓主分明到底親有理罰錢無說處太行山下淚沾巾佛心才云克賓興化令雙行白髮通心透頂生穿過諸僧青白眼儘教天下競頭爭玄則監院在法眼會下並不入室忽一日眼問汝在此初不見來問話曾參甚人有何見處師云某甲曾參見青峯和尚來眼云有甚言句師云某甲問如何是學人自己峯云丙丁童子來求火眼云好語汝作麼生會師云丙丁屬火將火求火如將自己求自己眼云與麼會又爭得師當時不肯遂起發去眼問侍者則監院在甚處者云已起去也眼云此僧若過江去救伊不得也師至中途再返求懺悔問云玄則只與麼和尚尊意如何眼云汝但問師便問如何是學人自己眼云丙丁童子來求火師大悟於言下後出世金陵報恩爲法眼之嗣

白雲端頌云末上一回秤八兩又秤恰重半斤來定盤星在誰人手爭著絲毫可恠哉照覺總云丙丁求火已躬明法眼青峯古路行行到水窮知

盡處坐看雲起見平生 佛燈珣云問處分明答  
處親青峯八字打開門頭頭盡是吾家物何必臨  
岐更問津 大洪遂云丙丁求火問青峰匡耐韓  
爐逐塊蹤賴得清涼軍點破一聲雷震化爲龍

侍者

南陽忠國師一日三喚侍者侍者三應諾師云將謂  
吾辜負汝却是汝辜負吾

雪竇顯云國師三喚侍者點即到侍者三應到  
卽不點將謂吾辜負汝誰知汝辜負吾瞞雪竇不  
得雲門道作麼生是國師辜負侍者處會得也是  
無端師云元來不會又云作麼生是侍者辜負國  
師粉骨碎身未報得師云無端無端復舉僧問投  
子國師三喚侍者意旨如何投子云抑逼人作麼  
師云塚根漢僧問興化化云一盲引衆盲師云端  
的瞎僧問玄沙沙云侍者却會師云停囚長智僧  
問趙州州云如人暗中書字字雖不成文彩已彰  
師便喝僧問雪竇雪竇便打也要諸方檢點 玄  
覺徵云甚處是侍者會處僧云若不會爭解與麼

應師云汝少會在又云若於此見得去便識玄沙

翠巖芝云國師與侍者總欠會在如今怎生會  
黃龍南頌云國師三喚侍者打草只要蛇驚誰知  
湖底青松下有千年茯苓 雪竇顯云師資會遇  
意非輕無事相將草裏行負汝負吾人莫問任從  
天下競頭爭 翠巖眞云侍者何曾喚不回國師  
乾地起風雷當時若也相逢著九轉還丹化作灰  
智海清云國師三喚侍者侍者三度應諾若言  
負汝負吾眞箇可知禮也 高庵悟云寶劍連飛  
急透項便通神有時輕按處驚動五湖賓 祖印  
明云國師年老太多圖截鶴由來要續鳧彼此無  
瘡安樂甚何勞傷損好皮膚

忠國師因丹霞來訪值師睡次乃問侍者耽源云國  
師在不者云在卽在祇是不見客霞云太深遠生者  
云莫道上座佛眼也覷不見霞云龍生龍子鳳生鳳  
兒師睡起侍者舉似師師乃打侍者二十棒越出丹  
霞聞之乃云不謬爲南陽國師

南堂靜云丹霞不會作客勞煩主人侍者不會作



主利泄天機國師行闔外威權知音者少且道山僧又作麼生良久云如今四海明如鏡不用和煙帶雨來應庵華云侍者喫棒出院蓋千載一時然歸宗豈免眼熱丹霞故雖好手爭奈落在國師網子裏諸人還辨得麼苟或未然猶握金鞭問歸客夜深誰共御街行

佛燈珣頌云一人把拖逆風頭一箇張帆順水流興發幾回乘好月飄然不覺過滄洲佛鑑懃云老倒南陽不識峻丹霞得便每相過一朝龍鳳親生子四海人傳家不和石門易云風靜波澄月映空途中人借問山翁只知回顧幽林下不覺東巖雲霧籠雲巖因云國師養子之緣丹霞口甜心苦侍者當時放過二十山藤輕惹枯木成云戶底門頭也要人暫時不在便因循家風已被傍人見賊過張弓枉用神

趙州諗禪師因侍者報云大王來也師云萬福大王者云未到在師云又道來也侍者罔措

黃龍南云頭頭漏泄罕遇僊隨侍者只解報客不

知身在帝鄉趙州入草求人不知覺渾身泥水白雲端云侍者雖然罔措爭奈王令已行王令已行則海晏河清且道海晏河清一句作麼生道乃云野老不知堯舜力擊壤打鼓祭江神佛性素頌云應用從來不覆藏當機何得味真常只知報道王來也不覺渾身在帝鄉南巖勝云許由臨岸洗耳巢父不飲牛水侍者親入帝鄉趙州只在草裏

烏窠道林禪師因侍者會通一日作辭師乃問汝今何往云某甲爲法出家和尚不垂慈誨今往諸方學佛法去師云若是佛法老僧此間亦有少許云如何是和尙此間佛法師於身上拈起布毛吹一吹侍者大悟更不復他遊

大滄秀云可惜這僧認他口頭聲色以當平生殊不知自己光明蓋天蓋地

汾陽昭頌云侍者初心學勝緣辭師擬欲去參禪烏窠知是根機熟吹毛當下得心安眞淨文云烏窠吹布毛紅日午方高趙王因好劍合國人帶

刀 雲居祐云無風而市起波痕碧髻羅紋正眼  
觀恰值黃河三凍鎖那羅延窟見龍蟠 佛眼遠  
云欲求佛法往南方老大宗師爲舉揚山花滿地  
雖狼籍一陣風來一陣香

洛浦安禪師久爲臨濟侍者濟常稱美云臨濟門下  
一隻箭誰敢當鋒師一日辭濟濟問甚麼處去師云  
南方去濟以拄杖劃一劃云過得這箇便去師乃喝  
濟便打浦作禮濟明日陞堂云有一條赤梢鯉魚搖  
頭擺尾向南方去不知向誰家盡裏淹殺

雲居祐頌云執侍巾瓶二十年搖頭擺尾出林泉  
悠悠直往南方去盡裏淹來得穩眠

法屬

黃檗運禪師一日辭百丈云欲禮拜馬祖去丈云馬  
祖已遷化也師云未審馬祖有甚奇特言句乞師不  
吝丈遂舉再參馬祖因緣乃云我當時被大師一喝  
直得三日耳聾師不覺縮頭吐舌丈云子已後莫承  
嗣馬祖麼師云不然今因和尙得見馬祖大機大用  
要且不識馬祖若承嗣馬祖恐已後喪我兒孫丈云

見與師齊滅師半德見過於師方塊傳授子甚有超  
師之見

潯山問仰山百丈再參馬祖豎拂因緣此二尊宿  
意旨如何仰云此是顯大機之用潯云馬祖出八  
十四人善知識幾人得大機幾人得大用抑云百  
丈得大機黃檗得大用餘者盡是唱導之師潯云  
如是如是

佛眼遠頌云家肥生孝子國霸有謀臣拳頭劈口  
槌未到無兒孫

百丈政禪師問南泉諸方善知識還有不說似人底  
法也無泉云有師云作麼生是泉云不是心不是佛  
師云怎麼卽說似人了也泉云某甲卽與麼師云師  
伯作麼生泉云我又不是善知識爭知有說不說底  
法師云某甲不會請師伯說泉云我太煞與汝說了  
傳燈作嗣百丈海呼  
南泉爲師伯今依之

大潯詰云百丈只知瞻前不知顧後當時待伊道  
某甲不會但云老僧亦不會百丈若下得此一轉  
語非唯與南泉爲宗匠亦乃與天下人爲宗匠

雪竇顯頌云祖佛從來不爲人稱僧今古競頭走  
明鏡當臺列象殊一一面南看北斗柄垂無處  
討拈得鼻孔失却口長靈卓云不會誰不會相  
逢且喫茶不尋雲水路爭到野僧家白雲端云  
涅槃老子順風吹囉哩哩囉爭得知隔嶺幾多人  
錯聽一時喚作鷓鴣詞徑山杲云傾腹傾心說  
向君不知何故尙沈吟而今便好猛提取付與世  
間無事人

法眼益禪師出世後長慶會下有子昭首座平昔與  
師商確古今心中憤憤一日領衆到責問於師師舉  
衆出迎特加禮待主賓位上各掛拂子茶罷昭變色  
問云長老問堂的詞何人師云地藏昭云何太辜長  
慶先師某甲同在座下商確古今曾無間隔因何却  
翻地藏師云某不會長慶一則因緣昭云何不問來  
師云長慶道萬象之中獨露身作麼生昭豎起拂子  
師叱云首座此是當年學得底別作麼生昭無對師  
云只如萬象之中獨露身是撥萬象不撥萬象昭云  
不撥師云兩箇參隨連聲救云撥萬象師云萬象之

中獨露身豈昭等懷懼而退師指住云首座殺父殺  
母猶通懺悔謗大般若誠難懺悔昭竟不能對於是  
參師發明已見更不開堂

天童覺頌云離念見佛破塵出經現成家法誰立  
門庭月逐舟行江練淨春隨草上燒痕青撥不撥  
聽叮嚀三徑就荒歸便得舊時松菊尙芳馨

海會舉禪師到琅琊問上座近離甚麼處師云浙  
江云船來陸來師云船來云船在甚麼處師云步下云  
不涉程途一句作麼生道師云杜撰長老如麻似粟  
便下去琅琊乃問侍者此是甚麼人者云舉上座瑯  
云莫是舉師叔麼當時先師教我尋見伊遂親下堂  
問上座莫便是舉師叔莫恠某甲適來相觸忤師便  
喝復問長老甚時到汾州瑯云恁時師云我在浙江  
早聞你名元來見解祇如此何得名播寰海瑯乃  
作禮

海印信頌云漁翁蕭灑任東西蘆管橫吹和不齊  
夜靜月明魚不食扁舟臥入武陵溪鼓山珪云  
官路無人獨自行兩家公驗甚分明路傍偷販私

鹽客草裏蹲身過一生 徑山杲云奪得驪珠即  
便回小根魔子盡疑猜拈來拋向洪波裏撒手大  
家歸去來

浮山遠禪師僧問師唱誰家曲宗風嗣阿誰師云八  
十翁翁輓繡毬云恁麼則一句迥然開祖胷三玄戈  
甲振叢林師云李陵元是漢朝臣

投子青拈云水深魚穩巢落巢疎復頌月裏無根

草山前枯木花鴈回沙塞後砧杵落誰家

投子青禪師僧問師唱誰家曲宗風嗣阿誰師云威  
音前一箭射透兩重山云如何是相付底事師云全  
因淮地月得照鄧陽春云恁麼則入水見長人師云  
祇知荆玉異那辨楚王心隨後以拂子敲禪牀

丹霞淳頌云珊瑚枝上玉花開風遞清香遍九垓  
勿謂乾坤成委曲韶陽曾見睦州來

楊岐會禪師在筠州九峰受楊岐請陞堂下座時九  
峯勸禪師把住師云今日喜得箇同參師云作麼生  
是同參底事勸云九峯牽犁楊岐拽杷師云正恁麼  
時楊岐在前九峯在前勸擬議師托開云將謂同參

元來不是

保寧勇代擬議處云臨行之際更莫切切便掌  
上方盤頌云一拽杷二牽犁平田淺地且相隨恰  
到飢時無草料放開頭角便東西老楊岐老楊岐  
盡道從來解弄蹄

天寧楷禪師僧問師唱誰家曲宗風嗣阿誰師云金  
鳳夜棲無影樹峯巒纔露海雲遮

丹霞淳頌云等閑應問豈安排一句全提隱顯該  
薄霧依依籠古徑孤峯終不露崔嵬

尼女

文殊師利在靈山會上諸佛集處見一女子近佛而  
坐入於三昧文殊白佛言云何此女得近佛坐佛云  
汝但覺此女令從三昧起汝自問之文殊遽女子三  
而鳴指一下乃至托上梵天盡其神力而不能出佛  
云假使百千文殊亦出此女定不得下方過四十二  
恒沙國土有罔明菩薩能出此女定須與罔明從地  
涌出作禮佛前佛勅出此女定罔明即於女子前鳴  
指一下女子於是從定而出一本小異

翠巖芝云僧投寺裡宿賊打不防家 五雲云不  
唯文殊不能出此定但恐如來也出此定不得祇  
如教意怎生體解 夾山齡云這公案無不委知  
文殊爲甚出不得罔明爲甚出得諸人儘具奔流  
度刃底眼非但見這一隊漢敗闕乃至河沙佛祖  
出來也被作家覷破其或青黃不辨邪正不分祇  
管去覓女子出定玄沙道底 天童覺云若定若  
動當人變弄鴻毛輕而不輕太山重而非重還知  
老瞿雲鼻孔在我手裡麼

天衣懷頌云文殊托上梵天罔明輕輕彈指女子  
黃面瞿曇看他一倒一起 雲蓋智云獨坐靈山  
誰得知罔明出定破群迷如今四海皆通達信道  
無心總不疑 寶峯照云拂拭瑤琴月下彈調高  
雪曲和還難五侯費盡平生志從此詩書懶更看  
圓覺演云二菩薩出定笑殺老禪和富嫌千口  
少貧恨一身多 白楊順云文殊出不得罔明却  
出得叵耐這冤家冷地裏作賊

世尊因七賢女遊屍陀林一女指屍謂諸姊云屍在

這裏人向甚處去中有一姊云作麼作麼諸姊諦觀  
各各契悟感帝釋散花云唯願聖姊有何所須我當  
終身供給女云我家四事七珍悉皆具足唯要三般  
物一要無根樹子一株二要無陰陽地一片三要叫  
不響山谷一所帝釋云一切所須我悉有之若三般  
物我實無得女云汝若無此爭解濟人帝釋遂同往  
白佛佛言憍尸迦我諸弟子大阿羅漢悉皆不解此  
義唯有諸大菩薩乃解此義

佛惠泉頌云寒林裏忽逢伊帝釋行檀恨已遲三  
物索來何處有却令諸姊皺雙眉憍尸迦知不知  
更獻天花三兩枝 佛燈珣云帝子遊春不逐歌  
相邀諸姊入屍陀死人堆裏出身路撥動煙塵見  
也麼剎利漢不消多回頭踏著自家底洞雲深處  
舊煙蘿 龍牙才云屍在此兮人何在疾雷破山  
風振海雲飛雨散相見時觸骸眼睛放光彩  
舍利弗因入城遙見月上女出城舍利弗心口思惟  
此姊見佛不知得忍不得忍我當問之纔近便問甚  
麼處去女云如舍利弗與麼去弗云我纔入城爾當



出城云何言如舍利弗與麼去女云諸佛弟子中當往何所弗云諸佛弟子依大涅槃而住女云諸佛弟子既依涅槃而住我如舍利弗與麼去

大滄詰云一人入城一人出城何言如舍利弗與麼去若人知得舍利弗月上女二人去處十二時中動轉施爲無非住諸佛大涅槃若也未知業識茫茫無本可據 清涼和云一出入何云同去會麼拈起拄杖云舍利弗月上女盡在山僧拄杖頭上若也會得去路無差其或不然一任出入圓悟勤頌云本來正體徹根源出入同途只此門已住如來大解脫掌中至寶耀乾坤 佛慧泉云淡籠煙深鎖霧鷺子寧知此條路直饒撞入涅槃門未免隨他與麼去月上女實堪悲愛將青黛畫蛾眉 佛燈珣云涅槃一路同來往寸步寧虧達本鄉鷺子點兒輕借便猶如瘧子喫生薑月上女太無良不塗紅粉自風光金鎖玄關留不住百尺竿頭信脚行

文殊大士問菴提遮女生以何爲義女云生以不生

生爲生義殊云如何是生以不生生爲生義女云若能明知地水火風四緣未曾自得有所和合而能隨其所宜是爲生義殊云死以何爲義女云死以不死死爲死義殊云如何是死以不死死爲死義女云若能明知地水火風四緣未曾自得有所離散而能隨其所宜是爲死義

佛性泰頌云生無所生死無所死風動塵飛波澄浪止和合離散隨緣發現滿月彎弓雙離一箭南堂靜云生以不生生爲生指天指地四方行死以不死死爲死雙林樹下亦如此生不生死不死四十九年無一字掣斷金鎖天麒麟突出金毛獅子子

菴婆提女問文殊云明知生是不生之法爲甚麼却被生死之所流文殊云其力未充教中名言小異大同

後進山主問修山主明知生是不生之法爲甚麼被生死之所流修云筍畢竟成竹去如今作篋使得麼進云汝向後自悟去在修云某甲所見祇如此上座意旨如何進云這箇監院房那箇是典座

房修乃禮謝

正覺逸頌云進老分明到五臺修師真箇入闌來  
維那院主門相對說著令人兩眼開

趙州諗禪師因五臺山下有一婆子接待凡有僧問  
臺山路向甚處去婆云驀直去僧纔行三五步婆云  
好箇師僧又恁麼去後有僧舉似師師云待我去爲  
勘過這婆子明日師便去亦如是問婆亦如是對師  
歸乃陞堂爲衆云臺山婆子我爲勘破了也

玄覺云前來僧也與麼問答後來趙州也與麼問  
答且道甚處是勘破處又云非唯被趙州勘破亦  
被這僧勘破 琅琊覺云大小趙州去這婆子手  
裡喪身失命雖然如是錯會者多 大滙詰云天  
下衲僧只知問路老婆要且不知脚下泥深若非  
趙州老人爭顯汗馬功高木山方云一人從苗辨  
地一人臨崖不悚諸人要識趙州麼良久云鬧市  
裏虎

慈明圓頌云趙州勘破婆子葉落便合知秋天  
下幾多禪客五湖四海悠悠 黃龍南云傑出叢林

是趙州老婆勘破有來由而今四海清如鏡行人  
莫與路爲讎 淨照臻云趙州勘破老婆禪語默  
分明在目前近日五湖參學者剛於岐路走如煙  
少林通云趙州勘破語難過無限平人走似梭  
日暮臺山空寂寂至今猶未絕諸訛 雲蓋昌云  
臺山路上老婆禪驀直教人好進前賴得趙州親  
勘破從茲四海路平然

趙州問一婆子甚麼處去云偷趙州笋去師云忽遇  
趙州又作麼生婆子便與師一掌師休去

雪竇頌云好掌更下兩掌也無勘處 五祖演云  
趙州休去不知衆中作麼生商量白雲也要露箇  
消息貴要衆人共知婆子雖行正令一生不了趙  
州被打兩掌斷斷牙關婆子可謂去路一身輕似  
葉趙州高名千古重如山

野軒遵頌云趙州笋被婆偷擲如何肯便休合  
出手時須出手得抽頭處且抽頭 海印信云彎  
弓直勢射難當陷虎之機理最長雖是貪他一粒  
米誰知失却半年糧 地藏恩云趙州老捉箇賊

當面勘渠返遭一擱賊不成罪歸已天下衲僧知  
幾幾無盡居士云趙州挨拶老婆時迦葉難陀  
盡皺眉却被老婆揮一掌從來多事落便宜佛  
鑑懃云從來柔弱勝剛強捉賊分明已見賊當下  
被他揮一掌猶如癩子喫生姜

嚴頭禪師因沙汰後於鄂渚湖邊作渡子兩岸各  
掛一牌板有人過渡打板一下師云阿誰或云要過  
那邊師乃舞棹迎之一日因一婆子拘一孩兒來乃  
問呈撓舞棹即不問且道婆手中兒甚處得來師以  
撓便打婆子云婆生七子六箇不遇知音只這一箇  
也不消得便拋向水中

琅琊覺云欺敵者亡大瀉智云嚴頭業在其中  
只得遁身泥水婆子雖有丈夫手段也是家醜外  
揚

大瀉詰頌云親兒棄了更無親撒手歸家罷問津  
呈撓舞棹波中客休向江頭覓渡人上方益云  
舞棹呈撓古渡頭婆婆相見問來由何人拚得親  
生子拋向江心更不收月庵果云千尺絲綸世

心性疑姓

可猜鉤頭多是得黃能自從釣得錦鱗後洗盡渠  
儂滿面埃

保福展禪師與甘長老相看鄭十三娘纔坐定師乃  
問承聞十三娘子參見瀉山是不云是師云瀉山遷  
化向甚麼處去娘起身偏牀而立甘云閑時說禪口  
似懸河何不道取娘云鼓這兩片皮堪作甚麼甘云  
不鼓這兩片皮又作麼生娘云合取狗口

南堂靜頌云瀉山遷化絕音容趨起眉毛何處去  
十三娘子側身時放出金毛獅子

### 行童

五祖大師初在廬州西山栽松遇四祖告云吾欲傳  
法與汝汝已年邁汝若再來吾尙遲汝師諾遂往周  
氏家女托生因拋濁港中神物護持至七歲爲童子  
四祖出山路次逢之見其骨相奇秀異乎常童乃問  
云子何姓耶師云姓卽有非常性祖云是何姓師云  
佛性祖云汝無姓耶師云性空故祖默識之攜歸出  
家後付衣法居黃梅東山

天童覺頌云黃梅果熟白藕花開問唯佛性體異

凡胎衣傳南嶺人將去松老西山我再來兩借皮  
囊成底事壺風月湛無埃草堂清云無父無  
兄絕是非江心誰辨逆流時西山得法東山隱此  
事只教能者知佛國白云垂垂白髮下青山七  
載歸來換舊顏人却少年松已老是從非從此落人  
間無爲子云栽松何老傳衣何少前身後身一  
夢兩覺白藕花開峯頂頭明月千年冷相照

禪林類聚卷第九

禪林類聚卷第十

人境

心眼

肢體

眞像

人境

臨濟玄禪師示衆云赤肉團上有一無位真人常在  
汝等諸人面門出入未證據者看看時有僧出問如  
何是無位真人師下繩床扭住云道道僧無語師打  
一掌拓開云無位真人是甚麼乾屎橛

雪峯存云臨濟大似白拈賊雪竇顯云夫善竊  
者神鬼莫知既被雪峯覷破臨濟不是好手復召  
大衆云雪竇今日換你諸人眼睛了也你若不信  
各歸寮舍自摸揀看琅琊覺云臨濟可謂冰凌  
上度過九鞠劒刃上拾得全身

白雲端頌云春風浩浩烘天地是處山藏煙霞裏  
無位真人不可尋落花又見隨流水保寧勇云  
播土揚塵沒處藏面門出入太狼當撒屎撒尿渾  
閑事浩浩誰分臭與香佛印元云卞壁無瑕奪  
日輝秦王雖愛不輸機可憐又入相如手一陣清  
風滿路歸通照逢云無位真人臨濟道勸君不  
用更尋討鳥道無功遊者稀百尺竿頭要親到  
佛心才云聲色不干眼耳天地本自同根巖下忽  
逢啼鳥翻身又到松門

臨濟小參云我有時奪人不奪境有時奪境不奪人  
有時人境兩俱奪有時人境俱不奪克符便出問如  
何是奪人不奪境師云煦日發生鋪地錦嬰兒垂髮  
白如絲云如何是奪境不奪人師云王令已行天下

遍將軍塞外絕煙塵云如何是人境兩俱奪師云并汾已信獨處一方云如何是人境俱不奪師云王登寶殿野老謳歌

克符復頌云奪人不奪境緣自是諸訛擬欲求立旨思量反責麼驪珠光燦爛蟾桂影婆娑觀面無差互還應滯網羅奪境不奪人尋言何處真問禪禪是妄究理理非親日照寒光澹山搖翠色新直饒立會得恰似眼中塵人境兩俱奪從來正令行不論佛與祖那說聖凡情擬犯吹毛劍還如值木盲進前求妙會特地打精靈人境俱不奪思量意不偏主賓言不異問答理俱全踢破澄潭月穿開碧落天不能明妙用淪溺在無緣

大同濟禪師僧問如何是本來人師云共住不相識云恁麼則禮拜去也師云暗寫愁腸寄阿誰

保寧勇頌云共住同行世莫知幾人當面使逢伊縱饒紹續家門者半是貧寒乞養兒

趙州諗禪師問投子大死底人却活時如何子云不許夜行投明須到

雪竇顯頌云活中有眼還同死藥忌何須鑒作家古佛尙言曾未到不知誰解撒塵沙白雲端云死去活來牙尙露投明須到已先行誰家別館池塘裏一對鴛鴦畫不成長靈卓云虎空產出鐵牛兒頭角分明也大奇踏破澄潭深處月夜闌牽向雪中歸佛印元云大死底人同活人三千豪俠又隨塵李陵本是收番將却作降番上將身徑山杲云禾黍不陽艷競栽桃李春翻令力耕者半作賣花人

趙州僧問路逢達道人不將語默對未審將甚麼對師云人從陳州來不得許州信

大瀉行頌云滿滿彎弓射不著長長揮劍斫無痕堪笑日月不到處箇中別是一乾坤

夾山會禪師僧問如何是夾山境師云猿抱子歸青嶂後鳥啼花落碧巖前

法眼云我二十年來只作境話會却浮山遠云直饒不作境話會亦未曾在何故犀因甌月通於角象被雷驚花入牙琅琊覺云且道如今怎生



會良久云上士遊山水中人坐竹林

投子青頌云月皎青松鶴夢長碧霄丹桂掛羚羊

巖高壁仞千峯雪石笋生條半夜霜寶峯祥云

古鏡重磨又一新一回出匣一驚人石頭城下風

雷吼老老禪翁把要津丹霞淳云蚌含明月珠

生腹龍擁深雲雨灑空莫向平田翻巨浪直須點

點盡朝東徑山杲云境話會來猶未是却問而

今作麼生清涼元本鼻頭直夾山依舊兩眉橫

雲門偃禪師僧問如何是大修行底人師云一盞在

手

大中德頌云手中一盞絕痕瑕道聽途傳轉見賒

作者至今拈不起依前獨自挈歸家

鳳翔石柱禪師遊方時到洞山即青林也值山示衆云有

四種人一人說過佛祖一步行不得一人行過佛祖

一句說不得一人說得行得一人說不得行不得那

箇是其人師出衆云一人說過佛祖一步行不得祇

是無舌不許行一人行過佛祖一句說不得祇是無

足不許說一人說得行得祇是函蓋相稱一人說不

得行不得如斷命求活此是石女兒披枷帶鎖山云  
闍梨分上又作麼生師云該通分上卓卓寧彰山云  
祇如海上明公秀又作麼生師云幻人相逢撫掌呵  
呵

丹霞淳頌云水底泥牛耕白月雲中木馬驟清風

胡僧懶捧西乾鉢半夜乘舟過海東

靈峯顯禪師僧問如何是諸佛向上人師云白雲覆

青山云莫便是和尚爲人處也無師云淥沼徒長蘂

投子青頌云雪嶠層層翠鎖深風生寒岫結重雲

夜來丹鳳冲霄漢聽曉樵人逐鴈群

心眼

十祖脇尊者因十一祖作童子時來祖乃問爾從何

來云我心非往祖云爾住何所云我心非止祖云子

不定耶云諸佛亦然祖云爾非諸佛云諸佛亦非

翠巖芝云祖師與童子一問一答總欠會在如今

作麼生會

南堂靜頌云諸佛亦非國泰家肥出窟獅子報曉

金雞

馬祖一禪師示衆云汝等諸人各信自心是佛此心卽是佛心達磨自南天竺國來至中華傳上乘一心之法令汝等開悟僧問和尚爲甚麼說卽心卽佛師云爲止小兒啼云啼止後如何師云非心非佛云除此後如何指示師云向伊道不是物

翠巖真頌云百萬雄兵出將軍獵渭城不閉弓矢力斜漢月初生 圓悟勤云無鬚鎖子八面玲瓏不撥自轉南北西東海神知貴不知價留與人間光照夜 佛國白云心心卽佛佛心心佛佛心心卽佛心心佛悟來無一物將軍止渴望梅林 佛鑑勲云美如西子離金閣嬌似楊妃倚玉樓猶把琵琶半遮面不令人見轉風流 長靈卓云風勁葉頻落山高日易沈坐中人不見臆外白雲深 黃龍震云敲之卽響聽則無聲敲冬汗濕酷熱冰清試問道途來往客長安此去幾多程 槩山積禪師示衆云三界無法何處求心 雪竇顯頌云三界無法何處求心白雲爲蓋流水作琴一曲兩曲無人會雨過夜塘秋水深 佛性

泰云三界無法何處求心山谷雨過松韻風吟橫眠倒臥無餘事一任莓苔滿地侵 佛鑑勲云青靑入座當軒竹黯黯遮門對面山更有一般堪羨處夜深流水響潺潺

麻谷徹禪師問臨濟大悲千手眼那箇是正眼濟云大悲千手眼作麼生是正眼速道速道師拽濟下禪牀却坐濟遂起云不審師擬議濟便喝拽師下禪床却坐師便出去

達觀頌云諸德此二尊宿如此且道怎生今時人總道照用照甚麼碗一切人只解自騎馬去捉賊自持刀去殺賊此二人便能奪賊馬捉賊奪賊刀殺賊雖然如是臨濟雖是得便宜却是落便宜 保寧勇頌云多年塞上只聞名今日陣前親見面正馬單鏖戰數場好是見機開一箭 海印信云大悲正眼問來端互換之機子細看會得不得亦顛頂也似黏魚上竹竿 覺海元云正眼英雄逢正眼勝負短長徒用揀那吒現出本來身且非父母能生產 普融平云相逢狹路轉身難一陣交

鋒瞬息間旗號縱橫莫辨試問何人得勝還

龐蘊居士問馬祖不昧本來人請師高著眼祖直下  
觀士進云一種沒絃琴唯師彈得妙祖直上觀士乃  
作禮祖歸方丈士隨後入云弄巧成拙

雲峯悅云且道賓家弄巧成拙主家弄巧成拙還  
有人揀得出麼若揀得出三十棒一棒也較不得  
若揀不出明年更有新條在惱亂春風卒未休

琅琊覺云一夜作竊不覺天曉

保寧勇頌云浩浩擎山頂嶽來撐天拄地勢崔嵬  
從教弄巧翻成拙撒手前行更不回 佛眼遠云

與子偕行今日路與君共看本來人同名同姓同

形段無死無生無色塵 佛鑑勲云馬師素有擎

雲手龐老猶伸掣電機上苑鶯鶯相對語朱樓鸞

鷺一雙飛

雲巖晟禪師問道吾大悲菩薩用許多手眼作甚麼

吾云如人夜間背手摸枕头相似師云我會也吾云

汝作麼生會師云徧身是手眼吾云道也太煞道只

道得八成師云某甲只恁麼師兄作麼生吾云通身

是手眼

雪竇顯頌云徧身是通身是拈來猶較十萬里展  
翅崩騰六合雲搏風鼓蕩四溟水是何埃垵兮忽  
生那箇毫釐兮未止君不見網珠垂範影重重棒  
頭手眼從何起喝 佛心才云演若怖回鏡裏首  
那吒還復舊時身不知千眼從何起便道全軀在  
剎塵 大洪預云弟應兄呼堂偶然嬉遊時在舊  
山前通身手眼如何會拾得寒山笑揭天 天寧  
璉云通身是手眼徧界不曾藏背摸床頭枕翻身  
嫌夜長

趙州諗禪師問僧甚處來云雪峯來師云雪峯近日  
有何言句僧云雪峯示衆云盡大地是沙門一隻眼  
汝等諸人向甚處局師云上座若回雪峰我寄箇鉢  
子去與他

保福展云南有雪峯北有趙州 琅琊覺云衆中  
有云寄鉢子去埋却趙州若道寄鉢孟去便道盛  
粥飯用狂解益見作麼商量不是僧絲手護說學  
丹青 雪竇顯云這僧既不從雪峯來可惜趙州

歛子

正覺逸頌云南望雪峰層萬里北遊未踏趙州關  
賺他一隻破歛子二百餘年去不還 佛慧泉云  
石橋一路滑如苔閩嶺風高凍不開相見盡言遊  
歷去幾人曾到雪峯來 鼓山珪云大地是眼何  
處屬天下不奈雪老何趙州寄箇歛子去方得此  
話圓堵墻 徑山杲云途路波吒數十州傳言送  
語當風流不知脚下泥生刺踏著錐人脚指頭  
保壽第二世禪師開堂日三聖和尚乃推出一僧師  
便打聖云恁麼爲人瞎却鎮州一城人眼去在師便  
歸方丈

雪竇顯云保壽三聖雖發明臨濟正法眼藏要且  
只解無佛處稱尊當時這僧若是箇漢纔被推出  
便掀倒禪牀直饒保壽全機也較三千里 雲峯  
悅云臨濟一宗掃地而盡因甚麼却到這裏黏拈  
拄杖云甚麼處去也 澗山秀云保壽爲將因何  
三聖却作中軍可惜鎮州一城人眼至今未辨東  
西然清議之排必有竊吹之處當時連三聖越出

必然救得鎮州一城人眼 五祖戒別保壽云千  
鈞之弩不爲鼯鼠而發機 琅瑯覺云不是三聖  
爭到今日然雖如是錯會者多 大瀉詰云保壽  
大似寰中天子勅正行三聖塞外將軍令正舉還  
有不惜性命者麼出來與老僧相見要斷不平之  
事良久云橫按鎮鄒全正令太平寰宇斬癡頑  
黃龍南頌云寶華王座始登時三聖推僧決衆疑  
棒下分明無老少天下盲人幾箇知 佛國白云  
臨濟家風兩獻酬推僧棒瞎見宗猷若非保壽全  
機眼更有誰明此話頭 保寧勇云黑白未分著  
著奇任他閑漢畔頭窺不知除却神僂手更有何  
人敵得伊 徑山杲云提起須彌第一槌電光石  
火太遲遲象王行處狐蹤絕獅子咆哮百獸危  
雲門偈禪師僧問如何是正法眼師云普  
黃龍心云更道箇瞎且圖兩得相見  
洞山聰頌云普之一字豈尋常擡手須看掣電光  
擬議思量生會解堪嗟剗肉作身瘡 大愚芝云  
說佛說法廣鋪舒矢上加尖也太愚明眼衲僧傍



觀見一條拄杖兩人昇 白雲端云頂上有來真  
箇瞎輝天輝地不同時大悲手裡休擎出獨自夜  
行誰得知 正覺逸云普之一字天然別著眼看  
時如電掣宇宙茫茫無處尋秤槌踏著硬如鐵  
圓通僊云應機無出老韶陽法眼咨詢普字當機  
會若非獅子子一場閑夢過瀟湘

天童啓禪師僧問如何是應用無虧底眼師云恰如  
瞎一般

丹霞淳頌云盲靈瘡癒迥天真眼似眉毛道始隣  
昨夜東君潛布令黃鶯啼處綠楊春

護國澄禪師僧問如何是本來心師云犀因甌月紋  
生角象被雷驚花入牙

丹霞淳頌云三脚靈龜荒徑走一枝瑞草亂峯垂  
崑崗含玉山先潤涼兔懷胎月未知

### 肢體

達磨大師將返西天謂門人云時將至矣盍各言所  
得手時門人道副對云如我所見不執文字不離文  
字而爲道用師云汝得吾皮尼總持云我今所解如

慶喜見阿闍佛國一見更不再見師云汝得吾肉道  
育云四大本空五陰非有而我見處無一法可得師  
云汝得吾骨最後慧可禮拜後依位而立師云汝得  
吾髓於是傳法付衣

明安云且道更有一人出來得箇甚麼乃云不得  
不得又云意況不到 翠巖芝云二祖被他當面  
塗糊莫道髓皮也不曾摸著因甚却紹祖位 天  
衣懷云祖師與麼說話無計較中翻成計較無塗  
轍中却成塗轍若教伊踏著德山臨濟門下免見  
九年冷坐被人喚作壁觀胡僧直饒如是也未免  
殃及兒孫 五祖演云當時若見他三人恁麼道  
各人好與三十棒只如白雲今日也合喫二十九  
棒留一棒與你諸人其間若有知痛痒者不辜負  
先聖亦乃得見白雲其或未知堂裏喫粥喫飯更  
須爛嚼多見是渾圓吞却

佛國白頌云缺齒胡僧到大唐却將皮髓強分張  
九年懷懽空歸去添得華人笑幾場 保寧勇云  
門前諸子列成行各逞英雄越羈王如何獨有無



言者坐斷毗盧不可當 正覺逸云少林真嗣擇  
全才諸子紛紛點額回衣法莫言容易得曾憑三  
拜作良媒 地藏恩云當門窗缺真堪笑面壁無  
言坐九年皮髓些些分俵了依前懨懨返西天  
枯木成云四維上下絕遮欄涌出永壺印碧天無  
孔笛中藏六律一聲驚起釣魚船

南泉顯禪師示衆云王老師賣身去也還有人買麼  
時有一僧出衆云某甲買師云不作貴不作賤你作  
麼生買僧無語

趙州云明年與和尚作一領布衫 臥龍球代云  
和尚屬某甲 澄源代云是何道理 雪竇頌云  
雖然作家競買要且不解輪機且道南泉還肯麼  
雪竇也酬箇價直令南泉進且無門退亦無地不  
作貴不作賤作麼生買別處容和尚不得 佛鑑  
勲云遼天索價著地相酬也須是當行家始得若  
非當行價例不等不成買賣

泉大道頌云貴賤非同價不常箇中交道勿商量  
趙州布衫應時用一任閑人說短長 野軒遵云

南泉鋪席大開張差寶希珍歷市行競買雖多酬  
價少至今天下錯商量 海印信云賣身王老難  
爲價貴賤俱非不易識若使當時無退悔喚來分  
付與園頭 保寧勇云王老哀哉不惜身臨危將  
賣與何人若無令子輕酬價往往一年空過春  
南泉因僧來參乃叉手而立師云大俗生僧合掌師  
云大僧生僧無語

保寧勇代撒手倒行出去

佛眼遠頌云南北東西無不利令人深愛老南泉  
眉毛厮繫如相似鼻孔遼天不著穿

南泉云喚作如如是變了也今時人須向異類中  
行始得趙州在僧堂前見師便問異即不問如何是  
類師以手托地州以腳踏師倒地州走入延壽堂叫  
悔悔師令侍者問悔甚麼州云悔更不與兩踏

保寧勇頌云張公移住向深村被賊潛身入後門  
鍋子一時偷去後更來敲枕旣兒孫 佛日才云  
父不慈子不孝作之在前悔之在後明眼衲僧難  
緘其口

一 龍本資公一  
瀉山見仰山從外入師以兩手握拳相交示之仰便作女人拜師云如是如是

佛鑑勸云須知道解與師齊減師半德見過於師方堪傳授瀉山纔向針鋒上把定乾坤仰山便向藕絲裏開張世界且因甚如此不見道功多業就水到渠成 大瀉智云功已成名亦遂父父子子有巴有鼻千古之下如金擲地諸仁者還知麼瀉山搖頭仰山擺尾理合如斯因事長智周公制禮如是如是 塗毒策云恁麼說話豈不是奇特商量殊不知瀉山父子無繩自縛去死十分祇如瀉山以手握拳相交示之何似塗毒轉箇拄杖子自西邊拈過東邊且道是同是別箇裏不曾開活眼知君泥水未嘗分

慈受深頌云佳人十八正嬌癡一曲堂前舞柘枝只有玉郎知雅態更無人道柳如眉

臨濟玄禪師因趙州遊方到院在後架洗脚次師便問如何是祖師西來意州云恰遇山僧洗脚師近前作聽勢州云會即使會啗啄作甚麼師便歸方丈州

云三十年行脚今日錯爲人下註脚

玉泉璉云二老相見各有來由明暗互換強弱相持檢點將來大似賊偷賊物要識他用處麼一條拄杖兩人擎好手手中呈好手 松源岳云半雨半晴桃紅李白點著便行不勞啗啄那箇是他錯下註脚處試道看

鼓山珪頌云洗脚處更不安排側聆時非是啗啄趙州臨濟二老人相見何曾下註脚 徑山杲云一人眼似鼓槌一人頭如木杓兩箇老不識羞至今無處安著

長慶稜禪師僧問如何得不疑去師展兩手

投子青頌云展手之時萬仞摧枯河無水月無來若疑別問麗居士石女黃梅誰共陪

魏府大覺禪師僧問如何是本來身師云頭枕衡山脚踏北嶽

保寧勇頌云主山之後案山前下是地兮上是天身手太長衫袴短醉狂贏得樂豐年

文殊禪師僧問古人垂一足意旨如何師云坐久成

勞

投子青頌云馳書纔去返忽忽一足垂酬繼後蹤  
坐久成勞誰委悉紅爐點雪自相通

龍濟修山主同法眼悟空三人到地藏阻雪附爐次  
藏問山河大地與上座自己是同是別師云別藏豎  
起兩指師云同藏亦豎起兩指便起去師罔措遂投  
誠入室

禾山方云這箇漢向火也不了更只管說同說別  
直饒見得歷歷分明正在途中向禾山門下直須  
喫棒何故十語九中不如一默

白雲端頌云地藏當鋒豎指頭諸老至今猶未嘗  
天迴地轉却等閑千古萬古兩條鐵 保寧勇云  
商量同別有多般潦倒何曾鼓舌端今古不能提  
得去一雙靈劍倚天寒 佛印元云山河大地兼  
同別口中未有娘生舌多知禪客強分疎甕裏何  
曾走却鼈

黃龍南禪師室中垂問學徒云我手何似佛手我脚  
何似驢脚人人有箇生緣處那箇是上座生緣處少

◆ 許驪澤

有契其機者天下號爲黃龍三關師復有偈示衆云  
生緣斷處垂驢脚驢脚伸時佛手開爲報五湖參學  
者三關一一透將來

旻古佛頌云我手佛手兼舉禪人直下薦取不動  
干戈道出當處超佛超祖我脚驢脚並行步步踏  
著無生會得雲收日卷方知此道縱橫生緣有語  
人皆識水母何曾離得蝦但見日頭東畔上誰能  
更喫趙州茶 照覺總云佛手纔開古鑑明森羅  
無得隱纖形朝朝日自東邊出多少行人問丙丁  
驢脚伸時動地輪大泝海底播紅塵唯餘庭際青  
青栢一度年來一度春垂問生緣何處來到家禪  
客絕纖埃毗盧剎海周遊也休說峨嵋與五臺  
佛眼遠云佛手驢脚生緣黃龍元無此語直饒恁  
麼知之我儂亦未相許奉報四海禪人第一不得  
錯舉

五祖演禪師每見僧來師乃展手問云何故喚作手  
佛眼遠頌云何故喚作手諸僧難開口擬議自翻  
預可憐太蒙斗

黃龍心禪師在室中豎拳示僧云喚作拳頭則觸不喚作拳頭則背未審喚作甚麼

雪巢一頌云背觸人難會遇君子細看片雲纔出洞遮却面前山道場琳云赤體更無藏隱處黃龍未語先分付若將見解上門來他家自有通霄路

### 眞像

南泉願禪師一日訪百丈丈問甚處來師云江西來丈云還將得馬大師真來麼師云只這是丈云背後底喚師拂袖使出或作訪忠國師

長慶稜云大似不知保福展云幾不到和尚此間雲居錫云此二尊宿盡扶背後只如南泉休去爲當扶面前扶背後五祖戒云和尚於此路熟佛鑑勲云一雙孤鴈搏地高飛兩隻鴛鴦池邊獨立塗毒策云膠漆易辨乳酪難分雖然難弟難兄其奈各行活路只如百丈道背後底濟南泉拂袖便出又作麼生不因同渡風波惡爭見船師手段高

佛眼遠頌云八面當風祇這是拂袖之談動天地堪愛賣身王老師不作賤乎不作貴

槩山積禪師將賴世告衆云有人邈得吾真不來或將所傳頂相呈似皆不契時普化云某甲邈得師云何不呈似老僧化遂打筋斗而出師云這漢向後擊風狂去在

保福展云普化掣頭不少槩山醜拙更多雲居

云普化只知邈真不覺露醜

佛眼遠頌云師真醜拙不堪呈用盡身心笑殺人波中莫覓絲頭意白鼻崑崙賀新正

洞山价禪師問雲巖云和尚百年後忽有人問還邈得師真如何祇對巖云但向伊道只這是師良久巖云价闍梨承當這箇事大須審細師無語巖便打後因供養雲巖真有僧問先師道只這是莫便是不師云是僧云意旨如何師云當時幾錯會先師語云未審先師還知有也無師云若不知有爭解恁麼道若知有爭肯恁麼道

長慶稜云既知有爲甚恁麼道又云養子方知父

慈

天童覺頌云爭解恁麼道五更雞唱家林曉爭肯  
恁麼道千年鶴與雲松老寶鑑澄明驗正偏玉機  
轉側看兼到門風大振兮規步綿綿父子變通兮  
聲光浩浩

九峯虔禪師僧問一筆丹青爲甚麼邈誌公眞不得  
師云僧繇却許誌公云爲甚麼却許誌公師云烏龜  
稽首須彌柱

投子青頌云荆山採玉卞人尋至寶無瑕絕見因  
鐵牛帶子踏滄海撞月石龜長羽鱗

文殊禪師僧問僧繇爲甚麼邈誌公眞不得師云非  
但僧繇誌公亦邈不得云誌公爲甚麼邈不得師云  
彩繪不將來云和尚還邈得也無師云我亦邈不得  
云和尚爲甚麼邈不得師云渠不以苟我顏色教我  
作麼生邈

丹霞淳頌云身光熾盛相巍巍妙筆如何彩繪伊  
休問僧繇吳道子誌公他自不能知

禪林類聚卷十

禪林類聚卷第十一

住山開堂附

庵居

戒律出家附

禮拜

參學

省訪

住山開堂附

青原思禪師令石頭馳書往南嶽讓和尚處乃云回  
來與汝鋤斧子住山去石頭到彼未通書便問不慕  
諸聖不重已靈時如何嶽云子問太高生何不向下  
問頭云寧可永劫受沈淪不求諸聖解脫便回師問  
返何速乎書達不頭云書亦不達信亦不通去時蒙  
許鋤斧子住山卽今便請師垂一足頭便禮拜歸南  
嶽住山

玄沙云大小石頭被大慧靠倒至今起不得翠  
巖芝云思和尚垂足石頭禮拜要且不得他斧子  
且道後來用箇甚麼黃龍南云石頭雖善馳達  
不辱宗風其奈逞俊太過不知落節既是落節回  
來因甚得斧子雪竇頌云石頭泊擔板過却又  
云大小大惠不能據令



保寧勇頌云從來祖上作君王子子孫孫代代昌  
文武百僚俱不識只應金殿有尊堂 佛印元云  
諸聖不求已靈不重一問太高天驚地動拂袖而  
回音書肯開從茲盤石上更不過山來 佛國白  
云鋤斧持來便住山斫開南嶽好峯巒兒孫失利  
將何用又被嘲噓笑魯般 枯木成云千里迢迢  
信不通歸來何事太忽忽白雲鎖斷巖前石掛角  
羚羊不見蹤

百丈海禪師僧問如何是奇特事師云獨坐大雄峯  
僧禮拜師便打

應庵華云大小百丈答話不了

雪竇顯頌云祖域交馳天馬駒化門舒卷不同途  
電光石火存機變堪笑人來捋虎鬚 白雲端云  
大機大用豈虛然獨坐雄峯是有權稍若錯傳王  
令者腦門須喫棒三千 投子青云巍巍峭迥出  
雲霄頂鎖冰寒勢外遙坐觀四望煙籠處一帶青  
山萬水朝 保寧勇云大雄峯頂獨巍巍直下橫  
分八字眉賴得縮頭知進退未嘗容易敢相虧

海印信云雄峯獨坐鎮巍巍四海譚諸滿路岐任  
是通身鋒刃者到來無不墜降旗

投子同禪師僧問和尚住此山有何境界師云了角  
女子白頭絲

白雲端頌云了角女子白頭絲猛獸堆中雪片飛  
一等住山誰可擬閑雲流水不同歸 正覺逸云  
山家世界別塵世罕曾聞只可自怡悅不堪持贈  
君持贈君還也奇了角女子白頭絲

雲居僧問僧家畢竟如何師云居山好僧禮拜師云  
你作麼生會云僧家畢竟於善惡生死逆順境界其  
心如山之不動師打云辜負先聖喪我兒孫又問傍  
僧云你作麼生僧禮拜云僧家畢竟眼不覷玄黃之  
色耳不聽絲竹之聲師云辜負先聖喪我兒孫

黃龍南云作麼生道得一句不辜負先聖喪我兒  
孫若人道得到此青山非道場若道不得有寒暑  
兮促君壽有鬼神兮妬君福

投子青頌云突兀嵯峨萬刃橫四邊無路不通行  
自古南輪光不到夜深王老入西岑

庵居

南泉願禪師住庵時一僧到師乃云某甲上山作務請齋時作飯自喫了却送一分來其僧齋辨自喫了却將家事一時打破仍就牀臥師伺久不來遂歸見僧臥師亦去一邊臥僧便起去師住後云我往前住庵時有箇剎利道者來直至如今不見

五祖戒云也是貧兒忠舊債翠巖芝云兩箇漢前不至村後不至店

南堂靜頌云吹毛劒利逆水波清丈夫志氣不順人情君征塞北我伐西秦千古萬古共樂昇平

趙州諗禪師因到一庵主處問有麼有麼主豎起拳頭師云水淺不是泊船處便行又到一庵主處云有麼有麼主亦豎起拳頭師云能縱能奪能殺能活便作禮

姜山愛云趙州只見錐頭利雲居舜云趙州當時甚生意氣雖然如是要且鼻孔在一庵主手裏

上方益云避得風雷重遭霹靂月庵果云泣露千般草吟風一樣松爲甚麼肯一不肯一若向

這裏見得釋迦不先彌勒不後坐斷要津天長地久苟或未然月庵老人爲諸人下箇註脚良久云若不如是爭知如是

文殊道頌云正馬單鏘戰祖關死生只在剎那間趙州最是難容漢庵主當頭楔兩拳佛迹昱云問答元來總一般當頭一著莫瞞預將軍自有佳聲在不得封侯也是閑佛性泰云無星秤子兩頭平提起應須見得明若向箇中爭分兩知渠錯認定盤星湛堂準云趙州老漢少喜多嘆不會爲客勞煩主人佛心才云虎步龍驤偏九域會從平地起風雷等閑喚出庵中主便見千江水迤流

龍山禪師住庵洞山价禪師與密師伯行脚見溪流菜葉洞云此中必有修行人遂往尋見庵主師問此山無路闔梨向甚麼處來洞云無路且置和尚從何而入師云我不曾雲水來洞云和尚住此庵多少時耶師云春秋不涉云和尚先住此山先住師云不知云爲甚麼不知師云我不爲人天來洞又問如何是

賓中主師云長年不出戶云如何是主中賓師云青山覆白雲云賓主相去幾何師云長江水上波云賓主相見有何言說師云清風拂白月洞又問庵主見箇甚麼道理便住此山師云我見兩箇泥牛闌入海直至如今無消息復有頌云三間茅屋從來住一道神光萬境閑莫把是非來辯我浮生穿鑿不相干遂放火燒却直入後庵

保寧勇頌云泥牛入海無消息天上人間何處覓謂言春去秋復來步步乘騎得渠力 南堂靜云撥草瞻風海上遊海山深處葉隨流相將行到水窮處果見厖眉老比丘這比丘冷啾啾清風爲線明月爲鈎一合乾坤作釣舟孤峯絕頂垂綸坐不風流處也風流

俱胝禪師初住庵時有尼頂笠攜錫至遶禪牀三匝云道得卽住師無語自嘆云我雖是丈夫却無丈夫之作欲棄庵徧參是夜土地報云庵主不須雲遊自有知識來爲說法次日果天龍和尚至庵師舉前話問之龍豎一指師忽然大悟不復他遊後凡有所問

唯豎一指頭臨終謂衆云我得天龍一指頭禪一生受用不盡乃豎一指而遊

長慶代衆云美食不中飽人喫 玄沙云我當時若見拗折指頭 玄覺云且道玄沙恁麼道意作麼生 雲居錫云只如玄沙恁麼道肯伊不肯伊若肯何言拗折指頭若不肯俱胝過在甚麼處曹山云俱胝承當處鹵莽只認得一機一境一種是拍手撫掌是他西園奇恠 玄覺又云且道俱胝還悟也未若悟爲甚麼道承當處鹵莽若不悟又道用一指頭禪不盡且道曹山意旨在甚麼處汾陽昭頌云天龍一指悟俱胝當下無私物匪齊萬互千差寧別說直教今古勿針錐 雪竇顯云對揚深愛老俱胝宇宙空來更有誰曾向滄溟下浮木夜濤相共接盲龜 佛國白云問答機關豈易酬無錢難作好風流心中有事說不得只得忙中豎指頭 慧照預云席簾蓬戶在門頭誰謂村居院落幽雨散雲收山嶽露珊瑚枝上掛金鈎 徑山杲云俱胝一指頭喫飯飽方休腰纏十萬貫

騎鶴上揚州

雪峯存禪師住庵時有兩僧來禮拜師見來以手托庵門放身出云是甚麼僧亦云是甚麼師乃低頭歸庵僧後到巖頭頭問甚麼處來云嶺南來頭云曾到雪峯麼云曾到頭云有何言句僧舉前話頭云他道甚麼云他無語低頭歸庵頭云噫我當初悔不向他道末後句若向伊道天下人不奈雪老何僧至夏末再舉前話請益頭云何不早問云未敢容易頭云雪峯雖與我同條生不與我同條死要識末後句只這是聊齋小異

大滄詰云大小雪峯巖頭却被這僧勘破 湛堂準云大眾雪峯是會末後句不會末後句若道會巖頭又道當初悔不向他道末後句若道不會因甚而今兒孫遍天遍地雖與我同條生不與我同條死末後句巖頭爲劈頭說破也未免有些諸訛久參先德一舉便知後學初機莫道不疑好雪竇頌云末後句爲君說明暗雙雙底時節同條生也共相知不同條死還殊絕還殊絕黃頭碧眼

須甄別南北東西歸去來夜深同看千巖雪 白

雲端云雪峯却入庵中後路上無人見得伊賴有故人千里在同條生死不同時 照覺總云雪老

別鰲山卓庵閩中坐一日見僧來探頭道甚麼末

後句少人和却得巖頭重註破同條生同條死末

後句莫錯舉 天童覺云切瑳琢磨變態諸訛葛

陂化龍之杖陶家居瑩之梭同條生有數同條

死兮無多末後句只這是風舟載月浮秋水

虎溪庵主因有僧問庵主在這裏得多少年也師云

祇見冬凋夏長總不記得云大好不記得師云汝道

得多少年也云冬凋夏長齊師云關市裏虎

琅琊覺頌云關市中心虎能歌不能舞命值木星

君不遇羅睺土 草堂清云虎溪老住庵年深都

不記關市中心虎四方如鼎沸

洛浦安禪師遊歷罷往夾山頂卓庵經年來山知乃

修書令僧驪到師接得便坐却再展手索僧無對師

便打云歸去學似和尚僧回舉似夾山山云這僧看

書三日內必來若不看書斯人救不得果三日後至



纔見夾山不禮拜乃當面叉手而立夾山云雞棲鳳巢非其同類出去師乃問云自遠趨風請師一接山云目前無闍梨此間無老僧師便喝山云住住且莫草草忽忽雲月是同溪山各異截斷天下人舌頭卽不無闍梨爭教無舌人解語師佇思夾山便打師因茲伏膺

興化云但知作佛愁甚麼衆生 雪竇顯云這僧可悲可痛鈍置他臨濟他旣雲月是同我亦溪山各異說甚麼無舌人不解語坐具劈口撼夾山是箇知方漢必然明臆下安排 五祖戒出洛浦語云更說道理看便出去 大陽延代云也要和尚證明

投子青頌云無伴石人夜入山雪籠紅頂綠衣寒喝開劫肇三峯頂捧出金襴對日看 枯木成云喝下承當草已深却來蘭浦訪知音溪山雲月何嘗異今古誰人鑑此心 天童覺云搖頭擺尾赤梢鱗徹底無依解轉身截斷舌頭饒有術拽回鼻孔妙通神夜明簾外兮風月如畫枯木巖前兮花

并長春無舌人無舌人正令全提一句親獨步裏中明了了任從天下樂欣欣

昔有二庵主住庵旬日不相見忽相會上庵主問下庵主云多時不相見向其麼處去來下云在庵中造箇無縫塔上云某甲也要造一箇就兄借取塔樣子下云何不早說恰被人借去了也

法眼云且道是借他樣不借他樣

月庵果頌云無縫塔子樣兩手擡不起被人借將去至今尋未已尋未已天上人間知幾幾

昔有一婆子供養一庵主經二十年常令一二八女子送飯給侍一日令女子抱定云正恁麼時如何庵主云枯木倚寒巖三冬無暖氣女子歸舉似婆婆云我二十年只供養得箇俗漢遂遣出燒却庵

佛燈洵云大凡扶宗立教須是其人你看他婆子雖是箇女人宛有丈夫作略二十年從油費醬固是可知一日向百尺竿頭做箇失落直得用盡平生腕頭氣力自非箇俗漢知機泊手巧盡拙出雖然如是諸人要會麼雪後始知松栢操事難方見



丈夫心

或庵體頌云不見人班見虎班筭來莫願見人班  
虎斑見後通回避唯有人斑近最難

三角遇庵主因荒亂魁師入山執刃而問和尚有甚  
財寶師云僧家之寶非君所宜魁云是何寶師振聲  
一喝魁不悟以刃加之

洞山聰頌云師將真寶濟兇人豈謂行恩返害身  
真寶與伊云不識而今更是好訴貧 正覺逸云  
深山深處隨時荒無價之珍不隱藏纔遇兇人便  
分付兇人少鑑返加傷

懶瓚禪師遁居衡嶽之頂石室中每歌云世事悠悠  
不如山丘臥藤蘿下塊石枕頭不朝天子豈羨諸侯  
生死毋慮吾復何憂唐德宗聞其名遣使者到其窟  
宣言天子有詔詔尊者宜起謝恩師方撥糞火尋煨  
芋食之寒涕垂垂未答使者笑之且勸拭涕師云我  
豈有閑工夫爲俗人拭涕耶使者竟不能致之帝聞  
倍加欽羨

覺範洪頌云糞火但破黃獨美銀鈎那識紫泥新

尙無餘力收寒涕那有工夫對俗人

戒律出家附

中邑恩禪師因仰山至謝戒師乃於禪牀上拍手云  
鳴哪鳴哪仰從西過東從東過西復向中心立然後  
謝戒師云甚麼處得此三昧仰云於曹溪脫印子學  
來師云汝道曹溪用此三昧接甚麼人仰云接一宿  
覺仰復問和尚甚麼處得此三昧師云於馬大師處學  
得此三昧一本作章敬處學來小異

琅琊覺云愁人莫向愁人說 翠巖芝云看兩箇

老和尚可殺漏逗對面相謾 鴻山果云若據二

老見處達磨一宗掃土而盡 松源岳云二老漢

正是癡人說夢雖然笑他者多晒他者少

汾陽昭頌云鼓脣拍手口鳴哪直引來人辨正邪

千萬往來都不薦仰山纔見便回家 慈受深云

仰山善問中邑善應覆去翻來拍拍是令 正覺

逸云曹溪脫印傳來錯章敬師承受處巖將謂胡

鬚天下赤元來更有赤鬚胡

禮拜

南泉願禪師示衆云江西馬祖說卽心卽佛又云非心非佛王老師不恁麼不是心不是佛不是物恁麼道還有過麼時趙州出禮拜了去續有僧問州云上座禮拜了去意作麼生州云汝却問取和尚僧遂問師適來論上座禮拜了去意作麼生師云他却領得老僧意旨

徑山杲云兩箇老漢雖善講裏動指頭殊不知傍觀者醜又頌云倒腹傾腸說向君不知何故尙沈吟而今便好猛提取付與當場無事人 佛眼遠云祖佛場中不展戈後人剛地起諸訛道泰不傳天子令時清休唱太平歌

趙州諗禪師一日在佛殿上見文遠禮拜佛師以拄杖打一下遠云禮佛也是好事師云好事不如無鼓山珪頌云平生侍奉老師全無些子氣息佛法妙性天機一字教他不得 徑山杲云文遠修行不落空時時瞻禮紫金容趙州拄杖雖然短腦後圓光又一重

道吾智禪師僧問如何是和尙深深處師下禪床作

女人拜云謝子遠來無可祇待

投子青頌云驪龍海臥瑞雲高四望歸宗萬派朝木人來問西宮事回慧東園一顆桃 疎山如云草戶柴門謝子來躬身下拜笑眉開深深密密親分付莫道寶山空手回 枯木成三回途已落今時路不露鋒銳豈得圓撥動少林闌楯子誰知別是一壺天

雪峯存禪師送南際長老出乃作女人拜際歛手應諾諾師以手斫額便歸

投子青頌云送客隨家豐儉施盡情爲餓免生疑却蒙慧重過相贈歛手遙別向暮歸

韶山普禪師因僧來禮拜了叉手而立師云大林藏拙戶僧又過一邊師云喪却棟梁材

丹霞淳頌云叉手須知已隔津更重進步轉漂淪頑銅若作黃金貨祇可謾他無眼人

### 參學

善財童子禮辭文殊文殊指往南方勝樂國妙高山參德雲比丘及到彼山東西南北四維上下求覓經

于七日乃見德雲比丘却在別峯頂上徐步經行。南嶽讓禪師初往曹溪參六祖祖問甚處來師云嵩山來祖云甚麼物恁麼來師云說似一物即不中祖云還假修證不師云修證即不無染汚即不可祖云只此不染汚諸佛之所護念汝既如是吾亦如是善自護持西天二十七祖般若多羅識汝去後出一馬駒踏殺天下人去在。

汾陽昭頌云因師顧問自何來報道嵩山意不回。修證不無不染汚撥雲見日便心開。佛印元云玉在池中蓮出水汚染不能絕方比大家如是若承當洞庭一夜秋風起。保寧勇云戴角披毛恁麼來鐵圍山嶽盡衝開閭浮踏殺人無數薦鼻深穿拽不回。佛國白云嵩頂來來恁麼來不中一物早塵埃便歸南嶽磨甄鏡照得追風馬子回。青原思禪師初參六祖問云當何所務即不落階級祖云汝曾作甚麼來師云聖諦亦不爲祖云落何階級師云聖諦尚不爲落何階級祖云如是如是汝善護持。

松源岳云是即是總未有出身之路靈隱門下莫有獨脫底麼敲出鳳凰五色髓撲碎驪龍領下珠。投子青頌云無見頂露雲攢急劫外靈枝不帶春那邊不坐空王殿爭肯耘田向日輪。丹霞淳云卓爾難將正眼窺迥超今古類何齊答封古殿無人侍月鎖蒼梧鳳不棲。佛國白云無階無級見無求奪得曹溪第一籌却向廬陵言米價百行千市競相酬。佛印元云聖諦從來尚不爲更無階級可修持至今盧大猶舂米和穀和糠付與誰。藥山儼禪師初參石頭問三乘十二分教某甲粗知嘗聞南方直指人心見性成佛實未明了伏望和尚慈悲指示頭云與麼也不得不與麼也不得與麼不與麼總不得汝作麼生師佇思頭云子因緣不在此江西有馬大師子往彼去應爲汝說師遂至彼準前請問馬師云我有時教伊揚眉瞬目有時不教伊揚眉瞬目有時教伊揚眉瞬目者是有時教伊揚眉瞬目者不是師於是有省便作禮馬師云子見箇甚麼道理師云某甲在石頭時如蚊子上鐵牛相似馬師

云汝既如是宜善護持

法雲秀云石頭好箇無孔鐵鎚大似分付不著藥  
山雖然過江西悟去爭奈平地上喫交有甚麼扶  
策處具眼者試辨看

松源岳頌云坐斷千峯路穿開碧落天那容問端  
的端的憫體前

汾州無業國師凡有請問但云莫妄想

西禪需頌云王令威嚴誰敢擬纖毫纔動鐵輪隨

時人只見錐頭利幾人能見利頭錐

趙州諗禪師因僧告辭師問甚處去僧云諸方學佛  
法去師豎拂云有佛處不得住無佛處急急走過三千  
里外逢人不得錯舉云與麼則不去也師云摘楊花  
摘楊花

天衣懷云趙州非但走得這僧脚底皮穿亦乃癡  
却這僧口口若不癡爲甚麼逢人便舉 五祖演  
於不得住處云換却你心肝五臟急走過處云鴈  
過留聲錯舉處云出門便錯不去也處云種粟却  
生豈末後云不覺日又夜爭教人少年 天童覺

云沈空滯迹犯手傷風俱未是衲僧去就直須莫  
入人行市莫坐他床榻正不立玄偏不附物方能  
把住放行有自由分

保寧勇頌云堂堂好箇丈夫兒剛被胡麻取次欺  
若解奮拳張意氣世間何處可容伊 天童覺云  
青山不異白玉無瑕茫茫流水擾擾黃花有佛處  
纖塵不立無佛處萬別千差長安路上未歸客尋  
溪猶自摘楊花 佛慧泉云截斷三關過者稀臨  
鋒誰解振全威楊花摘處何人見風送漫天似雪  
飛 普融平云三千里外兩重關襌子紛紛過者  
難回首石橋南北路楊花風散雪漫漫

龍潭信禪師在天皇三年忽一日問云某甲自到來  
不蒙和尚指示心要皇云自汝到來吾未嘗不指示  
汝心要師云甚處是指示某甲心要處皇云汝擎茶  
來吾爲汝接汝行食來吾爲汝受汝和南時吾便低  
首何處不指示汝心要師竚思皇云見即直下便見  
擬思即差師當下開悟乃問云如何保任皇云任性  
逍遙隨緣放曠但盡凡心別無聖解

白雲端頌云脫白求師貴苦辛擎茶問訊盡躬親  
無端再叙三年事笑殺塔頭賣餅人

翠微覺禪師因龍牙問自到和尚法席每沐上堂不  
蒙一法示誨意在於何師云嫌箇甚麼牙後至洞山  
亦如是問山云爭恁得老僧後有問法眼眼云祖師  
來也

東禪齊云此三人尊宿語還有親疎也無若有阿  
那箇親若無親疎眼在甚麼處 雪竇顯云兩箇  
老漢被這僧穿却唯有法眼與他同參若是雪竇  
門不喫棒了趣出

檣樹省禪師問洞山甚麼處來山云親近來師云若  
是親近用動這兩片皮作甚麼後曹山問舉乃云一  
子親得

丹霞淳頌云從來父子不相離石女何勞更問伊  
昨夜寒巖無影木白雲深處露橫枝

巖頭禪師初參德山問是凡是聖山便喝師便禮  
拜洞山問得乃云若不是禪公也大難承當師云洞  
山老漢不識好惡錯下名言我當時一手擡一手搥

●不墜下

雪竇顯云然則德山門下草偃風行要且不能塞  
斷天下人口當時纔禮拜劈脊便棒非唯勸絕洞

山亦乃把斷巖老還會麼李將軍有嘉聲在不得  
封侯也是閑 教忠光云還知三大老落處麼德  
山和身放倒洞山帶水拖泥若非巖頭具道方眼  
爭顯功高汗馬且作麼生是一手擡一手搥處殺  
人刀活人劍 琅琊覺云巖頭無人問著不妨奇  
特纔被洞山腦後一錐直得瓦解冰消  
保寧勇頌云平川走兔放蒼鷹一搥便陷雙眼睛  
毒手奪來人買去柰何斤兩未分明 法雲秀云  
巖頭老漢凡聖孰辨半僧半俗可貴可賤三文取  
箇黑老婆江邊相喚擺蝦蜆 疎山如云一喝驚  
天動地雷海翻太華洞然開巖頭膽喪魂飛也謾  
道當時手擡搥

雪峯存禪師首謁鹽官自後三登投子九上洞山因  
緣不契後參德山問從上宗乘學人還有分也無山  
打一棒云道甚麼師不會至明日請益山云我宗無  
語句實無一法與人師因此有省一本小異



巖頭聞云德山一條脊梁骨硬似鐵雖然如是於唱教門中猶較些子保福問招慶只如巖頭出世有何言句過於德山便恁麼道慶云汝不見巖頭道如人學射久久方中福云中後如何慶云展闍梨莫不識痛痒好福云和尙今日非唯舉話慶云展闍梨是甚麼心行明招謙云大小招慶錯下名言九僊清云如今若有問光孝從上宗乘學人還有分也無光孝也不下禪床也不拈拄杖也不劈脊打只向他道窮鬼子不要杜少你一分不得然雖如是擬人面前不得說夢保寧勇頌云此疾懷來沒量時尋醫求卜過多師濃煎一服通神散血汗霧流徹四肢雲巖因云是法平等無高下伊予有分必相亞雖無一法輕與人棒下龍蛇從變化

鏡清怱禪師僧問學人未達其源乞師方便師云是甚麼源云其源師云若是其源爭受方便尋後侍者問適來成禪伊不師云無者云不成禪伊不師云無者云和尙尊意如何師云一點水墨兩處成龍

雪竇顯於爭受方便處云死水裏浸却有甚用處於末後云猶較些子雪竇不是減鏡清威光要與這僧相見是甚麼源其源三十年後與汝三十棒五祖戒云與麼道也太險雖然語險爭奈用得這一點親要會麼莫恠鏡清多意氣他家曾謁聖明君圓悟勤云鏡清機如掣電眼似流星一切世界悉皆成就要且只解委曲不解直截還委悉麼有意氣時添意氣不風流處也風流南堂靜云大小鏡清元來脚手小今夜忽有問適來莫成禪伊麼無莫不成禪伊麼無未審尊意如何一點水墨而地成金毛獅子

保寧勇頌云鏡水平湖碧湛然茫茫曾未達其源王維妙手堪圖畫一點成龍兩處全正覺逸云成龍兩處若爲分碧眼黃頭笑未聞莫恠鏡清多意氣他家曾謁聖明君雲溪恭云手把空行未是難難中難是問其源其源未達奈何也且看成龍點下分

玄沙初謁雪峯後欲徧歷諸方參尋知識攜囊出嶺

築著脚指頭流血痛楚忽然猛省云是身非有痛自何來遂卽回雪峯雪峯問云那箇是備頭陀師云終不敢誑於人雪峰忽一日召云備頭陀何不徧參去師云達磨不來東土二祖不往西天峯然之

本覺一頌云釣魚船上謝三郎趨倒須彌返故鄉應笑途中未歸客伶俜旅泊向他鄉佛國白云驚然趨破便知休百越青山更不遊從此七閩江上月至今空落釣魚舟

雲居禪師僧問全無學處如何立身師云無立身處僧云佛事何勞師云不同興化

投子青頌云苔殿煙收紫氣旋拱斑宸幄退堯年鳳樓不宿桃源客豈並金光闕漢天

廣教志禪師僧問是甚麼物學人不曾師云生在冀州

投子青頌云禁壘重關苔蘚深金鈴不動侍無人誰攜斑杖來相問報說東園麥隴青

雲門偃禪師到洞巖巖問作甚麼來師云親近來巖云亂走作甚麼師云暫時不在巖云知過卽得師云

和尚亂走作甚麼

鼓山晏國師示衆云諸和尚盡道向諸方參學未審參箇甚麼學箇甚麼還有參得者也無有卽出來對衆驗看諸和尚爲復參禪參道參佛參法參毗盧師法身主參佛向上事涅槃後句若實參此得無大妄喚作望上心不息與諸和尚了無交涉風穴沼禪師僧問如何是學人親切處師云須彌南畔齊打鼓賀蘭山上築皮毬

投子青頌云親切曾伸問老翁東山歌唱北山吟弄潮須是江吳客別語還他漢地人

首山念禪師僧問如何是學人用心處師云惟你一問遲也

投子青頌云未語難明迷悟情發言方表赤心人祇貪進步求名玉爭信靈苗不受春

五祖演禪師每遇僧來請益祇云無這閑工夫

佛眼遠頌云彼此且無相負累行人無不失鉤錘雖然不睹衆生眼也好爭頭劈口槌

五祖云老僧遊方十餘年參數十人善知識將謂了

當及到浮山圓鑑會下更開口不得末後又到白雲因敲破一箇鐵酸餡直是百味具足且道餡子一句作麼生道花發雞冠媚早秋何人能染紫絲頭有時風動頻相倚似向堦前鬪不休

西禪需云五祖老和尚怎麼說話大似乞兒見小利松源岳云五祖怎麼說話猶欠悟在

月庵果頌云白雲鐵酸餡僧難下口忽然較得破大作獅子吼

### 省訪

雲巖展禪師同道吾自南泉回藥山師問藥山云如何是異類中行山云吾今日困倦且待別時來師云某甲特爲此事歸山來山云且去師便出道吾在方丈外聞師不薦不覺較得指頭血出吾却下來問師師兄去問和尚那因緣作麼生師云不爲某甲說吾便低頭

丹霞淳頌云飢餐嫩草遙山去渴飲寒泉曲澗回放蕩不耕空劫地暮天何用牧歌催

洛浦安禪師一日有故人來訪問云倏忽數年何處

逃難師云只在闌闌中如何不向無人處去師云無人處去有何難云且如闌闌中如何逃避師云雖在闌闌中要且無人識故人問措復問西天二十八祖至此土人傳一人且如彼此不垂曲者如何師云野老門前不話朝堂之事云合談何事師云未逢別者終不開拳云有人不從朝堂來相逢時還話不師云量外之機徒勞目擊故人無對

洛浦僧問學人擬歸鄉時如何師云家破人亡子歸何處云怎麼則不歸去也師云庭前殘雪日輪消室內紅塵遣誰掃

丹霞淳頌云太平鄉國路空賒歸興悠悠思莫涯撒手到家何所有琉璃寶殿鎖蟾華

蛤溪道者相訪洛浦安禪師安問自從犁溪相別今得幾年者云和尚猶記得昔時事安云見說道者總忘却年月也者云和尚住持事繁且容子細看安云打即打會禪漢者云某甲消得安云道者住山事繁丹霞淳頌云這般消息不尋常蟾桂枝枝布遠香昨夜嫦娥呈巧妙眼睛直上綉鴛鴦

護國澄禪師僧問如何是本來父母師云頭不白者

云將何奉獻師云慙慙無米飯堂前不問親

丹霞淳頌云出門遍界無知已入戶盈眸不見親

虛室夜寒何所有碧天明月頗爲隣

### 禪林類聚卷第十一

### 禪林類聚卷第十二

遊山

馳書

緣化

應化

神異

因果

沐浴

偃息

### 遊山辭送附

百丈海禪師侍馬祖遊山歸忽然哭同事問云憶父母邪師云無云被人罵耶師云無云哭作甚麼師云問取和尚同事往問馬祖祖云你去問取他同事回至寮中見師呵呵大笑同事云適來爲甚麼哭如今爲甚麼笑師云適來哭如今笑同事罔然

佛眼遠頌云一回思想一傷神不覺翻然笑轉新

雲在嶺頭閑不徹水流澗下太忙生 鼓山珪云

世間名利閑榮辱雲雨紛紛手翻覆悲歡相繼不

堪論棒頭無眼黃梁熟 徑山杲云有時笑兮有

時哭悲喜交并暗催促此理如何舉向人斷絃須

得鸞膠續 松源岳云哭不徹笑不徹倒腹傾腸

向君說父子非親知不知擡頭腦後三斤鐵

趙州因僧辭師問甚處去云閩中去師云彼中兵馬

隘直須回避始得云向甚處回避師云恰好

汾陽昭頌云僧去閩中路不遙報言軍馬鬧嘈嘈

問師回避居何處恰好安眠日正高 佛慧泉云

七閩歸路目爭鋒回避須教不見蹤恰好藏身何

處是青山雲外萬千重 正覺逸云聞說閩中兵

馬多叮嚀遊子第干戈臨歧指箇藏身處無限雄

師不奈何

長沙岑禪師遊山歸至門首首座問和尚甚處去來

師云遊山來座云到甚麼處師云始隨芳草去又逐

落花迴座云大似春意師云也勝秋露滴芙□

雪竇頌云謝師答話 白雲端云大眾且道長沙

在春夏秋冬中不在春夏秋冬中要會麼一氣不  
言含有象萬靈何處謝無私

雪竇頌云大地絳纖埃何人眼不開始隨芳草去  
又逐落花回羸鶴翹寒木狂猿嘯古臺長沙無限  
意咄上方益云拂拂山香滿路飛野花零落草  
披離春風無限深深意不得黃鶯說向誰 佛鑑  
勲云獨步曾無語逢人口便開始隨芳草去又逐  
落花回薄霧歸紅日輕煙襯綠苔若將詩句會埋  
沒法王才

茶黃禪師問僧闍梨爲復遊山甌水爲復問道參禪  
僧云和尚試道看師云雕蚶鏤蛤不蟻之泥勞君遠  
至云渾身是鐵猶被一橈師云降軍不斬

圓悟勤云言前收句後殺峻疾不通風直饒釘背  
鐵舌也無陷啄處且道爲甚麼如此非人得其便  
古德頌云遊山甌水事尋常早晚歸來鬢欲霜踏  
破草鞋回首看數聲猿叫白雲鄉

仰山寂禪師問僧近離甚處云廬山師云曾到五老  
峰麼云不曾到師云闍梨不曾遊山

雲門云此語皆慈悲之故有落草之談 潯山秀

云今人盡道慈悲之故有落草之談只知捉月不  
覺水深忽若雲門當時謹慎唇吻未審後人若爲  
話會然水母無目求食須假於蝦 黃龍心云雲  
門仰山只有受壁之心且無割城之意殊不知被  
這僧一時領過黃龍今日更作死馬醫乃拈拂子  
度與僧僧擬接師便打 大瀉詰云仰山可謂光  
前絕後雲門雖然提綱宗要鉗鍵天下衲僧爭柰  
無風浪起諸還識這僧麼親從廬山來

雪竇顯頌云出草入草誰解尋討白雲重重紅日  
杲杲左顧無瑕右眄已老君不見寒山子行太早  
十年歸不得忘却來時道

大隋因僧辭師問甚處去云峨嵋山禮普賢去師豎  
起拂子云文殊普賢總在這裏僧盡一圓相拋於背  
後却展兩手師云侍者將一貼茶與這僧

保福展云若無後語笑他衲僧 雲門別云西天  
斬頭截臂這裏自領出去 五祖戒云大隋不因  
一事不長一智 雪竇顯云殺人刀活人劒具眼



底辨取 瀉山秀云大隋茶非類趙州茶既不類趙州茶得之者少矣這僧得之且有甚長處然不義之財於我如浮雲 天童覺云識法者懼欺敵者亡水中擇乳須是鴉王

保寧勇頌云柳標杖頭光閃爍錫羅捲裏面皺餒肩橫背負出門去好是無人敢駐留 古德云一輪明月照瀟湘更不逢人問故鄉自是天涯慣爲客任他猿叫斷人腸

嚴頭因僧辭師問甚麼處去云入嶺禮拜雪峯去師云雪峯若問嚴頭如何但向他道近日在鄂州湖畔住只將三文買箇黑老婆每日撈蝦擺蜆且恁麼過時僧到雪峯舉似前話峯云窮鬼子得與麼快活不微聯意作實箇撈波子

上方益云既是窮鬼子爲甚麼快活不徹不見道樂客不如苦主人雖然如是而今且在滄溟上釣得鯢鯨未可知

海印信頌云且於湖畔撈蝦蜆不向滄溟釣巨鰲一葉扁舟一蓑笠閑眼閑坐任風濤 古德云三

文娶得一妻賢撈蜆在釣船雪老未知窮活計看來不直半文錢

曹山本寂禪師辭洞山山云子向甚麼處去師云不變異處去山云不變異處豈有去耶師云去亦不變異

丹霞淳頌云家家門掩蟾蜍月處處鶯啼楊柳風若謂縱橫無變異猶如擲劍擬虛空

雲門偃禪師僧問如何是學人自己師云遊山翫水佛慧泉頌云南嶽山前徑山後瀑布聲如雷震吼拈却笠子露頂行踏破草鞋赤脚走 地藏恩云杖梨林下步莓苔擾擾勞生眼未開好是落花隨淥水一時流出洞中來 開福寧云遊山翫水事尋常早晚歸來鬢欲霜踏破草鞋回首看數聲猿叫白雲鄉 無爲子云學人自己遊山翫水只知踏破草鞋忘却來時年幾

雲門僧問不起一念還有過也無師云須彌山

五祖演云有時問著師僧或豎一指或進一步或下一喝或拂袖便去上座未在何故太平未曾向

一三、月下一陣雪，向汝諸人在，如有箇漢出來道：「老和尚莫七顛八倒，見今下也不是，乃展手云了。」應庵華云：「雲門道得，不妨諦當，要且落在第二頭。若是明杲，卽不然。忽有人問不起，一念還有過也，無只對他道：『致將一問來。』」

洞山聰頌云：「不生一念，豈通宗真？僞分於一句中，築著眼光，兼杜口須彌，當面作屏風。」保寧勇云：「萬仞峰前立，大乘須臾，眨眼落懸崖，通身不損毫毛者，天上人間安敢埋。」無盡居士云：「一念沈沈，過有無，且空拈出，太彌盧直饒玉兔金烏急宮殿，巡遊落半途。」

羅山閑禪師在禾山，送同行矩長老出門，次師把拄杖向前一攔，矩無對。師云：「石牛攔古路，一馬勿雙駒。」後有僧舉似疎山，山云：「石牛攔古路，一馬生三寅。」鼓山珪頌云：「不踏門前路，春歸又一年，落花紅滿地，芳草碧連天。」徑山杲云：「出門握手話分携，古路迢迢去莫追，却笑波心遺劍者，區區空記刻舟時。」

保福展禪師與長慶遊山，次師以手指雪峯舊院云：「教中道妙高峯頂，莫只這裏便是麼？」慶云：「是，卽是可惜。」許後舉似鏡清，清云：「若不是孫公，使見觸體徧野。」  
一本小異

僧問鼓山：「只如稜和尚，怎麼道意作麼生？」山云：「孫公若無此語，可謂觸體徧野，白骨連山。」雪竇頌云：「今日共這漢遊山圖箇甚麼？」復云：「百千年後，不道全無，祇是少。」

汾陽昭頌云：「因上高巖到頂頭，僧人致問已圓周，是卽便是可惜，許只恐同音別處遊。」草堂清云：「八萬四千非一一，七金山內海滔滔，妙高峯頂平如掌，誰把長竿釣巨鼇。」雪竇云：「妙峯孤頂草離離，拈得分明付與誰，不是孫公辨端的，觸體著地幾人知。」佛心木云：「攜手相將孰共行，目前唯覩妙高山，雲泥不隔來時路，付與兒孫觸處看。」慈明問僧：「行脚須知，有行脚事作麼生？」是行脚事云：「知師云知底事作麼生？」云山：「高水深，師云念汝遠來，且坐喫茶。」僧云：「諸諾僧問行脚不逢人時如何？」師云：

釣絲絞水

石田董頌曰老倒慈明爲指迷釣絲絞水出群機  
時人貪看蘆花白不見沙鷗隔岸飛拈頌集聲

馳書

國一欽禪師因馬祖遣人送書至書中作一圓相師  
發鍼見遂於圓相中著一點却封回後忠國師聞得  
乃云欽師猶被馬師惑

保福展云甚處是惑處作麼生得不惑去 雪竇

顯云徑山被惑且置若將呈似國師別作箇甚麼  
伎倆免被惑去有老宿云當時坐却便休亦有道  
但與劃破若與麼只是不識羞敢謂天下老師各  
具金剛眼睛廣作神通變化還免得麼雪竇見處  
也要諸人共知只這馬師當時畫出早自惑了也

五祖戒云兩彩一賽又云三人指路擬何爲

大滄詰云諸人還識馬祖徑山麼一點水墨兩處  
成龍國師道欽師猶被馬師惑可謂千里同風不  
見道手執夜明符幾箇知天曉 徑山杲云馬師  
仲冬嚴寒欽師孟夏漸熱雖然寒熱不同彼此不

失時節忠國師爲甚麼却道欽師猶被馬師惑還  
委悉麼無風荷葉動決定有魚行

佛印元頌云馬祖當時見徑山同風微露密機關  
無端却被南陽老平地坑人似等閑 照覺總云  
被惑之言事有由神交千里芥針投誰言解使雲  
通信我不然兮石點頭 地藏恩云自南自北自  
西自東溪山雖異雲月還同何事南陽老倒令人  
擾擾忽忽

南泉願禪師有書與茱萸云理隨事變寬廓非外事  
得理融寂寥非內僧乃問如何是寬廓非外萸云問  
一答百也無妨云如何是寂寥非內萸云覩對聲色  
不是好手僧又問長沙沙磴目視之良久又進後語  
沙乃閑目示之僧又問趙州州作喫飯勢又進後語  
州以手拭口後僧舉似師師云此三人不謬爲吾弟  
子

佛鑑懃云南泉雖則養子之緣其奈憐兒不覺醜  
殊不知三人一人有足無目一人有目無足一人  
足目俱無雖然如是皆可與南泉爲師爲甚如此

事理分明 承天簡云此三人一人得皮一人得肉一人秦不敗魏不管 南堂靜云好南泉父子大衆若是南堂卽不然如何是理隨事變濯錦江頭濯錦時桃花似錦柳如眉如何是事得理融太湖三萬六千頃月在波心說向誰如何是寬廓并外遂拈拄杖倚左邊如何是寂寥非內却拈拄杖倚右邊云不要動著動著便三十棒 古德頌云淡泊洋洋膝上琴包藏古意亦何深霜天有月西風急落岸斷崖秋水音

玄沙備禪師令僧馳書上雪峯峯上堂開緘見三幅白紙乃呈示大衆云會麼良久云不見道君子千里同風僧歸舉似師師云山頭老漢蹉過也不知東禪齊云甚麼處蹉過若的蹉過師豈不會弟子意若不恁麼會只如玄沙意作麼生若會便參取玄沙 五祖戒出語云將謂胡鬚赤 黃龍南云雪峯不道無長處既被玄沙識破直至如今雪不出 海印信云智與師齊減師半德智過於師方堪傳授要且欠一著在 開善謙云玄沙白紙爭

奈文彩已彰雪峯旣曰千里同風何故不知蹉過不見道養子莫教大大了作家賊

汾陽昭頌云故遣馳書達遠信不干文字示家風回來却報玄沙語蹉過分明理更封 佛性泰云白紙三張通信去展開千里却同風陽春轉入胡笳曲不是風吹別調中 佛心才云踏翻釣艇承家業笑出蘆花月正圓地闊天長三幅紙同風千里爲誰宣 慈受深云玄沙象骨眼睛烏白紙三番便當書千里同風多錯會一條拄杖兩人扶

緣化

保壽二世禪師因先保壽問父母未生前還我本來面目來師立至深夜下語不契翌日辭去壽云汝何往師云昨日蒙和尚設問某甲不契往南方參知識去壽云南方禁夏不禁冬我此間禁冬不禁夏汝且作街坊過夏若是佛法闌闌之中浩浩紅塵常說正法師不敢違一日街頭見兩人交爭揮一拳云你得恁麼無面目師當下大悟走見先保壽未及出語壽便云你會也不用說



五祖演云若人於此知落處可謂公辦私辦大衆聽取一頌甚妙也甚妙於此知性命劈鼻與一拳當時便打正南華真經云一拳打就無面目碧眼胡僧觀不足秋來黃葉落紛紛六六翻成三十六枯木成云南北東西是處遊更深歸去月如鉤春風一陣花狼籍不覺思量暗點頭佛性泰云一拳拳倒黃鶴樓一踢踢翻鸚鵡洲幸有傍人爲著力自家端坐看揚州夢庵信云開市相逢兩知識面目無來太費力粉骨碎身未足酬一句了然超百億

應化

明州布袋和尚未詳姓氏形才腰肢往來通衢鬧市或問在此何爲答云等箇人來云人來也答云汝不是這箇人或解布袋百物俱有或拈起示人云這箇是兜率內院底或於袋探果子與僧僧擬接師乃縮手云汝不是這箇人或見僧行過乃拈背一下僧回首乃云與我一文錢有時倚布袋終日憨睡或起行市肆間小兒譁逐之或以拄杖或數珠與兒戲有僧

問如何是祖師西來意遂放下布袋叉手而立僧云只此別更有在乃提布袋肩負而去或本不同

保寧勇頌云咄這憨皮袋眉羶兼服大終日在街

頭市行無買賣阿呵呵歸去來典錢還却債佛

慧泉云拈起卽行放下便歇瞌睡阿師弄巧成拙

佛意祖意寧知裙子褊衫百結有時獨立兮誰是

知音歸去來一天明月圓通秀云千般萬樣有

誰能會瞌睡老僧收拾蒲袋心無諸受觸處三昧

巷尾街頭賣賤賣

普化和尚因臨濟院有齋河陽木塔乃同臨濟在僧

堂內坐纔說及師每日在街市掣風顛知他是凡是

聖濟云待來與問過須臾師入來濟便問普化是凡

是聖師云你道我是凡是聖濟便喝師乃指兩尊宿

云河陽新婦子木塔老婆禪臨濟小厮兒却具一隻

眼濟云這賊師叫云賊賊便走出

海印信頌云騏驎驚駭辨者稀淺深毛色共同之

若非伯樂垂精鑑千里追風不易騎

洞山聰禪師僧問既是泗州大聖爲甚麼在揚州出



現師云君子愛財取之有道

慈明圓頌云泗州忽示現揚州天下宗師話路稠

君子愛財取有道南海波斯鼻孔麤

神異

世尊因五通僊人問世尊有六通我有五通如何是那  
一通佛召云五通僊人五通應諸佛云那一通你  
問我

雪竇顯云老胡元不知有那一通却因邪打正

琅琊覺云世尊不知可謂因正而打邪五通因邪  
而打正 翠巖芝云五通如是問世尊如是答要

且不會那一通 雲峯悅云大小瞿曇被外道勘

破了有傍不甘底麼出來我要問你作麼生是那

一通 雲蓋本云世尊如是召五通如是應作麼

生是那一通良久云蛇女已歸霄漢去默郎猶在

火邊蹲

保寧勇頌云無量劫來曾未遇如何不動到其中

莫言佛法無多子最苦瞿曇那一通 雲溪恭云

問佛如何那一通世尊當面指迷蹤祥雲密密微

微雨大震雷音市地風 長靈卓云汝問如何此

問親嶺梅江柳共芳春抱賊不用行搜檢已自當

堂露賊身 正覺逸云那一通你問我令人慚愧

釋迦老只知步步踏紅蓮不覺茫茫入荒草 佛

印元云僊人一問通皆備却是瞿曇一物無喚得

兔來依舊放幾多山鬼暗相呼

世尊因耆婆善別音響至一塚間見三箇髑髏乃敲

一髑髏問耆婆此生何處婆云此生人道又敲一云

此生何處婆云此生天道世尊又別敲一問此生何

處婆罔知生處

塗毒策頌云如來一擊少人知直下分明更是誰

無限月光隨水去片雲偏向故山歸

殃崛摩羅未出家時事外道受教爲憐尸迦欲登王

位用千人拊指爲花冠所得九百九十九唯欠一指

遂欲殺母取指時佛在靈山以天眼觀之乃化作沙

門在殃崛前殃崛遂釋母欲殺佛佛徐行殃崛急行

追不及乃喚云瞿曇住住佛告曰我住久矣是汝不

住殃崛聞之心忽開悟遂棄刀投佛出家佛即授與

落髮披衣

佛燈珣頌云急行緩步無前後渾踏長安路一條  
殃幅忽然知住處便能平步上雲霄花冠不用娘  
生指鬚髮寧煩費力搖好是移花兼蝶至等閑買  
石得雲饒 疎山如云殃幅雄雄方勇銳瞿曇住  
住息風波殺人作佛當領割覆雨翻雲在刹那  
殃幅摩羅因持鉢入城到一長者家值其婦產難長  
者告云沙門是佛弟子有何方便救得我家產難殃  
幅云我乍入道未知此法當云問佛却來相報乃遽  
返白佛具陳上事佛告云汝速去說我自從賢聖法  
來未曾殺生殃幅依佛所說往告長者者婦聞之當  
時分免母子平安

覺海元頌云聖法從來不殺生本無生殺亘精明  
是諸人我皆空相一切冤親盡假名甘露纔霑除  
熱惱玉蓮金子兩敷榮 鼓山珪云月裏姮娥不  
畫眉只將雲霧作羅衣不知夢逐青鸞去猶把花  
枝蓋面歸 徑山杲云華陰山前百尺井中有寒  
泉徹骨冷誰家女子來照影不照其餘照斜領

那吒太子析肉還母析骨還父然後現本身運大神  
力爲父母說法

佛眼遠云肉既還母骨既還父用甚麼爲身學人  
道到這裏若見得去廓清五蘊吞盡十方乃爲偈  
曰骨還父肉還母何者是身分明聽取山河國土  
現全軀十方世界在裏許萬劫千生絕去來山僧  
此說非言語 徑山杲云骨肉都還父母了不知  
那箇是那吒一毛頭上翻身轉一一毛頭渾不差  
破竈墮禪師因嵩山塢有廟甚靈殿中唯安一竈遠  
近不輟祭祀師以杖敲竈三下云咄此竈只是泥瓦  
合成聖從何來靈從何起恁麼烹宰物命又打三十  
竈乃傾破墮落須臾有青衣峨冠設拜云我本此廟  
竈神久受業報今蒙禪師說無生法得脫此處生天  
特來致謝師云是汝本有之性非吾強言神再拜而  
沒後有僧問師某甲久侍左右未蒙方便竈神得何  
宗旨便乃生天師云我只向伊道是泥瓦合成別也  
無道理爲伊僧忤思師云會麼云不會師云本有之  
性爲甚麼不會僧作禮師云墮也墮也破也破也後

有僧舉似安國師。國師嘆云：「此子曾盡物我一如。可謂如朗月處空，無不見者。」難構伊語。脉僧乃低頭叉手而問：「未審甚麼人構他語？」脉安云：「不知者。」

佛眼遠頌云：「禍福威嚴不自靈，殘盃冷肉享何人。一從去後無消息，野老猶敲祭鼓聲。」又云：「春寒料峭凍殺年少，切忌參商別無奇妙。低頭侍奉歡喜，問訊佛法商量傷子性命。」佛燈珣云：「倚竈惟靈，不是靈靈從斷處。一堆塵野老不來敲祭鼓，因正打邪別是春。」

仰山寂禪師一日忽見異僧乘虛而至，作禮而立於前。師問：「近離甚處？」云：「早晨離西天。」師云：「何太遲生？」云：「遊山翫水。」師云：「神通妙用，則不無；闍黎佛法，須還老僧。」僧云：「特來東土禮文殊，却遇小釋迦，遂出西天貝多葉，與師作禮，乘雲騰空而去。」

東林總云：「諸方商量如麻，似粟盡道這碧眼胡兒來，無蹤去無跡，直是光前絕後。若不是仰山也難爲縱奪。諸禪德殊不知這碧眼胡兒騰空而來，騰空而去，一生只在虛空裏作活計，有甚麼光前絕後？」

後大小仰山被他將兩杓惡水，灑頭澆了。也當時集雲峯下，自有正令，何不施行？大衆且道：「作麼生是正令？」咄。圓悟勤云：「驅耕夫之牛，奪飢人之食，是從上來爪牙這羅漢具計多神通妙用，到仰山面前，直待目瞪口呆，何故？鶴有九臯難翥翼，馬無千里謾追風。湛堂準云：「諸禪德，可惜仰山放過這漢。當時若是寶峯便與擒住，須教維那僧堂前撞鐘集衆，責狀趕出，況佛法不當人情。伊既稱羅漢，我生已盡梵行，已立爲甚麼不歸家穩坐？只管遊山翫水參。」

南華曷頌云：「遠離西竺路，迢迢親向支那弄海潮。若要清風生閬外，披來更與四藤條。」疎山如云：「小釋迦大文殊，閑名號任稱呼。藤條在握，不能用被他碧眼謾塗糊。」

### 因果

世尊因調達謗佛，生身入地獄，遂令阿難傳問你在地獄中安不達云：「我雖在地獄，如三禪天樂佛，又令阿難傳問你還求出不達云：「我待世尊來，便出阿難。」

云佛是三界大師豈有入地獄分達云佛既無入地獄分我豈有出地獄分

翠巖真云親言出親口 徑山杲云既無出分又無入分喚甚麼作釋迦老子喚甚麼作提婆達多喚甚麼作地獄還委悉麼自攜餅去沽村酒却著衫來作主人

湛堂準頌云好笑提婆達多入捺落十小劫波雖然得三禪妙樂吹布毛須還鳥窠

三祖璨大師爲居士時謁二祖云弟子身纏風恙請和尚懺罪祖云將罪來與汝懺士良久云覓罪了不可得祖云我與汝懺罪竟宜依佛法僧住士云今見和尚已知是僧未審何名佛法祖云是心是佛是心是法法佛無二僧寶亦然士云今日始知罪性不在內不在外不在中間如其心然佛法無二也祖深器之卽爲剃髮云是吾寶也宜名僧璨執侍二載乃付達磨信衣正法眼藏說偈密囑護持無令斷絕

琅琊覺云猶欠作云何梵在

佛國白頌云罪已無根性已空正生風處不生風

至今山谷山前水一派清波入海中 無爲子云潛溪水急天柱峰高洞然明白不隔絲毫從生計平如掌後世兒孫弄海潮 佛鑑勲云三祖以罪懺罪二祖將錯就錯一陣清風劈面來罪花業果俱凋落靈丹一粒有神功瘥病不假驢馳藥旻古佛云風恙纏身覓罪不得九萬里程展摩霄翼 五祖演云無孔笛子豔拍板五音六律皆普偏時人不識黃旛綽笑道儂家登寶殿

百丈海禪師每上堂有一老人常隨衆聽法衆退老人亦退忽一日不退師遂問汝是何人老云諸某甲非人也於過去迦葉佛時曾住此山因學人問大修行底人還落因果也無某甲對云不落因果致五百生墮野狐身今請和尚代一轉語貴脫野狐身遂問大修行底人還落因果也無師云不昧因果老人於言下大悟作禮云某甲已脫野狐身住在山後敢告和尚乞依亡僧事例師令維那白槌告衆食後送亡僧衆議一衆皆安何故如是食後師乃領衆至山後巖下以杖指出一死野狐乃依法火葬師至晚上堂



舉前因緣黃檗便問古人錯祇對一轉語墮五百生  
野狐身轉轉不錯合作箇甚麼師云近前來與你道  
檗遂近前與師一掌師拍手笑云將爲胡鬚赤更有  
赤鬚胡

鴻山在會下作典座司馬頭陀舉前話問鴻山乃  
撼門扇三下司馬云太麤生爲云佛法不是這箇  
道理 鴻山又舉問仰山仰云黃檗常用此機爲  
云天生得從人得仰云亦是稟受師承亦是自性  
宗通鴻云如是如是 天聖泰云三生六十劫  
兜率悅頌云萬丈洪崖倚碧空人間有路不能通  
奈何一點雲無礙舒卷縱橫疾似風 上方益云  
江北江南問野狐只因味落有差殊鴻門一踏開  
雙扇那箇男兒是丈夫 百丈政云盡師盡地獄  
盡出百千般駐筆從頭看特地骨毛寒 無盡居  
士云化形來問大修行當下金篦刮眼睛轉得野  
狐成百丈夜來依舊野干鳴 徑山景云不落不  
昧石頭土塊陌路相逢銀山粉碎拍手呵呵笑一  
場明州有箇慇皮袋

◆破題改

雲門偃禪師僧問殺父殺母佛前懺悔殺佛殺祖甚  
處懺悔師云露

應奄華云雲門露猛如虎達磨師不是祖豈不見  
鹽官老須彌爲槌虛空爲鼓又不見禾山老解打  
鼓休莽園甜瓜徹蒂甜苦瓠連根苦喝一喝又拈  
云光孝著一轉語不是老僧見處亦非垂手爲人  
何故豈不見道字經三寫爲焉成馬  
白雲端頌云簸土揚塵無避處將身直到御樓前  
回頭不見來時路下是黃泉上是天 正覺還云  
石火流星曾未急旋機電卷一何遲雲門露字突  
然出著眼看時鷄子飛 天童覺云露超宗越祖  
人言渠熱返魂香我道伊趨塗毒鼓 東林頌云  
推鑼搥鼓轉船頭席卷波翻喊激流洗脚上船乘  
快便順風相送下揚州

沐浴

世尊因跛陀婆羅并其同伴十六開士白佛言我等  
先於威音王佛聞法出家於浴僧時隨例入室忽悟  
水因既不洗塵亦不洗體中間安然得無所有宿習



無忘乃至今時從佛出家令得無學彼佛名我跋陀婆羅妙觸宣明成佛子住

雪竇顯云諸禪德作麼生會他道妙觸宣明成佛

子住也須七穿八穴始得乃頌云了事衲僧消一

箇長連牀上展脚臥夢中曾說悟圓通香水洗來

薰面睡塗毒策云洗塵觸體兩空寂妙證密圓

超見思白壁無瑕空受玷圓通會裏受塗糊

天蓋幽禪師因有一院名無垢淨光禪院化浴室有

人問既是無垢淨光爲甚麼却造浴室僧無語後請

師代師云三秋明月夜不是騁團圓

丹霞淳頌云雖然答盡深深意爭奈投機句未親

欲會本來無垢的更須入水見長人

### 偃息

瀉山祐禪師一日臥次見仰山來師乃轉面向壁臥

仰云某甲是和尙弟子不用形迹師作起勢仰便出

去師乃召云寂子仰回師云聽老僧說箇夢仰低頭

作聽勢師云爲我原看仰取一盤水一條手巾來師

遂洗面了纔坐香嚴入來師云我適來與寂子作一

上神通不同小小嚴云某甲在下面了了得知師云  
子試道看嚴乃點一碗茶來師歎云二子神通智慧  
過於鶖子目連

佛鑑懃云夢中說夢深許瀉山妙用神通須還二

子傳茶度水耀古騰今年老心孤憐兒惜子向衲

僧門下一人在門外一人在門裏更有一人徧界

不曾藏佛眼覷不見大瀉智云瀉山老人幸自

日午高眠何用起來夢中說夢又道二子神通過

於鶖子怎麼說話檢點將來正是破壞家門殊不

知祇是兩箇了事底漢當時若一棒一條痕通身

日杲杲豈不快哉

南堂靜頌云撥草瞻風孤峯獨宿鼓無絃琴唱無

生曲瀉仰香嚴鼎之三足臨機不費纖毫力任運

分身千百億古德云取水烹茶不露機當時原

夢善知時如斯始爲僊陀客鶖子神通豈及伊

鏡清愆禪師問雪峰古人有言峰便倒臥良久起云

問甚麼師再問峯云虛生浪死漢

投子青頌云尋常愛客恨無來及至人來懶話陪

「唐本集耳外」一一  
空臥早知眠不當虛勞紅燄落寒灰

禪林類聚卷第十二

禪林類聚卷第十三

問疾

醫卜

藥餌

遷化

追忌

問疾

馬祖一禪師因不安院主問和尚近日尊位如何師云日面佛月面佛

雪竇顯頌云日面佛月面佛五帝三皇是何物二  
十年來曾苦辛爲君幾下蒼龍窟屈堪述明眼衲  
僧莫輕忽 保寧勇云蒲團上端坐針眼裏穿線  
西風一陣來落葉兩三片 野軒遵云少年公子  
忽猖狂半夜穿雲入洞房二八僊娥百般巧眼睛  
之上繡鴛鴦 眞淨文云日面月面胡來漢現一  
點靈光萬化千變 無盡居士云什那駒子氣生

憐蹴踏毗盧頂上行正患脾疼却頭痛病來猶有  
巧心情 南華曷云日面月面空中閃電顧杼停  
機梁成招箭 天童覺云日面月面星流電卷鏡  
對像而無私珠在盤而自轉君不見鉗鎚前百煉  
之金刀尺下一機之絹

大瀉祐禪師問道吾甚處去來吾云看病來師云有  
幾人病吾云有病底有不病底師云不病底莫是智  
頭陀不吾云病與不病總不干他事急道急道師云  
道得也與他沒交涉

天童覺頌云妙藥何曾過口神醫莫能捉手若存  
也渠本非無至虛也渠本非有不滅而生不亡而  
壽全超威音之前獨步劫空之後成平也天蓋地  
擎運轉也烏飛兔走

洞山因看病僧云火風離散時如何師云來時無  
一物去亦任從伊云爭奈羸瘵何師云須知有不病  
者云如何是不病者師云悟則無分寸不悟隔山坡  
云前程還許卜度也無師云雖然黑似漆成立在今  
時

南堂靜頌云火風離散後一物鎮長靈佛國黃金  
地天堂白玉亭前程休卜度所至要惺惺一念心  
清淨人間亦只寧

洞山因不安僧問和尚病還有不病者麼師云有云  
不病者還看和尚不師云老僧看他分云和尚看  
他時如何師云老僧看時則不見有病

天童覺頌云卸却臭皮袋拈轉赤肉團當頭鼻孔  
正直下觸體乾老醫不見從來癖少子相看向近  
難野水瘦時秋潦退白雲斷處舊山寒須勦絕莫  
瞞頂轉盡無功伊就位孤標不與汝同盤

玄沙示衆云諸方老宿盡道接物利生忽遇三種病  
人來如何接患盲者拈槌豎拂他又不見患聾者語  
言三昧他又不聞患瘧者教伊說又說不得且作麼  
生接若接此人不得佛法無靈驗時有僧出云三種  
病人和尚還許商量不師云許汝作麼生商量其僧  
珍重出師云是不是當時地藏出云某甲有眼耳  
和尚作麼生接師云慚愧便歸方丈

後有僧持此語請益雲門門云汝禮拜著僧禮拜

起門以拄杖拄之僧乃退後門云汝不是患盲復  
喚僧近前來僧纔近前門云汝不是患聾那復云  
還會麼云不會門云汝不是患瘧其僧於此有省  
法眼云我當時見羅漢和尚舉此僧語我便會  
三種病人雲居錫云只如此僧會不會若道會  
玄沙又道不是若道不會法眼爲甚麼道我因此  
僧語便會三種病人上座無事上來商量大家也  
要知雪竇顯舉了便喝云這盲聾瘧漢若不  
是雲門驢年去如今有底或拈槌豎拂他又不管  
教伊近前他又不來問還會麼他又不應諸方還  
奈何得麼雪竇若不奈何汝這一隊驢漢又堪作  
甚麼以拄杖一時趁散天童覺云雲門平展這  
僧實酬且道悟在甚麼處不救之疾難爲針艾  
白雲端頌云退後進前兼對辯相逢邂逅難回面  
春風驀地撼庭前還見落花千萬片佛鑑勸云  
雲門老子手親眼親因風吹火不費精神盲者便  
視聾者便聞雖然無語掛在口唇三種病人一種  
法門鼓山珪云盲聾瘧瘧接不得玄沙枉費閑

心力扁鵲盧醫拱手歸三人俱是膏肓疾 徑山  
杲云玄沙三種病人話透出雲門六不收莫待是  
非來入耳從前知已返爲讎

### 醫卜

浮石禪師云山僧開箇卜鋪子能斷人貧富生死僧  
便問離却貧富生死不落五行請師直指師云金木  
水火土

佛鑑懃云吉凶悔吝生乎動動靜興亡本乎心若  
以納僧無文印子一印印定毫髮無差浮石雖然  
解卜不會斷卦若是智海卽不然離却貧富生死  
不落五行請師直指向伊道今日闍梨有災待伊  
眼睛定動之間吉凶自兆 大瀉智云浮石爲人  
放不下有許多五行斷人吉凶若是納僧門下天  
不能蓋地不能載東西南北都無罣礙大丈夫兒  
從來自在大圓怎麼說話還有傍不肯底麼良久  
云一任鑽龜打瓦久久爲害爲災 塗毒策云若  
向上觀貧富禍福吉凶皆爲其用這僧離却煩惱  
別求安樂累他浮石不免爲蛇盡足今時人纔見

道金木水火土便道大好不落五行不識鉤頭意  
錯認定盤星有者又道闍梨今日有災未免識情  
卜度畢竟如何莫恠來源萬丈高一條界破青山  
色

西禪雷頌云金木水火土始終須倒數五六下四  
三初爻傳白虎苦苦卜得此卦一生貧遠信不來  
病人死

### 藥餌

文殊一日令善財採藥云是藥者採將來善財徧觀  
大地無不是藥却來白文殊云無有不是藥者文殊  
云是藥採將來善財遂拈一枝草度與文殊文殊提  
起示衆云此藥亦能殺人亦能活人

五祖戒出善財語云慚愧 首山念云文殊大似  
拖耳偷鈴 琅瑯覺云文殊可謂誠實之言要且  
額頭汗出口裏膠生 大瀉喆云善財能採文殊  
能用非但寢疾毗耶直饒盡大地人抱必死之疾  
到文殊所教他箇箇脫體而去何故解用不須霜  
刃劒延齡何必九還丹 應庵華云大小文殊被

善財換却眼睛。東山空云善財拈來只是尋常草木文殊提起未爲出格神醫。後來望風乃高其價。東山謂伊兩人未免俱在草裏。

保寧勇頌云大地蒼生病似麻吉祥靈藥示無涯。其間殺活難分辨又是重添眼裏花。楚安方云善財拈起一枝草持來度與文殊老殺活雖然在手中。遍界不藏光杲杲。雲溪恭云歷劫何曾異明明百草頭甘和苦滋味死活病須瘳好笑文殊老憐兒不覺羞。佛印元云是藥拈來更不疑師資相見在臨時從茲病甚無醫處殺活還應作者知。正覺逸云信手拈來草最靈一枝能殺亦能生。曼殊室利開金口直至而今藥道行。照覺總云藥病相治貶更褒。當機生殺按吹毛毗盧海闊煙波靜誰把長竿釣巨鼈。

雲門偃禪師示衆云藥病相治盡大地是藥那箇是自己。

五祖戒頌云藥忌由來鑑作家示徒親切病如麻。十方三世諸知識赫日光中雷電車。雪竇頌云

盡大地是藥古今何太錯。閉門不造車通途自寥廓。錯錯鼻孔遶天亦穿却。白雲端云左眼不見山河右眼不見日月直得百花開時一一爲君分別。

### 遷化

世尊於涅槃會上以手摩脅告衆云汝等善觀吾紫磨金色之身瞻仰取足勿令後悔。若謂吾滅度非吾弟子若謂吾不滅度亦非吾弟子。時百萬億衆悉皆契悟。

雪峰悅云然則膏肓之門不足以發藥。雲峯今日且作死馬醫爾等諸人皮下有血脈。

佛鑑勸頌云言吾入滅非吾子言吾不滅亦非親。但見落花隨水去不知流出洞中春。釋迦老子若爲隣。臨行賣弄紫金身。雙林盡道泥洹也。夜夜群星拱北辰。

世尊般涅槃日迦葉尊者最後而至世尊乃於耨中露雙趺示之迦葉尊者乃作禮請如來以三昧火而自圍維即時金棺從七寶牀昇舉遶俱尸羅城七兩



却還本處化火光三昧而自焚之

地藏恩頌云慚愧老胡椰示雙趺金色尊者還會也無目前措得未辨稽顙遶七巾兮成何事箇箇

男兒是丈夫 佛鑑懃云未出王宮已涅槃何須

雙足露金棺致令迦葉雙眉皺慶喜門前倒剎竿

漸源又一日將鉢子於法堂上從東過西從西過東

石霜云作甚麼源云覓先師靈骨霜云洪波浩渺白

浪滔天覓甚麼先師靈骨雪竇著語 蒼天蒼天源云正好著力

霜云這裏針割不入著甚麼力源持鉢肩上使出

太原孚云先師靈骨猶在 明招謙云莫道作甚

麼別下得甚麼語代云鸛鵲語鶴又代漸源便擲

下鉢子云噫淺水無魚

雪竇顯頌云兔馬有角牛羊無角絕毫絕釐如山

如獄黃金靈骨今猶在白浪滔天何處著無處著

隻履西歸曾失却 保寧勇云終日挨門復倚樓

幾回明鏡照梳頭一從事却潘郎後也解人前不

識羞 長靈卓云木人把板雲中唱石女穿靴水

上行生死死生休更問從來日午打三更 圓悟

勤云生也全機現死也全機現不道復不道箇中

無背面直下便承當不隔一條線逼塞大虛空赤

心常片片 夢庵信云當時苦口曾不道悟來靈

骨方尋討練江寒月雨蕭蕭浮雲散盡天如掃

洞山价禪師僧問亡僧遷化向甚麼處去師云火後

一莖茆

白雲端云龍門卽不然亡僧遷化向甚麼處去答

云牆壁有耳

投子青頌云野火燒時越轉新至今煙燄雨難霖

旱地紅蓮遮日月無根樹長緣成陰 佛智裕云

善應隨流妙意深明明一箭中紅心當鋒不是由

基眼對面鐵山高萬尋 枯木成云春風吹動淥

波搖無限船師逐海潮只見江鷗飛白浪豈知明

月在雲霄

臨濟玄禪師臨遷化垂示云吾去後汝等諸人不得

滅却吾正法眼藏三聖出云誰敢滅却和尚正法眼

藏師云後或有人問你又作麼生道事便喝師云誰

知吾正法眼藏向這瞎驢邊滅却師乃示頌云沿流

不止問如何眞照無偏說自他離相離名人不稟吹  
毛用了急還磨言訖於法座上端然示寂

大滄秀云古者忍死待來因何正法眼藏却向瞎  
驢邊滅臨濟行計速速三聖又却忽忽因斯父子  
情忘遂使後人失望若不得流水多應過別山

護國元云諸禪客若能向斬釘截鐵處明得臨濟  
一宗掃土而盡其或未然山僧爲汝諸人露箇消  
息以拄杖卓一卓復舉起云還見麼鯨吞海水盡  
露出珊瑚枝

黃龍南頌云圓寂將歸叙別時叮嚀法眼好任持  
喝下不開泥水路瞎驢從此少人騎 白雲端云  
擊破泰山雷未猛照開滄海月非光瞎驢滅却正  
法眼直得哀聲振大唐 保寧勇云出門握手再  
叮嚀往往事從叮嚀生路遠夜長休把火大家吹  
殺暗中行

石霜諸禪師遷化衆請首座住持時九峰虔禪師爲  
侍者白衆問首座云先師道休去歇去冷湫湫地去  
一條白練去古廟香鑪去一念萬年去明甚麼邊事

會得卽住持會不得不可首座對云明一色邊事虔  
云與麼則不會先師意在座云但裝香來香煙斷處  
若去得卽會先師意若去不得卽不會虔遂焚香香  
煙未斷首座遂脫去虔以手拊首座背云坐脫立亡  
卽不無先師意未夢見在

雲居舜云你等諸人且作麼生會諸人會處便道  
首座與麼說是說道理所以虔侍者不肯伊大愚  
道虔侍者盡平生見解只具一隻眼 南華曷云  
透生死關高超世表秉殺活劍獨據囊中若非智  
眼洞明未免扶籬摸壁要會麼春蘭與秋菊各自  
一時榮 西禪需云虔侍者雖然爲衆竭力未免  
禍出私門若人檢點得出與你一貼茶

丹霞淳頌云帶角披毛異類身寒灰枯木眼中塵  
雖然未盡先師意爭奈臨行一著親 開福寧云  
一片虛凝亘古今麟龍頭角競疎親坐亡立脫知  
多少鐵樹花開別是春 無盡居士云香煙淡淡  
風飄處首座凝凝脫去時不是久參虔侍者石霜  
巴鼻有誰知

洛浦安禪師臨順寂告衆云吾非明卽後也今有事問汝等若道這箇是卽頭上安頭若道這箇不是卽斬頭覓活第一座云青山不舉足日下不挑燈師云如今是甚麼時節作這箇語話有彥從上座出云離此二途請和尚不問師云未在更道云彥從道不盡師云我不管汝盡不盡云彥從無侍者祇對和尚師至深夜令侍者喚彥從來方丈問云你今日祇對老僧甚有道理據汝合體得先師意先師道目前無法意在目前不是目前法非耳目之所到且道那句是主若擇得出分付鉢袋子云彥從不會師云汝合會但道看云彥從實不會師喝出乃云苦苦次日午前有僧舉前話問師師云慈舟不棹清波上劒峽徒勞放木鵝卽便告寂

立覺云且道從上座實不會是怕見鉢袋子拈著伊

天童覺頌云餌雲鉤月釣清津年老心孤未得鱗一曲離騷歸去後汨羅江上獨醒人  
紙衣道者因曹山問莫是紙衣道者麼師云不敢山

云如何是紙衣下事師云一裘纔掛體萬法悉皆如山云如何是紙衣下用師近前應諾便立脫去山云汝只解恁麼去且不解恁麼來師忽開眼問一靈真性不假胞胎時如何山云未是妙師云如何是妙山云不借借師便珍重却坐脫曹山乃有頌云覺性圓明無相身莫於知見強疎親念異便於立體昧心差不與道相隣情分萬法沈前境識鑑多端喪本真如是句中全曉會了然無事舊時人

南堂靜頌云紙衣下事不假胞胎懸崖撒手襌襖嬰孩涅槃會上道場開單傳直指狀元來

芭蕉徹禪師僧問有一人不捨生死不證涅槃師還提攜也無師云不提攜云爲甚麼不提攜師云老僧粗識好惡

天童覺云芭蕉雖然識好惡且不能牽耕夫之牛奪飢人之食如今若有人問長蘆便和聲打爲甚麼如此我從來不識好惡  
投子青頌云百歲兒童出戶來滿身紅爛惹塵埃火中閑步清涼地識者無因敢近臺

天衣懷禪師云百骸俱潰散一物鎮長靈百骸潰散皆歸土一物長靈甚處安

南堂靜頌云一物長靈甚處安長空雲散碧天寬蓮宮佛剎花無數貶起眉毛子細觀

追忌

南泉願禪師爲馬祖忌日設齋垂語云未審馬祖還來應供不洞山乃出衆云待有伴卽來師云此子雖後生却堪雕琢山云莫壓良爲賤

南堂靜頌云千尺絲綸直下垂一波纔動萬波隨江上晚來堪盡處漁翁披得一蓑歸

禪林類聚卷第十三

禪林類聚卷第十四

歲時

解結

日月

風雲

雨雪

水火

歲時

趙州諗禪師僧問十二時中如何用心師云諸人被十二時使老僧使得十二時

松源岳云也是徐六擔板

鼓山珪頌云百年三萬六千日一朝昏十二時使殺老僧渾不管不知鬧裏有誰知徑山杲云使得十二時辰呼來却教且去倚官挾勢欺人茫茫無本可據

洞山份禪師僧問寒暑到來如何回避師云何不向無寒暑處去云如何是無寒暑處師云寒時寒殺閻黎熱時熱殺閻黎

投子云幾乎與麼去琅琊覺云我卽不然如何是無寒暑處僧堂裡去白雲端云洞山百味具足後來又合如何忽有人問圓通如何是無寒暑

處劈脊便棒參 南堂靜云寒暑到來如何回避  
日月星辰山河大地迷則靈龜曳尾悟則猛虎插  
翅只如不迷不悟又如何商量良久云白雲斷處  
見明月黃葉落時聞搗衣

大道泉頌云無寒暑處如何唱和熱即乘涼寒即  
向火多口阿師一場懨懨人人盡欲出常流折合  
還歸炭裏坐 雪竇頌云垂手還同萬仞崖正偏  
何必在安排琉璃古殿照明月忍俊韓獪空上堵  
湛堂準云熱時熱殺寒時寒寒暑由來總不干  
行盡天涯諸世事老君頭戴楮皮冠 長靈卓云  
偏中有正正中偏流落人間千百年幾度欲歸歸  
未得門前依舊草芊芊

疎山仁禪師僧問如何是冬來意師云京師出大黃  
密庵傑頌云有問冬來事京師出大黃貪他一粒  
米失却半年糧 西禪需云京師出大黃不許謾  
商量貴買還賤賣纔喫使郎當 松源岳云京師  
出大黃見賊便見賊竹杖化龍去癡人辱夜塘  
雲門偃禪師示衆云十五日已前不問汝十五日已

後道將一句來自代云日日是好日

天童覺云屬虎人本命屬猴人相衝

雪竇頌頌云去却一拈得七上下四維無等匹徐  
行踏斷流水聲縱觀寫出飛禽跡草茸茸煙窠窠  
空生巖畔花狼籍彈指堪悲舜若多莫動著動著  
三十棒 海印信云日日是好日風來樹點頭九  
江煙靄裏月上謝家樓 大洪恩云日日是好日  
誰言無等匹甜瓜徹蒂甜未必甜如蜜 上方益  
云冰消河北岸花發樹南枝到處有春色天涯亦  
早歸

雲門僧問如何是雲門一曲師云臘月二十五云唱  
者如何師云且緩緩

南堂靜云南堂即不然忽有人問如何是南堂一  
曲遂作鼓琴聲勢良久云好麼大哥只是不許人  
借

黃龍南頌云雲門一曲二十五不涉宮商角徵羽  
有人問我曲因由南山起雲北山雨 眞淨文云  
臘月二十五騎驢不打鼓春風百草生塚上添新



士 圓通僊云憶昔雲門老古錫曾將今日示當  
機奇哉二百年來事長作胡笳曲調吹 大洪遂  
云一曲韶陽古調清多年木石化爲精廣陵傳去  
人何在留得杜鵑啼月明 長靈卓云雲門曲調  
格何高轉使愁人不柰何明月清風無價數一時  
分付與僊陀

曹山寂禪師問僧可殺炎熱僧云是師云只如炎熱  
向甚麼處回避云向鑊湯爐炭裏回避師云只如鑊  
湯爐炭裡作麼生回避云衆苦不能到師默置一本小異  
松源岳云或問靈隱恁麼熱向甚麼處回避也只  
向他道鑊湯爐炭裏問鑊湯爐炭裏如何回避云  
風恬浪靜

丹霞淳頌云崑崙片玉火中潤碧落孤蟾水底圓  
一念條然無異色任從滄海變桑田

首山念禪師僧問如何是學人親切處師云五九盡  
日又逢春云畢竟如何師云冬至寒食一百五

投子青頌云日暮陰雲郊野深重陽到後菊花新  
不因西嶠殘冰盡爭得東山一帶春

佛眼遠禪師因讀靈源十二時歌有偈云一日日一  
時時龍門老心自知

鼓山珪頌云時時日日日日時時七顛八倒孰是  
孰非 徑山杲云日日日日時時時時違時失候  
箇老古錫

### 解結

洞山价禪師示衆云秋初夏末兄弟東去西去直須  
向萬里無寸草處去始得又云只如萬里無寸草處  
作麼生去後有僧舉似石霜霜云何不道出門便是  
草僧回舉似師師焚香望石霜拜云大唐國裏能有  
幾人

東禪齊云且道石霜會洞山意不若道會去只如  
諸上座每日折旋俯仰迎來送去爲當落路下草  
爲當一一合轍若言不會洞山意又爭解恁麼下  
語還有會處麼上座擬甚麼處去於此若明得可  
謂還鄉曲也不見也會著箇語云恁麼即不去也  
大陽延云如今直道不出門亦草漫漫地且道  
合同甚麼處行履良久云莫守寒巖異草青坐著

白雲宗不妙 白雲端云若見得石霜便見得洞  
山老人若見得洞山老人便見得石霜洞山却易  
見石霜却難見爲他不爲住持之絆不見道雲在  
嶺頭閑不徹水流澗下太忙生 徑山杲云獅子  
一滴乳迸散六斛驢乳

疎山如頌云不出漫漫草路遮出門猶更隔天涯  
回機踏著通霄路何處青山不是家 佛慧泉云  
出門便是大忙然萬里無來未得圓欲識家山歸  
去路暮煙輕鎖綠綿綿 佛眼遠云出門便是草  
閑殺龍門老北去禮文殊南來登五老鬢髮已蒼  
浪言歸恨不早獨立秋風前相思望江島好好不  
用更尋討 天童覺云草漫漫門裏門外君自看  
荊棘林中下脚易夜明簾外轉身難看看幾何般  
且隨老木同寒瘡將逐春風入燒瘢  
昔有一老宿一夏不與師僧說話有僧自歎云我只  
恁麼空過一夏不敢望和尚說佛法得聞正因兩字  
也得老宿聞乃云闍黎莫暫速若論正因一字也無  
道了扣齒云適來無端不合與麼道隣壁有一老宿

聞得云好一釜羹被一顆鼠糞汚却

玄覺徵云且道是讚嘆語不肯語若是讚歎爲甚  
道鼠糞汚却若不肯他有甚麼過驢得麼 雪竇  
顯云誰家釜裏無一兩顆 南堂靜云雪竇雖古  
德只解以己方人若是大隨即不然這裏一顆也  
著他不得爲甚麼如此良久云參

正覺逸頌云一夏調和一釜羹傳嚴猶未許爭衡  
莫言汚了無人見隣壁禪翁隻眼明 慈受深云  
長夏無別趣調和羹一釜滋味頗馨香剛地成點  
汚口是禍之門舌是斬身斧陪却三斤鐵只因看  
錮鑊

洞山初禪師參雲門門問近離甚處師云查渡門云  
夏在甚處師云湖南報慈門云幾時離彼中師云八  
月二十五門云放汝三頓棒師次日再問昨日蒙和  
尙放某甲三頓棒未審過在甚麼處門云飯錢子江  
西湖南便與麼去師於是大悟乃云某甲從今去向  
無人煙處不蓄一粒米不種一莖菜接待十方往來  
善知識與他解黏去縛令飽齎齎地去門云汝身如

椰子大開許大口

雪竇顯云雲門氣宇如王撈著便水消瓦解當時若據令而行子孫也未到斷絕 白雲端云大小雲門被洞山一問直得額頭汗出口裏膠生 保寧勇別後語云這瞎漢將謂是箇人便打 松源岳云諸方盡謂父子投機啐啄同時殊不知雲門正令不行却向草窠裏覓致令洞山打失鼻孔直至如今無摸索處

白雲端頌云一鏃三關破不難如何猶在是弄間曲勞提起飯袋子三頓方知徹骨寒 保寧勇云三頓當時打不回鐵門重擊鎖方開堪嗟不審一粒米十字街頭接往來 慈受深云去年八月離湖南行盡千山與萬山不喫雲門三頓棒安知虎體有玄班 佛眼遠云奉君三頓曲周遮屈辱雲門老作家渡水穿雲五湖客欲將何物當生涯 文殊道云問答分明豈偶然須知逆耳是忠言洞山眼似銅鈴轉剛被雲門三頓瞞

翠巖參禪師夏末示衆云一夏已來爲兄弟東語西

話看取翠巖眉毛在也無

保福云作賊人心虛 長慶云生也 雲門云關

翠巖之云爲衆竭力福出私門又云何故如是得人一牛還人一馬 保寧勇云笑殺大家

雪竇顯頌云翠巖示徒千古無對關字相酬失錢

遭罪老倒保福抑揚難得嘮嘮翠巖分明是賊白

珪無玷誰辨真假長慶相讀眉毛生也 死心新

云作賊保福擗過狀生也長慶迷真逐妄掩關

雲門秋江月亮老倒翠巖眉在眼上 大洪遂云

青山岌岌瀑水滔滔穿過鼻孔落盡眉毛

日月

馬祖一禪師因百丈南泉西堂三人隨侍翫月次師

問正當與麼時如何西堂云正好供養百丈云正好

修行南泉拂袖便去師云經入藏禪歸海惟有普願

獨超物外

神鼎譚云只爲老婆心切 翠巖真云神鼎叔翁

云只爲老婆心切翠巖即不然垂萬里釣駐千里

烏雕布緲天網收舊漢且鱗還有麼有則衝浪來

相見如無月歸霞下待月明 開福寧云諸禪德  
馬大師等閑管卷妙手天然也是貪觀雲裏鴈失  
却渡頭船若人檢點得出披毛遊火聚戴角混塵  
泥其或見處朦朧爲你下箇註脚經入藏禪歸海  
未是衲僧親到底拂袖便行歸去來擊碎重關門  
大啓重關既啓還有見馬祖者麼良久云休休長  
安夜夜家家月幾處笙歌幾處愁 虎丘隆云奇  
恠諸禪德馬駒踏殺天下人一擲直教一掌血及  
乎三大士各展家風不覺翻成老婆心切叢林浩  
浩商量盡道翫月話奇特檢點將來克由叵耐正  
當恁麼時如何三人證龜成鼈

海印信頌云三獸渡河深淺別不勞精辨迥然分  
爭如巨浸張帆者不顧波濤過海門 照覺總云  
經入藏禪歸海唯有普願獨超物外咄只有照壁  
月且無吹葉風 大瀉詰云馬師曾翫月三子左  
右侍吹箇無孔笛清音括天地 佛性泰云張公  
養得三箇兒長大不知誰立志呼來月下問蹤由  
眼睛箇箇皆相似 徑山杲云國清才子貴家富

小兒嬌大家出隻手彼此不相饒

藥山儼禪師一夜登山經行忽然雲開見月師乃大  
笑一聲應澧陽東九十許里居民盡謂東家明辰迭  
相推問直至藥山徒衆云昨夜和尚山頂大笑

李翱尙書贈頌云選得幽居懷野情終年無送亦  
無迎有時直上孤峯頂月下披雲笑一聲 塗毒  
策云古德隨緣放曠任意經行纔立峻峯頭清聲  
滿寰宇山僧亦有一頌塗毒從來要任緣遼天鼻  
孔被渠穿冒暑登途過西浙他年衣鉢有誰傳  
槩山續禪師示衆云心月孤圓光吞萬象光非照境  
境亦非存光境俱忘復是何物

雲門云直饒與麼道猶在半途未是透脫一路僧  
便問如何是透脫一路師云天台華頂趙州石橋  
又拈云東海裏藏身須彌山上走馬復以拄杖打  
禪床一下大衆眼目定動乃拈拄杖趨散云將謂  
劍利這漆桶 大愚芝拈起拂子云微塵諸佛光  
明總在這裏照破你諸人心肝五臟脾胃肝膽諸  
僧面前不得道著切宜忌口擊禪床下座 禾山



方云山河大地燈籠露柱厨庫三門皆是光境作麼生是真實諸人輪轉三界者蓋爲不了目前法從生至死無有了期快須薦取莫待雪鬢銀髭臨渴掘井悔將不及 徑山杲云白鷺下田千點雪黃鸝上樹一枝花

月堂昌頌云光非照境境非存光境俱忘復是痕百鳥不來春已老落花流水遶江村 松源岳云描不成兮畫不成臥龍長飾碧潭清擬心湊泊終難會達者應須暗裏驚

長沙岑禪師一夕與仰山翫月次仰云人人盡有這箇事祇是用不得師云恰是倩汝用去仰云你作麼生用師乃與一踏踏倒仰山起來云爾直下似箇大蟲傳燈作向月次

長慶稜云前彼此作家後彼此不作家乃別云邪法難扶 保福展云好一箇月只是用力太多被他踏破却成兩箇人人盡道峇大蟲奇特須知仰山有陷虎之機德山圓明代更與一踏 琅琊覺云李陵雖好手爭免陷番身 達觀頌云仰山喚

作大蟲因聖道似箇狂狗 徑山杲云皎潔一輪寒光萬里剗利者葉落知秋傷禪者忠言逆耳不休已不已小釋迦有陷虎之機老大蟲却無牙齒當時一踏豈造次驚然倒地非偶爾衆中還有繩索得二老出者麼良久云設有也是掉棒打月曹源生頌云浮雲散盡月當空鬼子懷胎產大蟲跳出風前弄牙爪至今撼動廣寒宮

投子同禪師僧問月未圓時如何師云吞却三箇四箇云圓後如何師云吐却七箇八箇

南堂靜云若不會祖師西來意這因緣卒摸索不著在若是田地穩密底方知落處然雖如是太隋卽不然或有問月未圓時如何只向道六合含潭氣象清圓後如何爛銀盤出百邪驚 鼓山珍云投子和尙雖然善能吞吐要且未知月之所在或問鼓山月未圓時如何只對他道天上有星皆拱北圓後如何人間無水不朝東 月堂昌云投子只知得路便行不覺渾身泥水瑞光卽不然月未圓時如何布施不如還却債圓後如何借囊覆子



拜婆年 徑山杲云三箇與四箇七箇與八箇數  
日甚分明無人數得過既是數日分明爲甚無人  
數得過良久云道士著白襪且非眞措大

洞山聰頌云七八雖然正好觀四三焉得便瞞預  
靈光萬古輝天地隱顯尋常不用搏 投子青云  
圓關曾伸問老翁石龜啗子引清風昨朝木馬潭  
中過踏出金烏半夜紅 保寧勇云吞却三四枝  
吐出七八箇吞吐總完全不知是甚麼 正覺逸  
云圓後圓前作者知四三七八解呈機令人長笑  
善吞吐留與叢林作是非

雲門偃禪師因僧問佛法如水中月是不師云清波  
無透路云和尚從何得師云再問復何來云便恁麼  
去時如何師云重疊關山路

白雲端頌云灼然水月非難取自是時人手不親  
韶石老師拈出了關山重疊越光新 圓悟勤云  
徧界不藏清波澄寂互換投機箭鋒相直提起向  
上鉗鎚石火電光莫及便恁麼隔關山碧潭雲外  
不相關

◆水屋木

楊岐會禪師僧問撥雲見日時如何師云東方來者  
東方坐

白雲端頌云堯舜垂衣萬國賓撥雲見日意休陳  
東方來者東方坐草水重霑雨露新

智門祚禪師僧問如何是般若體師云蚌含明月僧  
問如何是般若用師云兔子懷胎

雪竇顯云非唯把定世界亦乃安貼家邦若善能  
參詳便請丹霄獨步 黃龍新云如何是般若體

一堆屎如何是般若用屎堆裏蟲 南堂靜云古

人是則是答得太高生若是老僧即不然如何是  
般若體一穀一米如何是般若用七擒七縱 應

庵華云兩箇漆桶一時話墮了更添一枚如何是  
般若體相見便無禮如何是般若用從來愛打閑

且道三箇漆桶還有優劣也無若檢點得出許你  
具頂門眼

雪竇頌云一片虛凝絕謂情天人從此見空生蚌  
含玄兔深深意曾與禪家作戰爭 佛鑑勲云蚌  
含明月秋波冷兔子懷胎夜魄寒皎皎清光成一

片直須回首好生觀 長靈卓云蚌含明月兔懷胎無限禪人擘不開鐵眼銅睛何擬擬三千里外笑哈哈

風雲

世尊因外道問不問有言不問無言世尊據坐良久外道讚歎云世尊大慈大悲開我迷雲令我得入乃作禮而去阿難尋白佛言外道得何道理稱讚而去世尊云如世良馬見鞭影而行

法眼因百丈常請益叙語未終眼云住住汝擬向世尊良久處會那丈從此悟入 五祖戒云大小世尊被阿難一狀領過又出語云汝何所問 雪竇顯云邪正不分過猶鞭影又云諸禪德迷雲既開決定見佛還許他同參也無若共相委知則天下宗師並爲外道伴侶如各非印證則東土禪僧不如西天外道 道吾真云世尊隻眼通三界外道雙眸貫五天 楊歧會云世尊輟已從人外道乃因齋慶讚 大滄喆云外道懷藏寶鏡世尊親爲高提森羅顯煥萬象歷然又得阿難金鐘再擊

四衆共聞然雖如是大似二龍玩珠長他智者威

汾陽昭頌云鞭影分明指似君多聞警地爽精神汾陽報汝諸禪侶信手拈來莫厭塵 淨照臻云特地慙慙問有無因風應不費工夫迷雲綻得開令人未免區區在半途 佛眼遠云杲日連天照有無孰云善逝坐跏趺如今要見當年事邪正由來在半途 鼓山珪云迷悟觸體前何勞更舉鞭只持雞狗戒不學祖師禪 六祖能大師於黃梅受法辭五祖祖令隱於懷集四會之間屆南海遇印宗法師於法性寺暮夜風颺剎幡聞二僧對論一云幡動一云風動往復酬答曾未契理師云可容俗流輒預高論不乃云不是風動不是旛動仁者心動耳印宗聞語竦然異之遂問其由師以實告之印宗於是集衆請開東山法門師遂落髮披衣受戒即廣州天寧寺也

雪峯云大小祖師龍頭蛇尾好與二十棒孚上座侍次較齒峯云我與麼道也好與二十棒 保福

展云作賊人心虛也是蕭何制律 巴陵鑑云祖  
師道不是風動不是旛動既不是風旛向甚麼處  
著有人與祖師作主出來與巴陵相見 雪竇頌  
云雪竇道風動旛動既是風旛向甚麼處著有人與  
巴陵作主亦出來與雪竇相見 應庵華云一盲  
引衆盲相牽入火坑

瑞鹿先頌云非風旛動唯心動自古相傳直至今  
今後水雲徒欲曉祖師真是好知音 天衣懷云  
不是風兮不是旛斯言形已播人間要會老盧端  
的意天台南嶽萬重山 法昌遇云不是風兮不  
是旛黑花貓子面門斑夜行人只貪明月不覺和  
衣渡水寒 道場如云滄溟直下取驪珠觀面相  
呈見也無到此不開真正眼膏肓之病卒難蘇  
夢庵信云相爭但見風旛動不肯回頭識動心從  
此老盧露消息松風江月盡知音

趙州諗禪師僧問白雲自在時如何師云爭似春風  
處處閑

古德頌云舒卷悠悠雲遶山鼓舞飄飄風吹谷雲

逐風來得自由風隨雲去無拘束  
韶山普禪師僧問是非不到處還有句也無師云有  
云是甚麼句師云一片孤雲不露醜

天童覺云通身回互不觸尊嚴退位傍提要當宛  
轉還見韶山相爲處麼盡力推爺向裏頭

投子青頌云白雲不到中峯頂滿目煙蘿景象殊  
一句曲寒千古調萬重青碧月來初

興化獎禪師因僧問四方八面來時如何師云打中  
間底僧便禮拜師云山僧昨日起箇村齋中途遇卒  
風暴雨却向古廟裏避得過

應庵華云衆中商量道向古廟裏避得過是明空  
劫已前自己又道便是他安身立命處殊不知興  
化腰纏十萬貫騎鶴下揚州

洞山聰頌云此間非常觸忤人如禽空啄噪荊榛  
須知興化奔馳疾值雨何曾濕著身 晦堂心云

一不是二不成落花芳草裡啼鶯閑庭雨歇夜初  
靜片月還從海上生 海印信云攬浪擎雲勢莫  
猜漁翁倚棹傍巖隈江邊依舊空歸去帝里同風

不到來

明招謙禪師一日天寒上堂大衆集定師云今日風頭稍硬不是你安身立命處且歸暖室商量便下座歸方丈大衆隨至立定師又云纔到暖室便見瞋睡以拄杖一時趁下

開先暹云停囚長智當時待伊道今日風頭稍硬歸暖處說話去來但拊掌各自歸堂教這老漢一場懨懨

開福寧頌云風頭坐斷進還難衲子相將不易看未到潼關天已曉不堪回首望長安 佛性泰云風前露出無瑕壁室內擎將無價珠兩度獻渠渠不識可憐流落在江湖 鼓山珪云風頭稍硬難安立暖氣纔通瞋睡來却笑明招閑費力無端兩處強差排 徑山杲云夜半明星當午現愚夫猶待曉雞鳴可憐自屎不知臭又欲重新拈似人

雨雪

二祖可大師聞達磨初至少林遂往彼晨夕參扣但端然面壁莫聞誨勵師志益堅乃云古人求道敲骨

取髓刺血濟飢布髮掩泥投崖餉虎古人如此我何人哉其夜天大雪師到庭際侍立忘歸翌日積雪齊腰磨憫而問云汝久立雪中當求何事師悲泣云惟願和尚慈悲開甘露門廣度群品磨云諸佛無上妙道曠劫精勤難行能行非忍而忍豈可以小德小智輕心慢心欲冀真乘徒勞辛苦師聞示誨其志彌專乃取利刀自斷左臂置於磨前磨云諸佛最初求道爲法忘形汝今斷臂吾前求亦可在師云諸佛法印可得聞乎磨云諸佛法印匪從人得師云我心未安乞師安心磨云將心來爲汝安師云覓心了不可得磨云我爲汝安心竟師於此悟入

五祖戒云大似對面相瞞又云若只與麼何用西來 芭蕉徹云金剛與泥人揩背 五祖演云白雲當時若見好與二十棒何故他人覩見將謂兩箇說安心法畢竟如何菩薩龍王行雨潤遮身向上數重雲

汾陽昭頌云九年面壁待當機立雪齊腰未展眉恭敬願安心地法覓心無得始無疑 白雲端云

終始覓心不可得寥寥不見少林人滿庭舊雪重  
知冷鼻孔依前搭上唇 無盡居士云覓心不得  
已安心屠肆娼坊嗣少林爭柰子孫嫌直截諸方  
五味苦參尋

龍蘊居士因辭藥山山命十人禪客相送至門首士  
乃指空中雪云好雪片片不落別處時有全禪客云  
落在甚處士遂與一掌全云居士也不得草草士云  
怎麼稱禪客闍羅老子未放係在全云居士作麼生  
士又與一掌云眼見如盲口說如痴

雪竇顯別云初間但握雪團便打又頌云雪團打  
雪團打龐老機關沒可把天上人間不自知眼裏  
耳裏絕蕭灑灑絕碧眼胡僧難辨別

高沙彌一日出庵值雨藥山見來乃云你來也師云  
是山云可殺濕師云不打這鼓笛雲巖云度也無打  
甚麼鼓道吾云鼓也無打甚麼度山云今日大好曲  
調

丹霞淳頌云偶爾垂言借問伊知音爭使落今時  
胡家不犯宮商曲玉笛同將劫外吹

雲居膺禪師因劉禹端公問雨從何來師云從端公  
問處來劉遂禮三拜歡喜讚歎師却問端公問從何  
來劉無語歸家三日而死有老宿代云適來道甚麼  
歸宗柔別云謝和尚再三 徑山杲云劉禹端公  
無語歸家三日而死正配著洪覺痒處只是不知  
轉身一路當初待伊道問從何來但依前禮三拜  
歡喜而退且教洪覺疑三十年

雪竇顯頌云風作何色雨從何來不用彈指樓閣  
門開波波錢錢南方未回

鏡清慈禪師問僧門外甚麼聲云簷頭雨滴聲師云  
衆生顛倒迷已逐物云某甲只怎麼和尚作麼生師  
云忌不迷已云忌不迷已意旨如何師云出身猶可  
易脫體道應難

琅琊覺云得即得大似平地上陷人 黃龍心云  
說難說易轉見迷已要不迷已如今喚作甚麼聲  
雪竇顯頌云虛空雨滴聲作者難酬對若謂曾入  
流依前還不會會不會南山北山轉霧霏 無爲  
子云是甚麼聲雨滴浩浩迷已逐物衆生顛倒



長靈卓云簷前雨滴聲正在眼中鳴貪他養笠者  
失却舊茅亭

巴陵鑑禪師僧問如何是提婆宗師云銀碗裏盛雪  
雪寶顯頌云老新開端的別解道銀碗裏盛雪九  
十六箇應自知不知却問天邊月提婆宗提婆宗  
赤檐之下起清風保寧勇云人天會上分縑素  
龍象堂前定是非選甚邪魔并異類好教齊向此  
中歸佛性泰云銀碗裏盛雪冰壺含寶月縱具  
四維陀到此處搖舌西天令敵此土還別

### 水火

龐蘊居士問馬祖不與萬法爲侶者是甚麼人祖云  
待汝一口吸盡西江水來卽向汝道士於言下有省  
悟

保寧勇代云和尚太多口生玉泉璉云問處體  
露無依答時堆山積嶽賓主互換針芥相投如空  
藏空似鏡照鏡諸人還知二老落處麼誰家別館  
池塘上一對鴛鴦畫不成

白雲端頌云一口吸盡西江水萬古千今無一滴

要知黨理不黨親馬祖可惜口門窄保寧勇云  
風吹日炙露屍骸泣問僊人覓地埋忍俊不禁多  
口老陰陽無處可安排石門易云借問乾坤獨  
步人全提分付太言親西江吸盡無涓滴誰解喉  
門鎖要津

趙州僧問初生孩兒還具六識也無師云急水上打  
毬子其僧却問投子急水上打毬子意旨如何子云  
念念不停流

雪寶顯頌云六識無功伸一問作家曾共辨來端  
茫茫急水打毬子落處不停誰解看白雲端云  
何謂識兮還具六八萬四千殊不足初生孩子尙  
喃喃急水打毬攔口築

趙州一日敲火問僧云老僧喚作火汝喚作甚麼僧  
無語師云不識玄旨徒勞念靜

法燈欽別云我不如汝

老衲證頌云趙州眼放光燦破四天下鉢盂上安  
柄至今成話欄

茱萸禪師因趙州將拄杖上法堂東覷西覷師乃問

作甚麼州云探水師云我這裡一滴也無探箇甚麼州遂將拄杖靠壁而去

大瀉詰云趙州善能探水不犯波瀾茱萸一滴也無爭柰關防不得 琅琊覺云世亂奴欺主年衰鬼弄人 應庵華云茱萸一滴也無滔天白浪趙州以杖靠壁不犯波瀾雖然二老同死同生爭柰明果未肯放過在 渤潭明云趙老雲収山嶽露茱萸雨過竹風清誰家別館池塘裏一對鴛鴦畫不成

保寧勇頌云逐步移筇探淺深果然滄海碧沈沈一雙足跡分明在將謂歸家不可尋 佛鑑勸云古今難透趙州關取次施爲不等閑杖子靠來斜倚壁輕如毫髮重如山 徑山杲云深淺聊將拄杖探忽然平地起波瀾傾湫倒嶽驚大地到海方知徹底乾

瀉山祐禪師在百丈時夜侍立次丈云看爐內有火也無師看了來報云無丈躬自至爐深撥忽得少火乃挾起云你道無這箇響師因而契悟丈云欲知佛

性義當觀時節因緣時節若至其理自彰便知已物不從外得汝善護持次日百丈同師入山作務丈云還將得火來麼師云將得來丈云在甚麼處師拾起一枝枯柴吹三吹度與丈丈肯之乃云如蟲禦木

保寧勇頌云提起都來只一星豁然騰燄亘天明連延野外猶難救直得三年草不生 大洪遂云力士曾遺額上珠搜尋無處幾嗟吁傍人爲指珠元在始覺平生用意纖 上方益云撥動寒灰火便明曉來山外尙熒熒堪嗟法眼堂前客猶向南方問丙丁

大隋眞禪師僧問劫火洞然大千俱壞未審這箇壞也無師云壞云與麼則隨他去師云隨他去其僧不會持此語到投子舉似投子遂焚香遙望大隋禮拜云西川有古佛出現汝速回彼僧返西川師已遷化復回投子子亦遷化

後有僧舉問脩山主主云不壞云爲甚麼不壞主云爲同大千 道吾眞云此二老宿一人道壞一人道不壞且道壞底是不壞底是會麼壞與不壞

俱非內外不隔纖毫尋常面對

智門祚頌云切忌隨他不曾他大隋此語播天涯  
眞淨性中纔一念早是千差與萬差 雪竇顯云  
劫火光中立門端衲僧猶滯兩重關可憐一句隨  
他語萬里區區獨往還 慈受深云壞與不壞兩  
相猜劒閣龍舒謾往來何人更有樊公脚一踏鴻  
門雙扇開

投子同禪師僧問劫火洞然時如何師云寒威威地

投子青頌云天地爲爐萬物焦石人駕浪渡雲霄

風生半夜霜威重月落冰寒逼鬢凋

雪峯存禪師示衆云三世諸佛向火燄上轉大法輪  
玄沙云近日官令稍嚴師云作麼生沙云不許攙行  
奪市師不覺吐舌雲門云火燄爲三世諸佛說法三  
世諸佛立地聽

黃龍新云雪峯雲門交互爭輝薪盡火滅向甚麼

處聽莫戀白雲深處坐切忌寒灰煨殺人

白雲端頌云火燄騰輝說最親無邊諸佛近前聞  
誰知更有傍觀者鼻孔遼天不喜君 保寧勇云

一堆猛燄亘天紅三世如來在此中轉大法輪今  
已了眉毛之上起清風 普融平云紅燄光中也  
大奇明明演說白毫輝可憐雪老并韶石燒却眉  
毛總不知

雪峯僧問古澗寒泉時如何師云瞪目不見底云飲  
者如何師云不從口入僧後到趙州舉此話州云不  
從口入不可從鼻孔裏入僧却問古澗寒泉時如何  
州云苦云飲者如何州云死師聞得乃云趙州古佛  
遙作禮自此不答話

雪竇顯云衆中商量總云雪峯不出這僧問頭所  
以趙州不肯如斯話會深屈古人雪竇即不然斬  
釘截鐵本分宗師就下平高難爲作者 天衣懷  
云諸仁者作麼生會不答話底道理讚嘆趙州卽  
不無還知趙州片玉瑕生麼若人檢點得出相如  
不誑於秦主 蒙庵岳云雪峯不從口入松栢千  
年青不入時人意趙州云死牡丹一日紅滿城公  
子醉 天童覺云扶豎宗乘須還大匠雪峰辦一  
千五百人善知識身心趙州用一百二十歲老作

家手段不妨奇恠如今衆中隨言定旨亂作貶剝  
深屈古人然則相席打令似有知音鏤骨銘心罕  
逢明鑑

雲蓋昌頌云古澗寒泉浩渺瀾分明枝派暗流時  
不從口入無滋味苦死令渠話不知 寶峰照云  
黯黯雲攢付雪峯青青趙老一雙瞳從前汗馬無  
人識只要重論蓋代功 佛心才云縱奪還他老  
作家奔流度刃數如麻深深澗底無人到飲者重  
添眼裏沙

古德垂語云我喚作火汝不得喚作火

無爲居士頌云我喚作火汝即不可已道了也喚  
作甚麼

玄沙備禪師因鏡清來參問學人乍入叢林乞師指  
箇入處師云還聞偃溪水聲麼清云聞師云從這裏  
入鏡清於言下大悟

五祖演云果是得入一任四方八面若也未然輒  
不得離却這裏 徑山杲云若要真箇得入直須  
離却這裏

白雲端頌云天生碧眼崑崙兒有藝過人自不知  
幾度黑風翻大海波心出沒自閑嬉 法雲秀云  
一滴偃溪水四海少人聞直饒玄會得也是弄精  
魂 羅漢南云天飄碎玉千峯雪雨滴巖花萬國  
春堪聽偃溪流水意潺潺終日不聞聞

法眼益禪師僧問如何是曹源一滴水師云是曹源  
一滴水時韶國師在會下聞此語大悟

應庵華云法眼恁麼說話眼觀東南意在西北忽  
有人問薦福如何是曹源一滴水只對他道死

白雲端頌云曹源一滴久澄清流出千江絕浪聲  
大海幾多遊翫者茫茫空遠水邊行 草堂清云

曹源一滴異常流流入滄溟貫九州垂釣幾番波  
浪嶮未曾聞道失漁舟 佛燈珣云一滴曹源立

問端清涼答處在言前衆流截斷窮源底百川依  
舊勢朝天

禪林類聚卷第十四

禪林類聚卷第十五

衣鉢

服飾把針

鞋襪

珍寶

琴碁書畫

簾帳

舟楫

衣鉢

世尊一日勅阿難食時將至汝當入城持鉢阿難應諾佛云汝既持鉢須依過去七佛儀式阿難便問如何是過去七佛之儀式佛召阿難阿難應諾佛云持鉢去

禾山方云阿難只解與麼去不解與麼來隆慶化士既解與麼去亦解與麼來然雖如是且道作麼生是七佛儀式要會麼丈夫自有衝天志不向如來行處行

遜庵頌云從前七佛軌儀慶喜何曾欠少堪笑黃面瞿曇無端更打之遶

阿難尊者問迦葉云師兄世尊傳金襴袈裟外別傳箇甚麼迦葉召云阿難阿難應諾迦葉云倒却門前刹竿著

汾陽昭云不問那知 五祖戒云露 翠巖芝云 千年無影樹今時沒底靴 草堂清云刹竿未倒穿却諸人觸骸換却諸人眼睛刹竿倒後向甚麼處見釋迦老子參

白雲端頌云金襴之外復何傳弟應兄呼豈有偏倒却門前刹竿子免教依舊倚牆邊 覺海元云金襴付後別何傳呼應雖勤意未圓迦葉更能施善巧刹竿倒却貴安然 無盡居士云慶喜門前倒刹竿金襴傳外有何傳天然外道無師證爭奈威音佛已前 天童覺云影路門前倒刹竿箇中消息授傳難玲瓏侍者能相委盤走明珠珠走盤慈受深云頭陀飲光多聞慶喜合掌擎拳難兄難弟一朝狹路兩相逢裂轉雙睛無處避便向門前倒刹竿丈夫自有衝天志 晏古佛云提起金襴惹倒刹竿步步踏著綠水青山

雪峯存禪師在德山作飯頭一日飯遲師囑飯巾次見德山托鉢至法堂前師云這老漢鐘未鳴鼓未響托鉢向甚麼處去山便歸方丈師舉似巖頭頭云大



小德山不會末後句。山間令侍者喚巖頭來。山問汝不肯。老僧那頭密啓其意。山休去。明日陞堂。果與尋常不同。頭至僧堂前。拈掌大笑云。且喜堂頭老漢。會末後句。他後天下人不奈伊何。雖然如是。也只得三年後三年果遷化。

明招謙代德山云。咄咄沒處去沒處去。雪竇巖云。曾聞說箇獨眼龍。元來只有一隻眼。殊不知德山是箇無齒大蟲。若不是巖頭識破。爭得明日與昨日不同。諸人要會末後句麼。只許老胡知。不許老胡會。大瀉詰云。巖頭大似高崖石裂。直得百里走獸潛蹤。若非德山度量深明。爭得昨日與今日不同。翠巖真云。巖頭德山一狀。領過雪峯一千五百人善知識地。在。

南堂靜頌云。德山托鉢最爲奇。好語令人特地疑。虎豹出林誇爪距。叢林千古立雄基。寶峯祥云。凜凜霜風。戛地寒漁。翁擲釣五湖。寬錦鱗觸散波心。月收取絲綸上古灘。天童覺云。末後句會也。無德山父子太含胡。座中亦有江南客。莫向樽前。

唱鷓鴣 徑山杲云。一搗塗毒。聞皆喪身在其中。總不知八十翁翁入場屋。真誠不是小兒嬉。雲門偃禪師示衆云。世界恁麼廣闊。爲甚麼鐘聲披七條。

鼓山珪頌云。七條披向鐘聲上。徧界難藏比丘相。若以色見音聲求迦葉師兄。是虛妄。徑山杲云。鐘聲披起。鬱多羅碧眼胡兒。不奈何。一箭雙鷗隨手落。拈來元是柵中鷄。

楊岐會禪師偈。問天得一以清。地得一以寧。衲僧得一堪作甚麼。師云。鉢孟口向天。

白雲端頌云。鉢口向天底。時節十方世界一團鐵。少林面壁謾多年。衲僧眼裏重添屑。松源岳云。衲僧一拶鉢孟口。闊天下。楊岐望梅林止渴。

服飾把針附

洞山价禪師問僧。世間甚麼物最苦。僧云。地獄最苦。師云。不然。衣線下不明大事。始是苦。

丹霞淳頌云。鑊湯爐炭。幾何般地獄。三塗未苦酸。須聽新豐親切語。袈裟之下莫顛顛。

曹山本寂禪師僧問靈衣不掛時如何師云曹山今日孝滿云孝滿後如何師云曹山好顯酒

天童覺頌云清白門庭四絕隣長年關掃不容塵  
光明轉處傾殘月爻象分時却建寅新滿孝便逢  
春醉步狂歌任墮巾散髮夷猶誰管系太平無事  
酒頭人

香林遠禪師僧問如何是衲衣下事師云臘月火燒

山

應庵華云香林怎麼道老鼠入牛角忽有人問歸  
宗如何是衲衣下事只對他道來年更有新條在  
惱亂春風卒未休

雪竇顯頌云臘月燒山萬種千般翹松鶴冷立雪  
人寒達磨不會大難大難 上方益云歲晚年來  
正苦寒千林木葉盡凋殘炎炎野火無流水應是  
隨風過別山 白楊順云臘月山頭火亘天衲衣  
下事若爲傳老來不是觀時節困卽長伸兩脚眠  
天童覺云老大叢林快說禪不將禪掛口皮邊  
谷深山遠空無像何處人呼應不圓 東林顏云

◆門庭開

臘月火燒山苦口是黃連相將歲除夜竇八布衫  
穿大可憐把手入黃泉

鞋襪

睦州蹤禪師在黃檗爲首座教臨濟問佛法後歸鄉  
院杜門織蒲鞋養母人目之曰陳蒲鞋接得雲門令  
嗣雪峯唯自晦迹凡見僧喚云大德僧回首師云擔  
板漢

雪竇顯云睦州只具一隻眼何故這僧喚既回首  
因甚却成擔板

汾陽昭頌云垂慈只要總通靈不是宗師妄目生  
擔板直教須放下免伊虛度百千生 圓悟勤云  
辛辛苦辣哇哇喋喋識際北爲大樹拶雲門墮巖  
崖機峻莫階言如枯柴夫是之謂陳蒲鞋 無爲  
子云睦州喚隨卦斷回不回擔板漢 長靈卓云  
腦後與一錐頭頭墮坑坎直饒喚不回也是虛擔  
板透過睦州關乾坤一隻眼 鼓山珪云電火光  
中休草草劍輪鋒上莫切切等門放却全身入終  
不當頭犯一毫 徑山杲云睦州擔板那容眨眼

闊狹短長不須增減

靈雲勤禪師問僧甚處去云雪峯去師云我有一信寄雪峯云便請師乃脫履拋向面前僧便去雪峯問甚處來云靈雲來峯云和尚安不云有書相寄道了脫履拋向面前峯休去

馮山秀云雪峯既不能辨他來信端的這僧又祇知依模畫樣鈍置他靈雲忽若當時道我有一信寄他云使請靈雲只據坐這僧又若爲通露不可大丈夫漢爲人馳達教他一言不措

### 珍寶

東寺會禪師因仰山來參乃問汝何處人仰云廣南人師云我聞廣南有鎮海明珠是不仰云是師云此珠作何形狀仰云白月卽現師云汝將得來不云將得來師云何不呈似老僧云某甲昨到馮山蒙索此珠直得無言可對無理可伸師云眞獅子兒善能哮吼如蠍螟蟲向蚊子眼睫上作窠於十字街頭大叫一聲云土曠人稀相逢者少傳燈作東邑政語無嫌螟蟲下一段龍潭曉云衆中喚作呈珠話且作麼生是呈珠處

山僧今日與大衆註破等閑莫向江邊立切忌寒灰炙殺人

本覺一頌云鎮海明珠到處晶由來一顆自圓成仰山東寺曾遭索叉手還將取次呈

終南山師祖禪師問南泉摩尼珠人不識如來藏裏親取得如何是藏泉云王老師與爾往來者是師云不往來者泉云亦是師云如何是珠泉召云師祖師應諾泉云去汝不會我語師從此信入

雪竇頌向往來者是處云草裏漢又向不往來者亦是返云雪上加霜又於如何是珠處云嶮百尺竿頭作伎倆不是好手這裏著得箇眼賓主互換便能深入虎穴或不潛麼縱饒師祖悟去也是龍頭蛇尾漢白雲端云大衆這僧一顆摩尼珠可謂稀世之寶大可憐生幾乎落在萬丈坑裏猶賴得南泉老兒手親爲他把得起且道此珠現今在甚麼處乃云海神知貴不知價留與人間光照夜馮山祐禪師坐次仰山與香巖侍立師云如今總與麼者少不與麼者多香巖從東過西立仰山從西過

東立師云這箇因緣三十年後如金擲地相似仰云亦須是和尙提唱始得嚴云即今亦不少師云合取狗口

佛鑑勲云滙山幸自海晏河清剛地無風起浪雖然一波纔動萬波隨擲地金聲如瓦礫仰山香嚴若能慎護纔見滙山恁麼道便珍重下去假饒滙山咳嗽風生也須無出氣處大滙智云滙山舉令二子唱和偶然成曲調不是海作做雖然啐啄之機滙山未肯放過當時仰山香嚴見滙山與麼道便好掀倒禪床還知麼良久云見性不留佛大悟不存師猶較些子喝一喝塗毒策云金久鍊則精水久澄則清滙山纔始調絃二子終須別曲當初祇道喜相逢到底翻成怨離別且道過在甚麼處還知麼老來祇可和雲睡休與兒孫論短長南堂靜頌云象王嘔呻師子哮吼踞地盤空移星換斗坐斷舌頭合取狗口一回擲地作金聲九曲黃河徹底清隱靜儼云滙山垂語辨龍蛇一對驪珠絕點瑕獅子窟中無異獸嘉聲動地徧天涯

洛浦安禪師僧問衆手淘金誰是得者師云拳中舊寶不假披沙云恁麼則展手不逢也師云莫將鶴唳擬作鶯啼

丹霞淳頌云淘金豈假披沙得不觸波瀾猶費力露柱三更忽放光此時未審何人識

大嶺禪師僧問如何是一切處清淨師云截瓊枝寸寸是寶旂旃檀片片皆香

丹霞淳頌云乾坤盡是黃金國萬有全彰淨妙身玉女背風無巧拙靈苗花秀不知春

雲門偃禪師示衆云乾坤之內宇宙之間中有一寶秘在形山拈燈籠向佛殿裏將三門向燈籠上

法昌遇云且緩緩法昌有一寶七頭與八倒或作無明山或時爲相好觸處盡光輝動便入荒草休

尋討珊瑚枝上日杲杲白雲端云大衆眼在鼻上脚在肚下且道寶在甚處乃云人面不知何處

去桃花依舊笑春風

雪竇顯頌云看看古岸何人把釣竿雲冉冉水漫漫明月蘆花君自看滙山秀云看看野花開極

據亂三月洞庭江上春煙霄飛過瀟湘岸 白雲  
端云嶺上白雲舒復卷天邊皓月去還來低頭却  
入茅簷下不覺呵呵笑幾回 佛心才云帝網交  
羅幾萬般形山消殞影團團拈來不是無心處只  
在乾坤宇宙間

長慶稜禪師僧問衆手淘金誰是得者師云有伎倆  
者得云學人還得也無師云大遠在

雪竇顯代這僧當時便喝復云有伎倆者得一手  
分付有伎倆者不得兩手分付學人還得也無蒼  
天蒼天

智門祚頌云衆手淘金得者誰纖塵望礙豈能爲  
洪波浩渺黃金遠一事無成空手歸

首山念禪師僧問學人親到寶山空手回時如何師  
云家家門前火把子僧於言下大悟

白雲端頌云空手歸時誰肯信驢馱馬載入門來  
家家舉起火把子半夜天如白日開 佛鑑懃云  
寶山到日事如何空手回時所得多家家門前火  
把子明如日月照山河

琴瑟書畫樂附

睦州蹤禪師因一秀才來參師問先輩所蘊何業才  
云某甲會二十四家書師以拄杖空中點一點云會  
麼才罔措師云又道會二十四家書永字八法也不  
識

黃龍南云睦州一點直在威音王已前及乎八法  
論書却被箇俗人勘破若是黃龍卽不然孔門弟  
子無人識碧眼胡僧笑點頭 大瀉詰云睦州不  
妨用得這一點妙又似以勢欺人大瀉卽不然乃  
畫一圓相云會麼字義炳然文不加點

明招謙頌云一點曾無異微塵劫不增百千諸佛  
眼同共此靈明 佛鑑懃云禪師拄杖秀才筆伎  
倆皆從手中出八法論書如未明面前一點黑如  
漆 水庵一云一著機先用得親可憐窮手眼無  
筋須知八法論書處前箭猶輕後箭深

大陽延禪師問梁山如何是無相道場山指觀音云  
此是吳處士畫師擬進語山急索云這箇是有相底  
那箇是無相底師於言下大悟作禮却依本位立山



云何不道取一句來師云道卽不辭恐上紙墨山乃  
呵呵大笑云此語已後上碑去在

投子青頌云路窳崖仞問山翁別指巖西嶺近東  
擬進霧垂嵐色重回頭頂見太陽紅

風穴沼禪師僧問古曲無音韻如何和得齊師云木  
雞啼子夜薊狗吠天明

徑山杲云這黃面浙子恁麼答話也做他臨濟兒  
孫未得在今日或有人問徑山古曲無音韻如何  
和得齊只向他道木雞啼子夜薊狗吠天明

投子青頌云古巖月色鎖重雲枯木迎芳曉帶春  
昨夜星河轉南斗金烏隨鳳過天輪

### 簾帳

法眼益禪師因僧齋前來參次師以手指簾尋有二  
僧齊去捲師云一得一失

東禪齋云上座且作麼生會有云爲伊不明旨便  
去捲簾亦有道指者卽會不指而去者卽失恁麼  
會還可不可既不許恁麼會且問上座阿那箇得  
那箇失

天童覺頌云松直棘曲鶴長鳬短羲皇世人俱忘  
治亂其安也潛鱗在淵其逸也翔鳥脫絆無何祖  
禪西來裏許得失相半蓬隨風而轉空船截流而  
到岸箇中剗利衲僧看取清涼手段

### 舟楫

六祖大師一日謂門人云吾欲歸新州汝等速整舟  
楫門人云師從此去早晚却回師云葉落歸根來時  
無口

法雲秀云非但來時無口去時亦無鼻孔  
佛眼遠頌云歸根得旨復何論洞口秦人半掩門  
花落已隨流水遠空留窠窠野雲屯 松源岳云  
雲開空自闊葉落卽歸根回首煙波裏漁歌過遠  
村

船子誠禪師與道吾雲巖在藥山分別後往秀州華  
亭泛一小舟曾囑道吾云師兄向後有座主指一二  
人來道吾後至京口竹林寺時夾山會禪師住持上  
堂有僧問如何是法身會云法身無相云如何是法  
眼會云法眼無瑕吾不覺失笑會下座具禮請問吾

云吾有同行在華亭船上接人汝往見之必有所得  
仍須更易其服會乃散衆易服徑造華亭師見會來  
便問大德住甚麼寺會云似則不住住則不似師云  
不似又不似箇甚麼會云不是目前法師云甚處學  
得來會云非耳目之所到師云一句合頭語萬劫緊  
驢橛師又問垂絲千尺意在深潭離釣三寸子何不  
道會擬開口師拈橈子劈脊打落水中會纔上船師  
急索云道道會擬開口師又打會豁然大悟乃點頭  
三下師云竿頭絲線從君弄不犯清波意自殊會遂  
問拋綸擲釣師意如何師云絲懸淥水浮定有無之  
意速道速道會云語帶立而無路舌頭談而不談師  
云釣盡江波金鱗始遇會乃掩耳師云如是如是乃  
囑云吾在藥山三十年方明得此事汝今得已向後  
莫住城隍聚落直須藏身處沒蹤跡沒蹤跡處莫藏  
身向深山鐵頭邊接取一箇半箇嗣續吾宗無令斷  
絕會領旨禮拜而去頻頻回首師復喚云闍黎會回  
首師舉船橈云汝道別更有在言訖踏翻船於煙浪  
投子青頌云泛舟駕嶮三十春擊處竿頭活死人

夾嶺桂分千古韻朗江山翠萬重新 保寧勇云  
不犯清波不擲釣恠哉當面觸鼉頭微芒一噴騰  
隴雨萬壑千溪水逆流 覺海元云捨短從長有  
幾人遠求船子扣玄津蘭橈數挂徒開口水色山  
光特地新 佛迹昱云長竿放去隨波浪絲線取  
來獲錦鱗橈下翻身何脫漚回頭不見舊時人  
無盡居士云蘆葦蕭蕭江岸秋長天獨月向西流  
離釣三寸無人道笑倚蘭橈自點頭

船子有一官人問如何是和尙日用事師竖起橈子  
云會麼云不會師云棹撥清波金鱗罕遇因示偈云  
三十年來坐釣臺釣頭往往得黃金金鱗不遇空勞  
力收取絲綸歸去來三十年來海上遊水清魚現不  
吞釣釣竿斫盡重栽竹不計功程得便休千尺絲綸  
直下垂一波纔動萬波隨夜靜水寒魚不食滿船空  
載月明歸

雪竇顯云這漢勞而無功忽若雲門道一句合頭  
語萬劫繫驢橛又作麼生免得此過良久云莫謂  
水寒魚不食如今釣得滿船歸

白雲端頌云閃礫金鱗躍浪時華亭貪翫下釣遲  
誰知雪老垂綸慣不犯波濤取得伊  
巖頭豁禪師僧問古帆未掛時如何師云小魚吞大  
魚

汾陽昭頌云古帆不掛更何疑學問依前又是迷  
大小二魚俱一海爭柰釣頭餌不齋 鼓山珪云  
小魚吞大魚門上釘桃符邪魔俱不入佛法也消  
除 徑山杲云小魚吞大魚直路太縈紆古帆休  
更問處處得逢渠

巖頭僧問古帆掛後如何師云後園驢喫草

海印信頌云槌打不碎火燒不著天上人間何處  
安泊阿呵呵是甚麼莫較破須爛嚼 大洪遂云  
古帆不掛問巖頭月冷風高下直釣誰見後園驢  
喫草脫籠卸馱飽餉 楚安方云風信不來春  
已老却憶後園驢喫草滿大明月贈行人野客溪  
邊歸路早 徑山杲云後園驢喫草一老一不老  
驀地撞出來闔湊得恰好

廣德周禪師僧問波浪之中如何得妙師云橈棹不

施兼底脫往來終不借浮囊

丹霞淳頌云一句相酬難取則輪王不化閻浮國  
無邊刹海浪痕平獨駕泥牛耕月色

木平道禪師初謁洛浦遂問一漚未發已前如何辨  
其水脉浦云移舟諳水勢舉棹別波瀾師不愜意次  
參盤龍如前置問龍云移舟不辨水舉棹卽迷源師  
因此相契

雲峯悅云木平若於洛浦言下會去猶較些子可  
惜許向盤龍死水裏淹殺後有問如何是木平對  
云不勞斤斧師云果然只在這裏諸禪德大凡發  
言超方也須甄別邪正識辨真偽帶些子眼筋始  
得雖然如是也是賊過後張弓

丹霞淳頌云金烏玉兔兩交輝照破威音未兆時  
若謂青霄別有路木人依舊皺雙眉 本覺一云  
移舟曾不別澄潭舉棹波生豈更堪更會一漚初  
未發木人半夜好同參

法眼益禪師問覺上座船來陸來云船來師云船在  
甚麼處云船在河裡覺退師却問傍僧云你道適來

這僧具眼不具眼

天童覺頌云水不洗水金不博金昧毛色而得馬  
靡絲絃而樂琴結繩畫卦有許事喪盡真淳盤古  
心

禪林類聚卷第十五

禪林類聚卷第十六

法器

槌拂

數珠

餅錫

杖笠

鏡扇

法器

百丈海禪師因普請鋤地次有一僧舉起鋤頭忽聞  
鼓鳴乃拋下大笑便歸師云俊哉此是觀音入理之  
門歸院乃喚其僧問適來見甚麼道理便與麼云適  
來肚飢聞鼓聲歸喫飯去師乃笑 澠山一日見火  
頭聞木魚聲放下火抄拊掌大笑酬詰同前 香嚴錄  
此者不收

東使云當時澠山會裏無一人 臥龍云當時澠  
山會裏有一人

水庵一頌云孰云意在鑲頭邊一擊圓通徹大千  
大笑低頭歸去後飢餐且莫與人傳

普化禪師居常入市振鐸云明頭來明頭打暗頭來  
暗頭打四方八面來旋風打虚空來連架打一日臨  
濟令僧捉住云或遇不明不暗來時如何師托開云  
來日大悲院裏有齋僧回舉似濟濟云我從來疑著  
這漢

五祖演云若是五祖即不然有人問總不恁麼來  
時如何和聲便打是他須道五祖盲枷瞎棒我只  
要你恁麼道何故一任學似諸方 破庵先云這  
風顛漢不妨令人疑著及至被人窮詰將來却只  
道得箇羅齋打供也似熱處難忘若是廣壽即不  
然待他道總不恁麼來時如何便與攔臂扭住云  
道道若是皮下有血管取價增十倍  
汾陽昭頌云老倒分明兩路差箭鋒相拄勿喝斜  
龍蛇混雜人難辨白日長空下雪花 海印信云

明暗俱打誇無上擒住方知無伎倆伎倆無亂稱  
呼至今誰解辨真虛 佛智裕云高堂公子醉雙  
陸亂撒明珠發異光一擲輸贏誰辨得滿盤散子  
不成雙 鼓山珪云樓羅須要逞聰明金榜何曾  
得掛名持下幘頭歸去好莫騎驢子傍人門

曹山本寂禪師聞鐘聲乃云阿耶耶阿耶耶僧云和  
尚作甚麼師云打著我心

五祖戒云作賊人心虛

古德頌云聞鐘便道打余心語淺分明理事深上  
流默默點頭笑可謂真鎗不博金

禾山殷禪師垂語云習學謂之聞絕學謂之隣過此  
二者謂之真過僧出問如何是真過師云解打鼓云  
如何是真諦師云解打鼓又問即心即佛則不問如  
何是非心非佛師云解打鼓云如何是向上事師云  
解打鼓云萬法齊興時如何師云解打鼓

雪竇顯頌云一拽石二搬土發機須是千鈞弩象  
骨老師曾輓毬爭似禾山解打鼓報君知莫莽鹵  
甜者甜兮苦者苦 投子青云布毛拈處費人言

爭似禾山一句傳打鼓一聲誼宇宙冰寒千丈忽  
生蓮

幽棲幽禪師一日歛鐘上堂大眾纔集師乃問甚麼  
人打鐘僧云維那師云近前來僧便近前師遂打一  
掌却歸方丈臥

投子青云然自急須逃古今皆有行窮絕處試問  
傍人不惜下情果然獲有既從相問急索端由不  
顧危亡得他假難雖獲小利也是暗地傷人不爲  
好手這僧雖然失利蓋爲自不守分致禍臨身未  
爲分外然雖如是終是平人橫遭羅網自有傍人  
證據在且道證據箇甚事乃云東家不了西舍受  
殃復頌云蓋路相逢借問由寸心莫便與他酬雖  
然重擔教人代終是慚顏暗地羞

梁山觀禪師僧問如何是空劫已前事師云擊動乾  
坤鼓時人聽不聞

丹霞淳頌云虛空爲鼓須彌槌擊者雖多聽者稀  
半夜觸骸驚破夢滿頭明月不思歸

槌拂



世尊入滅迦葉昇須彌山頂擊銅鍵椎普集諸聖於金剛窟中結集世尊所說教法

青原思禪師因石頭參師問爾從甚處來云曹溪來師豎起拂子云曹溪還有這箇麼云非但曹溪西天亦無師云子莫曾到西天不云若到即有也師云未

在更道云和尚也須道取一半莫全靠希遷師云不辭向汝道恐已後無人承當

投子青頌云白雲藏玉鳳紅日照無寥隱隱星攢處無私鎮九霄

百丈海禪師再參馬祖祖豎起拂子師云卽此用離此用祖掛拂子於舊處良久云爾向後開兩片皮將何爲人師取拂子豎起祖云卽此用離此用師亦掛拂舊處祖振威一喝師直得三日耳聾後因黃檗來參舉此話黃檗不覺吐舌一本小異

汾州云悟去便休得說甚麼三日耳聾 石門聰

云若不三日耳聾何得悟去汾州云我與麼道較他石門半月程 雪竇顯云奇恠諸禪德如今列其派者甚多究其源者極少總道百丈於喝下大

悟還端的也無然刁刀相似魚魯參差若是明眼漢謾他一點不得只如馬師道爾向後開兩片皮將何爲人百丈豎拂爲復如蟲禦木爲復啐啄同時諸人要會三日耳聾麼大治精金應無變色東林總云當言不避截舌當爐不避火進佛法豈可曲順人情東林今日向驪龍窟內爭珠去也百丈大智不無他三日耳聾汾州石門爭免箇二俱瞎漢只這三箇老還曾悟也無良久云祖禪不了殃及兒孫 渤潭英云大衆且道馬祖當時是百丈悟了喝不悟了喝衆中有檢點得出來道看山僧爲你證明若無山僧今日不惜眉毛爲你註破良久云前三三後三三 雲蓋智云發大機顯大用非馬祖而誰能卽此用離此用獨百丈而得其旨爲甚麼被馬祖一喝直得三日耳聾要會麼不入驚人浪難尋稱意魚 保寧勇頌云木馬踏殺天下人泥龍飲竭滄溟水霹靂滿空山嶽摧看看平地波濤起 天寧璉云放去拈來更是誰青山時見白雲歸孤峰坐斷無

餘事翻笑蟾輪對落暉 無盡居士云馬駒一喝  
大雄峰聲入彌體三日聾黃檗聞之驚吐舌江西  
從此立宗風 上方益云雨霽遊雲尙未歸晴空  
忽地一聲雷嶺梅已得春消息不比山桃一例開  
照覺總云未明大智再參尋相逐相隨用不任  
斷浪絕流全體現一聾三日孰知音

仰山寂禪師因龐居士問久響仰山到來爲甚麼却  
覆師豎起拂子士云恰是師云是仰是覆士指露柱  
云雖然無人也耍露柱證明師擲下拂子云一任舉  
似諸方

白雲端頌云兩箇八文爲十六從頭數過猶不足  
拏雲亂撒向堦前滿地團團苔蘚綠 保寧勇云  
賊偷賊物太希奇好手還他火伴知今日併贓齊  
捉獲得便宜是落便宜

臨濟玄禪師辭黃檗檗問甚麼處去師云不是河南  
便是河北檗便打師約住棒遂與一掌檗呵呵大笑  
喚侍者將先師禪板拂子來師召侍者云將火來檗  
云汝但將去已後坐却天下人舌頭去在

瀉山問仰山臨濟莫辜負他黃檗也無仰云不然  
瀉云子作麼生云知恩方解報恩瀉云從上莫有  
報恩事不仰云有只是年代深遠不欲舉似瀉云  
雖然如是吾且不知子但舉看仰云如楞嚴會上  
阿難讚佛云將此深心奉塵刹是則名爲報佛恩  
豈不是報恩之事瀉云如是如是見與師齊滅師  
半德見過於師方堪傳授

海印信頌云師資叙別意非遙禪板持來命火燒  
佛祖已靈猶不重信行餘長執擎挑

首山因拈竹筴示衆云汝等諸人若喚作竹筴即觸  
不喚作竹筴即背汝諸人且喚作甚麼時葉縣省和  
尙在會於言下大悟乃近前掣竹筴拗作兩截擲于  
堦下却云是甚麼師云瞎縣便設拜

徑山杲頌云背觸非遮護明明直舉揚吹毛雖不  
動遍地是刀鎗 鼓山珪云舉起竹筴子如何便  
到家秘魔巖不會隨後便擎叉 枯木元云不觸  
又不背徒勞生擬議開口更商量白雲千萬里  
東林顏云罵他還自罵嗔他還自嗔戒之慎之出

手爾者返手爾者也 此庵靜頌云千山飛鳥絕

萬徑人跡滅孤舟蓑笠翁獨釣寒江雪

普庵在之

### 數珠

大顛通禪師因韓文公相訪問師春秋多少師提起數珠云會麼公云不會師云晝夜一百八公罔措遂回宅怏怏而已夫人乃問侍郎情思不懌復有何事公遂舉前話夫人云何不進云晝夜一百八意旨如何公明日凌晨遂去至門首乃逢首座座問侍郎入寺因何太早公云特去堂頭通話座云堂頭有何因緣開示公舉前話座云侍郎怎生會公云晝夜一百八意旨如何座乃扣窗三下公復至堂頭又進前語晝夜一百八意旨如何師亦扣窗三下公云信知佛法一般師云見甚道理乃云一般公云適來門首接見首座亦復如是師遂喚首座問適來祇對侍郎佛法是不座云是師便打趨出院

保福展云首座知前不知後大顛令不單行 淨泉云大顛前頭驚殺人後頭笑殺人當時若盡令而行這僧也著出院然管中窺豹只見一班

汾陽昭頌云解展機鋒是大顛明知不是小因緣一般扣齒叢林異出院韓公始得閑 黃龍南云宗師一等展家風盡情施設爲韓公獅子窟中無異獸象王行處絕狐蹤 保寧勇云一步纔行兩步移門前驚起鳳凰兒栖蹤不在梧桐樹群鳥東西空遶枝 佛國白云佛法無別好商量門前扣齒便承當一般出院難分雪疑殺唐朝韓侍郎海印信云潮者如山觀者如市本分弄潮人出沒如遊戲可憐不是弄潮人往往須向潮中死

### 餅錫

南泉願禪師見鄧隱峰來指淨餅云淨餅是境餅中有水你不得動著境與我將水來峯將淨餅傾水於師面前師便休去

歸宗云鄧隱峯也是亂瀉 黃龍心云信知道急行不至緩行太過南泉亦好箇話端要且不能圓就既是能吹亦須能拍若不能拍吹者徒勞甚處是隱峯亂瀉處具參學眼試檢點看 鼓山珪頌云南泉不指淨餅隱峯何曾瀉水從教

打瓦鑽龜佛法不在這裏 徑山景云眼中無翳  
休挑刮鏡上無塵不用磨信脚出門行大路橫擔  
拄杖唱山歌

鹽官安國師因僧問如何是本身盧舍那師云與老  
僧過淨餅來僧將淨餅至師云却安宿處著僧安了  
復來問如何是本身盧舍那師云古佛過去久矣

雲門云無朕迹 雪竇顯云直得一手指天一手  
指地爭得無還會麼雲在嶺頭閑不徹水流瀾下  
太忙生 大瀉詰云山僧不然忽有人問但云大  
衆歸堂去若人向大瀉門下薦得古釋迦不先新  
彌勒不後且道轉身一句作麼生道良久云明年  
更有新條在慄亂春風卒未休 開福寧云先賢  
垂範語直如絃衲子奔波剛然不顧山僧今夜等  
是無端試與諸人評議這僧只知向前不覺蹉路  
國師慈悲廣大檢點將來弄巧成拙且道利害在  
甚麼處還委悉麼粉骨碎身未足酬一句了然超  
百億 草堂清云問來答去暗裏投機識者荊棘  
俱爲梁棟不識者醍醐翻成毒藥

上方益頌云兩手分明過淨餅不知身已在隍城  
直饒便具金剛眼也較瀉山半月程 天童覺云  
鳥之行空魚之在水江湖相忘雲天得志撥心一  
絲對面千里知恩報恩之間幾幾

麻谷徹禪師持錫到章敬處作禮遶禪牀三匝振錫  
而立敬云是是師又持錫至南泉處遶禪牀三匝振  
錫而立泉云不是不是師云章敬道是和尙爲甚麼  
道不是泉云章敬卽是是汝不是此乃風力所轉終  
成敗壞

長慶稜代前語云和尙佛法身心何在又代後語  
云和尙是甚麼心行 保福展別但振錫一下出  
又拈云章敬南泉可謂一是一非又云麻谷依傍  
似曲纔堪聽又被風吹別調中 雲居錫云章敬  
未必道是南泉未必道不是又云這僧當時但持  
錫出去恰好 雪竇顯代南處云錯 大瀉詰云  
章敬道是落在麻谷穀中南泉道不是亦落在麻  
谷穀中大瀉卽不然忽有人持錫遶禪床三匝卓  
然而立但向伊道未到這裏好與三十棒



汾陽昭頌云章敬南泉路似殊明明道理話親疎  
多人不用磨金鏡漢自漢兮胡自胡指月迷津迷  
自指示君持錫却如無 雪竇顯云此錯彼錯切  
忌拈却四海浪平百川潮落古策風高十二門門  
門有路空蕭索非蕭索作者好求無病藥 保寧  
勇云顏色規模恰似真人前拈弄越光新及乎入  
火重烹試到了須歸是假銀 圓悟勤云如是不  
是去却藥忌擬犯封疆全軍失利杖頭突出古菱  
花舉世風流出當家 佛鑑懃云昨日出都門忽  
逢二商旅一指我南行一指我北去南行有官船  
過渡北去有車馬大路雖然南北不同途都在中  
華一國土

道吾智禪師因石霜問百年後有人問極則事向他  
道甚麼師喚沙彌彌應諾師云添淨餅水著師良久  
却問石霜適來問甚麼霜擬再舉師便歸方丈霜於  
此有省

丹霞淳頌云垂手還他作者機尋常語裏布鎗旗  
重詢擬進歸方丈一句分明更不疑

### 杖笠

百靈禪師一日路次見龐居士乃問昔日南嶽得力  
句曾舉向人麼士云曾舉來師云舉向甚人士以手  
自指云龐公師云直是妙德空生也讚之不及士却  
問師得力句是誰得知師便戴笠子而去士云善爲  
道路師一去更不回首

佛鑑懃云諸禪德古人相見差之毫釐失之千里  
龐公好語舉似人不著翻成死語百靈向鬼窟裏  
賣瘦一期也被賣得過雖然如是如人飲水冷暖  
自知 徑山杲云這箇話端若不是龐公幾乎錯  
舉似人雖然如是百靈輸他龐公一著何故當時  
若不得箇破笠遮却髑髏有甚面目見他龐公  
黃檗運禪師因普請次南泉云如許大身材戴箇此  
兒大笠師云三千大千世界總在裏許泉云王老師  
你師戴笠便行

佛眼遠頌云相見錦江頭相攜上酒樓會醫還少  
病知分不多愁

香巖閑禪師初開堂日爲山令人送拂子拄杖并書



到師接了便哭蒼天蒼天僧便問和尚爲甚如此師云只爲春行秋令

汾陽昭頌云拄杖將來便徹心淚流不覺思沈吟春行秋令人驚恠絕後光前越古今疎山如云家世拄杖佛祖付囑瀉山寄來香巖發哭父子投機陽春雪曲不是知音大難相續正覺逸云接得杖哭蒼天不言絕後與光前春行秋令人難會踏破草鞋鞋底穿

芭蕉情禪師示衆云你有拄杖子我與你拄杖子你無拄杖子我奪却你拄杖子

大瀉詰云大瀉卽不然你有拄杖子我奪却你拄杖子你無拄杖子我與你拄杖子大瀉旣如是諸人還用得也未若人用得德山先鋒臨濟後令若也用不得且還本主開福寧云覺海大似量才補職度脚買鞋要見芭蕉還應未可新報慈卽不然你有拄杖子我與你拄杖子君子愛財取之有道你無拄杖子我奪你拄杖子恩深轉無語懷抱自分明或有人問離此二途如何是報慈拄杖子

良久云如今卓向須彌頂六臂三頭未許看法石空云要識芭蕉用處麼更將歸去夢說與欲行人天童覺云你有則一切有你無則一切無有無自是當人與奪關芭蕉甚事正恁麼時作麼生是你拄杖子

投子青頌云有無今古兩重關正眼禪人過者難欲通大道長安路莫聽崑崙說往還保寧勇云你有面前拈取去如無背後奪將來可憐黑漆光生底擊著千門萬戶開正覺逸云芭蕉示衆世無隣與奪縱橫不易親雨散雲收何處去空令遊子淚沾巾文殊道云有無與奪太譏訛拄杖當途不柰何好把斜橫禪椅畔免令就上長枝柯枯木成云縱奪臨機得自由相逢切忌更擡眸轉身必合知時節擬議山藤便到頭

善崔禪師嘗陞座拈拄杖云出來打出來打時有僧出云崔禪師擲下拄杖便歸方丈

法燈欽云和尚且自救好是背他不背他五祖戒云便推倒禪牀歸宗一云作麼生道得一語

救得崔禪 琅瑯覺云久經行陣者終不展旗鎗

雲蓋智云身挨白刃不懼死生須是這僧始得  
崔禪爲甚麼當機放過要會麼金鱗已得休勞力  
收取絲綸歸去來

保寧勇頌云鎊鄒橫按寶光寒俠客嘍維敢正看  
飛過青霄聲震吼乾坤直得黑漫漫

雲門偃禪師拈起拄杖舉教中道凡夫實謂之有二  
乘拈謂之無緣覺謂之幻有菩薩當體卽空乃云禪  
僧見拄杖但喚作拄杖行但行坐但坐總不得動著  
鼓山珪頌云二乘菩薩何年盡諸佛凡夫早晚休  
世事但將公道斷人心難似水長流 徑山杲云  
剝開金殿鎖撞動玉樓鐘泣露千般草吟風一樣  
松

雲門拈拄杖示衆云拄杖子化爲龍吞却乾坤了也  
山河大地甚處得來

黃龍心云明眼宗師至今猶在忽若有箇漢出來  
道這箇是拄杖子山河大地有甚過也許伊具一  
隻眼

雪竇顯頌云拄杖子吞乾坤徒說桃花浪裏奔燒  
尾者不在拏雲攫霧曝鰓者何必喪膽忘魂拈了  
也聞不聞直須灑灑落落休更紛紛紜紜七十二  
棒且輕恕一百五十難放君師驚拈拄杖下座大  
衆一時走散 石霜云石霜拄杖化爲龍吞却乾  
坤在手中黃面瞿曇空眨眼百千菩薩盡驚忙

蓮華峯庵主拈拄杖示衆云古人到這裏爲甚不肯  
住衆無對自云爲他途路不得力復云畢竟如何又  
自云柳樛橫擔不顧人直入千峯萬峯去

佛眼遠橫按拄杖於肩上高聲喚云和尚和尚又  
云闔國人追不再來千古萬古空相憶 天童覺  
云負人不負出本色住山人思大吞盡諸佛普眼  
不見普賢且道病在甚麼處驚拈拄杖卓一下云  
官不容針私通車馬

雪竇顯頌云眼裏塵沙耳裏土千峰萬峰不肯住  
落花流水太茫茫剔起眉毛何處去 本覺云  
作者寧甘在半途半途不住意如何橫肩拄杖千  
峰去雲木何人見得渠

保壽恩禪師上堂拈起拄杖云得自天台絕比倫從來無葉又無根有時扶過斷橋水幾度伴歸明月村然雖如是也不得放過擊禪牀一下便下座

丹霞淳頌云此杖不從天地得登山涉水承渠力如今擲向亂峯前免致叢林爲軌則

雲蓋鵬禪師謁雙泉雅禪師雅令充侍者示以芭蕉拄杖話久無省發一日雅向火次師侍立雅忽問拄杖子話試舉來與子商量師擬舉雅拈火筴便撼師豁然大悟

白雲端頌云與奪雙行驗正邪纔爭拄杖便忘家  
驀然鐵棒如風至失却從前眼裏花

### 鏡扇

南嶽讓禪師居南嶽時馬祖在彼住庵日唯坐禪師因往問云在此何爲祖云坐禪師云坐禪何所圖祖云圖作佛師一日將瓢一片於庵前磨祖云磨此何爲師云要作鏡祖云磨豈得成鏡師云坐禪豈得成佛祖云如何卽是師云如人駕車車若不行打車卽是打牛卽是祖於是悟旨於言下遂印心傳法符

西祖之譏馬駒踏殺天下人之語南宗闡於江西

汾陽昭頌云磨顛作鏡慕同音來問分明示本心纔喚木人回面指犁牛耕出古皇金 保寧勇云

死馬醫來無用處車牛腦後更加鞭皮穿肉綻還知不任重應須角力全 佛印元云磨顛作鏡不

爲難忽地生光照大千堪笑坐禪求佛者至今牛上更加鞭 佛燈珣云坐禪成佛心中病作鏡磨

顛眼裏花一掣牢關金鎖斷等閑信步便歸家馬駒子實堪誇自從胡亂後著處是生涯 旻古佛云磨顛作鏡象席打令一切魚龍知水爲命

鹽官安國師一日喚侍者將犀牛扇子來者云破也師云扇子既破還我犀牛兒來侍者無對

投子代云不辭將出恐頭角不全雪竇頌又拈云我要不全底頭角 石霜代云若還和尚卽無也

雪竇又云犀牛兒猶在 保福代云和尚尊年別請人好雪竇又云可惜勞而無功 資福代作圓

相於中書牛字雪竇又云適來爲甚不將出 雪竇復拈云若要清風再復頭角重生請諸禪客下

一轉語乃問扇子既破還我犀牛兒來時有僧云  
大眾參堂去師喝云拋鉤釣鯢鯨釣得箇蝦蟆  
雪竇頌云犀牛牛扇子用多時間著元來總不知無  
限清風與頭角盡隨雲雨去難追 白雲端云可  
憐一柄犀牛扇設道曾遭已破除無限清風隨手  
處卓然頭角出寰區 天童覺云扇子破索犀牛  
圈圖中字有來由誰知桂轂千年晚妙作通明一  
點秋 佛燈珣云犀牛牛扇子用多年歷掌清機授  
手傳頭角十全收拾取雨餘風月滿長川 祖印  
明云老師底死索犀牛用處其誰得自由侍者不  
知頭角具鼻根繩索被他收 草堂清云明月冷  
相照清風卒未休鹽官無限意何用覓犀牛  
仰山寂禪師住東平時瀉山附書并鏡一面至師陞  
座授書乃提起鏡示衆云大眾瀉山將鏡來而今且  
道是瀉山鏡東平鏡若道是東平鏡又是瀉山寄來  
若道是瀉山鏡又在東平這裏道得即存取道不得  
即打破去也如是二舉衆皆無對師乃撲破  
五祖戒代云更請和尚說道理看薰奪打破

汾陽昭頌云仰山接得瀉山鏡告衆拈來行正令  
懺懺禪流眼不開仰山直下驚頭釘 洞山聰云  
提起分明照正邪衆人皆不啓唇牙譬如賣物無  
人買最後須歸本主家 保寧勇云瀉山古鏡仰  
山提日上東方月落西撲落不知誰拾得秋風索  
索草萋萋 智海清云全放全收意亦優瀉山送  
至仰山頭可憐一片如秋水三問無人撲破休  
佛心才云父子相傳鏡絕塵須知秋夕不同輪可  
憐無限迷頭者錯認空花鏡裏春  
高亭簡禪師初見德山在江岸坐即隔江問訊山以  
扇招之師忽然契悟橫趨而過更不渡江遂返高亭  
住持法嗣德山  
徑山杲云高亭橫趨而去許伊是箇剎利衲僧若  
要法嗣德山即未可何故猶與德山隔江在  
古德頌云德嶠有此陣滯貨幾度瞞人瞞不過高  
亭幸自可憐生隔岸無端遭染汚  
廣德義禪師僧問久負不逢時如何師云扇開人不  
遇陋巷莫能收

丹霞淳頌云妙體堂堂相分全青霄獨步躡金蓮  
千花臺上猶慵坐弊垢欄衫豈肯穿

天衣懷禪師僧問古鏡未磨時如何師云撐天拄地  
云磨後如何師云夕陽影裏快藏身

松源岳頌云拄地撐天合用夕陽影裡不藏身  
有時獨坐孤峯頂寂寂猶聞落葉頻

禪林類聚卷第十六

禪林類聚卷第十七

器用確磨車附

刀劍

弓箭

骨董

器用確磨車附

南泉一日在山上作務有僧過問師南泉路向甚麼  
處去師拈鎌子云我這茅鎌子三十文錢買得僧云  
不問茅鎌子三十文錢買得南泉路向甚麼處去師  
云我使得正快

松源岳云南泉門前活路子八字打開這僧肚裏

◆ 雜錄

惺惺佯聾詐瘡當時若見南泉道我使得正快便  
乃轉身一步云賺我來大小南泉也須倒退

大滄詰頌云問路分明指路頭青蚨三十不輕酬  
用時最快無機巧無味之談塞衆流 圓通偈云

茆鎌三十文錢買觀面高提第一籌直下便知歸  
去路也須更上一層樓 照覺總云茆鎌使得快

如風三十青蚨建大功南泉向上路難到到者方  
知觸處通 道場如云忽忽禪客問南泉疑段徒

勞痛下鞭今日爲君重漏泄翩翩孤鴈下遙天  
天童覺云我這鎌子用得快當時三十文錢買南

泉門下路岐通寄語行人著精彩

龐居士因賣竹擔籬下橋喫撲女子靈照一見亦倒  
爺邊士云你作甚麼女云見爺倒地某甲相扶士云  
賴是無人見

黃龍南頌云憐兒不覺笑嗔嗔却於中路躡泥沙  
黃龍老漢當時見一棒打殺這冤家 應庵華云

居士倒地靈照扶起乞兒伎倆討甚巴鼻

趙州諗禪師僧問道人相見時如何師云呈漆器



雪竇題云諸禪德還有識趙州底麼出來相共商量若未能辨明大好從頭舉與你點破四九三十六

南堂靜頌云作家相見時堂堂呈漆器烏龜落漆桶也有第一義

趙州因尼問離却上來說處請和尚指示師咄云煨破鐵餅尼將鐵餅添水來云請和尚答話師乃笑

石霜諸禪師僧問如何是和尙深深處師云無鬚鎖子兩頭搖

黃龍新云石霜老禿不識好惡鎖既無鬚即無兩頭既無兩頭搖箇甚麼良久云青山無適莫白雲任卷舒

投子青頌云三更月落兩山明古道程遙苔滿生金鎖搖時無手犯碧波心月兔常行保寧勇云無鬚鎖子卒難開枯木堂中莫亂猜千古兩頭搖不動待他鱗角衲僧來

清平遵禪師僧問如何是大乘師云井索僧云如何是小乘師云錢貫云如何是有漏師云箴籬云如何

是無漏師云木杓

瑯琊覺頌云有漏箴籬無漏木杓烜燄禪和妄生卜度剎利座主何處摸索金牙解使神鋒李廣箭穿雙鶚無盡居士云二乘諸漏扣空王雪後那堪半夜霜秦漢旌旗度沙漠唐虞黼黻拱嚴郎法雲秀云大乘小乘井索錢索有漏無漏箴籬木杓直下承當鼻孔失却南華曷云箴籬木杓錢貫井索打瓦鑽龜徒勞卜度麒麟只有一隻角天童覺云箴籬木杓錢貫井索見成家風受用廓落生涯放得信緣看佛法更於何處著不用安排只麼從自然心地常安樂

雪峯存禪師出世開山之後衆盈千五百人師以三木毬接人凡有僧來參謁出示之

智門祚頌云雪峯毬執辨機一千五百幾人知眨起眉毛千萬里須是吾門獅子兒天衣懷云天兮寬地兮闊雪峯毬幾仞怛一毬直上須彌山無量人天眼開豁脫却多年臭皮襪步行走馬到新羅報道花須連夜發佛國白云雪老平生

好輓毬輓來輓去輓無休一千五百人同戲誰解  
輪機賽一籌 夢庵信云收來輓去事方圓獨許  
漁郎上釣船明月蘆花同一色落霞孤鶩共遙天  
雪峰因僧與造龕子了白師云和尚龕子成也師云  
昇將向堂前著僧昇來師纔見便問大衆有人道得  
第一句卽留取如是再問時有僧出云某甲咨和尚  
師便喝云莫尿沸便將龕子燒却

雪峰因立沙問某甲如今大用去和尚作麼生師遂  
將三箇木毬一時拋出沙遂作斫牌勢師云你親在  
靈山方得如此沙云也卽是自家底

雪峰一日陞座衆集定乃輓出木毬立沙遂去捉來  
安舊處著

白雲端云此箇時節衆中皆言子父共作一大事  
如此見解還夢見也未海會今日布施諸人乃云  
濃研香翰深薰紫毫

雪峰謂立沙云我時時全機提持把三箇木毬一時  
拋要全提去沙云和尚拋後忽被箇師僧出來道和  
尙看毬又作麼生師云道甚麼沙云某甲卽不與麼

師云你作麼生沙云也未是分外

仰山湧禪師向火次有僧來參師云一言說盡山河  
僧便問如何是一言師以火筴插向爐邊却收舊處

投子青頌云一句稱提萬象分摩竭空自拖重門  
當初褫子微開眼插筴爐邊當火焚

歸宗惲禪師僧問截水停輪時如何師云磨不轉云  
如何是磨不轉師云不停輪或作雲居

徑山杲云恩大難酬

古德頌云截水停輪語已圓借婆衫子拜婆年後  
人不見雲居老往往思量在兩邊

泐潭明禪師僧問碓搗磨磨不得忘却時如何師云  
虎口裏活雀兒

丹霞淳頌云一念蕭蕭不記年皮膚脫落自完全  
長天夜夜清如鏡萬里無雲孤月圓

雲居膺禪師僧問截水停輪時如何師云磨不轉  
汾陽昭頌云雲居有語機關絕不轉令君返照看  
截鐵閉關停妄解百花俱發一花園開花結果從  
他有因地抽條長碧天 佛印元云截水停輪話

已圓借婆裙子拜婆年後人不見雲居老往往思量在二邊

刀劍

藥山儼禪師與雲巖遊山腰間刀響巖云甚麼物作聲師便抽刀驚口作斫勢

投子青頌云大鵬無伴過天地獅子將兒絕後隨

崑崙觸犯歸行路一吼吞雲萬象馳

臨濟玄禪師僧問如何是吹毛劍師云禍事禍事僧禮拜師便打

投子青頌云劍藏匣冷逼人寒擬問棲遲過嶺南

更欲進前求退後悲風千古遶溪潭

巖頭齋禪師問僧甚處來云西京來師云黃巢過後還收得劍麼云收得師引頸近前云因僧云師頭落也師呵呵大笑僧後到雪峯問甚處來云巖頭來峰云有何言句僧舉前話峯打三十棒越出

大瀉詰云這僧黃巢過後曾收劍却向巖頭處施設及至雪峯面前鋒銳不露何故爲他巖頭大笑一聲直得天地陡暗四方絕唱若不得雪峯幾乎

陸沈不見道殺人刀活人劍

雪竇顯頌云黃巢過後曾收劍大小還應作者知三十山藤且輕恕得便宜是落便宜

西院明禪師未住時聞汝州南院出世元是同參特去相訪纔人事了便云某甲啓和尚無可作人事自從許州來收得江西剃刀一柄上和尙院云汝從許州來因甚却收得江西剃刀師於南院手上拈一拈院呼侍者云收師以衣袖拂一拂便行院云阿剌刺阿剌刺

大瀉詰云西院收得江西剃刀無處施呈直遇同參方始拈出如今還有收得者麼試呈似老僧看如無尋常用箇甚麼

海印信頌云南院門風信莫窺登臨無不喪全威許州親獻江西信針芥相投上首知

雲門偃禪師僧問如何是吹毛劍師云祖

智門祚頌云吹毛寶劍問雲門來者投機豈更存路逢劍客如何也甌人攜手向西奔雲溪恭云吹毛寶劍不須抽進匣清光射斗牛日用全彰人

不見雲門祖字爲君酬 圓通偈云三尺秋光匣裏藏時逢作者露鋒銳如今四塞狼煙靜不展紅旗歸帝鄉

芭蕉情禪師僧問如何是吹毛劒師云進前三步僧云用者如何師云退後三步

風穴沼禪師僧問如何是廣慧劒師云不斬死漢

巴陵鑒禪師僧問如何是吹毛劒師云珊瑚枝枝撐著月

雪竇顯頌云要平不平大巧若拙或指或掌倚天

照雪大冶兮磨礪不下良工兮拂拭未歇別別珊

瑚枝枝撐著月 白雲端云珊瑚枝枝撐著月射

斗鋒銳未足觀四海盡來歸貢後乾坤同耀寶光

寒 長靈卓云價重三千不可圖從教千古強名

模長因塞北煙塵息記得江南啼鷓鴣

### 弓箭

石鞏藏禪師凡見僧來以弓架箭示之一日三平至師云看箭平乃撥開臂云此是殺人箭活人箭又作麼生師乃扣弓弦三下平便作禮師云三十年架一

張弓兩隻箭只射得半箇聖人遂拗折弓箭平後舉似大顛顛云既是活人箭爲甚麼向弓弦上辨平無對顛云三十年後要人舉此話也難

雲門問長慶作麼生道免得云作半箇聖人長慶云若不還價爭辨眞僞門云入水見長人 雪竇顯云石鞏要先拗折不難爭奈三平中的了然則老宿要話三平且未免張弓架箭 首山念云人人盡道三平中的莫屈他也無良久云機關不是韓光作莫把曾襟當等閑 姜山愛云射虎不眞徒勞沒羽 佛鑑懃云大小三平元來只是箇死漢若非死漢又覓甚麼活人箭石鞏龍頭蛇尾矢在弦上又却不發當時若便與一箭那裏來大顛作死馬醫醫之不差從他掘地深埋且如智海恁麼批判古今還有過也無細雨灑花千點淚淡煙籠竹一堆愁 天童覺云石鞏習氣不除三平相席打令却云三十年一張弓兩隻箭祇射得半箇聖人豈不是以已方人大都不入驚人浪到了難尋稱意魚

汾陽昭頌云張弓架箭喚君回不省宗師特意來  
箇箇盡隨迷醉走句中認影影難開三平猶未全  
提得霹靂雷聲徧九垓 佛慧泉云張弓架箭豈  
徒然中的雖多命不全半聖投機無別意功高何  
必盡凌煙 正覺逸云三十年來事一弓一弓弓  
擬定寰中寧知半聖雖投欸納壁率羊信不通  
佛印元云架箭張弓得用深平生猶喜中紅心後  
來半箇人難得猛火方成百煉金 佛國白云張  
弓架箭三十年射得三平半不全爭似萬人齊指  
處斜陽一鴈落秋天 崇勝珙云三十年來握箭  
弓三平纔到壁開曾半箇聖人今日得大顛弦外  
幾時逢

祕魔巖禪師常持一木杈凡見僧來遂提起杈云甚  
麼魔魅教汝出家甚魔魅教汝行脚道得也杈下死  
道不得也杈下死速道速道

法眼益代云乞命乞命 玄覺代云老兒家放却  
杈子得也 五祖戒云山僧當時若見奪取杈來  
蓋頂杈倒點把火照看伊面皮厚多少 法燈欽

云但引頸示之

後霍山聞遂訪祕魔禪師纔見未禮拜便擲入懷魔  
乃拊山背三下山拍手云師兄三千里外賺我來三  
千里外賺我來

保福展云當斷不斷返遭其亂 首山念云千聞  
不如一見 翠巖芝云還有賺處也無非但賺他  
大禪佛翠巖今日也賺大眾上來 瑯琊覺云雷  
聲浩大雨點全無

洞山聰頌云梨荒老倒眼彌麻自救無療更持杈  
嶺南獐獐當時見一棒打殺這魔家 雪竇顯云  
把斷重津過者難擎杈須信髑髏乾霍山到後知  
端的同死同生未足觀 黃龍南云杈姪相逢兩  
不猜到頭撫背似癡獸回首恐人生恠笑報云千  
里賺子來 海印信云自誇獨握誅龍劍及遇眞  
龍不奈何也似將軍空索戰無功徒枉動干戈  
崇勝珙云祕魔杈子動家邦來往禪人被死降禪  
佛單刀直入處始知頂羽到烏江 夢庵信云道  
得無言杈下死霍山猛跳入懷中三千里外虛相



賺更有何人透此宗

欽山邃禪師因良禪客問一鏃彼三關時如何師云放出關中主看良云恁麼則知過必改師云更待何時良云好箭放不著所在便出去師云且來闍黎良回首師把住云一鏃破三關卽且致試與欽山發箭看良擬議師打七棒云且聽這漢疑三十年有僧舉似同安察察云良公雖能發箭要且未中的有僧問未審如何得中的去察云關中主是甚麼人僧學似師師云良公若解與麼道也免得欽山口雖然如是同安不是好心亦須看始得

佛鑑懃云若識得三險道理便能一鏃破三關還有麼有則出來與你發箭良久云箭穿紅日影須是射鵬人 天童覺云山堆嶽積來瓦解冰消去則是人知有與我放出關中主看且合作麼生有底道當時便喝當時便掌然則一期瞎用則得要且未是關中主在還體得麼當堂不正坐那赴兩頭機

雪竇顯頌云與君放出關中主放箭之徒莫莽齒

取箇眼兮耳必聾捨箇耳兮目雙瞽可憐一鏃破三關的分明箭後路君不見玄沙有言兮丈丈夫先天爲心祖

骨董

優波毼多尊者在世化導證果者最多每度一人以一籌置於石室其室縱十八肘廣十二肘其籌充滿其間

南陽忠國師因耽源問百年後有人問極則事如何師喝云幸自可憐生剛要箇護身符子作麼

保寧勇代云粉骨碎身難報此德 佛性泰云大

小耽源被國師一坐直至而今起不得若是德山

要且不然待伊道幸自可憐生須要箇護身符子

作麼只對他道暗中爲照燭嶮處作津梁

汾陽昭頌云護身符子最通靈國師起坐總將行

耽源得用南方去爲說令人睡眠醒 海印信云

不重已靈猶自可護身符子更那堪爲君旨外通

消息秋月無雲落碧潭

黃檗運禪師問百丈從上宗乘苗裔此間如何商量

丈默然師云教後人如何委悉丈云我將謂你是箇人便起去師隨後入方丈云某甲得得而來只要箇印信足矣丈云若爾他後不得事負老僧

佛眼遠頌云打麵還他州土麥唱歌須是帝鄉人現成財本成家者多見飢寒在子孫

趙州諗禪師因與侍者文遠行次乃指一片地云這裏好造箇巡鋪文遠便去路傍立云把將公驗來師遂與一摺遠云公驗分明過

佛鑑勲頌云雖然公驗各隨身去住皆由守鋪人踏破草鞋歸去後落花啼鳥一般春 鼓山珪云天子居關市裏山僧在百草頭擺手御街來往不怕巡火所由 徑山杲云一正一邪一倒一起文遠趙州靴裏動指

趙州到道吾吾預知乃取豹皮褌著將吉嚨杖於三門下翹一足師纔到吾便唱諸師云小心伏事著吾又唱諾

翠巖芝云有人見得此二人落處不妨具眼若不知落處未具眼在乃擊禪牀一下云若也不會打

與三伯 木庵永云奴兒婢慙慙

鼓山珪頌云稽首兩足尊瞻仰不暫捨眉間白毫光照耀大千界 徑山杲云有禮有樂有唱有饌人平不語水平不流

長沙岑禪師令僧問會和尚未見南泉時如何會長久僧云見後如何會云不可別有也僧回舉似師師云百尺竿頭坐底人雖然得入未爲真百尺竿頭須進步十方世界是全身僧云百尺竿頭如何進步師云朗州山澧州水僧云不會師云四海五湖王化裏無用全云大慧先師道要見長沙麼更進一步保寧即不然要見長沙麼更退一步畢竟如何洗骨換腸重整頓通身是眼更須參

天童覺頌云玉人夢破一聲雞轉勝生涯色色齊有信風雷催出蟄無言桃李自成蹊及時節力耕黎誰怕春疇沒脛泥

潼泉禪師僧問如何是相傳底事師云龍吐長生水魚吞無盡漚云請師挑剔師云擣鼓轉船頭棹穿波裏月

丹霞淳頌云依依半月沈寒水耿耿三星碧落攢

昔日雲巖曾漏泄金輪王子寶花冠

興化獎禪師僧問軍旗急速時如何師云日料半斤食

投子青頌云離城別閣暗愁時月落星分信馬蹄

風掃曉霜林木迥夜深汀岸火生微

玄沙脩禪師初到莆田縣百戲迎之次日問小塘長

老云昨日許多誼闊向甚麼處去小塘提起袈裟角師云料掉沒交涉

法眼益別云昨日有多少誼闊法燈欽別云今

日更好笑大瀉喆云大瀉即不然忽有問遂鳴

指一下如有箇衲僧出來云料掉沒交涉却肯他

何故大丈夫漢捋虎鬚也是本分且道利害在甚

處黃龍新云奇恠諸禪德扶豎宗乘也須是小

塘長老始得玄沙爲甚道沒交涉我即不然昨日

許多誼闊向甚麼處去也云天共白雲曉水和明

月流

天童覺頌云夜壑藏舟澄源著棹龍魚未知水爲

命折筯不妨聊一攪玄沙師小塘老函蓋箭鋒探竿影草潛縮也老龜巢蓮遊戲也華鱗弄藻

青溪璣禪師問修山主明知生是不生之理爲甚麼爲生死之所流修云笋畢竟成竹去如今作篾使得麼師云汝向後自悟去在修云某甲所見只如此上座作麼生師云這箇是監院房那箇是典座房修乃作禮

天童覺頌云豁落亡依高閑不羈家邦平貼到人稀些些力量分塔級蕩蕩身心絕是非是非絕介

立大方無軌轍

大陽堅禪師僧問如何是玄旨師云壁上掛錢財

投子青頌云輕輕人問玄中事便吐肝腸說與他

木人暗皺雙眉處石女多言爭奈何

護國禪師僧問鶴立枯松時如何師云地下底一場

懨懨云滴水滴凍時如何師云日出後一場懨懨云

會昌沙汰時護法華神向甚麼處去也師云三門頭

兩箇一場懨懨

天童覺頌云壯志稜稜鬚未秋男兒不憤不封侯

翻思清白傳家客洗耳溪頭不飲牛

楊岐會禪師問僧栗棘蓬你作麼生吞金剛圈你作麼生跳

鼓山珪頌云楊岐老人瑣口訣萬里長城一條鐵  
斫牌禪客如到來不動金槌腦門裂 徑山杲云  
金剛圈栗棘蓬立沙三種病石鞮一張弓直截爲  
君說新羅在海東

禪林類聚卷第十七

禪林類聚卷第十八

糧食

齋粥

餬餅

五味

茶湯

蔬菜

糧食

五祖忍大師因詣碓坊問六祖云米白也不云白也  
未有篩師於碓以杖三擊之六祖卽至三鼓入室密  
受衣鉢

臨濟玄禪師問院主甚處來主云州中柴黃米來師  
云柴得盡不主云柴得盡師以拄杖劃一劃云還柴  
得這箇不主便喝師便打後典座至師舉前話座云  
院主不會和尚意師云你又作麼生座便禮拜師亦  
打

黃龍南云院主下喝不可放過典座禮拜放過不  
可又云臨濟行令歸宗放過二十年後有人說破  
白雲端頌云寶劍持來刃似霜幾回臨陣斬蠻王  
有情有理俱三段一道寒光射斗傍 大滙詰云  
院主下喝典座禮拜臨濟令行古今獨邁 正覺  
逸云功德天將黑暗女有智主人俱不取後代兒  
孫渾莽鹵宏綱委他憑誰舉 佛鑑懃云柴米闍  
梨意氣驕輕如春雪自飄飄纔方落地人皆愛力  
不禁風當下消 徑山杲云一堆紅燄亘晴空不  
問金鉤鐵錫銅入裏盡教成水去那容蚊蚋泊其  
中  
雪峯存禪師示衆云盡大地撮來如粟米粒大拋向  
面前漆桷不會打鼓普請看

西院稜問雲門云雪峰與麼道還有出頭不得處  
麼門云有院云作麼生門云不可總作野狐精見  
解也又云狼籍不少 雲峯悅云雖然走上不足  
我更與你葛藤驀拈拄杖云還見雪峰麼咄王令  
稍嚴不許攙行奪市 大滙詰云我更爲諸人士  
上加泥乃舉拄杖云看看雪峰老人向你諸人面  
前放扁咄爲甚麼屎臭氣也不知 禾山方云隆  
慶亦不用打鼓但祇恁麼看設使看而未徹亦乃  
熏習善種忽若看得徹去始知隆慶老婆心切然  
雖如是三十年後不得辜負山僧

雪竇顯頌云牛頭沒馬頭回曹溪鏡裏絕塵埃打  
鼓看來君不見百花春至爲誰開 白雲端云眉  
毛罽裏遊南嶽大海波心泛釣舟薄藝隨身終不  
說從他打鼓看無休 圓悟勤云疾談過風奔流  
度刃唱拍相隨拳踢相應驀然轟起震天雷百草  
頭顯春色回 楚安方云打鼓普請看直得骨毛  
寒拾得寒山舞笑倒老豐干

雪峯在洞山作飯頭淘米次洞山問淘砂去米淘米

去砂師云砂米一時去山云大衆喫箇甚麼師遂覆  
却米盆山云據子因緣合在德山

投子青云大衆洞山恁麼道是甚道理雖然一色  
乾坤爭奈山高水闊所以野人云功夫不到不方  
圓言語不通非眷屬乃代云淘砂去米淘米去砂  
無影長生桂經霜結子頻大衆喫箇甚麼金鳳採  
香嚼不盡玉雛食藥葉長新 天童覺云雪峰祇  
管步步登高不覺草鞋跟斷若也正偏宛轉敲唱  
俱行自是言氣相合父子相投且道洞山不肯雪  
峯意在甚麼處萬里無雲天有過碧潭似鏡月難  
來 琅琊覺云雪峰與麼去大似拋却鉗桃樹沿  
山摘醋梨

投子頌云滿鉢盛來一物無豈同香積變珍蘇日  
月並輪長不照木人舞袖向紅爐

黃山輪禪師因夾山問甚處人師云閩中人山云還  
識老僧麼師云和尚還識某甲麼山云不然子且還  
老僧草鞋錢老僧然後還子江陵米價師云與麼則  
不識和尚未審江陵米作麼價山云眞獅子兒善能



一 佛本集卷一  
嘍吼

佛鑑懃云且道二老漢還有相識處也無若也相識何須更問若不相識因甚却問鞋錢米價交加黃山云江陵米作麼價夾山便贊云真獅子兒善能嘍吼意旨如何於此見得債無陳得便新其或亦然江陵米價逐時增草鞋錢盡教誰出大滄智云啐啄同時師資相投草鞋米價彼此相酬有得有失善能嘍吼既有得失誰肯誰休且道那箇全得那箇全失若擇得出許你親見二老丹霞淳頌云父子相逢眼倍明靈苗業裏坦然行箇中若謂金毛子已是鹽梅觸大羹

齋粥

金牛禪師凡自做飯供養衆僧每至齋時昇飯桶到僧堂前作舞云菩薩子喫飯來乃拈掌大笑曹山因僧問古人恁麼是奴兒婢子不山云是云向上事請師道山咄云這奴兒婢子長慶稜云大似因齋慶讚大光因僧問長慶道因齋慶讚意旨如何光乃作舞僧禮拜光云見甚道理使拜

僧却作舞光云這野狐精東禪齊云古人自出手作飯舞了喚人來喫意作麼生還會麼只如長慶與大光是明古人意別爲他分折今問上座每日持盂掌鉢時迎來送去時爲當與古人一般別有道理若道別且作麼生得別來若道一般恰到他舞又被喚作野狐精有會處麼若未會行脚眼在甚麼處雪竇顯云雖然如此金牛不是好心雪竇頌云白雲影裏笑呵呵兩手持來付與他若是金毛獅子子三千里外見謊訛佛國白云金牛作事也奇哉拈掌相招喫飯來若謂因齋成慶讚都盧笑殺老黃梅地藏恩云拳中十指展縮自由菩薩喫飯莫笑金牛有意氣時添意氣不風流處也風流佛眼遠云長連牀上狐屎尿三聖堂前狗吠春跳出金牛窠窟子月明照見夜行人長靈卓云菩薩子喫飯來一喚令人眼豁開却憶上方曾打鼓親持鐵鉢詣天台藥山儼禪師一日齋持自打鼓高沙彌捧鉢作舞入堂師便拋下鼓槌云是第幾和彌云第二和師云如

何是第一和彌就桶內舀一杓飯便去

松源岳云停囚長智

汾陽昭頌云一般打鼓并作舞與你諸万事不同  
歷歷正聲霄漢外且非數日落寰中 雪峰預云  
聲鼓拈槌第二籌鉢盛香飯飽還休東風扇後韶  
光美別岸垂楊弄翠柔 枯木成云父子相投氣  
味同擎盃打鼓展家風雖然百味般般有爭奈風  
吹別調中

丹霞然禪師問僧甚處來云山下來師云喫飯了未  
云喫飯了也師云將飯與汝喫底人還具眼麼僧無  
對

長慶問保福云將飯與人喫報恩有分爲甚不具  
眼福云施者受者二俱瞎漢慶云盡其機來還成  
瞎不福云道我瞎得麼 玄覺徵云且道長慶明  
丹霞意爲復自用家財 汾陽昭代云若不上山  
爭議丹霞 芭蕉徵云各具一得一失又代僧云  
爭不足讓有餘又代霞云施受俱無利益 保寧  
舅代云今日被和尚勘破 應庵華云丹霞既已

龍頭蛇尾長慶保福只得將錯就錯雖然二三老  
宿要且不知這僧落處具擇法眼試請辨看

雪竇顯頌云盡機不成瞎按牛頭喫草四七二三  
諸祖師寶器持來成過答過答深無處尋天上人  
問同陸沈

趙州諗禪師僧問學人乍入叢林乞師指示師云喫  
粥了也未云喫粥了師云洗鉢盂去其僧因此契悟  
雲門云且道有指示無指示若言有趙州向伊道  
箇甚麼若言無這僧爲甚悟去 雪竇顯云我不  
似雲門爲蛇畫足直言向爾道問老如蟲蝕木答  
者偶爾成文然雖與麼瞎却請僧眼作麼生免得  
此過諸仁者要會麼還爾趙州喫粥未拈却這僧  
喫粥了雪竇與爾拄杖子歸堂 雲峯悅云雲門  
與麼道大似爲黃門裁鬚與蛇畫足若是雲峯則  
不然這僧道於此悟去入地獄如箭射 保寧舅  
代云恩大難酬

泉大道頌云牀窄先臥粥稀後坐濟濟鏘鏘蕭蕭  
漚漚要會趙州洗鉢盂了事沙彌消一箇 雲居

祐云粥了尋常洗鉢孟奈何依樣畫葫蘆靈光洞  
徹河沙界是則名爲大丈夫 佛陀遜云粥了令  
教洗鉢孟靈心往往更心靈直饒到此分明了也  
是平生不丈夫 雲蓋智云趙州喫粥話尋常問  
禪客心若不負人面上無慚色 白雲端云梅花  
落盡杏花披未免春風著出禪一氣不言含有象  
萬靈何處謝無私 三祖宗云乍入叢林伸一問  
鉢盂洗却更何疑從前官路無迂曲底事遊人不  
見歸 湛堂準云之乎者也衲僧鼻孔大頭向下  
禪人若也不會問取東村王大姐 護國圓云推  
窮物理成家計會合時機便識心多謝春風無厚  
薄貧家桃李也成陰

普化禪師與臨濟在施主家齋濟問毛吞巨海芥納  
須彌爲復是神通妙用爲復是法爾如然師遂趨倒  
飯牀濟云太癡生師云這裏是甚所在說癡說細濟  
休去明日又同一家赴齋濟問今日供養何似昨日  
師又趨倒飯牀濟云太癡生師云瞎漢佛法說甚癡  
細濟乃吐舌

雪竇顯云兩箇老賊喫飯也不了好與三十棒棒  
雖行且道那箇是正賊 圓悟勤云眞金不百煉  
爭得光輝至寶不酬價爭知眞假不是臨濟不能  
驗得普化不是普化不能抗他臨濟所謂如水入  
水如金博金雖然如是放過則彼此作家檢點則  
二俱失利 南堂靜云此二尊宿如二龍爭珠拏  
雲霧不動波瀾如二虎爭餐活捉生擒不傷物  
命今夜或有人問大隋道毛吞巨海芥納須彌爲  
復是神通妙用法爾如然只向道不見先師翁有  
言一拳拳倒黃鶴樓一趯趯翻鸚鵡洲有意氣時  
添意氣不風流處也風流 應庵華云一出一沒  
一往一來猛虎口裏奪餐毒蛇頭上揩痒要且未  
稱大丈夫事在二老名諱宇宙價重當時光孝今  
日豈可謹密三寸二俱放過爲他弄假像眞二俱  
不放過爲他極極太甚是汝諸人若作佛法商量  
達磨一宗掃土而盡  
上方益頌云蘭羞供養不尋常兩度遭伊趨飯牀  
總似這般無禮漢將何因果利存亡 海印信云

要識眞金須入火再三煅煉見精麤上行買賣不饒讓好物從來價自殊 野軒遵云相逢一睹一麤生齋主渾家喪膽驚誰識二尊龍象駕毗盧頂上等閑行

瀉山祐禪師一日見劉鐵磨來師云老特牛汝來也磨云來日臺山大會齋和尚遠去麼師乃放身作臥勢磨便出去

保寧勇代磨云請和尚來日早起 水庵一云衆中道放身便臥是不去劉鐵磨遂懨懨而行有甚交涉殊不知瀉山老漢平生一條鐵脊梁拗不曲被劉鐵磨一推推倒直至而今起不得若要扶起瀉山請大衆下一轉語衆無對師以拄杖一時趕散

雪竇顯頌云曾騎鐵馬入重城勅下傳聞六國清猶握金鞭問歸客夜深誰共御街行 天童覺云百戰功成老太平優游誰肯苦爭衡玉鞭金馬閑終日明月清風富一生 無盡居士云老特牛來到此間明朝大會去臺山白雲一曲知音少樵唱

### 漁歌自往還

甘贊行者因入南泉設粥仍請南泉念誦泉乃白撻云爲狸奴白牯念摩訶般若波羅蜜多者拂袖便去泉粥後問典座行者在甚處座云當時便去也泉云打破鍋子著一云泉乃擊鍋三下

汾陽昭頌云一般設粥古今稀十利功圓果不低鍋鏟穿無煮粒叢林遠近總應知 慈明圓云甘贊設粥詣南泉請師念誦衆僧前狸奴典座言歸去當時鍋鏟一時穿 雪峰預云異路相逢句已酬閑吹羌笛回河洲漁人貪顧沙頭鷺不覺扁舟逐浪流 無盡居士云財施無窮法施多爲他狸牯念摩訶無端甘贊低頭拜掇發南泉打破鍋 湛堂準云高吟大笑性猖狂潘闌騎驢出故鄉驚起暮天沙上鴈海門斜去兩三行 徑山杲云南泉打破閑家具浩浩諸方作話看今日爲君重舉過明明歷歷不顛顛

德山鑒禪師因三聖來參師云不用展炊單這裏無殘羹餒飯聖云設有向甚麼處著師便打聖接住棒



推放床上師撫掌一下聖將坐具蓋却頭哭蒼天出  
去或作岩頭

琅琊覺云衆中商量極有云云不見道若無樂布  
作爭得見韓光 圓悟勤云二俱勝捷蓋各各善  
奪鼓攬旗二俱失利彼此傷鋒犯手大以把手上  
高山未免傍觀者哂敢問大衆誰是傍觀者 古  
德云殘羹餒飯無處安著換手槌曾劈頭蓋却兩  
箇無孔鐵鎚一樣無繩自縛

鼓山永頌云南北山相對東西有路分不經場陣  
者爭見李將軍

太原隱禪師僧問數家檀越請未審赴誰家師云月  
應千江水門門盡有僧

丹霞淳頌云妙圓無相劫前人隨類權分百億身  
月夜御樓纔報曉正明六國盡知春

雲門偃禪師僧問如何是塵塵三昧師云鉢裏飯桶  
裏水

雪竇顯頌云鉢裏飯桶裏水多口阿師難下觜北  
斗南星位不殊白浪滔天平地起擬不擬止不止

箇箇無視長者子 白雲端云朝打三千未爲多  
暮打八百未爲少鉢裏飯兮桶裡水人前切忌無  
分曉 天童覺云塵塵三昧彼彼不外千峯向嶽  
百川赴海更無一法不如來只箇堂堂觀自在

### 餬餅

天皇悟禪師因龍潭未出家時家爲餅鋪住在寺前  
每日常供餅十枚上師師受已却留一餅與之云惠  
汝以蔭子孫潭云是某甲將來何以返云惠汝師云  
是汝將來復汝何答潭因有悟入遂投出家

汾陽昭頌云將去將來事不差龍潭固問勿交加  
後徒多少爭屑吻春鳥喃喃罵落花 白雲端云  
十餅每回留一箇因思何謂蔭兒孫團團將去還  
將入不覺醍醐到頂門 佛國白云南嶽山頭見  
石頭便歸古岸狎沙鷗謾分餬餅爲香餌引得金  
龍上直鉤

雲門偃禪師示衆云聞聲悟道見色明心作麼生是  
聞聲悟道見色明心乃云觀世音菩薩將錢來買餬  
餅放下手元來却是饅頭



五祖演云雲門好則甚好奇則甚奇要且只說得老婆禪若是白雲卽不然作麼生是聞聲悟道見色明心遂作打杖鼓勢云棚八囉札松源岳云治父有條活路要與諸人共行拈拄杖云穿入諸人鼻孔裏燈籠露柱直得眼睛突出卓拄杖一下上方益頌云買得欣欣急走歸不知放手却成非直饒超過毗盧頂也落韶陽第二機慈受深云小院春風特地寒佳人寂寞倚欄干斷腸曲調無人聽更把琵琶月下彈南堂靜云桃花枝上一鶯啼淅水溪邊路不迷聞見分明非耳目休將情解論曹溪鼓山珪云南無觀世音菩薩補陀巖上紅蓮舌不知成佛是何時打刀須是并州鐵徑山杲云見色明心事已差聞聲悟道更交加觀音妙智慈悲力荆棘林生優鉢花雲門因僧問如何是超佛越祖之談師云餬餅

五祖演云白雲卽不然忽有人問如何是超佛越祖之談只向伊道驢屎似馬糞又云破草鞋又云靈龜曳尾且道是同是別試辨看

雪竇顯頌云超談禪客問偏多縫罅披離見也麼胡餅堅來猶不住至今天下有諸訛雲居祐云韶陽胡餅答禪人佛祖之談道最親不落言詮休擬議回頭識取自家珍文殊道云堪悲堪笑老韶陽餬餅拈來擬鼻香端的若知滋味者不勝滿面負慚惶道場如云駕空欲上九層霄脚下紅絲繫轉牢賴是龍泉未出匣且施一割用鋸刀佛燈珣云雲門餬餅對超談多少禪人看不穿若是孔門真弟子自然知道化三千

### 五味

馬祖一禪師始臣徒日大慧遣一僧去伺陞堂乃出問作麼生看伊道甚言句記將來僧去一如所教迴云馬大師道自從胡亂後三十年不曾少鹽醬大慧然之

徑山杲云雲門卽不然夜夢不祥書門大吉又頌云見得分明識得親舉來猶自涉途程直饒不犯毫莖者也是拈鎚砥指人鼓山珪頌云胡亂三十年不少鹽與醬江西馬大師南嶽讓和尚

雲巖巖禪師初參藥山山問甚麼處來師云百丈來  
山云百丈有何言句師云有時云一句子百味具足  
山云鹹卽鹹味淡卽淡味不鹹不淡是常味作麼生  
是百味具足底句師無對山云爭柰目前生死何師  
云目前無生死山云二十年在百丈俗氣也不除又  
問海兄更說甚麼法師云有時道三句外省去六句  
外會取山云三千里外且喜沒交涉山又問更說甚  
麼法師云有時上堂了大衆下堂次復召大衆衆迴  
首乃云是甚麼山云何不早恁麼道師於言下有省  
投子青頌云行盡千峰路轉高肯歸方憶舊雲房  
食尋古調單于曲暨蹉胡家一頌長

裏滿盛油

佛印元頌云塵中辨主眼分明特地尋力更點睛  
堪笑耆婆雖瞋眩至今南北絕人行 雲溪恭云  
銅砂羅裏滿盛油正是毗盧印後收更有塵中辨  
得主太平將將盡封侯 海印信云礎潤天將雨  
雲開月正明漁翁閑引釣牽動一潭星 草堂清

云銅砂羅裏油清淨照見塵中舊主人寄語禪流  
猛參取莫教辜負此生身

曹山本寂禪師因僧清稅問清稅孤貧請師拯濟山  
喚稅闍黎稅應諾師云青源白家三盞酒喫了猶道  
未沾唇

玄覺云甚麼處是與他酒喫 雪竇顯別云稅闍

黎應諾是甚麼心行 松源岳云稅闍黎拋轆引

玉不知換得箇擊子曹山雖來風深辨可惜不一  
等與他本分草料免致今時向黑山下作活計

佛印元頌云清稅孤貧心太麤曹山携手步亨途

白家三盞沾唇酒醉後添盃不似無 地藏恩云

青源白家酒三盞未沾唇七十二棒且輕恕一百

五十難放君 南華曷云滿屋黃金不肯親吁嗟

甘自怨孤貧無端更飲三盃酒醉後卽當笑殺人

茶湯摘茶附

文殊大士與無著喫茶次乃拈起玻璃盞問無著云  
南方還有這箇不著云無文殊云尋常將甚麼喫茶  
著無對

洞山代展手云有無且置借取這箇看得不 曹  
山代云久承大士按劍爲甚麼處在一塵 長慶  
棧代云若與麼癡客勸主人 琅琊覺云若也是  
去可謂虎口裏奪餐若也不是去移舟看水勢舉  
棹別波瀾 保寧勇代以手指口

汾陽昭頌云文殊大士托玻璃逐問南方有箇奇  
無著忽言無這箇悞他多少老闍黎至今猶未知  
端的擡手拈茶不用疑 佛印元云南方不可離  
須臾無著因何却道無寄語後來禪子道喫茶拈  
處莫生疎 正覺逸云自別南方涉路岐喫茶處  
處用玻璃如何恰到清涼手問著元來總不知  
佛眼遠云青山門外白雲飛淥水溪邊引客歸莫  
恠坐來頻勸酒自從別後見君稀

松山禪師因與龐居士喫茶次士舉起橐子云人人  
盡有分因甚麼道不得師云祇爲人人盡有所以道  
不得士云阿兄爲甚却道得師云不可無言也士云  
灼然灼然師便喫茶士云阿兄喫茶何不揖客師云  
誰士云龐公師云何須更揖後丹霞聞舉乃云若不

是松山泊被箇老翁作亂一上士聞乃令人傳語云  
何不取末舉起橐時

佛鑑勸云譬如琴瑟笙篴雖有妙音若無妙指終  
不能發松山解吹無孔笛龐老解弄勿絃琴丹霞  
雖隨聲應拍須知拍拍是令衆中若有會底出來  
露箇消息也表衆中有人若無各自歸堂 塗毒  
策云辨衡鑑別端倪須是明眼龐公探竿影草松  
山不負來機雖然緇素分明爭奈傍觀不肯還知  
麼如人看畫虎暗地長威憚  
南堂靜頌云未提橐子已前褫子難爲下觜識得  
這箇靈苗不向黃泉作鬼不作鬼何準擬一拳拳  
倒黃鶴樓一趯趯翻大海水

則首座因與龐居士摘茶次士問法界不容身師今  
還見我不師云不是老僧泊答公話士云有問有答  
蓋是尋常師不對士云莫恠適來容易借問師亦不  
顧士喝云這無禮儀老漢待我一一舉似明眼人去  
在師乃拋下茶籃便歸

雪竇顯云則川只解把定封疆不能同生同死當

時好與捋下幘頭誰敢喚作龐居士 佛鑑懃云  
兩回不管提籃便歸且道旨歸何處還會麼苦瓠  
連根苦甜瓜徹蒂甜則川老漢經事多矣 大潯  
智云諸仁者參須參到這般田地喚作千人隊裏  
喚不回頭萬刃叢中撼他不動始得穩坐地若不  
是則川被龐公引入荒草裏便見忘却摘茶事也  
塗毒策云似海之深如山之固方能坐致太平  
龐老雖則搥鼓撥旗其柰則川理兵掉鬪祇如末  
後拋下茶籃便歸又作麼生太平基業分明在何  
必切切問別人

保寧勇頌云相逢相識謾相邀水碧深深隔斷橋  
無限雪辭殊不聽急扃門戶更徒勞

趙州諗禪師問新到曾到此間麼僧云曾到師云喫  
茶去又問一僧僧云不曾到師亦云喫茶去後院主  
云和尚爲甚曾到也云喫茶去不曾到也云喫茶去  
師召院主主應諾師云喫茶去

保福展云趙州慣得其便 鏡清慈舉問僧作麼  
生會僧便去清云邯鄲學唐步 達觀顯云有條

攀條無條攀例乃高聲云喫茶去 雪竇顯云這  
僧不是邯鄲人爲甚學唐步若辨得出與汝茶喫  
汾陽昭頌云趙州有語喫茶去天下衲僧總到來  
不是石橋元底滑喚他多少衲僧回 黃龍南云  
趙州驗人端的處等閑開口便知音覲面若無青  
白眼宗風爭得到如今 投子青云見僧便問曾  
到不有言曾到不曾來留坐喫茶珍重去青煙暗  
換綠紋苔 佛國白云此間曾到不曾到人義人  
情去喫茶院主不知滋味好却來爭看盞中花  
雲蓋智云趙州喫茶話自古及至今易開終始口  
難保歲寒心 佛眼遠云趙州一甌茶驗盡當行  
家一期雖似好爭免事如麻

潯山祐禪師因摘茶謂仰山云終日摘茶只聞子聲  
不見子形仰撼茶樹一下師云子只得其用不得其  
體師云未審和尚如何師良久仰云和尚只得其體  
不得其用師云放子二十棒

首山念云夫爲宗師須具擇法眼始得當時不是  
潯山便是扶籬摸壁 琅琊覺云五更侵早起更



有夜行人又云若不是瀉山泊合打破蔡州 大  
瀉詰云陽春白雪今古罕聞如今還有同聲相應  
同氣相求者麼良久云唱彌高和彌寡 大瀉智  
云古人相見互換之機啐啄同時體用雙行涉是  
兼非當時正令若全提方知畫餅不充飢遂乃拈  
起拄杖云還會麼良久又云家醜不可外揚父子  
體用全彰父奪子機猶可子奪父機無良擊禪牀  
一下 天童覺云瀉山仰山父子子叢林盡道  
各得一概殊不知天共白雲曉水和明月流  
汾陽昭頌云摘茶更莫別思量處處分明是道場  
體用共推真應物禪流頓覺雨前香 保寧勇云  
春暖相呼出翠微時行時坐幾忘歸黃昏一陣東  
風雨未免渾身透濕衣 佛印元云體用全彰用  
不難當時瀉仰自相謾禪流若具金剛眼互換機  
鋒子細看 野軒遵云龍生龍子關全威霹靂聲  
中掣電機雨過雲收何處去瀉山千古獨巍巍  
佛慧泉云體用俱非鳥飛兔走撼樹默然天長地  
久二十拄杖令雖嚴也是憐兒不覺醜 佛鑑勸

云張公乍與李公友待罰李公一盞酒到被李公  
罰一盃好手手中無好手

王延彬太尉因到招慶煎茶次時朗上座與明招把  
鉢忽翻却茶鉢尉見乃問上座茶爐下是甚麼朗云  
捧爐神尉云既是捧爐神爲甚麼翻却茶朗云事官  
千日失在一朝尉拂袖便去明招云朗上座喫却招  
慶飯了却向江外打野禪朗云上座作麼生招云非  
人得其便

大瀉詰云王大尉大似相如奪壁怒髮衝冠明招  
也是忍俊不禁難逢快便大瀉若做朗上座當時  
見問但呵呵大笑何故見之不取千載難追 雪  
竇顯云當時但踏倒茶爐又頌云來問若成風應  
機非善巧可悲獨眼龍曾未呈牙爪牙爪開生雲  
雷逆水之波經幾回

歷村禪師一日煎茶次僧問如何是祖師西來意師  
舉起茶匙子僧云莫這箇便當不師擲向火中  
投子青頌云煎茶未了人來問拈起茶匙呈似他  
當初若遇收燕手性命難存爭奈何



蔬菜

丹霞然禪師訪龐居士門前見女子雲照去洗菜師問居士在不照放下菜籃歛手而立師又問居士在不照提起籃而去師便回居士從外歸靈照舉似居士士云丹霞在不照云已去也居士云赤土塗牛欄大瀉詰云大小丹霞被居士女子勘破山僧當時若作丹霞但與呵呵大笑待他問長老笑箇甚麼却向道不是冤家不聚頭 佛鑑勲云丹霞從苗辨地靈照因語識人放下籃下當處發生提籃便行隨處滅盡居士赤土塗牛欄堂屋裏販楊州且道畢竟如何各自散去免增話會 塗毒策云問在不在一等尋人放籃提籃風流難掩最好丹霞便回去龐公猶自下金鈎還知這般說話也無愁人莫向愁人說說向愁人愁殺人上方益頌云露頭露面便相酬慣出人前不怕羞自是奴奴肌骨好不施紅粉也風流白面郎白面郎從來門戶恰相當可憐赤土塗牛欄打瓦鑽龜亂度量 妙高臺主云丹霞一問女子歛手擬議

之間鳥飛兔走何人證明庵中野叟赤土塗牛不說子醜 無礙居士云淡薄衣裳取次粧放籃歛手自無良老龐猶更多愁在不到奴奴泄漏香趙州諗禪師僧問承聞和尚親見南泉是不師云鎮州出大蘿蔔頭

汾陽昭頌云因問當初得法緣不言東土及西天鎮州有菜名蘿蔔濟却飢瘡幾萬千 雪竇顯云鎮州出大蘿蔔天下衲僧取則只知自古自今爭辨鴿白烏黑賊賊衲僧鼻孔曾拈得 保寧勇云鎮州蘿蔔天然別滿口明明說向人薄福闍提人不信一枚秤得二三斤 海印信云陶潛彭澤唯栽柳潘岳河陽只種花何似晚來江上望數峰蒼翠屬漁家 徑山杲云參見南泉王老師鎮州蘿蔔更無私拈來塞斷是非口雪曲陽春非楚詞夾山會禪師在瀉山作典座瀉問今日喫甚菜師云二年同一春瀉云如法修事著師云龍宿鳳巢瀉云作家

大瀉詰云夾山雖逞家風美則美矣善則未善慧

光卽不然尋常茶飯隨家豐儉或有人問今日喫甚麼菜向道不是茄子便是菰菜如法修事著五味不少且道夾山是慧光是智海逸云諸方盡道典座盡善盡美殊不知弄巧成拙薦福不然今日喫甚菜自炒菠稜著荳蔻如法修事著自應諾諸禪德試辨看若也辨得非惟此土舉世無雙任是香積門中還他第一

投子青頌云相逢借問衆僧糜莫比庵園香飯施紫氣夜隨丹鳳轉金龍曉纏月中枝正覺逸云變生爲熟逐時新好是二年同一春龍宿鳳巢輕奮意調和味塞口多人大洪預云雨過龍庭苔蘚潤夜央金殿燭初紅宮姬雅奏昇平曲禁外虛勞視聽功

睦州蹤禪師僧問以一重去一重卽不問不以一重去一重時如何師云昨日栽茄子今朝種冬瓜

靈隱遠云問者善問不解答答者善答不解問山僧今日向飢鷹爪下奪肉猛虎口裏橫身爲你諸人說箇樣子登壇道士羽衣輕呪力雖窮法轉新

拇指破開天地暗蛇頭擲落鬼神驚

南巖勝頌云披蓑側笠千峯上引水澆蔬五老前中有瓜田難納履睦州倒退在傍邊唉庵悟云昨日栽茄子今日種冬瓜一聲河滿子和月落誰家自得暉云重重去盡自平常春暖風和日漸長戶外鳥啼聲細碎巖花狼籍滿山房

普化禪師因喫生菜次臨濟云這漢大似一頭驢師便作驢鳴濟云直歲與他細抹草料師云少室人不識金陵又再來臨濟一隻眼到處爲人開

趙州云何不與他本分草料

上方益頌云草裏相逢兩赤眉交鋒一陣疾如飛東西旗號渾相似試問何人得勝歸徑山杲云先師會裏呈真處臨濟堂前喫菜時連此三回露桤索咄這公臺盤乞兒

大愚芝禪師示衆云大家相聚喫莖薑若喚作一莖薑入地獄如箭射

應庵華云好語要且無來處有人辨得出與你一兩金

松源岳頌云殺活全機觀面提大家相聚喫葢  
後生不省這箇意只管忙忙打野樵

禪林類聚卷第十八

禪林類聚卷第十九

田地

草木竹附

花果

香燈

搬掃

紫薪

田地

黃檗運禪師在百丈開田歸丈問運闍黎開田不易  
師云隨衆作務丈云有煩道用師云爭敢辭勞丈云  
開得多少田也師將鋤築地三下丈便喝師掩耳而  
去

琅琊覺云百丈一喝可謂垂絲於萬丈潭中黃檗  
掩耳獨聳於千峯之上 大鴻詰云黃檗開田功  
不浪施百丈住持令不虛行 禾山方云百丈正  
令風行草偃黃檗開田水到渠成雖然與麼且道

以鋤築地處又作麼生還會麼不是苦辛人不知  
松源岳云百丈一喝風雲從嶽黃檗掩耳諸人  
自摸索看

佛眼遠頌云相見言談理不虧等閑轉面便相揮  
異竟水須朝海去到頭雲定覓山歸

百丈政禪師一日謂衆云汝等與我開田了我爲汝  
說大義僧開田了云請和尚說大義師乃展開兩手

或便作  
海禪師

白雲端云百丈說大義只止於此當時再參馬祖  
底句向甚麼處去也若言更有在未免與蛇畫足且  
道作麼生得知百丈老人立地處乃云客來無茶  
點薑湯備禮儀大鴻詰云百丈說大義可謂今古  
罕聞光前絕後大鴻即不然但向道開田努力請  
歸堂歇教他天下衲僧銑鋒結舌何故鶴有九皋  
難翥翼馬無千里謾追風 應庵華云白雲要見  
百丈再參馬祖底道理直是好笑笑須三十年又  
道作麼生得知百丈立地處也與笑三十年客來  
無茶點薑湯備禮儀也與笑三十年三笑而九十

年爲復笑白雲批判未審爲復別有道理汝諸人若檢點得出歸宗拄杖子兩手分付苟或未然幾度醉歸明月夜笙歌引入畫堂前

白雲端頌云常憐百丈解開田今古行人手裏傳誰道舌頭曾不動五音六律太周旋 佛眼遠云開田說大義後人莫容易百丈總持門淡而還有味

長沙僧問如何轉得山河大地爲自己去師云如何轉得自己爲山河大地去僧云不會師云湖南城裏好養民米賤柴多足四隣

天童覺云雖然主賓互換要且泥水不分或然裂轉鼻孔怎麼不恁麼總不得又合作麼生如今王令稍嚴不許人攙行奪市 徑山杲云轉山河大地歸自己則易轉自己歸山河大地則難有人道得不難不易句却來徑山手裏請棒喫 應庵華云蔣山隨分判斷大小長沙勘這僧不破 保寧勇頌云塵刹平常露此身疑生情動見疎親 湖南城裏從來事米賤柴多足四隣

仰山寂禪師因瀉山問甚處來師云田中來瀉云田中有多少人師插鉢叉手而立瀉云今日南山大有入刈茅師拽鉢而去

玄沙云我若見卽踏倒鉢子 鏡清因僧問插鉢意旨如何清云狗嘴赦書諸侯避道又問玄沙踏倒鉢意旨如何清云不柰船何打破犀斗又問南山刈茅如何清云李靖三兄久經行陣 雪竇顯云諸方尊宿咸謂插鉢話奇特也大似隨邪逐惡據雪竇見處仰山被瀉山一問直得草繩自縛去死十分 翠巖芝云仰山只得一概諸人別有會處 瀉山杲云潛行密用還他本分作家或放或收須是通人自照且道明甚麼邊事吸盡西江水方明一點心

投子青頌云瀉山問處少知音插地酬他佛祖沈踏倒玄沙傍不肯免教蒼翠帶春深 保寧勇云淺種深耕正及時入泥入水更同誰南山茅草多人刈獨是爺兒兩箇知 佛心才云金鞭擊動蒼龍窟吐霧擎空出海門溟渤吸乾天上去空餘雷



電滿山川 佛眼遠云數目分明舉卽難裨僧無

不膽毛寒須知更有壺中路但向須彌頂外看

天童覺云老覺情多念子孫而今慚愧起家門是

須記取南山語鏤骨銘肌共報恩

仰山夏末問訊瀉山山云子一夏不見上來在下面

作何所務師云某甲在下面鋤得一片畚下得一羅

粟瀉云子今夏不虛過師却問和尚今夏作得箇甚

麼瀉云日中一食夜後一寢師云和尚今夏亦不虛

過道了乃吐舌瀉云寂子何得自傷已命

大瀉詰云仰山眼照四天下到大圓面前却向淨

地上喫交大圓可謂養子之緣不免掛後人唇齒

佛眼遠云大衆瀉山父子尋常相見遊戲神通

不同小小還有知得底麼若無山僧與諸人說看

開一片田密密綿綿兩頓粥飯其道自辨山僧一

夏與諸人相見自是諸人不薦若或薦成一片看

取當門箭 天童覺云少當努力老合歇心這一

夏總不虛過爲甚麼仰山道了吐舌若點檢得出

禍不入慎家之門

洞山曉頌云仰山何得太傷義吐舌忙然又澆機

最得瀉山言點責得伊從此愧知非 佛燈珣云

一畝田兮三碩穀齋時飯兮早晨粥一期父子話

家風功名萬古傳燈錄禪家流細觀矚勿謂斯言

語麤俗好似荊山白石頭會有卞和知是玉

臨濟玄禪師因赴普請鋤茶園次黃檗後至師問訊

了按鑊而立檗云莫是困耶師云纔鑊地何言困檗

拈拄杖便打師接住推倒檗乃喚維那拽起我來維

那拽起云和尚爭容得這風顛漢檗却與維那一掌

師遂鑊地云諸方火葬我這裏活埋

瀉山問仰山黃檗與臨濟此時意作麼生仰云作

賊人走却邏賊人喫棒瀉云如是如是 大瀉詰

云黃檗倒地維那扶起火葬活埋清風未已

眞淨文頌云奪旗掣鼓著精神父子雖親法不親

爲報四方禪客道等閑莫作守株人 佛鑑懃云

百頭馬裏一頭驢踢踏縱橫不柰何今日風顛臨

濟是却令黃檗打維那

玄沙偈禪師云若論此事喻似一片田地四至界分



結契賣與諸人了也。只有中心樹子。猶屬老僧在。

鼓山珪頌云。萬事由王老師樹子。未屬你在。廣額屠兒成佛。二祖大師償債。徑山杲云。祖父田園都賣了。四邊界至不曾留。奈何。猶有中心樹。惱亂春風。卒未休。

地藏琛禪師一日。插田次。見新到僧。乃問甚麼處來。云南方來。師云南方佛法如何。僧云商量浩浩。地師云。爭似我這裏。種田博飯喫。僧云。爭奈二界何。師云。喚甚麼作二界。僧無語。

大瀉詰云。清貧長樂。濁富多憂。

雲峯悅頌云。種田博飯喫。言中誰辨的。午後打齋。鐘真金曾失色。靈源清云。種田博飯喫。佛法要商量。言下超二界。靈機發妙光。雲巖因云。種田博飯有來由。免見區區向外求。莫謂勞心便勞力。大都工拙要全取。旻古佛云。種田博飯待方來。玄妙商量一任猜。無影樹頭懸日月。幾人於此便心灰。

石門徹禪師僧問。實際理地如何。進步師云。鳥道無。

前僧進語云。幽谷白雲藏。白雀擬心棲處。隔山迷。

石門聰別云。棲心不住棲心地。物外縱橫任法閑。西禪需頌云。幽谷白雲藏。白雀擬心棲處。隔山迷。直饒不住棲心處。猶落怡山第二機。

草木竹附

南陽忠國師問紫璘供奉甚處來。奉云城南來。師云城南草作何色。奉云作黃色。師乃問童子城南草作何色。子云作黃色。師云祇這童子亦可。簾前賜紫對御談玄。

大瀉詰云。國師與麼問供奉與童子與麼答。且道還有利害麼。若也辨得。許你親見國師。若也未會。城南草依前黃色。

月堂昌頌云。慣使渡頭船。如今不記年。受他風浪惡。方是越龜錢。

藥山儼禪師一日與道吾雲巖高沙彌遊山。見兩株樹一榮一枯。師乃問榮者是枯者是。吾云枯者是。師云。酌然一切處令教枯淡去。師又問雲巖云。榮者是。師云。酌然一切處令光明燦爛去。復問沙彌云。

枯者從他枯榮者從他榮師回顧道吾雲巖云不是不是

五祖戒云夢中說夢兩重重

保寧勇頌云抹粉塗坯復裹頭盡由行主線牽抽鼓聲打破曲吹徹收拾大家歸去休 佛慧泉云

一枝榮一枝枯中心綠葉更扶蘇黃鶯任解千般

語免得傍人彈子無 海印信云落雲黃葉作金

錢癡騷啼兒見喜歡捉得獻娘俱道好不知誰是

晒傍觀 雲巖因云年老心孤笑藥山團欒諸子

坐忘還從頭纔問榮枯事鼻孔元來總一般 楚

安方云藥山用處少人扶堪笑雲巖與道吾猶向

榮枯生解會豈知潘閬倒騎驢

大滙安禪師示衆云有句無句如藤倚樹踈山聞之

徑往彼請問值師泥壁次便問有句無句如藤倚樹

豈不是和尚道師云是山云忽遇樹倒藤枯時如何

師放下泥盤呵呵大笑歸方丈踈山隨後云某甲三

千里賣却布單特爲此因緣而來和尚何得相弄師

云侍者討錢還伊去遂囑云向後有獨眼龍爲汝點

破在山後到明招舉前話招云大滙可謂頭正尾正祇是不遇知音山却問樹倒藤枯時如何招云更使瀉山笑轉新山因而有省乃云瀉山元來笑中有刀遂遙禮悔過一本小異

海印信頌云樹倒藤枯伸一問呵呵大笑有來由

羚羊掛角無尋處直至如今笑未休 文殊道云

樹倒藤枯問大滙呵呵大笑顯全機布單賣却般

纏了秋夜寒來說向誰 大洪預云冷刃吹毛笑

裏來爍迦羅眼不容裁一目金龍曾舉爪觸巖覺

痛頂門開 枯木成云江邊閑把直鉤垂也有金

鱗上釣時三跳若能乘羽化免教漁父皺雙眉

楚安方云添得瀉山笑轉新當時覲面已呈君明

招瀉泄瀉山句無限風光付與人 徑山杲云若

將此語定綱宗辜負明招獨眼龍笑裏忽分泥水

路方知千里共同風

香巖閑禪師垂語云如人上樹口嚼樹枝手不攀枝

脚不踏樹樹下忽有人問祖師西來意不對則違他

所問若對他又喪身失命當恁麼時作麼生卽是時

有虎頭上座出云。上樹即不問。未上樹請和尚道師呵呵大笑。

雪竇顯云。樹上道即易。樹下道即難。老僧上樹也。致將一問來。翠巖芝云。問者對者不免喪身失命。如今衲僧作麼生。天童覺云。虎頭上座是箇惡賊。用無義手。打不防家。直饒本色作家。往往做手脚。不辦雪竇是別機。宜識休咎。底漢到這裏亦祇得藏身露影。還會香巖做處麼。二千劍客今何在。獨許莊周見太平。

保寧勇頌云。曲設多方。老古錐。那堪枝上更生枝。好如良馬。窺鞭影。逐塊且非獅子兒。佛慧泉云。呵呵大笑。沒針錐。上樹何如。未上時。任使香巖多伎倆。傍觀不免爲攢眉。地藏恩云。香巖垂語真堪賞。口嚼樹枝懸樹上。此時不問祖師機。且道渠儂底模樣。上方益云。狹路轉身難。東西盡是山行人。不到處。風定落花閑。石門易云。古聖悲心利後人。口嚼枝上露。全身直饒立路無消息。未免家中喪二親。

臨濟玄禪師在黃檗。栽杉松。次黃檗云。深山裏栽許多樹。作麼師云。一與山門作境致。二與後人作標榜。道了將鋤頭打地一下。檗云。雖然如是。已喫吾二十棒了也。師又打地一下云。噓噓。檗云。吾宗到汝大興於世。

潞山問仰山。黃檗當時只囑臨濟一人。別更有在仰云。有。只是年代深遠。不欲舉似。和尚潞山云。雖然如是。吾也要知。但舉看。仰云。一人指南。吳越令行。遇大風。即止。大潞詰云。臨濟與麼大。似平地喫交。雖然如是。臨危不變。方稱丈夫。黃檗云。吾宗到汝大興於世。也是憐兒不覺醜。應庵華云。黃檗道。雖然如是。子已喫吾二十棒了也。養子之緣。故當如是。臨濟正令。雖行可惜。向饅頭邊。甘自活埋。仰山見解。未出常流。豈止遇大風。即止。當時何不道。直得盡虛空界盡。此話方始大行。豈不是頭正尾正。蔣山今日。持下面皮。要與諸人相見去也。鶻拈拄杖卓一下云。驚群須是英靈漢。敵勝還他獅子兒。

翠巖眞頌云帶礪山河畫土疆漢高殿下有覆瓦  
千言萬語無人會又逐流鶯過短牆

多福禪師僧問如何是多福一叢竹師云一莖兩莖  
斜云學人不曾師云三莖四莖曲

黃龍新云斜卽任斜曲卽任曲喚甚麼作一叢竹  
松源岳云三年一聞喝一喝

應庵華頌云一莖兩莖斜其意毒如蛇三莖四莖  
曲無疑入地獄言下若知非心空及第歸堪笑蔣  
山老無端入荒草

雲門偃禪師僧問樹凋葉落時如何師云體露金風  
黃龍新云大小雲門境上縛殺雲巖卽不然樹凋  
葉落時如何珊瑚枝枝撐著月 雪堂行云大小  
死心向句裏縛殺山僧恁麼道爲復壓良爲賤爲  
復別有道理 泐潭清云若向言下取則句裏呈  
機要見雲門千山萬水何故妙體本來無處所通  
身那更有來由 教忠光云雲門騎賊馬趕賊隊  
奪賊鎗殺賊只知其殺不知其活要知殺活莫隨  
言語大用現前超今越古 松源岳拈拄杖云雲

門可謂騎賊馬趕賊奪賊刀殺賊只是諸人不得  
恁麼會何也命若懸絲捉拄杖下座

泉大道頌云體露金風觸處周何須葉落始知秋  
清風樓上當年事直至如今笑未休 雪竇頌云  
問既有宗答亦攸同三句可辨一鏃遼空大野兮  
涼颼颼颼長天兮踈雨濛濛君不見少林久坐未  
歸客靜依熊耳一叢叢 佛性泰云涼風落木楚  
山秋滿樹寒蟬噪不休紅蓼白蘋開兩岸不知誰  
在釣魚舟 白楊頌云金風體露復何言大道從  
來絕變遷一葉飄空天似水臨川人喚渡頭船  
佛鑑懃云樹凋葉落何時節體露金風九月天滿  
目眞如人不曾一川風月正憺然

花果

世尊昔在靈山會上拈花示衆是時衆皆默然唯迦  
葉尊者破顏微笑世尊云吾有正法眼藏涅槃妙心  
實相無相微妙法門不立文字教外別傳付囑摩訶  
大迦葉

白雲端云迦葉善觀風雲別氣色雖然如是還覺



頂門重麼 黃龍心云直下穿過觸體已是換却  
眼睛臨危不在悚人向甚處見釋迦老子 月庵  
果云大衆辨龍蛇別休咎須是佩毗盧印具頂門  
眼還知釋迦老子爲人處麼大似見兔放鷹看孔  
著楔不妨善其樞要福嚴然則晚輩今日亦欲効  
顰乃豎拂子云見麼見麼良久云更深夜靜歸堂  
歇去

黃檗勝頌云靈山卓地紅蓮發白眉老翁笑不歇  
轟轟洪韻震東西八萬迷徒猶未覺 佛慧泉云  
霜風括地掃枯菱誰覺東君令已回唯有嶺梅先  
漏泄一枝獨向雪中開 白雲端云盡說拈花微  
笑是不知將底辨宗風若言心眼同時證未免朦  
朧在夢中 正覺逸云教外單傳事最奇兜羅綿  
手舉花時會中不得雞峰老無限清香付與誰  
無爲子云世尊舉花迦葉微笑殃及兒孫上祖不  
了 長靈卓云世尊拈花迦葉微笑不落宮商是  
何曲調古洞風清寒潭月皎 無盡居士云世尊  
迦葉不相知陷虎機關各自施正眼妙心眞實相

靈山會上付他誰

牛頭山融禪師未值四祖以前居牛頭山棲於北巖  
感百鳥嚙花日以供養後四祖來廣說法要遂乃開  
悟此後百鳥不復嚙花後有僧問南泉牛頭未見四  
祖爲甚麼百鳥嚙花獻泉云爲渠步步踏佛階梯云  
見後爲甚麼不來泉云直饒不來猶較王老師一線  
道

雲門云南泉只解步步登高不解從空放下僧問  
如何是步步登高門云香積世界云如何是從空  
放下門云填溝塞壑 洞山於階梯處云如掌觀  
珠意不暫捨又於一線道處云通身去也  
雪竇頌頌云牛頭峯頂鎖重雲獨坐寥寥寄此身  
百鳥不來春已過不知誰是到庵人 無爲子云  
紫氣氤氳透白雲因逢宗匠指迷津嚙花百鳥空  
惆悵不見庵中舊主人 祖印明云誼寂同爲不  
二門莫來無佛處稱尊寄言牛首庵中老百鳥嚙  
花禍有根 夢庵信云寥寥風月臥煙霞百鳥從  
茲不獻花人義盡從貧處斷世情偏向有錢家



無盡居士云：「花落花開百鳥悲，庵前物是主人非。  
桃源咫尺無尋處，一棹漁蓑寂寞歸。」  
天童覺云：「花鳥不來空過春，牛頭山上懶融人。自心淨故元  
無作，放下許多閑苦辛。」

大梅常禪師因龐居士問：「久響大梅，未審梅子熟也。」  
未師云：「你向甚處下口？」士云：「百雜碎。」師云：「還我核子來。」

翠巖芝云：「此二人大似把手上高山。」

松源岳頌云：「大梅梅子熟，龐老已先知。正眼驗深，  
要相逢拍手歸。」

南泉願禪師因陸亘大夫云：「肇法師也甚奇，恠解道  
天地同根，萬物一體。」師指庭前牡丹花云：「大夫時人  
見此一株花，如夢相似。」

圓悟勤云：「陸亘大丈手攀金鎖，南泉八字打開，直  
得七珍八寶羅列目前。乃豎起拂子云：「天地一指  
萬物，一馬通身是口，分疎不下。」  
保寧勇代陸拍手云：「阿誰到這箇田地？」  
徑山杲云：「這一則公案，流布叢林，近三百載中間，有無數善知識出世，只

是未嘗有一人與伊分明判斷。徑山今日與伊斷  
却，若向理上看，非但南泉護他陸亘一點不得，亦  
未摸著他脚下一莖毛在。若向事上看，非但陸亘  
護他南泉一點不得，亦未夢見他汗臭氣在。或有  
人出來道：「大小徑山說理說事，卽向他道，但向理  
事上會取。」瑞巖恭云：「大夫致箇問端，不妨奇特。  
被南泉將一粒黑豆換却眼睛，便見忘前失後。  
雪竇頌頌云：「見聞覺知非一一，山河不在鏡中觀。  
霜天月落夜將半，誰共澄潭照影寒。」  
上方益云：「一枝兩枝千萬枝，金刀擬剪却離披。不離披有誰  
知？自緣今日人心別，未必秋香一夜衰。」  
黃龍心云：「舉則易見，還難彌盧頂上；天風寒峨峨，直下蒼  
龍窟。誰敢覲著？」  
死心新云：「舉則易見，還難同根  
天地。又巖頭南泉指出花如夢，對此憑君子細看。  
佛鑑懃云：「南泉瀝膽爲諸人笑，指庭前別是春。  
不是守株閑待兔，直須騎鶴上青雲。」  
徑山杲云：「天地同根，伸一問未曾擡步已忘家。無陰陽處花  
重發，玉本無瑕似有瑕。」

瀉山祐禪師與仰山遊行次鳥嶺一紅柿落師前師將與仰山仰接得以水洗了却與師師云子甚麼處得來仰云此是和尙道德所感師云汝也不得空然卽分一半與仰山

玄沙云大小瀉山被仰山一坐至今起不得

古德頌云鴉嘴柿子落師前致獻何來事皎然各分一半甘如蜜如今不會是何年

睦州見僧來參師便喝云上座如何偷常住果子僧云某甲方到因甚道偷果子師云賊物見在甕

保寧勇云這老賊

松源岳頌云傾盡寶山寶全身入荒草若是鳳凰

兒不向那邊討

靈雲勤禪師參瀉山見桃花悟道有頌云三十年來尋劍客幾回葉落又抽枝自從一見桃花後直至如今更不疑舉似瀉山山云從緣得入永不退失汝善護持後玄沙聞云諦當甚諦當敢保老兄猶未徹在長慶因僧問玄沙意旨如何慶云將謂胡鬚赤更有赤鬚胡保寧勇云且道靈雲見甚麼道理莫

是悟得箇萬法不生不滅無去無來空寂之理麼若與麼何曾悟在只如玄沙與麼道爲復是肯他不肯他若道肯他玄沙眼在甚麼處若道不肯他靈雲有甚麼過衆中商量極多所以千聞不如一見保寧亦敢保諸人未徹在南華曷云靈雲悟處窮盡萬法根源玄沙稱提坐斷千差要路一唱一酬一舒一卷大似把手上高山然雖如是路逢劍客須呈劍不是詩人莫獻詩長蘆心云靈雲玄沙好一對無孔鐵鎚競生節目若是長蘆門下與他一坑埋却何故皓玉無瑕雕文喪德首山念頌云分明歷世三十春因悟桃花色轉新人人盡得靈雲意不識靈雲是何人神鼎鑪云傷嗟尋劍客桃花遇春開靈雲一見處令我笑哈哈慈明圓云二月桃花處處新靈雲一見更無親相逢盡道休官去林下何曾見一人雪竇顯云本無迷悟數如麻獨許靈雲是作家借問偏參諸祖客不知何處見桃花翠巖真云子路當時問要津滔滔天下丈夫人相逢相見若如此更有

春風春又春 覺範洪云靈雲一見不再見紅白  
枝枝不著花叵耐釣魚船上客却來平地擲魚鰕  
開福寧云百煉精金大冶中任他騰鐵巨天紅  
須臾拈出教人看添得行家價轉豐

洞山价禪師因請泰首座喫果子次乃問有一物上  
拄天下拄地黑似漆常在動用中動用中收不得你  
道過在甚處泰云過在動用中師便喝乃令援却果  
卓

五祖戒別首座云朝來更獻楚王看 琅瑯覺云  
若不是洞山老人焉能辨得雖然如是洞山猶少  
一著在 大瀉詰云還知洞山落處麼若也不知  
往往作是非得失會去山僧道這果子莫道泰首  
座不得喫設使盡大地人來亦不得正眼覷著  
雲蓋本云洞山雖有打破虚空底鉗鎚且無補綴  
底針線待伊道過在動用中但道請首座喫果子  
泰首座若是箇漢喫了也須吐出 開善謙云洞  
山倚勢欺人真如隨風倒柁忽有人問山僧道過  
在甚麼處拈果子便喫何故下坡不走快便難逢

黃龍忠云垂絲千尺意在深潭泰首座久戰沙  
場功名不就瀉山當時若見洞山問了便揖云請  
喫果子直饒洞山有懸河之辯也須教伊結舌  
南堂靜云洞山老坐籌幃幄決勝千里泰首座通  
身是口有理難伸

疎山仁禪師因靈泉問枯木生花始與他合是這邊  
句是那邊句師云亦是這邊句泉云如何是那邊句  
師云石牛吐出三春霧靈雀不棲無影林

丹霞淳頌云滄海無風波浪平煙收水色虛含月  
寒光一帶望何窮誰辨箇中龍退骨

風穴僧問語默涉離微如何通不犯師云常憶江南  
三月裏鷓鴣啼處百花香

雪竇顯云曾有人問我對他道劈腹剜心又且如  
何復云因風吹火別是一家傷鼈怨龜必應有主  
大瀉秀云江南佳景誠合如之千載觀光添人  
性慇懃或不爾來年更有新條在惱亂春風卒未  
休 天童覺云露髒髒圓陀陀直是無縫縫且道  
風穴無縫縫何似雪竇無縫縫還會麼和光惹事

刮篤成家

海印信頌云鷓鴣啼處百花香拊掌呵呵笑一場  
因憶舊年遊歷處送人雲塢入斜陽 寶峯明云  
鷓鴣啼處百花鮮江國從來路坦然爲報途中夫  
歸客謝家人不在漁船 鼓山珪云快騎駿馬上  
高樓南北東西得自由最好腰纏十萬貫更來乘  
鶴上揚州 徑山杲云忽爾出門先見路纔方下  
脚便登船神僊祕訣直堪惜父子雖親不可傳  
智門祚禪師僧問蓮華未出水時如何師云蓮華云  
出水後如何師云荷葉

天童覺云靈龜無卦兆空殼不勞鑽

雪竇顯頌云蓮花荷葉報君知出水何如未出時  
江北江南問王老一狐疑了一狐疑 白雲端云  
蓮華荷葉有由哉泥水分時絕點埃堪憶九龍初  
沐處東西一步一枝開 無盡居士云蓮華荷葉  
共河中華葉年年綠間紅春水連漪清徹底一聲  
啼鳥五更風 佛鑑懃云香苞冷透波心月綠葉  
輕搖水面風出水時君看取都盧只在一池中

慈受深云雨餘檻外差差碧風撼池中柄柄香

多謝浣沙人不析雨中留得蓋鴛鴦

淨衆信禪師僧問蓮花未出水時如何師云菡萏滿  
池流云出水後如何師云葉落不知秋

天童覺云李陵持漢節潘闐倒騎驢

丹霞淳頌云白藕未萌非隱的紅花出水不當陽

遊人莫用傳消息自有清風遞遠香

雪竇顯禪師僧問山花開似錦澗水湛如藍學人分  
上爲甚麼不會師云棺木裏瞋眼云怎麼則從苗辨  
地因語識人也師云三十棒且待別時

白雲端頌云一枝枯草強遮羞明鏡當軒燭盡幽

滿面慚惶移步去清光灼灼避無由

香燈

龍潭信禪師因德山侍立抵夜師云夜深子何不下  
去山遂珍重揭簾而出見外黑却回云外面黑師乃  
點紙燭度與山山擬接師便吹滅山忽大悟作禮師  
云子見箇甚麼道理山云某甲從今以去不疑天下  
老和尚舌頭也師至明日陞堂告衆云可中有箇漢

牙如劍樹口似血盆一棒打不回頭他時向孤峯頂上立吾道去在山遂取平日疏鈔將一炬火提起云窮諸玄辯若一毫致於太虛竭世樞機似一滴投於巨壑將疏鈔便燒却禮辭而去

白雲端頌云明暗相凌不足云絲毫有解未爲親紙燈忽滅眼睛出打破大唐無一人保寧勇云一條瀑布巖前落半夜金鳥掌上明大口開來添意氣與誰天下共橫行上方益云一陣旋風霧靄開千峯突出碧崔嵬驚猿怨鶴拋來久半夜山前喚得回大洪遂云明暗相形事渺茫誰知腦後迸神光都來劃斷千差路南北東西達本鄉天寧璉云德嶠龍潭碎啄機芥針投合契玄微孤峰盤結幪頭坐不顧青山雲自歸

雲巖晟禪師僧問二十年在百丈巾餅爲甚麼心燈不續師云頭上寶華冠僧云頭上寶華冠意旨如何師云大唐天子及冥王後僧舉問九峯虔禪師大唐天子及冥王意旨如何虔云却憶蜀上之言

丹霞淳頌云玉鞭高舉擊金門引出珊瑚價莫論

迥古輪王全意氣不彰寶印自然尊

香林遠禪師僧問如何是室內一盞燈師云三人證

龜成鼈或作大隨

投子青頌云六耳同謀事可成直言方表赤心人室中燈燄誰來撥白髮童兒兩鬢新西禪需云三人證龜成鼈剛把天機漏泄木人嶺上歌歌石女眼中滴血

慈明圓禪師在衆時到芝和尚寮芝坐間開合子拈香燒次師問作麼生燒芝便放爐中燒師云斷斷當漢又怎麼去也

白雲端頌云千人萬人行一路幾箇移身不移步對面拈香爐上燒斷郎當漢又怎麼

搬掃

打地禪師自江西領旨自晦其名凡學者致問惟以棒打地而示之時謂之打地和尙一日被僧藏却棒然後問師但張其口僧問其門人云只如和尙每有人問便打地意旨如何門人卽於竈底取柴一片擲在釜中



趙州諗禪師見僧掃地遂問與麼掃還得淨潔也無僧云轉掃轉多師云豈無撥塵者僧云誰是撥塵者師顧視云會麼僧云不會師云問取雲居去其僧後問雲居如何是撥塵者居云這瞎漢

曹山本寂禪師問僧甚處去來僧云掃地來師云佛前掃佛後掃僧云前後一時掃師云與我過袈裟來五祖戒出僧語云和尚是何心行

汾陽昭頌云器量方圓得見伊問君掃地是慈悲前後一時俱掃却也是拈來第二機

### 柴薪

雪峯存禪師因普請次自負一束藤路逢一僧便拋下叉手立僧擬取師便踏倒歸舉似長生云我今日踏得這僧甚快生云和尚替這僧入涅槃堂始得師休去

法眼因有二僧各說道理請師斷師云汝兩僧一時入涅槃堂立覺云甚麼處是替那僧入涅槃堂處雪竇顯云長生大似東家人死西家助哀也好與一踏白雲端云雪峯外面贏得五百家

中失却一貫 崇壽稠云此一轉語却還老兄東禪齊云只如長生意作麼生 南堂靜云雪峯一踏別傳教外雪竇一踏千古無對長生答對失錢遭罪若人點檢得出老僧只呵呵大笑且道笑與踏是同是別良久云參

上方益頌云暗拋香餌在江濱果是金鱗釣得歸不是絲綸收得疾幾乎輪與鷺鷥兒 佛燈珣云偉哉雪老法中英肩上藤薪覲面呈目前不薦當頭著和身一踏倒囊傾會知擔重因柴束自然便重不便輕何山奉報諸禪侶孩兒須是的親生與教壽禪師因在天台詔國師處一日搬柴墜落而悟乃成一頌云撲落非他物縱橫不是塵山河及大地全露法王身國師然之

法昌遇禪師因普請率木大眾放歇師云大眾作麼生是時節因緣一僧乃發號聲師云只得八成僧云和尚尊意如何師云拽

禪林類聚卷第十九

禪林類聚卷第二十

獅象

龍虎

牛鹿

貓犬

龜魚

兔蛇

飛走

獅象

雲巖晟禪師因藥山問聞汝會弄獅子是不師云是山云弄得幾出師云弄得六出山云我亦弄得師云和尚弄得幾出山云我弄得一出師云一卽六六卽一師後到瀉山瀉問承長老在藥山弄獅子是不師云是瀉云長弄還有置時師云要弄卽弄要置卽置瀉云置時獅子在甚麼處師云置也置也

法昌云好一場獅子只是弄得有頭無尾當時若見瀉山道置時獅子在甚麼處便與放出踞地金毛獅子直教瀉山藏身無路 湛堂準云藥山雲巖鈍置殺人兩子父弄一箇獅子也弄不出若是準上座只消獨自弄拽得來拈頭作尾拈尾作頭轉兩箇金睛攫幾鈎鐵爪吼一聲直令百里內猛獸潛蹤滿空裏飛禽亂墜準上座未弄獅子請大

衆高著眼先看做一箇定場以拄杖擲下云箇中消息子能有幾人知喝一喝

雪竇頭頌云尼剋金毛獅子子栴檀林下青莎裏置也置也威自全一出六出眉趯起非擬擬知幾幾星流不問三千里天外風清曉吼時爲君吸盡西江水咄

仰山寂禪師因見雪獅子乃指云還有過得此色者麼衆無對

雲門云當時好便與推倒 雪竇頭云雲門只解推倒不解扶起 琅瑯覺云卽今問汝諸人推倒扶起相去多少拄杖子撈過眉毛鼻孔呵呵大笑便擲下拄杖 靈隱昌云推倒也錯扶起也錯且道還有過此色者麼

天童覺頌云一倒一起雪庭獅子慎於犯而懷仁勇於爲而見義清光照眼似迷家明白轉身還墮位衲僧家了無寄同死同生何此何彼暖信破梅兮春到寒枝涼颺脫葉兮秋澄潦水

龍虎

黃檗運禪師因百丈問甚處去來師云大雄山下探  
菌子來丈云還見大蟲麼師便作虎聲丈拈斧作斫  
勢師遂與丈一擲丈吟吟而笑便歸陞座謂衆云大  
雄山下有一大蟲汝等諸人也須好看百丈老漢今  
日親遭一口

潞山問仰山仰云和尚怎生潞云百丈當時便合  
一斧斫殺因甚麼到如此仰云不然潞云子又作  
麼生仰云百丈非唯騎虎頭亦解把虎尾潞云子  
有嶮崖之句 五祖戒云百丈大似作賊人心虛  
黃檗熟處難忘

佛眼遠頌云大雄山下斑斑虎觸著傷人誰敢顧  
親遭一口老婆心何曾用著腰間斧

龍潭信禪師因德山初來參便問久響龍潭及乎到  
來潭又不見龍又不現師云子親到龍潭德山作禮  
而退

玄覺云且道德山肯龍潭不肯龍潭若肯德山眼  
在甚麼處若不肯爲甚麼承嗣他 雪竇頌云將  
錯就錯 黃龍心云雪竇與麼道不知德山將錯

就錯龍潭將錯就錯識休咎底禪僧必知去處未  
過關者亦宜辨白還相委悉麼縱饒栽種得不是  
棟梁材 雲峯悅云大小德山向壘裏淹殺  
保寧勇代德山云泊合放過 五祖演云龍潭老  
人可謂騎賊馬趕賊

保寧勇頌云浩渺深沈納衆流護持香餌擲金鈎  
風雲合帀雷霆動應訝龍王不出頭 羅漢南云  
親到龍潭不見龍妙符先覺證玄宗茅庵盤結孤  
峯上靜對寒蟾掛碧空 佛國白云親到龍潭不  
見龍龍潭龍不在潭中青天白日與雲雨千古  
同笑葉翁 長靈卓云潭不見龍不現親到龍潭  
遭一玷瞥然歸去牙如劍棒頭撒出光燄燄  
巖頭禪禪師僧問路逢猛虎時如何師云拶

圓悟勸云天無四壁地絕八維直得萬箭攢心千  
鎗著體也敵他這一機不得還委悉麼六六元來  
三十六

破庵先頌云巖頭一拶虛空迸裂父子不傳神傳  
妙訣

玄沙偈禪師與天龍普請往海坑斫柴見虎龍云前面是虎師云是汝阿虎龍歸院乃問適來山中見虎云是汝未審和尚尊意如何師云娑婆世界有四種重障若人透得許汝出陰界

東禪齊云上座古人見了道我身心如大地虛空如今人還透得麼 雪竇顯云要與人天爲師前面端的是虎

保寧勇頌云猛虎當途獨振威爪牙眞箇利如錐可憐不覺亡身者碎骨拾來良可悲 佛慧泉云前虎後虎急須看取凜烈威風生獐爪距今古樵人不回顧喪身失命知何數若回顧雄雄坐斷山前路 佛眼遠云宗師方便太慈悲是汝之言實古錐萬里神光騰頂後肯將生死嚇愚癡

明招謙禪師問僧虎生七子那箇無尾云第七箇無尾鼓山珪頌云無尾大蟲難傍近近前便是傷人命除非自解據虎頭自然頭正尾亦正 徑山杲云第七菴菟沒尾巴食牛之氣已堪誇叢林俳俳爭脣吻幾箇行人得到家

大普通禪師僧問驪龍領下珠如何取得師乃拈掌瞬視

黃龍南禪師云鐘樓上念讚牀脚下種菜時如何黃檗勝禪師云猛虎當路坐

鼓山珪頌云猛虎當路坐遊魚脚底過不學紫湖老便打劉鐵磨 徑山杲云直出直入當面不識更擬如何著甚死急

白雲端云梧桐秋動葉先落日暮山房夜坐長天曉起來回首見處處風光斷紙帳拈頌集有

### 牛鹿

南泉僧問和尚百年後向甚麼處去師云作一頭水牯牛去僧云某甲隨和尚去得不師云汝若來齧取一枝草來

汾陽昭頌云類中難辨要分明戴角披毛卒未惺齧取草來方定動頭頭物物自眞靈 佛惠泉云異類中行得自由拽穿鼻孔卒難取草枝啣得相逢處高臥深雲任白頭 佛印元云行履從來異類中不知頭角與誰同若齧水草來相見擺尾搖

頭四野風

藥山晚參不點燈師云我有一句子待犢牛生兒卽向你道時有僧便出云犢牛生兒也祇是和尙不道師喚侍者將燈來其僧便抽身入衆

洞山云這僧會卽會只是不肯禮拜 法燈欽云

生底是牯牛兒牯牛兒又代云雙生 翠巖芝云

我卽不然犢牛生兒也不向你道何故如是若尙

你道何處更有王老師 崇覺空云藥山三寸甚

密爭奈被這僧下一粒巴豆直得心肝五藏一時

吐出直饒討得火來也是半夜天明

佛眼遠頌云犢牛生子頗相諧兩眼通紅色似藍

把火照來無覓處大家普請一時參

趙州諗禪師問南泉知有底人尙甚麼處去泉云尙

山前檀越家作一頭水牯牛去師云謝師指示泉云

昨夜三更月到牕

雲峯悅云若不是南泉泊被打破蔡州 佛鑑勲

云若教頻下淚東海也須枯 徑山杲云雲峯老

人失却一隻眼殊不知只因後語當下打破蔡州

保寧勇頌云拽脫鼻頭何處是亂拋泥水恣縱橫

日斜倒坐騎歸去又見東山片月生 寶峯祥云

出窟金毛奪父機同聲嘹吼衆狐疑三更牕月如

清畫誰敢重來弄嶮巖 鼓山珪云眼中見慣是

尋常又不驚人又久長留得寒牕夜來月三更依

舊照茅堂 徑山杲云度體裁衣量水打碓毫髮

不差且居門外

馮山祐禪師示衆云老僧百年後向山下檀越家作

一頭水牯牛於左脇書五字云馮山僧某甲此時若

喚作馮山僧又是水牯牛喚作水牯牛又云馮山僧

某甲且道喚作甚麼卽得仰山出禮拜而去

雲居膺云師無異號 資福代作一圓相托起

新羅情代作此相呈之又云同道者方知 南

塔湧云一千五百人善知識只得一半 芭蕉徹

代當時作此相呈之又云說也說了註也註了

悟取好 保寧勇云一等是入泥入水 淨衆岳

云馮山雖是善因而招惡果灼然作一頭水牯牛

去我當時若見便道這老牛尙甚麼處去管取一場



懷羅 大滄智云瞎却天下衲僧眼

道吾真頌云水牯馮山直截機分明人類顯幽奇  
兩邊語出分身處夜鳥投林曉復飛 白雲端云  
不道馮山不道牛灼然何處辨蹤由絲毫蹉却來  
時路萬劫無由得出頭 保寧勇云改却形容換  
却頭當陽難隱箇蹤由驢名馬字雖喚多少傍  
觀滿面羞 真如喆云蹄角分明觸處周不勞管  
帶不勞收但知不犯他苗稼水草隨緣得自由  
佛心才云翻手書空字已成忙忙人間兩頭明屈  
原不是逢漁父千古誰人論獨醒 海印信云山  
下爲牛山上僧河沙異號未爲能常愛暮雲歸未  
合遠山無限碧層層 無盡居士云野徑蹄岑賸  
殺人早曾耕遍大田春有時落草無尋處顯現馮  
山老漢身

黃檗運禪師一日與裴相國行次見農夫耕田泥深  
牛不能行農夫便打裴惻然憫之師云毒打裴云大  
善知識何得如此師云兩隻脚兒耕不得

水庵一頌云運師裴相老婆心不顧泥深與水深

痛棒毒槌行異類從教皮下血淋淋

德山鑑禪師僧問如何是露地白牛師云吽吽僧云  
飲噉何物師云喫

洞山聰頌云玉角霜毛露地牛人間天上顯蹤由  
不同雪嶺時時吼肯若馮山日日收

神山密禪師與洞山行次忽見白鹿走過師云俊哉  
洞云作麼生師云大似白衣拜相洞云老老大大作  
這箇說話師云你作麼生洞云積代簪纓暫時落薄  
或作  
白鬼

天童覺頌云抗力霜雪平步雲霄下惠黜國相如  
過橋蕭曹謀略能成漢巢許身心欲避堯寵辱若  
驚深自信真情參跡混漁樵

投子同禪師僧問如何是露地白牛師云叱叱云飲  
噉何物師云喫喫

乾明惠覺頌云露地白牛起問端隨機叱叱齒牙  
寒不知飲噉是何物喫喫直教滄海乾

涌泉欣禪師因唐武宗廢教在院看牛時有疆德二  
禪客到於路次見師騎牛不識乃云蹄角甚分明爭

奈騎者不識師驟牛而去二禪客相次憩於樹下煎茶師却回下午近前問訊與坐喫茶師乃問二禪客近離甚處云那邊師云那邊事作麼生禪客提起茶盞師云此猶是這邊那邊事作麼生二人無對師云莫道騎牛者不識好

丹霞淳頌云芳草曼曼豈變秋牧童白牯恣優遊異中有路人難見却謂騎牛不識牛

風穴沼禪師僧問麀鹿成群如何射得麀中主師云釣船載到瀟湘岸氣咽無寥問白鷗

投子青頌云禁殿重闌視聽危側思偏立絳綸垂漢鄉雲斷汀洲迥嶺暮猿啼孤月隨

石門徹禪師僧問雲光作牛意旨如何師云陋巷不騎金色馬迴途却著破欄衫

丹霞淳頌云瑞草叢中懶欲眠徐行處處迥然披毛戴角人難識爲報芒童不用鞭

### 猫犬

南泉願禪師因兩堂首座爭猫兒師乃提起云大衆道得卽救取道不得卽斬却也衆無對師遂斬之至

晚趙州從外歸師舉似州州乃脫履安頭上而出師云子若在卽救得猫兒

保福展云雖然如是也卽是破草鞋翠巖芝云大小趙州祇可自救保寧勇代但引頸向南泉面前

汾陽昭頌云兩堂上座未開盲猫兒各有我須爭一刀兩段南泉手草鞋留著後人行雪竇頌云兩堂俱是杜禪和撥動煙塵不奈何賴得南泉能舉令一刀兩段任偏頗又云公案圓來問趙州長安城裏任閑遊草鞋頭戴無人會歸到家山卽便休羅漢南云作者縱橫斬萬機趙州頭戴草鞋時當臺寶鑑無私燭離匣金刀豈亂揮圓通偈云狼煙起處看兵機不是將軍孰辨伊兩段一刀垓下令威風千古霸雄基佛心才云伯牙之絃鸞膠可續調古風淳霜月可掬南泉南泉龍象繼獨佛眼遠云安國安家不在兵魯連一箭亦多情三千劍客今何在獨許將軍建太平趙州諗禪師僧問狗子還有佛性也無師云無云蠢

動含靈皆有佛性。狗子因甚麼無師云爲他有業識性。在又一僧問師。狗子還有佛性也無。師云有云既有爲甚麼入這皮袋裏來。師云知而故犯。

翠巖芝云說有說無兩彩一賽。如今作麼生。五祖演云大衆。你諸人作麼生。會老僧尋常只學無字。便休。你若透得這一箇字。天下人不奈你何。你諸人作麼生。透還有透得徹底麼。有則便出來道。看我也不要你道。有也不要你道。無也不要你道。不有不無。你作麼生。道珍重。

眞淨文頌云言有業識在。誰云意不深。海枯終見底。人死不知心。圓通秀云少年學解。昧宗途。老倒依還滯。有無古佛純金。誰辨色惑爲機。智競躋踏。普融平云有無雙放。復雙收。趙老機關世莫儔。試上海門高處望。千江萬派盡東流。疎山如云狗子無佛性。慈悲似海深。尋言逐句者埋沒。文夫心。慈受深云趙州口裏有雌黃。句下誰人見短長。堪笑幾多逐塊狗。夜深無故吠虛堂。徑山杲云有問狗佛性。趙州答曰無。言下滅胡族。猶爲

不丈夫

紫湖蹤禪師門下立一牌。牌上書云紫湖有狗。上取人頭中。取人腰下。取人脚。擬議則喪身失命。或新到纔相看。便喝云看狗。僧纔回首。師便歸。方丈或有僧問。如何是紫湖狗。師云嗥嗥。

雪竇顯云衆中總道這僧著一口著則著了也。爭奈這僧在。敢問諸人。紫湖狗著者便死。因甚麼這僧猶在。若無知方眼。救得這僧。設使紫湖出世。較煞百千萬箇。有甚益我。當時若見先斫下牌。然後入院。待這老漢喝云看狗。與伊放出箇焦尾大蟲。如今諸人要見麼。日勢稍晚。歸堂。

佛國白頌云紫湖狗子最威。獐來者投明。莫暗行向道。看時如不見。當頭較殺喪平生。正覺逸云紫湖堂上絕人行。只爲堂前狗子獐。見影聞聲心膽懾。當頭寧免喪殘生。佛眼遠云老大宗師沒巴鼻。養狗之緣太兒戲。奪牌禪客如到來。蹈刀爭及吹毛利。

曹山本寂禪師僧問世間甚麼物最貴。師云死貓兒。

最貴云爲甚麼死貓兒却貴師云無人著價

天童覺云曹山物貨不入行市子細看來直是一錢不直曹山遇賤則貴我這裏遇貴則賤且道還有相違處麼

丹霞淳頌云腥臊紅爛不堪親觸動輕輕血汚身何事杳無人著價爲伊非是世間珍

### 龜魚

大隋眞禪師因庵畔有一龜僧指其龜問一切衆生皮裹骨這箇衆生爲甚骨裹皮師拈草鞋覆龜背上白雲端頌云分明皮上骨團團卦畫重重更可觀拈起草鞋都蓋了大隋却被這僧謾保寧勇云露足藏頭可笑奇千年誰謂是靈龜雨傾不解隨流去浮木相逢又幾時旻古佛云懶安的子大隋師一著當頭更莫疑大地山河都蓋了從他禪子下針錐禾山方云千古清聲老大隋機鋒壁立杳難窺未能直下超凡聖只道將鞋蓋却龜照覺總云皮骨曾將問大隋當頭一著更狐疑可憐無限尋聲跡不薦羚羊掛角時

### 王聖五

三聖然禪師問雪峯透網金鱗未審以何爲食峯云待汝出網來却向汝道師云一千五百人善知識話頭也不識峯云老僧住持事繁

保福展云爭不足讓有餘雪竇顯云可惜放過

好與三十棒這棒一棒也饒不得直是罕遇作家

承天宗云布幔天網須是雪峯深入虎穴還他

三聖衆中有般漢商量道雪峯在網內三聖在網

外苦哉苦哉深屈古人若非此二員作家不能橫

行天下大瀉詰云三聖可謂龍門萬仞慣曾作

客雪峰大似孟嘗門啓豈懼高賓

汾陽昭頌云透網之魚不識釣食遊浪水認浮頭

高灘坐釣垂慈者回掉收綸却上舟眞淨文云

老倒漁翁坐釣臺金鱗赫赫鼓波來海門空闊纔

施網霹靂一轟天地開眞如詰云透網金鱗掣

電機休云滯水與拖泥雷霆一擊青霄震傾湫何

處不滂瀾王祖演云洞裏無雲別有天桃花似

錦柳如綿僊豈不會論春夏石爛松枯是一年

古德云是日已過命亦隨滅如少水魚斯有何樂

神鼎譴云古人怎麼道非有利益非無利益神鼎  
卽不然是日已過命亦隨滅如少水魚有何不樂  
且道違古人順古人試檢點看珍重

深明二上座因到淮河見人牽網有鯉魚透出明云  
深兄俊哉一似箇衲僧深云雖然如此爭似當初不  
撞入網羅好明云深兄你欠悟在深行三十里方省  
小一本

虎丘隆云明上座釣頭有餌深禪老一釣便上虎  
丘當時若見他道深兄你猶欠悟在只對道今日  
網得一箇不獨塞斷明上座口且要千古之下免  
人恠笑山僧亦有箇縵天網子遂舉起拂子云還  
見麼山僧喚作拂子了也諸人且喚作甚麼若喚  
作拂子未出山僧網子在若不喚作拂子行脚眼  
在甚麼處是汝諸人還見虎丘爲人處麼三汲浪  
高轟霹靂一聲透過禹龍門

鼓山珪頌云網中跳出便飛騰好箇天然俊衲僧  
何似當初未入網悟來方始是知音 徑山杲云  
俊哉一躍透重淵霹靂追之去不還却笑龍門燒

尾者依前點額在波瀾

鬼蛇

歸宗常禪師因割草次有座主來參偶見一蛇過師  
遂鋤斷之主云久響歸宗元來是箇麤行沙門師云  
你麤我麤主云如何是麤師豎起鋤頭主云如何是  
細師作斬蛇勢主云與麼則依而行之師云依而行  
之且置你甚處見我斬蛇主無對

雪峯問德山古人斬蛇意旨如何山便打峯便走  
山召云布衲子峯回首山云他後悟去方知老漢  
徹底老婆心 雪竇頌云歸宗只解慎初不能護  
末德山頗能據令且未明斬蛇乃云大眾看翠峰  
今日斬三五條以拄杖一時打散 佛鑑懃云歸  
宗雖麤麤中有細座主雖細細中有麤要得麤細  
兩忘須會斬蛇意始得若會得一任依而行之若  
未會各各照顧脚下擲拄杖下座

汾陽昭頌云廬嶽宗師接上機斬蛇特地施慈悲  
高茅座主驚忙怕却道麤心錯是非 海印信云  
大用縱橫掣電機爍迦羅眼尙膠糍迷徒夢裏爭



唇吻却憶隨他去一隨 南華曷云千尋竿上翻  
筋斗大海波心擲釣鈎大體還他肌骨好不搽紅  
粉也風流

大隨真禪師因燒山次見一蛇師以拄杖挑向火中  
咄云這箇形骸猶自不放捨你向這裏死如暗得燈  
時有僧問正當恁麼時還有罪也無師云石虎叫時  
山谷響木人吼處鐵牛驚

南堂靜頌云劫初劫末法弱魔强定光老子鐵作  
脊梁文經武緯把定封疆碧天雲散祖風涼佛日  
光輝舜日長

雪峯存禪師示衆云南山有一條鼈鼻蛇汝等諸人  
切須好看長慶出云今日堂中大人喪身失命雲  
門以拄杖攬向師面前作怕勢僧舉似玄沙沙云須  
是殺兄始得雖然如此我卽不與麼僧云和尚作麼  
生沙云用南山作麼

眞淨文云奇哉善知出處非父不生其子驀拈拄  
杖召大衆云南山鼈鼻蛇却在這裏擲下拄杖云  
擬卽喪身失命

雪竇顯頌云象骨嚴高人不到到者須是弄蛇手  
後師備師不奈何喪身失命有多少韶陽知重撥  
草南北東西無處討忽然突出拄杖頭拋對雪峯  
大張口大張口兮同閃電剔起眉毛還不見如今  
藏在乳峰前來者一看方便師高聲喝云看脚  
下 白雲端云象骨鼈蛇當大路後師可惜便亡  
身雲門弄得雖然活爭似南山不用親 直淨文  
云打鼓弄琵琶相逢一會家雲門能合調長慶解  
隨邪古曲非音律南山鼈鼻蛇何人知少訣的子  
是玄沙 天童覺云玄沙太剛長慶少勇南山鼈  
鼻死無用風雲際會頭角生果見韶陽下手弄下  
手弄激電光中看變動在我也能遣能呼於彼也  
有擒有縱底事如今付阿誰冷口傷人不知痛  
洞山度禪師僧問學人徑往時如何師云死蛇當大  
路勸子莫當頭云當頭者如何師云喪子命根云不  
當頭者如何師云亦無回避處云正恁麼時如何師  
云失却也云未審向甚麼處去師云草深無覓處云  
和尚也須隄防始得師拈掌云一等是毒氣

丹霞淳頌云長江澄徹印蟾花滿目清光未是家  
借問漁舟何處去夜深依舊宿蘆花 天童覺云  
三老暗轉拖孤舟夜回頭蘆花兩岸雪煙水一江  
秋風力扶帆行不棹笛聲喚月下滄洲

飛走

世尊一日坐次見二人舁猪過乃問這箇是甚麼云  
佛具一切智猪子也不識世尊云也須問過

明安云不因世尊問泊乎忘却 地藏恩云瞿曇

老漢也是無端大似節日上強生節目忽若被二

人呵呵大笑舁猪便行也是一場懣懣

木庵瓊首座頌云捨筏懷兼濟逢耕更問津却將

未歸意說與欲行人

百丈海禪師因侍馬祖行次忽見一群野鴨飛過祖

云是甚麼師云野鴨子祖云甚處去也師云飛過去

祖遂把師鼻獨師負痛失聲叫阿哪阿哪祖云又道

飛過去元來只在這裏師直得浹背汗流因茲有省

汾陽昭頌云野鴨飛空却問僧要傳祖印付心燈

應機雖對無移動纔揭綱宗道可增 雪竇頌云

野鴨子知何許馬祖見來相共語話盡山雲海月  
情依然不會還飛去欲飛去却把住道道 佛眼  
遠云草裏尋常萬萬千報云飛去豈徒然鼻頭是  
甚閑皮草十字縱橫一任穿 佛鑑勸云馬師憫  
汝無知識借來野鴨通消息直得鼻頭鮮血流費  
盡老婆多少力 智海清云師資閑向草中行野  
鴨飛鳴意忽生鼻孔擡翻成底事新羅日午打三  
更

中邑恩禪師因仰山問如何得見性去師云譬如一

室有六牕內有一欄猴外有欄猴從東邊喚猩猩欄

猴即應如是六牕俱喚俱應仰山禮謝起云適蒙和

尚譬喻無不了知更有一事只如內欄猴瞌睡外欄

猴欲相見如何師下繩牀執仰山手作舞云猩猩與

汝相見了譬如蟻與蟲在蚊子眼睫上作窠向十字

街頭叫喚云土曠人稀相逢者少依傳燈添入  
蟻與蟲一段

雲居錫云中邑當時不得仰山這一句語何處有

中邑也 崇壽稠云還有人定得此道理麼若定

不得只是箇弄精魂脚手佛性義在甚麼處 玄

覺云若不是仰山爭得見中邑且道甚麼處是仰  
山得見中邑處 佛鑑勸云仰山放憨中邑賣峭  
峭措賣來憨癡憨放來峭措雖然彌猴睡著其  
奈肚裏惺惺直饒杜絕六聰惺惺何處不見諸人  
要見二老請訛麼各各面皮厚三寸 信相顯云  
諸人要見二老麼我也與你說箇譬喻中邑大似  
箇金師仰山將一塊金來使金師酬價金師亦盡  
價相酬臨成交易賣金底更與貼秤金師雖然聞  
喜心中未免偷疑何故若非細作定是賊賊  
南堂靜頌云仰山撥草瞻風中邑拖泥帶水彌猴  
獨任室中俯仰低頭側耳六聰齊喚齊應仰山頓  
悟作禮拜狐疑未盡猶恐彌猴打睡中邑把定  
惺惺相見是我是你 天童覺云凍眠雪屋歲摧  
額窈窕羅門夜不開寒槁園林看變態春風吹起  
律箇灰

雪峯存禪師一日見彌猴乃指云這彌猴各各佩一  
面古鏡三聖問云歷劫無名何以彰爲古鏡師云瑕  
生也聖云一千五百人善知識話頭也不識師云老

僧住持事繁

雪竇顯云好與二十棒一棒也少不得直是罕遇  
其人這棒放過也好免見將錯就錯 天童覺云  
當時若見雪峯道瑕生也但近前云諾諾且道何  
故如此爭之不足讓之有餘

保寧勇頌云堪笑山翁不識羞爲他頭上更安頭  
巖前跳躑無尋處一片殘霞曉未取 祖印明云  
大地爲爐冶何年鼓鑄功圓同諸佛面高鑑十方  
空 白楊順云鑑覺未萌全體現纔分鑑照便成  
瑕要知瑩徹圓明處長短青黃總不差

龍牙遁禪師僧問二鼠侵藤時如何師云須有隱身  
處始得云如何是隱身處師云還見農家麼

丹霞淳頌云寒月依依上遠峰平湖萬頃練光封  
漁歌驚起汀洲鷺飛出蘆花不見蹤

洛浦安禪師僧問一毫吞盡巨海於中更復何言師  
云家有白澤之圖必無如是之恠

保福展別云家無白澤之圖必無如是之恠

丹霞淳頌云巖前雖有雲千頃戶內殊無半夜燈

極目危巒今古秀暮天斜照碧層層

保壽沼禪師問僧甚麼處來云西山來師云見獼猴麼云見師云作甚麼伎倆云見某甲一箇伎倆也作不得師乃打之

古德頌云舊人相見話中心借問西山路境深對衆直言呈伎倆紅爐煅煉要真金

玄沙備禪師因參次聞鸞子聲乃云深談實相善說法要便下座尋後有僧請益云某甲不會師云去無人信汝

東林頌召大衆云玄沙恁麼道不是苦心人不知

古德頌云紫鸞飛來遶畫梁深談實相響琅琅千

言萬語無人會又逐流鶯過短檐

雲門問僧江西湖南還聞長觜鳥說禪麼僧云不聞

師拈拄杖云禪

古德云鴉鳴鴉鵲鳴天然自會不從人學跛脚

阿師放過一著拈起拄杖口邊吹哨哨猶勝鷓鴣

啼三月提壺沽美酒杜鵑相勉不如歸

投子溫禪師與僧遊山次僧見蟬殼遂問殼在這裏

蟬向甚麼處去師拈蟬殼就其耳畔搖三五下作蟬

鳴聲其僧有省或作同禪師

南堂靜頌云輕薄寒蟬殼枯乾敗葉形拈來臨耳

畔連噪兩三聲

興陽剎禪師僧問娑竭出海乾坤靜觀面相呈事若何師云妙翅鳥王當宇宙箇中誰是出頭人云忽遇出頭時又作麼生師云似鵝捉鳩君不覺御樓前驗始知真云恁麼則叉手當曾退身三步師云須彌座下烏龜子莫待重教點額痕

天童覺頌云絲綸降號令分寰中天子塞外將軍

不待雷驚出蟄那知風過行雲機底聯綿兮自有

金針玉線印前恢廓兮元無鳥篆蟲文

投子青禪師云若論此事如鸞鳳冲霄不留其跡玲

羊掛角那覓其蹤金龍不守於寒潭玉兔豈棲於蟾

影其或主賓若立須威音路外搖頭問答言陳乃玄

路傍提爲唱若能如是猶在半途更若凝眸不勞相

見

丹霞淳頌云水澄月滿道人愁妙盡無依類莫收

劫外正偏兼到路不萌枝上辨春秋

雲居舜禪師僧問承師有言不談玄不說妙去此二途如何指示師云蝦蟇趕鷄子云全因此問師云老鼠弄猴獼

天衣懷禪師示衆云鴈過長空影沈寒水鴈無遺蹤之意水無沈影之心若能如是方解向異類中行不用續鳧截鶴夷嶽盈壑放行也百醜千拙收來也攀攀拳拳用之則敢與君王鬪富不用都來不直半分錢參

古德頌云寒鴻高貼冷雲飛影落寒江不自知江水無情鴈無意行於異類亦如斯

正堂辯禪師室中問僧蚯蚓爲甚麼化爲百合乃自頌云住山身已老世事任乖張年來無侍者客到自燒香

隱靜岑頌云客舍并州已十霜歸心日夜憶咸陽無端更渡桑乾水却望并州是故鄉

禪林類聚卷第二十終



卷之四  
 四  
 五  
 六  
 七  
 八  
 九  
 十  
 十一  
 十二  
 十三  
 十四  
 十五  
 十六  
 十七  
 十八  
 十九  
 二十  
 二十一  
 二十二  
 二十三  
 二十四  
 二十五  
 二十六  
 二十七  
 二十八  
 二十九  
 三十  
 三十一  
 三十二  
 三十三  
 三十四  
 三十五  
 三十六  
 三十七  
 三十八  
 三十九  
 四十  
 四十一  
 四十二  
 四十三  
 四十四  
 四十五  
 四十六  
 四十七  
 四十八  
 四十九  
 五十  
 五十一  
 五十二  
 五十三  
 五十四  
 五十五  
 五十六  
 五十七  
 五十八  
 五十九  
 六十  
 六十一  
 六十二  
 六十三  
 六十四  
 六十五  
 六十六  
 六十七  
 六十八  
 六十九  
 七十  
 七十一  
 七十二  
 七十三  
 七十四  
 七十五  
 七十六  
 七十七  
 七十八  
 七十九  
 八十  
 八十一  
 八十二  
 八十三  
 八十四  
 八十五  
 八十六  
 八十七  
 八十八  
 八十九  
 九十  
 九十一  
 九十二  
 九十三  
 九十四  
 九十五  
 九十六  
 九十七  
 九十八  
 九十九  
 一百

# 宗門統要續集

宋・宗永  
元・清茂  
續集



宗門統要續集目錄

卷首

序文 三篇

卷一

釋迦文佛

卷二

西竺應化聖賢

西土祖師

震旦六祖

卷三

牛頭山法融禪師

潤州鶴林素禪師

徑山國一欽禪師

袁州道明禪師

嵩山破竈墮和尚

終南山惟政禪師

婺州玄策禪師

西京惠忠國師

佛陀波利尊者

耶舍尊者

宣州玄挺禪師

舒州崇慧禪師

杭州烏窠禪師

嵩山慧安國師

嵩山峻極禪師

溫州真覺大師

洛京神會禪師

吉州真應禪師

秦跋陀禪師

波羅提尊者

寶誌公和尚

天台智者大師

天台豐干禪師

天台拾得

先淨照禪師

公期和尚

錢塘鎮使

大宋太宗皇帝

卷四

南嶽懷讓禪師

南嶽慧思和尚

明州布袋和尚

寒山子

婺州善慧大士

無著和尚

蟾首座

洪州太守許式

亡名古宿

未詳不錄

江西道一禪師

池州南泉禪師

明州法常禪師

京兆懷惲禪師

婺州靈默禪師

虔州智藏禪師

百丈大智禪師

卷五

越州慧海禪師

池州智堅禪師

撫州慧藏禪師

廬山智常禪師

杭州齊安國師

幽州寶積禪師

麻谷寶徹禪師

紫玉山道遠禪師

信州大義禪師

澧州道行禪師

袁州道明禪師

支那

宗門統要續集目錄

一

扶二

支那

宗門統要續集目錄

二

扶二

鼎州洪恩禪師

佛光如滿禪師

三角山總印禪師

池州寶雲禪師

伏牛山自在禪師

金陵太毓禪師

潭州如會禪師

袁州甄叔禪師

汾州大達國師

五臺山隱峯禪師

磁州神藏禪師

定州明哲禪師

京兆惟寬禪師

潭州龍山和尚

鄂州無等禪師

洪州惟政禪師

京兆草堂和尚

南嶽西園藏禪師

潭州秀谿和尚

鄂州大陽伊禪師

支那

示門統要錄集目錄

三

扶二

鎮州金牛和尚

江西北蘭讓禪師

韶州乳源和尚

筠州逍遙和尚

洪州水潦和尚

洪州西山亮座主

齊峯和尚

古寺和尚

烏曰和尚

石曰和尚

松山和尚

本溪和尚

石林和尚

浮盃和尚

洞安和尚

百靈和尚

濛谿和尚

則首座

襄州龐蘊居士

卷六

趙州從諗禪師

衢州利蹤禪師

鄂州茱萸禪師

荊州曇照禪師

長沙景岑禪師

終南師祖禪師

日子和尚

陸亘大夫

池州甘贄行者

福州靈訓禪師

漢南高亭和尚

金州操禪師

鼎州古堤和尚

鎮州普化和尚

壽州良遂座主

虔州處微禪師

五臺祝庵巖和尚

湖南祇林和尚

支那

示門統要錄集目錄

四

扶二

卷七

潭州靈祐禪師

洪州希運禪師

廣州和安通禪師

清田和尚

大子和尚

杭州震中禪師

天台普岸禪師

卷八

楊州慧覺禪師

太原孚上座

婺州新建禪師

日谷遠禪師

紫桐和尚

石櫟和尚

筠州末山尼了然

婺州俱胝和尚



襄州道吾和尚

袁州慧寂禪師

鄧州智閑禪師

杭州洪諲禪師

福州大安禪師

福州雙峯和尚

福州志勤禪師

福州慈慧禪師

晉州佛景通禪師

滁州神英禪師

元康和尚

京兆米和尚

襄州王敬初常侍

卷九

睦州龍興陳尊宿

鎮州義玄禪師

福州靈觀禪師

卷十

洪州米嶺和尚

益州法真禪師

韶州知聖敏禪師

鄭十三娘

福州雙峯古禪師

睦州陳操尚書

鎮州保壽沼禪師

鎮州慧然禪師

魏府大覺和尚

魏府存獎禪師

鄂州灌谿閑禪師

幽州譚空和尚

定州善崔禪師

鎮州萬壽和尚

桐峯庵主

虎谿庵主

襄州歷村和尚

雲山和尚

覆盆菴主

杉洋和尚

定上座

巖上座

卷十一

吉州如寶禪師

鴿湖和尚

郢州慧情禪師

汝州思明禪師

鎮州第二世保壽和尚

鎮州大悲和尚

廬州旻德禪師

廬州大覺和尚

汝州寶應顯禪師

太行山克賓禪師

守廊侍者

際上座

郢州清讓禪師

郢州歸靜禪師

汝州省沼禪師

汝州廣慧真禪師

汝州延念禪師

隋州智門罕禪師

汝州仁王評禪師

并州三交嵩禪師

潭州神鼎煙禪師

襄州蘊聰禪師

汝州葉縣省禪師

汾州善昭禪師

楊億侍郎

都尉李文和公

蘄州曉愚禪師

湖州天聖泰禪師

舒州齊舉禪師

舒州瑯琊覺禪師

潭州楚圓禪師

袁州楊歧會禪師

洪州可眞禪師

洪州黃龍南禪師

卷十二

吉州行思禪師

南嶽希遷禪師

澧州惟儼禪師

荊州道悟禪師

鄧州天然禪師

潭州長髭曠禪師

潭州大川禪師

潮州大顛和尚

卷十三

汾州石樓和尚

澧州大同濟禪師

丁行者

潭州道吾智禪師

潭州曇晟禪師

秀州德誠禪師

高麗續集

七

扶二

宣州慧省禪師

藥山高沙彌

朗州刺史李翱

澧州崇信禪師

京兆無學禪師

吉州性空禪師

米倉和尚

潭州善道禪師

僊天和尚

漳州義忠禪師

馬頰山本空和尚

本生和尚

韓愈文公

卷十四

潭州普會禪師

潭州仲興禪師

祿青和尚

筠州良价禪師

宗門統要續集

八

扶二

潭州僧密禪師

幽谿和尚

澧州善會禪師

鼎州宣鑒禪師

洪州寶峯和尚

舒州大同禪師

湖州如訥禪師

棗山光仁禪師

卷十五

筠州道虔禪師

河中僧一禪師

台州景欣禪師

潭州志安禪師

福州覆船山荐禪師

鳳翔府石柱禪師

撫州耽章禪師

洪州道膺禪師

潭州居遁禪師

襄州洞山三世師虔禪師

撫州疎山仁禪師

澧州文遠禪師

京兆休靜禪師

台州道幽禪師

高安本仁禪師

益州北院通禪師

越州乾峯和尚

洛京遁儒禪師

明州咸啓禪師

卷十六

澧州元安禪師

撫州月輪禪師

洛京寰普禪師

福州義存禪師

鄂州全齋禪師

泉州瓦棺和尚

襄州高亭簡禪師

卷十七

洪州常察禪師

吉州澄源殷禪師

撫州從志禪師

處州廣利容禪師

襄州處真禪師

杭州佛日和尚

洪州同安丕禪師

洪州懷嶽禪師

歙州朱谿謙禪師

池州嵇山章禪師

潭州報慈藏嶼禪師

襄州審哲禪師

襄州獻蘊禪師

筠州黃檗慧禪師

隨州守澄禪師

鳳翔傳楚禪師

文部  
撰述

宗門統要續集目錄

九

扶二

郢州桐泉和尚

袁州善道禪師

福州師備禪師

福州慧稜禪師

卷十八

福州弘瑫大師

漳州從展禪師

韶州文偃禪師

福州玄通禪師

杭州道忞禪師

福州皎然禪師

福州神晏禪師

明州今叅禪師

越州可休禪師

福州道閑禪師

台州師彥禪師

卷十九

漳州桂琛禪師

福州慧球禪師

泉州法因禪師

福州光雲禪師

婺州寶資禪師

新羅龜山和尚

泉州王延彬太尉

福州彥端禪師

泉州省澄禪師

漳州道熙禪師

韶州子祥禪師

岳州顯鑑禪師

隨州師寬禪師

襄州守初禪師

韶州竟欽禪師

蘄州悟空寂禪師

深明二上座

益州澄遠禪師

漳州清豁禪師

婺州德謙禪師

文部  
撰述

宗門統要續集目錄

十一

扶二

西川慧禪師

鄂州海機禪師

卷二十

鼎州緣觀禪師

金陵法眼益禪師

襄州洪進山主

撫州紹修山主

金陵休復禪師

連州寶華和尚

韶州月華和尚

靈徹散聖

蘄王五祖戒禪師

蓮華峯祥菴主

東樹第二世和尚

嘉州黑水和尚

郢州警玄禪師

天台德韶國師

金陵法燈欽禪師

金陵玄則禪師

金陵玄覺遂導師

相州從漪禪師

潭州智賢禪師

筠州曉聰禪師

明州明覺顯禪師

惠州如禪師

杭州永明壽禪師

溫州僊巖安禪師

洪州雲居齊禪師

卷二十一

桂州齊曉禪師

舒州白雲端禪師

金陵仁勇禪師

潭州慕喆禪師

吉州龍慶閑禪師

洪州黃龍心禪師

洪州真淨文禪師

洪州泐潭來禪師

支那

宗門統要續集

十二

扶二

瑞州黃檗勝禪師

江州東林總禪師

吉州德普禪師

黃檗積翠永菴主

蘄州五祖演禪師

潭州智本禪師

提刑邵祥正

湖州上方益禪師

郢州壽勝淵禪師

洪州日餘禪師

洪州景祥禪師

黃龍死心新禪師

泐潭草堂清禪師

澧州夾山純禪師

太史黃庭堅

洪州湛堂準禪師

洪州兜率悅禪師

東州法雲果禪師

蘇州普鑑禪師

瑞州希廣禪師

筠州淨覺禪師

南嶽齊添禪師

泉州慧明雲禪師

江州開光映禪師

東坡居士

泉州有朋講師

南康系南禪師

南嶽有達禪師

彬州念禪師

襄州靜顯禪師

叅政蘇轍

成都昭覺勤禪師

金陵佛鑑禪師

舒州佛眼遠禪師

彭州南堂靜禪師

潭州道寧禪師

漢州宗泰禪師

蘄州表自禪師

嘉州九真素禪師

元禮首座

支那

宗門統要續集

十二

扶二

法闕上座

潭州自賢禪師

俞道婆

建寧慧素禪師

東京繼成禪師

秀州性空菴主

福州慧空禪師

東京天寧卓禪師

洪州天遊禪師

洪州法清禪師

越州慈氏仙禪師

明州天童交禪師

江州圓通長禪師

明州知和菴主

溫州了威禪師

卷二十二

杭州大慧杲禪師

蘇州虎丘隆禪師



金陵華藏民禪師	台州北菴元禪師
杭州聘堂遠禪師	眉州祖覺禪師
蘇州曇玩禪師	蘇州元淨禪師
侍郎李彌遜	覺菴道人
湖州佛燈珣禪師	鼎州文殊心禪師
潭州龍牙才禪師	福州竹菴珪禪師
杭州智策禪師	成都金繩文禪師
樞密吳居厚	中丞廬航
楊州石塔禮禪師	福州鼎需禪師
泉州彌光禪師	明州佛照光禪師

法苑珠林  
卷一百一十五  
三  
扶二

江州止菴顏禪師	福州思岳禪師
建寧宗元菴主	蘇州妙總禪師
無垢居士	明州曇華禪師
杭州別峯印禪師	潤州師體禪師
內翰曾開	知府葛剡志
杭州師一禪師	澧州仲安禪師
福州慧光禪師	荆門玉泉璉禪師
明州密菴傑禪師	杭州崇岳禪師
東京道楷禪師	真州惟素禪師
杭州戒弼禪師	金陵法泉禪師

明州淡交禪師	建州崇梵餘禪師
江州慧通禪師	東京圓照本禪師
東京法秀禪師	真州應天禪師
杭州佛日才禪師	北京重元禪師
台州子鴻禪師	江州智遷禪師
舒州三祖會禪師	越州元善禪師
無爲軍因禪師	侍郎楊傑
東京枯木成禪師	東京善本禪師
舒州修顒禪師	潤州善寧禪師
蘇州遵式禪師	金陵子英禪師

法苑珠林  
卷一百一十六  
十四  
扶二

真州宗贍禪師	潭州法思禪師
澧州自齡禪師	明州曇振禪師
真州真歇了禪師	明州宏智覺禪師

宗門統要續集目錄

宗門統要續集



宗門統要續集序

徑山興聖萬壽禪寺住持沙門希陵撰

靈鷲拈華之旨獨付飲光少林得髓之傳惟稱可祖  
西竺聖師授受同印乎一心東土宗派流分各顯其  
大用不歷漸階之次直躋聖地之歸自五葉傳芳于  
燈續燄正灑眼流通於震旦盛矣哉其有機緣啓投  
鍼之契問答湊激電之馳傳燈諸錄載之詳備統要  
收亦綸貫耳是以古林禪師以透古今眼具通變機  
采後來提唱宗師續前代統要玄旨執金錚而刮眾  
膜握寶劍而斷羣疑若不顯龍驤虎驟之機安知有

文冊

宗門統要續集序

一

扶二

玉振金聲之作蓋紀實以傳信非潤色之虛文也延  
祐庚申謹序

重開宗門統要序

龍圖閣直學士左朝請郎提舉江州太平

觀耿延禧撰

大寶積經云如來所演八萬四千灑藏聲教皆名爲  
文離諸一切言音文字理不可說是名爲義又云若  
諸經中文句廣博能令眾生心意踊躍名不了義若  
有宣說文句及心皆同夾燼是名了義大涅槃經云  
若人聞說大涅槃一字一句不作字相不作句相不  
作聞相不作佛相不作說相如是義者名無相相以  
是觀之諸佛以無說說其來久矣達磨西來重爲拈

文冊

重開宗門統要序

二

扶二

出爲其拘滯於教相也則曰教外別傳不立文字爲  
其委曲於情解也則曰直指人心見性成佛是故答  
第一義諦曰廓然無聖則憐其不契而渡江慧可再  
拜依位而立則以爲得髓而傳法是豈與諸佛有異  
耶蓋所謂當機觀面提觀面當機疾如火電光擬  
議卽差念起情生斯爲關鎖耳故余嘗論之如來老  
婆心切乃曰正法眼藏分付摩訶迦葉臨濟丈夫氣  
槩乃曰正法眼藏向這瞎驢邊滅卻却是二老子同曲  
異調若聞余是說言語及心皆同夾燼不作一字一  
句及諸名相則如來禪祖師禪度幾意領而神解乎

宗門統要晉以西竺諸佛繼以東震諸祖及前世宗匠所以指導後學與後世作家所以抉剔前人者合爲一書皆出乎文字而直指人心學者不可不家有而日見之豫章李氏鏤板以傳兵火之餘既已燬滅莆陽天寧長老慧澤既傳心宗復明教意知如來祖師禪等無有異乃命刊行以垂久遠求余爲序以冠篇首曾僧問巴陵祖意教意是同是別陵云鷄寒上樹鼻寒下水又問三乘十二分教則不疑如何是宗門中事師云不是衲僧分上事如何是衲僧分上事曰貪觀白浪失卻手橈若知此者則三世諸佛無所

支那史

重刊宗統要序

三

扶二

說歷代祖師未嘗傳統要徒集葛藤居士戲加序引可付之一笑而已矣

紹興三年二月 日序

續集宗門統要序

前集賢待制承事郎馮子振撰

建谿沙門永沸鼎松聲濃茶粥面髮鬚淨剗肘睫俱醒遂取佛祖單鉢餘馨牽連鼻孔淡燈冷燄撥剔眉豪追惟南嶽讓青原思從上的傳析之二派楊岐會上始馬祖一傳十一世爲南嶽宗授子青而上始石頭遷傳一十世爲青原宗既次第其人復次第其語號其書曰宗門統要膏髓直指皮膚破除兩葉流根蔭雲羃砌一策一警一磬一磴一築政使投餅試水舌全吞沒可把之漚拂盪揚湯芻自雋不能言之味元

支那史

續集宗門統要序

四

扶二

符之筆已絕墜緒之踵漸移元運天開梵田日闢競尊慈氏之教孰訣正途之歧乃有古林茂和尚價重巖泉名誼宇宙親逢昭代垂億萬禩之昌辰徑補禪宗餘二百年之罅譜楊岐黃龍下起白雲端保寧勇隆慶間真淨文晦堂心達松源嶽制翁琰心聞貴又七世而止授子天衣下起芙蓉楷圖獎本達石窓恭靈隱允又四世而止南嶽下十二世接建十八世總二百八十六人見錄機緣二百一十二則青原下一世接建十四世總一百二十人見錄機緣四十七則爲宗門統要續集示衲子坦途開人天正眼可謂

星分次舍澄霄縣璀璨之珠璣春滿園池徧界現芬芳之葩萼綱一提而萬目之羅大展領一挈而千腋之裘畢舒此岸舟來焉用隔江喚渡別峯塔立何消聚土合尖華笑浪拈竹鳴休擊然而蒞蒞業識種種情塵蠅解冥鑽蟬能旁蠹鍼磁罔具溟波迷犯斗之津鍬鍤徒施沙穴失藏珍之所忍紛然其奇亂將持此以安歸向非古林豎硬脊梁亞摩醯眼施膽力於威音色相之上首澡肝膈於飲光頂顫之最初安得第一義諦舌本放六合瀾翻不二法門脚跟勦諸方露布學人於此摩尼炳耀臺鏡互融靜定中句意亭

技棚

續集前集序

五

扶二

亭卜度外話頭了了作家鑪鞴入煅鍊者粒粒精金舊宅宮商依促拍者泠泠雅操豈比紗窻映月影彌卽而跡彌疎布鼓認雷音逾侶而鳬逾遠鑄逢區冶劍凜然鋒鏃遇者婆艸渾是藥海粟居士早慙鑿脫晚悟參尋馮長老斜日夢回記久別光明之洞永嘉師一宿驚覺尚相忘證衛之歌稽首宗乘書心序引

宗門統要續集卷第一

宋建康沙門宗永集

元建康保寧禪寺住持沙門清茂續集

大覺世尊釋迦文佛

世尊纔生下一手指天一手指地周行七步目顧四方云天上天下唯我獨尊

雲門偃云我當時若見一棒打殺與狗子喫貴圖天下太平 雪竇顯云便與掀倒禪牀 法眼益云雲門氣勢甚大要且無佛法道理時有老宿代云將謂無人證明 雪竇云鉤在不疑之地 瑯

技棚

宗門統要續集卷一

六

扶二

瑯覺云雲門可謂將此深心奉塵刹是則名爲報佛恩 雲峯悅云雲門雖有定亂之謀且無出身之路

續法昌遇云好一棒太遲生未離兜率脚跟下好與一錐豈到今日雖然如是也是賊過後張弓 天童華云雲門此話雖行未免落他陷穽黃面老子未上賣峭正是依草附木二俱不了以左手拍禪牀云過這邊著汝諸人還知明果落處麼珊瑚枕上兩行淚半是思君半恨君

世尊在靈山會上拈華示衆是時衆皆默然唯迦葉



尊者破顏微笑世尊云吾有正法眼藏涅槃妙心實相無相微妙法門不立文字教外別傳付囑摩訶迦葉

白雲端云迦葉善觀風雲別氣色雖然如是還覺頂門重麼黃龍心云直下穿過髑髏已是換却眼睛臨危不在悚人向甚處見釋迦老子

續雲峯悅因僧問靈山拈華意旨如何答云一言既出駟馬難追問迦葉微笑意旨如何答云口是禍門

世尊一日至多子塔前命摩訶迦葉分座令坐以僧

毘耶

宗門統要續集卷一

七

扶二

伽梨園之遂告云吾有正法眼藏密付於汝汝當護持傳付將來無令斷絕

世尊於涅槃會上以手摩闍告衆云汝等善觀吾紫磨金色之身瞻仰取足勿令後悔若謂吾滅度非吾弟子若謂吾不滅度亦非吾弟子時百萬億衆悉皆契悟

雲峯悅云然則膏肓之門不足以發藥雲峯今日且作死馬醫爾等諸人皮下有血麼

續東禪觀云其時衆中有箇作者纔見以手摩闍便出約住云瞿曇你者醜舉止休拈出也他若知

非決定緘口免見百萬億衆墮邪倒見

世尊般涅槃日迦葉尊者最後而至世尊乃於樹中露雙趺示之迦葉作禮請如來以三昧火而自闍維卽時金棺從七寶牀升舉繞拘尸羅城七市却還本處化火光三昧而自焚之

世尊一日陞座大衆集定文殊白椎云諦觀法王法法王法如是世尊便下座

芭蕉徹云忙忙者市地普天

世尊一日陞座大衆集定迦葉白椎云世尊說法竟世尊便下座

毘耶

宗門統要續集卷一

八

扶二

芭蕉徹云兩箇漢大似無孔笛遇著還拍板

世尊一日陞座默然而坐阿難白椎云請世尊說法世尊云會中有二比丘犯律行我故不說法阿難以他心通觀是比丘遂乃遣出世尊還復默然阿難又白適來爲二比丘犯律是二比丘已遣出世尊何不說法世尊云吾誓不爲二乘聲聞人說法便下座

續南堂靜云前箭猶輕後箭深

世尊九十日在忉利天爲母說法及辭天界下時四衆八部俱往空界迎有蓮華色比丘尼作念云我是尼身必居大僧後見佛不如用神力變作轉輪聖王

千子圍繞最初見佛果滿其願世尊纔見乃訶云蓮華色比丘尼汝何得越大僧見吾汝雖見吾色身且不見吾法身須菩提嚴中宴坐却見吾法身

薦福懷云蓮華色比丘尼被熱謾且致還知瞿曇老人性命在別人手裏麼

世尊因文殊至諸佛集處值諸佛各還本處唯有一女人近彼佛坐入於三昧文殊乃白佛云何此女人得近佛坐而我不得佛告文殊汝但覺此女令從三昧起汝自問之文殊繞女人三匝鳴指一下乃托至梵天盡其神力而不能出世尊云假使百千文殊亦

文殊

宗門統要續集卷一

九

扶二

出此女人定不得下方過四十二恒河沙國土有闍明菩薩能出此女人定須與闍明大士從地涌出作禮世尊世尊勅闍明出闍明却至女人前鳴指一下女子於是從定而出

翠巖芝云僧投寺裏宿賊打不防家 五雲逢云不唯文殊不能出此定但恐如來也出此定不得祇如教意怎生體解

世尊在尼拘律樹下坐次因二商人問世尊還見車過不世尊云不見商人云還聞不世尊云不聞商人云莫禪定不世尊云不禪定商人云莫睡眠不世尊

云不睡眠商人乃歎言善哉善哉世尊覺而不見遂磨白毳兩段

世尊因波斯匿王問勝義諦中有世俗諦不若言無智不應二若言有智不應一一二之義其義云何佛云大王汝於過去龍光佛法中曾問此義我今無說汝今無聞無說無聞是名一義二義

翠巖真云波斯匿王善問不善答世尊善答不善問一人理上偏枯一人事上偏枯翠巖當時若見點一把火照着黃面老面皮厚多少

續薦福懷云諸仁者大王分明問世尊分明答

文殊

宗門統要續集卷一

十

扶二

主歷然作麼生說箇無說無聞底道理

世尊因見文殊在門外立乃云文殊文殊何不入門來文殊云我不見一法在門外何以教我入門

報慈遂徵云爲復是門外語門內語 瀉山詰代云吾不如汝

續黃龍新云文殊恁麼道入得門入不得門若入得門冰消瓦解

世尊一日坐次見二人昇緒過乃問這箇是甚麼人云佛具一切智豬子也不識世尊云也須問過大陽玄云不因世尊問洎乎忘却



續地藏恩云瞿曇老漢也是無端大似節目上更生節目忽被二人呵呵大笑昇豬便行一場懺懺世尊因有異學問諸法是常耶世尊不對又問諸法是无常耶亦不對異學云世尊具一切智何不對我世尊云汝之所問皆爲戲論

世尊一日示隨色摩尼珠問五方天王此珠而作何色時五方天王互說異色世尊復藏珠入袖却擡手云此珠作何色天王云佛手中無珠何處有色世尊歎云汝何迷倒之甚吾將世珠示之便各強說有青黃赤白吾將真珠示之便總不知時五方天王悉皆

### 悟道

世尊因乾闥婆王獻樂其時山河大地盡作琴聲迦葉起作舞王問迦葉豈不是阿羅漢諸漏已盡何更有餘習佛云實無餘習莫謗法也王又撫琴三遍迦葉亦三度作舞王云迦葉作舞豈不是佛云實不曾作舞王云世尊何得妄語佛云不是妄語汝撫琴山河大地木石盡作琴聲豈不是王云是佛云迦葉亦復如是所以實不曾作舞王乃信受

修山王問澄源禪師乾闥婆王奏樂直得須彌峇峇海水騰波迦葉作舞作麼生會源云迦葉過去

文耶  
撰述

宗門統要續集卷二

十二

扶二

世曾作樂人來習氣未除修云須彌峇峇海水騰波又作麼生澄源休去 法眼代云正是習氣

世尊因外道問昨日說何法世尊云說定法外道云今日說何法世尊云不定法外道云昨日說定法今日何說不定法世尊云昨日定今日不定

五祖戒云何得將別人物作自己用 瀉山詰云世尊大似看樓打樓大瀉卽不然待問昨日說定今日何說不定但云非汝境界

續薦福懷云黃面老子被外道拶著出自偶然雖然如此邪正未分若人辯得許你頂門具眼

文耶  
撰述

宗門統要續集卷一

十二

扶二

世尊因五通僊人問世尊有六通我有五通如何是那一通佛召五通僊人五通應諾佛云那一通你問我

雪竇顯云老胡元不知有那一通却因邪打正

瑯琊覺云世尊不知可謂因正而打邪五通因邪而打正 翠巖芝云五通如是問世尊如是答要且不會那一通 雲峯悅云大小瞿曇被外道勘破了有傍不肯底麼出來我要問你作麼生是那一通 雲蓋本云世尊如是召五通如是應作麼生是那一通良久云姪女已歸霄漢去獸郎猶向

火邊樓

世尊因普眼菩薩欲見普賢不能得見乃至三度入定徧觀三千大千世界覓普賢不能得見而來白佛云汝但於靜三昧中起一念便見普賢普眼於是纔起一念便見普賢向空中乘六牙白象

雲居舜云諸仁者且作麼生雲居道普眼推倒

世尊世尊推倒普眼你道普賢在甚處

世尊因自恣曰文殊三處過夏迦葉欲白椎擯出纔拈椎乃見百千萬億文殊迦葉盡其神力椎不能舉世尊遂問迦葉汝欲擯那箇文殊迦葉無對

文殊

宗門統要續集卷一

十三

扶二

續昭覺勤云可惜放過一著待釋迦老子道你欲擯那箇文殊便與一椎看他作麼合殺 雲居元

云一家有事百家忙

世尊因長爪梵志索論義預約云我義若墮我自斬首世尊云汝義以何爲宗志云我義以一切不受爲宗世尊云是見受不志拂袖而去行至中路乃省謂弟子云我當回去斬首謝世尊弟子云人天衆前幸當得勝何以斬首志云我寧於有智人前斬首不於無智人前得勝乃歎曰佛置我兩處貧門若我說是見我受是貧門處羸故衆人所共知第二貧門處細

我欲不受以少人知作是念已而白佛言世尊一切

不受是見亦不受佛語梵志汝不受一切法是見亦

不受則無所破與衆人無異何用貢高而生憍慢梵

志不能致答默自念言我負墮處世尊不彰我負不

言是非得大甚深法是最可恭敬卽於坐處得法眼

淨有本小異大同

世尊將諸聖衆往第六天說大集經勅他方此土人聞天上一切淨惡鬼神悉皆集會受佛付囑擁護正法設有不赴者四天王飛熱鐵輪追之令集既集會已無有不順佛勅者各發弘誓擁護正法唯有一

文殊

宗門統要續集卷一

十四

扶二

魔王謂世尊云瞿曇我待一切衆生成佛盡衆生界空無有衆生名字我乃發菩提心

薦福懷云臨危不變真大丈夫諸仁者作麼生著

得一轉語與黃面老子出氣尋常神通妙用智慧

辯才到此總用不著盡間浮大地人無不愛佛到

這裏何者是佛何者是魔還有人辯得麼良久云

欲得識魔麼開眼見明欲得識佛麼合眼見暗魔

之與佛以拄杖一時穿却鼻孔  
續南堂靜云當時我若作世尊卽向他道大衆魔王已發心竟應當如是住不然道汝喚什麼作衆

生擬開口與一鐵輪 徑山杲云天衣老漢恁麼  
批判直是奇特雖然如是未免話作兩橛若向何  
者是佛何者是魔處便休去不妨令人疑著却云  
欲識魔麼開眼見明欲識佛麼合眼見暗郎當不  
少又云魔之與佛以拄杖一時穿却鼻孔雪上加  
霜妙喜却與黃面老子代一轉語待這魔王道衆  
生界空無有衆生名字我乃發菩提心只向伊道  
幾乎錯喚你作魔王此語有兩負門若人檢點得  
出許伊具衲僧眼 東禪觀云怪哉淺草撥著一  
箇大蟲上門上戶齧人火急可惜當時放過性空

高僧集卷一

十五

扶二

若作世尊待魔王道衆生界空無有衆生名字我  
乃發菩提心只消道箇擔板漢非唯塞斷咽喉亦  
乃教伊轉動不得雖然如是相識滿天下知心能  
幾人

世尊與阿難行次見一古佛塔世尊便作禮阿難云  
此是什麼人塔世尊云此是過去諸佛塔阿難云過  
去諸佛是什麼人弟子佛云是吾弟子阿難云應當  
如是

德山密云過去是現在弟子實有此理

世尊因比丘問我於世尊法中見處卽有證處未是

宗門統要續集

世尊當何所示佛云比丘某甲當何所示是汝此問  
世尊成道後在迦多林中一樹下踟躕而坐有二商  
人以五百乘車經過林畔有二車牛不肯前進商人  
乃訝見之山神報言林中有聖人成道經逾四十九  
日未食汝當供養商人入林果見一人端然不動乃  
問云爲是梵王耶帝釋耶山神耶河神耶世尊微笑  
舉袈裟角示之商人頂禮遂陳供養

世尊因外道問不問有言不問無言世尊據坐外道  
讀歎云世尊大慈大悲開我迷雲令我得入乃作禮  
而去阿難尋白佛外道得何道理稱讚而去世尊云

文苑

宗門統要續集卷一

十六

扶二

如世良馬見鞭影而行

五祖戒云大小世尊被阿難一狀領過又出語云  
汝何所問 法眼益因百丈嘗請益敘語未終眼  
云住住汝擬向世尊良久處會那丈從此悟入

雪竇顯云邪正不分過猶鞭影又云諸禪德迷雲  
旣開決定見佛還許他同參也無若共相委知則  
天下宗師竝爲外道伴侶如各非印證則東土衲  
僧不如西天外道 翠巖芝云大小世尊被外道  
當面塗糊祇如外道云令我得入要且未夢見在  
旣不曾夢見爲什麼却悟去 瑯琊覺云依稀似



曲纓堪聽又被風吹別調中 翠巖真云六合九  
有緇黃青紫一一交參咸言良久據坐不對要且  
不是又舉諸家拈了復云於戲假如鴛子滿慈運  
智擒辭馳神作用何益之有 道吾真云世尊隻  
眼通三界外道雙眸貫五天 楊岐會云世尊輟  
已從人外道乃因齋慶讚 瀉山喆云外道懷藏  
寶鏡世尊親為高提直得森羅顯煥萬象歷然又  
得阿難金鐘再擊四眾共聞然雖如是大似二龍  
玩珠長他智者威寧  
續雲居齊云什麼處是外道悟處眾中道世尊良

撰述

宗門統要續集卷一

十一

扶二

久時便是舉鞭處恁麼會還得不 昭覺勤云外  
道因邪打正世尊看樓打樓阿難不善傍觀引得  
世尊拖泥帶水若據山僧見處待他問不問有言  
不問無言和聲便打及至阿難問外道有何所證  
亦和聲便打何故殺人須是殺人刀活人須是活  
人劍

世尊一日勅阿難食時將至汝當入城持鉢阿難應  
喏佛云汝既持鉢須依過去七佛儀式阿難便問如  
何是過去七佛儀式佛召阿難阿難應喏佛云持鉢  
去

世尊因耆婆善別音響至一塚間見五箇髑髏乃敲  
一髑髏問耆婆此生何處耆婆云生人道世尊又敲一  
云此生何處耆婆云生天道世尊又別敲一云此生何  
處耆婆罔知生處

世尊因黑爪梵志運神力以左右手擎合歡梧桐華  
兩株來供養佛召云仙人梵志應喏佛云放下著梵  
志遂放下左手一枝華於佛前佛又召仙人放下著  
梵志又放下右手一枝華佛又云仙人放下著梵志  
云世尊我今空身而住更教放下箇什麼佛云吾非  
教汝放捨其華汝當放捨外六塵內六根中六識一

撰述

宗門統要續集卷一

十一

扶二

時捨却無可捨處是汝免生死處梵志於言下悟無  
生忍有本小異大同  
世尊於靈山會上五百比丘得四禪定具五神通未  
得法忍以宿命智通各各自見過去殺父害母及諸  
重罪於自心內各各懷疑於甚深法不能證入於是  
文殊承佛神力遂手握利劍持逼如來世尊乃謂文  
殊曰住住不應作逆勿得害吾吾必被害為善被害  
文殊師利爾從本已來無有我人但以內心見有我  
人內心起時我必被害即名為害於是五百比丘自  
悟本心如夢如幻於夢幻中無有我人乃至能生所

生父母於是五百比丘同讚歎云文殊大智士深達法源底自手握利劍持逼如來身如劍佛亦爾一相無有二無相無所生是中云何殺

續天童傑云為人須爲切殺人須見血文殊費盡腕頭氣力要且不知此劍來處帶累釋迦老子通身是口也分疎不下五百比丘恁麼悟去入地獄如箭射忽若踏翻大海趯倒須彌雲門扇子踣踣上天築著帝釋鼻孔東海鯉魚打一棒雨似盆傾又作麼生商量良久云自從舞得三臺後拍拍元來總是歌

文殊

宗門統要續集卷一

十九

扶二

世尊因地布髮掩泥獻華於然燈然燈見布髮處遂約退衆乃指地云此一方地宜建梵刹時衆中有一賢于長者持標於指處插云建梵刹已竟時諸天散華讚云戾子有大智矣

世尊因七賢女遊屍陀林一女指屍謂諸姊云屍在這裏人向甚處去中有一姊云作麼作麼諸姊諦觀各各契悟感帝釋散華云唯願聖姊有何所須我當終身供給女云我家四事七珍悉皆具足惟要三般物一要無根樹子一株二要無陰陽地一片三要叫不響山谷一所帝釋云一切所須我悉有之若三般

物我實無得女云汝若無此爭解濟人帝釋遂同往白佛佛言憍尸迦我諸弟子大阿羅漢悉皆不解此義惟有諸大菩薩乃解此義

續黃龍心云樹子若無寧善給濟既要給濟心不虛發如今有求無根樹子將何祇對 寶峯文云大衆且道帝釋是會不會又道善說般若感我天宮又道無根樹子大衆且作麼生明得不孤負聖女若也不會不得孤負帝釋歸宗亦有箇無位真人憨憨癡癡跛跛挈挈且恁麼過時喝一喝世尊因調達謗佛生身入地獄遂令阿難傳問你在

文殊

宗門統要續集卷一

三

扶二

地獄中安不達云我雖在地獄如三禪天樂佛又令阿難傳問你還求出達云我待世尊來便出阿難云佛是三界大師豈有入地獄分達云佛既無入地獄分我豈有出地獄分

翠巖真云親言出親口

世尊因文殊起佛見法見被世尊威神攝向二鐵圍山

五雲逢云什麼處是二鐵圍山還會麼如今若有人起佛見法見五雲與真兩甌且道是賞伊是罰伊同教意不同教意



續白雲端云大衆世尊當時無大人相如今若有  
向承天這裏起佛見法見承天終不敢教動著他  
何謂如此但得雪消去自然春到來 五祖演云  
白雲則具大慈悲遂拍手云曼殊室利普賢大士  
不審今後更敢也無自云一度被蛇傷怕見斷井  
索

世尊臨入涅槃文殊大士請佛再轉法輪世尊咄云  
文殊吾四十九年住世未曾說一字汝請再轉法輪  
是吾曾轉法輪耶

續雪峯空云且道世尊從文殊請不從文殊請

支那

宗統要續卷一

二十一

扶二

昔城東有一老母與佛同生而不欲見佛每見佛來  
卽便回避雖然如此回顧東西總皆是佛遂以手掩  
面於十指掌中亦總是佛

雪竇顯云諸上座他雖是箇老婆宛有丈夫之作  
既知回避稍難不免吞聲飲氣如今不欲見佛卽  
許你切忌以手掩面何以明眼底覷著將謂雪竇  
門下教你學老婆禪

富樓那問佛清淨本然云何忽生山河大地

瑯琊因僧問乃厲聲云清淨本然云何忽生山河

大地僧有省 薦福信云先行不到末後太過

續五祖演云金屑雖貴落眼成翳 靈隱嶽云日  
長夜短諸人還猛省麼青天復青天打失髑髏前  
看看日又夜爭教人少年

殃崛摩羅因持鉢至一長者家其家婦人正值產難  
子母未分長者云瞿曇弟子汝爲至聖當有何法能  
免產難殃崛語長者云我乍入道未知此法待我回  
問世尊却來相報及返具事白佛佛告殃崛汝速去  
報言我自從賢聖劫來未曾殺生殃崛奉佛語卽往  
告之其婦得聞卽免產難

宗門統要續集卷第一

支那

宗統要續卷一

二十一

扶二

校謄

第五紙十三行區當第十四紙三行破智度第二  
十紙十六行被北作議第二十一紙十六行何以

音釋

序

鍼諸深切同正作鐔鏡邊鏤郎豆切鑿克蓋雋祖峻

同與針同玕迷切琰七罪切鑿玉光切鑿白魚磁乃挺切

引鐵石切鈇七宵切鑄測洽切膈古額切顙白魚顙乃挺切

跟古痕切勤子小切韜蒲拜切韜火幸囊也

集

煉息勇昇

羊諸切兩

岌岌

岌魚及切

鯨魚

切癡姪

陟嫁切姪

擗

尼耕切

概

其月切

瀉

與爲切

詰

切人者腕

烏貫切腕

趯

他歷切

踣跳

踣清沒切

覷

手切

覷

視也

刑部郎中金壇于玉立施貴刻此  
宗門統要續集第一卷 計字七千四百六十  
西簡該銀三兩八錢八分  
平胡釋在照對長洲徐普書當塗劉懋敷刻  
萬曆丁未春三月徑山寂照庵識

支那

宗門統要續集卷一

二十三

扶二

宗門統要續集卷第二

宋建谿沙門宗永集

元建康保寧禪寺住持沙門清茂續集

附西竺應化聖賢

維摩會上三十二菩薩各說不二法門至文殊云我  
於一切法無言無說無示無識離諸問答是爲菩薩  
入不二法門文殊又問維摩維摩默然文殊歎云乃  
至無有言語文字是菩薩真入不二法門說是入不  
二法門時於此衆中五千菩薩皆入不二法門得無  
生法忍

支那

宗門統要續集卷二

一

扶二

保福展云文殊也似掩耳偷鈴力盡烏江維摩一  
默未出化門又云大小維摩被文殊一坐直至如  
今起不得 雪竇顯云維摩道什麼復云勘破了  
也 瑯琊覺云文殊與麼讚善也是杓卜聽虛聲  
維摩默然你等諸人不得鑽龜打瓦  
續瀉山果云大衆居士門高可謂壁立萬仞水泄  
不通擬心則差動念則隔不擬不動落在無事界  
中諸人作麼生入良久云退後退後 大瀉智云  
不二法門是默然不是默然若是默然文殊則爲  
刺語若不是默然維摩一場虛設畢竟如何具眼

者辯

維摩因須菩提持鉢到乃取鉢滿盛香飯謂尊者云若能於法等者於食亦等乃至入諸邪見不到彼岸住於八難不得無難同於煩惱離清淨法汝得無諍三昧一切衆生亦得是定其施汝者不名福田供養汝者墮三惡道爲與衆魔同一手作諸勞侶汝與衆魔及諸塵勞等無有異於一切衆生而有怨心謗諸佛毀於法不入衆數終不滅度汝若如是乃可取食須菩提聞此茫然不知以何答置鉢欲去舍利弗因入城遙見月上女出城舍利弗心口思惟

文部

宗門統要續集卷二

二

扶三

此姊見佛不知得忍不得忍我當問之纔近便問什麼處去女云如舍利弗與麼去弗云我纔入城爾當出城云何言如舍利弗與麼去女云諸佛弟子當住何所弗云諸佛弟子依大涅槃而住女云諸佛弟子既依涅槃而住我如舍利弗與麼去

馮山喆云一人入城一人出城何言如舍利弗與麼去若人知得舍利弗月上女二人去處十二時中動轉施爲無非住諸佛大涅槃若也未知業識茫茫無本可據

續東禪觀云舍利弗依大涅槃而住坐在解脫深

坑月上女如舍利弗與麼去也是隨邪逐惡

無厭足王入大寂定乃勅有情無情皆順於王若有一物不順於王卽入大寂定不得

舍利弗問須菩提夢中說六波羅蜜與覺時是同是別須菩提云此義幽深吾不能說此會中有彌勒大士汝往彼問

雪竇顯云當時若不放過隨後與一劄誰名彌勒誰是彌勒者便見冰消瓦解

西竺有上首菩薩作一乞士入城乞食次時有比丘恒伽謂乞士云汝從何來答云我從真實中來又問

文部

宗門統要續集卷二

三

扶三

何謂真實答云寂滅故名真實又問寂滅相中有所求耶無所求耶答云無所求又問無所求者何用求耶答云無所求中吾欲求之又問無所求中何用求耶答云所有求者一切皆空得者亦空著者亦空實者亦空來者亦空語者亦空問者亦空寂滅涅槃一切虛空分界亦復皆空吾爲如是次第空法而求真實

障蔽魔王領諸眷屬一千年隨金剛齊菩薩覺起處不得忽因一日得見乃問云汝當依何住我一千年覓汝起處不得菩薩云我不依有住而住不依無住

而住如是而住

法眼益云障蔽魔王不見金剛齊即從只如金剛齊還見障蔽魔王麼

續徑山杲云既覓起處不得一千年隨從底是甚麼金剛齊云我不依有住而住不依無住而住如是而住互相熱瞞法眼道障蔽魔王不見金剛齊即且從只如金剛齊還見障蔽魔王麼怎麼批判也是看孔著楔即今莫有知妙喜起處底麼喝云寐語作麼 東禪嶽云富貴即易貧窮即難虛空無心墻壁有耳二老漢不得無過且道過在如何

宗門統要續集卷二

四

扶三

路從平處險人向靜中忙

緊那羅王奏無生樂供養佛乃勅有情無情俱隨王去若有一物不隨王去即去佛處不得善財童子參五十三員善知識末後到彌勒閣前見樓閣門閉善財暫時斂念云大慈大悲願樓閣門開令我得入尋時彌勒領諸眷屬至善財前彈指一下樓閣門開善財得入閣門便閉見百千萬億樓閣每一一樓閣內有一彌勒領諸眷屬并有一善財而在前立善財禮辭文殊文殊指往南方勝樂國妙高山謁德雲比丘及到彼山東南西北四維上下求覓經于七日乃見

宗門統要續集

德雲比丘却在別峯上徐步經行

文殊一日令善財採藥云是藥者採將來善財徧採無不是藥却來白云無不是藥者文殊云是藥者採將來善財乃拈一莖草度與文殊文殊提起示眾云此藥亦能殺人亦能活人

五祖戒出善財語云慙愧 首山念云文殊大似掩耳偷鈴 瑯琊覺云文殊可謂誠實之言要且密頭汗出口裏膠生 瀉山喆云善財能採文殊善用非但寢疾毗耶直饒盡大地人抱必死之疾到文殊所教他箇箇脫體而去何故解用不須霜

文殊

宗門統要續集卷二

五

扶三

刃劍延齡何必九還丹

續梁山遠云得之於心伊蘭作栴檀之樹失之於旨甘露乃蒺藜之園文殊當時與麼舉揚若不是善財同聲相應同氣相求未免一場懣懣還知二大老落處麼處處綠楊堪繫馬家家門首透長安 天童華云大小文殊被善財換却眼睛

文殊大士嘗謂善住意天子云汝今若能違背諸佛毀謗法僧吾即將同汝如是梵行天子云大士今何故復如是語大士云天子如汝意者以何為佛天子云大士如如法界我言是佛大士云天子於汝意云



何如如法界可染著乎天子云弗也天士云以是義故我如是說汝今若能背毀佛法僧吾將同汝如是梵行

利益菩薩白然燈佛我欲得阿耨菩提唯願世尊教示我今速成菩提佛言利益汝觀此法何者是法是汝所問

須菩提說法帝釋雨華須菩提乃問此華從天得耶從地得耶從人得耶帝釋皆云弗也須菩提云從何得耶帝釋舉手須菩提云如是如是

雲門偈云帝釋舉手處作麼生與你四大五蘊釋

一經

宗門經集卷二

六

扶三

迦老子是同是別

舍利弗問天女汝何不轉却女身女云我從十二年來求女人相了不可得當何所轉即時天女以神通力變舍利弗令如天女乃自化身如舍利弗而問云何不轉却女身舍利弗云我今不知何轉而變為女身

白雲端代云吾不如汝

須菩提巖中宴坐諸天雨華讚歎尊者云空中雨華讚歎復是何人云何讚歎天云我是梵天敬重尊者善說般若尊者云我於般若未曾說一字汝云何讚

歎天云如是尊者無說我乃無聞無說無聞是真說般若

雪竇顯云避喧求靜處世未有其方他在巖中宴坐也被這一隊漢塗糊伊更有這老漢把不住問空中雨華讚歎復是何人早見敗闕了也我重尊者善說般若惡水驀頭潑又云我於般若未曾說一字草裏走尊者無說我乃無聞識甚好惡總似這般底何處有今日復召大眾雪竇幸是無事人你來這裏覓箇什麼以拄杖一時趁下

毗目仙人執善財手善財即時自見其身往十方佛

一經

宗門經集卷二

七

扶三

刹微塵數諸佛所乃至經不可說不可說微塵數劫時仙人放手即自見身還在本處

昔有外道問一入定僧輪王衆生種非佛非羅漢不受後有身是什麼義僧便入定問彌勒彌勒為答了却出定語外道云譬如陶師埏埴成器

汾陽昭代云却勞尊者往復神用

天親菩薩從彌勒內宮下無著菩薩問經云人間四百年彼天為一晝夜彌勒一時中成就五百億天子證無生法忍未審說什麼法天親云祇說這箇法證是梵音清雅令人樂聞



薦福懷云彌勒已是錯說天親已是錯傳山僧今日將錯就錯與你諸人註破良久云諦聽諦聽問下文長付在來日

善住天子而白文殊可共俱往如來之所咨受未聞亦同此時如法問難文殊云爾莫分別取著如來天子云如來今在何所令我莫著文殊云祇在目前天子云若如是者我何不見文殊云爾若一切不見是各真見如來天子云若見在前云何戒我莫取著如來文殊云爾今見前何有天子云有虛空界文殊云如來者虛空界是故虛空界者即是如來此中無有

法華經

法華經疏卷三

八

扶三

一物可分別者

勝思惟梵天問不退轉天子云天子我常於此佛國土不曾見汝天子云梵天我不曾於此國土不曾見我

賓頭盧尊者因阿育王問承聞尊者親見佛來是不尊者以手策起眉毛良久云會麼王云不會者云阿耨達池龍王曾請佛齋吾是時亦預其數

五祖戒出王語云慙愧 翠巖真云且道什麼處見直饒雪天漂渺湖光澹蕩且莫說夢

續梁山遠云阿育王輕輕借問賓頭盧草草承常

法華經疏卷三

法華經

法華經疏卷三

九

扶三

子細檢點將來不勝漏逗且那裏是漏逗處國清才子貴家富小兒嬌 鴻山喆云無憂王飯三萬阿羅漢要且不識賓頭盧當時待他策起眉毛云會麼便與作禮非唯識賓頭盧亦乃同參古佛汾陽昭云却勞尊者 保寧勇代王云希有希有雲居元代王云當時驀面便唾 虎丘隆云賓頭盧得大機顯大用不謾親見佛來雖然賴阿育王放過若不放過洎合打失眉毛放過則且置尊者策起眉毛又作麼生還會麼當臺一鑑明如日萬古晴空絕是非 薦福行云大王七寶隨身尊

者天龍擁衛驀然狹路相逢彼此難爲回避且道其中事作麼生問浮接得真天子同踏毗盧頂上行

菴提遮女問文殊云明知生是不生之法爲什麼却被生死之所流轉文殊云其力未克

進山王問修山王明知生是不生之法爲什麼被生死之所流轉修云筍畢竟成竹去如今作篋使得麼進云汝向後自悟去在修云某甲所見祇如此上座意旨如何進云這箇是監院房那箇是典座房修乃禮謝

月氏國王聞罽賓國有一尊者名祇夜多有大名稱  
即與羣臣往造彼國禮見問法王既至修敬已畢乃  
請尊者當為開演尊者云大王來時好道今去亦如  
來時

西竺二十八祖師

初祖迦葉尊者因外道問如何是我我祖云覓我者  
是汝我外道云這箇是我我師我何在祖云你問我  
覓  
祖一日踏泥次有一沙彌見乃問尊者何得自為祖  
云我若不為誰為我為

法眼

法眼益云我當時若見拽來踏泥

五祖

戒云迦

葉與沙彌說得道理好 洞山价云莫要茶喫麼  
續保寧勇云雖然如是傍觀者晒

二祖阿難尊者問迦葉云師兄世尊傳金襴袈裟外  
別傳箇什麼迦葉召云阿難阿難應諾迦葉云倒却  
門前刹竿著

汾陽昭云不問那知 五祖戒云露 翠巖芝云

千年無影樹今時沒底靴

續泐潭清云刹竿未倒穿却諸人骨髓掇却諸人  
眼睛刹竿倒後向什麼處見釋迦老子

阿難尊者一日白佛言今日出城見一奇特事佛云  
見何奇特事阿難云入城見一攢樂人作舞出城總  
見無常佛云我昨日入城亦見一奇特事阿難云未  
審見何奇特事佛云我入城時見一攢樂人作舞出  
城時亦見樂人作舞

三祖商那和修問龜多尊者汝年幾耶尊者云我年  
十七祖云汝身十七性十七耶尊者云師髮已白為  
髮白耶心白耶祖云我但髮白非心白爾尊者云我  
身十七非性十七也

四祖優波毼多因訪一老比丘尼纔入門乃觸撒鉢

法眼

法眼益云佛在日六羣比丘甚是癡行數來我舍尚不

五祖

戒云

如此尊者紹祖位人得與麼癡行有本小異大同

汾陽昭代云已知錯悞

五祖提多迦嘗為長者名曰香象初求出家龜多尊  
者乃問汝為身出家為心出家香云我自出家非為  
身心而求利益龜多云不為身心復誰出家香云夫  
出家者無我我故即心不生滅心不生滅即是常道  
故諸佛亦常心無形相其體亦爾龜多云汝當大悟  
心自明朗於佛法中度恒沙衆

芭蕉徹云譬如琴瑟箏篴雖有妙音若無妙指終

不能發

六祖彌遮迦因七祖婆須密初見迎而問云師何方而來欲往何所祖云從自心來欲往無處婆須密手持酒器乃云識我手中物不祖云此是觸器而負淨者婆須密云師識我不祖云我卽不識識卽非我汝試自稱名氏吾當後示本因婆須密乃說偈實答六祖示其本因卽與剃度

七祖婆須密因佛陀難提索以論義祖云仁者論卽不義義卽不論若擬論義終非義論佛陀難提知祖義勝心卽欽伏

支那

宿覺禪卷二

上三

扶三

翠巖芝云祖師與童子一問一答總欠會在如今作麼生會

十一祖富那夜奢因十二祖馬鳴問我欲識佛何者卽是祖云汝欲識佛不識者是馬云佛旣不識焉知是乎祖云旣不識佛焉知不是馬云此是鋸義祖云彼是木義復問鋸義者何馬云與師平出又問木義者何祖云汝被我解馬於是信伏

十二祖馬鳴大士問十三祖迦毗摩羅云汝盡神力變化若何羅云我化巨海極爲小事鳴云汝化性海得不羅云何謂性海我未嘗知鳴卽爲說性海云山

支那

宿覺禪卷二

上三

扶三

河大地皆依建立三昧六通由茲發現十三祖得聞遂發信心三千徒衆俱求剃度

祖昔嘗事外道每持一丫槍上懸一劍巡五天竺國索人論義自云我義若墮當斬首爲謝聞脅尊者有大聲譽特請論義脅云爾義以何爲宗祖云但有言說我悉能破脅於是默然而坐祖忿色而去詬罵云我聞爾具大智慧及與論義一詞不措行至中路乃謂弟子云我義已墮我言但有言說皆悉能破彼旣無言我當自破將回斬首而謝爾時尊者化令同心并諸徒衆一時出家

外道問佛亦須於此

八祖佛陀難提因九祖伏默密多已年五十口未嘗言足未嘗履纔見祖便行七步乃云父母非我親誰是最親者諸佛非我道誰是最道者祖答云汝言與心親父母非可比汝行與道合諸佛心卽是外求有相佛與汝不相似欲識汝本心非合亦非離伏默密多乃作禮其父遂令出家

十祖脅尊者因十一祖作童子時來乃問爾從何來子云我心非往祖云爾住何所子云我心非止祖云子不定耶子云諸佛亦然祖云爾非諸佛子云諸佛亦非



十四祖龍樹大士見十五祖迦那提婆來先令侍者將一椀水致面前迦那提婆見乃取一鍼投之樹由是大喜

十六祖羅睺羅多因至一石窟中見僧伽難提安然在定祖伺而問云汝身定耶心定耶難提云身心俱定祖云身心俱定何有出入難提云雖有出入不失定相如金在井如金出井世相去來金體常寂祖云若金在井若金出井金無動靜何物出入難提云言金動靜何物出入言金出入金非動靜祖云若金在井出者何金若金出井在者何物難提云金若出井

文部

宗門統要續集二

古

扶三

在者非金金若在井出者非物祖云此義不然難提云彼理非著祖云此義當墮難提云彼義不成祖云彼義不成我義成矣難提云我義雖成法非我故祖云我義已成我無我故難提云我無我故復何成義祖云我無我故成於汝義難提云仁者師於何聖得是無我祖云我師迦那提婆證是無我

十七祖僧迦難提因見十八祖作童子時持圓鑑直造師前祖乃問汝幾歲耶童子云百歲祖云汝年尚幼何言百歲非其理也童子云我不會理正百歲爾祖云汝善機耶童子云佛言若人生百歲不會諸佛

機未若生一日而得決了之祖云汝手中當何所表童子云諸佛大圓鑑內外無瑕翳兩人同得見心眼皆相似遂求出家祖又因風吹銅鈴鳴乃問鈴鳴耶風鳴耶童云非風鈴鳴我心鳴耳祖云非風鈴鳴心復誰乎童云俱寂靜故非三昧也祖云善哉善哉繼吾道者非子而誰

芭蕉云尊者大似憐兒不覺醜

十八祖伽耶舍多至月氏國見十九祖鳩摩羅多問是何徒眾祖云是佛弟子彼聞佛號心神竦然即時閉戶祖良久扣其門彼云此舍無人祖云無人者誰

文部

宗門統要續集二

古

扶三

彼聞語異遽開門延接

汾陽昭代云洎合忘却

二十三祖鶴勒那因師子尊者問云我欲求道當何用心祖云汝欲求道無所用心尊者云既無用心誰作佛事祖云汝若有用即非功德汝若無作即是佛事

二十四祖師子尊者因屬賓國王秉劍於前云師得蘊空不祖云已得蘊空王曰既得蘊空離生死不祖云已離生死王云既離生死就師乞頭得不祖云身非我有豈況於頭王便斬之白乳涌高數尺王臂自

墮

玄沙備云大小師子尊者頭也不解作得王玄  
覺遂徵云且道斬著斬不著 汾陽昭別云知師  
不恡 雪竇顯云作家君王天然有在 翠巖芝  
云當時祖引頸王舉劍與麼時有人諫得住麼至  
今無人斷得此公案如今衲僧作麼生斷 芭蕉  
徹云賣寶遇著瞎波斯 瑯琊覺云屬實好一口  
劍爭奈劍上無眼尊者好箇師子且不解返擲  
續黃龍新云黃龍要問雪竇既是作家君王因甚  
臂落 徑山杲云孟八郎漢又與麼去 天童華

擬述

宗門統要續集卷二

去

扶三

云玄沙云大小尊者頭也不解作得王師云隨獲  
獲漢玄覺徵云且道斬著斬不著師云將蝦釣蟹  
汾陽別云知師不恡師云將錯就錯雪竇云作家  
君王天然有在師云提水放火翠巖云當時祖引  
頸王舉劍與麼時有人諫得住麼至今無人斷得  
此公案如今衲僧作麼生斷師云莫要說夢芭蕉  
云賣寶撞著瞎波斯師云誣人之罪瑯琊云屬實  
好一口劍爭奈劍上無眼尊者好箇師子且不解  
返擲師云賊過後張弓復云這一隊漢被山僧勦  
絕了也還見師子尊者麼驀拈拄杖卓一下云修

宗門統要續集

身慎行恐辱先也

祖始至廟實國彼有五眾祖已攝伏四眾唯一尊達  
磨達者本習禪定憤憤而來祖云仁者習定何當來  
此既至于此胡云習定達云我雖來此心亦不亂定  
隨人習豈有處所祖云仁者既來其習亦至既無處  
所豈在人習達云定習人故非人習定我雖來此其  
定常習祖云人非習定定習人故當自來時其定誰  
習達云如淨明珠內外無翳定若通達必當如此祖  
云定若通達一似明珠今見仁者非珠之徒達云其  
珠明徹內外悉定我心不亂猶若此淨祖云其珠無

擬述

宗門統要續集卷二

十七

扶三

內外仁者何能定穢物非動搖此定不是淨彼承開  
悟心地朗然  
二十五祖婆舍斯多因與外道無我尊論義外道云  
請師默論不好言說祖云不假言說詭知勝負外道  
云但取其義祖云汝以何為義外道云無心為義祖  
云汝既無心安得義乎外道云我說無心當名非義  
祖云汝說無心當名非義我說非心當義非名外道  
云當義非名誰能辯義祖云汝名非義此名何名外  
道云為辯非義是名無名祖云名既非名義亦非義  
辯者是誰當辯何物如是往返五十九番外道杜口



信伏

芭蕉清云譬如象馬驢候難調加諸楚毒至于徹骨方乃調伏 大陽玄云蚌鷸相持死在漁人之手乃云何用繫言

續徑山杲云婆舍斯多何用切怛當時若見他道請師默論不假言說便云義墮也卽今莫有與妙喜默論者麼或有箇衲僧出來道義墮也我也知你向鬼窟裏作活計

二十七祖般若多羅路行次或有人問汝行何急祖云汝行何慢又問汝姓什麼祖云與汝同姓或凡或

聖人莫能測

芭蕉徹云匹上不足匹下有餘

祖因東印度國王請齋次王乃問諸人盡轉經唯師爲甚不轉祖云貧道出息不隨衆緣入息不居蘊界常轉如是經百千萬億卷非但一卷兩卷

汾陽昭云却勞尊者心力

東震六代祖師

初祖菩提達磨大師初至梁時因武帝問如何是聖諦第一義祖云廓然無聖帝云對朕者誰祖云不識帝不領悟祖遂渡江至魏

汾陽昭代云弟子智淺

續五祖戒云賣寶遇著瞎波斯 保寧勇代帝吐舌示之

武帝後問一聖師師云陛下還識此人不帝云不識師云此是觀音大士傳佛心印帝云當遣使詔之師云莫道陛下去詔盡國人去他亦不同

祖謂二祖云汝但外息諸緣內心無喘心如墻壁可以入道二祖作種種說心說性不契一日忽悟乃云可以息諸緣也達磨云莫成斷滅去不二祖云無達磨云子作麼生二祖云了了常知故言之不可及達

磨云此諸佛之所傳心體更勿疑也

祖一日命門人云時將至矣汝等盡各言所得時有道副對云如我所見不執文字不離文字而爲道用祖云汝得吾皮又尼總持云我今所解如慶喜見阿闍佛國一見更不再見祖云汝得吾肉又道育云四大本空五陰非有而我見處處無一法可當情祖云汝得吾骨最後慧可大師出禮三拜依位而立祖云汝得吾髓乃傳承付偈

薦福懷云祖師與麼說話無計較中翻成計較無塗轍中翻成塗轍若教伊踏著德山臨濟門下免

文淵

宗門統要續集卷三

十八

扶三

文淵

宗門統要續集卷三

十九

扶三

見九年冷坐被人喚作壁觀胡僧直饒如是也未免殃及兒孫 大陽玄云且道更有一人出來得箇什麼自云不得不得又云意況不到 翠巖芝云二祖被他當面塗糊莫道髓皮也不會摸著因甚却紹祖位

續五祖演云當時若見人恁麼各與三十棒只如白雲也合喫二十九棒留一棒與汝諸人其間若有知痛痒者不惟不孤負先聖亦乃得見白雲脫或未然堂裏喫粥喫飯更須爛嚼多見渾崙吞却

士文冊

宗門統要續集卷二

三

扶三

虛空云此是世間有相亦能空故當我此身還得似不祖云若無實相即見非相若了非相其色亦然當於色中不失色體於非相中不礙有故若能是解此名實相彼衆聞已心意朗然

祖問無相宗波羅提云汝言無相當何證之彼云我明無相心不現故祖云汝心不現當何明之彼云我明無相心不取捨當於明時亦無當者祖云於諸有無心不取捨又無當者誰明無故彼云入佛三昧尚無所得何況無相而欲知之祖云相既不知誰云有無尚無所得何名三昧彼云我說不證證無所證非

支那

宗門統要續集卷二

三

扶三

祖問有相宗薩婆羅云一切諸法何名實相彼云於諸相中不互諸相是名實相祖云一切諸相而不互者若明實相當何定耶彼云於諸相中實無有定若定諸相何名爲實祖云諸相不定便名實相汝今不定當何得之彼云我言不定不說諸相當說諸相其義亦然祖云汝言不定當爲實相定不定故即非實相彼云定既不定即非實相知我非故不定不變祖云汝今不變何名實相已變已往其義亦然彼云不變當在不在故故變實相以定其義祖云實相不變變即非實於有無中何名實相時薩婆羅以手指

三昧故我說三昧祖云非三昧者何當名之汝既不證非證何證彼聞祖辯析即悟本心

祖問定慧宗婆蘭陀云汝學定慧爲一爲二彼云我此定慧非一非二師云既非一二何名定慧彼云在定非定處慧非慧一即非一二即不二祖云當一不一當二不二既非定慧約何定慧彼云不一不二定慧能知非定非慧亦復然矣祖云慧非定故然何知哉不一不二誰定誰慧彼聞之狐疑冰釋

祖問戒行宗賢者云何者名戒云何名行當此戒行爲一爲二彼云一二二一皆彼所生依教無染此名

戒行祖云汝言依教即是有染一二俱破何言依教此二違背不及於行內外非明何名爲戒彼云我有內外彼已知覺既得通達便是戒行若說違背俱是非言及清淨即戒即行祖云俱是俱非何言清淨既得通故何談內外賢者於是慙伏

祖問無得宗寶淨云汝云無得得得何得既無所得亦無得得彼云我說無得非得無得當說得得無得是得祖云得既不得得亦非得既云得得得得何得彼云見得非得非得是得若見不得名爲得得祖云得既非得非得無得既無所得當何得得彼聞之頓

除疑惑

祖問寂靜宗尊者何名寂靜於此法中誰寂誰靜彼云此心不動是名爲寂於法無染名之爲靜祖云本心不寂要假寂靜本來寂故何用寂靜彼云諸法本空以空空故於彼空空故名寂靜祖云空空已空諸法亦爾寂靜無相何靜何寂彼聞豁然開悟

二祖可大師問達磨云諸佛法印可得聞乎磨云諸佛法印匪從人得祖云我心未寧乞師安心磨云將心來與汝安祖云覓心了不可得磨云與汝安心竟芭蕉徹云金剛與泥人措背

法師撰述

宗門統要續集卷三

二十三

扶三

續五祖戒云若即恁麼何用西來 雲居元云彼自無瘡勿傷之也雖然如是一言易出駟馬難追五祖演舉至請祖安心處乃云白雲當時若見好與三十棒何故他人見將謂說安心法畢竟如何菩薩龍王行雨潤遮身向上數重雲

三祖璨大師問二祖云弟子身纏風恙請和尚懺罪祖云將罪來與汝懺璨云覓罪了不可得祖云與汝懺罪竟宜依佛法僧住璨云今見和尚已知是僧未審何名佛法祖云是心是佛是心是法法佛無二僧寶亦然璨云今日始知罪性不在內外中間如其心

然佛法無二也大師深器之

瑯琊覺云猶欠作云何梵在

續梁山觀於覓罪了不可得處云罪性向什麼處去也又云非但罪性覓者亦不見有 雲居齊云

二祖深器之是肯他會佛法耶肯他說道理耶

四祖信大師見三祖乃云願和尚慈悲乞與解脫法門師云誰縛於汝信云無人縛師云何更求解脫乎信於言下有省師問三祖云如何是古佛心祖云汝今是什麼心師云我今無心祖云汝既無心諸佛豈有耶師於是頓息其疑

法師撰述

宗門統要續集卷三

二十三

扶三



五祖忍大師作童子時四祖問子何姓耶答云姓卽有不是常姓四祖云是何姓耶答云是佛性四祖云汝無姓乎答云性空故祖默識其器卽俾出家後乃付法師因六祖初參乃問汝自何來六祖云嶺南師云欲須何事祖云唯求作佛師云嶺南人無佛性若爲得佛祖云人有南北佛性豈然師知異器乃訶云著槽廠去

六祖能大師因風颺刹幡有二僧對論一云幡動一云風動往復曾未契理祖云不是風動不是幡動仁者心動二僧竦然

楞嚴

宗門統要續集卷三

二十四

扶三

雪峯存云大小祖師龍頭蛇尾好與二十棒乎上座侍次咬齒峯云我與麼道也好與二十棒保福展云作賊人心虛也是蕭何置律五祖戒云著甚來由巴陵鑑云祖師道不是風動不是幡動旣不是風旛向甚處著有人與祖師作主出來與巴陵相見雪竇顯云風動旛動旣是風旛向甚處著有人與巴陵作主出來與雪竇相見續泐潭清云不是風動不是旛動若是靈利漢懸崖撒手便好承當顧後瞻前轉生迷悶仁者心動而今還有爲祖師作主者麼有則出來與老僧相

宗門統要續集

見天童華云一言引衆盲相牽入火坑

師因僧問黃梅意旨什麼人得師云會佛法人得僧云和尚還得不師云我不得僧云和尚爲什麼不得師云我不會佛法

汾陽昭代云方知密旨難傳翠巖芝云會得卽二頭不會得卽三首作麼生便有出身之路續徑山杲云還見祖師麼若也不見徑山與你指出蕉芭蕉芭有葉無丫忽然一陣狂風起恰似東京大相國寺裏三十六院東廊下壁角頭王和尚破袈裟畢竟如何歸堂喫茶

楞嚴

宗門統要續集卷三

二十五

扶三

師示衆云吾有一物無頭無尾無名無字無背無面諸人還識麼時荷澤神會出云是諸法之本源乃神會之佛性祖乃打一棒云這饒舌沙彌我喚作一物尚不中豈況本源佛性乎此子向後設有把茅蓋頭也只成得箇知解宗徒

法眼益云古人授記人終不錯如今立知解爲宗卽荷澤是也

師一日謂門人云吾却歸新州汝等速治舟楫門人云師從此去早晚却回祖云葉落歸根來時無口法雲秀云非但來時無口去時亦無鼻孔

續白雲端云祖師可謂善解借手行拳有般漢往往道言猶在耳不見道子期去不返浩浩良可悲不知天地間知音復是誰 五祖演曰祖師恁麼道猶欠悟在

師因思和尚問當何所務即得不落階級祖云汝曾作什麼來思云聖諦亦不為祖云落何階級思云聖諦尚不為何階級之有祖云如是如是汝善護持吾付汝偈偈云心地含諸種普雨悉皆萌頓悟華情已菩提果自成

宗門統要續集卷第二

宗門統要續集卷第二

二六

扶三

校譌

第十一紙十行

門北作問從南改正

音釋

鑽祖官切剝石證切詰之列切楔先結切瑯郎郎切瑯郎郎切

音懺懺懺懺切延延延切延延延切延延延切延延延切

爾爾爾切爾爾爾切爾爾爾切爾爾爾切爾爾爾切

爾爾爾切爾爾爾切爾爾爾切爾爾爾切爾爾爾切

爾爾爾切爾爾爾切爾爾爾切爾爾爾切爾爾爾切

爾爾爾切爾爾爾切爾爾爾切爾爾爾切爾爾爾切

爾爾爾切爾爾爾切爾爾爾切爾爾爾切爾爾爾切

爾爾爾切爾爾爾切爾爾爾切爾爾爾切爾爾爾切

宗門統要續集卷第三

宋建谿沙門宗永集

元建康保寧禪寺住持沙門清茂續集

四祖下第一世

牛頭山法融禪師因四祖到山入後菴見虎便作怕勢師云和尚猶有這箇在祖云這箇是什麼師於言下有省

雪竇顯代云但亦作怕勢又代云泊合放過

四祖下第六世

宣州安國玄挺禪師刷牛因僧問五祖云真性緣起

宗門統要續集卷三

二

扶四

其義云何祖默然時師侍次乃謂大德正興一念問時是真性中緣起其僧言下大悟

續徑山杲云未興一念問時不可無緣起也時有

僧云未興一念問時喚什麼作緣起妙喜云我也

只要你與麼道

潤州鶴林素禪師因僧敲門師問是什麼人僧云是

僧師云非但是僧佛來亦不著僧云佛來為什麼不

著師云無汝止泊處

舒州天柱崇慧禪師因僧問達磨未來此土時還有

佛法也無師云未來且致即今事作麼生僧云某甲



不會乞師指示師云萬古長空一朝風月良久云會  
麼自己分上作麼生干他達磨來與未來事他家大  
似賣卜漢見汝不會爲汝錐破卦文纔生吉凶盡在  
汝分上一切自看僧云如何是解卜底人師云汝纔  
出門時便不中也

四祖下第七世

杭州徑山國一欽禪師

嗣鶴林素

因馬祖遣人送書到書

中作一圓相師發紙見遂於圓相中著一點却封回  
後忠國師聞乃云欽師猶被馬師惑

係福展云甚處是惑處作麼生得不惑云

高麗續集卷三

二

扶四

雪竇顯云徑山被惑且致若將呈似國師別作箇  
什麼伎倆免被惑去有老宿云當時坐卻便休亦  
有道但與畫破若與麼祇是不識羞敢謂天下老  
師各具金剛眼睛廣作神通變化還免得麼雪竇  
見處也要諸人共知祇這馬師當時畫出早自惑  
了也 五祖戒云兩彩一賽又云三人指路擬何  
爲 瀉山喆云諸人還識馬祖徑山麼一點水墨  
兩處成龍國師道欽師猶被馬師惑可謂千里同  
風不見道手執夜明符幾箇知天曉  
續徑山杲云馬師仲冬嚴寒國一孟夏漸熱雖然

示明統要續集

寒熱不同彼此不失時節忠國師因甚卻道欽師  
猶被馬師惑還委悉麼無風荷葉動決定有魚行  
四祖下第八世

杭州烏窠道林禪師

嗣徑山欽

因白居易問如何是佛法

大意師云諸惡莫作衆善奉行白云三歲孩兒也解

與麼道師云三歲孩兒雖道得八十翁翁行不得白  
遂作禮

師因侍者會通一日作辭師乃問汝今何往通云某  
甲爲法出家和尚不垂慈誨今往諸方學佛法去師  
云若是佛法吾此間亦有少許通云如何是和尚此

宗門統要續集卷三

三

扶四

問佛法師於身上拈起布毛吹之侍者因而有省  
大瀉秀云可惜這僧認他口頭聲色以當平生殊  
不知自己光明蓋天蓋地  
續神鼎譚舉了遂於身上拈布毛示大衆隨後一  
吹云會麼久後不得孤負老僧  
徑山杲云瀉山與麼批判也未夢見鳥窠在  
五祖下第一世  
袁州蒙山道明禪師因趁盧行者至大庾嶺行者見  
師至卽擲衣鉢於石上云此衣表信可力爭耶任君  
將去師遂舉之如山不動踟躕悚慄乃云我來求法

非爲衣也願行者開示祖云不思善不思惡正與麼時阿那箇是明上座本來面目師當下大悟徧體汗流泣淚作禮問云上來密語密意外還更有意旨不祖云我今與汝說者卽非密也汝若返照自己面目密却在汝邊師云某甲雖在黃梅隨衆實未省自己面目今蒙指授入處如人飲水冷暖自知今行者卽是某甲師也祖云汝若如是則吾與汝同師黃梅善自護持

嵩山慧安國師因僧坦然問如何是祖師西來意師云何不問取自己意然云如何是自己意師云當觀

文部撰述

宗門統要續集卷三

四

扶四

密作用然云如何是密作用師以目開合示之坦然言下知歸

五祖下第二世

嵩山破竈墮和尚師安因僧從牛頭處來乃問來自何人法會僧近前叉手繞師一市而出師云牛頭下

不可有此人僧乃過師左邊叉手而立師云果然果然僧却問應物不由他時如何師云爭得不由他僧云與麼則順正歸原去也師云歸原何順僧云若非和尚幾錯招徠師云猶是未見四祖時道理也見後通將來僧却繞師一市而出師云順正之道古今如

然僧作禮而退

師因嵩山塢有廟甚靈殿中唯安竈遠近不輟祭祀師以杖敲竈三下云咄此竈只是泥瓦合成聖從何來靈從何起恁麼烹宰物命又打三下竈乃傾破墮落須臾有青衣戴冠設方云我本此廟竈神久受業報今蒙禪師說無生法得脫此處生天特來致謝師云是汝本有之性非吾強言神再拜而沒後僧問師某甲久侍左右未蒙方便竈神得何宗旨便乃生天師云我只向伊道是泥瓦合成別也無道理爲伊僧佇思師云會麼僧云不會師云本有之性爲甚不

文部撰述

宗門統要續集卷三

五

扶四

會僧作禮師云墮也墮也破也破也後有舉似安國師國師歎云此子會盡物我一如可謂如朗月處空無不見者難構伊語脉

五祖下第三世

嵩山峻極禪師師破因僧問如何是大修行底人師云檐枷負鎖僧云如何是大作業底人師云修禪入

定僧無語師乃云爾問我善善不從惡爾問我惡惡不從善所以道善惡如浮雲起滅俱無處僧於言下契悟後破竈墮聞舉乃云此子會盡諸法無生

續薦福懷云前頭則官不容鍼後面則私通車馬

若能辯得許你具擇法眼 昭覺勤云窮善善自  
何來究惡惡從何起有問崇寧如何是大修行底  
人對他道修禪入定如何是大作業底人對他道  
擔枷負鎖且道是同是別

終南山惟政禪師

山寂

因唐文宗帝好嗜蛤蜊沿海

官吏遞進亦勞一日御饌中有蟹不開者帝以爲異  
因焚香禱之乃開卽見菩薩形梵相具足帝遂貯以  
金粟檀香合覆以美錦賜興善寺衆僧瞻禮乃問羣  
臣此何祥瑞因詔師問師云臣聞物無虛應此乃啓  
陛下信心耳故契經云應以此身得度者卽現此身

支那  
撰述

高麗續集卷三

六

扶四

而爲說法帝云菩薩身已現且未聞說法師云陛下  
觀此爲常耶非常耶信耶非信耶帝云希奇之事朕  
深信焉師云陛下已聞法竟帝大悅勅天下寺立觀  
音像

六祖下第一世

溫州永嘉真覺大師初至曹谿乃繞繩牀三匝振錫  
而立祖云夫沙門者具三千威儀八萬細行大德何  
方而來生大我慢師云生死事大無常迅速祖云何  
不體取無生了無速乎師云體本無生了本無速祖  
云如是如是師方具威儀作禮須臾告辭祖云返大

速乎師云本自非動豈有速耶祖云誰知非動師云  
仁者自生分別祖云爾甚得無生之意師云無生豈  
有意耶祖云無意誰當分別師云分別亦非意祖云  
善哉善哉少留一宿

雪竇顯舉至我慢處便喝云當時若下得這一喝  
免見龍頭蛇尾又向卓然而立處代祖云未到曹  
谿與你三十棒了也

婺州玄策禪師因到河北隍禪師菴乃問仁者在此  
多少時隍云二十年師云習何事業隍云入定師云  
入定者爲有心入耶無心入耶若無心入者一切無

高麗續集卷三

十一

扶四

草木瓦石應合得定若有心入者一切有情含識  
流亦應得定隍云我正入定時則不見有有無之  
心可入師云旣不見有有無之心可入則是常定云  
何更有出入隍乃杜詞復問仁者之師是誰耶師云  
是曹谿能和尚隍云仁者師說何法以爲禪定師云  
我師所說六根非有四大空妙湛圓寂體自如如  
不出不入不定不亂禪性無坐離生禪相禪性無住  
離住禪定心如虛空不見虛空之量隍不省師云汝  
速往曹谿

洛京荷澤神會禪師到思和尚處思問什麼處來師



云曹谿來思云曹谿意旨如何師振身而立思云猶帶瓦礫在師云和尚此間莫有真金與人不思云設有與汝向甚處著

玄沙備云果然 翠巖芝云真金瓦礫錯下名言如今喚作什麼 天聖泰云神會若不見思師焉知瓦礫思和尚被他一問直得額頭汗出口裏膠生

續雲居錫云只如玄沙道果然是真金是瓦礫

西京惠忠國師因西天大耳三藏到京云得他心通 宗命國師試驗三藏纔見師乃禮拜立于右師門

宗門統要續集卷三

八

扶四

汝得他心通耶藏云不敢師云汝道老僧卽今在甚麼處藏云和尚是一國之師何得去西川看競渡師良久再問汝道老僧卽今在甚麼處藏云和尚是一國之師何得向天津橋上看弄獅孫師至第三次問三藏良久罔知去處師叱云這野狐精他心通在什麼處三藏無對

玄沙備徵云汝道前兩度還見麼 雪竇顯云敗也敗也 仰山寂云前兩度是涉境心後入自受用三昧所以不見 趙州諗因僧問大耳三藏第二度不見國師未審國師在甚麼處州云在三藏鼻

孔裏後僧問玄沙旣在三藏鼻孔裏因什麼不見玄沙云只爲太近 白雲端云國師若在三藏鼻孔裏有什麼難見殊不知國師在三藏眼睛裏 續翠巖芝云只如三藏還見國師鼻孔麼 師一日喚侍者侍者應諾如是三召三應師云將謂吾孤負汝却是汝孤負吾

趙州諗云如人暗中書字字雖不成文彩已彰雪竇顯拈便喝 投子同云抑逼人作麼雪竇云塚根漢 玄沙備云却是侍者會雪竇云停囚長智 雲門偃云作麼生是吾孤負汝處若會得也是

文部

宗門統要續集卷三

九

扶四

無端雪竇云元來不會雲門又云作麼生是侍者孤負國師處粉骨碎身未報得雪竇云無端無端 法眼益云且去別時來雪竇云謾我不得 興化獎云一盲引衆盲雪竇云端的瞎有人問雪竇便打也要諸方點檢 報慈遂問僧云甚麼是侍者會處僧云若不會爭解與麼應遂云汝少會在又云若於此見得便識玄沙 翠巖芝云國師與侍者總欠會在如今怎生會 雪竇云國師三喚侍者點卽不到侍者三應到卽不點又云將謂吾孤負汝却是汝孤負吾謾雪竇不得

續雲居錫云且道侍者會不會若道會國師又道汝孤負吾若道不會玄沙又道却是侍者會且作麼生商量

師因洞山問如何是古佛心師云墻壁瓦礫是洞云墻壁瓦礫豈不是無情師云是洞云無情還解說法不師云常說熾然說無聞歇洞云什麼人得聞師云諸聖得聞洞云和尚還聞不師云我不聞洞云和尚既不聞爭知無情解說法師云賴我不聞我若聞則齊於諸聖汝則不聞我說法洞云與麼則衆生無分也師云我爲衆生說不爲諸聖說洞云衆生聞後如

文殊

宗門統要續集卷三

十一

扶四

何師云卽非衆生洞云無情說法據何教典師云灼然言不干典非君子之所談汝豈不見華嚴經云刹說衆生說三世一時說洞山後到瀉山山問承聞价闍黎曾問國師無情說法是不洞云是瀉云試請舉看洞便舉瀉云我這裏也有祇是罕遇其人洞云便請瀉山以拂子點一點洞云請和尚爲某甲說瀉云父母所生口終不爲汝說洞云和尚此間還有同年慕道者麼瀉云此去澧陵縣側石室有雲巖道人子若問他必爲子說洞到雲巖請益前話巖云不見彌陀經云水鳥樹林悉皆念佛念法洞因而有省乃述

頌云也大奇也大奇無情說法不思議若將耳聽終難會眼處聞聲方得知

唐肅宗帝問師百年後所須何物師云與老僧造箇無縫塔帝曰請師塔樣師良久云會麼帝云不會師云吾有付法弟子耽源却請此事請詔問之後詔源問源乃有頌云湘之南潭之北中有黃金克一國無影樹下合同船瑠璃殿上無知識

雪竇顯云肅宗不會且致耽源還會麼祇消箇請師塔樣盡西天此土諸位祖師遭這一撥不免將南作北有傍不肯底出來我要問你那箇是無縫

文殊

宗門統要續集卷三

十二

扶四

塔

續神鼎諶云前來國師作用不能明了次問耽源源恁麼頌且道盡善不盡善神鼎與你諸人下四轉語湘之南潭之北君臣有路中有黃金克一國淨妙體圓無影樹下合同船千聖同轍瑠璃殿上無知識凡聖路絕若與麼會去必不相賺神鼎與麼註解只是孤負國師保寧勇云所謂非父不生其子雖然如是謾肅宗一人卽得爭奈天下衲僧眼何且道那箇是衲僧眼便下座五祖演云衆中道國師良久殊不知懸鼓待槌當時肅宗若



是作家君王待伊教詔耽源但向道國師何必後  
詔耽源呈頌云云代云閑言語

師問座王講什麼經王云唯識論師云作麼生會唯  
識論王云三界唯心萬法唯識師指簾云這箇是什  
麼法王云色法師云大師簾前賜紫對御談經何得  
五戒不持

師因紫璘法師云請禪師立義某甲破某甲立義禪  
師破今請師立義師云立義已了紫云是什麼義師  
云果然不見

師因丹霞來參纔展坐具師云不用不用霞退後三

文那

宗門統要續集卷三

十三

扶四

步師云如是如是霞進前三步師云不是不是霞繞  
禪師一巾出去師云去聖時遙人多懈怠三十年後  
覓箇漢也難得

保福展云丹霞食程不覺行困 瀉山詰云丹霞

可謂懷藏至寶遇智者乃增輝國師鴻門大啓陟  
者須是奇人如今還有爲丹霞作王者麼出來與  
大瀉相見有麼不是龍門客切忌遭點額

續力潭準云客路如天遠侯門似海深登彌天釋  
之門者須是奇人接待高賓應有孟嘗君之度量  
苟不如是便見主賓道異雲泥不合 大瀉果云

丹霞一進一退暗中贏得一著國師倒東擂西未  
免傍觀者哂 蔣山懃云賓王相見欲展不展退  
後進前禮過成詔猶幸南陽老而不耄 東禪觀  
云明鏡當臺胡來胡現漢來漢現霜鐘在架大扣  
大鳴小扣小鳴一卷一舒一擒一縱可謂照用兩  
全行說俱到且如國師道去聖時遙人多懈怠三  
十年後討箇師僧也難得畢竟是裏是貶  
師因肅宗問師在曹谿得何法師云陛下還見空中  
一片雲麼帝云見師云釘釘著懸挂著  
五祖戒云好事不如無

文那

宗門統要續集卷三

十三

扶四

師因虞軍容問師住白崖山如何修行師喚童子以  
手摩頂云惺惺直言惺惺歷歷直言歷歷向後莫受  
人謾軍容無語

保福展云國師著一問直得手忙腳亂

師因丹霞來訪值睡次乃問侍者耽源云國師在不  
者云在即在祇是不見客霞云太深遠生者云莫道  
上座佛眼也覷不見霞云龍生龍子鳳生鳳兒師睡  
起侍者舉似師乃打二十棒趁出丹霞聞之乃云不  
謬爲南陽國師

續天童華云侍者喫棒出院蓋千載一時然歸宗

豈免眼熱丹霞固雖好手爭奈落在國師網子裏  
諸人還辯得麼苟或未然猶握金鞭問歸客夜深  
誰共御街行 徑山策云國師幸自高眠侍者播  
揚家醜不因多口丹霞爭見國師哮喘敢問大衆  
國師既在爲什麼不見客向這裏見得破非唯知  
耽源落節亦見自己已有出身之路雖然如是莫將  
閑學解埋沒祖師心

師問南泉甚處來泉云江西來師云還將得馬師真  
來不泉云祇這是師云背後底泉休去

有云東寺或云百丈問南

宗門統要續集卷三

十四

扶四

長慶稜云大似不知 保福展云幾不到和尚此  
問 五祖戒云和尚於此路熟

師因紫璘供奉擬註思益經師乃問大德凡註經須  
會佛意始得供奉云若不會佛意爭解註得師令侍  
者盛一椀水著七粒米在水中椀面安一隻箸乃問  
這箇是什麼義供奉無語師云老僧意尚不會豈況  
佛意爭能註得經

續瀉山果云供奉先鋒有作殿後無功當時纔見  
國師問此是什麼義只對云草本不勞拈出踢倒  
便行直饒國師通身是口也無說處

宗門統要續集

師因僧問如今和尚亦言卽心是佛諸方尊宿亦言  
卽心是佛那得有異乎和尚爲人天師豈合自是非  
他必有其故請示所以師云夫法有名異體同或名  
同體異因茲濫矣只如菩提涅槃真如佛性是名異  
體同真心妄心佛智世智是名同體異緣諸家錯將  
妄心便爲真心如人認賊爲子又將世智稱爲佛智  
猶如魚目而亂明珠不可雷同事須甄別耳僧問如  
何離得此過師云你但向自身心中子細返觀五陰  
十八界十二處一一推窮有什麼物僧云今向身心  
中子細推窮無一法可得師云你壞身心相耶僧云

文部

宗門統要續集卷三

五

扶四

身心性離寧有壞乎師云身心相外更有物不僧云  
身心尚無外寧有物師云你壞世間相耶僧云世間  
相卽無相何用壞乎師云若然者卽免過矣  
師問紫璘供奉大德所蘊何業奉云講青龍疏師云  
是金剛經麼奉云是師云經文最初兩字喚作什麼  
字奉云如是師云是什麼

明招謙代云昔日靈山今日親見

續瀉山果云瀉山要問明招昔日靈山今日親見  
畢竟是什麼若下得這一打縱使通身是眼未免  
一狀領過

師曾問紫璘供奉甚處來奉云城南來師云城南草作何色奉云作黃色師乃問童子城南草作何色子云作黃色師云祇這童子亦可簾前賜紫對御談玄瀉山詰云國師與麼問供奉與童子與麼答且道還有利害麼若也辯得許你親見國師若也未會城南草依前作黃色

師問僧近離什麼處僧云南方師云南方知識以何法示人僧云南方知識祇道一朝風火散後如蛇退皮如龍換骨本爾真性宛然無壞師云苦哉苦哉南方知識說法半生半滅僧云南方知識卽如此未審

文淵  
洪注

宗門統要續集卷三

去

扶四

和尚此間說何法師云我此間身心一如身外無餘僧云和尚何得將泡幻之身同於法體師云你爲什麼入於邪道僧云什麼處是某甲入於邪道處師云不見教中道若以色見我以音聲求我是人行邪道不能見如來

雲門偃舉云身心一如身外無餘山河大地何處有耶神鼎譚云若據這僧與麼道傳語也未解莫累及知識據國師與麼道亦是龍頭虵尾前來身心一如向什麼處去也試點檢看

續淨慈昌云這僧當時待國師道若以色見我以

音聲求我是人行邪道不能見如來但云苦哉苦哉大小國師半生半滅東禪觀云國師與這僧卽色聲相見離色聲相見若離色聲相見何異南方知識半生半滅若卽色聲相見又道色見聲求是行邪道衆中莫有爲國師作主者麼我要問你既是身心一如身外無餘泡幻之身爲什麼不同法體

師因麻谷持錫到乃振一下卓然而立師云汝旣如是何用見吾谷又振錫一下

雪竇顯別云洎不到此

文淵  
洪注

宗門統要續集卷三

十七

扶四

師因同肅宗到宮前乃指石師子云陛下這石師子奇特下取一轉語帝云朕下語不得請師下語師云山僧罪過後耽源問師云皇帝還會麼師云皇帝會且致你作麼生會

玄沙備云大小國師被侍者勘破

師因西堂藏與馬祖馳書至師問汝師說什麼法藏從西過東立師云祇這箇別更有藏却過西立師云這箇是馬師底仁者底作麼生藏云早箇呈似和尚了也

保福展云西堂埋沒大師不少



師因肅宗問如何是十身調御師乃起立云還會麼肅宗云不會師云與老僧過淨鉢來

### 六祖下第二世

吉州耽源山真應禪師嗣忠國師與百丈在泐潭推車次

師問車在這裏牛在什麼處丈以手所額師以手拭目

師遊方回省觀馬祖却於祖前畫一圓相就上禮拜祖云汝莫欲作佛不師云某甲不解捏目祖云吾不如汝

雪竇顯云然猛虎不食其子爭奈來言不豐諸人

富饒續集卷三

太

扶四

要識耽源麼卽是箇藏身露影漢

師因第二世麻谷問十二面觀音豈不是聖師云是

谷便與師一擲師云知汝未到此境界或云師問麻谷

師問國師百年後有人問極則事作麼生國師云幸自可憐生須要箇護身符子作麼

五祖戒云和尚終是老婆心切

續保寧勇云粉骨碎身難報此恩 大瀉泰云大

小耽源被國師一坐直至如今起不得若是古德

卽不然待國師道幸自可憐生須要箇護身符子

作什麼只向他道暗中爲照燭險處作津梁

師因仰山入門畫一圓相以手托呈却又手而立師乃以兩手交過握拳示之仰山進前三步作女人拜師點頭而已

應化賢聖

佛陀波利尊者游臺山到忻州見一老人問向甚麼處去者云臺山禮文殊去老人云大德見文殊還識不尊者無對

汾陽昭代云今日慶幸

尊者又到山中見一老人云尊者何來者云西國來老人云還將得佛頂尊勝經來不者云不將得來老

文部

富饒續集卷三

十九

扶四

人云空來何益尊者遂回

大陽玄云當初下得甚麼語得見文殊不回西天

乃云但展兩手似伊

秦跋陀禪師住廬山嘗訪生法師乃問居常說何經論

生云說大般若經師云作麼生說色空義生云衆微

聚曰色衆微無自性曰空師云衆微未聚喚作什麼

生因措師又問別說何經論生云說大涅槃經師云

如何說涅槃之義生云涅槃而不生槃而不滅不生不

滅故曰涅槃師云這箇是如來涅槃那箇是法師涅槃

槃生云涅槃之理豈有二耶乃云某甲祇如此禪師

如何說涅槃師乃拈起如意云還見麼生云見師云見箇什麼生云見禪師手中如意師以如意擲向地上云還見麼生云見師云見箇什麼生云見禪師手中如意墮地師斥云觀公見解未出常流何得名喧宇宙乃拂衣而去其徒懷疑不已乃逐師押問云我師說色空涅槃義俱不契未審禪師如何說色空義師云不道汝師說不是祇說得果上色空不會說因中色空徒云如何是因中色空師云一微空故眾微空眾微空故一微空一微空中無眾微眾微空中無一微

宗門統要續集卷三

王

扶四

汾陽昭代云休葛藤

耶舍尊者嘗訪廬山遠法師遠問如何是道尊者云無人能會遠云此間有五百聽徒其中有碩學高流豈無一人會耶尊者乃笑遠復問如何是道尊者拈起如意示之云見麼遠云見尊者云見箇甚麼遠云見尊者手中如意尊者遂將如意擲向地上云還見麼遠云見尊者云見箇什麼遠云見尊者手中如意墮地尊者却收起如意云見即不見還見麼遠罔措尊者斥云觀公見解未出常流何得名喧宇宙乃拂衣上紫霄峯

五祖戒云耶舍遠公見道也未

波羅提尊者因異見王問何者是佛者云見性是佛王云師見性不者云我見佛性王云性在何處者云性在作用王云是何作用我今不見者云今現作用王自不見王曰於我有不者云王若作用無有不王若不用體亦難見王云若當用時幾處出現者云若出現時當有其八在胎為身處世名人在眼曰見在耳曰聞在鼻辯香在舌談論在手執捉在足運奔偏現俱該沙界收攝在一微塵識者知是佛性不識喚作精魂王聞心即開悟

宗門統要續集卷三

二十二

扶四

公和尚問一梵僧承聞尊者喚我作屠兒曾見我殺生不僧云見公云有見見無見見不有不無見見若有見見是凡夫見無見見是聲聞見不有不無見見是外道見未審尊者如何見僧云你有此等見耶

汾陽昭代云不枉西來

師或云終日拈香擇火不知身是道場玄沙云終日拈香擇火不知真箇道場

雪竇顯云一對無孔鐵鎚

續昭覺勤云終日拈香擇火不知拈香擇火



南嶽慧思和尚因誌公令人傳語云何不下山教化衆生目視雲漢作麼師云三世諸佛被我一口吞盡何處更有衆生可教化

五祖戒云更說道理看 報慈遂徵云且道山上語山下語 雪竇顯云有什麼屎臭氣 瑯琊覺云驗人端的處 翠巖芝云思大祇見錐頭利不見鑿頭方 芭蕉徹云更進一步又云雖是入泥入水幾人搆得 天聖泰云思大祇知開口寶公平地喫交 續雲居舜云思大和尚寶公未傳語時猶較些子

後述

宗門統要續集卷三

二十三

扶四

保寧勇別思大云傳語法師合取狗口

天台智者大師在南嶽誦法華經至藥王品云是真精進是名真法供養如來於是悟法華三昧獲旋陀羅尼見靈山一會儼然未散

明州布袋和尚常在通衢立有僧問和尚在這裏作甚麼師云等箇人來僧云來也師遂於懷中取一掃子與僧擬接師乃縮手云汝不是這箇人師因僧問如何是祖師西來意師放下布袋叉手而立僧云祇此別更有在師拈起布袋放扇上而去師有時見僧前行乃撫僧背一下僧回首師云把一

錢子來

師嘗將布袋并破席一領於通衢往來布袋內盛鉢盂木履魚飯菜肉瓦石土木諸般總有或於稠人處打開布袋內物撒下云看看又一一將起問人云這箇喚作什麼

續瑯琊覺云慈氏菩薩 昭覺勤云熟處難忘天台豐子禪師因寒山子問古鏡不磨時如何照燭師云冰壺無影像猿猴探水月山云此是不照燭也更請道師云萬德不將來教我道什麼寒山拾得俱作禮而退

後述

宗門統要續集卷三

二十三

扶四

師欲去遊五臺向寒山拾得云你共我去遊便是我同流若不去不是我同流山云你去遊作什麼師云禮文殊山云你不是我同流

翠巖芝云大似辯才見蕭翼

寒山子因僧衆炙茄次山却將茄弗向一僧背上打一下僧回首山呈起茄弗云是什麼僧云這風顛漢山却向傍僧云你道這箇師僧費却多少鹽醬

續寶峯文云寒山打這僧實爲費鹽醬多莫別有道理 黃龍清云寒山子只知這僧費多少鹽醬不知自己拋撒更多且道什麼處是拋撒處良久

云十方世界成狼藉一日收來五味全

寒山因趙州到天台行次見牛跡山乃問上座還識牛麼州云不識山指牛跡云此是五百羅漢遊山州云既是羅漢爲甚麼作牛去山云蒼天蒼天州呵呵大笑山云笑作什麼州云蒼天蒼天山云這小廝兒却有大人之作或曰南泉大同小異

寒山預知瀉山來國清受戒遂與拾得往松門接瀉山纔到二人從路兩邊透出作大蟲吼三聲瀉山屹然無對寒山云自從靈山一別迄至于今還相記麼瀉山無對拾得拈起拄杖云老兄喚這箇作什麼瀉

文淵

宗門統要續集卷三

二十四

扶四

山又無對寒山云休休不用問他自從別後已曾三生作國王來總忘却也

天台拾得一日掃地次寺主問汝名拾得因豐干拾得汝歸汝畢竟名箇什麼姓箇什麼拾得放下掃帚叉手而立主再問拾得拈起掃帚掃地而去寒山稚閑云蒼天蒼天拾得却問汝作甚麼山云豈不見道東家人死西家人助哀二人乃作舞笑哭而出婺州善慧大士因梁武帝請講經士纔陞座以尺拊案一下便下座武帝愕然誌公乃問陛下還會麼帝云不會公云大士講經竟

白雲端云傳大士與誌公被武帝一狀領過

續汾陽昭云講得甚好本覺一云傳大士已是葛藤誌公重下註腳諸人如今樂聞麼良久云兩段不同老宿云大士不得誌公泊成虛棄

大士一日披衲頂冠鞞履朝見梁武帝帝問是僧耶士以手指冠帝云是道耶士以手指鞞履帝云是俗耶士以手指衲衣

汾陽昭代云大士多能

續五祖戒云笑殺傍觀

大士或云夜夜抱佛眠朝朝還共起起坐鎮相隨語

文淵

宗門統要續集卷三

二十五

扶四

默同居止纖毫不相離如形影相似欲識佛去處雪實三十三生祇這語聲是

玄沙備云大小傳大士祇認得箇昭昭靈靈報

慈遂徵云且道他認不認若認他又是補處彌勒不可認也若不認玄沙又與麼道不可徒然雪

竇顯云天下衲僧跳不出直饒口挂壁上漢別有

一竅勘過了打又云玄沙也是打草虵驚翠巖

芝云認與不認來年更有新條在擾亂春風卒未

休薦福懷云誰有單于調換取假銀城良久云

曾被雪霜苦楊華落也驚

續九峯勤云大小傳大士奈一法中而旨異九峯  
卽不然夜夜困卽眠朝朝覺卽起 洞山聰云九  
峯和尚是大力量人言不虛發洞山道困來卽便  
眠覺來卽便起只如你衲僧家白日還打睡麼雖  
然如是三十年後且莫和泥合水 法昌遇云此  
是古佛垂慈不無方便爭奈善因而招惡果傳大  
士如張漫天網羅龍打鳳奈何鱗甲羽毛總在裏  
許逃生無路若是靈禽異獸決定別有生涯 保  
寧勇云大衆傳大士此頌古今不墜一切人知向  
此瞥地者亦多錯會者不少玄沙云大小傳大士

大士

宗門統要續集卷三

二十一

扶四

只認得箇招招靈靈洞山聰云且道衲僧家日裏  
還會睡也無此兩轉語誰言世上無仙客須信壺  
中別有天保寧亦有一頌要眠時卽眠要起時卽  
起水洗面皮光啜茶濕卻背大海紅塵飛平地波  
濤起阿呵阿呵阿囉哩哩囉哩

未詳嗣法

先淨照禪師問楞嚴大師云經中道若能轉物卽同  
如來若獲物轉則名凡夫只如昇先閣作麼生轉

汾陽昭代云彼此老大

無將和尚送供往臺山文殊相迎次問大德從何方

宗門統要續集

而來師云南方殊云南方佛法如何住持師云末法  
比丘少奉戒律殊云多少衆師云或三百或五百師  
却問和尚此間如何住持殊云凡聖同居龍蛇混雜  
師云多少衆殊云前三三後三三

汾陽昭代云識得你

續雪峯存問靈雲云古人道前三三後三三意旨  
如何靈雲云水中魚山上鳥雪峯云意作麼生會  
靈雲云高可射兮深可釣 徑山杲云當時若見  
只向他道和尚如是住持直是不易 天童傑云  
大衆或三百或五百置之勿論只如文殊道前三

宗門統要續集卷三

二十七

扶四

三後三三如何話會良久云竹影掃階塵不動月  
穿潭底水無痕

師喫茶次文殊拈起玻瓈盞問南方還有這箇麼師  
云無文殊云尋常將什麼喫茶師無對

洞山价代展兩手云有無且置借取這箇看得否

曹山章代云久承大士按劍爲什麼處在一塵

長慶稜代云若與麼癡客勸主人 瑯琊覺云

若也是去可謂虎口裏奪食若也不是去移舟詣

水勢舉擢別波瀾

續汾陽昭云謝顧問



師因日晚遂問文殊云擬投一宿得不殊云你有執心在不得此宿師云某甲無執心殊云你受戒不師云受戒久矣殊云你若無執心何用受戒師遂辭退均提童子送師出師云適來和尚道前三三後三三是多少童子召云大德師回首童子云是多少

洞山价云欲觀其父先觀其子

續汾陽昭於何用受戒處云悔出前言於童子道是多少處云識得你

師又見化寺無額問童子此寺各甚麼童子以手指金剛背後云看看師回首化寺乃隱

續

高僧統要續集卷三

二十八

扶四

續汾陽昭云辯才遇蕭翼

師去五臺逢一老人師問莫是文殊不老人云豈有

二文殊師遂作禮忽然不見一本曰豐豆干

趙州諗代云文殊文殊 薦福懷云無著只有先

鋒且無殿後老人若不隱身去有甚麼面見無著

公期和尚因往羅漢路逢一騎牛公子師問羅漢路

向甚麼處去公拍牛云道道師喝云這畜生公云羅

漢路向甚麼處去師却拍牛云道道公云直饒與麼

猶少棒喫在師便打公子便拍牛走

續首座問洞山佛真法身猶若虛空應物現形如水

中月作麼生說箇應底道理洞山云如驢覷井是則是只道得八成山云首座作麼生驢云如井覷驢  
有本云紙承道者問德上座或謂洞山問曹山

錢塘鎮使在界上爲鎮將時問僧其或相契卽畱止

宿一日因二僧至遂問近離甚處云江西馬大師處

云馬師有什麼方便僧云道卽心是佛便被揖出又

有二僧到亦如前問僧云非心非佛亦被揖出不得

止宿

洪州太守許式郎中見洪州鷄足山王因與上藍溥和尚泐

潭澄和尚三人坐次澄云承郎中云夜坐連雲石春

續

高僧統要續集卷三

二十九

扶四

裁帶雨松當時是答洞山什麼話許云今日放衙澄

云聞說是答泗洲大聖在揚州現底話是不許云別

點茶來澄云名不虛傳元來是作得王許云和尚早

晚回山去澄云今日被上藍覷破上藍便喝澄云須

是你始得許云勿奈船何打破岸耳

郎中入上藍僧堂問首座年多少座云六十八歲許

云僧臘多少座云四十七夏許云聖僧得幾夏座云

與虛空同受戒許拍禪牀板頭云下官喫飯不似首

座喫鹽多

大宋太宗皇帝問僧看甚麼經僧云仁王經帝云既



是寡人經爲甚麼在卿手裏僧無對

雪竇顯代云皇天無私惟德是輔

帝幸開寶塔問僧卿是甚人僧云塔王帝云寡人塔爲什麼卿作主僧無對

雪竇顯代云闔國咸知

帝因僧朝見乃問卿是甚處僧云廬山臥雲庵帝云臥雲深處不朝天爲甚到此

雪竇顯代云難逃至化

帝嘗夢神人報云請陛下發菩提心帝早旦宣問左右街菩提心作麼生發

文部

宗門統要續集卷三

三

扶四

雪竇顯代云實謂古今罕聞

帝因僧朝見乃云陛下還記得臣僧麼帝云甚處相見來僧云靈山一別直至如今帝云卿以何爲驗僧無對

雪竇顯代云貧道得得而來

帝因僧奏燒却藏經欲乞宣賜帝宣問昔日摩騰不燒如今爲甚却燒僧無對

雪竇顯代云陛下不忌付囑

人名古宿

昔有老宿一夏已來並不爲師僧說話有僧自云

宗門統要續集

我只與麼空過一夏不敢望和尚說佛法得聞正因

兩字也得老宿聊聞乃云闍黎莫警速若論正因一字也無與麼道了叩齒云適來無端不合與麼道隣壁有老宿聞乃云好一金羹被兩顆鼠糞汗卻

報慈遂徵云且道讚歎語不肯語若是讚歎爲甚道鼠糞汗卻若不肯他有什麼過驗得麼 雪竇顯云誰家鍋金無一兩顆

續黃龍清云二老宿只見錐頭利不見鑿頭方只如這僧道不敢望和尚說佛法得聞正因兩字也得是會不會參玄要具通方眼好向言中辯古今

文部

宗門統要續集卷三

三十一

扶四

有老宿住庵於門上書心字於窗上書心字壁上書心字後法眼云門上但書門字窗上但書窗字壁上但書壁字玄覺云門上不要書門字窗上不要書窗字壁上不要書壁字何故字義炳然

昔有兩僧各住庵旬日不會一日相見上庵主乃問多時不見在什麼處下庵主云在庵裏造箇無縫塔上庵主云某甲也欲造箇就師借樣子可不下庵主云何不早道恰被人借去也

或云匾檐山庵主

法眼益云且道借伊樣不借伊樣

昔有老宿云祖即九年面壁爲訪知音若與麼會將

來喫鐵棒有日在又一老宿云祖師九年而壁何不  
慚惶若與麼會更置草鞋行腳三十年

瑯琊覺云旣不然且道祖師面壁意作麼生良久  
云欲得不招無間業莫謗如來正法輪

續天童傑舉瑯琊語了云二老宿敲毬打瓦瑯琊  
和尚畫虎成狸諸人要見祖師面壁底意旨麼窮  
坑難滿

昔有老宿畜一童子竝不知軌則有一行腳僧到庵  
乃教示童子朝昏禮儀其童晚見老宿外歸遂去問  
訊老宿俄然怪見遂問阿誰教汝童子云堂中上座

高統要續集卷三

三十三

扶四

老宿尋喚其僧來問上座傍家行腳是甚麼心行這  
箇童子養來二三年幸自可憐生誰教上座教壞伊  
快俶裝去黃昏雨淋淋地被他趁出

法眼益徵云古人與麼顯露些子家風甚怪且道  
意在於何

昔有一行者隨法師入佛殿行者向佛而唾法師云  
行者少去就何以唾佛行者云將無佛處來與某甲  
唾法師無對

馮山祐云仁者却不仁者不仁者却仁者仰山寂  
代法師但唾行者又云行者若有語卽向伊道還

我無行者處來

昔有僧到曹溪因守衣鉢僧提起衣云此是大使嶺  
頭提不起底僧云爲甚麼在上座手裏僧無對

雲門偃云彼彼不了又代云遠嚮不如親到又云  
將謂是師子兒

昔有僧持鉢到長者家偶爲犬傷長者因問龍披一  
縷金翅不吞大師全披法服爲甚却被狗咬

昔有僧去覆船路逢一賣鹽翁僧問覆船路向甚處  
去翁良久僧又問翁乃云你患聾那僧云你向我道  
什麼翁云向你道覆船路僧云翁莫會禪麼翁云莫

文部

高統要續集卷三

三十三

扶四

道會禪佛法也會盡僧云你試說看翁挑起鹽僧云  
難翁云你喚作什麼僧云鹽翁云有什麼交涉僧云  
你作麼生翁云不可更向你道是鹽

昔有一婆供養一庵主經二十餘年常令一二八女  
送飯給侍一日令女子抱定云正當與麼時如何主

云枯木倚寒巖三冬無暖氣女子歸舉似婆婆云我  
二十年來祇供養得箇俗漢遂遣起放火燒却庵

昔有官人入鎮州天王院覩神像因問院主云此是  
什麼功德主云護國天王官云只護此國徧護餘國  
主云在秦爲秦在楚爲楚官云臘月二十九日打破

鎮州城天王向甚處去王無對

昔有僧去參米胡路逢一婆住庵僧云婆有眷屬麼  
婆云有僧云在什麼處婆云山河大地若草若木皆  
是我眷屬僧云婆莫作師姑來麼婆云汝見我是甚  
麼僧云俗人婆云汝不可是僧僧云婆莫混濫佛法  
好婆云我不混濫佛法僧云與麼豈不是混濫佛法  
婆云汝是男子我是女人豈是混濫

昔南泉典座辦兩分食詣園中管顧園頭食時展鉢  
次忽有念佛鳥鳴園頭乃敲鉢一下又鳴再敲一下  
鳴既住頭乃問典座會麼座云不會又敲一下

文師  
撰述

富經要續集卷三

三十四

扶四

昔鹽官會下有王事僧忽見一鬼使來追僧告云某  
甲身克主事未暇修行乞容七日得不使云待爲白  
王若許七日後來不然須臾便至言訖不見至七月  
後復來竟覓其僧了不可得後有舉問一僧若被覓  
著時如何抵擬他

洞山价代云被他覓得也

昔嵩山會下有僧在山多年一日下山覓箇住處偶  
宿一行者家者問上座何處去僧云覓箇住處去者  
書箇佛字問上座這箇是什麼字僧云佛字者却喚  
妻問這箇是什麼字妻云佛字者云上座與某甲拙

室見解一般爭解住得其僧却回嵩山

昔有僧到翠巖或曰石霜相看值不在遂看王事事云參  
見和尚也未僧云未主事乃指狗子云上人要見和  
尚但禮拜這狗子僧無語後翠巖歸得聞乃云作麼  
生免得與麼無語

雲門偃云欲觀其師先觀其子

昔有一婆子臨齋入趙州堂云這一堂師僧總是婆  
婆生得底祇有大底孩兒五逆不孝趙州纔顧視婆  
子便出

昔有道士在殿前背佛而坐僧云道流莫背於佛道

文師  
撰述

富經要續集卷三

三十五

扶四

云大德本教云佛身克滿於法界教我向甚處坐卽  
得

昔有一僧還覓云冥中見地藏遂問某平生修何行  
業某云念法華經地藏云止止不須說爲是說爲是  
不說某無對

昔有僧問一尊宿獅子捉兔亦全其力捉象亦全其  
力未審全箇什麼力老宿云不欺之力

昔有施主入院行衆僧隨年錢知事僧云聖僧前著  
一分主云聖僧年多少僧無對

法眼益代云心期滿處卽知



續保寧勇云只恐施主力所不及

昔廣南有僧住庵偶大王出獵吏人報云庵主大王來請起主云非但大王來佛來亦不起王聞乃問佛豈不是卿師主云是王云見師爲甚麼不起

法眼益代云未足謝恩

續保寧勇云相識滿天下今朝遇一人

昔有老宿問一座主疏鈔解義廣略如何主云鈔解疏疏解經宿云經解什麼主無對

昔有官人作無鬼論中夜揮毫次忽見一鬼出云汝道無我聲

支那

續保寧集卷三

三十六

扶四

續五祖演代以手作鵝鳩背云谷谷孤靈隱遠以手加額云何似生

有古德問云我三十年前曾斷一人命根而今日夜憂愁如何免得

有古德與僧行次見水中死魚乃問魚以水爲命爲甚却死在水裏

續天龍機代云是伊爲什麼不去岸上死

昔高麗國來錢塘刻觀音聖像及昇上船竟不能動因請入明州開元寺供養後有設問無刹不現身聖像爲甚麼不去高麗國

長慶稜云現身雖普觀相生偏 法眼益別云識得觀音未

昔有座主念彌陀名號次小師遂喚和尚及其回顧小師不對如是數四座主叱之小師云和尚幾年喚他卽得某甲纔喚便乃發惡

宗門統要續集卷第三

校謄

第二十紙五行

押南藏作扣

音釋

誼音因脚踏脚踏直知切踏直朱悚慄悚息勇切怖也

支那

續保寧集卷三

三十七

扶四

倣起度切礫郎狄切諗式荏倣倣使果覷七慮切弗

楚限較切悉合厚火故切誓先奚響尼止切指物貌

刑部郎中金壇于玉立施贊刻此  
宗門統要續集第三卷 計字乙萬二千三百  
九十箇該銀六兩四錢四分  
平湖釋在照對長洲徐普書上元陶夢信刻  
萬曆丁未春三月徑山寂照庵識



宗門統要續集卷第四

宋建谿沙門宗永集

元建康保寧禪寺住持沙門清茂續集

六祖大師嗣法

南嶽大慧懷讓禪師初參六祖祖問甚處來師云嵩山來祖云是什麼物與麼來師云說似一物卽不中祖云還可修證也無師云修證卽不無汙染卽不得祖云只此不汙染乃諸佛之所護念汝旣如是吾亦如是

祖因僧問如鏡鑄像光歸何處師云大德未出家時

相

宗門統要續集卷四

二

扶五

相貌向甚處去僧云成後爲甚不鑑照師云雖不鑑照瞞他一點也不得

續法眼益別云阿那箇是大德鑄成底像

南嶽下第一世

江西馬祖道一大寂禪師始匡徒曰大慧遣一僧囑云你去喚他陞堂時乃出問作麼生看他道甚言句記將來僧至一如所教師云自從胡亂後三十年不曾少鹽醬僧回舉似大慧深肯之

續徑山早云雲門卽不然夜夢不祥書門大吉

師因僧參次乃畫一圓相云入也打不入也打僧纔

入師便打僧云和尚打某甲不得師靠拄杖休去雪竇顯云二俱不了和尚打某甲不得靠却拄杖擬議不來劈脊便棒

師因僧問離四句絕百非請師直指西來意師云我今日勞倦不能爲汝說得問取智藏去僧乃問智藏云何不問和尚僧云和尚教來問藏云我今日頭痛不能爲汝說去問取海兄僧遂問海海云我到這裏却不曾僧舉似師師云藏頭白海頭黑

馮山喆云這僧與麼問馬師與麼答離四句絕百非智藏海兄都不知會麼不見道馬駒踏殺天下

支那

宗門統要續集卷四

二

扶五

人

續五祖演云馬大師無著慙惶處只道得箇藏頭白海頭黑這僧擔一擔擔懂換得一箇不會若也眼似流星多少人失錢遺罪

師因有僧於前作四畫上一畫長下三畫短云不得道一畫長三畫短離四句絕百非請師答師乃畫一畫云不得道一畫長三畫短答汝了也

續南陽忠別云何不問老僧 馮山果云借婆裙于拜婆年

師因百丈南泉西堂三人隨侍訖月次師乃問正當

與麼時如何堂云正好供養文云正好修行杲拂袖便去師云經入藏禪歸海惟有普願獨超物外

翠巖真云神鼎叔翁云只爲老婆心切翠巖卽不然垂萬里鈎駐千里烏騅布漫天網打衝浪巨鱗還有麼有則衝浪來相見如無且歸巖下待月明續泐潭清云是則全是非則全非後來神鼎道只爲老婆心切神鼎與麼道大似金沙混雜玉石不分只如馬大師道經入藏禪歸海惟有普願獨超物外什麼處是老婆心切處還記得麼不省這箇意修行徒苦辛 開福寧云諸禪德馬大師等開

宗門流傳集卷四

三

扶五

舒卷妙手天然也是貪觀雲裏鴈失却波頭船若人檢點得出披毛游火聚戴角混塵泥其或見虎朦朧爲你下箇註脚經歸藏禪歸海未是衲僧親到底拂袖前行歸去來擊碎重關門大啓還有見馬師者麼良久云休休長安夜夜家家月幾處處歌幾處愁 虎丘隆云馬駒踏殺天下人一捫直須一掌血三大士各展家風不覺翻成老婆心切叢林浩浩商量總道說月話奇特儉點將來克由耐耐何故三人謹龜成蟹 靈隱巖於正好供養處云望梅林止渴正好修行處云金不博金拂袖

便行處云只得一楸獨超物外處云庵摩呢達尼吽唵吒復云這一夥落鼻孔總被穿却了也你諸人向什麼處出氣擊拂子下座

師一日問藥山子近日見處作麼生藥云皮膚脫落盡唯有一真實師云子之所得可謂協於心體布於四肢既然如是將取三條篋束取肚皮隨處住山去藥云某甲又是何人敢言住山師云未有長行而不住未有常住而不行欲益無所益欲爲無所爲宜作舟航無久住此 南嶽下第二世

宗門流傳集卷四

四

扶五

池州南泉普願禪師師馬大師師因東西堂爭猫兒師乃提起云大衆道得卽救取道不得卽斬却也衆無對師遂斬之晚趙州外歸師舉似州州乃脫草履安頭上而出師云子若在卽救得猫兒

保福展云雖然如是也卽是破草鞋 翠巖芝云大小趙州祇可自救

續雪峯存問德山南泉斬猫兒意旨如何德山以拄杖便打趙出復召云會麼峯云不會山云我與麼老婆猶自不會 大溈智云南泉據令而行趙州見機而作雖然如是未免掛人脣吻大圓要與

南泉把手共行遂拈拂子云若道得卽奪取去取無語乃云啼得血流無用處不如絨口過平生

師示衆云喚作如如早是變了也今時師僧須向異類中行歸宗聞乃云雖行畜生行不得畜生報師云孟八郎又與麼去也

德山密云南泉中毒也 瑯琊覺云山僧不然遇

水喫水遇草喫草焉知畜生行

續法花舉云且道作麼生是異類中行石牛長臥三春霧木馬時嘶秋夜泉

師同魯祖歸宗杉山喫茶次魯祖提起茶盞云世界

宗門變續集卷四

五一

扶五

幾時使有這箇師云今人祇識這箇不識世界宗云

是師云師兄莫同此見麼宗拈却起盞云向世界未成時道得麼師作掌勢宗以面作承掌勢

續昭覺勤云魯祖斲土揚塵南泉和泥合水歸宗

火亂灰飛杉山坐觀成敗逆委悉麼箭鋒相拄不相饒四人共拈一隻盞

師示衆云文殊普賢昨夜三更相打每人與二十棒趙出院也趙州出衆云和尚棒教誰打師云王老師過在甚處州乃作禮

雲門偃代云深領和尚慈悲某甲歸衣鉢下得箇

安樂又代云與衆除害

續報慈遂云且道趙州休去是肯南泉不肯南泉

夾山齡云南泉一期逞俊爭奈平地起堆趙州雖是覲面投機不覺腦門著地

師因至莊偶莊主預備迎奉師云老僧居常出入不與他知何夙排辦至於如是主云昨夜土地神報師云王老師修行無力被鬼神覲見侍者便問既是犬善知識爲甚却被鬼神覲見師云土地前更下一分飯著

因室穎云南泉被這僧一問不免向鬼窟裏作活

宗門變續集卷四

六

扶五

計

續雲居錫云是賞伊是罰伊已如土地覲見是南泉不是南泉 翠巖云衆中多有道蘇盧蘇盧

便是土地前一分飯如斯理論深屈古人何故只知枝詞蔓說不知南泉道理諸人要會麼執之失度必入邪路放之自然體無去住 天童覺云老

僧當時若見莊主與麼道便與捉住云放汝不得何故不見道來說是非者便是是非人

師示衆云王老師賣身去也還有人買麼時有一僧出衆云某甲買師云不作貴不作賤你你麼生買僧



無對

趙州諗云明年與和尚作一領布衫 卧龍球云和尚屬某甲 禾山殷代云是何道理 明招謙代便拍傍僧背云好著不著去 雪竇顯云雖然作家競買要且不解輸機且道南泉還肯麼雪竇也擬訓箇價直令南泉進且無門退亦無路良久云別處容和尚不得

續隱靜岑云某甲報恩有分

師同歸宗麻谷去禮觀國師路次於地畫一圓相云道得卽去宗便於相中坐谷便作女人拜師云與麼

宋門統要續集卷四

宋門統要續集卷四

七

扶五

則不去也宗云是什麼心行師於是相喚回

翠巖芝云當時若見每人與一棒且圖天下太平續雲居錫云比來要禮國師南泉爲甚麼却相喚回且道古人意作麼生 報慈遂云只如南泉與麼道是肯底語不肯底語 五祖演云三人是慧炬三昧莊嚴王三昧 薦福行云漢武求仙不得仙王喬端坐却昇天雖然三箇中有見得國師底有見不得國師底若人辯得許你具頂門眼 南華曷云動絃別曲還他麻谷歸宗掣鼓奪旗偏宜南泉老漢直得同行不同步黨理不黨親白雲盡

處是青山行人更在青山外 天童覺云我當時

若見便與抹却圓相不唯打破南泉窠臼亦乃教歸宗無著身處麻谷呈伎倆不得南泉云恁麼則不去也果然果然

師住菴時一僧到師乃云某甲上山作務請齋時作飯自喫了却送一分來其僧齋辦自喫了却將家事一時打破仍就牀卧師伺久不來遂歸見僧卧師亦去一邊卧僧便起去師住後云我往前住菴時有箇靈利道者來直至如今不見

五祖戒云也是貧兒思舊債 翠巖芝云兩箇漢

宋門統要續集卷四

宋門統要續集卷四

八

扶五

前不至村後不至店

師有書與茱萸云理隨事變寬廓非外事得理融寂寥非內僧乃問如何是寬廓非外萸云問一答百也無妨進云如何是寂寥非內萸云覩對聲色不是好手僧又問長沙沙瞪目視之又進後語問沙乃閉目示之僧又問趙州州作喫飯勢又進後語問州以手拭口後僧舉似師師云此三人不謬爲吾弟子

續蔣山懃云南泉雖則養子之緣其奈憐兒不覺醜姝不知這三人一人有目無足一人有足無目一人足目俱無雖然如是皆可與南泉爲師爲甚



如此理事分明

師與魯祖杉山歸宗四人離馬祖處各謀住菴於中路分袂師挿一拄杖云道得也被這箇礙道不得也被這箇礙宗拽拄杖打師一下云也只是這箇王老師說什麼礙與不礙魯云只此一句語大播天下宗云還有不播者麼魯云有宗云作麼生是不播者魯便作掌勢

師示衆云王老師自小養一頭水牯牛擬向溪東牧不免食他國王水草向溪西牧亦不免食他國王水草如今不免隨分納些些總不見得

支那史

宗門統要續集卷四

九

扶五

雲門偃云直道牛內納牛外納直饒你說得納處分明我更問你覓牛在 爲山喆云雲門只解索牛不解穿他鼻孔拈拄杖云三世諸佛天下老和尚鼻孔盡被山僧拄杖一時穿却且道山僧鼻孔在什麼處良久云誣人之罪以全罪科之  
續長慶稜云你道南泉前頭爲人後頭爲人 雪竇顯云一時穿却 雲峯悅云說甚麼納些些盡乾坤大地色空明暗情與無情盡在山僧這裏放行則隨緣有地把住則逃竄無門且道放行好把住好 昭覺勤云和光順物與世同塵不犯鋒鋦

收放自在是南泉本分草料山僧自小養一頭水牯牛有時孤峯獨立有時鬧市縱橫不論溪東溪西一向破塵破的且道卽今在甚麼處試著眼看 天童傑云南泉起模畫樣長慶披沙揀金雲門鼻孔先穿雪竇據款結按拈拄杖更有一箇在什麼處擲下拄杖 靈隱獄云王老師傾腸倒腹則不無未見移風易俗在山僧只養得一頭驢一向東倒西攞順時一日何啻千里萬里初時直是一步不移且道與王老師水牯牛相去多少良久云 漁人舞棹野老謳歌

支那史

宗門統要續集卷四

十

扶五

師因僧問牛頭未見四祖持爲甚百鳥銜花獻師云爲渠步步踏佛階梯僧云見後爲甚不來師云直饒不來猶較王老師一線道  
雲門偃云南泉只解步步登高不解從空放下時有僧問如何是步步登高門云香積世界如何是從空放下門云填溝塞壑  
師示衆云江西馬祖說卽心卽佛王老師不恁麼不是心不是佛不是物恁麼道還有過麼時有趙州出禮拜了去續有僧問趙州云上座禮拜了去急作麼生州云汝却問取和尚僧問師適來諗上座意作麼

生師云他却領得老僧意旨

續黃龍心云古人恁麼道譬若管中窺豹但見一班設使入林不動草入水不動波猶是騎馬向冰稜上行若是射鵬底手何不向蛇頭揩痒透關者試辯看良久云鴛鴦繡出自金針 徑山杲云兩箇老漢雖善靴裏動指殊不知傍觀者醜

師因入園見一僧乃拋瓦礫擲之其僧回首師乃翹一足僧無語師便歸僧隨後歸請益云和尚適來擲瓦礫打某甲豈不是警覺某甲師云翹足又作麼生僧無對

支那

南經續集卷四

十二

扶五

石霜諸因僧問云南泉翹足意作麼生霜舉手云還恁麼也無

師因座主來辭乃問甚處去主云山下去師云第二不得謗王老師王云爭敢謗和尚師乃噴涕云是老少主便出去

石霜諸云不爲人斟酌 雲居膺云非師本意

續雲居錫云座主當時出去是會不會

師問僧云夜來好風僧云夜來好風師云吹折門前一枝松僧云吹折門前一枝松次問一僧云夜來好風僧云是什麼風師云吹折門前一枝松僧云是什麼

麼松師云一得一失

翠巖真云衆中商量甚多有云前來據實祇對所以云得後來不合云是仁麼風所以云失然只知車書混同泥玉一所何哉不知道之根源理之深淺要會麼路逢劍客須呈劍不是詩人莫獻詩

師與杉山向火次乃云不用指東畫西本分事直下道將來杉以火箸插向爐內師云直饒如是猶較王老師一線道又如前問趙州州遂畫圓相中心下一點師云直饒如是猶較王老師一線道

師問座主講得什麼經主云彌勒下生經師云彌勒

支那

南經續集卷四

十三

扶五

甚麼時下生主云現在天宮未來師云天上無彌勒地下無彌勒

洞山价舉問雲居居云天上無彌勒地下無彌勒未審誰與安名洞山被問直得禪牀振動乃云吾在雲巖曾問老人直得火爐振動今日被子問直得通身汗流 大陽玄云如今老僧舉起也有解問者致將一問來乃云地動也

續徑山杲云禪牀動火爐動地動即不無這三箇老漢要見南泉直待彌勒下生始得忽有箇漢出來道天上無彌勒地下無彌勒却教甚麼人下生

又作麼生祇對但向他道老僧罪過

師因陸亘大夫云肇法師也甚奇怪解道天地同根萬物一體師指庭前牡丹云大夫時人見此一株華如夢相似

續保寧舅代大夫拍手云阿誰得到這般田地

黃龍心舉問僧云南泉恁麼道如何得見與我一體僧舉起坐具黃龍云舉則易見還難毗盧頂上天風寒我栽直下蒼龍窟誰敢覲著 昭覺勤云陸亘手攀金鎖南泉八字打開直得七珍八寶羅列目前乃豎起拂子云天地一指萬物一馬通身

支那撰述

宗門統要續集卷四

十三

扶五

是口分疎不下

徑山杲云若向理上看非但南

泉謾他陸亘大夫一點不得亦未摸著他脚跟下

一莖毛在若向事上看非但陸亘大夫謾他南泉

一點不得亦未夢見他汗臭氣在或有出來道大

小徑山說理說事只向他道但向理事上會取

師問神山什麼處來山云打羅來師云手打脚打山

無語師云你問我我與你道山便問手打脚打師云

分明記取已後遇明眼人舉似他

雲巖晟代云無手脚者始解打

續保寧舅代神山無語處云和尚具一切智

宗門統要續集

師因山下有一菴主人謂近日南泉和尚出世何不去禮見主云非但南泉出世直饒千佛出興亦不能

去師聞乃令趙州去勘州去便設拜主不顧州從西過東又從東過西主並不顧州云草賊大敗遂拽下簾子便歸舉似師師云我從來疑著這漢

雪竇顯云大小南泉趙州被這箇檐板漢勘破了

馮山喆云菴主坐觀勝敗大小南泉趙州向淨地上喫交

續智海禾云是卽是菴主卽解把定封疆不能同生同死趙州禮拜時但云這賊我識得你了也待

支那撰述

宗門統要續集卷四

十四

扶五

伊從東過西從西過東拽拄杖趁出菴且看趙州

別有什麼伎倆

廬山歸宗智常禪師與南泉同行一日告別煎茶次

泉乃云從前與師兄商量語句彼此已知向後忽有

人問畢竟事作麼生師云這一片田地好卓菴泉云

卓菴且致畢竟事作麼生師乃踢却茶鉢便起泉云

師兄喫茶了某甲未喫茶師云作這箇語話滴水也

銷不得泉休去

五祖戒云南泉只解作客不解作主 馮山喆云

南泉逢強卽弱歸宗逢弱卽強三十年同行畢竟



事不通商量然雖如是猶較王老師一線道

續昭覺勤云驚羣之句誰不聳然有般道南泉機

他歸宗不著所以遭他呵叱殊不知行人更在青

山外蔣山不惜眉毛爲諸人下箇註脚南泉探頭

太過歸宗壁立萬仞且道還有出身路也無喝下

須教三日聾 天童華云南泉食程太急歸宗薄

處先穿二老雖發明馬祖正眼要且極則事未夢

見在何故家住東州

師因小師辭乃問甚處去僧云諸方學五味禪去師

云諸方有五味禪我這裏只有一味禪僧便問如何

撰述

宗門統要續集卷四

十五

扶五

是和尚一味禪師便打僧云會也會也師云道來道

來僧纔開口師又打

黃檗運云馬大師出八十四員善知識箇箇阿轆

轆地唯有歸宗較些子 雪竇顯云以強欺弱有

什麼難我這裏有一味禪爲甚不學但問道收待

伊拈起有般無眼漢只管喫吽吽雪竇門下誰敢

續昭覺勤云若非黃檗深辯端倪洵乎勞而無功

資福先云歸宗幸是好一味禪無端傷鹽傷醋

却成五味了也如今忽有人來辭去諸方學五味

禪只向他道善爲道路若是箇漢必然別有生涯

師因普請乃問維那作什麼那云拽磨師云不得動

著中心樹子維那無對

保福展代云比來拽磨如今却不成

續法眼益云恁麼卽不拽也

師划草次有座主來參偶見一蛇過師遂鋤斷之主

云久嚮歸宗元來是箇麤行沙門或云座主歸堂喫

茶或云你麤我麤主云如何是麤師豎起鋤頭主云

如何是細師作斬蛇勢主云與麼則依而行之師云

依而行之且致你甚處見我斬蛇主無對

撰述

宗門統要續集卷四

十六

扶五

便走山召云布衲子峯回首山云他後悟去方知

老漢徹底老婆心 雪竇顯云歸宗只解慎初不

能護末德山頗能據令未明斬蛇乃云大眾看翠

峯今日斬三五條以拄杖打散

師因泥壁次白侍郎來師便問君子儒小人儒白云

君子儒師乃打泥柘一下白遂過泥與師接得便使

良久云莫便是快俊底白侍郎不白云不敢師云祇

有過泥分

師因僧問如何是玄旨師云無人會得僧云向者如

何師云有向卽乖僧云無向者如何師云誰來玄旨



僧良久師云這裏無子用心處僧云還有方便令學人得入也無師云有僧云如何是方便門師云觀音妙智力能救世間苦僧云如何是觀音妙智力能救世間苦師敲鼎蓋三下云還聞麼僧云聞師云我爲什麼不聞僧無語師便打

師因普請入園取菜乃畫一圓相圍却一株菜以標插之語首座大衆云輒不得動著每人下一轉語來是時一衆各呈見解未嘗有契師以棒趁云這一隊漢無一箇有智慧喫却我多少菜不能與圓頭出氣乃踏倒標子拽著菜株而歸

支那

宗門統要續集卷四

七

扶五

師因李渤刺史問三乘十二分教卽不問如何是祖師西來意師乃豎起拳云會麼李云不會師云飽學措大拳頭也不識李云某甲實不會師云會得則途中受用不會則世諦流布

師又因李渤問教中道須彌納芥子渤則不疑言芥子納須彌莫是妄談不師云人傳使君讀萬卷書籍是不李云然師以手摩頂至踵云都來如椰子六萬卷書籍向甚處著李俛首而已

師因僧問如何是佛師云向你道你還信不僧云和尚言重焉敢不信師云只你是僧云如何保任師云

宗門統要續集

一翳在眼空華亂墜其僧於此有省  
法眼益云若無後語何處討歸宗 雪竇顯向只你是處別云侍者寮喫茶去

明州大梅法常禪師因夾山與定山同行言話次定云生死中無佛卽無生死夾云生死中有佛卽不迷生死二人是非不已特上山參見人事了夾山便問師未審二人見處那箇較親師云一親一疎夾云那箇親師云且去明日來夾明日又問師云親者不問問者不親夾住後云我當時在大梅處失却一隻眼雪竇顯云夾山畢竟不知換得一隻眼大梅老漢

支那

宗門統要續集卷四

七

扶五

當時聞舉以棒一時打出豈止割斷兩人葛藤亦乃爲天下宗匠

續法昌遇因英邵武問云此箇公案作麼生師便打英云一場籠侗師云你試下轉語英云一狀領過師云矮子看戲 昭覺勤云生死爲諸佛根基諸佛乃生死爐鞴若解險絕承當卽證六通八解師自見馬祖後直入大梅山住二十年祖聞令一僧去問和尚見馬師得何道理便住此山師云馬師向我道卽心是佛我便向這裏住僧云馬師近日佛法又別師云作麼生別僧云道非心非佛師云這老漢

惑亂人未有了日任他非心非佛我只管卽心卽佛其僧回舉似馬祖祖云梅子熟也

師因僧問如何是祖師西來意師云西來無意

塩官安聞云一箇棺材兩箇死漢 玄沙備云塩

官是作家 雪竇顯云三箇也得

續黃龍新云雪竇道三箇也得是死漢是活漢具

眼者請試甄別 昭覺勤云一串穿却

師因龐居士問久嚮大梅未審梅子熟也未師云你

向甚處下口士云百雜碎師云還我核子來

翠巖芝云此二人大似把手上高山

法苑珠林

宗門統要續集卷四

五

扶五

續寶峯文云且道二人相見還有優劣也無

師一日示徒云來莫可抑往莫可追從容聞鼯鼠聲

乃云卽此物非他物汝善護持吾當逝矣

雪竇顯云這漢生前莽鹵死後顛頂卽此物非他

物是何物還有分付處也無有般漢不解截斷大

梅脚跟只管道食程太速

續寶峯文云旣非他物是什麼物 地藏恩云是

什麼語話

杭州塩官齊安國師一日喚侍者將犀牛扇子來者

云破也師云扇子旣破還我犀牛兒來者無對

投子同代云不辭將出恐頭角不全 雪竇顯云

我要不全底頭角 石霜諸代云若還和尚卽無

也雪竇云犀牛兒猶在 保福展代云和尚年尊

別請人好雪竇云可惜勞而無功 資福代作一

圓相於中書牛字雪竇云適來爲甚不將出 雪

竇又拈云若要清風再復頭角重生請諸禪客下

一轉語乃問扇子旣破還我犀牛兒來時有僧云

大眾參堂去師喝云批釣釣鯢鯨釣得箇蝦蟆

雲居舜云三伏當時正須扇子爲侍者不了事

雖然如是塩官太絮何不大家割捨侍者當時見

法苑珠林

宗門統要續集卷四

五

扶五

他道扇子旣破還我犀牛兒來只對云已颺在槓

菴堆頭了也 地藏恩云從上知識各說異端作

盡伎倆其奈總未知犀牛兒所在山僧見處也要

諸人共知扇子旣破還我犀牛兒來別處容和尚

不得

師問一座主蘊何經論主云華嚴經師云華嚴有幾

種法界主云略而言之有四廣說則重重無盡師提

起拂子云這箇是第幾種法界中收主良久師云思

而知慮而解是鬼家活計日下孤燈果然失照下去

法眼益代拈掌三下

續蔣山懃云塩官以強陵弱則且致如何道得一句語免他道鬼家活計良久云劒閣路雖險夜行人更多 大瀉泰云大眾這僧將成九仞之山不進一簣之士當時山僧若作座主待豎起拂子云這箇是第幾種法界中收只向他道向下文長付在來日

師示衆云虛空爲鼓須彌爲椎什麼人打得衆無對南泉云王老師不打這破鼓 法眼益別云王老師不打 雪竇顯云打者甚多聽者極少且問誰是解打者莫謗塩官好南泉道王老師不打這破

支那

高麗續集卷四

二十二

扶五

鼓法眼云王老師不打兩箇既不奈何一箇更是燬燼又云王老師不打還肯得諸方也無代云千年田八百主

續黃龍心云南泉法眼只知瞻前不能顧後且如塩官道虛空爲鼓須彌爲椎什麼處是破處還檢點得出麼直饒檢點得破處分明我更問你覓鼓在 天童華云南泉法眼大似喫李子只向赤邊咬山僧今日與塩官相見去也虛空爲鼓須彌爲椎要打便打莫問是誰乃拈拄杖卓一下 天童餘云塩官提水放火南泉撥亂星飛法眼埋兵掉

宗門統要續集

鬪諸方尊宿各出隻手並無一人性懃只是隨後打鼓祥符直截爲諸人道虛空爲鼓須彌爲椎漆桶參堂去

師因僧問如何是本身盧舍那師云與老僧過淨餅來僧將淨餅至師云却安舊處著僧復來問師云古佛過去久矣

雲門偃云無朕迹 雪竇顯云直得一手指天一手指地爭得無還會麼雲在嶺頭閑不徹 瀉山詰云山僧不然忽有人問但云大眾歸堂去若人向大瀉門下薦得古釋迦不先新彌勒不後且道

支那

高麗續集卷四

二十二

扶五

轉身一句作麼生道良久云明年更有新條在惱亂春風卒未休

續東禪觀云盲者難以與乎文彩瞶者難以與乎音聲這僧既不薦來機國師只成虛設雲門道無朕迹扶國師不起雪竇云一手指天一手指地爭得無也扶國師不起以拂子畫一畫云前來葛藤一時畫斷且道畢竟如何是本身盧舍那擲拂子下座

京兆章敬懷惲禪師因百丈遣僧來囑云待伊陞堂次乃展坐具禮拜了將伊一隻鞋以袖拂却上塵倒



覆向下其僧至一依指教師乃云老僧罪過

續黃龍新云百丈逞盡神通不消章敬道箇老僧罪過 鼓山珪云黃龍孟八郎猶欠一著在只知百丈逞神通殊不知百丈伎倆俱盡只知章敬道箇老僧罪過不知章敬一欸便招會麼蛇吞蝦蟇猶自可更有蜈蚣在後頭

師因小師遊方回乃問汝離此間去多少年耶小師云自離和尚將及八載師云辦得箇什麼小師遂於地上畫一圓相師云祇這箇更別有小師乃畫破圓相作禮而退

鼓山

宋高麗續集卷四

二十三

扶五

幽州盤山寶積禪師將順世告衆云有人貌得吾真不衆或將所傳頂相呈似皆不契時普化云某甲貌得師云何不呈似老僧化遂打筋斗而出師云這漢向後學風狂去在

保福展云普化掣顛不少盤山醜拙更多

續長蘆了懃身云快活殺我也若無爍破乾坤底

眼孔爭見渾金璞玉復云山僧依普化樣子摸得

一本今夜展開要且大家瞻仰遂打筋斗歸堂

師於市肆行次見一客人買猪肉語屠家云精底割一斤來屠家放下刀叉手云長史那箇是不精底師

於言下有省

師又一日出門見人昇喪歌郎振鈴云紅輪決定沈西去未委魂靈往何方幕下孝子哭云哀哀師忽身心踴躍歸舉似馬祖祖印可師示衆云向上一路千聖不傳學者勞形如猿捉影

瑯琊覺云上來講讚無限良因

續慈明圓云向上一路千聖不然 楊岐會云口

上著 天童傑云向上一路掘地覓天

婺州五洩山靈默禪師到石頭處云一言相契卽住不契卽去頭據坐師便去頭隨後召云聞黎聞黎師

鼓山

宋高麗續集卷四

二十四

扶五

回首頭云從生至死祇是這箇回頭轉腦作麼師忽然契悟乃拗折拄杖

洞山价云當時不是五洩先師也大難承當然雖

如是猶涉途在 翠巖芝云石頭據坐五洩回首

石頭召他却成多事 雲峯悅云大小石頭坐不

定把不住似這檐板漢放去便休又喚回被他糊

塗一上道我向這裏有箇悟處驢年夢見

續馮山行云五洩當時便去可謂坐斷天下人舌

頭既被喚回已是糊塗不少拗折拄杖也是賊過

後張弓如今得失是非一時坐斷敢問大眾石頭



據坐意作麼生 地藏恩云只合與麼去不合與麼來

蒲州麻谷寶徹禪師問臨濟大悲千手眼那箇是正眼濟云大悲千手眼作麼生是正眼速道速道師拽濟下禪牀却坐濟遂起云不審師擬議濟便喝拽下禪牀却坐師便出去

因聖穎云諸德此二尊宿如此且道怎生今時人總道照用照什麼稅一切人只解自騎馬去捉賊目持刀去殺賊此二人便能奪賊馬捉賊奪賊刀殺賊雖然如是臨濟雖是得便宜却是失便宜

跋

宗門統要續集

二十五

扶五

師一日使扇次有僧問風性常住無處不周和尚爲甚却搖扇師云你只知風性常住且不知無處不周僧云作麼生是無處不周底道理師却搖扇僧作禮師云無用處師僧著得一千箇有什麼益續昭覺勤云這僧一期可觀可惜有頭無尾若不

是麻谷作家泊合放過敢問大衆甚處是落節處撥開向上竅能有幾人知 馮山果云這僧只知腦門著地不覺當面蹉過當時若據令而行今日何處更討麻谷

師問僧甚處來僧云不審師又問甚處來僧云玃重

師下牀擒住云這箇師僧問著便作佛法祇對僧云大似無眼師放手云放汝命通汝氣僧作禮師欲拈住僧拂袖行師云休將三歲竹擬比萬年松師到章敬處作禮繞禪牀三匝振錫而立敬云是是師又至南泉處亦然泉云是不是師云章敬道是和尚爲甚道不是泉云章敬卽是是汝不是此乃風力所轉終成敗壞

長慶稜代前云和尚佛法身心何在又代後云和尚是什麼心行 保福展別云但振錫一下而出又拈章敬南泉可謂一是一非又云麻谷依稀似

跋

宗門統要續集

二十五

扶五

曲纔堪聽又被風吹別調中 雪竇顯代兩處云錯 馮山喆云章敬道是落在麻谷穀中南泉道不是亦落在麻谷穀中大馮卽不然忽有人持錫遶禪牀三匝卓然而立但向伊道未到這裏好與三十棒

續汾陽昭代前語云莫謾某甲代後語云道無遠近理有淺深 雲居錫云章敬未必道是南泉未必道不是麻谷當時但持錫出去恰好 泐潭清云今時叢林學者商量道章敬道是卽與伊證據南泉道不是卽不肯放過伊如斯話會孤負先聖

黃龍見處也要與諸人共知章敬道是也好與三十拄杖南泉道不是也好與三十拄杖何故是與不是全彰妙義章敬南泉一場失利

師問僧甚處來僧云漳州師云彼中瘴氣近日如何僧云極盛師云聞黎為甚却無事僧云某甲是冬月過師云何處得盛石鞏聞舉乃云語即是理即未是師與丹霞行次見水中魚師指云天天然然師明日問霞昨日意作麼生霞作卧勢師云蒼天蒼天師一日紙帳內坐以手巾蓋却頭披雲和尚人來見便作哭聲良久出去法堂上繞禪牀一市却入撥開

藏經

宗門統要續集卷四

二十七

扶五

帳見師去却手巾而坐乃云死中得活萬中無一師便下牀就位作拙坐具勢雲近前把住云前死後活你還甘麼師云甘即甚甘阿師堪作什麼雲推向一邊云知道前言不復後語

續昭覺勤云入寺看額見表知裏披雲慣作高賓拈尾作頭拈頭作尾麻谷孟嘗門下看他訓對不道他不知有只為用意太深當時待伊道死中得活萬中無一只向道蒼天蒼天何故得人一牛還人一馬

師同南泉二三人去謁徑山路逢一婆乃問徑山路

向甚處去婆云驀直去師云前頭水深過得不婆云不濕脚又問上岸稍得與麼好下岸稍得與麼怯婆云總被螃蟹喫却也師云禾好香婆云勿氣息又問婆住甚處婆云祇在這裏三人至店婆煎茶一餅攜盛三隻至謂和尚有神通者即喫茶三人相顧問婆云看老朽自逞神通去也於是便領茶行

虔州西堂智藏禪師一日普請次云因果歷然爭奈何爭奈何時有僧出以手托地師云作什麼僧云相救相救師云大眾這箇師僧猶較些子僧拂袖便走師云師子身中蟲自食師子肉

藏經

宗門統要續集卷四

二十八

扶五

續昭覺勤云西堂洞明綱要始終正令全提這僧異類中行其奈龍頭蛇尾敢問大眾因果歷然一句作麼生道是則龍女頓成佛非則善星生陷墜師因路逢天使留齋次偶驢子鳴使云頭陀師舉頭使却指驢師却指使使無對或云百丈收禪師語

保福展云西堂因齋慶讚法眼益別云但作驢鳴

續支提覺云一家有事百家忙

師因僧問有問有答賓主歷然無問無答時如何師云泊爛却那又僧問長慶慶云相逢盡道休官去林

下何曾見一人

雪竇顯云何不與本分草料

師因張拙秀才參乃問山河大地是有是無三世諸佛是有是無師皆云有張云錯師云先輩參見什麼人來張云曾參百丈徑山凡有問詰皆云無師云先輩有甚血屬張云有一箇山妻兩箇癡頑又問百丈有甚血屬張云百丈古佛和尚莫謗渠好師云待先輩得似百丈時一切皆無張俛首而已

師曾燒殺一僧一日現身索命師云你還死也無對云死也師云你既死覓命者是誰便乃不見一本曰鄧隱峯

支那

富樓集卷四

二十五

扶五

成日  
永嘉

唐州紫玉山道通禪師因于頔相公問佛法至理乞師一言師云相公若問須去情理公云便請師云但問將來公云如何是佛師召云于頔公應諾師云更莫別求後藥山得聞乃云噫可惜于家漢生埋向紫玉山中公聞便躬去藥山山見乃云聞相公在紫玉山中大作佛事是不公云不敢某甲承聞大師慈悲相教有云可惜于家漢生埋向紫玉山中今日特來乞師慈悲藥云有疑但問公遂問如何是佛藥乃召云相公公應諾藥云是什麼公於此有省

長慶稜共羅山舉次慶云藥山一等是道甚是奇特雲泥有隔羅云不得草草當時賴遇是于頔可

中草窠裏撥著箇焦尾大蟲何處有藥山也慶云作麼生羅云還知于頔是鍛了底金麼

續大瀉智云于頔當時若會見藥山喚云是什麼只向道和尚賺我來拂袖便去不惟作箇慷慨丈夫亦乃不鈍置紫玉大瀉泰云快驪龍領下珠取輪王髻中寶如鐘待扣似谷傳聲八面玲瓏更無回互諸人要見于頔悟處麼真金已出鑛鍛煉轉光輝

支那

宗門統要續集卷四

三

扶五

師因于丞相問如何是黑風吹其船舫漂墮羅剎鬼國師云于頔這漢問渭麼事作麼于當時失色師指云祇這箇便是漂墮羅剎鬼國也于聞已信受洪州百丈大智海禪師因侍馬祖行次忽見一羣野鴨飛過祖云是什麼師云野鴨子祖云甚處去也師云飛過去祖遂把師鼻搖師負痛失聲叫阿哪阿哪祖云又道飛過去元來只在這裏師直得浹背汗流因茲有省師次日赴參眾纔集乃出卷却拜簞祖便下座歸方丈次問師我適來上堂未曾說話爾為甚便卷却簞



師云昨日被和尚拈得鼻頭痛祖云爾昨日向其處  
留心師云今日鼻頭又不痛也祖云爾深知今日事  
師乃作禮而退

雪竇顯云諸方皆謂奇特湑磨舉還當麼若當譬  
如水母以蝦爲目若不當又空讚歎圖箇什麼衆  
中一般漢亂踏向前問古人意旨如何更有老底  
不識好惡對云將謂仙陀客又云來日更到座前  
苦哉苦哉如此自稱宗匠欲開人天眼目驢年去  
諸上座雪竇當時若見伊出來卷簾劈臂一踏令  
坐者倒者俱起不得且要後人別有生涯去免見

支那

雷聲震雲卷西

三十二

扶五

反相鈍置豈不是箇英靈底漢會也無歸堂 白  
雲端出馬祖語云我鈍置猶可你鈍置太煞

續黃龍心云馬祖陞堂百丈卷席後人不善來風  
盡道不留朕迹殊不知桃花浪裏正好張帆七里  
灘頭更堪垂釣如今必有辨浮沉識深淺底漢試  
出來定當水脉看有麼如無且將漁父笛閑向海  
邊吹 大瀉智云曙色未分人盡望及乎天曉也  
尋常

師再參馬祖侍立次祖以目視禪牀角拂子師云卽  
此用離此用祖云爾向後開兩片皮將何爲人師取

拂子豎起祖云卽此用離此用師挂拂背處祖振威  
一喝師當下大悟直得三日耳聾

汾陽昭云悟去便休說什麼三日耳聾 石門聰  
云若不三日耳聾何得悟去汾陽云我與麼道較  
他石門半月程 雪竇顯云奇怪諸禪德如今列  
其派者多究其源者少總道百丈於喝下大悟還  
端的也無然刁刀相似魚魯參差若是明眼漢謾  
他一點不得只如馬師道爾後開兩片皮將何爲  
人百丈豎拂爲復如蟲禦木爲復啐啄同時諸人  
要會三日耳聾麼大冶精金應無變色 東林總

支那

雷聲震雲卷西

三十三

扶五

云當言不避截舌當爐不避火迸佛法豈可曲順  
人情東林今日向驪龍窟內爭珠去也百丈大智  
不無他三日耳聾汾州石門爭免箇二俱瞎漢只  
這三箇老漢還曾悟去也無良久云祖禪不了殃  
及兒孫

續泐潭英云大衆且道馬祖當時是百丈悟了喝  
不悟了喝衆中有人檢點得出來道看山僧與  
汝證明若無山僧今日不惜眉毛爲汝註破良久  
云前三三後三三 雲蓋智云發大機顯大用非  
馬祖而誰能爲卽此用離此用獨百丈得其旨爲



甚麼被馬祖一喝直得三日耳聾要會麼不入驚人浪難逢稱意魚 黃龍新云黃龍路見不平要問雪竇既是大冶精金應無變色爲甚麼三日耳聾要會麼從前汗馬無人識只要重論蓋代功後黃檗云師舉不覺吐舌退後師云子已後莫繼嗣馬人師去檗云不然今日因和尚舉得見馬祖大機大馬因不識馬祖若嗣馬祖已後喪我兒孫師云見與師齊滅師半德子甚有超師之見有本少異師因雲巖問和尚每日區區爲阿誰師云有一人要巖云因甚不教伊自作師云他無家活

一校冊

宗門纂續集卷四

三十三

扶五

師示衆云併却咽喉脣吻速道將來時爲山云某甲不道請和尚道師云不辭與汝道久後喪我兒孫五巖云和尚亦須併却師云無人處祈願望汝雲巖云某甲有道處請和尚舉師舉了巖云師今有也師云喪我兒孫

師因普請鋤地次有一僧舉起鋤頭忽聞鼓鳴乃拋下大笑便歸師云俊哉此是觀音入理之門歸院乃喚其僧問適來見什麼道理便與麼僧云適來肚肌聞鼓聲歸喫飯去師乃笑而笑或爲山一日見火頭聞鼓聲放下火抄撫掌大笑訓詰如前香巖錄有亦類於此不收

宗門統要集

鏡清怱云當時爲山會裏無一人 卧龍云當時爲山有一人

續昭覺勤云這僧洪音大震直得千五百人眼目定動及乎勘證將來却打箇背翻筋斗若不是爲山爭見汗馬功高及乎道有一人只得一半道無一人只得一半今日鐘魚鼓板齊震有呵呵大笑向道觀音菩薩來也

師因西堂問爾向後作麼生開示於人師以手卷舒兩邊堂云更作麼生師以指點空三下

師因叅次有一老人常隨衆聽法衆人退老人亦退

一校冊

宗門纂續集卷四

三十四

扶五

忽一日不退師遂問前面立者復是何人老人云某甲非人也於過去迦葉佛時曾住此山因學人問大修行底人還落因果也無某甲對云不落因果五百生墮野狐身今請和尚代一轉語貴脫野狐身遂問大修行底人還落因果也無師云不昧因果老人於言下大悟作禮云某甲已脫野狐身住在山後敢告和尚乞依亡僧事例師令維那白椎告衆食後送亡僧大衆言議一衆皆安涅槃堂又無人病何故如是食後師領衆至山後巖下以杖挑出一死野狐乃依法火葬師至晚上堂舉前因緣黃檗便問古人錯祇



宗門統要續集卷第五

宋建溪沙門宗永集

元建康保寧禪寺住持沙門清茂續集

南嶽下第二世

越州大珠慧海禪師問座主大德講何經主云金剛經師云講得幾座主云二十餘座師云此經是誰說主抗聲云禪師何得相弄豈不知是佛說耶師云若言有所說卽爲謗佛是人不解我所說義若言不是佛說又是謗經請大德說看王無語師云若以色見我以音聲求我是人行邪道不能見如來大德且那

宗門統要續集卷五

扶六

箇是如來主云某甲到此却迷師云從來未悟說甚麼却迷主云請禪師說師云汝講二十餘座却不識如來主作禮云願垂開示師云如來者則諸法如義何得忘却主云是是師云亦未是在主云經文分明那得未是師云大德如不主云如師云木石如不主云如師云大德如同木石不主云如同木石師云大德與木石何別主無語乃歎云此上人者難爲酬對信州鷺湖大義禪師因唐憲宗詔入內論議有一法師問欲界無禪禪居色界此土憑何而立名禪師云法師祇知欲界無禪不知禪界無欲法師云如何是

宗門統要續集

禪師以手點空法師無對憲宗云法師講無限經論只這一點尚不奈何

師因問諸碩德行住坐卧畢竟以何爲道有對云知者是師云不可以智知不可以識識何謂知者是有對云無分別別是師云善能分別諸法相於第一義而不動安得無分別是有對云四禪八定是師云佛身無爲不墮諸數安得四禪八定是耶時舉衆杜口

續徑山杲云相罵饒你接背相唾饒你潑水

池州杉山智堅禪師與歸宗南泉路次逢一虎各從送過了泉乃問宗云適來見虎似箇什麼宗云似箇

宗門統要續集卷五

扶六

貓兒宗却問師師云似箇狗子宗又問泉泉云似箇大蟲

師因昔請擇巖萊次南泉提起一莖云這箇大好供養師云非但這箇百味珍羞他亦不顧泉云雖然如是箇箇須寄過始得

翠巖芝云只如杉山與麼道還有免得麼若免得去未具眼在若免不得又違前話

師因喫飯次南泉收生飯云生啣師云無生泉云猶是未纔行數步師召云長老泉迴顧云作麼師云莫道是未



澧州茗溪道行禪師有云吾有大病非世所醫後僧問曹山承古有言吾有大病非世所醫未審喚作什麼病曹云攢簇不得底病僧云一切衆生還有此病也無山云人人盡有僧云和尚還有此病也無山云正覓起處不得僧云一切衆生爲什麼不病山云衆生若病卽非衆生僧云未審諸佛還有此病也無山云有僧云既有爲甚不病山云爲伊惺惺

撫州石鞏慧藏禪師昔爲獵人趁鹿從馬祖菴前過問祖還見鹿不祖云汝是何人師云射獵人祖云汝一箭射幾箇師云一箭射一箇祖云汝不善射師云

和尚善射不祖云吾一箭射一羣師云彼此是生命何射他一羣祖云既知如是不自射師云若教某甲自射卽無下手處祖云這漢曠劫無明煩惱今日頓息師當時擲下弓箭投祖出家

清涼欽云且道作麼是一箭射一羣底道理直是三千大千世界生命也不消一箭 雪竇顯云馬師一箭一羣信彩射得有甚用處不如石鞏一箭一箇却是好手雪竇今日効古人之作擬放一箭高聲喝云看箭又云中也 翠巖芝云馬祖一箭一羣猶未善在山僧一箭射盡動合靈無不中者

宗門統要續集卷五

三

扶六

雖然如是只道得一半更有一半留與諸上座道師凡見僧以弓架箭示之一日三平至師云看箭三平乃撥開臂云此是殺人箭活人箭又作麼生師乃扣弓弦三下平乃便作禮師云三十年架一張弓兩隻箭只射得半箇聖人遂拗折弓箭平後舉似大顛顛云既是活人箭爲什麼向弓弦上辯平無對顛云三十年後要人舉此話也難

雲門偈問長慶作麼生道免得他道半箇聖人長慶云若不還價爭辯真僞門云入水見長人 雪竇顯云要先拗折不難爭奈三平中的了也然則

支那

宗門統要續集卷五

四

扶六

老宿要活三平且未免張弓架箭首山念云人人盡道三平中的莫屈佗也無良久云機關不是韓光作莫把臂襟當等閑 支提愛云射虎不真徒勞沒羽

袁州南源道明禪師因洞山來系纜上法堂師云已相見了也洞便下去至明日却上問昨日已蒙和尚慈悲不知甚處是與某甲已相見處師云心心無間斷流入於性海洞云泊放過遂辭去師云多學佛法廣作利益洞云多學佛法卽不問如何是廣作利益師云一物莫違卽是



鼎州中邑洪恩禪師因仰山至謝戒師乃於禪牀上拍手云嗚哪嗚哪仰從西過東從東過西復向中心立然後謝戒師云什麼處得此三昧仰云於曹溪脫印子學來師云汝道曹溪用此三昧接什麼人仰云接一宿覺仰復問和尚甚處得此三昧師云我於馬大師處學來

瑯琊覺云愁人莫向愁人說

師因仰山問如何得見性去師云譬如一室有六窓內有一獼猴外有獼猴從東邊喚往往獼猴即應如是大窓俱喚俱應仰山禮謝起云適蒙和尚譬喻無

宋高僧傳卷五

五

扶六

不了知更有一事只如內獼猴瞌睡外獼猴欲相見如何師下繩床執仰山手作舞云徃徃與汝相見了雲居錫云中邑當時不得仰山者一句語何處有中邑也崇壽稠云還有人定得此道理麼若定不得只是箇弄精覓脚手佛性義在什麼處報慈遂云若不是仰山爭得見中邑且道什麼處是仰山得見中邑處

洛京佛光如滿禪師因唐順宗問佛從何方來滅向何方去既言常住世佛今在何處師云佛從無爲來滅向無爲去法身等虚空常在無心處有念歸無念

宋門統要續集

有住歸無住來爲衆生來去爲衆生去清淨真如海湛然體常住智者善思惟更勿生疑慮帝又問佛向王宮生滅向雙林滅住世四十九又言無法說山河及大海天地及日月時至皆歸盡誰言不生滅疑情猶若斯智者善分別師云佛體本無爲迷情妄分別法身等虚空未曾有生滅有緣佛出世無緣佛入滅處處化衆生猶如水中月非常亦非斷非生亦非滅生亦未曾生滅亦未曾滅了見無心處自然無法說潭州三角山總印禪師示衆云若論此事眨上眉毛早是蹉過了也時麻谷出問眨上眉毛即不問如何

宋高僧傳卷五

六

扶六

是此事師云蹉過也谷乃掀禪床師便打

長慶稜代云悄然保福展云三角賊過後張弓

雪竇顯云兩箇有頭無尾漢眉毛未曾眨上說

什麼此事蹉過尋有僧問眉毛爲甚不眨上師便打

打

續昭覺勤云喚作此事已是好肉剝瘡了也何況

更云眨上眉毛早已蹉過麻谷雪竇賊過後張弓

則故是更有一箇驀拈拄杖下座

池州魯祖寶雲禪師尋常見僧來便面壁南泉聞乃云我尋常向僧道佛未出世時會取尚不得一箇半

箇他涪地驢年去

保福展問長慶稜云只如魯祖節文在甚處被南泉涪道稜云退已讓人萬中無一 羅山閑云陳老師當時若見背上與五火抄何故爲伊解放不解收 玄沙備云我當時若見也與五火抄雲居錫云羅山玄沙總與麼道爲復一般別有道理若擇得出許上座佛法有去處 報慈遂云南泉爲復是唱和語不肯語 翠巖芝云何勞如此若有僧來見箇什麼知時好又云我卽不然未具胞胎不得會會得卽打折你腰

宗門統要續集卷五

七

扶六

續徑山杲云魯祖不得南泉幾乎覷破壁

師因洞山來參禮拜了侍立少頃而出却再入來師云祇恁麼祇恁麼所以如此洞云大有人不肯師云作麼取汝口辯洞乃侍奉數月

師因僧問如何是不言言師云汝口在什麼處僧云無口師云將什麼喫飯僧無對

洞山份代云他不飢喫什麼飯 雪竇顯云好劈脊棒這般漢開口了合不得合口了開不得

續汾陽昭云只爲不會 五祖戒云和尚不妨具眼 黃龍新云雪竇只知這僧開口了合不得合

口了開不得殊不知魯祖被者擔板漢勘破 人童覺云這僧只解握死蛇頭不能將猛虎鬚當時待他問你口在什麼處便與一喝拂袖便行直饒魯祖全機往往做手脚不及

伊闕伏牛山自在禪師與馬祖馳書去忠國師處國師問大師有何語句示徒師云卽心卽佛國師云是什麼語話良久又問此外更有何言教師云非心非佛或云不是心不是佛不是物國師云猶較些子師云馬師卽恁麼和尚此間如何國師云三點如流水曲似刈禾鎌

宗門統要續集卷五

八

扶六

雪竇顯向猶較些子處便喝又向曲似刈禾鎌處云是恁麼語話也好與一撥見之不取千載難忘

瀉山喆云當時但呵呵大笑復問國師此間如何待云三點如流水又呵呵大笑教他國師進且無門退亦無路何故入虎穴撩虎兒須是其人

續姜山方云大小國師有頭無尾待伊道不是心不是佛不是物亦向道是什麼語話豈不光前絕

後

毗陵芙蓉太毓禪師一日因行食與龐公公纔接師云生心受施淨名早呵去此一機居士還甘不公云

當時善現豈不作家師云非關他事云云食到口邊  
被人奪却師乃下食公云不消一句

續昭覺勤云善現作家芙蓉奇特盡被龐居士一  
時領過了也只如居士道不消一句且道是那  
句端坐受供養施主常安樂

師因龐公問馬祖著實為人處還分付吾師不師云  
某甲尚未見他作麼生知他著實處公云祇此見知  
也無討處師云居士也不得一向言說公云一向言  
說師又失宗若作兩向三向師還開口得麼師云直  
似開口不得可謂實也公撫掌而去

文冊

宗門統要續集卷五

九

扶六

續蔣山勲云芙蓉何不道分付與我待問如何是  
著實處便好具一掌待他眼睛定動更與一掌何  
故且要打斷許多葛藤

潭州東寺如會禪師因仰山來參乃問汝何處人仰  
云廣南人師云我聞廣南有鎮海明珠是不仰云是  
師云此珠作何形狀仰云白月即現黑月即隱師云  
汝將得來不仰云將得來師云何不呈似老僧仰云  
某甲昨到潯山蒙索此珠直得無言可對無理可伸  
師云真獅子兒善能哮吼如螭螟蟲向蚊子眼睫上  
作窠於十字街頭大叫云土曠人稀相逢者少

宗門統要續集

續蔣山勲云東寺只索一顆仰山領出一栲栳

師因崔相國入殿見崔拋糞於佛頭上乃問一切衆  
生皆有佛性爲甚却拋糞於佛頭上師云他終不向  
鷄子頭上拋

袁州楊岐甄叔禪師因禪月問如何是祖師西來意  
師呈起數珠月罔措師云會麼月云不會師云某甲  
參見石頭月云見石頭得何意旨師指庭前鹿云會  
麼月云不會師云渠儂得自由

或出栲  
出石錄

汾州無業大達國師問馬祖如何是祖師西來密傳  
心印祖云大德正開在且去別時來師纔出祖召云

宗門統要續集卷五

十

扶六

大德師迴首祖云是什麼師忽領悟便作禮祖云這  
鈍漢禮拜作什麼

師又問馬祖云三乘至理粗亦研窮當聞禪宗即心  
是佛實未明了伏願和尚慈悲指示祖云即你不了  
底心是更無別物迷即衆生悟即是佛如拳作掌如  
掌作拳師於言下知歸

五臺山鄧隱峯禪師在襄州破威儀堂只著襯衣於  
砧椎邊拈椎云道得即不打于時大衆默然師便打  
一下

法眼益云鄧隱峯奇怪甚奇怪要且打不著又云



其時一衆出自偶然 翠巖芝云此語有勘破處  
且道勘破阿誰 雪竇顯云果然果然

續東禪觀云彼時堂中是有人耶無人耶若有人  
可容得伊若無人爭容得伊又云笑殺傍觀

師辨馬祖祖云甚處去師云石頭去祖云石頭路滑  
師云竿木隨身逢場作戲便去纔到石頭遂遶禪床  
一巾振錫一下問是何宗旨頭云蒼天蒼天師無語  
却迴舉似馬祖祖云汝更去見他道蒼天汝便噓兩  
聲師又去一依前問頭乃噓兩聲師又無語歸舉似  
馬祖祖云向汝道石頭路滑

宗門統要續集卷五

十一

扶六

師一日因推車次馬祖展脚在路上坐師云請師收  
足祖云已展不縮師云已進不退乃推車碾損祖脚  
祖歸法堂執斧子云適來碾損老僧脚底出來師便  
出於祖前引頸祖乃置斧

磁州馬頭峯神藏禪師示衆云知而無知不是無知  
而說無知後南泉云與麼依師道始得一半

黃蘗運云不是南泉剝他要圓前話

定州栢巖明哲禪師因洞山與密師伯到師問二上  
座什麼處來洞云湖南師云觀察使姓什麼洞云不  
得姓師云各什麼洞云不得名師云還理事也無洞

云自有廊幕在師云還出入不洞云不出入師云豈

不出入洞拂袖出去師明日侵晨入堂召二上座近

前師云昨日問上座話不稱老僧意一夜不安今請

上座別一轉語若慙老僧意便開粥相伴過夏洞云

却請和尚問師云豈不出入洞云太尊貴生師乃開

粥同過夏

或藥山下鄂  
州百顏語錄

續天童傑云明投暗合八面玲瓏不犯當頭轉身

有路曹洞門下足可觀光若是臨濟兒孫棒折也

未放在當時若見他道不委姓臂脊便與一拳這

裏拶得身轉非但開粥相延亦可明窓下安排有

宗門統要續集卷五

十一

扶六

麼有麼喝云漆桶參堂去

京兆興善惟寬禪師因僧問道在何處師云只在目

前僧云我何不見師云汝有我故所以不見僧云我

有我故即不見和尚見不師云有汝有我展轉不見

僧云無汝無我還見不師云無汝無我阿誰求見

潭州龍山和尚

亦曰  
隱山

因洞山與密師伯到乃問此山

無路闍黎向甚處來洞山云和尚從何而入師云我

不曾雲水洞云和尚住此山多少時師云春秋不涉

洞云和尚先住此山先住師云不知洞云爲甚不知  
師云我不爲人天來洞云和尚得何道理便住此山



師云我見兩箇泥牛闌入海直至如今無消息

鄂州無等禪師謁王常侍辭退纔出門王乃召云和尚師迴首王遂敲露柱三下師以手作圓相撥三撥便行

洪州百丈惟政禪師一日謂眾曰汝等與我開田了我爲汝說大義僧開田了請和尚說大義師乃展開兩手有本誤指大智禪師

白雲端云百丈說大義只止於此當時再參馬祖底向甚處去也若言更有在未免與蛇畫足且道作麼生見得百丈老人立地處乃云客來無茶點

敲

宋門統要續集卷五

十三

扶六

蒿湯當禮儀 瀉山詰云百丈說大義可謂今古

罕聞光前絕後大瀉卽不然但向道開田勞力請歸堂歇教他天下衲僧亡鋒結舌何故鶴有九臯難翥翼馬無千里謾追風

續天童華云白雲夢見百丈再參馬祖底直是好笑笑須三十年又道作麼生得知百丈立地處也與笑三十年客來無茶點蒿湯當禮儀也與笑三十年三笑而九十年爲復笑白雲批判未當爲復別有道理汝諸人若檢點得出山僧拄杖兩手分付苟或未然幾度醉歸明月夜笙歌引出畫堂前

師問南泉諸方善知識還有不說佯人底法也無泉

云有師云作麼生是泉云不是心不是佛不是物師云恁麼卽說似人了也泉云某甲卽與麼師伯作麼生師云我又不是善知識爭知有說不說底法泉云某甲不會請師伯說師云我太煞爲汝說了也

瀉山詰云百丈只知瞻前不知顧後當時待伊道某甲不會但云老僧亦不會百丈若下得此一轉語非惟與南泉爲宗匠亦乃與天下人爲宗匠

京兆草堂和尚曾參海昌卽監昌問什麼來處來師云道場來昌云這裏是什麼所在師云賊不打貧兒

文

宋門統要續集卷五

十四

扶六

家

汾陽昭代云但和聲打

南嶽西園藏禪師因自燒浴僧問和尚不使沙彌童行何得自燒浴師拊掌三下後僧舉似曹山山云一等是箇拍手拊掌就中西園奇怪俱胝一指頭禪蓋爲承當處不諦僧却問曹山西園拊掌豈不是奴兒婢子邊事山云是僧云向上更有事也無山云有僧云如何是向上事山叱云這奴兒婢子

潭州秀溪和尚因谷山問聲色純真如何是道師云亂道作什麼山却從西過東師云若不與麼卽禍

山又從東過西師遂下禪床纔行兩步山却捉住云  
聲色純真事作麼生師便與一掌山云三十年後要  
一箇人下茶也無師云要谷山老漢作什麼山呵呵  
大笑

郢州大陽伊禪師到石林林云近日有一般禪師向  
目前指教人了取目前事作箇爲人還會文彩未兆  
時也無師云擬向這裏致一問問和尚不知可不林  
云答汝已了莫道可不師云還識得目前也未林云  
是目前作麼生識師云要且遭人點檢林云誰師云  
某甲林便喝師乃退步立林云汝只解瞻前不解顧

後師云

雲雪上更加霜

林云

彼此無便宜

後師云雪上更加霜林云彼此無便宜或曰師到齊峯

鎮州金牛和尚凡自做飯供養衆僧每至齋時昇飯  
桶到僧堂前作舞云菩薩子喫飯來乃撫掌大笑

長慶稜云大似因齋慶讚 大光誨因僧問云長

慶道因齋慶讚意旨如何光乃作舞僧禮拜光云  
見甚道理便禮拜僧却作舞光云這野狐精 雪

寶顯云雖然如是金牛不是好心

師因臨濟來乃橫按拄杖方丈前坐濟遂拊掌三下  
歸堂去或曰拍門三下師却下去人事了便問賓主相見各  
有軌儀上座何得無禮濟云道什麼師擬開口濟便

打一坐具師作倒勢濟又打一坐具師云今日不著  
便遂歸方丈

潞山祐問仰山此二尊宿還有勝劣不仰云勝卽  
總勝劣卽總劣

續潞山果云一人焦磚打著連底凍一人得便宜  
是落便宜具眼者辨取

江西北蘭讓禪師因湖塘亮長老問伏承師兄畫得  
先師真暫請瞻禮師以兩手撥開簾示之亮便禮拜  
師云莫禮莫禮亮云師兄錯也某甲不禮師兄師云  
汝禮先師真亮云因什麼教某甲莫禮師云何曾錯

後師云

雲雪上更加霜

林云

彼此無便宜

龍州乳源和尚示衆云西來的的意也不易舉唱時  
有僧出師劈脊便打云如今是什麼時節出頭來便  
歸方丈

保福展代云爲和尚不惜身命長慶稜云我卽不  
然福云作麼生慶云不妨不妨 承天宗云宗乘  
也不易扶豎這兩箇老漢扶不起我道這僧若不  
出頭棒卽是乳源自喫

續潞山果云者僧若具眼纔聞語聲未絕只向道  
老和尚少賣弄不唯勘破乳源亦乃坐斷天下人  
舌頭

筠州逍遙和尚一日陞堂時鹿西和尚侍立乃云念  
念攀緣心心求寂師云昨日亦有人謂麼道西云道  
什麼師云不知西云請和尚道師以拂子驀口打西  
拂袖便出師云大眾且看直是頂門上具眼也鑑他  
不破

續蔣山懃云老僧雖頂門無眼也驗得你骨出何  
也古墓毒蛇頭戴角南山猛虎尾吒啐

洪州水潦和尚問馬祖如何是西來的的意祖乃當  
曾踏倒師忽契悟起來拊掌大笑云也大奇也大奇  
百千三昧無量妙義只向一毛頭上一時識得根源

機述

宗門統要續集卷五

七

扶六

去乃作禮而退

續瑯琊覺云大眾你道水潦還曾悟也未 天童  
覺云馬大師不合放過待伊起來恁麼道但問只  
者一毫頭從甚處得來待伊擬議更與一踏

洪州西山亮座主因叅馬祖祖問講什麼經師云心  
經祖云將什麼講師云將心講祖云心如工伎兒意  
如和伎者六識爲伴侶爭解講得經師云心既講不  
得莫是虛空講得麼祖云却是虛空講得師拂袖而  
去祖乃召云座主師迴首祖云從生至老只是這箇  
師因而有省遂隱西山

續法眼益云看他古人恁麼慈悲教人如今作麼  
生會莫聚頭向這裏妄想

齊峯和尚

一本稱高峯

一日龐居士入院師云俗人頻頻

入院討箇什麼士迴顧兩邊云誰恁麼道師乃喝一  
喝士云在這裏師云莫是當陽道士云背後底聲師  
迴首云看看士云草賊敗草賊敗師不對

師因龐居士問此去峯頂有幾里師云什麼處去來  
士云可畏峻硬不得問著師云是多少士云一二三  
師云四五六士云何不道七師云纔有七便有八士  
云得也得也師云一任添取士云不得堂堂道師云

十八

宗門統要續集卷五

十八

扶六

還我恁麼時龐老主人公來士云少神作麼師云好  
箇問訊問不著人士云將爲將爲

續天童華云發大機顯大用且非電光石火疾焰  
過風要須平地上嶮崖孤峻處平坦看他二老深  
入虎穴透徹淵源至於結角羅紋游刃磅礴得大  
自在因甚華頂峯未曾到只如齊峯云還我恁麼  
時龐老主人公來士云少神作麼歸宗向這裏擬  
著箇眼也要諸人瞥地良久云竹影掃堦塵不動  
月穿波底水無痕

師一日與龐居士並行士乃前行一步云我強如師



一步師云無肯向老翁要爭先在士云苦中苦未是此一句師云怕公不甘士云老翁若不甘高峯堪作什麼師云若有棒在手打不解倦士便打一擱云不多好師始拈棒被士把住云這賊今日一場敗闕師笑云是我拙是公巧士乃拊掌出云平交平交古寺和尚因丹霞至經宿侵晨粥熟行者只盛一鉢與師又盛一椀自喫殊不顧丹霞霞遂自去盛粥喫行者云五更侵早起更有夜行人霞乃問師何不教訓行者得恁無禮師云淨地上不要點汚人家男女霞云幾不問過這老漢

或出趙州語同

撰述

宗門統要續集卷五

十九

扶六

烏玄和尚因玄紹二上座來叅師問二禪伯發足什麼處玄云江西師拈拄杖便打玄云久知和尚有此機要師云你既不會後面箇僧祇對看紹擬近前師便打云信知同坑無異土叅堂去

雪竇顯云宗師眼目須至渭厓如金翅擘海直取龍吞有般漢眼目未辨東西拄杖不知顛倒只管說照用同時人境俱奪 鴻山喆云烏曰大似巨靈逞擘太華之威者龍展奪驪珠之勢直得乾坤失色乃拈拄杖云諸人還識烏曰麼若也識去橫按鐺鐺寰中獨據若也未識棒頭有眼明如日卓

拄杖下座

續白雲端云衆中商量道拄杖在烏曰手裏以強陵弱有什麼難苦哉作者般般見解水亦難消所以道醍醐上味爲世所珍遇斯等人翻成毒藥要識烏曰麼橫按鐺鐺全正令太平寰宇斬凝頑 昭覺勤云雪竇明辨古今分別邪正若不知有爭急麼道雖然如是只見烏曰放行處未明烏曰把住處要知烏曰把住處麼直得釋迦彌勒猶爲走使不敢正眼覷著若使據令而行盡大地人並須喫棒

撰述

宗門統要續集卷五

二十一

扶六

師問僧近離甚處僧云定州師云定州法道何似這裏僧云不別師云若不別更轉彼中去便打僧云棒頭有眼不得草草打人師云今日打著一箇也又打僧便出去師云屈棒元來有人喫在僧云爭奈杓柄在和尚手裏師云汝若要山僧迴與汝僧近前奪師手中棒打師三下師云屈棒屈棒僧云有人喫在師云草草打著箇漢僧禮拜師云却與麼去也僧大笑而出師云消得渭厓消得渭厓

石曰和尚叅馬祖祖云什麼處來師云烏曰來祖云烏曰近日有何言句師云幾人到此茫然祖云茫然



且致悄然一句作麼生師乃近前三步祖云我有一棒寄打鳥曰你還甘不師云和尚先喫某甲後甘

續昭覺勤云草窠裏撥出一箇半箇有什麼共語處雖然如是猶放過一著在

松山和尚一日與龐居士坐次師拈起尺子云居士還見麼士云見師云見箇什麼士云松山師云不得道著士云爭得不道師拋下尺子士云有頭無尾得人憎師云不是這老子今日還道不及士云不及什麼處師云有頭無尾處士云強中得弱即得弱中得強即無師把住云這老漢就中無話處

藏經

寓樓續集卷五

二十二

扶六

師因與龐居士喫茶次士舉起橐子云人人盡有分因什麼道不得師云祇爲人人盡有所以道不得士云阿兄爲甚却道得師云不可無言也士云灼然灼然師便喫茶士云阿兄喫茶何不揖客師云誰士云龐公師云何須更揖後丹霞聞舉乃云若不是松山洎被老翁作亂一上士聞乃令人傳語何不會取未舉起橐子時

本溪和尚因龐居士問丹霞打侍者意旨如何師云大老翁見人長短在士云爲我與師同叅方敢借問師云若與麼從頭舉來共你商量士云大老翁不可

共你說人是非師云念翁年老士云罪過罪過

師又問龐居士達磨西來第一句作麼道士云誰記得師云可謂無記性士云舊日事不可東道西說師云如今事作麼生士云一辭不措師云智人前說添他多少光彩士云阿師眼能大師云是與麼始得爲絕朕之說士云眼裏著一物不得師云日正盛難爲舉目士云穿過髑髏去在師彈指云誰辨得伊士云這老漢有甚奇特處師便歸方丈

師一日坐次龐居士至師纔顧視士以拄杖畫一圓相師近前踏却士云與麼不與麼師亦畫一圓相士

支那

寓樓續集卷五

二十二

扶六

亦近前踏却師云與麼不與麼士遂拋下拄杖而立師云來時有杖去時無杖士云幸目圓成徒勞目視師拊掌云奇哉奇哉一無所得士拈杖便行師云看路看路

石林和尚一日問龐居士云某甲有箇借問居士莫惜言句士云便請舉來師云元來惜言句士云這箇問訊不覺落他便宜師乃拚耳士云作家作家

浮盃和尚因凌行婆來作禮問盡力道不得底句分付阿誰師云浮盃無剩語婆云未到浮盃不妨疑著師云別有長處不妨拈出婆歛手哭云蒼天中間更

添冤苦師無語婆云語不知偏正理不知倒邪爲人卽禍生後僧舉似南泉泉云苦哉浮盃被這老婆摧折一上婆聞笑云王老師猶少機關在時有幽州澄一禪客乃問婆南泉爲甚少機關婆哭云可悲可痛澄一罔措婆乃問會麼澄一合掌而立婆云伎死禪和如麻似粟後澄一舉似趙州州云我若見這臭婆問教口啞澄一云未審和尚怎生問他州便打澄一云爲甚却打某甲州云似這伎死禪和不大更待何時婆聞却云趙州合喫婆手中棒州聞哭云可悲可痛婆聞乃歎云趙州眼光燦破四天下州聞令人去

撰述

宗門統要續集卷五

二十三

扶六

問云如何是趙州眼婆乃豎起拳州問乃作頌寄云當機覲面提覲面當機疾報你凌行婆哭聲何得失婆答云哭聲師已曉已曉復誰知當時摩竭國幾喪目前機

洞安和尚問僧近離甚處僧云東川師云雙洞孤松煙青月白那箇是上座主人公僧云始屆洞安便遭此問師云記劍刻舟破珠求影豈不是閻黎境界喫茶去僧云那箇是洞安正主師云途中駒子不勝驛驢僧禮拜師云胡人打令舞拍全無

百靈和尚一日路次見龐居士乃問昔日南嶽得力

句曾舉向人麼士云曾舉來師云舉向甚人土以手自指云龐公師云直是妙德空生也讚之不及土却問師得力句是誰得知師便戴笠子而去士云善爲道路師一去更不迴首

續徑山杲云這箇話端若不是龐公幾乎錯舉似人雖然如是百靈輸他龐老一著何故當時若不得箇破笠頭遮却觸體有甚面目見他龐公

師一日問龐居士云道得道不得俱未免汝且道未免箇甚麼士以瞬目對之師云奇特更無此也士云師錯許人師云誰不恁麼士珍重而去

撰述

宗門統要續集卷五

二十四

扶六

師因龐居士至遂把住云今人道古人道居士作麼生道士與一掌師云不得道著士云道必有過師云還我一掌來士便近前云你試下手看師拂袖便行濠溪和尚問僧甚處來僧云定州來師云定州近日有甚奇特事僧云某甲旦過只聞鹽貴米賤苦無奇特事師云我者裏也只如此麤粥淡飯與僧別無奇特事你又來者裏覓箇什麼僧云某甲不會乞師慈悲師云賴你不會若會我卽輸汝一半道理首座晚間上問云和尚適來勘僧爲什麼道輸汝一半道理師云賴得汝舉老僧洎合忘却首座云請和尚爲某

甲說師云你卽忘前失後我又忘後失前首座方去  
師喚轉云恰不得舉著近日師僧只說鹽貴米賤並  
不將佛法爲事忽然頻頻舉著喪却你性命

則首座人因與龐居士摘茶次士問法界不容身師  
還見我不師云不是老僧洎答公話士云有問有答  
蓋是尋常師不對士云莫怪適來容易借問師亦不  
顧士喝云這無禮儀老漢待我一一舉似明眼人去  
在師乃拋下茶籃便歸

雪竇顯云則川只解把定封疆不能同生同死當  
時與將下幞頭誰敢喚作龐居士

支那

宗門統要續集卷五

二十五

扶六

續蔣山慙云兩回不顧拋籃便歸且道旨歸何處  
還會麼苦瓠連根苦甜瓜徹蒂甜則川老漢經事  
多矣

師一日在方丈內坐居士來見乃云只知端居丈室  
不覺僧到叅時師垂下一足士便出行三兩步却迴  
師乃收足士云可謂自由自在師云我是主士云阿  
師只知有主不知有客師喚侍者點茶士作舞而出  
師一日問龐居士還記得初見石頭時道理麼士云  
猶得阿師重舉師云情知久叅事慢士云則川老耄  
不啻龐公師云二彼同時又爭幾許士云龐公鮮健

且勝阿師師云不是勝我只欠你一箇幞頭士拈下  
幞頭云恰與阿師相似師大笑而矣

襄州龐蘊居士問馬祖不昧本來人請師高著眼祖  
直下覷士云一種沒絃琴唯師彈得妙祖直上覷士  
乃作禮祖歸方丈士隨後入云弄巧成拙

雲峯悅云且道是賓家弄巧成拙主家弄巧成拙  
還有人揀得出麼若揀得出三十棒一棒也較不  
得若揀不出明年更有新條在惱亂春風卒未休  
續瑯琊覺云一夜作竊不覺天曉 智海逸云二  
老漢一箇開口了合不得一箇合口了開不得更

支那

宗門統要續集卷五

二十六

扶六

有一箇未欲說破乃呵呵大笑歸方丈 徑山杲  
云馬大師覷上覷下卽不無爭奈昧却本來人居  
士雖禮拜也是渾崙吞箇索馬師歸方丈士隨後  
乃云弄巧成拙救得一半

居士一日向丹霞前叉手立少時却出去霞不顧士  
却來坐霞乃向居士前叉手立少時便入方丈士云  
汝入我出未有事在霞云這老翁出出入入有甚了  
期士云略無些子慈悲心霞云引得這漢到這田地  
士云把什麼引霞乃拈起居士幞頭云却似一箇老  
師僧士却拈幞頭安霞頭上云一似箇少年俗人霞



應諾三聲士云猶有些子氣息在霞乃拋下幞頭云大似箇烏紗巾士乃應諾三聲霞云昔時氣息爭忘得士彈指三下云動天動地

居士因辭藥山山命十人禪客相送至門首士乃指空中雪云好雪片片不落別處時有全禪客云落在甚處士遂與一掌全云居士也不得草草士云恁麼稱禪客問老子未放你在全云居士作麼生士又與一掌云眼見如盲口說如啞

雪竇顯別初問云但握雪團便打

居士初問石頭不與萬法爲侶者是什麼人頭以手

宗門統要續集卷五

三十一

扶六

掩士口士於此豁然有省後又問馬祖祖云待你一口吸盡西江水來卽向你说道士於言下領解

居士坐次問靈照云古人道明明百草頭明明祖師意你作麼生照云老老大大作箇語話士云你作麼生照云明明百草頭明明祖師意士乃笑

居士因賣竹漉籬下橋喫撲女子靈照一見亦去耶邊倒士云你作什麼女云見爺倒地某甲相扶

居士一日見丹霞來遂不語亦不起霞乃提起手中拂子士拈起鎚子霞云只與麼別更有在士云此迴見兄不似於前霞云不妨減人聲價士云本來要折

倒汝一上霞云與麼則啞却天然口也士云汝啞却本分猶累我啞却霞乃擲下拂子去士云然閣黎然閣黎霞不顧士云不唯患啞兼亦患聾

居士一日見大同濟禪師乃提起竹漉籬云大同師濟不應士云石頭一宗到師處冰消瓦解濟云不得龐公舉灼然如此士拋下漉籬云寧知不直一文錢濟云雖不直一文錢欠他又爭得士作舞而去濟提起漉籬云居士迴首濟作舞而去士拈掌云歸去來歸去來

居士一日因丹霞纔見便作走勢士云猶是拋身勢

續集

宗門統要續集卷五

三十二

扶六

作麼生是嘖呻勢霞便坐士向前以拄杖畫箇七字霞遂於下畫箇一字士云因七見一見一忘七霞便起士云更坐少時猶有第二句在霞云向這裏著語得麼士遂哭出去

居士在洪州市賣竹漉籬見一僧緣化乃將一文錢問不孤負信施道理還得麼若道得卽捨僧無語士云你問我與你道僧便躡前問士云少人聽又云會麼僧云不會士云是誰不會

宗門統要續集卷第五

音釋



- 337 -

云驀直去僧纔行三五步婆云好箇師僧又恁麼去  
後有舉似師師云待我去爲勘過這婆子明日便去  
亦如是問婆亦如是對師歸謂衆曰臺山婆子我爲  
勘破了也

報慈遂云前來僧也與麼問答後來趙州也與麼  
問答且道甚處是勘破處又云非唯被趙州勘破  
亦被這僧勘破 瑯瑯覺云大小趙州去這婆子  
手裏喪身失命然雖如此錯會者多 馮山喆云  
天下衲僧只知問路老婆要且不知脚下泥深若  
非趙州老人爭顯汗馬功高

攪述部

宗門統要續集卷六

二

扶七

師到黃檗檗見來便閉却方丈門師乃於法堂上叫  
救火救火檗開門捉住云道道師云賊過後張弓

保福展云黃檗有頭無尾趙州有尾無頭 雪竇  
顯云直是好笑笑須三十年忽有箇衲僧問雪竇  
笑箇什麼笑賊過後張弓 五祖戒云黃檗只會  
買賤不會賣貴趙州因禍致福

師問一婆子什麼處去婆云偷趙州笋去師云忽遇  
趙州又作麼生婆連打兩掌師休去

雪竇顯云好掌更下兩掌也無勘處

續五祖演云趙州休去作麼商量白雲露箇消息

貴要諸人共知婆子雖行正令一生不了趙州被  
打兩掌咬定牙關婆子可謂去路一身輕似葉趙  
州高名千古重如山

師因侍者報大王來也師云萬福大王者云未到在  
師云又道來也

黃龍南云頭頭漏泄罕遇仙陀侍者只解報客不  
知身在帝鄉趙州入草求人不知渾身泥水  
續白雲端云其僧雖然罔措爭奈王令已行王令  
既行則海晏河清一句作麼生道野老不知堯舜  
力槩槩打鼓祭江神

攪述部

宗門統要續集卷六

三

扶七

師訪茱萸纔上法堂萸云看箭師亦云看箭萸云過  
師云中

雪竇顯云二俱作家蓋是茱萸趙州二俱不作家  
箭鋒不相拄直饒齊發齊中也只是箇射垛漢  
續報慈遂云且道二大老相見還有優劣也無若  
檢點得出許你於中字上有箇入處

師一日於雪中倒云相救相救有僧便去身邊卧師  
便起去

翠巖芝云此僧在趙州絳裏還有人出得麼

續天童華云者僧如蟲禦木要見趙州天地懸殊

有般瞎漢便道報恩扶強不扶弱殊不知我王庫內無如是刀喝一喝

師因僧問犬子還有佛性也無師云無僧云上從諸佛下及螻蟻皆有佛性犬子爲甚却無師云爲伊有業識在

翠巖芝云說有說無兩彩一賽如今作麼生

師示衆云至道無難唯嫌揀擇纔有語言是揀擇是明白老僧不在明白裏是汝還護惜也無時有僧問既不在明白裏護惜箇什麼師云我亦不知僧云和尚既不知爲甚道不在明白裏師云問事卽得禮拜

徹

宋門統要續集卷六

五

扶七

了退

雪竇顯云趙州倒退三千

師因僧問至道無難唯嫌揀擇是時人窠窟不師云曾有人問我直得五年分疏不下

雪竇顯云識語不能轉死却了也好與二十棒這棒須有分付處若辨不出且放此語大行

師因僧問學人乍入叢林乞師指示師云喫粥了也未僧云喫粥了師云洗鉢盂去其僧因此契悟

雲門偃云且道有指示無指示若言有趙州向伊道箇什麼若言無者僧爲甚悟去

雪竇顯云我不似雲門爲蛇畫足直言向你道問者如蟲禦木答者偶爾成文然雖與麼瞎却納僧

眼作麼生免得此過諸仁者要會麼還你趙州喫粥也未拈却者僧喫粥了雪竇與你拄杖子歸堂

雲峯悅云雲門與麼道大似爲黃門裁鬚與蛇畫足雪峯則不然這僧於此悟去入地獄如箭射續黃龍心云雲門雪竇雖則善能鋤強輔弱捨富從貧要且不能安家立國乃問僧只如上座朝來亦喫粥亦洗鉢而今是迷是悟其僧禮拜起師喚近前我有一柄拂與汝歸堂 龍門遠云山僧今

徹

宋門統要續集卷六

五

扶七

日喫粥了也洗鉢盂了也只是不悟既是爲善知識爲甚麼不悟還會麼豈可喚鍾作甕終不指鹿

爲馬善人難犯水銀無假冷地忽然覷破管取一時放下 開福寧云大眾且道那裏是者僧悟處還委悉麼幾般雲色出峯頂一樣泉聲落檻前

徑山杲云雲門大似阿脩羅王托動三有大城諸煩惱海隨後喝云寐語作麼

師示衆云今夜答話去也有解問者出來時有僧出作禮師云比來拋磚引玉引得箇鑿子法眼舉問覺鐵嘴先師意作麼生覺云如國家拜將乃問甚人去



得或有人出云某甲去得須云汝去不得法眼云會也

雪竇顯云靈利漢聞舉便知落處然雖如此故過覺鐵嘴夫宗師語不虛發出來必是作家因什麼拋磚引擊諸禪德要識趙州麼從前汗馬無人識只要重論蓋代功

續長慶稜問覺鐵嘴那僧纔出禮拜爲什麼便將爲墜子覺云適來那邊亦有人恁麼問慶云向伊道什麼覺云亦向伊恁麼道保壽沼云射虎不真徒勞沒羽昭覺勤云諸方盡道趙州得逸羣

文苑

宗門統要續集卷六

六

扶七

之用一期施設不妨自在這僧要擊節扣關閃電光中卒著手脚不辦覺鐵嘴能近取譬不墜宗風法眼有通方鑑才便知落處敢問諸人既是宗師爲甚麼拋磚只引得箇墜子

師問南泉知有底人向什麼處去泉云向山前檀越家作一頭水牯牛去師云謝師指示泉云昨夜三更月到窓

雲峯悅云若不是南泉泊被打破蔡州

師陞堂云纔有是非紛然失心還有答話分也無時洛浦在衆乃扣齒雲居云何必師云今日大有人喪

身失命有僧云請和尚更舉師再舉前話僧指傍僧云這僧作恁麼語話師休去

師因有老宿問近離甚處師云滑州宿云幾程到這裏師云一蹶到宿云好箇捷疾鬼師云萬福大王宿云叅堂去師應喏喏

師一日到僧堂後逢一僧乃問大衆總向甚處去僧云普請去師遂於袖中取刀度與云老僧住持事繁請上座爲我折倒却便引頸向前其僧便走

師因僧侍次遂挾起火問云會麼僧云不會師云你不得喚作火老僧道了也復挾火云會麼僧云不會

文苑

宗門統要續集卷六

六

扶七

宗門統要續集卷六

七

扶七

師云此去舒州有投子和尚汝去必爲汝說其僧到投子子問近離甚處僧云趙州子云趙州有何言句僧舉前話子云汝會麼僧云不會乞師指示子下禪床行三步却問會麼僧云不會僧却迴趙州舉前話州云投子與麼不較多也

師到保壽壽見來便背面而坐師乃展坐具壽便起歸方丈師收坐具便下去

保福展云保壽忘頭失尾趙州平地上喫撲

師到一菴主處問有麼有麼主豎起拳頭師云水淺不是泊船處便行又到一菴主處云有麼有麼主亦



豎起拳師云能縱能奪能取能撮便作禮

支提愛云趙州只見錐頭利 雲居舜云趙州當時甚生意氣雖然如是要且鼻孔在二菴主手裏續龍門遠云菴主一等豎拳趙州因甚肯一箇不肯一箇且道得失在什麼處趙州勘破幾多阿師菴主過了幾多寒暑要識趙州麼拍禪床左邊一下要識二菴主麼拍禪床右邊一下還有檢點得出麼良久云易開終始口難保歲寒心 馮山果云泣露千般草吟風一樣松爲什麼肯一箇不肯一箇若向者裏見得釋迦不先彌勒不後坐斷要

支那

宗門統要續集卷六

八

扶七

津天長地久苟或未然月菴爲諸人下箇註脚良久云若不如是爭知如是

師問新到曾到此間麼僧云曾到師云喫茶去或云不曾到師亦云喫茶去後院王云和尚爲甚曾到也云喫茶去不曾到也云喫茶去師喚院主王應喏師云喫茶去

保福展云趙州慣得其便 鏡清恁舉問僧作麼生會僧便去清云邯鄲學唐步 雪竇顯云這僧不是邯鄲人爲甚學唐步若辨得出與汝茶喫續黃龍新云趙州喫茶宗門奇特到與不到是白

拈賊 聞福寧云趙州門下不揀高低一椀麤茶

普同供養得其味者方知冷灰裏九轉透瓶香或未辨端倪不免重下註脚南北東西萬萬千趙州待客豈徒然莫嫌冷淡無滋味慣把芝麻一側煎以拂子擊禪床一下

師在南泉時井樓上見泉過乃抱定柱懸一脚云相救相救泉遂於踏梯上打云一二三四五師便具威儀上方丈云適來謝和尚相救

續蔣山懃云一人將錯就錯一人看樓打樓雖然如是父爲子隱直在其中 徑山策云趙州懸羊

支那

宗門統要續集卷六

九

扶七

頭賣狗肉南泉有年無德作這去就當時只好拽龕梯子教這漢一生蹭蹬還知麼養子方知父慈師因南泉云今時人須向異類中行始得師便問異卽不問如何是類泉以手托地師遂與一踏踏倒却向涅槃堂內云悔悔泉令侍者去問悔箇什麼師云悔不更與兩踏

師因僧辭師問甚處去僧云諸方學佛法去師豎拂云有佛處不得住無佛處急走過三千里外逢人不得錯舉僧云與麼則不去也師云摘楊華摘楊華續徑山杲云有佛處不得住生鐵秤槌被蟲蛀無

佛處急走過撞著嵩山破竈墮三千里外逢人不得錯舉兩箇石人相耳語恁麼則不去也此語已遍天下摘楊華摘楊華唵摩尼達哩吽唵吒靈隱嶽舉大慧語了云大慧老人盡力只道得到這裏還知香山落處麼鐵山崩倒壓銀山盤走珠今珠走盤密密鴛鴦開繡出金鍼終不與人看師聞沙彌喝參乃向侍者云教伊去侍者纔教去沙彌便珍重師向傍僧云沙彌得入門侍者在門外雲居錫云什麼處是沙彌入門侍者在門外這裏會得便見趙州

支那

示門統要續集卷六

十一

扶七

師因南泉示衆云道非物外物外非道師乃問如何是物外道泉便打師捉住棒云已後莫錯打著人泉云龍蛇易辨衲子難瞞

雪竇顯云趙州如龍無角似蛇有足當時不管盡

法無民直須喫棒了趁出

師因百丈問近離甚處師云南泉丈云南泉有何言句師云未得之人直須悄然丈便喝師作怕勢丈云大好悄然師乃作舞出去

續瑯琊覺云趙州老人向師子窟中換得爪牙

蔣山憇云作家相見彼此難構茫然悄然進前退

後捏不成塑不就大路不行草裏走

師問座主講什麼經主云涅槃經師云問大德一段義得不主云問什麼義師以脚趂空一趂吹一吹云這箇是什麼義主云經中無此義師云脫空謾語漢此是五百力士揭石義

老宿代云和尚謾某甲謾大眾 雪竇顯別云和尚慣得其便

師問僧曾看法華經麼僧云看來師云衲衣在空閑假名阿練若誑惑世間人你作麼生會其僧擬禮拜師云你披衲衣來麼僧云披來師云莫惑我僧云如

支那

示門統要續集卷六

十二

扶七

何得不惑去師云莫取我語

雪竇顯云大小趙州龍頭蛇尾諸人若能辨得便乃識破趙州如或不明箇箇高擁衲衣莫惑翠峯好

師因二僧相推不肯作第一座主事白師師云總教作第二座事云第一座教誰作師云莊香著事云莊香了也師云戒香定香慧香解脫香

續天童華云趙州下一槌不妨驚羣動衆仔細檢點將來也是泥裏洗土塊若是薦福門下不用相推第一座也有人第二座也有人第三座也有人

雖然如是不免從頭註破第一座鐵眼銅睛覷不破第二座陽春白雪無人和第三座真實身心同達磨且道與趙州是同是別若也會得許你具一隻眼若也不會也許你具一隻眼有箇衲僧出來道總不恁麼時如何對他道切忌向鬼窟裏作活計

師因僧問晝昇兜率夜降閻浮於中摩尼爲甚不現師云道什麼其僧再問師云毗婆尸佛早留心直至如今不得妙

續黃龍清云趙州老漢若無後語未免奔馳太平

擬述

甯統要續集卷六

三

扶七

則不然纔見他道爲什麼不現連聲便打教他痛後反思管取光明燦爛天童華云這一則公案諸方未有人批判蔣山今日與諸人著一轉語洗脚上船

師因僧問二龍爭珠誰是得者師云老僧祇管看

雪竇顯云看卽不無爭卽不得且道長者僧扶趙州

師示衆云纔有是非紛然失心還有答話分也無有僧出拊侍者一下云何不祇對和尚師便歸方丈後侍者請益適來僧是會不會師云坐底見立底立底

見坐底

師因僧問至道無難唯嫌揀擇如何得不揀擇師云天上天下唯我獨尊僧云此猶是揀擇師云田庫奴什麼處是揀擇

師與沙彌文遠論義鬪劣不鬪勝勝者輸胡餅遠云請和尚立義師云我是一頭驢遠云我是驢胷師云我是驢糞遠云我是糞中蟲師云你在彼中作什麼遠云我在彼中過夏師云把將胡餅來

五祖戒云禍不單行瑯瑯覺云趙州文遠也是蕭何置律

擬述

甯統要續集卷六

三

扶七

續徑山杲云文遠在驢糞中過夏面赤不如語直趙州貪他少利贏得箇胡餅檢點將來也是普州人送賊畢竟如何爲王釋乳素非鴨類

師問僧發足甚處僧云雪峯師云雪峯有何言句示人僧云尋常道盡十方世界是沙門一隻眼你等諸人向甚處伺師云闍黎若迴寄箇鉢子去

保福展云南有雪峯北有趙州雪竇顯云這僧既不從雪峯來可惜趙州鉢子瑯瑯覺云衆中有云寄鉢去埋却雪峯若道寄鉢孟去便道盛粥飯用狂解夢見作麼商量不是僧錄手謾說學丹



青

師示衆云此事的的沒量大人出這裏不得老僧到  
瀉山見僧問如何是祖師西來意瀉山云與我將床  
子來若是宗師須以本分事接人始得時有僧問如  
何是祖師西來意師云庭前栢樹子僧云和尚莫將  
境示人師云我不將境示人僧云如何是祖師西來  
意師云庭前栢樹子

五祖戒代云和尚何以將別人物作自己用

師因僧辭乃問甚處去僧云雪峯去師云雪峯忽問  
汝和尚有何言句汝作麼生道僧云却請和尚道師

擬述

宗門統要續集卷六

十四

扶七

云冬卽寒夏卽熱又問忽然更問汝畢竟爭又作麼  
生僧無語師又代云某甲親從趙州來不是傳語漢  
其僧後到雪峯峯問甚處來僧云趙州來峯云趙州  
有何言句僧舉前話峯云須是我趙州始得

玄沙備聞乃云大小趙州敗闕也不知

續雲居錫徵玄沙語云甚處是趙州敗闕處若檢  
點得出是上座眼

師問南泉如何是道泉云平常心是道師云還可趣  
向不泉云擬向卽乖師云不擬又爭知是道泉云道  
不屬知不屬不知知是妄覺不知是無記若真達不

疑之道猶如太虛廓然蕩豁豈可強是非耶師於言  
下頓悟玄旨

續瀉山果云恁麼也不得不恁麼也不得恁麼不  
恁麼時如何豎起拂子云鯨吞海水盡露出珊瑚  
枝 靈隱嶽云青天白日悟箇什麼咄咄驪珠擊  
碎蒼龍窟

師見僧掃地遂問與麼掃還得淨潔也無僧云轉掃  
轉多師云豈無撥塵者僧云誰是撥塵者師顧視云  
會麼僧云不會師云問取雲居去其僧後問雲居如  
何是撥塵者居云這瞎漢

擬述

宗門統要續集卷六

十五

扶七

師到雲居居云老老大何不覓箇住處去師云作  
麼生是某甲住處居云山前有古寺基師云和尚自  
住取次到茱萸萸亦云老老大大何不覓箇住處師  
云什麼處是某甲住處萸云老老大大住處也不知  
師云三十年弄馬騎今日却被箇驢子撲瀉山詰云  
雲居茱萸爲人猶如爲己爭奈趙州不入者繆繆然  
雖如是不得雪霜力焉知松栢操

續大瀉泰云雲居茱萸只解把住不解放行趙州  
只解放行不解把住檢點將來未爲全美且雙放  
雙收一句作麼生道畢竟水須朝海去到頭雲定



覓山歸

師因與文遠行乃指一片地云這裏好造箇巡鋪文遠便去路傍立云把將公驗來師遂與一擱遠云公驗分明過

衢州紫湖利蹤禪師門下立牌牌上書云紫湖有狗上取人頭中取人腰下取人脚擬議則喪身失命有新到纔相看師便喝云看狗僧纔回首師便歸方丈雪竇顯云衆中總道這僧著一口著卽著了也爭奈這僧在敢問諸人紫湖狗著者便死因什麼這僧在若無知方眼救得這僧設使紫湖出世咬殺

支那

高麗續集卷

云

扶七

百千萬箇有甚益我當時若見先所下牌然後入院待這老漢喝云看狗與伊放出箇焦尾大蟲如今諸人要見麼日勢稍晚歸堂續神鼎誣云古人提唱一段因緣你道恁麼時下得甚麼語神鼎當時若在他會裏卽出云這畜生又云死又作退勢天童華云這老漢雖慣得其便爭奈咬這僧不殺且道利害在什麼處師問劉鐵磨久嚮劉鐵磨莫便是不磨云不敢師云左轉右轉磨云和尚莫顛倒師便打續蔣山懃云紫湖棒頭有眼只爲權柄在手鐵磨

皮下有血饒他干木隨身雖然柔弱勝剛強且要話在

師於夜半在堂內叫賊賊或謂金峯又曰香巖衆皆驚起有一僧被師攔臂擱住云捉得捉得僧云不是某甲師云是卽是只是不肯承當

翠巖芝云紫湖也是相頭買帽

續瀉山果云紫湖恁麼大似按牛頭喫草

鄂州茱萸禪師示衆云你等諸人莫向虚空裏釘橛時有靈虛上座出云虚空是橛師便打靈云莫錯打某甲師便歸方丈一本云金輪可觀和尚

支那

高麗續集卷

云

扶七

雲門偃云矢上加尖有僧云和尚適來與麼道那門云槌鐘謝響得箇蝦蟆出來雪竇顯云若要此話大行直須打了趁出法雲秀云茱萸只知瞻前這僧不能顧後仔細檢點將來兩箇總須喫棒且道過在甚處具眼者看續棲賢謔云且道這僧出來與麼道是具眼不具眼茱萸當時便打且道打伊甚麼處大衆驗取師因趙州上法堂來覲東巖西師乃問作什麼州云探水師云我這裏一滴也無探箇什麼州遂將拄杖靠壁而出

瀉山詰云趙州善能探水不犯波瀾茱萸一滴也無爭奈關防不得

續瑯琊覺云勢敗奴欺主年衰鬼弄人 天童華

云茱萸一滴也無滔天白浪趙州以拄杖靠壁不

犯波瀾雖然二老同死同生爭奈山僧未肯放過

師因僧問如何是沙門行師云行即不無覺即乖其

僧後到洞山舉似山山云何不進語僧云如何進語

山云但問是什麼行僧復來問是什麼行師云是佛

行僧却返舉似洞山山云幽州僧自可最苦是新羅

僧却問洞山如何是沙門行山云頭長三尺頸長二

宗門統要續集卷六

六

扶七

寸

荊州白馬曇照禪師常云快活快活及臨終時乃叫

苦苦又云間老來取我也院王問和尚當時被節度

使拋向水中神色不動如今何得恁地師舉起枕头

云汝道當時是如今是主無對

或曰天

法眼益代云當時但掩耳出去

續清涼欽云當時好奪枕头劈面便擲 雲峯悅

云苦苦當時是即今是奪枕头呈似人云間羅王

只在這裏 大瀉智云徹底老婆心

長沙招賢景岑禪師一夕與仰山翫月次仰云人人

盡有這箇事祇是用不得師云恰是倩汝用去仰云

你作麼生用師乃與一踏踏倒仰山起來云你直下

似箇大蟲

長慶稜云前彼此作家後彼此不作家乃別云邪

法難扶 保福展云好一箇月只是用力太多被

他踏破却成兩箇人人盡道岑大蟲奇特須知你

山有陷虎之機 德山密代云更與一踏 瑯琊

覺云李陵雖好手爭免陷番身

續徑山杲云皎潔一輪寒光萬里靈利者葉落知

秋蘭茸者忠言逆耳休不休已不已小釋迦有陷

宗門統要續集卷六

十五

扶七

虎之機老大蟲却無牙齒當時一踏豈造次驀然

倒地非偶爾眾中還有緇素得二老出者歷良久

云設有也是掉棒打月

師因有秀才看佛名經乃問百千諸佛但見其名未

審居何國土還化物也無師云黃鶴樓崔顥題後秀

才會題也未才云未曾題師云得閑何妨題取一篇

好

續瀉山果云若有箇漢纔見長沙恁麼道但云黃

鶴樓要題也不難未審百千諸佛居何國土若下

得此語非唯坐斷長沙舌頭亦乃名標青史

師因竺尚書問蚯蚓斬爲兩段兩頭俱動未審佛性在阿那頭師云莫妄想書云爭奈動何師云會卽風火未散書無對師却喚尚書書應喏師云不是尚書本命書云不可離却卽今祇對有第二箇主人公也師云不可喚尚書作今上也書云與麼則總不祇對和尚莫是弟子主人不師云非但祇對不祇對老僧從無始劫來是箇生死根本乃示頌云學道之人不識真祇爲從來認識神無始劫來生死本癡人喚作本來人

師因僧問如何是陀羅尼師乃指禪牀左邊云這箇

支那

宗門統要續集卷六

三

扶七

師僧却誦得僧云別有人誦得不師復指禪牀右邊云這箇師僧亦誦得僧云某甲爲甚不聞師云大德豈不知道真誦無響真聽無聞僧云與麼則音聲不入法界性也師云離色求觀非正見離聲求聽是邪聞

師因秀上座問南泉遷化向甚處去師云石頭作沙彌時參見六祖秀云不問石頭參見六祖南泉遷化向甚處去師云教伊尋思去秀云和尚雖有千尺寒松且無抽條石笋師默然秀云謝和尚答話師亦默然秀舉似三聖聖云若實與麼猶勝臨濟七步然雖

如此待我明日更驗過聖乃問承和尚昨日答南泉遷化一則語可謂光前絕後今古罕聞師亦默然

續蔣山懃云也大奇也大奇長沙畫虎却成狸南泉一去無消息空使行人說是非

師遊山歸至門首首座問云和尚甚處去來師云遊山來座云到什麼處師云始隨芳草去又逐落華回座云大似春意師云也勝秋露滴芙蓉

雪竇顯云謝師答話

終南山師祖禪師問南泉摩尼珠人不識如來藏裏親收得如何是如來藏泉云王老師與你往來者是

支那

宗門統要續集卷六

三十一

扶七

師云不往來者泉云亦是又問如何是珠泉召云師祖師應喏泉云去汝不會我語師從此信入

雪竇顯向往來者是處拈云草裏漢向不往來者亦是處云雪上加霜向如何是珠處別云險又云百尺竿頭作伎倆不是好手這裏著得箇眼賓王互換便能深入虎穴或不滑麼縱饒師祖悟去也是龍頭蛇尾

續白雲端云大衆這僧一顆摩尼珠可謂希世之寶大可憐生幾乎落在萬丈深坑猶賴南泉老手親爲托起且道此珠見今在什麼處乃云海神知



貴不知價留與人間光照夜 昭覺勤云南泉一期垂手收放擒縱則不無要且未見向上事在只如盡大地是如來藏向什麼處著珠盡大地是摩尼珠向什麼處著藏若明得有轉身處許你具一隻眼 淨因成云南泉應機鼎對縱奪可觀檢點將來終未能指出他珠在直饒喚師祖師祖應喏云汝不會我語正是藏畢竟珠在甚麼處莫是海神知貴不知價麼此是近來新婦禪不勞拈出拍禪牀云珠之與藏盡被老僧一拍粉碎諸人更來這裏討什麼又拍一下

敲

宗門統要續集卷六

二十一

扶七

日子和尚因亞溪來叅師作起勢亞云這老山鬼猶見某甲在師云罪過罪過適來失祗對亞欲進語師乃叱之亞云大陣前不妨難禦師云是是亞云不是不是

趙州諗云可憐兩箇漢不識轉身句

陸亘大夫問南泉大悲菩薩甚處得許多手眼來泉云如國家用大夫作什麼

雪竇顯別云不及大夫所問

續保寧勇別云也未爲分外

大夫問南泉弟子家中有一片石亦曾坐亦曾卧如

今欲錯作佛得麼泉云得得大夫云莫不得麼泉云不得不

雲巖巖云坐卽佛不坐卽非佛 洞山价云不坐

卽佛坐卽非佛 保福展云南泉看樓打樓雲巖

洞山一起一倒 五祖戒云南泉只解移風不解

易俗雲巖洞山夢中說夢

續五祖演云夫爲善知識者須明決擇爲什麼他

人道得也道得他人道不得也道不得還知南泉

落處麼白雲與你註破得又是誰道來不得又是誰道來

敲

宗門統要續集卷六

一十三

扶七

大夫因南泉遷化來弔慰院主問大夫何不哭先師大夫云院主道得亘卽哭主無對

續長慶稜云且道合哭不合哭

大夫問南泉弟子從六合來彼中還有身麼泉云分

明記取舉似作家大夫云和尚不可思議到處世界

成就泉云適來總是大夫分上事

大夫問南泉云弟子家中於一餅內養得一鷺兒今

來長大欲出此鷺且不得打破餅亦不得損却鷺未

審和尚有何方便泉召大夫夫應諾泉云出也

池州甘贄行者因巖頭在家過夏一日把針次甘至



前立頭乃以針作劉勢甘遂歸著承欲出禮謝妻乃問翁作什麼甘云不得說妻云有甚事也要大家知甘舉前話妻云從此三十年後須知一度喫水一度噎殺人女子聞乃云還知盡大地人性命被齏上座針頭上割將去也無

行者因入南泉設粥仍請南泉念誦泉乃白椎云爲狸奴白牯念摩訶般若波羅蜜者拂袖便去泉粥後問典座行者在甚處座云當時便去也泉云打破粥鍋著一本云泉乃擊鍋三下

行者因化主至宅乃問化主是甚處主云藥山者云

教訓

宗門統要續集卷六

二十四

扶七

還將得藥來麼主云未審有什麼病者忻然取銀一百兩施之復云山中有人此物乃回主尋歸山納疏藥山問子歸何速主卽叙前問難藥山云急送還他子遭賊了也主及送還者云山中有人更添一百兩施之

同安云早知行者與麼問終不道藥山來

續雪峯空云藥山老漢亦自小膽若是東山卽便

收下何故且教甘贊老漢疑三十年

行者入南泉設齋黃檗爲首座行者請施財檗云財法二施等無差別行者昇錢出去須臾復云請施財

檗云財法二施等無差別行者乃行覲

翠巖真云甘贊行者黠兒落節黃檗施財何曾夢見

續雲居元云大小黃檗被甘贊換却一隻眼 徑

山泉云一等是隨邪逐惡雲居羅漢却較些子

靈隱嶽云總是掩耳偷鈴殊不知甘贊有收有放首座徹底惺惺雲收雨霽長天闊一對鴛鴦畫不成

福州芙蓉靈訓禪師嗣歸宗常一日訪同叅實性大師大

師陞堂以右手拈拄杖倚左邊良久云此事若非笑

又那

宗門統要續集卷六

二十五

扶七

蓉師兄大難委悉便下座

黃龍南云實性用不得便休却將佛法以爲人情

致令千載之下與人作笑端且道利害在什麼處

漢南穀城高亭和尚因僧自夾山來禮見師便打僧

云特來禮拜何打某甲再拜師又打趁僧回舉似夾

山山云汝會也無僧云不會山云賴汝不會若會卽

夾山口啞

金州禪師嗣章因請米和尚齋不排坐位米纔到

乃展坐具作禮師下禪牀米遂就師位而坐師却席

地而坐齋罷米便去侍者云和尚受一切人欽仰今

日坐位却被人奪却師云三日後若來即受教在米果三日後來云前來遭賊

鼎州古堤和尚因仰山到師云去汝無佛性以手三撥山乃叉手近前三步應諾師笑云子什麼處得此三昧山云從耽源處得名瀉山處得地師云莫是瀉山的子麼山云世諦即不無佛法即不敢山遂問和尚從誰得師云我從章敬得此三昧山歎云章敬此三昧不可思議來者難為湊泊

鎮州普化和尚山嗣盤居常入市振鐸云明頭來明頭打暗頭來暗頭打四方八面來旋風打虛空來連架

一教師

宗門統要續集卷六

二十六

扶七

打一日臨濟令僧捉住云或遇不明不暗不時如何師拓開云來日大悲院裏有齋僧回舉似濟濟云我從來疑著這漢

續五祖演云若是五祖則不然有人問總不恁麼來時如何和聲便打是他須道五祖盲枷瞎棒我只要你恁麼道何故一任舉似諸方

師因與臨濟在施主家齋濟問毛吞巨海芥納須彌為復是神通妙用為復是法爾如然師遂趯倒飯牀濟云太麤生師云這裏是甚所在說麤說細濟休去明日又同一家赴齋濟問今日供養何似昨日師又

趯倒飯牀濟云太麤生師云瞎漢佛法說甚麤細濟乃吐舌

雪竇顯云兩箇老賊喫飯也不了好與三十棒棒雖行且那箇是正賊

續南堂靜云二尊宿如二龍爭珠拳雲攫霧不動波瀾如二虎爭餐活挺生擒不傷物命或有人問毛吞巨海芥納須彌為復神通妙用為復法爾如然只向道不見先師翁云一拳拳倒黃鶴樓一踢踢翻鸚鵡洲有意氣時添意氣不風流處也風流南華曷云臨濟覲面提撕普化全機鼎酢直得

一教師

宗門統要續集卷六

二十七

扶七

南山鼉鼻吞却東海鯉魚陝府鐵牛觸倒嘉州大像為甚如此相逢不下馬各自奔前程 天童華云一出一沒一往一來猛虎口裏奪餐毒蛇頭上措痒要且未稱大丈夫事二老名喧宇宙價重當時山僧豈可謹密三寸二俱放過為他弄假像真二俱不放過為他搥捶太甚是汝諸人若作佛法商量達磨一宗掃土而盡

師因臨濟院有齋河陽木塔乃同臨濟在僧堂內坐纔說及師每日在街市掣風顛知他是凡是聖不覺師入來濟便問普化你是凡是聖師云你道我是凡

是聖濟便喝師乃指兩尊宿云河陽新婦子木塔老婆禪臨濟小厮兒却具一隻眼濟云這賊師叫賊賊便走出

師因喫生菜次臨濟云這漢大似一頭驢師便作驢鳴濟云直歲與他細秣草料師云少室人不識金陵又再來臨濟一隻眼到處爲人開

趙州諗云何不與他本分草料

壽州良遂座主嗣麻谷微初參麻谷谷見來便將鋤頭去鋤草師到鋤草處谷殊不顧便歸方丈閉却門師次日復去谷又閉却門師遂敲門谷乃問阿誰師云良

文冊

雷經聖集卷六

二六

扶七

遂纔稱名忽爾契悟乃云和尚莫瞞良遂良遂若不來禮拜和尚洎合被經論賺過一生及歸講肆開演有云諸人知處良遂總知良遂知處諸人不知

雲門偃云便有逆水之波如今得入是順水之意亦喚作雙放時節又云麻谷問阿誰他道莫瞞某甲不是識破麻谷相見時節若不禮拜和尚洎被經論賺過一生亦知有賺人處又云作麼生是良遂知處

續東林顏云諸人知處良遂總知良遂知處諸人不知作麼生是良遂知處乃云鸛鵲語鶴靈隱

宗門統要續集

嶽云爲人爲徹咬著生鐵逆水之波虛空釘橛

虔州處微禪師

室藏

因僧問三乘十二分教體理得

妙與祖意是同是別師云須向六句外鑒不得隨他聲色轉僧云如何是六句師云語底默底不語底不默底總是總不是汝合作麼生僧罔措

五臺祕魔巖和尚

嗣本

常持一杈凡見僧來遂提起

杈云什麼魔魅教汝出家什麼魔魅教汝行脚道得也杈下死道不得也杈下死速道速道

法眼益代云乞命乞命

報慈遂代云老兒家放

却杈子得也五祖戒云山僧當時若見奪取杈

文冊

宗門統要續集卷六

二九

扶七

來驀項杈倒點把火照看伊面皮厚多少

續明招謙云我當時若見伊欲道未道先與一杈

瑯琊覺云雷聲甚大雨點全無後霍山聞遂訪

師纔見未禮拜便攬入懷中師乃拊山背三下山

拍手云師兄三千里外賺我來三千里外賺我來

保福展云當斷不斷返遭其亂首山念云千

聞不如一見

湖南祇林和尚每叱文殊普賢皆爲精魅手持木劍自謂降魔纔有僧參便云魔來也魔來也以劍亂揮潛入方丈如是十二年後致劍無言有僧問十二年



前為甚麼降魔師云賊不打貧兒家十二年後為甚

不降魔師云賊不打貧兒家

宗門統要續集卷第六

音釋

躑他達切 忖芳無切 躑躑七巨切 躑躑七巨切 關關切

茸關託合切 顯胡老切 衰呼托切 觀初觀切 托呼托切 覺覺切

刑部郎中金壇于玉立施賞刻此  
宗門統要續集第六卷 計字九千九百十箇

該銀五兩乙錢五分  
萬曆丁未夏四月徑山寂照庵識

支那

宗門統要續集卷六

三

扶七

宗門統要續集卷第七

宋建溪沙門宗永集

元建康保寧禪寺住持沙門清茂續集

南嶽下第三世

潭州大潯靈祐禪師師百丈海在百丈時夜侍立次丈云

看爐內有火也無師看來報云無丈躬自至爐深撥

忽得少火夾起云你道無這箇聲師因而契悟丈云

欲知佛性義當觀時節因緣時節若至其理自契便

知已物不從外得汝善護持

師一日見劉鐵磨來師云老符牛汝來也磨云來日

支那

宗門統要續集卷七

扶八

臺山大會齋和尚還去麼師乃放身作卧勢磨便出去

續淨慈一云眾中道放身便卧是不去劉鐵磨憊

懣而行有甚交涉殊不知為山老漢平生一條脊

梁拗不曲被劉鐵磨一推推倒直至如今起不得

若要扶起為山請大眾下一轉語眾無語師以拄

杖一時趕散

師在百丈為典座百丈將選大潯主人乃請師同首

座對眾下語出格者可往百丈遂拈淨瓶置地上設

問不得喚作淨瓶汝喚作什麼首座云不可喚作木



檟也百丈復問於師師乃趨倒淨瓶而去百丈笑云  
第一座輪却山子也因命師住持首座師也  
師因見仰山來遂以五指搭地畫一畫仰山以手於  
項下畫一畫復拈自已耳抖擻三五下師休去  
師陞堂時有僧出云請和尚爲衆說法師云我爲汝  
得徹困也僧便作禮

雪峯存聞云古人得與麼老婆心切玄沙云山頭  
老和尚蹉過古人事峯問沙云什麼處是老僧蹉  
過古人事處沙云大小瀉山被那僧一問直得百  
雜碎峯駭然

文冊

宗門統要續集卷七

二

扶八

師問仰山甚處來仰云田中來師云禾好刈也未仰  
云好刈也師云作青見作黃見作不青不黃見仰云  
和尚背後是什麼師云子還見麼仰拈起禾穗云和  
尚何曾問這箇師云此是鷲王擇乳  
師因僧問如何是祖師西來意師豎起拂子後僧遇  
王常侍侍問瀉山近日有何言句僧舉前話侍云彼  
中兄弟如何商量僧云借色明心附物顯理侍云不  
是這箇道理上座快回去好某甲敢寄一書到和尚  
僧得書遂回持上師拆開見畫一圓相內寫箇日字  
師云誰知千里外有箇知音仰山侍次乃云雖然如

是也祇是箇俗漢師云子又作麼生仰却畫一圓相  
於中書日字以脚抹却師乃大笑一本小異  
師示衆云老僧百年後向山下作一頭水牯牛左脅  
書五字云瀉山僧某甲此時若喚作瀉山僧又是水  
牯牛喚作水牯牛又是瀉山僧且道喚作什麼卽得  
仰山出禮拜而去

雲居膺云師無異號 資福實代作一圓相托起  
芭蕉清代作此牛相呈之又云同道者方知  
南塔涌云一千五百人善知識只得一半 芭蕉  
徹代當時作此牛相呈之又云說也說了註也註

文冊

宗門統要續集卷七

三

扶八

了悟取好

續保寧勇云和尚一等是入泥入水

師因僧問從上諸聖直至如今和尚意旨如何師云  
目前是什麼物僧云莫祇這便是麼師云阿那箇僧  
云適來祇對底師云你擬那箇去莫生事

續蔣山懃云問頭太嶮答處太賒二俱不了

師問仰山云寂子速道莫入陰界仰云某甲信亦不  
立師云汝信了不立未信不立仰云只是某甲更信  
阿誰師云若與麼卽是定性聲聞仰云佛亦不見  
師坐次見仰山從方丈前過師云若是百文先師子

須喫痛棒始得仰云今日事作麼生師云合取兩片皮有分仰云此恩難報師云非子不才老僧年邁仰云今日親見百丈師翁師云子向甚句中見先師仰云不道見只是無別師云始終作家

師因摘茶次謂仰山云終日摘茶只聞子聲不見子形仰撼茶樹一下師云子只得其用不得其體仰云未審和尚如何師良久仰云和尚只得其體不得其用師云放子二十棒

首山念云夫爲宗師須具擇法眼始得當時不是瀉山便見扶籬摸壁 瑯琊覺云五更侵早起更

宗門統要續集卷七

四

扶八

有夜行人又云若不是瀉山泊合打破蔡州

續白雲端云父子相投意氣相合機鋒互換啐啄

同時雖然如是畢竟如何道得體用雙全去瀉山

放子二十棒也是養子之緣 蔣山懃云張公乍

與李公友待罰李公一盞酒倒被李公罰一盃好

手手中呈好手 玉泉璉云直饒體用兩全爭奈

當頭蹉過過則且止放子二十棒又作麼生三盞

酒粧公子面一枝華楠美人頭

師坐次仰山與香巖侍立師問如今總與麼者少不與麼者多香巖從西過東又從東過西立師云這箇

因緣三十年後如金擲地相似仰云亦須是和尚提唱始得巖云卽今亦不少師云合取狗口

續南堂靜云象王嚙呻師子哮吼踞地盤空移星換斗坐斷舌頭合取狗口一回擲地作金聲九曲黃河徹底清

師問仰山卽今事且置自古事作麼生仰又手近前師云猶是卽今事自古事作麼生仰又手退後師云汝屈我我屈汝

續蔣山懃云仰山雖善進前退後發明古今其奈瀉山向胡餅裏呷汁壓沙覓油雖然如是且道仰

文部撰述

宗門統要續集卷七

五

扶八

山叉手意作麼生若也知得行脚事辦其或未然老僧不曾孤負諸人自是諸人孤負老僧

師坐次仰山侍立師云寂子近日宗門中令嗣作麼

生仰云大有人疑著此事師云子又作麼生仰云某

甲祇管困來合眼健卽坐禪所以未曾說著師云到

這田地也難得仰云據某甲見處著此一句語亦不

得師云子爲一人也不得仰云自古聖人盡皆如是

師云大有人笑汝與麼祇對仰云解笑某甲是某甲

同叅師云出頭作麼生仰遶禪牀一匝師云裂破古今

續蔣山懃云動絃別曲葉落知秋自古自今築著  
磕著鳥道玄路許他父子親遊若是荊棘林中猶  
欠悟在以何爲驗只如仰山遶禪牀一布瀉山云  
裂破古今若是明眼衲僧瞞他一點不得

師一日見香嚴仰山作餅次師云當時百丈先師親  
得這箇道理仰與香嚴相顧視云什麼人答得此話  
師云有一人答得仰云是阿誰師指水牯牛云道道  
仰取一束草來香嚴取一桶水來放牛前牛纔喫師  
云與麼與麼不與麼不與麼二人俱作禮師云或時  
明或時暗

續

宗門統要續集卷七

六

扶八

師因仰山與北菴主上問訊時有官客喫茶次師乃  
指似官人云同叅古佛來主云百年後覓箇人舉這  
話也難得師云卽今作麼生主云結舌有分答卽不  
得師云官人見在自己也道不得主云仰山不甘此  
對師云作箇菴主也難得

師向仰山云有俗弟子將三束絹來與我贖鐘子故  
與世人受福仰云俗弟子則有絹與和尚贖鐘子和  
尚將何物贖他師以拄杖敲牀三下云我將這箇鼎  
他仰云若是這箇用作什麼師又敲三下云汝嫌這  
箇作什麼仰云某甲不嫌這箇這箇只是大家底師

宗門統要續集

云你既知是大家底何得更就我覓物贖他仰云只  
怪和尚把大家底行人事師云汝不見達磨大師從  
西天來此土亦將此物來人事汝諸人盡是受他信  
物者

師一日卧次仰山來師乃轉面向壁卧仰云某甲是  
和尚弟子不用形迹師作起勢仰便出去師召云寂  
子仰回師云聽老僧說箇夢仰低頭作聽勢師云爲  
我原看仰取一盆水一條手巾來師遂洗面了纔坐  
香嚴入來師云我適來與寂子作一上神通不同小  
小嚴云某甲在下面了了得知師云子試道看香嚴

續

宗門統要續集卷七

七

扶八

乃點一椀茶來師歎云二子神通智慧過於鶩子目  
連

續蔣山懃云夢中說夢深許瀉山妙用神通須還  
二子傳茶度水耀古騰今年老心孤憐兒惜子向  
衲僧門下一人在門外一人在門裏更有一人遍  
界不曾藏佛眼覷不見 南堂靜云撥草瞻風孤  
峯獨宿鼓無絃琴唱無生曲瀉仰香嚴鼎之三足  
臨機不費纖毫力任運分身千百億

師問雲嚴承聞汝在藥山是不嚴云是師云藥山大  
人相作麼生嚴云涅槃後有師云如何是涅槃後有



巖云水灑不著巖却問師未審百丈大人相如何師云巍巍堂堂煒煒煌煌聲前非聲色後非色蚊子上鐵牛無你下口處

師與仰山行次指前頭枯樹問前頭是什麼仰云祇是枯樹子師指背後耘田公子云這箇公子他後亦有五百衆

瀉山詰云山僧則不然耘田公子吾不如汝且道大圓是山僧是若人辨得許汝具擇法眼若也不辨佛法熾然生滅

續神鼎譔云爲復意在耘田處爲復意在仰山分

跋

宗門統要續集卷七

八

扶八

上爲復總不恁麼諸上座一切諸法撥然更不用生事他是父子說法同道方知

師問仰山妙淨明心汝作麼生會仰云山河大地日月星辰師云汝祇得其事仰云和尚適來問什麼師云妙淨明心仰云喚作事得麼師云如是如是

師一日索門人呈語乃云聲色外與吾相見時有幽州鑒弘上座呈語云不辭出來那箇人無眼師不肯仰山凡四度呈語第一云見取不見取底師云細如毫末冷似雪霜第二度云聲色外誰求相見師云抵滯聲聞方外榻第三度云如兩鏡相照於中無像師

云此語正也我是你不是早立像了也仰山却問師某甲精神昏昧拙於祇對未審和尚於百丈師翁處作麼生呈語師云我於百丈先師處呈語云如百千明鏡鑒像光影相照塵塵剎剎各不相借仰山於是禮拜

師因陸侍御入僧堂乃問如許多師僧爲復是喫粥飯僧爲復是叅禪僧師云亦不是喫粥飯僧亦不是叅禪僧御云在此作什麼師云侍御自問他看

師因仰山踏衣次提起問正恁麼時和尚作麼生師云正恁麼時我這裏無作麼生仰云和尚有身而無

跋

宗門統要續集卷七

九

扶八

用師良久却拈起問汝正恁麼時作麼生仰云正恁麼時和尚還見伊不師云汝有用而無身後師忽問汝春間有話未圓今試道看仰云正恁麼時切忌勃塑師云停囚長智

師同百丈入山作務丈云將得火來麼師云有丈云在甚處師把一枝柴吹兩吹度與丈云如蟲禦木

續徑山杲云百丈若無後語洎被典座瞞

師因仰山問百千萬境一時來作麼生師云青不是黃長不是短諸法各住自位非干我事仰乃作禮拜師一日坐收足次乃指謂仰山云十二時中承他負



載不可孤負他仰云昔日給孤園中也只說這箇師云未在這道仰云寒時與他戰着也不爲分外

師因僧問如何是道師云無心是道僧云某甲不會師云會取不會底好僧云如何是不會底師云祇是你不是別人

師示衆云仲冬嚴寒年年事晷運推移事若何仰山近前又手立師云我也知你答這話不得却問香嚴你作麼生嚴云某甲偏答得這話師再問嚴近前又手立師云賴遇寂子不會

師示衆云汝等諸人各呈所悟看時有志和上座出

支那

宗門統要續集卷

十一

扶八

作禮師云不思善不思惡正與麼時還我志和上座本來面目志云正與麼時是某甲放身命處師云子莫落空不志云某甲若見有空可落何曾是放身命處師云到這裏何不問去志云某甲到這裏亦不見有和尚可問師云汝福薄扶吾宗不起

師問仰山承聞子在百丈問一答十是不仰云不敢師云佛法向上一句作麼生道仰擬開口師便喝師如是三問仰如是三擬答皆被喝仰低頭垂淚云先師道教我更遇人始得今日便是遇人也便發心看牛三年一日師入山見在樹下坐禪師以拄杖點背

宗門統要續集

一下山回首師云寂子道得也未仰云雖道不得且不就別人借口師云寂子會也

師因資國來參乃指月示之國以手撥三下師云不道汝不見祇是見處太麤

師一日坐次仰山香嚴侍立師云過去未來與現在佛佛同宣人人得箇解脫之路仰云如何是人人解脫之路師回首看香嚴云寂子借問何不對伊嚴云若問過去未來并現在某甲却有箇祇對師云汝作麼祇對嚴珍重便出師却問仰云與麼祇對還契子麼仰云不契慧寂師云子又作麼生祇對老僧仰

支那

宗門統要續集卷

十二

扶八

珍重便出師呵呵大笑云如水乳合

師問道吾甚處去來吾云有病來師云有幾人病吾云有病底有不病底師云不病底莫是智頭陀不吾云病與不病總不干他事急道急道師云道得也與他没交涉

師問雲巖菩提以何爲座巖云以無爲爲座巖却問師師云以諸法空爲座師又問道吾吾云坐也聽伊坐卧也聽伊卧有一人不坐不卧速道速道師一日呈起如意復畫此○相云有人道得便得此如意道道時有僧云此如意本不是和尚底師云得

而無用又有僧云設與某甲亦無著處

師示衆云一切衆生無佛性鹽官示衆云一切衆生有佛性鹽官會下有二僧遂特詣師會下探之既到所聞說法莫測其涯若生輕慢一日在庭中坐次見仰山來遂勸云師兄切須勤學佛法不得容易仰遂作一圓相托呈却拋向背後復展兩手就二僧索二僧茫然不知所措仰乃勸云直須勤學佛法不得容易珍重便去二僧速返鹽官將行三十里一人忽然有省自歎云當知瀉山云一切衆生無佛性誠不錯也却回瀉山一人又行數里因渡水亦有省自歎云

文淵

宗門統要續集卷七

十三

扶八

瀉山道一切衆生無佛性灼然有他與麼道亦返瀉山

師因泥壁次李軍容來具公裳直至師背後端簡而立師回首見便側泥盤作接泥勢軍容便轉笏作進泥勢師便拋下泥盤與軍容歸方丈

巖頭齋聞云噫佛法澹泊也大小瀉山泥壁也不了明招謙云當時合作麼生免被巖頭點檢代云却轉泥盤作泥壁勢便拋下歸去

續黃龍新云巖頭錯下名言殊不知瀉山軍容弄巧成拙

師因鄧隱峯到入堂於上板頭解放衣鉢師聞師叔來先具威儀下堂相看峯纔見便放身作睡勢師便歸方丈峯乃發去少間師問侍者師叔在何處侍云已去也師云去時有何言語侍云無言語師云莫道無語其聲如雷

洪州黃檗斷際希運禪師示衆云汝等諸人盡是噇酒糟漢與麼行脚何處有今日還知大唐國裏無禪師麼時有僧云只如諸方匡徒領衆又作麼生師云不道無禪只是無師

瀉山祐問仰山作麼生仰云鷲王擇乳素非鴨類

文淵

宗門統要續集卷七

十三

扶八

瀉云此實難辯五祖戒出僧語謝和尚說得道理好石門聰云黃檗垂示不妨奇特纔被布衲

授著失却一隻眼承天宗云五祖戒眼照四天下要見黃檗猶未可若要扶豎正法眼藏須是黃檗宗師翠巖真云諸方商確便道黃檗坐却這

僧又道黃檗被這僧上來直得分析不下何爲也翠巖輒生擬議霧豹澤毛未嘗下食庭禽養勇終待驚人瀉山詰云諸人還會麼莫怪從前多意氣他家曾踏上頭關

續法昌遇云我要無禪底做國師徑山杲云且

道是醍醐句是毒藥句

師因百丈問甚處去來師云大雄山下採菌子來丈云還見大蟲麼師便作虎聲丈拈斧作斫勢師遂與丈一擱丈吟吟而笑便歸陞堂謂眾云大雄山下有一大蟲汝等諸人也須好看百丈老漢今日親遭一口

馮山祐舉問仰山仰云和尚怎生馮云百丈當時便合一斧斫殺因什麼到如此仰云不然馮云子又作麼生仰云百丈只解騎虎頭不解把虎尾馮云子有嶮崖之句五祖戒云百丈大似作賊人

擬

南齊書

十四

扶八

心虛黃檗熟處難忘

師因百丈問運關黎開田不易師云眾僧作務丈云有煩道用師云爭敢辭勞丈云開得多少田也師將鋤築地三下丈便喝師掩耳而去

馮山詰云黃檗開田功不浪施百丈住持令不虛行

續瑯琊覺云百丈一喝可謂垂絲於萬丈潭中黃檗掩耳獨聳於千峯頂上

師因有六人新到五人作禮中一人提起坐具作一圓相師云我聞有一隻獵犬甚惡僧云尋羶羊聲來

師云羶羊無聲到汝尋僧云尋羶羊跡來師云羶羊

無跡到汝尋僧云尋羶羊蹤來師云羶羊無蹤到汝尋僧云與麼則死羶羊也師便休至明日陞堂云昨日尋羶羊僧出來僧便出師云昨日公案未了老僧休去你作麼生僧無語師云將謂是本色衲子元來只是義學沙門以杖打出

雪竇顯云只如聲響蹤跡既無獵犬向甚處尋逐莫是絕聲響蹤跡處見黃檗麼諸禪德要明陷虎之機也須是本分衲子

師因普請次南泉云如許大身材戴箇些兒大笠師

擬

宗門統要續集卷七

十五

扶八

云三千大千世界總在裏許泉云王老師聲師戴笠便行

師因裴相國捧一尊像於前胡跪云請師安名師喚裴休休應喏師云與汝安名竟休作禮

雪竇顯代休當時便喝

師在南泉會下爲首座一日捧鉢向南泉位中坐泉入堂見乃問長老甚年中行道師云咸音王已前泉云猶是王老師兒孫下去師過第二位坐泉休去

馮山祐云欺敵者亡仰山云不然須知黃檗有陷虎之機馮云子見處得與麼長雪竇顯云可惜



王老師只見錐頭利我當時若作南泉待伊道威音王已前即便於第二位坐令黃檗一生起不得雖然如此也須救取南泉 雲峯悅云後來叢林中多有商量或道黃檗有陷虎之機南泉有殺虎之用若作與麼說話誠實苦哉殊不知這老賊有年無德喫飯坐處也不依本分若向雲峯門下說甚威音王已前王老師更大直須喫棒趁出

師在鹽官佛殿上禮拜次時大中帝爲沙彌乃問不著佛求不著法求不著僧求長老當何所求師云不著佛求不著法求不著僧求常禮如是事彌云用禮

宗門統要續集卷七

十六

扶八

何爲師便與一掌彌云太麤生師云這裏是什麼所在說麤說細隨後擬掌沙彌便走

師一日捏拳云天下老和尚總在這裏我若放一線道從汝七縱八橫若不放過不消一捏僧便問放一線道時如何師云七縱八橫又問不放過不消一捏時如何師云普

雲門偃因僧問如何是七縱八橫門云念老僧年老僧云如何是普門云天光回照僧云如何是天光回照門云鶻鶻少人知

師問百丈從上宗乘如何指示於人文據坐師云後

代兒孫將何傳授丈云我將爲你是箇人便行丈云雲峯悅云百丈老人大似憐兒不覺醜雖然如是盡法無民

續雲居舜云到這裏能有幾人

師因南泉問定慧等學明見佛性此理如何師云十二時中不依倚一物始得泉云莫便是長老見處麼師云不敢泉云漿水錢且致草鞋錢教誰還師休去爲山祐問仰山莫是黃檗構南泉不得麼仰云不然須知黃檗有陷虎之機爲山云子見處得與麼長 保福展云若無爲仰埋沒著黃檗 五祖戒

宗門統要續集卷七

十七

扶八

云仰山大似爲蛇畫足

續雲峯悅云若不同牀睡焉知被底穿 大瀉智

云欺敵者亡 徑山泉云路逢劍客須呈劍不是

詩人不獻詩

師因南泉問黃金爲城白銀爲壁此是甚人居止處師云聖人居處泉云有一人居何國土師近前叉手泉云道不得何不請王老師道師云有一人居何國土泉云可惜許

師因南泉問什麼處去師云擇菜去泉云將什麼擇師竖起刀子泉云汝只解作賓不解作主師以刀子



點三下

續黃龍新云今時師僧往往將南泉黃檗作擇菜會却

廣州和安通禪師因仰山作沙彌時嘗喚寂子與我拈牀子來仰持至師云送舊處著復問寂子牀那邊是什麼仰云無物師云這邊聲仰云無物師又召寂子仰應諾師云去

清田和尚一日與瑫上座煎茶次師敲繩牀三下瑫亦敲三下師云老僧敲有箇善巧上座敲有何道理瑫云某甲敲有箇方便和尚敲作麼生師舉起盞子

續

高麗續集卷七

大

扶八

瑫云善知識眼應須恁麼煎茶了瑫却問和尚適來舉盞子意作麼生師云不可更別有也

大于和尚與南用到茶堂見一僧近前問訊用云我既不納汝汝亦不見我問訊阿誰僧無語師云不得平白地恁麼問伊用云大于亦無語師乃把住其僧云是你恁麼累我亦然乃打一掴用便笑云朗月與青天

師因問侍者金剛正定一切皆然秋去冬來且作麼生者云不妨和尚借問師云卽今卽得去後作麼生者云誰敢問著某甲師云大于還得麼者云猶要別

人點檢在師云輔弼宗師不廢光彩者乃作禮

杭州大慈寰中禪師示衆云山僧不解答話只是識病時有僧出師便歸方丈

雪竇顯云大凡扶豎宗乘須辯箇得失且大慈識病不答話時有僧出便歸方丈雪竇識病不答話或有僧出劈脊便打諸方識病不答話有僧出必然別有長處敢有動著大唐天子只三人

續黃龍南云可惜放過當時見伊出來劈脊便打待伊知得行棒來處免見千古之下遭人檢點黃龍今日也識病會答話忽有箇漢出來掀倒禪牀

續

高麗續集卷七

十九

扶八

這裏合作麼生指準諸上座請一轉語看 翠巖芝云這僧出來大慈歸方丈並無箇道理甚麼處是識病處如今也須子細

師掃地次因趙州問般若以何爲體師云般若以何爲體趙州呵呵大笑師明日見趙州掃地次却問般若以何爲體趙州致掃帚拊掌大笑師便歸方丈

雪竇顯云前來也笑後來也笑笑中有刀大慈還識麼直饒識得也未免喪身失命 瀉山喆云纔見呵呵大笑便與一掌明日又問待伊大笑又與一掌大慈若下得這兩掌趙州若不對他可謂生

續黃龍新云趙州金鑰不辯玉石不分直饒分去也未夢見大慈在黃龍震云般若非是無體二老不能知般若非是無用二老不能用若也能知能用一言可以截斷衆紛何必再三南華曷云兩箇漢只解掩耳偷鈴不解移風易俗或有問南華般若以何爲體劈脊便打待伊眼目定動却問

宗門統要續集卷七

三

扶八

般若以何爲體靈利漢忽然踏著必定自知落處  
師示衆云說得一丈不如行取一尺說得一尺不如  
行取一寸洞山云說取行不得底行取說不得底雲  
居云行時無說路說時無行路不說不行時合行甚  
麼路洛浦云行說俱到卽本事無行說俱不到卽本  
事在

師住菴時南泉來問如何是菴中主師云蒼天蒼天  
泉云蒼天且致如何是菴中主師云會即便會休口  
喃喃地泉便出

師因僧辭乃問什麼處去僧云江西去師云將取老

僧去得麼僧云非但和尚更有過於和尚亦不將去  
汾陽昭代云知汝力微 法眼益別云和尚若去  
某甲提篋子

續淨因成云這僧可謂擔頭不泊蠅是則當如是  
要且只是孤生獨死底漢 天童覺云大慈合併  
不著這僧不如獨行也須是恁麼始得直饒大慈  
古佛也不奈這擔板漢何且道別有什麼長處  
天台平田普岸禪師訪茂源和尚源纔起迎師近前  
把住云開口卽失閉口卽喪去此二途請師別道源  
以手掩鼻師放開云一步較易兩步較難源云著甚

異文述

宗門統要續集卷七

三

拱八

死急師云若非是師不免諸方檢點

宗門統要續集卷第七

立月釋

楔切待骨

料數

科音斗擻音  
科擻振舉貌

斐

噉苦盍切  
與噉同

從切初

江  
嘯

直雙又切  
𠵽也

羶音

同令

與  
髀此肉

露骨何

額切齒疾智切  
曰齧有肉曰齧

肉

刑部郎中金壇于玉立施貲刻此  
宗門統要續集第七卷 計字七千二百九十  
箇該銀三兩七錢四分  
荆溪釋慧慈對長洲徐普書上元縣李再興刻  
萬曆丁未夏四月徑山寂照庵識

宗門統要續集卷第八

宋建溪沙門宗永集

元建康保寧禪寺住持沙門清茂續集

南嶽下第四世

楊州光孝慧覺禪師

州趙

至法眼處眼問近離甚處

師云趙州眼云承聞趙州有栢樹子話是不師云無

眼云往來皆謂僧問如何是祖師西來意州云庭前

栢樹子上座何得道無師云先師實無此語和尚莫

謗先師好

續徑山杲云若道有此語蹉過覺鐵背若道無此

續

宗門統要續集卷八

九

語又蹉過法眼若兩邊俱不涉又蹉過趙州直饒

總不恁麼別有透脫一路入地獄如箭射 鼓山

珪云覺鐵背名不虛得只是不曾夢見趙州

太原孚上座叅雪峯纔至法堂上顧視雪峯便下看

知事至明日入方丈作禮云昨日觸忤和尚峯云知

是般事便休

雲門偃因僧問作麼生是觸忤處門便打 雪竇

顯云打得百千萬箇有甚用處直須盡大地人喫

棒方可扶豎雪峯且道孚上座具什麼眼又云一

千五百人作家宗師被孚老一覷便高豎降旗至

明日云知是般事便休處著語云果然

續雲居舜云大小雪峯被孚上座惑亂一上只者

孚上座也是擔枷過狀 雪竇宗云只知其一不

知其二殊不知雪峯坐籌帷幄決勝千里孚上座

呈盡平生見解也只在雪峯圈續裏

師因鼓山問父母未生時鼻孔在什麼處師云老兄

先道山云如今生也汝道在什麼處師不肯山却問

你作麼生師云將手中扇子來山遂與再徵師默置

山乃拏之一拳

師因雪峯和尚門送晏國師住鼓山回至法堂乃云

續

宗門統要續集卷八

二

扶九

一隻聖箭子直射九重城裏去也師云和尚是伊未

在峯云渠是徹底人師云若不信待某甲去勘過遂

赴到中路便問師兄向甚處去晏云九重城裏去師

云忽遇三軍圍閉時如何晏云他家有通霄路師

云與麼則離宮失殿去也晏云何處不稱尊師拂袖

便回峯問如何師云好一隻聖箭折却也遂舉前話

峯云奴渠語在師云這老凍膿畢竟有鄉情在

馮山詰云此話衆中商量不少或云纔問甚處去

這裏便好打是聖箭折處或云忽遇三軍圍閉時

如何好打是聖箭折處如斯理論非唯瞞他亦乃



自瞞要會麼相如曾奪連城璧秦王安然致太平  
續寶峯文云雪峯一千五百人善知識受侯王供  
養福報因緣卽不無若是佛法未在洞山卽不然  
待乎上座云好一隻聖箭折却也却問他道甚麼  
待乎上座舉拽拄杖打出去一使乎上座已後作  
箇本色衲子二與聖箭子出其鋒鏖三與禪門作  
箇真正宗匠爲後人眼目諸禪德是不是有眼者  
辦取 保寧勇別國師語云乎上座我也知你是  
惡人

師因保福簽瓜次福云道得與你瓜喫師云把將來

續集

宋南嶽續集八

三

扶九

福度與一片師接便去

雪竇顯云雖是死蛇解弄也活誰是好手者試請  
辯看

師到投子子云久嚮太原乎上座莫便是麼師作掌  
勢子云老僧招得師便出子云且聽諸方斷看師却  
回首子便打

玄沙備云莫是投子招得麼

婺州新建禪師一生不畜沙彌有座主云上座年尊  
何不討箇沙彌侍奉師云若有眼暗耳聾口啞底爲  
我討一箇來主無對

日客遠禪師胡紫蹤因齋上座叅師拊掌三下云猛虎  
當軒誰是敵者齋云俊鷄冲天阿誰捉得師云彼此  
難當齋云且休未斷這公案師將拄杖舞歸方丈齋  
無語師云死却這漢也

續昭覺勤云力敵勢均不妨好頭對眼親手辨彼  
此沒便宜下梢可惜放過待他將拄杖作舞歸方  
丈便好與撫掌三下拂袖便行非唯頭尾完全亦  
免遭人指註雖然如是齋公無語還可轉側也無  
爲言侵早起更有夜行人 大瀉智云強中更有  
強中手天下元無第一人還知麼伎倆全無波旬

續集

宋南嶽續集八

四

扶九

失途到這裏無你解會處自檢點看

紫桐和尚因僧問如何是紫桐境界師云你眼裏著沙  
得麼僧云大好紫桐境界也不識師云老僧不諱此事  
其僧出去師下禪牀擒住云今日好箇公案老僧未  
得分文入手僧云賴遇某甲是僧師云禍不單行

石梯和尚嗣英

英

一日見侍者托鉢上堂乃喚侍者者

應喏師云甚處去者云上堂齋去師云我豈不知汝  
上堂齋去者云除此外別道箇什麼師云我祇問汝  
本分事者云若問本分事某甲實是上堂齋去師云  
汝不謬爲吾侍者



師因有新到僧於前立少時便出去師云有什麼辯  
白處僧再立良久師云辯得也辯得也僧云辯後作  
麼生師云埋却得也僧云蒼天蒼天師云適來却與  
麼如今還不當僧乃出去

筠州末山尼了然

師大

因灌溪到問如何是末山師

云不露頂溪云如何是末山王師云非男女相溪乃  
喝云何不變去師云不是神不是鬼變箇什麼

續昭覺勤云或有人問山僧如何是末山一望不  
見如何是末山王可與佛祖爲師何不變去上座  
自變擬議不來劈脊便棒且道末山是蔣山是當

機無向背擬議隔千山

天童覺云非男女之相

出有無之量透萬機之前超三界之上窮而通簡

而當松含風而夜寒溪帶雨而春漲

婺州金華山俱胝和尚龍天凡有詰問唯舉一指後  
有童子因外人問和尚說何法要童子亦豎起一指

師聞遂以刃斷其指童子負痛號哭而去師復召之  
童子回首師却豎起指童子忽然領悟師將順世謂

衆曰吾得天龍一指頭禪一生用不盡言訖而寂  
玄沙備云我當時若見拗折指頭

長慶稜代云  
美食不中飽人喫

續曹山章云俱胝承當處莽鹵只認得一機一境

報慈遂云且道俱胝還悟也未若悟爲什麼承

當處莽鹵若不悟又道用一指頭禪不盡且道曹

山意作麼生雲居錫云只如玄沙與麼道是肯

伊是不肯伊若肯伊何言拗折指頭若不肯俱胝

過在甚處靈隱獄云且道如何是一指頭禪乃

豎起拂子云見麼若也見得可以與俱胝把手共

行脫或未新薦福不免重說偈言一著高一著

一步闊一步坐斷佛祖關迷却來時路

襄州關南道吾和尚南常或執木劍橫在肩上作舞

僧問手中劍甚處得來師遂擲於地僧却置師手中

師云甚處得來僧無對師云容汝三天下取一轉語

僧亦無對師乃拈劍肩上作舞云恁麼始得

續雲峯悅云邪法難扶

袁州仰山慧寂禪師爲祐因爲山問甚處來師云田  
中來爲山云田中多少人師插鋤叉手而立爲云今

日南山大有人刈茅師拽鋤而去

玄沙備云我若見即踏倒鋤子有問鏡清愆云

插鋤意旨如何云狗銜赦書諸侯避道又問玄沙

踏倒鋤意如何云不奈船何打破岸斗又問南山

刈茅意如何云李靖三兄久經行陣 雪竇顯云

諸方咸謂挿歛話奇特大似隨邪逐惡據雪竇見

處仰山被瀉山一問直得草繩自縛去死十分

翠巖芝云仰山只得一楸諸人別有會麼

師因僧問法身還解說法也無師云我說不得別有

一人說得僧云說得底人在甚處師乃推出枕子瀉

山聞乃云寂子用劍刃上事

續徑山杲云瀉山正是憐兒不覺醜仰山推出枕

子已是漏逗更著箇名字喚作劍刃上事誤他學

語之流便恁麼承虛接響流通將去妙喜雖則借

支那

宗門統要續集卷八

七

扶九

水獻華要且理無曲斷即今莫有傍不肯底出來

我要問你推出枕子還當得法身說法也無 天

童華云若是劍刃上事寂子何曾會用忽有箇僧

出來問法身還解說法也無向他道我說不得別

有一人說得又問說得底人在甚處只向他道三

生六十劫 靈隱嶽云仰山從前一條脊梁硬如

鐵被這僧連拶便乃四楞塌地瀉山一期忍俊不

禁不知失却一隻眼忽有僧問台父法身還解說

法也無便與欄闌一踏踏倒教伊起來作箇灑灑

落落底漢不見道犀因翫月紋生角象被雷驚華

入牙

師因韋宙就瀉山請一伽陀瀉云觀面相呈猶是鈍

漢豈況形於紙墨韋乃就師請師於紙上畫一圓相

註云思而知之落第二頭不思而知落第三首

師因在瀉山牧牛時踢天太上座問百億毛頭百億

師子現作麼生師不答歸侍立瀉山須臾泰上座却

來師乃舉前話問適來道百億毛頭百億師子現豈

不是上座泰云是師云正當現時毛前現毛後現泰

云現時不說前後師拂袖出瀉山云師子腰折也

師因瀉山問忽有人問你你作麼生祇對師云東寺

支那

宗門統要續集卷八

八

扶九

師叔若在某甲不到寂寥瀉云放你一箇不祇對罪

師云生之與殺只在一言瀉云不負汝見別有人不

肯師云阿誰瀉指露柱云是者箇師云道什麼瀉云

道什麼師云白鼠推遷銀臺不變

師問僧近離甚處僧云廬山師云曾到五老峯麼僧

云不曾到師云闍黎不曾遊山

雲門偃云此語皆慈悲之故有落草之談

瀉山秀云今人盡道慈悲之故有落草之談只知

捉月不覺水深忽若雲門當時謹慎唇吻未審後

人若爲話會然水母無目求食須假於鰕 黃龍

心云雲門仰山只有受壁之心且無割城之意殊不知被這僧一時領過黃龍今日更作死馬醫乃拈拂子度與僧擬接便打 爲山詰云仰山可謂光前絕後雲門雖然提綱宗要鉗鎚天下衲僧爭奈無風起浪諸人還識這僧麼親從廬山來續黃龍震云仰山已是失却鼻孔雲門更下註脚有什麼救處我即不然近離甚處云廬山曾到五老峯麼云不會到只向道別離吹香供養此人師嘗夢往彌勒內院居第二座有一尊者白椎云今日當第二座說法師乃起白椎云摩訶衍法離四句

文部

雷經集續卷八

九

扶九

絕百非諦聽諦聽

爲山秀云依文解義卽不無忽然彌勒會中有箇作者纔見伊道摩訶衍法便云合取兩片皮非唯止絕仰山寐語亦免使後人夢中說夢續爲山祐因仰山舉乃云子已登聖位 瑯琊覺云且道聖衆是肯仰山是不肯仰山若肯又孤負仰山若不肯仰山猶如平地喫交山僧今日不惜眉毛與諸人說破摩訶衍法離四句絕百非你若舉似諸方諸方恁麼會入地獄如箭射 天童覺舉登聖位了云玉女依稀夜動機錦絲歷歷吐梭

臍水天湛碧全功墮雪月寒清一色迷諸禪德全功負墮一色猶迷作麼生體悉得相應去機在垢永云是佛却披珍御復名誰 東禪觀云尊者白椎聖衆便散不妨使人疑著却待第二杓惡水潑了方始惺惺遲也且如摩訶衍法離四句絕百非道已道了諸人還識仰山麼師因爲山山下有一僧住菴師至舉爲山道如許多人只得大機不得大用只如山中和尚與麼道意作麼生主云更請舉一遍師纔舉被菴主攔臂一踏師歸舉似爲山山呵呵大笑

文部

雷經集續卷八

十一

扶九

師問僧近離甚處僧云向南師拈起拄杖云彼中還說這箇麼僧云不說師云不說這箇還說那箇麼僧云不說師召大德叅堂去僧便去師復召僧應喏師云近前來僧近前師便打

雲門偈云仰山若無後語爭識得人師因大瀉問大地衆生業識茫茫無本可據子作麼生知他有之與無師云某甲有驗處時有一僧從面前過師召云聞衆其僧回首師云和尚這箇便是業識茫茫無本可據爲山云此是師子一滴乳迸散六斛驢乳



師問瀉山大用現前請師辨白瀉山下座歸方丈師隨後入瀉問子適來問什麼話師再舉瀉山云還記得吾答不師云記得瀉云試舉看師便出去瀉云錯師回首云香巖師弟來莫道某甲無語

師一日侍瀉山忽聞鳥鳴瀉云伊說事却徑師云不可向別人道瀉云何故恁麼道師云爲伊說太直瀉云多少法門寂子一時推下師云推下事作麼生瀉敲禪牀三下

師一日忽見異僧乘空而至作禮而立於前師問近離甚處僧云早辰離西天師云何太遲生僧云游山

攪匙

宗門統要續集卷八

十二

扶九

翫水師云神通妙用不無闍黎佛法須還老僧僧云特來東土禮文殊却遇小釋迦遂出西天貝多葉與師作禮乘雲而去

東林總云諸方商量如麻似栗盡道這碧眼胡兒來無蹤去無迹直是光前絕後若不是仰山也難爲縱奪諸禪德殊不知這碧眼胡兒騰空而來騰空而去一生只在虛空裏作活計有什麼光前絕後大小仰山被他將兩杓惡水驀頭澆了也當時集雲峯下自有正令何不施行大衆且道作麼生是正令咄

攪匙

宗門統要續集卷八

十三

扶九

續黃龍新云大小仰山被這僧熱瞞更出貝多梵書塗糊一上如今更有異僧乘空而至雲巖門下喚來洗脚 泐潭準云可惜仰山放過這漢當時若是寶峯便與擒住須教維那僧堂前撞鐘集衆責狀趕出況佛法不當人情既稱羅漢諸漏已盡梵行已立爲什麼不歸家穩坐只管游山翫水昭覺勤云驅耕夫之牛奪飢人之食是從上爪牙這羅漢具許多神通妙用到仰山面前直得目瞪口呆何故鶴有九臯難翥翼馬無千里謾追風大瀉泰云大衆仰山只知進前赴鹿不知身墮網

羅尊者偶爾成文頗有衲僧氣息若人會得許你倒持虎鬚

師因一梵僧來參師於地上畫半月相僧近前添作圓相以脚抹却師展兩手僧拂袖便出

師因瞑坐次有僧潛來身邊立師開目見遂於地上作一圓相相下書一水字顧視其僧僧無對

師一日坐次有僧至云不審乃從東邊叉手而立以目視師師乃垂下一足僧卻從東過西立師又垂下一足僧却向中間立師收兩足僧禮拜師云老僧自住來不曾打僧今日打去



師因鹽官會下有數人到瀉山不肯伏一日因普請西莊般禾次師至嶺頭放下後十數人亦到放下師遂舉起禾檐向諸人前行一市云有麼其一行僧並無對師云賺殺人便檐禾去

師作沙彌時一日念經聲高乳源和尚云寂子汝念經恰似哭師云某甲只與麼未審和尚又如何源乃顧視師云若與麼與哭何別源休去或曰瀉山

師問東寺借一路過那邊還得不寺云大凡沙門不可祇一路也別更有麼師良久寺却問借一路過那邊得不師云大凡沙門不可只一路也別更有麼寺

云祇有此師云大唐天子決定姓金

師因瀉山餒鷄生飯次回頭見師乃云今日爲伊大上堂一上師云某甲隨例得聞瀉云聞底事作麼生師云鷄作鷄鳴鵲作鵲噪瀉云你爭奈聲色何師云和尚適來道什麼瀉云我只道爲伊大上堂一上師云爲什麼喚作聲色瀉云雖然如此驗過也何妨師云大事因緣作麼生驗瀉山豎起拳師云終是指東畫西瀉云子適來問什麼師云問和尚大事因緣瀉云爲什麼喚作指東畫西師云爲著聲色故某甲所以問過瀉云並未曉了此事師云如何得曉了此事

史記

宗門統要續集卷八

十三

扶九

瀉云寂子聲色老僧東西師云一月千江體不分水瀉云應須與麼始得師云如金與金終無異色豈有異名瀉云作麼生是無異名底道理師云繞盤釵釧券正盆瀉云子說禪如師子吼驚散狐狼野干之屬師在瀉山前坡牧牛次見一僧上山不久却下來師乃問上座何不且在山中僧云祇爲因緣不契所以便下來師云有何因緣不契請舉看僧云和尚問某甲名什麼遂答歸真和尚云真歸何在某甲無對師云上座却回向和尚道某甲道得也和尚問作麼生道但云眼裏耳裏鼻裏其僧却回一如所教瀉山云

史記

宗門統要續集卷八

十四

扶九

脫空謾語漢此是五百人善知識語

師因瀉山問涅槃經四十卷幾卷是佛說幾卷是魔說師云總是魔說瀉云休去師隨後云某甲適來拙祇對和尚猶疊石峯頭草瀉云許汝眼正

師因見雪師子乃指云還有過得此色者麼衆無對雲門偃云當時好便與推倒雪竇顯云雲門只解推倒不解扶起

續瑯琊覺云卽今問汝諸人推倒扶起相去多少拄杖撥過眉毛鼻孔呵呵大笑擲下拄杖淨慈昌云推倒也錯扶起也錯還有過得此色者麼

師因問香嚴聞師弟近日有悟道頌試舉看嚴遂舉  
擊竹頌師云此是閑時構置嚴又舉一偈曰去年貧  
未是貧今年貧始是貧去年無卓錫之地今年錫也  
無師云汝只得如來禪未得祖師禪香嚴又呈偈云  
吾有一機瞬目視伊若人不會別喚沙彌師云且喜  
師弟會得祖師禪

報慈遂徵云且道如來禪與祖師禪是分不分

長慶稜云一時坐却 雲居錫徵云眾中商量如  
來禪淺祖師禪深只如香嚴當時何不問如何是  
祖師禪若置此一問何處有也 瑯琊覺云武帝

敲

甯海要續集卷八

十五

扶九

求仙不得仙王喬端坐却昇天 瀉山詰云香嚴  
可謂上無片瓦下無卓錫露髴髴赤灑灑沒可把  
若不是仰山幾乎放過這漢何故不得雪霜力焉  
知松栢操

續徑山杲云瀉山晚年好則極教得一棚肉傀儡  
直是可愛且作麼生是可愛處面面相看手脚動  
爭知語話是他人

師掃地次瀉山問塵非掃得空不自生如何是塵非  
掃得師以掃帚掃地一下瀉山云作麼生是空不自  
生師以手指自身又指瀉山云塵非掃得空不自

生離此二途又作麼生師又將掃帚掃地一下又指  
自身却指瀉山

師問陸郎中承聞郎中看經得悟是不陸云是弟子  
因看涅槃經道不斷煩惱而入涅槃師豎拂子云只  
如這箇作麼生入陸云入之一字也不用得師云入  
之一字不為郎中陸便起去一本謂鄭愚問

清涼欽云上座且道入之一字為什麼人又云郎  
中且莫煩惱 雪竇顯於仰山舉拂處別云拂子  
到某甲手裏也又別後語云我將謂你是箇俗漢  
師因一僧參便問和尚還識字不師云隨分僧以手

敲

甯海要續集卷八

十六

扶九

畫圓相托呈師以衣袖拂之僧又作半月相托呈師  
以兩手作背拋勢僧以目視之師低頭僧遶師一币  
師便打僧遂出

師一日坐次有僧來作禮師不顧其僧乃問師識字  
不師云隨分僧乃右旋一币云是什麼字師於地上  
書十字訓之僧又左旋一币云是什麼字師改十字  
作十字僧畫圓相以兩手托如脩羅擎日月勢云是  
什麼字師畫一圓相圍却十字僧乃作婁至勢師云  
如是如是此是諸佛之所護念汝亦如是吾亦如是  
汝善護持善哉善哉好去其僧禮謝騰空而去時有

一道者見後經五日遂問師云汝還見不者云某甲見出門騰空而去師云此是西天羅漢故來探吾道者云某甲雖覩種種三昧不辨其理師云吾以義爲汝解釋此是人種三昧是覺海變爲義海體同然此義合有因有果卽時異時總別不離隱身三昧也師夏末問訊瀉山瀉云子一夏不見上來在下面作何所務師云某甲在下面鋤一片畝種一籬粟瀉云子今夏不虛過矣師却問和尚今夏作得箇什麼瀉云日中一食夜間一寢師云和尚今夏亦不虛過道了乃吐舌瀉云寂子何得自傷已命

文部

宗門變續集卷八

十七

扶九

瀉山詰云仰山眼照四天下到大圓面前却向淨地喫交大圓可謂養子之緣不免掛後人唇齒續龍門遠云瀉仰父子尋常相見遊戲神通不同小小還有知得底麼若無山僧與汝諸人說看開得一片畝綿綿密密兩頓粥飯其道自辦山僧一夏與諸人相見自是諸人不薦若也薦成一片是什麼一片看取當門箭西禪需云瀉仰父子出入卷舒得能自在諸人切不得作世諦商量又不得作佛法解會既總不許與麼商量畢竟如何會開得一片畝種得一籬粟回頭開一望山青水又

宗門統要續集

緣終日只一餐夜後只一宿困來伸脚眠千足與萬足相將八月九月來籬邊爛熳鋪黃菊東林顏云今時師僧千百成羣經冬過夏虛消歲月深屈古人東林不是檢點先聖仰山逞俊太過吐舌只得一半

師問僧甚處來僧云幽州師云我恰要幽州信幽州米作麼價僧云某甲無端從他市橋上過踏折他橋梁

續保寧勇云放你三十棒

師因龐居士問久嚮仰山到來因甚却覆師豎拂子

文部

宗門變續集卷八

八

扶九

士云恰是師云是仰是覆士乃打露柱云雖然無人也要露柱證明師擲下拂子云若到諸方一任舉似續隱靜岑云大小小釋迦被龐居士一拶直得手忙脚亂只如居士打露柱一下又作麼生鯨吞海水盡露出珊瑚枝

師到巖頭頭舉起拂子師展坐具頭拈拂致師背後師將坐具搭肩上出頭云我不肯汝放只肯汝收師因石霜下有二禪客到瀉山云此間無一人會禪後普請搬柴次師見二禪客歇將一椀柴問云還道得麼俱無語師云莫道無人會禪好歸對瀉山云今



日二禪客被慧寂勘破瀉云什麼處被子勘破師便舉前話瀉云寂子又被吾勘破

師因瀉山開示云汝雖獨自迴光返照別人不知汝解處汝試將實解獻老僧看師云若教某甲自看到這裏無圓位亦無一物一解得獻和尚瀉云無圓位處元是汝作解處未離心境在師云既無圓位何處有法把何物作境瀉云適來是汝作與麼解是不師云是瀉云若與麼具足是心境法未脫我所心在元來有解爭道無解獻我許汝信位顯人位隱在一本小異

支那

宗門統要續集卷八

十五

扶九

師住東平時瀉山附書并鏡一面至師陞堂受書乃提起鏡示眾云大衆瀉山將鏡來而今且道是瀉山鏡東平鏡若道是東平鏡又是瀉山寄來若道是瀉山鏡又在東平這裏道得則存取道不得則打破去也如是三舉眾皆無對師乃撲破

五祖戒云更請和尚說道理看驀奪打破

師因叅東寺寺云已相見了不用上來師云與麼相見莫不當麼寺便歸方丈閉却門師歸舉似瀉山云寂子是什麼心行師云若不與麼爭識得伊師到乳源

語亦

保福展云仰山大似斂丁上鐵牛 承天宗云仰山識得東寺強說道理即不可說使瀉山去也未

能得與東寺相見在  
師一日因瀉山以兩手相交過各撥三下却豎一指師亦以兩手相交過各撥三下却向曾前仰一手覆一手以目瞻視瀉山休去

鄧州香嚴智閑禪師示眾云如人在千尺懸崖口街樹枝手無所攀脚無所踏忽有人問西來意不對則違他所問若對又喪身失命當恁麼時作麼生即是時有虎頭上座云上樹即不問未上樹請和尚道師

支那

宗門統要續集卷八

二十

扶九

呵呵大笑

雪竇顯云樹上道即易樹下道即難老僧上樹也致將一問來 翠巖芝云問者對者不免喪身失命如今衲僧作麼生

續徑山杲云吞得栗棘蓬透得金剛圈看這般說話也是泗洲人見大聖 大瀉果云香嚴慈悲之故有落草之談仔細檢點將來未免弄巧成拙鼓山珪云香嚴大似蕭何制律

師初開堂瀉山令人送拄杖并書到師接了云蒼天蒼天僧便問和尚爲甚如此師云只爲春行冬令



師因僧問如何是道師云枯木裏龍吟僧云不會師云觸體裏眼睛後有問石霜如何是枯木裏龍吟霜云猶帶喜在問如何是觸體裏眼睛霜云猶帶識在又有問曹山如何是枯木裏龍吟山云血脉不斷問如何是觸體裏眼睛山云乾不盡問未審還有得聞者麼山云盡大地未有一箇不聞問未審龍吟是何章句山云也不知是何章句聞者皆喪

續神鼎譚云石霜一向打撲向真界裏作活計又舉曹山云恁麼會取好 昭覺勤云念不異心不差圓融五位君臣跳過無明三毒便可以向枯木

擬述

雲門統要續集卷八

二十二

伏九

上生華寒巖中吹律看他三箇老宿一人透語滲漏一人透情滲漏一人透見滲漏若善叅詳便可玄關獨步還委悉麼莫守寒巖異草青坐斷白雲機不妙 徑山杲舉圓悟透三種滲漏語了云諸人還揀得出麼若揀不出妙喜不惜眉毛爲諸人說破香嚴透語滲漏被語言縛殺石霜透情滲漏被情識使殺曹山透見滲漏被見聞覺知惑殺分明說了具眼者辨

師因爲山問平生學解總不要作麼生是大德自己師道不得限三日亦無語爲云大德何不且下山歇

宗門統要續集

去師便下山遇著首座問什麼處去師云被和尚問自己道不得且下山去座云何不住去師云某甲自己尚道不得爭敢住座云不是與麼住香巖山有古寺基汝去住持我化齋糧與汝

師因僧問不慕諸聖不重已靈時如何師云萬機休罷千聖不携當時疎山在衆作嘔聲云是何言歟師問阿誰衆云師叔師云不諾山僧那山出衆云是師云師叔莫道得麼山云道得師云試道看山云若教某甲道還師資禮始得師乃下座禮拜准前語問山云萬機休罷猶有物在千聖不携亦從人得師云却

擬述

雲門統要續集卷八

二十三

伏九

請師叔道山云何不道肯諾或曰不得全師云肯又肯什麼諾又諾阿誰山云肯即肯他諸聖諾即諾自己靈師云饒你與麼也須三十年倒屣設使住山近山無柴燒近水無水喫分明記取後住疎山果如師記至二十七年病愈自云香嚴師兄記我三十年倒屣今少三年在每至食畢以手扶而吐之以應前記山後問道怱長老肯重不得全作麼生會怱云全歸肯重山云不得全又作麼生怱云箇中無肯路山云方慳病僧意

杭州徑山洪諲禪師因佛日長老至師云伏承長老

獨化一方何以荐游峯頂日云朗月當空挂冰霜不  
自寒師云莫便是長老家風不日云峭峙萬重關於  
中含寶月師云此猶是文言作麼生是長老家風日  
云今日賴遇佛日日却問隱密全真時人知有道不  
得太省無辜時人知有道得於此二途猶是時人升  
降處未審長老親道自道如何道師云我家道處無  
箇道日云如來路上無私曲便請玄音和一場師云  
任汝二輪更互照碧潭雲外不相關日云爲報白頭  
無限衆此回年少莫歸鄉師云老少同倫無向背我  
家玄路勿參差日云一言定天下四句爲誰留師云

擬柳

甯統要續集卷八

二十三

扶九

汝言有三四我道其中一也無因有偈云東西不相  
顧南北與誰留汝卽言三四我卽一也無  
師因僧問掩息如灰時如何師云猶是時人功幹僧  
云幹後如何師云耕人田不種僧云畢竟如何師云  
禾熟不臨場

續天童華云鳳閣香沉雪巢夜冷半窻明月和氣  
靄然正與麼時且道歸宗與徑山還有相見分也  
無見與不見且止只如這僧與麼問還具眼麼苟  
或未然雲藏無縫襖鳥宿不萌枝

師因僧問如何是長師云十聖不能量僧云如何是

短師云礁螟眼裏著不滿其僧不肯便去舉似石霜  
霜云只爲太近實頭僧問如何是長霜云不居箇僧  
云如何是短霜云雙陸盤中不喝彩

福州長慶大安禪師

始住大瀉時號懶安

示衆云有句無句如

藤倚樹踈山聞逕往彼請問值師泥壁次便問云有  
句無句如藤倚樹豈不是和尚道師云是山云忽遇  
樹倒藤枯時如何師放下泥盤呵呵大笑歸方丈山  
隨後云某甲三千里賣却布單特爲此因緣而來和  
尚何得相弄師云侍者討錢還伊去遂囑云向後有  
獼猴龍爲汝點破在山後到明招舉前話招云大瀉

擬柳

甯統要續集卷八

二十四

扶九

可謂頭正尾正只是不遇知音山却問樹倒藤枯時  
如何招云更使瀉山笑轉新山因有省乃云瀉山元  
來笑中有刀遂遙禮拜過

續開福寧舉有句無句語了良久云會麼深秋簾  
幙千家雨落日樓臺一笛風

師問百丈云學人欲識佛如何是佛丈云大似騎牛  
覓牛師云識後如何丈云如人騎牛至家師云未審  
始終如何保任卽得相應去丈云譬如牧牛之士執  
杖示之勿令犯人苗稼

福州雙峯和尚因仰山問師弟近日見處如何師云

據某甲見處實無一法可當情仰云汝解猶在境師云某甲只如此師兄又如何仰云汝豈無能知無一法可當情者瀉山聞云寂子一句疑殺天下人瀉山詰云前箭猶輕後箭深無限平人被陸沉續東禪獄云解弄不須霜刃劍延齡何必九還丹福州靈雲志勤禪師因見桃華悟道有頌云三十年來尋劍客幾回葉落又抽枝自從一見桃華後直至如今更不疑舉似瀉山云從緣得入永不退失汝善護持次舉似玄沙沙云諦當甚諦當敢保老兄猶未徹在

敲門

雲門經義續集卷八

二十五

扶九

長慶稜因僧問玄沙意旨如何慶云將謂胡鬚赤更有赤鬚胡續翠巖芝云有一人如今問玄沙意作麼生且道此人還徹也未黃龍心云諸人且道靈雲當初見底是桃華不是桃華若是桃華天下人見總須悟道若不是桃華爭奈見有桃華擬向甚處看作麼生說箇見底道理五祖演云說什麼諦當更參三十年昭覺勤云千鈞之弩不爲鼯鼠而發機靈雲既撥轉天關玄沙乃掀翻地軸且道那箇是未徹處徑山杲云一家有事百家忙

師問僧甚處去僧云雪峯去師云我有一信寄雪峯僧云便請師脫履拋向面前僧便去雪峯問甚處來僧云靈雲來峯云和尚安不僧云有信相寄道了脫履拋向面前峯休去

瀉山秀云雪峯既不能辨他來信端的這僧又祇知依模畫樣鈍置他靈雲忽若當時道我有一信寄他僧云便請靈雲只據坐這僧又若爲通露不可大丈夫漢爲人馳達教他一言不措

師因長生問混沌未分時如何師云露柱懷胎生云分後如何師云如片雲點太清生云未審太清還受

大車

雲門經義續集卷八

二十六

扶九

點也無師不對生云怎麼則舍生下來也師亦不對生云直得純清絕點時如何師云猶是真常流注生云如何是真常流注師云以鏡常明生云未審向上還有事也無師云有生云如何是向上事師云打破鏡來與你相見一本少異

續芭蕉徹云相見便休又打破鏡作什麼白兆圓云若不打破鏡爭得相見大陽延云卽今破也又作麼生相見乃云照盡體無依通身難辨的開福寧云好諸禪德盡十方界是一面鏡作麼生說箇打破底道理直饒眼親手辨光境俱忘如鷄



抱卵啐啄同時正好喫報慈拄杖何故弄影禪和  
如麻似粟 黃龍忠云二尊宿發明本分大事可  
謂如切如磋如琢如磨不妨端的檢點將來大似  
貼肉汗衫未能脫體致使有般漢隨語生解便向  
未分時計較打破鏡處說道理驢年解悟去若據  
牧菴見處說甚混沌分與未分打破鏡與不打破  
鏡直饒向露柱懷胎處會得正是片雲點太清諸  
仁者還委悉麼待虛空落地卽向你道 天童覺  
云分與未分玉機夜動點與不點金梭暗拋直是  
一色純清未得十成穩坐且道打破鏡來向甚處

支那

宗門統要續集卷八

二十七

扶九

相見還會麼清秋老兔吞光後湛水蒼龍脫骨時  
師因僧問佛未出世時如何師豎起拂子僧云出世  
後如何師亦豎起拂子僧不肯後到雪峯峯問甚處  
來僧云靈雲來峯云有何言句僧舉前話峯云你肯  
他麼僧云不肯峯云你問我與你道僧云佛未出世  
時如何峯豎起拂子僧云出世後如何峯放下拂子  
僧禮拜峯便打僧後到玄沙舉前話沙問你怎生會  
僧云不會沙云我與你作箇譬喻如人賣一片園東  
西四至結契總了也中心有箇樹子猶屬我在

瀉山詰云這僧一張弓兩隻箭擬撥亂天下至玄

沙面前一箇伎倆施展不得何故鶴有九臯難煮  
翼馬無千里謾追風

續雲門偈於兩豎拂處云前頭卽是後頭打不著  
福州九峯慈慧禪師因瀉山上堂云汝等諸人只得  
大體不得大用師便抽身出去瀉山召師師更不回  
顧瀉山云此子堪爲法器

保福展云依稀偈曲失前忘後

晉州霍山大禪佛景通禪師因到仰山前乃翹一足  
云西天二十八祖亦如是唐土六祖亦如是和尚亦  
如是某甲亦如是仰山下禪牀打四藤條

支那

宗門統要續集卷八

二十八

扶九

雪竇顯云藤條未到折因甚只與四下須是箇斬  
釘截鐵漢始得 翠巖芝云亦不得作賞亦不得  
作罰如今作麼生會

續棲賢遷云苦瓠連根苦甜瓜徹蒂甜 昭覺勤  
云師資會合輟芥投針一期借路經過不免遞相  
鈍置雪竇道藤條未到折因甚只打四下胡餅裏  
討甚麼汁又云須是斬釘截鐵漢始得大似隨邪  
逐惡 雲蓋智云大禪佛翹一足仰山打四藤條  
不是盲枷瞎棒且欲分付知音若不同牀睡焉知  
被裏穿



師後到霍山自云集雲峯下四藤條天下大禪佛叅山乃喚維那打鐘著師便走

雪竇顯云這漢雖見機而變爭奈有頭無尾

續昭覺勤云這漢擔却仰山冬瓜印子向人前賣弄若不是霍山幾被塗糊雖然如是可惜令行一半當時不用喚維那好與擒住更打四藤條且聽這漢疑三十年

滁州定山神英禪師因裨樹問不落數量請師道師提起數珠云是落不落樹云圓珠三數時人知有請師圓前話師便打樹拂袖而出師云三十年後拋擲

檄

宗鑑錄卷八

二十九

扶九

大哭去在樹住後示眾云吾三十年前被定山熱謾不同小小

雪竇顯云定山用卽用爭奈險裨樹知卽知要且未具擇法眼試請辨看

師一日見首座洗衣遂問作什麼座提起衣師云洗底是甚衣座云福州使鐵錢師乃令維那移下首座挂搭

元康和尚因謁石樓樓纔見便收足坐師云得與麼威儀周足樓云汝適來見什麼師云無端被人領過樓云是與麼始爲真見師云苦哉賺却幾人來樓便

起身師云見卽見已動卽不動樓云盡力道不出定也師拊掌三下

南泉願云天下人斷這兩箇是非不得若斷得與他同叅

京兆米和尚

或謂米七師或曰米胡者

因僧問自古上賢還達真

正理麼師云達僧云祇如真正理作麼生達師云當時霍光賣假銀城與單于契書是什麼人做僧云某甲直得杜口無言師云平地教人作保

師令僧問仰山今時還假悟去不仰云悟卽不無爭奈落在第二頭何師乃肯之

檄

宗鑑錄卷八

三

扶九

續泐潭清云門庭施設米胡深仰山第二頭若是入理深談第一頭猶未悟在天童華云米胡

提本分鉗鎚仰山展劒刃上事二老於唱教門中足可稱尊若是衲僧門下總是喫棒以漢

師問僧近離甚處僧云藥山師云藥山老子近日如何僧云大似一片頑石師云得渭麼鄭重僧云也無你提掇處師云非但藥山米胡亦渭麼僧近前顧視而立師云看看頑石動也其僧便出

雪竇顯云米胡也縱奪可觀爭奈死而不弔漁山詰云米胡好片頑石多少遊人不識及乎衲僧

一見不免將南作北

續昭覺勤云雪竇細處細如米末冷處冷似冰霜要且只見錐頭利若據蔣山見處只這米胡趁得老鼠打破油甕 天童華云這僧豈不是具眼耐却將藥山一片頑石到處賣弄苟非米胡深辨端倪幾遭感亂是你諸人試辨看

襄州王敬初常侍一日治事次米和尚至侍乃舉筆示之米云還判得虚空麼侍乃擲下筆入宅更不相見米和尚致疑明日憑華嚴置茶筵次設問昨日米和尚有何言句便不得相見侍云獅子咬人韓德逐

支那

宗門統要續集卷八

三十一

扶九

塊米纔聞乃省遠出朗笑云我會也我會也侍云會即不無你試道看米云請常侍舉侍乃豎起一隻箸米云這野狐精侍云這漢徹去也

一本語少是大意相類

馮山詰云米胡雖然如是且只得一徹常侍云這漢徹去大似看樓打樓大瀉則不然常侍雖是箇俗漢筆下有生殺之權米胡是一方善知識要且出他繼續不得當時侍他擲下筆但問道我從來疑著這漢

常侍與臨濟至僧堂乃問這一堂僧還看經也無濟云不看經還習禪也無濟云不習禪侍云經又不看

禪又不習究竟作什麼濟云總教成佛作祖去侍云金屑雖貴落眼成翳濟云我將謂你是箇俗漢

投子同別云官人何得貴耳賤目 鏡清總代云比來拋磚引玉 馮山詰云王常侍可謂儒門君子禪門良匠若非智鑑精明爭得是非穎脫續白雲端云大眾臨濟端的只具一隻眼若是圓通即不然金屑雖貴落眼成翳我將謂你是箇俗漢大眾試斷看 天童華云風行草偃葉落知秋臨濟雖本分鉗鎚常侍乃頂門具眼只如今日判府正言入山與山僧相見雖無僧堂可至亦無佛

支那

宗門統要續集卷八

三十二

扶九

法商量只這便是出他一頭地處且道以何為驗靈隱嶽云一著高一著一步闊一步明眼人前猶涉路布鳳棲不在梧桐樹

宗門統要續集卷第八

音釋

於於族切 獐來胡切

刑部郎中金瑄于王立施贊刻此宗門統要續集第八卷計字乙萬乙千二百六十箇該銀五兩八錢五分荆溪釋慧慈對長洲徐晉書江寧縣劉仕啓刻萬曆丁未夏四月徑山寂照庵識

宗門統要續集卷第九

宋建溪沙門宗永集

元建康保寧禪寺住持沙門清茂續集

睦州龍興陳尊宿

嗣黃檗運

因僧問高揖釋迦不拜彌勒

時如何師云昨日有人問趁出了也僧云和尚恐其

甲不實那師云拄杖不在若蒂柄聊與三十

雪竇顯云睦州只有受壁之心且無割城之意

續南堂靜云衲僧家高揖釋迦不拜彌勒不爲分

外也須是本分鉗鎚方能知其真偽何故出羣須

是英靈漢敵勝還他獅子兒選佛若無如是眼直

跋

甯寧集卷九

二

扶十

饒千載亦奚爲

西禪需云若要扶持大法舉唱宗乘這老漢却較

些子諸人要見睦州麼劍爲不平離寶匣藥因救

病出金瓶

靈隱獄云以毒攻毒以楔出楔還他

睦州老漢始得今日有人恁麼問虎丘也只恁麼

答何故盡法無民

師示衆云我見百丈不識好惡大衆纔集以拄杖一

時打下復召大衆衆回首又云是什麼有甚共語處

黃檗和尚衆纔集以拄杖一時打下復召大衆衆回

首又云月似彎弓少雨多風猶較些子

宗門統要續集

雪竇顯云說甚猶較些子直是未在據雪竇衆集

一時打下便休或有箇無孔鐵鎚爲衆竭力善能

擔荷可以籠罩古今乾坤把斷乃爲拈拄杖云放

過一著石門聰舉黃檗語了云前來甚是奇特

後來龍頭蛇尾天聖泰云殺人須見血

續瑯琊覺云若入洪波裏須是弄潮人靈隱獄

云轉見誚訛這幾箇老漢出來張羅布網却向平

地上撈鰕捫蜆用盡自己心笑破他人口

師因西峯長老至致茶果次問長老今夏在甚處安

居峯云蘭溪師云有多少衆峯云七十來人師云時

跋

甯寧集卷九

二

扶十

中將何示徒峯拈起柑子師云著什麼死急

師問僧近離甚處僧便喝師云老僧被你一喝僧又

喝師云三喝四喝後作麼生僧無語師便打云這掠

虛漢

續泐潭清云這僧只解瞻前不能顧後恁麼行脚

鈍置殺人黃龍卽不然待他道三喝四喝後如何

將坐具一搥拂袖便行非唯截斷睦州葛藤且與

天下衲僧出氣靈隱獄云老睦州甚生氣緊却

向這僧手裏呈款

師一日喚僧云大德僧回首師云擔板漢



雪竇顯云睦州只具一隻眼何故這僧喚既回首因甚却成擔板

續黃龍心云雪竇亦只具一隻眼這僧喚既回頭因甚却不成擔板 鼓山珪云睦州和尚被這僧勘破

師因秀才相看云會二十四家書師以拄杖空中點一點云會麼秀才罔措師云又道會二十四家書永字入法也不識

黃龍南云睦州一點直在威音王已前及乎入法論書却被箇俗人勘破若是黃龍即不然孔門第

支那

宗門統要續集卷九

三

扶十

子無人識碧眼胡僧笑點頭 瀉山詰云睦州不妨用得這一點妙又似以勢欺人大瀉即不然乃畫一圓相云會麼字義炳然文不加點

續徑山印舉大瀉語了云睦州大似如風吹水自然成紋惜乎逞俊太過焉成馬山僧今日客來雖有拂子拄杖盡以束之高閣何故文不在茲

師示衆云裂開也在我捏聚也在我時有僧問如何是裂開師云三九二十七菩提涅槃真如解脫即心是佛我且與麼道你又作麼生僧云某甲不與麼道師云盞子撲落地碟子成七片

雲峯悅云相罵饒你接背相唾饒你潑水

續天童華云我且問你諸人雲峯與麼道爲復是會睦州意明睦州語歸宗因行不妨掉臂不是禪不是道不是玄不是妙久立珍重 天童覺云睦

州用處直是長三短五七縱八橫撒在面前拋向背後不妨奇特然則門庭施設自是一家入理深談不啻百步 靈隱嶽云也好笑睦州被這僧拶得恰似落湯螃蟹七手八脚一時露

師因雲門敲門乃問誰門云某甲師開門便擒住云道道門擬議師便推出云秦時轆轤鑽

支那

宗門統要續集卷九

四

扶十

師問僧甚麼處來僧云瀏陽師云彼中老宿祇對佛法大意道甚麼僧云徧地無行路師云老宿實有此語不僧云實有師拈拄杖打云這念言語漢

師因僧問門前金剛托卽乾坤大地不托卽絲髮不逢時如何師云吽吽我不曾見此問先跳三千倒退八百你作麼生僧云諾師云先責一紙罪狀好便打

其僧擬去師云來我共你葛藤托卽乾坤大地你且道洞庭湖水深多少僧云不曾量度師云洞庭湖又作麼生僧云祇爲今時師云只這葛藤尚不會又打師問僧近離甚麼處僧云仰山師云五戒也不持僧云



什麼處是妄語師云這裏不著沙彌師問僧甚麼處來僧云那邊劄師云老僧屈僧云和尚知即得師云擔枷過狀劈脊便打

雲峯悅云睦州何用繁辭那邊劄劈脊便棒

師問僧近離甚處僧云河北師云河北有箇趙州和尚上座曾到彼麼僧云某甲近離彼中師云趙州有何言句示徒僧舉喫茶話師乃云慙愧却問僧趙州意作麼生僧云只是一期方便師云苦哉趙州被你將一杓屎潑了也便打師却問沙彌你作麼會沙彌便設拜師亦打其僧往沙彌處問適來和尚打你作

支那

雲峯續集卷九

五

扶十

什麼彌云若不是我和尚不打某甲

雪竇顯云這僧克由耐耐將一杓屎潑他二員古佛諸上座若能辯得非唯與趙睦二州雪屈亦乃雪竇與天下老宿無過若道不得到處潑人卒未了

續徑山杲云雪竇只知一杓屎潑他趙睦二州殊不知這僧當時被趙州將一杓屎潑了却到睦州又遭一杓只是不知氣息若知氣息什麼處有二員古佛

師因吳尚書至門首便問三門俱開弟子從何門而

入師召尚書尚書應諾師云從信門而入

雪竇顯別云客是主人相師

師示衆云你等諸人還得箇入頭處也未若未得箇入頭須得箇入頭若得箇入頭不得孤負老僧

雲峯悅云古人與麼道和身放倒了也汝諸人還相委悉麼若相委悉孤負睦州若不相委悉雲峯亦遭連累

續法雲秀云還會麼睦州便是陳蒲鞋若見可謂大施門開更無壅塞其或未然莫道不窒礙好叅白雲端云睦州老兒可謂經事多矣要坐便坐

支那

雲峯續集卷九

六

扶十

要行便行雖然如是天無全功 雪竇宗舉拂子云我若恁麼穿却睦州鼻孔若不恁麼換却睦州眼睛又云今人明明向你道尚自不會驢年夢見麼

師見僧來云見成公案放你三十棒雲峯悅云作僧賊人心虛云某甲如是師云寺門前金剛爲什麼豎拳僧云金剛尚乃如是師便打

雲門偃云睦州正恁麼時天下人披枷帶鎖續徑山杲云雖然無孔密撞著檀板板直是五音調暢六律和諧仔細檢點將來未免傍觀者哂且

道誰是傍觀者良久云不得動著動有打折你驢腰東禪嶽云臨危不變真大丈夫當時若不是這僧幾被打破蔡州諸人還識睦州麼貧無達士將金贈病有閑人說藥方

師一日見僧行胡餅次乃云行箇甚麼僧云胡餅師云這俗漢

保福展云睦州也好低聲

師問武陵長老了卽毛吞巨海始知大地一微塵作麼生陵云和尚問誰師云問長老陵云何不領話師云是我不領話你不領話

敲榔

宗門統要續集卷九

七

扶十

雪竇顯云墮也墮也復云這葛藤老漢好與畫斷拈拄杖云什麼處去也

鎮州臨濟慧照義玄禪師在黃檗會中因第一座勉令問黃檗如何是佛法的大意檗遂與二十棒如是三次問每蒙賜棒乃告辭第一座云早蒙激勸問法累蒙和尚賜棒所恨愚魯且往諸方去第一座遂白黃檗云義玄上座雖是後生却甚奇特後五日爲一株大樹蔭覆天下人去在要起去忽辭和尚願垂提誨師明日乃辭黃檗檗指往大愚處必爲汝說師至大愚愚問什麼處來師云黃檗來愚云黃檗有何

言句師遂舉前話復云不知過在甚麼處愚云黃檗與麼老婆心爲汝得徹困猶覓過在師於是大悟乃云元來佛法無多子愚搔住云尿牀鬼子過來又道不會而今又道佛法無多子是多少速道速道師便於大愚肋下築三拳愚托開云汝師黃檗非干我事師返黃檗檗問來來去去有甚了期師云只爲老婆心切遂舉前話檗云大愚老漢饒舌待見與打一頓師云說甚待見卽今便打遂與黃檗一掌檗吟吟而笑云這風顛漢來這裏將虎鬚師便喝檗云侍者引這風顛漢參堂去有本小異大同

敲榔

宗門統要續集卷九

八

扶十

馮山祐問仰山臨濟得大愚力黃檗力仰云非但將虎鬚亦解坐虎頭

師示衆云我於先師處三次問佛法大意三次被打如蒿枝拂相似如今更思一頓誰與下手時有僧出云某甲下手師拈棒度與僧擬接師便打

雪竇顯云臨濟放去較危收來太速

續五祖戒云臨濟大似貧兒思舊債雪竇宗云且道臨濟今日用底棒與當時喫底棒是同是別若道同孤負他黃檗若道別屈他臨濟苦也盡其機來且道在阿誰分上乃拈拄杖云退後退後

天童華云臨濟在黃檗處三度喫棒底意旨諸人還覩得透也未直饒一咬便斷也未是大丈夫漢三世諸佛口挂壁上天下老和尚將什麼喫飯靈隱嶽舉雪竇語了拈拄杖云臨濟據令而行不知孤負黃檗雪竇盡力擔板也只見一邊且道薦福節文在甚處擲下拄杖

師因趙州遊方到院在後架洗脚次師便問如何是祖師西來意州云恰遇山僧洗脚師近前作聽勢州云會即便會咱啄作什麼師便歸方丈州云三十年行脚今日錯爲人下註脚

擬

雷鑑錄卷九

九

扶十

續法雲秀云衆中商量道趙州不識臨濟作賊却爲他下箇註脚臨濟當時作聽勢何不劈耳便掌若恁麼商量何曾夢見趙州識得臨濟殊不知兩箇盡是老賊須知一箇好手敢問諸人那箇是好手具眼者辨取教忠光云臨濟有驗人眼趙州又飽叢林等閑略露風規自然頭正尾正還會麼若不得流水還應過別山

師侍德山次山云今日困師云這老漢寐語作麼德山回顧云欲借一問得麼師便喝山便打師掀倒禪牀

雪竇顯云二員作者具啐啄同時眼有啐啄同時

用雪竇擬向飢鷹爪下奪肉餓虎口裏爭餐敢謂德山臨濟俱是瞎漢有人辯得天下橫行雲峯悅云奇怪諸德看此二員作家一撥一捺略露風規大似把手上高山雖然如是未免傍觀者哂且道誰是傍觀者喝一喝下座

續徑山杲云雲峯與麼批判大似普州人徑山若見縛作一束送在河裏不見道蚌鷸相持俱落漁人之手西堂顯云然則德山門下草偃風行爭奈臨濟當機不讓雖然如是未出葛藤窠裏護國元云奇怪諸禪德二老漢忒煞傍若無人當時

擬

雷鑑錄卷九

十

扶十

真如若見每人與二十棒且道利害在什麼處有人明得許汝親見臨濟德山要見真如亦未可何故鶴有九臯難翥翼馬無千里謾追風

師到三峯平和尚問發足甚處師云黃檗平云黃檗近日有何言句師云金牛昨夜遭塗炭直至如今不見蹤平云秋風吹玉管那箇是知音師云直透萬重關不住青霄外平云此語太高生師云龍生金鳳子衝破碧瑠璃平云且坐喫茶

師因赴普請鋤茶次黃檗後至師問訊了按鐮而立槩云莫是困耶師云纔鐮地何言困槩拈拄杖便打



師接住推倒槩乃喚維那拽起我來維那云和尚爭容得這風顛漢槩却與維那一掌師遂鏝地云諸方火葬我這裏活埋

瀉山祐問仰山黃檗與臨濟此時作麼生仰云作賊人不在邏賊人喫棒 瀉山詰云黃檗倒地維那扶起火葬活埋清風未已

續三交嵩云正狗不偷油鷄銜燈盞走

師在黃檗栽杉松次黃檗云深山裏栽許多樹作麼師云一與山門作境致二與後人作標榜道了將鋤打地一下檗云雖然如是子已喫吾二十棒了也師

支那

宗門統要續集卷九

十二

扶十

又打地一下噓兩聲檗云吾宗到汝大興於世

瀉山祐問仰山黃檗當時只囑臨濟一人別更有在仰云有只是年代深遠不欲舉似和尚瀉山云雖然如是吾也要知但舉看仰云一人指南吳越令行遇大風即止 瀉山詰云臨濟與麼大似平地喫交雖然如是臨危不變方稱丈夫黃檗云吾宗到汝大興於世也是憐兒不覺醜

續天童華云黃檗道雖然如是子已喫吾二十棒了也養子之緣故當如是臨濟正令雖行可惜甘自向饅頭邊活埋仰山見解未出常流豈止遇大

風則止當時何不道直待虚空界盡此話方始大行豈不頭正尾正應菴今日將下面皮要與諸人相見去也驀拈拄杖卓一下云驚羣須是英靈漢敵勝還他獅子兒

師示衆云有一無位真人常向汝等諸人面門出入未證據者看看時有僧出問如何は無位真人師下繩牀拈住云道道僧無語師拓開云無位真人是什麼乾屎橛

雪峯存云臨濟大似白拈賊 雪竇顯云夫善竊者鬼神莫知既被雪峯覷破臨濟不是好手復召

支那

宗門統要續集卷九

十二

扶十

大衆雪竇今日換却你諸人眼睛了也你若不信各歸寮舍自摸索看

續瑯琊覺云臨濟可謂冰稜上度九阨劒刃上得全身 薦福行云臨濟老人一條脊梁硬似鐵拗不折可憐末後不奈船何打破犀斗

師問寺主什麼處去來主云州中糴黃米來師以拄杖畫一畫云還糴得這箇麼主便喝師便打次典座至師乃舉似與座座云寺主不會和尚意師云你又作麼生座禮拜師亦打

黃龍南云寺主下喝不可放過典座禮拜放過不



可臨濟令行歸宗放過三十年後有人說破 馮山喆云寺主下喝典座禮拜臨濟令行古今獨邁續黃龍新云典座禮拜有過無功寺主一喝有功無過既有功爲甚麼却被打棒頭有眼明如日要識真金火裏看 天童華云二尊宿雖則力提綱要檢點將來未免依草附木殊不知大小臨濟被這兩箇漢破家散宅還會麼殺人刀活人劍西禪需云院主一喝電卷雷奔山摧地裂典座禮拜雲收雨散月白風清雖然如是因甚麼總喫痛棒不見道臥龍纔奮迅丹鳳便翱翔

敲

宗門統要續集

十三

扶十

師臨遷化垂示云吾去後汝等諸人得滅却吾正法眼藏三聖出云誰敢滅却正法眼藏師云後或有人問你又作麼生聖便喝師云誰知吾正法眼藏向這瞎驢邊滅却聖便作禮

馮山秀云古者忍死待來因何正法眼藏却向瞎驢邊滅臨濟行計速速三聖又却忽忽因斯父子情忘遂使後人失望若不得流水多應過別山師垂問一人在孤峯頂上無出身之路一人在十字街頭亦無背面那箇在前那箇在後

師垂問有一人論劫在途中不離家舍有一人離家

宗門統要續集

舍不在途中阿那箇合受人天供養續徑山杲云賊身已露 雲巖游云識取鉤頭意莫認定盤星

師會下有同學二人相問一云離却中下二機請兄道一云云一云擬問則失一云與麼則禮拜老兄去也一云這賊師聞乃陞堂云要會臨濟賓王句問取堂中二福客便下座

師因一僧叅未人事乃問禮拜卽是不禮拜卽是師便喝僧遂拜師云這賊僧云這賊便出去師云莫道無事好首座在邊侍立師回問還有過也無座云有

敲

宗門統要續集

十四

扶十

師云賓家有過主家有過座云二俱有過師云過在什麼處座便出去師云莫道無事好

南泉願云官馬相踏

續保寧勇云這一羣賊其中有正賊有草賊那箇是正賊那箇是草賊還辯得麼口欵易招賊物難認 護國元云這僧身挨白刃臨濟劒不虛施首座不善傍觀惹得一身泥水雖然如是且道前頭無事與後頭無事相較幾何於此縑素分明不但穿却臨濟鼻孔亦許你眼光爍破四天下其或未

然莫道無好事

師一日見普化來乃云我在南方馳書到瀉山時知你先在此住待我來及至我到得汝贊佐我今欲建立黃檗宗乘汝切須爲我成禱普化珍重下去克符後至師亦如是道符亦珍重下去三日後普化却上問云和尚前日道什麼師拈棒便打下又三日後克符亦上問云和尚前日打普化有甚事師拈棒亦打下至晚陞堂示四料揀語了普化克符二人遂出衆作禮師便下座

續長蘆仁云普化克符不可放過臨濟老人放過不可若是且菴一生擔板無人成禱然雖恁麼須

支那

宗門統要續集卷九

十五

扶十

知遠煙浪別有好商量

師一日在僧堂前坐見黃檗來却閉目檗見乃作怖勢遙遙過歸方丈師隨後具威儀去禮謝了退于時首座在畔立檗云這僧雖是後生却知有此事座云老和尚脚跟不點地證據箇後生檗於口上自擱云却是老僧罪過座云知卽得

師到京教化至一家門云家常添鉢婆云太無厭生師云飯也未曾得何言太無厭生婆便閉却門

師因黃檗入廚見飯頭乃問作什麼頭云揀衆僧米檗云一日喫多少頭云十二石五檗云莫太多頭云猶

恐少在檗便打飯頭舉似師師云與汝勘過這老漢纔出侍次檗便舉前話師云飯頭不會講和尚代一轉語便問莫太多麼檗云何不道來日更喫一頓師云說甚來日卽今便喫道了便掌檗云這風顛漢又來這裏將虎鬚師便喝出去

瀉山祐云養子方知父慈 仰山寂云大似勾賊破家

師陞堂有僧出師便喝僧亦喝便拜師便打

翠巖芝云臨濟也心麤好彩賴是這僧若是今時衲僧且作麼生出得

支那

宗門統要續集卷九

十六

扶十

續東禪觀云臨濟除是不作作則萬般怒號這僧搏扶搖而上九萬里

師或見僧來乃豎起拂子僧禮拜師便打

翠巖芝云這僧有理不伸死而不弔且作麼生會如今作麼生與這僧出氣

師或見僧來乃豎起拂子或云謝和尚指師立打示或時僧不顧師立打

雲門偈云只宜老漢

師問僧甚處來僧云定州來師拈棒僧擬議師便打僧不肯師云已後遇明眼人去在僧後叅三聖纔舉前話三聖拈棒僧擬議三聖便打

續天童華云臨濟三聖當時若有轉身句後代兒孫未至掃土墓枯拄杖更有一箇甚麼云卓拄杖一下

師因有座主相看師乃問講何經論主云某甲荒處粗習百法論師云有一人於三乘十二分教明得有一人於三乘十二分教明不得是同是別主云明得即同明不得即別時洛浦爲侍者乃云座主這裏是甚處說同說別師回首問侍者汝又作麼生者便喝師送座主回遂問適來是汝喝老僧那者云是師便打

杖頭

雷震子

土

扶十

師因半夏上黃檗山問訊見黃檗看經乃云我將謂是箇人元來是淹黑豆老和尚住數日乃辭去檗云汝彼夏來不終夏了去師云某甲暫來禮拜和尚檗遂打趁令去師行數里疑此事却回終夏

師應機或多用喝會下僧衆亦學師喝師一日問僧汝總學我喝我今問汝有一人從東堂出一人從西堂出兩人齊喝一聲這裏分得賓主汝且作麼生分若分不得已後不得學老僧喝

師聞德山示衆云道道得也三十棒道不得也三十棒師令侍者即答去見他如是道便問道得爲甚

也三十棒待伊打你便接拄杖推一推者去一如指教德山被一推倒便歸方丈閉却門者回舉似師師云從來疑著這漢雖然如是你還見德山麼者擬議師便打

巖頭嚴云德山尋常只據目前一箇拄杖子佛來也打祖來也打爭奈較些子

續雲居齊云只如臨濟道我從來疑著這漢是肯語不肯語爲當別有道理試斷看

師訪平田路口見一婆使牛乃問婆婆平田路向什麼處去婆便將牛打一棒云這畜生諸處走到這裏

杖頭

雷震子

土

扶十

不知路師云我問你平田路什麼處去婆云這畜生五歲也尚使不得師云欲觀前人先觀所使便有抽釘拔屑之意師至平田田問還見我婆也未師云已收下了也田云近離甚處師云江西黃檗田云情知你見作家來師云特來禮拜和尚田云已相見了也師云不然賓王之禮合禮三拜田云既是賓王之禮拜著

師會下兩堂上座一日舉頭相顧各下一喝僧舉問師未審具賓主眼不師云雖然如此賓主歷然

承天宗云臨濟此語走殺天下衲僧我即不然當



時見僧舉但云一對無孔鐵鎚

續昭覺勤云正勅既行諸侯避道 大瀉智云作

麼生是賓主歷然底道理若也會得一雙孤鴈撲

地高飛其或未然一對鴛鴦池中獨立

師到襄州華嚴嚴見來乃橫按拄杖作睡勢師云莫

瞌睡嚴云作家禪客宛爾不同師云侍者點茶來與

和尚喫嚴召維那第三位安排一本曰到翠峯

師到鳳林林云有事相借問得麼師云何得剗肉作

瘡林云海月澄無影游魚逐浪迷師云海月既無影

游魚何得迷

支那

雲門集續集卷九

五

扶十

或有云觀風波浪起翫水野僧飄師云孤蟾獨耀

江山靜長嘯一聲天地秋林云任將三寸輝天靜

一句臨機試道看師云路逢劍客須呈劍不遇詩

人不獻詩林便坐師便出去 或有云湛寂無高

下隨風妄起波師云孤月照臨山嶽靜幾多人向

此中休林云老僧與閭黎又作麼生師云高高直

透千峯外莫將螢火照山川道了拂袖便出復有

一頌云大道絕同各自西東石火莫及電光罔通

瀉山祐問仰山臨濟道石火莫及電光罔通從

上諸聖以何爲人仰云和尚作麼生瀉云但有言

說都無實義仰云不然瀉云子又作麼生仰云官

不容針私通車馬瀉云如是如是

師因徑山有五百衆少人叅請每日乃繞佛殿前大

樹行道念觀音接人與黃檗是同叅寄書與黃檗具

言是事檗令師去云你到彼作麼生師云某甲自有

方便師到徑山裝腰直上法堂徑山纔舉頭師便喝

山擬開口師拂袖便行尋有僧問徑山適來這僧有

甚言句便喝和尚山云這僧從黃檗來你要知自去

問取是時徑山五百衆大半分散

師因僧叅乃展兩手僧無語師云會麼僧云不會師

支那

雲門集續集卷九

三

扶十

云慈圖擘不破與你兩文錢

師因麻谷第二世者叅數坐具問十二面觀音阿那面正

師下繩牀一手收坐具一手搖麻谷云十二面觀音

向什麼處去也谷轉身擬坐繩牀師拈拄杖打谷接

却相捉歸方丈

師到杏山問如何是露地白牛杏云吽師云啞杏云

長老又作麼生師云這畜生

師到龍光問不展機鋒如何得勝光據坐師云大善

知識豈無方便光瞪目云喏師拍手云大眾看這老

漢今日敗闕便行



師往鳳林路逢一婆子問甚麼處去師云鳳林去婆云鳳林不在師云甚麼處去婆便行師召婆婆回首師云誰道不在

師一日拈胡餅示洛浦云萬種千般不離這箇其理不二浦云如何是不二之理師再拈起餅示之浦云恁麼則萬種千般也師云局屎見解浦云羅公照鏡或依和尚問端長老小異大同

瀉山詰云臨濟便風帆掛洛浦鼓棹揚波然雖如是臨濟門下則得瀉山門下不得

師辭黃檗檗問什麼處去師云不是河南便是河北

鼓述

雷經集卷九

二十二

扶十

檗便打師約住棒遂與一掌檗呵呵大笑喚侍者將先師禪板拂子來師召侍者將火來案云汝但將去已後坐却天下人舌頭去在

瀉山祐舉問仰山臨濟莫孤負他黃檗也無仰云不然瀉云子作麼生仰云知恩方解報恩瀉云從上莫有報恩事不仰云有只是年代深遠不欲舉似瀉云吾且不知子但舉看仰云如楞嚴會上阿難讚佛云將此深心奉塵刹是則名為報佛恩豈不是報恩之事瀉云如是如是見與師齊減師半德見過於師方堪傳受

續焦山體云賓王歷然師資道合輕來重答不墮

常情分付先師禪板拂子貴圖坐却天下人舌頭

正是憐兒不覺醜假饒索火燒却終不向別處托

生會麼老婆心切呵呵笑一任傍人說短長

福州烏石靈觀禪師一日因新到來偶引麴次遂引麴示之其僧便去師晚間問首座今日新到在甚處座云當時便去師云是即是只得一椀

雪竇顯云老觀大似失錢遭罪 報慈遂云甚麼處是少一椀 翠巖芝云老觀道他只得一椀大似壓良為賤彼此出家兒

鼓述

雷經集卷九

二十三

扶十

續東禪觀云總似這箇師僧靈山付囑有在老觀爲什麼道只得一椀要會麼若不爾價爭辯真偽師因雪峯來敲門師云誰峯云鳳凰兒師云作什麼峯云來啗老觀師便開門拈住云道道峯擬議師便托開閉却門雪峯住後示衆云我當時若入得老觀門你這一隊噉酒糟漢向甚處摸索

老宿云雪峯徒有此語當時入不得今也入不得明招謙代雪峯纔見開門便云動即喪又代老觀云俊哉俊哉 雪竇顯云這孤恩負德漢有甚麼交涉當時人不得豈是教你入今既摸索不著

累他雪峯俱在老觀門下

師常閉門獨坐一日雪峯敲門師便開峯拵住云是凡是聖師乃唾云野狐精拓開便閉却門雪峯云也只要識老兄

師因曹山行脚時問如何是毗盧師法身主師云不道曹舉似洞山洞云好箇話頭只欠進語何不更去問爲甚不道曹乃去進語師云若言我不道卽啞却我口若言我道卽禿却我舌曹歸舉似洞山山深肯之

宗門統要續集卷第九

技部

宗門統要續集卷九

二十三

扶十

音釋

呪居六切曲岸水外曰呪

刑部郎中金壇于玉立施贊刻此  
宗門統要續集第九卷 計字七千七百七  
六箇該銀四兩零四分  
荆溪釋慧慈對長洲徐普書上元周子孝刻  
萬曆丁未夏四月徑山寂照庵識

宗門統要續集卷第十

宋建溪沙門宗永集

元建康保寧禪寺住持沙門清茂續集

南嶽下第五世

洪州米嶺和尚嗣徑垂語云莫過於此時有僧問未

審是什麼莫過於此師云不出是其僧後問長慶爲什麼不出是慶云汝擬喚作什麼

益州大隨法真禪師嗣長慶安因僧辨師問甚處去僧云

峩眉禮普賢去師豎起拂子云文殊普賢總在這裏僧畫一圓相拋於背後師云侍者將一貼茶與這僧

技部

宗門統要續集卷十

一

扶十

保福展云若無後語笑他衲僧 雲門偃別云西

天斬頭截臂這裏自領出去 五祖戒云大隨不

因一事不長一智 雪竇顯云殺人刀活人劍具

眼底辯取 馮山秀云大隨茶非類趙州茶既不

類趙州茶得之者少矣這僧得之且有甚長處然

不義之財於我如浮雲

續天童覺云識法者懼欺敵者公水中辯乳須是

鷲王

師因僧問劫火洞然大千俱壞未審這箇壞不壞師云壞僧云恁麼則隨他去也師云隨他去又僧問修

山王如前修云不壞僧云爲甚不壞修云爲同大千  
續道吾具云此二老宿一人道壞一人道不壞且  
道壞底是不壞底是會麼壞與不壞俱非內外不  
隔緣毫尋常面對 黃龍清云此二尊宿雖則應  
處無偏其奈影響之流別生二見若是太平卽不  
然忽有人問劫火洞然大千俱壞未審這箇壞不  
壞却問道壞與不壞卽且置還識這箇麼忽地喚  
回秋夜夢舉頭惟見月當空

師因有婆子令人送錢物至請轉藏經師受施利了  
便下禪牀轉一币乃云傳語婆婆轉藏經已竟其人

宋明統要續集卷十

二

扶十

回舉似婆婆云比來請轉全藏如何只轉半藏或出趙州  
報慈遂徵云什麼處是欠半藏處且道那婆具甚  
麼眼便與麼道

韶州靈樹知聖敏禪師因有尼送釜鉢孟與師遂托  
起問這箇出在甚處尼云出在定州師撲破尼無對  
清涼欽別云不違此間 保福展代云欺敵者公  
鄭十三娘年十二歲時隨師姑到大瀉纔禮拜起瀉  
便問這箇師姑甚麼處住姑云南臺江邊住瀉便喝  
出又問背後老婆甚麼處住十三娘放身近前又手立  
瀉再問娘云早箇呈似和尚了也瀉云去娘纔下到

法堂師姑云十三娘尋常道我會禪口似劍利今日  
被大師問著總無語娘云苦哉苦哉作這箇眼目也  
道我行脚脫取衲衣來與十三娘著娘後又舉似羅  
山祇如十三娘參見瀉山恁麼祇對還得平穩也無  
羅云不得無過娘云過在甚處羅乃叱之娘云錦上  
更添華

福州雙峯古禪師嗣先雙峯到石霜非時並不上堂頭有  
僧白石霜云古侍者見雙峯得箇入處師後一日舜  
霜去霜將拂子相送出門乃召云古侍者師回首霜  
云擬著卽差是著卽乖不擬不是亦莫作箇解除非

支那

宋明統要續集卷十

三

扶十

知有莫能知之作麼生師應喏喏卽住後有僧問當  
時石霜溜麼道未審意旨如何師云他只是教我不  
得是非著

睦州陳操尚書嗣睦一日與諸官登樓久見數僧行  
過一官人云來者總是行脚僧陳云不是官云焉知  
不是陳云待近來與勘過及僧至樓前陳薦召上座  
僧皆舉頭陳謂衆官云不信道

瀉山詰云陳尚書可謂手擎仲尼日月腰佩毗盧  
金印非唯儒士驚懾亦乃衲僧罔措不見道當機  
如電拂方免病棲盧



續天童覺云陳操尚書白拈賊謾長蘆一點不得

鼓山永云這僧有理難伸死而不吊尚書按劍

當門誰敢正眼觀著

尚書問僧云有事相借問得麼僧云合取狗口書乃

白捫口云某甲罪過僧云知過必改書云就闍黎乞

取口喫飯得麼

鎮州保壽沼禪師

詞臨濟玄

問胡釘鉸云莫便是胡釘鉸

麼鉸云不敢師云還釘得虚空不鉸云請和尚打破

來師便打鉸云莫錯打某甲師云汝向後遇多口阿

師與你點破在鉸後到趙州舉前話問不知某甲過

漢述

宗門統要續卷十

四

扶十

在甚處州云只這一縫尚不奈何鉸於此有省

雪竇顯云我要打這三箇漢一打趙州不合語却

胡釘鉸眼二打保壽不能塞斷趙州口三打胡釘

鉸不合放過保壽驀拈拄杖云更有一箇大眾一

時退乃擊禪牀一下 馮山喆云這漢雖然省去

可惜趙州當時待他道某甲過在甚處劈脊便棒

非但承他保壽威光亦乃與叢林為龜為鑑

續馮山果云保壽大似無風起浪平地生堆胡釘

鉸貪程太速不覺墮坑落壑若不遇趙州點破爭

得歸家穩坐大眾且道那裏是趙州點破處要會

麼良久云斬新日月特地乾坤 徑山杲云直饒

釘得這一縫點檢將來亦非好手可憐兩箇老禪

翁却對俗人說家醜 鼓山永云保壽雖具打破

虚空底鉗鎚未免傷鋒犯手胡公末後悟去誰知

眼尚瞎

師因僧問訊師云百千諸聖盡不出此方丈內僧云

只如古人道大千沙界海中漚未審此方丈向甚麼

處著師云千聖見在僧云阿誰證明師擲下拂子僧

從西過東立師便打僧云若不久叅焉知端的師云

三十年後此話大行

漢述

宗門統要續卷十

五

扶十

續昭覺勤云保壽向方丈裏布綱張羅這僧鉤餌

邊擎頭戴角三度衝浪上來三度被他籠罩且道

他得箇什麼還會麼重賞之下必有勇夫

師問新到近離甚處僧云崔禪師云還將得崔禪喝

來麼僧云不將得來師云與麼則不從崔禪來僧便

喝師拈棒僧擬議師便打

一本出興化問

雲居舜云保壽與麼也險這僧飯到口邊被人奪

却

師因僧問一物不將來時如何師云放下著僧云一

物不將來放下箇什麼師便打

與巖陽問趙州語同



鎮州三聖慧然禪師參德山山云不用展炊單這裏無殘羹餽飯師云賴遇無設有向甚處著山便打師接住推倒向牀上山大笑師哭蒼天出去

續瑯琊覺云衆中商量極有之不見道若無樂布作爭得見韓光 馮山行云三聖撥草瞻風有舒有卷德山看凡驗聖有放有收德山笑去卽且置三聖哭蒼天便出意作麼生不食香餌味可謂碧潭龍 雲巖游云三聖便展坐具作賊人心虛山云不用展炊巾尾巴露也聖云設有向什麼處著口是禍門山便打裂破古今聖接住棒推山向繩

牀上老鼠入牛角更有一轉語待無舌人忌口却向汝道

師到道吾吾預知以緋抹額執神杖門下立師纔見乃云遂便祇候吾應喏師參堂了却上堂頭人事道吾却換衣方丈內坐師近前吾云有事相借問得麼師云也是適來野狐精便出去

師示衆云我逢人卽出出卽不爲人便下座興化云我卽不然逢人卽不出出卽便爲人

續白雲端云此二尊宿各有一處打得著且道那箇在前那箇在後還有人向這裏定當得麼良久

支那

高麗續集卷十

六

扶十

云妙舞莫誇回雪手三臺須是大家催 保寧勇云此二尊宿恁麼爲人猶在半途保寧今日路見不平拈拄杖下座大衆一時走散擲下歸方丈寶峯文云這兩箇老古錐竊得臨濟些子活計各自分疆列界氣衝宇宙使明眼衲僧只得好笑諸禪德且道笑箇甚麼還知落處麼若知一任七顛八倒若不知且向三聖興化葛藤裏咬嚼 五祖演云大衆此二尊宿一人文章浩渺一人武藝全施若道興化是文亦不得若道三聖是武亦不得若於此辯得出許你通身是眼若辯不出你自相

支那

高麗續集卷十

七

扶十

度 昭覺勤云一人在孤峯頂上土面灰頭一人在十字街頭斬釘截鐵有頭有尾同死同生且道出卽不爲人底是出卽便爲人底是萬古碧潭空界月再三撈撈始應知 天童傑舉曰雲語了云大衆白雲端和尚錯下名言殊不知二尊宿前不構村後不迭店直至于今鬪成話欄何故字經三寫烏焉成馬 靈隱嶽云二老漢滅却臨濟正法眼却向長安路上把手共行直至于今遞相鈍置且如何是共行一句掣開金殿鎖撞動玉樓鐘師問僧近離甚處僧便喝師亦喝僧又喝師又喝僧

云行棒即瞎便喝師拈棒僧乃轉身作受棒勢師云下坡不走快便難逢便棒僧云這賊便出去師遂拋下棒次有僧問適來爭容得這僧師云是伊見先師來

師問雪峯透網金鱗以何爲食峯云待汝出網來問汝道師云一千五百人善知識話頭也不識峯云老僧住持事繁

保寧展云爭不足讓有餘 雪竇顯云可惜放過好與三十棒這棒一棒也饒不得直是罕遇作家承天大宗云布縵天網須是雪峯深入虎穴還

猊師

宋開經續集卷十

八

扶十

他三聖衆中有般漢商量道雪峯在網內三聖在網外苦哉苦哉深屈古人若非此二員作家不能橫行天下 爲山詰云三聖可謂龍門萬仞慣曾作客雪峯大似孟嘗門啓豈懼高賓

續寶峯文云俊哉俊哉快活快活恰似一隻鷄子莫驚著報寧即不然透網金鱗以何爲食待汝出網來即向汝道一千五百人善知識話頭也不識便拽拄杖打出三門復云也好快活恰似一隻虎莫動著諸禪德且道報寧快活何似三聖快活莫有快活底漢出來定當看良久咄把手拽不入

五祖演云衆中或謂雪峯三聖宗派不同故言不相契或謂三聖作家雪峯不能達其意如斯話會有何交涉若問五祖透網金鱗以何爲食只向伊道好箇問頭且道與雪峯是同是別 泐潭清云雪峯雖有爲人之心且無出人之手何必待他出網來當時纔問以拄杖便打三聖若透得過却是一員衲僧若透不得只是箇掠虛漢 徑山杲云一人麤似丘山一人細如米珠雖然麤細不同秤來輕重恰好徑山今日真實告報汝等諸人切忌錯龜打瓦 天童華云若謂二俱作家未具透關

猊師

宋開經續集卷十

九

扶十

眼在且道歸宗恁麼說話還見二老落處也無諸人若辯得出歸宗性命在諸人手裏若辯不出諸人性命在歸宗手裏

師因雪峯見獼猴乃云這獼猴各佩一面古鏡師云歷劫無名何以彰爲古鏡峯云珉生也師云一千五百人善知識話頭也不識峯云老僧住持事繁

雪竇顯云好與二十棒這棒放過也好免見將錯一就錯

師因仰山問汝名什麼師云慧寂山云慧寂是我師云我名慧然山呵呵大笑

師雲遊到德山叅堂次堂中首座乃踢天泰也遂問夫行脚人須具本色公驗作麼生是上座本色公驗師云噯座再問師乃打一坐具云這漆桶前後觸候多少賢良座便人事

魏府大覺和尚到臨濟濟見乃豎起拂師便展坐具濟擲下拂師便收坐具叅衆去其時衆議此僧莫是和尚親故又不喫棒又不禮拜濟聞令侍者喚適來新到來師便至濟云師僧道你來叅長老又不禮拜又不喫棒莫是長老親故乃珍重下去

師臨遷化時謂衆云我有一隻箭要付與人時有一

擬述

甯紹統續集卷十

十

扶十

僧出云請和尚箭師云汝喚什麼作箭僧便喝師打數棒歸方丈次喚其僧來問汝適來會麼僧云不會師又打數棒擲却拄杖云已後遇明眼人分明舉似魏府興化存獎禪師在三聖處爲首座常云在向南行脚一市拄杖頭不曾撥著一箇會佛法底人你這裏作箇什麼三聖聞乃問你具什麼眼師便喝三聖云須是你始得師休去三聖亦休大覺聞云作麼生得風吹入大覺門來師後到大覺請爲院主與大覺元是同叅一日覺院主我聞你道向南方行脚一市拄杖不曾撥著一箇會佛法底人你具什麼眼

師便喝覺拈棒師擬議覺便打師又喝覺又打師明日從法堂上過覺喚院主我直下不疑你昨日兩喝你爲我說來師云其申於三聖邊得箇賓主句總被師兄折倒了也與某甲箇安樂法門覺云這瞎漢來這裏納敗關脫下衲衣痛打一頓師於棒下識得臨濟先師在黃檗處喫棒底道理

師一日陞堂云今日不用如何若何便請單刀直入興化與你證據時有旻德長老出禮拜起便喝師亦喝德又喝師又喝德禮拜歸衆師云適來若是別人三十棒一棒也較不得何故爲他旻德會一喝不作

擬述

甯紹統續集卷十

十一

扶十

一喝用

瑯琊覺云且道那一喝不作一喝用興化若無後語疑殺天下人雖然如是曉者還稀

續教忠光云興化與旻德各出隻手爰發明臨濟正法眼藏殊不知臨濟一宗掃土而盡且道利害在什麼處具眼者辯取

師因有同叅來纔上法堂師便喝僧亦喝行兩三步師又喝僧亦喝須臾近前師拈棒僧又喝師云你看這瞎漢猶作主在僧擬議師便直打下法堂師却歸方丈時有僧問適來這僧有甚言句觸候和尚師云



是他適來也有權也有實也有照也有用及我將手向伊面前橫兩橫到這裏却用不得似這瞎漢不打更待幾時

續天童華云興化門牆千仞從來家法森嚴這僧暗透重關要看洞中春色好則好未免二俱失利只如興化道我將手向伊面前橫兩橫又作麼生天堂未就地獄先成 育王光云高提祖印獨耀寰中大啓洪爐真凡煅聖非興化不能驗同叅非同叅不能見興化直得王賓互換照用雙行且道那裏是興化將手向伊面前橫兩橫處這裏明

法華經

宗門統要續集卷十

土

扶十

得臨濟一宗掃土而盡脫或未然卓拄杖一下金鐵慣調曾百戰鐵鞭多力恨無難

師在臨濟爲侍者因濟問新到什麼處來僧云鑾城濟云有事相借問得麼僧云新戒不會濟云打破大唐國覓箇不會底也無叅堂去時師續問濟適來新到是成褫他不成褫他濟云我誰管你成褫不成褫師云和尚只解將死雀就地彈不解將一轉語蓋覆却濟云你又作麼生師云請和尚作新到濟遂云新戒不會師云却是老僧罪過濟云你語藏鋒師擬議濟便打至晚濟又云我今日問新到是將死雀就地

彈就窠子裏打及至你出得語又喝起了一向青雲裏打師云草賊大敗濟便打

師入堂見首座乃云我見你了也座便喝師打露柱一下便出座隨後上去云適來觸忤和尚禮拜未起師就地打一棒

師因同光帝云朕收中原獲一寶而未有入爾價師云略借陛下寶看帝兩手引幞頭脚示師師云君王之寶誰敢爾價帝大悅

雪竇顯云至尊所得只可傍觀若非興化作家往往高價爾却 翠巖芝云興化當時下一著可謂

法華經

宗門統要續集卷十

土

扶十

酩酊如今作麼生斷 雲峯悅云真不掩偽曲不藏直有眼底辯取 黃龍心云興化一期見機而作爭奈埋沒伊一朝天子當時若但問道蚌蛤之珠收得也無用處教伊向後別有生涯免得遞相鈍置而今若有人問又作麼生爾價

師有時召僧僧應喏師云點則不到或召僧僧應喏師云到則不點

師因僧問四方八面來時如何師云打中間底僧禮拜師云大眾興化昨日赴箇村齋半路遇卒風暴雨却去神廟裏避得過



續天童華云衆中商量道向古廟裏避得過是空劫已前自己又道便是他安身立命處殊不知腰纏十萬貫騎鶴上揚州又云我見燈明佛本光瑞如此

鄂州灌溪志閑禪師叅臨濟潯住師云領也濟托開云且放你一頓師後住示衆云我見臨濟無言語直至如今飽不飢

續天童華云灌溪氣宇如王被臨濟活埋在鎮州城裏十字街頭當時若是光孝棒折也未放你在何故家肥生孝子國霸有謀臣 靈隱獄云爐鞴

文淵

南嶺續集卷十

十四

扶十

之所鈍鐵尤多雖然如是不因夜來鴈爭見海門秋

師因僧問久嚮灌溪到來只見漚麻池師云汝只見漚麻池要且不見灌溪僧云如何是灌溪師云劈箭急

玄沙備云更學三十年未曾禪

幽州譚空和尚因有尼要開堂師云你有五障不用開堂尼云龍女成佛也有五障師云龍女現十八變你試變看尼云不是野狐精變箇什麼師便打

鎮州牧主後聞云和尚拄杖折那將此見解擬欲

爲人 翠巖芝云且道尼具眼麼只擔得斷貫索且作麼生會

定州善崔禪師陞堂拈拄杖云出來打出來打時有僧出云崔禪師擲下拄杖便歸方丈

歸宗一云作麼生道得一語救得崔禪 清涼欽云和尚且自救好是肯他不肯他 五祖戒別云便推倒禪牀

續瑯琊覺云久經行陣者終不展槍旗 雲蓋智云身挨白刃不懼死生也須是這僧始得崔禪爲甚麼當機放過要會麼錦鱗已得休勞力收取絲

文淵

南嶺續集卷十

十五

扶十

綸歸去休 薦福行云崔禪上堂美則美矣善則未善何故大似放過這僧山僧卽不然待這僧出衆來向未開口已前與他痛棒若長皮下有血必然別有生涯 龜峯光云崔禪布長蛇偃月大陣欲統四大部洲爲一世界不是這僧攪旗奪鼓未免陷在虜庭且道坐籌帷幄鎮靜八方水乳和同風雲會合一句作麼生道若不藍田射石虎幾乎悞殺李將軍

鎮州萬壽和尚與保壽同叅師一日去保壽壽坐不起師乃展坐具壽下禪牀被師便坐却禪牀壽乃歸

方丈閉却門師坐不起主事云和尚閉却門請庫下喫茶師便歸院壽明日却去復禮師還坐不起壽展坐具師亦下禪牀壽乃坐却禪牀師遂歸方丈閉却門壽於侍者寮取灰圍却方丈三道便歸師開門見云我不與麼他却與麼

桐峯菴主因僧問菴主在這裏忽遇大蟲來又作麼生師便作大蟲吼僧作怕勢師乃大笑僧云這賊師云爭奈我何

雪竇顯云是卽是兩箇惡賊只解掩耳偷鈴

師因一僧至乃把住叫殺人殺人僧托開云叫喚作

敲鉢

宗門統要續集卷十

去

扶十

什麼師云誰僧便喝師便打僧出外云且待且待師乃呵呵大笑

虎溪菴主因僧來相看師總不顧僧云知道菴主有此機鋒師乃彈指一下僧云是何宗旨師便打僧云知道今日落人便宜師云猶要棒喫在

師因僧問菴主在這裏得多少年也師云只見冬彫夏長總不記得僧云大好不記得師云汝道得多少年也僧云冬彫夏長聲師云鬧市裏虎

襄州歷村和尚因僧問如何是觀其音聲而得解脫師乃將火箸敲柴頭問汝還聞麼僧云聞師云誰不

解脫

雲山和尚問僧甚處來僧云西京來師云瘡得西京主人公書來麼僧云不敢通消息師云作家師僧天然有在僧云殘羹餽飯誰人肯喫師云獨闍黎不肯喫僧便作吐勢師喚侍者扶出這病僧著僧便出去續昭覺勤云以往觀來二俱作家節節勘證二俱落草當時若有人截斷葛藤不妨光前絕後還委悉麼多虛不如少實

師因僧來乃起身僧便出去師云得與麼靈利僧喝云作這箇眼目嗣法臨濟也大屈哉師云且望闍黎

敲鉢

宗門統要續集卷十

去

扶十

善傳僧回首師喝云作這箇眼目錯判諸方名言便打

覆盆菴主因僧從山下哭上師閉却菴門僧於門上畫一圓相了只於門外立師從菴後出却於山下哭上僧喝云猶作這箇去就在師便提臂云可惜先師一場埋沒僧云苦苦師云菴主今日被人謾也

杉洋和尚問僧什麼處來僧云江西來師豎起痒和子云江西還有這箇麼僧拓膝閉目師云東家廝兒却向西家使喚僧云有口不煩賓王說師云適來患聾而今患啞僧云買鐵得金一場富貴師云客作無

功未免逃避僧便行師云自累猶可莫累老僧僧却回禮拜師云若不習麼已後喪我兒孫

定上座初叅臨濟問如何是佛法大意濟下牀擒住禮拜師便禮拜起來浹背汗流從此省去

師在鎮州齋回到橋上歇有三人座主一人問如何是禪河深處須窮見底師擒住擬推向橋下去時二人座主連忙救云休休伊觸忤上座且放伊師云不是這座主從他窮到底

師路次逢巖頭雪峯欽山三人巖乃問甚處來師云

撰述

宗門統要續集卷十

六

扶十

臨濟巖云和尚萬福師云順世也巖云某甲三人特

地去禮見和尚已歸寂某甲等薄福不見和尚未審

有何言句請上座舉一兩則師遂舉臨濟一日示衆

云赤肉團上有一無位真人語巖頭不覺吐舌欽山

云何不道非無位真人被師擒住云無位真人與非

無位真人相去多少速道速道巖頭雪峯近前禮拜

云這新戒觸忤上座望慈悲且放師云若不是這兩

箇老漢築殺這尿牀子

叢上座因到百丈丈云闍黎有事相借問得麼師云

幸自非言何須諮諱丈云收得安南又憂塞北師擘

開窗云與麼不與麼丈云要且難構要且難構師云知即得知即得

仰山寂云若有人知此二人落處不妨奇特若辯不得大似日中迷路

續蔣山勲云百丈獨坐大雄峯頂咳嗽風生四方禪客望崖而退因甚巖上座到來直得弓折箭盡

師到德山山纔見便下繩牀作拙坐具勢師云這箇且致忽遇心境一如底人來向伊道箇什麼即得不

被諸方檢責山云猶較昔日三步在別作箇主人公來師便喝山不語師云塞却這老野狐咽喉

撰述

宗門統要續集卷十

九

扶十

為山祐云叢公雖得便宜爭奈掩耳偷鈴

續蔣山勲云叢公一喝賓主歷然德山無語言偏

天下為山老子雪上加霜仔細檢點將來總不可

放過乃擲下拄杖

宗門統要續集卷第十

校謄 第九紙十五行

音釋 晤睡

宗門統要續集卷第十 五施贊刻此 計字六千五百六十一 兩溪釋慧慈對長洲徐普書訂定吳守倫刻 萬曆丁未夏四月徑山寂照庵藏



宗門統要續集卷第十一

宋建溪沙門宗永集

元建康保寧禪寺住持沙門清茂續集

南嶽下第六世

吉州資福如寶禪師

嗣仰山西塔穆

僧問古人拈鎚豎拂意

旨如何師云古人與麼那僧云拈鎚豎拂又作麼生師便喝出

雲門偃云古人是什麼眼目有僧云和尚與麼驢年會麼門乃召僧云來來僧近前門以拂子驀口打

文  
獻  
述

宗門統要續集十一

二

傾一

師因陳操尚書來便畫一圓相陳云弟子與麼來早是不著便更畫圓相師於中著一點陳云將謂是南番舶主師便歸方丈閉却門

雪竇顯云陳操只具一隻眼

瀉山詰云資福雖

是本分爐韞爭奈陳操是煨了精金諸人要識資

福麼等閑拋一釣驚動碧波龍

師示眾云隔江見資福刹竿便迴去脚跟下也好與

三十棒豈況過江來時有僧纔出師云不堪共語

鵲湖和尚初開堂資福聞乃寄襪樣與師師遂書火

字封迴福見皺眉久不語鹿苑和尚畫一圓相師云

拘尸羅國親行此令

鄂州芭蕉慧情禪師

嗣南塔涌

示眾云你有拄杖子我與

你拄杖子你無拄杖子我奪却你拄杖子

瀉山詰云大瀉即不然你有拄杖子我奪却你拄

杖子你無拄杖子我與你拄杖子大瀉既如是諸

人還用得也未若人用得德山先鋒臨濟後令若也用不得且還本主

續投子青云人無遠慮必有近憂 天童覺云你

有則一切有你無則一切無自是當人與奪于芭

蕉什麼事正潛麼時作麼生是你拄杖子 寶峯

文  
獻  
述

宗門統要續集十一

二

傾一

文云大眾見錢買賣莫受人瞞知麼有利無利不離行市

師示眾云如人行次忽遇前面萬丈深坑背後野火

來逼兩畔荆棘叢林若也向前則墮在深坑若也退

後則野火燒身若也轉側則被荆棘林礙當與麼時

作麼生免得若也免得合有出身之路若免不得墮

身死漢

師云我年二十八到仰山叅見南塔見上堂云汝諸

人若是箇漢從阿娘肚裏出便作師子吼解好麼我

於言下歇得身心便住經于五載



汝州西院思明禪師副實壽治問保壽云踏破化城來時

如何壽云不斬死漢師云斬壽便打師連道十聲斬

壽連聲打十棒趁出復云適來這箇僧將赤肉抵他

乾棒有什麼死急次有僧云某甲啓和尚問話底僧

在大覺處來兩人同叅在這裏見解總與麼恐已後

委悉和尚法道須是趁出二人若不趁出已後難得

人承嗣壽便趁出陳白者僧

師因僧問學人有一問和尚處時如何師云設有

也斬爲三段僧作禮師便休去會下有僧次見問話

底僧遂云堂頭和尚道卽太煞道未了在問話僧便

史記

宋明鑒續集卷十一

三

傾一

拽其僧到堂上云這僧不肯和尚語師云上座不肯  
老僧那僧云某甲不曾覺事亦不曾說師一時喝下  
僧到法堂又云說什麼道卽太煞道直下未了在僧  
又拽去師見云上座是不肯老僧僧云莫信這僧今  
日三度見伊風發師總趁下去

師未住時在許州開汝州南院出世元與同叅遂特  
去纔人事了云啓和尚某甲無可人事自從許州來  
收得江西剃刀一柄上和尙南院云汝從許州來爲  
甚却有江西剃刀師遂於南院手上掐一指院云侍  
者收師以衣袖拂一拂便行南院云阿刺刺阿刺刺

爲山喆云西院雖收得江西剃刀無處施呈直遇

同叅方始拈出如今還有收得者麼試呈似山僧

看如無尋常用箇什麼

鎮州第二世保壽和尚開堂日三聖乃推出一僧師

便打聖云溜麼爲人非但瞎却這僧眼瞎却鎮州一

城人眼去在師便歸方丈

雪竇顯云保壽三聖雖發明臨濟正法眼藏要且

只解無佛處稱尊當時者僧若是箇漢纔被推出

便掀倒禪牀直饒保壽全機也較三千里法眼

益云什麼處是瞎却人眼處五祖戒別保壽云

史記

宋明鑒續集卷十一

四

傾一

千鈞之弩不爲鼯鼠而發機瑯琊覺云不是三

聖爭到今日雖然如是錯會者多雲峯悅云臨

濟一宗掃地而盡因什麼却到這裏驀拈拄杖云

什麼處去也爲山秀云保壽爲將因何三聖却

作中軍可惜鎮州一城人眼至今未辨東西然清

議之排必有竊吹之處當時連三聖趁出必然救

得鎮州一城人眼爲山喆云保壽大似寰中天

子勅正行三聖塞外將軍令正舉還有不惜性命

者麼出來與老僧相見要斷不平之事良久云橫

按鎮鄧全正令太平寰宇斬癡頑

續雲居元云衆中盡道此語可特大似龍蛇逐塊殊不知保壽正賊不識誤罪平人這僧有理不伸至今受屈承天欲斷不平之事拈拄杖云要爲天下宗師此棒別有分付黃龍新云保壽見機而作其奈三聖不甘直饒甘去未免暗却鎮州一城人眼泐潭准云三聖成被保壽出世好則甚好要且只得一楸昭覺勤云保壽大似毒龍攪海雨似盆傾三聖雖然雷震青霄未助得威光一半在可中有箇直下承當底非但瞎鎮州一城人眼瞎却天下人眼去在天童華云叢林中商量盡

支那

宋高僧傳卷十一

五

頌一

道保壽三聖是作家爐韞本分鉗鎚有甚交涉殊不知二大老被這僧一拶直至如今扶不起今日莫有爲二老雪屈底麼出來與明果相見有麼焉拈拄杖擲下云龍蛇易辨衲子難瞞天童傑云二尊宿美則美矣若要扶臨濟正宗每人合喫一頓棒在且道那裏是欠處具擇法眼者試定當看東禪觀云衆中商量道三聖有奔流度刃之作向平地上湧波瀾保壽用疾焰過風之機向虛空裏轟霹靂二大老各出隻手扶豎臨濟正法眼藏與麼說話要作臨濟兒孫且緩緩性空道蚊子如

何擎大柱藕絲焉可拄須彌若是臨濟正法眼藏端的向二人邊滅却靈隱藏云大凡扶豎宗乘須是頂門眼正肘後符靈二尊宿等閑一挨一拶直下發明臨濟心髓只是不知性命總在這僧手裏還有人檢點得出麼鎮州大悲和尚三聖然因僧問除上去下請師便道師云我開口卽錯僧云與麼則真是學人師也師云今日向弟子手中死

支那

宋高僧傳卷十一

六

頌一

又左邊拍一拍師又喝便歸衆化云旻德較却興化二十棒雖然如是旻德會若是小可衲僧一棒也較不得廬山大覺和尚因僧問牛頭未見四祖時如何師云有恁麼畜生無所知僧云見後如何師云無恁麼畜生有所知汝州寶應顯禪師亦曰南院因僧問赤肉團上壁立千仞豈不是和尚與麼道師云是僧便掀倒禪牀師云你看這瞎漢亂做僧擬議師便打出續徑山杲云吾今爲汝保任此事終不虛也天

童華云也是勾賊破家若非這僧敢將虎鬚爭見  
南院汗馬功高雖然如是山僧更資一路赤肉團  
上壁立千仞若有僧出劈脊便打何故殺人刀活  
人劍具眼者看 鼓山永云電光影裏細素區分  
纖毫不犯總教滅門 靈隱嶽云這僧一味小心  
大膽南院也是養子之緣

師問僧近離甚處僧云襄州師云來作什麼僧云特  
來禮拜和尚師云恰遇寶應老漢不在僧便喝師云  
向你道不在又喝作麼僧又喝師拈棒僧擬議師便  
打僧禮拜師云這棒本分是你打我我且打你要者

支那

宗門統要續集卷十一

七

頌一

話行瞎漢叅堂去

師因僧問從上諸聖向甚處去師云不上天堂卽入  
地獄僧云和尚又作麼生師云還知寶應老漢落處  
麼僧擬議師以拂子驀口打復喚近前云令合是汝  
行又打一拂子

雪竇顯云令既自行且拂子不知來處雪竇道箇  
瞎且要雪上加霜 黃龍心云然則白珪之玷猶  
尚可磨病在膏肓亦宜救療這僧令既在手爲什  
麼不行過在甚處

續徑山杲云權衡臨濟三玄三要須還他南院始

宗門統要續集

得雪竇爲什麼却道拂子不知來處妙喜道箇瞎  
且要兩得相見 東禪觀云令合是這僧行爲什  
麼却自行儻底便道拂子在南院手裏若與麼非  
惟自抑威光亦乃不識南院性空道南院令雖自  
行要且打這僧不著

師因僧叅乃云敗也師遂引杖向其僧面前僧無語  
師便打數棒

雲峯悅云這僧頂上有光不知脚下有漆且作麼  
生會直饒你十字縱橫朝打三千暮打八百  
師一日陞堂云諸方只具啐啄同時眼不具啐啄同

支那

宗門統要續集卷十一

八

頌一

時用時有僧便問如何是啐啄同時用師云作家不  
啐啄啐啄同時失僧云此猶未是某甲問處師云汝  
問處作麼生僧云失師乃打僧不肯

翠巖真云運籌帷幄決勝千里南院雖則全機受  
敵其奈土曠人稀 瀉山詰云南院高提祖印縱  
奪當機這僧善能當機抗敵爭奈力竭計窮如今  
還有本色衲僧麼出來與大瀉相見不圖鼓舞揚  
聲貴要宗風不墮有麼有麼如無大瀉今日大似  
索戰無功

續淨因成云全軍制勝草偃風行南院如師子搏



免亦全其力 其僧後於雲門會下聞二僧舉此話一僧云當時南院棒折那其僧忽契悟遂奔迴省覲值師已圓寂僧乃謁風穴穴一見認得便問上座便是當時問先師啐啄話底麼僧云是穴云你當時作麼生僧云某甲當時如在燈影裏行穴云汝會也 瑯琊覺云只解豎降旗不解奪劒戟翠巖真出風穴語云當時待這僧擬議祇對以坐具劈口撼 瀉山詰云大小風穴却將惡水潑人大瀉卽不然問你當時作麼生待云某甲當時如燈影裏行先師肉猶暖在你作這箇見解以拄

文那撰述

宗門統要續集卷十一

九

脩一

杖打下法堂免見孤他南院

續東禪觀云扶南院門風還他風穴諸方往往道伊肯這僧殊不知這僧被伊推在萬丈坑裏

太行山禪房院克賓禪師因興化一日云克賓維那爾不久爲唱導之師師云不入者保社化云會了不入不會不入師云總不與麼化便打乃云克賓維那法戰不勝罰錢五貫設饋飯一堂至明日興化自白槌云克賓維那法戰不勝不得喫飯卽便趁出院

雪竇顯云克賓要承嗣興化罰錢出院且致却須索取這一頓棒始得且問諸人棒旣喫了作麼生

索得雪竇要斷不平之事今夜與克賓雪屈以拄杖一時打散 黃龍南云克賓失錢遭罪有理難伸興化以剛決柔未足觀也 雪峯悅云路遙知馬力歲久辨人心 瀉山詰云興化令雖行大似以勢欺人克賓一期輸機爭奈千古聲光不墜且道利害在甚處若不沙場經久戰揭天樓鼓喪紅塵

續白雲端云叢林自古至今盡道克賓知恩方解報恩恁麼說話可謂埋沒古人土上加泥且作麼生見得克賓維那要會麼雖爲興化燒香要且自

文那撰述

宗門統要續集卷十一

十

脩一

熏天炙地 雲居舜云大冶精金應無變色其奈興化令行太嚴不是克賓維那也大難承當若是

如今汎汎之徒翻轉面皮多少時也 徑山杲云雲居拗曲作直妙喜道要作臨濟烜赫兒孫直須

翻轉面皮始得 天童華云大小雪竇與克賓維那雪屈要且無合殺 資壽尼妙總云重賞之下

必有勇夫

守廓侍者因華嚴上堂云今日賜卿無畏若是臨濟德山高亭大愚鳥窠船子兒孫不用如何若何便請單刀直入華嚴與你證據師便出作禮起便喝嚴亦



喝師又喝嚴又喝師禮拜起云大眾看這漢一場敗  
闕又喝一喝拍手歸衆華嚴歸方丈時風穴爲維那  
上去問訊嚴云浙客耐耐這守廓今日把老僧拈勢  
如今集衆打一頓趁出穴云趁他遲況是和尚言過  
道單刀直入豈不是言過他是臨濟兒孫本分與麼  
作用嚴方息怒穴下來與師說前來事意師云你著  
甚來由勸這老漢我未問前早要棒喫得我這話行  
如今不打我搨却我這話不行穴云此話已行也  
師到鹿門一日後架見楚和尚與數僧道話次鹿門  
下來問楚和尚你終日披披搭搭作什麼楚云和尚

文冊

宋高僧傳卷十一

十二

頌一

見某甲披披搭搭那門便喝楚亦喝兩家總休去師  
云諸上座你看這兩箇瞎漢隨後便喝門歸方丈却  
令侍者請師上來云老僧適來共楚聞黎賓王相見  
什麼處敗闕師云轉見病深門云老僧自見興化來  
便會也師云和尚到興化時某甲爲侍者記得與麼  
時語門云請舉看師遂舉興化問和尚甚處來和尚  
云遊五臺山來興化云還見文殊麼和尚便喝興化  
云我問你還見文殊又惡發作什麼和尚又喝興化  
不語和尚作禮興化至明日教某甲喚和尚待問和  
尚和尚早去也興化上堂云你看這箇僧檐一條斷

貫索向南去也已後也道見興化來師云今日公案  
恰似與麼時底門云興化當時爲甚無語師云知和  
尚不會賓王語所以不語明日教某甲喚和尚擬待  
持論和尚早去了也鹿門明日特爲煎茶晚衆告衆  
云夫叅學龍象直須子細入室決擇不得容易掉得  
箇語便以爲極則道我靈利只如山僧當初見興化  
時認得箇動轉底見人道一喝兩喝便休以爲佛法  
也今日被明眼人覷破却成一場笑具圖箇什麼只  
爲我慢無明不能迴轉親近上流賴得明眼道人不  
惜身命對衆出來爲鹿門老漢證據實謂此恩難報

文冊

宋高僧傳卷十一

十三

頌一

何故興化云直饒你喝得興化上三十三天却撲下  
來一點氣也無款款地甦息起來向你道未在何故  
如此興化未曾向紫羅帳裏撒真珠與你諸人在乾  
虛空裏胡喝亂喝作什麼真謂藥石之言道流難信  
如今直須明辨取豈不慶快平生叅學事畢  
師曾問德山從上諸聖向什麼處去山云作麼作麼  
師云勑點飛龍馬跛鼈出頭來山休去明日浴出師  
過茶與山山撫師背一下云昨日公案作麼生師云  
這老漢今日方始瞥地

雪竇顯云然精金百鍊須要本分鉗鎚德山旣以

已妨人這僧還同受屈以拄杖畫一畫云適來公案且致從上諸聖什麼處去大眾擬議一時趁出黃龍南云德山持聲作啞雖然暗得便宜廊公掩耳偷鈴爭奈傍觀者哂 瀉山詰云若不登龍門焉知滄海寬直饒浪激千尋爭奈龍王不顧續雲居元云大凡一賓一主須是知音同死同生方堪受敵廊侍者獨立於懸崖石上翻身倒捋虎鬚周金剛安坐於大海波心背手逆擒鱗角在檀特山前列陣向占波國裏爭鋒分明有輪有贏且道誰得誰失請諸人斷看 靈隱嶽云前面是懸

支那

高麗續集卷十一

十三

傾一

崖萬仞後面是觸刃當鋒如何入得德山門

際上座

嗣克符道者

到洛京因朱行軍設齋入堂內顧視

上下云直下是與麼行香口不住道至師前師云直下是箇什麼軍便喝師云行軍幸是會佛法人惡發作麼軍云喚作惡發即不得師便喝軍云鉤在不疑之地師又喝行軍齋了請師說話僧錄云啓行軍適來爭容得這僧喝太甚無禮軍云若是你諸人喝某甲有劍在錄云某甲一隊紫布袋不會須是他暉長老始得師云若是南禪長老未夢見在 續天童華云行軍拈出倚天長劍這僧披襟敢衝

白刃雖然兩不相傷爭奈二俱弄險 教忠光云朱行軍傍若無人這僧攬行奪市雖然鉤在不疑之地爭奈二俱失利且道甚處是失利處喝一喝南嶽下第七世

郢州興陽清讓禪師嗣芭焦清僧問大通智勝佛十劫坐道場佛法不現前不得成佛道時如何師曰其問甚諦當僧云既是坐道場為什麼不得成佛道師曰爲伊不成佛

郢州興陽歸靜禪師嗣西院明初叅西院便問擬問不問時如何院便打師良久院云你若喚作棒則眉鬚墮

支那

宗門統要續集卷十一

十四

傾一

落師於言下契悟

保福展云雖然如是你眉毛有幾莖

續開福寧云諸禪德還知麼這僧却有陷虎之機西院不覺投他深窞若人辨得親佩毗盧印當陽捋虎鬚其如見解未圓棒頭有眼明如日要識真金火裏看

汝州風穴延沼禪師嗣南院顯在郢州衙內陞座云祖師心印狀似鐵牛之機去即印住住即印破只如不去不住印即是不印即是時有盧陂長老出問某甲有鐵牛之機請師不搭印師云慣釣鯨鯢澄巨浸却嗟

駐步驢泥沙盧陂佇思師喝云長老何不進語陂擬議師打一拂子云還記得話頭麼試舉看陂擬開口師又打一拂子牧主云佛法元來與王法一般師云太守見箇什麼道理牧主云當斷不斷返招其亂師便下座

師初到南院便問入門須辨主端的請師分一本分家語院以左手拍膝一下師便喝院以右手拍膝一下師亦喝院舉左手云這箇且從闍黎舉右手云這箇作麼生師云瞎院遂拈拄杖師云作什麼奪棒却打和尚莫言不道院擲下拄杖云今日被這黃面浙

文相

宗門統要續集卷十一

五

傾一

子鈍置一上師云大似持鉢不得詐道不飢院云闍黎莫曾到此間麼師云是何言歟院云好好借問師云也不得放過院云且喫茶

續靈隱嶽云噯也甚奇怪一箇禿若蒂一箇破糞箕槁榰堆頭也用得著未免鈍置門風若據令而行總欠一著

師上堂云若立一塵家國與盛野老顰蹙不立一塵家國喪亾野老安帖於此明得闍黎無分全是老僧於此不明老僧卽是闍黎闍黎與老僧亦能悟却天下人亦能迷却天下人要識闍黎麼在邊拍一拍云

宗門統要續集

這裏卽是要識老僧麼右邊拍一拍云這裏卽是雲門偃云這裏卽易那裏卽難 瑯琊覺云杓卜聽虛聲

續白雲端云大衆立卽是不立卽是良久云心不負人面無慚色拍禪牀一下 五祖演舉了云山僧卽不然若立一塵法堂前草深一丈不立一塵錦上鋪花何也不見道九九八十一窮漢受罪畢纔擬展脚眠蚊蟲螫蚤出 天童華云大小風穴不會轉身句 靈隱嶽云大小風穴醋氣猶在何故始作翕如也縱之純如也皦如也釋如也以成

文相

宗門統要續集卷十一

五

傾一

喝一喝

師示衆云昔世尊以青蓮目顧視迦葉正當與麼時且道說箇什麼若道不說而說又是埋沒先聖且道說箇什麼念法華便下去侍者入室請益云念法華爲甚不祇對和尚師云念法華會也次日念法華與真園頭同上侍次師云作麼生是世尊不說說真園頭云鶉鳩樹頭鳴意在麻舍裏師云你作許多癡福作什麼何不體究言句又問念法華你作麼生念云動容揚古路不墮悄然機師云你何不看念法華下語



師因僧問語默涉離微如何通不犯師云常憶江南三月裏鷓鴣啼處百華香

雪竇顯云曾有人問我對他道劈腹剜心又且如何復云因風吹火別是一家傷鼈怨龜必應有主  
瀉山秀云江南佳景誠合如之千載觀光添人性慇懃或不爾來年更有新條在惱亂春風卒未休

續鼓山珪云且道是犯不犯 南華曷云風穴入林不動草入水不動波眼睛裏倒卓須彌眉毛裏橫安世界畢竟落在甚處只許老胡知不許老胡

鼓山

宗門統要續集卷十一

十一

傾一

會 雲居元云且喜天下太平 西禪需舉雪竇語了云二老漢一人如三春和煦一人如雪上加霜雖則來機不昧縱奪可觀其奈未出這僧所問曾有僧問祥雲向伊道泥牛吼處千華秀木馬嘶時萬木秋復云師子頻呻象王迴顧三千年後和泥合水莫道見祥雲來 東林顏舉雪竇語了云大衆還會麼寰中天子勅塞外將軍令

師問懷本上座云有事借問得麼本云不可惜口去也師云不惜口卽道本擬議師便打又問第二人莫道得麼僧云道什麼師又打又問第三人云三人同

行必有我師作麼生是我師僧云見叅禮次師亦打云過這邊立復云將頭不猛悞累三軍瞎漢叅堂去本至明日上堂頭親近云某甲夜來有甚麼過便蒙賜棒師云你要會麼以手左邊一拍云這裏是祖師意以手右邊一拍云這裏是教意還會麼本不肯便去後到穎橋安上座處舉前話安云風穴棒折那本云上座臂腕終不向外曲安云你會風穴道這裏是祖意教意麼非唯你不會直饒白兆老口赫赤地教他舉也舉不得  
南嶽下第八世

鼓山

宗門統要續集卷十一

十一

傾一

汝州廣慧真禪師洞風因風穴問會昌沙汰時護法善神向什麼處去師云常在闌闌中要且無人見穴云你徹也

續徑山杲云汝道風穴自徹也未

汝州首山省念禪師寶因拈竹篋示衆云汝諸人

若喚作竹篋則觸不喚作竹篋則背汝諸人且喚作

什麼葉縣省和尚在會下乃近前掣得折作兩截拋

向堦下却云是什麼師云瞎縣便設禮

師問僧與麼來者是什麼人僧云問者是阿誰師云老僧僧便喝師云向你道是老僧又惡發作麼僧又



喝師云恰遇棒不在手僧云草賊大敗師云今日又似得便宜又似落便宜

### 南嶽下第九世

隋州智門罕禪師嗣首山念因為北塔僧使點茶次師乃起自揖僧使近上座僧使云鶴子頭上爭敢安巢師云棒上不成龍隨後打一坐具僧使茶後近前云適來却成觸忤和尚師云江南杜禪客覓什麼第二枕汝州仁王評禪師問首山如何是佛法大意山便喝師便禮拜山拈棒師云和尚勿世界那山擲下棒云明眼人難瞞師云草賊大敗

支那

宋高僧傳卷十一

十九

傾一

并州三交嵩禪師問僧你是迦葉門前客祇園會裏人僧云今日特來禮拜和尚師云泊合不問閤黎僧便喝師云錯僧又喝師云放你三十棒僧云許和尚具一隻眼師云喫棒了呈款

師問僧甚處來僧云潞府師云潞府米作麼價僧云和尚試道看師云不解作客勞煩主人庫下喫茶去潭州神鼎諲禪師舉南泉道我十八上便解作活計趙州道我十八上便解破家散宅師云你道破家散宅底好解作活計底好初心底人且取前語久叅先德直須破家散宅更有一言萬里崖州

襄州石門蘊聰禪師曾到大陽延和尚處陽問近離甚處師云襄州陽云作麼生是不隔底句師云和尚住持不易陽云且坐喫茶師便叅衆去侍者問和尚適來新到祇對和尚住持不易和尚爲甚教且坐喫茶陽云我獻他新羅附子他罵我舶上茴香你自去問他有語在侍者請喫茶問師意旨如箇師云真金不博鎗

汝州葉縣省禪師問僧云日暮投林朝離何處僧云某甲不曾學禪師云生身入地獄明教寬代云鎗匙在和尚手裏

支那

宋高僧傳卷十一

三

傾一

師因僧問諸餘卽不問如何是今施設師云有你有瞎驢漢在僧云與麼則打鼓弄琵琶師云捺冑放屁聲

雲峯悅云然則一期倚勢欺人其奈手不孤起葉縣老人失却一隻眼還有人檢點得出麼你若檢點得出雲峯分半院與你若檢點不得良久云橫按鎮錫全正令太平寰宇斬癡頑

師問僧近離甚處僧云襄州師拽童子摠一摠便喝出去或曰首山

汾州善昭禪師示衆云識得拄杖子行脚事畢

雲峯悅拈拄杖云這箇豈不是拄杖那箇是你行脚事復云柳標橫挑不顧人直入千峯萬峯去瀉山喆乃拈拄杖云這箇是拄杖子那箇是行脚事直饒向這裏見得於衲僧門下只是脫白沙彌若也不識且向三家村裏東卜西卜忽然卜著也不定

續泐潭澄云識得拄杖子入地獄如箭射靈隱嶽云汾陽雖是開口見膽未免落在第二頭驀拈拄杖云這箇不得喚作拄杖子漆桶叅

南嶽下第十世

支那

高麗續集卷十一

二十二

傾一

楊億侍郎見廣慧連問廣慧云承和尚有言一切罪業皆因財寶所生勸人疎於財寶而況南閭浮提衆生以財爲命邦國以財寶聚人教中有財法二施何得勸人疎於財寶慧云旛竿頭上鐵龍頭侍云海壇馬子似驢大慧云楚鷄不是丹山鳳侍云佛滅二千年比丘少慙愧

侍郎因慈明爲唐明長老馳書至侍云對面不相識千里却同風慈明云某甲奉院門請侍云真箇謾語明云前月離唐明侍云適來悔伸一問明云作者侍便喝明云恰是侍又喝明以手面前畫一畫侍吐舌

云龍家龍象明云是何言歟侍喚客司點茶元來是自家屋裏人明云也不消得喫茶了侍又問如何是上座爲人一句明云切侍云長裙新婦拖泥走明云誰得似學士侍云作家作家明云放你三十棒以手拍膝云這裏是甚所在明拍手一下云也不得放過侍乃呵呵大笑

侍郎又問專使還記得唐明當初悟底因緣麼明云也曾親見舉來侍云請不恡慈悲明便舉昔有僧問首山如何是佛法大意山云楚王城畔汝水東流侍云只如楚王城畔汝水東流意旨如何明云水上挂

支那

高麗續集卷十一

二十二

傾一

燈毬侍云與麼則孤負他古人去也明云侍郎疑則別叅侍云三脚蝦蟇飛上天明云一任蹕跳侍乃大笑

侍郎因慈明住旬日乃辭侍云某甲有一句語寄與唐明得也無明云明月照見夜行人侍云却不相當明云更深由自可日午始愁人侍云開寶寺前金剛爲甚數日汗出明云知侍云上座臨行豈無爲人底句明云重疊關山路侍云與麼則某甲隨上座去唐明也明嗟一聲侍云真師子兒大師子吼明云放過又扶來侍云適來失脚蹣倒又得家童扶起明云有

什麼了期待呵呵大笑

都尉李文和公

諱遵易見石門聰禪師

因肅國大長公主生辰

就宅命谷隱石霜葉縣三大禪師演法末當葉縣禪

師始登座以拄杖就膝拗折擲地便下座文和公笑

曰老作家手段終別縣云都尉亦不得無過

都尉臨薨時腸胃踈熱因尼道堅就枕問云都尉衆

生見劫盡大火所燒時切要照管王人公尉云大師

與我煎一服藥來尼無語尉云這師姑藥也不會煎

投枕而去

都尉問慈明禪師云我聞西河有金毛師子是不明

縣述

宋門變續集卷十一

二十三

傾一

云都尉甚處得這消息來尉便喝明云野犴鳴尉又

喝明云恰是尉乃拍手呵呵大笑明過數日乃辭都

尉問如何是臨行一句明云好自將息尉云與麼則

不異諸方也明云都尉見處又作麼生尉云放你三

十棒明云與麼則專爲流通去也尉喝一喝拍手一

下明云瞎尉云好去明云諾諾

都尉因堅上座來辭次尉問云近離上黨得屈中都

方接塵談遽迴虎錫指雲屏之翠嶠訪雪嶺之清流

未審此處彼處的事作麼生堅云利劍拂開天地

靜霜刀纔舉斗牛寒尉云恰值今日耳聵堅云一箭

下雙鵬尉云上座爲什麼著鞋睡堅以衣袖一拂尉

低頭云今日可謂降伏也堅云普化出僧堂

蘄州龍華曉愚禪師

嗣分

到五祖戒和尚處戒問不

落屑吻一句作麼生道師云老老大大話頭也不照

顧戒便喝師亦喝戒拈棒師拍手下戒云闍黎闍

黎且住話在師將坐具搭肩上更不迴首直出去

湖州天聖泰禪師

時謂泰河東

到瑯琊瑯琊問云埋兵棹闢

未是作家匹馬單槍便請相見師指瑯琊云將頭不猛

帶累三軍瑯打一坐具師亦打一坐具瑯接住云適

來一坐具是山僧令行上座一坐具落在什麼處師

縣述

雷統要續集卷十一

二十四

傾一

云伏惟尚饗瑯托開云五更侵早起更有夜行人師

云賊過後張弓瑯云且坐喫茶

舒州海會山齊舉禪師曾到瑯瑯瑯乃問上座近離

甚處師云浙江瑯云船來陸來師云船來瑯云船在

甚處師云步下瑯云不涉程途一句作麼生道師云

杜撰長老如麻似粟便下去瑯乃問侍者此是什麼

人者云舉上座瑯云莫是舉師叔麼當時先師教我

尋見伊遂親下堂問上座莫便是舉師叔莫怪某甲

適來相觸忤師便喝復問長老甚時到汾州瑯云恁

麼時師云我在浙江時早聞你名元來見解抵如此



何得名播寰海耶乃作禮

舒州鄆耶覺禪師一日陞堂有僧出畫一圓相師乃打云道道僧云不道不道師又打云道道僧云三世諸佛不離於此師又打喚維那抽單趨出院師却陞座以手指僧云大衆比丘犯波逸提山僧入地獄潭州石霜楚圓禪師冬日榜示僧堂前作此相。二二二一此先若人識得不離四威儀中首座一見乃謂衆云和尚今日放參

師問顯英首座近離甚處座云金鑾夏在甚處座云金鑾去夏在甚處座云金鑾前夏在甚處座云金鑾

戲述

甯紹慶集卷十一

二十五

傾一

先前夏在甚處座云和尚何不領話師云找也不會勘得你教庫下供過奴子來勘且點一椀茶與你濕口

師問僧近離甚處僧以手向面前畫一畫師云是何言歟僧便喝師云作什麼僧拍手一下便行師云瞎漢亂做作什麼以坐具直打下法堂

師問僧近離甚處僧云雲過青山綠師云著忙作什麼僧云鴈過水聲淒師便喝僧亦喝師便打僧亦打師云看這瞎漢本分打出三門外念你是新到且坐

喫茶去

師或時方丈內安一盆水上劄一口劍下面著一緇草鞋膝上橫按拄杖入門便指擬議便打有本小差

續天童華云我當時若見便去左耳邊低聲地下一轉語待他食觀天上却與一指擬議拔劍便斬

驀拈拄杖下座大衆一時趕散

師在衆時到芝和尚寮芝坐間開合子燒香次師問作麼生燒芝便放香鑪中燒師云訝郎當漢又恁麼去也

南嶽下第十一世

袁州楊岐會禪師明憲因慈明忌日至真前以兩手

戲述

甯紹慶集卷十一

二十六

傾一

捏拳向頭上作角勢次以坐具畫一畫復畫一圓相方乃燒香次作女人拜首座云休捏怪師云首座作麼生座云和尚捏怪師云兔子喫牛妳

洪州翠巖可真禪師在歸宗南和尚會爲首座時歸宗問承首座常將女子出定語爲人是不師云無宗云奢時不儉儉時不奢爲甚道無師云若是本分衲僧也少他鹽醬不得宗却迴首喚侍者報典座明日

只煮白粥

師一日見堂中首座不喫食令侍者去問訊首座至晚間自上方丈陳謝師云法身不安色身不安座云



早來承侍者相問師云泥裏洗土塊座云和尚常用此機師云夜來天帝釋冠子爲什麼落地座無對師云南山起雲北山下雨遂喝出

師因黃國博問百丈華長老既是百丈爲什麼却短小華云今日好天晴黃不契却請師代語結緣師云但問將來黃再問師云須彌南畔把手同行黃佇思却問意旨如何師云蚊子上鐵牛黃又佇思云不會請和尚爲某甲說師云你離却妻子來老僧爲你說黃云祇如和尚還行得麼師云上藍寺裏送客一日行百十遭

文部

宗門統要續集卷十一

二十七

頌一

洪州黃龍南禪師住歸宗日因化王迴陞座示衆云有五種不易一施者不易二化者不易三變生爲熟者不易四端坐喫者不易且道第五不易是什麼人良久云聲便下座時翠巖真和尚爲首座藏王續問第五不易是誰真云腦後見腮莫與往來

右南嶽下至一十一世共二百四十八人見錄機緣總五百五十三則餘俟好事者採摭續之

宗門統要續集卷第十一

音釋

禡

陳知

將

力活切

禡

渠龜切

似牛

一

吋

普火切

擲

不可也

擲

不可也

擲

不可也

擲

不可也

擲

不可也

擲

不可也

楚尤切 勞 和悅切 鯢 研奚切 駢 陳扇切 馬 獨 音 手擲也 勞 蘇到切 駢 兩力讓切 駢 田也 僊 狂疎貌 駢 兩枚也

刑部郎中金壇千玉立施贊刻此 宗門統要續集第十一卷 計字九千五百箇 該銀四兩九錢四分 平湖釋在照對長洲徐普書深水芮一鶚刻 萬曆丁未秋八月徑山寂照庵識

文部

宗門統要續集卷十一

二十六

頌一

宗門統要續集卷第十二

宋建溪沙門宗永集

元建康保寧禪寺住持沙門清茂續集

六祖大師嗣法

吉州青原山行思禪師問石頭爾從甚處來頭云曹溪師乃拈拂子云曹溪還有這箇麼頭云非但曹溪西天亦無師云子莫曾到西天不頭云若到即有也師云未在更道頭云和尚也須道取一半莫全靠希遷師云不辭向汝道恐已後無人承當

師令石頭馳書與南嶽大慧禪師乃云回日與子箇

戒師

宗門統要續集卷十二

二

傾二

鉏斧住山去石頭到彼便問不慕諸聖不重已靈時如何慧云子問太高生何不問將來頭云寧可永劫受沉淪不從諸聖求解脫便歸師問子返何速書信達不頭云信亦不通書亦不達乃舉前話復云去日蒙和尚許箇鉏斧子而今便請師垂下一足石頭便作禮

玄沙備云大小石頭被大慧推倒至今起不得

雪竇顯云石頭洎擔板過却又云大小大慧不解

據令翠巖芝云思和尚垂足石頭禮拜要且不得斧子且道後來使箇什麼

黃龍南云石頭雖

然善能馳達不辱宗風其奈逞俊太忙不知落節既是落節迴來因什麼得斧子

師因僧問如何是祖師西來意師云又恁麼去也僧又問近日有何言句乞師一兩則師云近前來僧近前師云分明記取

青原下第一世

南嶽石頭希遷禪師

嗣青原思

一日因思和尚云有人道

嶺南有消息師云有人不云云思云若與麼大藏小

藏從何而來師云盡從這裏去

師因藥山問三乘十二分教某甲粗知嘗聞南方直

戒師

宗門統要續集卷十二

二

傾二

指人心見性成佛實未明了伏望和尚慈悲指示師云與麼也不得不與麼也不得與麼不與麼總不得汝作麼生山佇思師云子因緣不在此江西有馬大師子往彼去應為汝說山至彼准前請問馬師云我有時教伊揚眉瞬目有時不教伊揚眉瞬目有時教伊揚眉瞬目者是有時教伊揚眉瞬目者不是山於是省便作禮馬師云子見箇什麼道理山云某甲在石頭時如蚊子上鐵牛馬師云汝既如是宜善護持

法雲秀云石頭好箇無孔鐵鎚大似分付不著藥

山雖然過江西悟去爭奈平地上喫交有什麼扶  
策處具眼者試辨看

續五祖演云老僧在衆日聞兄弟商量道卽心卽  
佛也不得不卽心卽佛也不得若恁麼說話敢稱  
禪客殊不知古人文武兼備韜略雙全山僧見處  
也要諸人共知只見波濤湧不見海龍宮 大瀉  
智云說什麼在石頭時如蚊子上鐵牛只今又何  
曾吐露得出 馮山果云前箭猶自可後箭射人  
深藥山直饒恁麼悟去也落第二月 徑山杲云  
好箇話端阿誰會舉舉得十分未敢相許

宗門統要續集卷十二

三一

傾二

師問新到甚麼處來僧云江西來師云見馬大師不  
僧云見師乃指一檟柴云馬師何似這箇僧罔措却  
迴舉似馬祖祖云汝見檟柴大小僧云沒量大祖云  
汝甚有力僧云何故祖云汝從南嶽負一檟柴來豈  
不是有力

師垂示云言語動用沒交涉時藥山在會乃出云直  
得非言語動用亦沒交涉師云這裏針劄不入山云  
這裏如石上栽花

師因問思和尚云和尚自離曹溪什麼年到此間思  
云我却不知你早晚離曹溪師云某甲不從曹溪來

宗門統要續集

思云我亦知汝來處師云和尚幸是大人且莫造次  
師因大顛問古人云道有道無是二謗請和尚除師  
云一物亦無除箇什麼師却問大顛併却咽喉唇吻  
速道將來顛云無這箇師云若與麼汝卽得入門  
青原下第二世

澧州藥山惟儼禪師嗣石久不陞堂一日院王白云  
大衆久思和尚示誨師云教打鐘著大衆方集師便  
下座歸方丈院王續問和尚既許爲大衆說法爲甚  
一言不施師云經有經師論有論師爭怪得老僧  
雪竇顯云可惜藥山老漢平地上喫撲盡大地人

宗門統要續集卷十二

四

傾二

扶不起 瑯琊覺云藥山下座不妨疑著及乎院  
主授著失却一隻眼 翠巖芝云藥山下座院主  
當初怪不爲說法可謂誤他三軍

續薦福懷云藥山還見院主麼院主還見藥山麼  
三十年後遇著作家不得錯舉 五祖演云雖然  
以已妨人爭奈賊身已露諸人要識藥山麼閑持  
經卷倚松立笑問客從何處來 開福寧云藥山  
慎初護末佛眼難窺院王狹路相逢等閑蹉過  
雪竇宗云威音劫外攜手誰肯同歸十字街頭擲  
金幾人踏著敢問大衆且道藥山曾說不曾說若



道曾說是謗藥山若道不曾說是孤負藥山且道畢竟爲人在甚麼處良久云須知雲外千峯上別有靈松帶雨寒 天童傑舉翠巖拈了云翠巖只具一隻眼殊不知藥山歸方丈正是勞他三軍貧福先云藥山竟歸方丈却似箇好人只被他輕輕一捏便見忘前失後

師因僧問學人有疑請師決疑師云待晚間來爲汝決至晚衆集師云今日要決疑僧何在僧便出來師下座把住云大衆這僧有疑便與一推却歸方丈翠巖芝云藥山與麼決疑土上更加泥雖然如是

支那

宗門統要續集卷十二

五

傾二

這僧也不得孤負藥山

續雲居元云大小藥山被這僧勘破

師因僧問已事未明乞師指示師良久云吾今爲汝道一句亦不難只宜汝於言下便見去猶較些子若更思量却成吾罪過不如且各合口免相累及

師一日問飯頭你在這裏多少時頭云三年也師云我總不識你其僧不曉憤然而去

師向手中書一佛字問道吾是什麼道吾云佛字師云這多口阿師

師尋常不許人看經一日自將經看僧問和尚尋常

不許人看經爲甚麼却自看師云我只要遮眼僧云某甲學和尚得麼師云你若看牛皮也須穿

長慶稜云眼有何過

續報慈遂云且道長慶會藥山意不會藥山意

雪竇宗云真心不動教海澄明得用如如義天炳煥正恁麼時且道是經是眼若向這裏見得徹更不用循行數墨遂妄迷真其或未然牛皮穿透猶自可觸體徧野幾人知

師因僧問平田淺草塵鹿成羣如何射得塵中主師云看箭僧放身便倒師云侍者拖出這死屍僧便走

支那

宗門統要續集卷十二

六

傾二

師云弄泥團漢有什麼限

雪竇顯云三步雖活五步須死

續雲居元云藥山千鈞之弩不爲鼯鼠發機這僧帶箭出門一死更不再活 淨慈昌云這僧趁得猢猻入他開市藥山騎箇猛虎直上高山若作一處商量終是遭人檢點

師與道吾雪巖遊山次見兩株樹一榮一枯師乃問巖云枯者是榮者是巖云榮者是師云與麼則灼然一切處光明燦爛去又問道吾吾云枯者是師云與麼則灼然一切處放教枯淡去時高沙彌至師又問



彌云枯者從他枯榮者從他榮師回顧雲巖道吾云不是不是

師因雲巖出糞次乃問作什麼巖云擔糞師云那箇聲巖云在師云汝來去爲誰巖云替他東西師云何不教伊並行巖云和尚莫謗他師云不合與麼道巖云如何道師云還曾擔麼

師因看經次雲巖云和尚休猥人得也師卷却經云日頭早晚巖云正當午也師云猶有這箇文彩在巖云某甲無亦無師云汝煞聰明巖云某甲只恁麼和尚尊意如何師云我跛跛挈挈百醜千拙且與麼過

支那

宗門統要續集卷十二

七

傾二

師向雲巖道與我喚沙彌來巖云喚他作什麼師云我有箇折脚鐺子要伊提上挈下巖云與麼則某甲與和尚共出一隻手

瀉山詰云藥山若不得雲巖折脚鐺子幾成廢器大瀉折脚鐺子也與諸人共出十隻手何故且圖古風不墜

續天童華云藥山道頭雲巖和尾雖然頭尾相稱要且不識羞恥

師問僧年多少也僧云七十二也師云是年七十二那僧云是師便打

曹山章云前箭猶自可後箭射人深時有僧問如何免得此棒師云正勅既行諸侯避道

師晚叅云我有一句子待特牛生兒即向你道時有僧便出云特牛生兒也祇是和尙不道師喚侍者將燈來其僧便抽身入衆

洞山价云這僧會只是不肯禮拜 清涼欽云特牛兒特牛兒又代云雙生

續翠巖芝云我即不然特牛生兒也不向你道何故如此若向你道何處更有王老師 投子青云且道甚處是這僧會底道理若道得可爲這僧雪

支那

宗門統要續集卷十二

八

傾二

屈若道不得却被藥山瞞 浮山遠云我有一句子待無舌人問即道 昭覺勤云藥山垂釣意在鯢鯨這僧吞鉤三千激浪洞山眼正千里同風法燈重整槍旗再裝甲胄夾山即不然有一句子威音已前道與諸人了或有問明頭合暗頭合只向他道龍得水時添意氣虎逢山色長威癘 黃龍震云會麼如人暗中書字字雖不成文彩已彰文彩既彰點燈爲甚不見不見道賊是小人智過君子

師一日臨齋院王報云打鐘也請和尚上堂師云汝

與我擎鉢孟去王云和尚無手來多少時師云汝只是枉披袈裟王云某甲只與麼和尚又如何師云我無這箇眷屬

師問龐居士云一乘中還著得這箇事麼士云某甲祇管日求升合不知還著得麼師云道居士不見石頭得麼士云拈一放一未是好手師云老僧住持事繁士珍重便出師云拈一放一的是好手士云好箇一乘問宗今日失却也師云是是

師坐次有僧問兀兀地思量什麼師云思量箇不思量底僧云不思量底如何思量師云非思量

文那

雲門統要續集卷十二

九

傾二

師問僧甚麼處來僧云南泉來師云在彼多少時僧云粗經歲月師云與麼則三十年後成一頭水牯牛去也僧云某甲雖在彼中且不曾上他食堂師云口飲南風那僧云和尚莫錯自有把起箸人在師問雲巖甚處來巖云百丈來師云百丈有何言句巖云有時示衆云我有一句子百味具足師云鹹即鹹味淡即淡味不鹹不淡是常味作麼生是百味具足底句巖無對師笑云爭奈目前生死何巖云目前無生死師云二十年在百丈俗氣也不除師次日又問海兄更說甚麼法巖云有時道三句外

會取六句外省去師云且喜沒交涉又問更說甚麼法巖云有時陞堂衆集以拄杖打下復召大衆衆迴首却云是什麼師云何不早道巖於此有省

師問僧甚麼處來僧云湖南來師云洞庭湖水滿也未僧云未師云許多時雨水爲甚未滿有本謂馬祖問僧

雲巖展代云湛湛地 道吾智云滿也 洞山价

云什麼劫中曾增減來 雲門偃云只在這裏

師一日坐次石頭來見乃問汝在這裏作什麼師云一切不爲頭云恁麼即開坐也師云若開坐即爲也頭云汝道不爲不爲箇什麼師云千聖亦不識頭乃

文那

雲門統要續集卷十二

十一

傾二

有偈贊云從來共住不知名任運相將祇麼行自古上賢猶不識造次凡流豈可明

五祖戒云藥山夢中說夢兩重重

師因違布衲作殿主浴佛次師乃問汝祇浴得這箇還浴得那箇麼還云把將那箇來師休去

長慶稜云邪法難扶 黃龍南云此二尊宿一出

一入未見輪贏三十年後不得錯舉

續天童華云遵布衲當時若是箇漢待他道還浴得那箇麼拈起杓子劈面擲雖然也不得屈藥山何故不入虎穴爭得虎子

師一日提笠子出雲巖指云用這箇作什麼師云有處用巖云風雨來作麼生師云蓋覆著巖云他還受蓋覆麼師云雖然如是且無遺漏或曰道吾荆州天皇道悟禪師問石頭云離却定慧以何法示人頭云我這裏無奴婢離箇什麼師云如何明得頭云汝還撮得虚空麼師云與麼則不從今日去也頭云未審汝早晚從那邊來師云某甲不是那邊人頭云我早知汝來處師云和尚何以賊誣於人頭云汝身見在師云雖然如是畢竟如何示於後人頭云汝道阿誰是後人師從此有省

支那

高麗續集卷十二

十二

傾二

師臨遷寂日大衆問疾師驀召典座近前云會麼座云不會師乃拈枕子拋於地上卽便告終

鄧州丹霞天然禪師訪龐居士門逢女子靈照洗菜次師問居士在不女子放下菜籃斂手而立師再問女子提起菜籃便行師遂迴須臾居士外還女子乃舉似前話士云丹霞在麼女子云去也士云赤土塗牛妳一本云這冤家于麼我門風

瀉山喆云大小丹霞被居士女子勘破山僧當時若作丹霞但與呵呵大笑待他問長老笑箇甚麼却問道不是冤家不聚頭

續蔣山勤云丹霞從苗辨地靈照因語識人放下菜籃當處發生提起菜籃隨處滅盡居士云赤土塗牛妳屋裏販揚州且道畢竟如何各自散去免增話會

師又一日訪龐居士至門首相見師乃問居士在不士云飢不擇食師云龐老在不士云蒼天蒼天便入宅去師云蒼天蒼天便迴去

師問僧甚處來僧云山下來師云喫飯了也未僧云喫飯了也師云將飯與汝喫底人還具眼麼僧無對長慶稜問保福云將飯與人喫報恩有分爲甚不

支那

高麗續集卷十二

十三

傾二

具眼福云施者受者俱瞎慶云盡其機來還成瞎不福云道我瞎得麼芭蕉徹云各具一得一失又代僧云爭不足讓有餘又代霞云施受俱無利益汾陽昭代云若不上山爭識丹霞

續保寧勇代云今日被和尚勘破天童華云丹霞既已龍頭蛇尾長慶保福只得將錯就錯雖然二三老宿要且不知老僧落處具擇法眼者試請辨看

師因去馬祖處路逢一老人與一童子師問公住何處老人云上是天下是地師云忽遇天崩地陷又作



麼生老人云蒼天蒼天童子噓一聲師云非父不生其子老人便與童子入山去

續正覺顯云上天下地不妨聰明蒼天蒼天隨語生解是父是子褒貶分明噓一聲却較些子

師因問龐居士昨日相見何似今日士云如法舉昨日事來作箇宗眼師云祇如宗眼還著得龐公麼士云我在你眼裏師云某甲眼窄何處安身士云是眼何窄是身何安師休去士云更道取一句便得此話圓師亦不對士云就中這一句無人道得

續蔣山勤云是眼何窄是身何安昨日今日事無

文淵

宗統要續集卷十二

十三

傾二

兩般淮南兩浙秋熱春寒恁麼會得也大無端三

十年後莫受人瞞

師一日與龐居士行次見一泓水士以手指云得與麼也還辨不出師云灼然是辨不出士乃肩水潑師二掬師云莫與麼莫與麼士云須與麼須與麼師又肩水潑士三掬士云正與麼時堪作什麼師云無外物士云得便宜者少師不語士云誰是落便宜者師因過一院值凝寒於殿中見木佛乃取燒火向院主遇見訶責云何得燒我木佛師以杖子撥火云吾燒取舍利主云木佛何有舍利師云既無舍利更請

師導來燒院主自後眉鬚墮落

續大寧寬因僧問丹霞燒木佛為甚院主眉鬚墮落寬云賊不打貧兒家投子青云不會作客勞煩主人保寧勇云院主眉鬚墮落即且置且道丹霞眉毛在也無若也見得與古佛同叅若也不見切忌撥無因果寶峯文云丹霞燒木佛院主眉鬚落驀拈拄杖云不是木佛擲下拄杖云誰敢燒你擬即眉鬚落不擬又且如何高聲云行者拈起拄杖東禪嶽云古人做處今人合知如展一面皁纛旗殺一有罪而天下咸服如其無罪法亦

文淵

宗統要續集卷十二

十四

傾二

難施直饒千聖出頭來安排一字也不得天童

華云諸方商量道院主忽起疑心而致斯禍又云院主天寒不與丹霞火向致令燒却木佛遂乃眉鬚墮落殊不知院主買鐵得金一場富貴靈隱嶽云諸人要知麼大小丹霞向深村裏失却一隻眼院主也是如蟲禦木偶爾成文光孝門下也無木佛得燒只有一星無煙火直是難近傍擬之則燎却面門諸人須是退步看驀地冷灰裏豆爆驚天動地直教佛祖救不得喝一喝

潭州長髭曠禪師因石頭問什麼處來師云嶺南來



頭云大庾嶺頭一鋪功德成就也未師云成就久矣只欠點眼在頭云莫要點眼麼師云便請石頭垂下一足師便作禮頭云你見箇什麼便禮拜師云如紅鱗上一點雪

雪竇顯云無眼功德有什麼點處

續雲居元云可惜勞而無功

師因一僧至遶禪牀一币卓然而立師云若是石頭法席一點也用不著僧又遶一币師云却是湑麼時不易道得箇來處僧便出去師乃喚僧不顧師云這漢猶少教詔在僧却回云有一人不從人得不受教

支那撰述

宗門統要續集卷十二

十五

傾二

詔不落階級師還許麼師云逢之不逢逢必有事僧乃退身三步師却遶禪牀一币僧云不唯宗眼分明亦乃師承有據師打三下

師問僧甚處來僧云九華山控石菴來師云菴中是什麼人僧云馬祖下尊宿師云名什麼僧云不委他法號師云他不委你不委僧云尊宿眼在甚處師云若是庵主親來今日也須喫棒僧云賴遇和尚放過某甲師云百年後討箇師僧也難得

雪竇顯云是則二俱作家要且只解收虎尾不能據虎頭若使德山令行並須瓦解

宗門統要續集

師因龐居士到見陞座衆集定士便出云各請自檢好師便說士却於禪牀右立時有僧問不觸主人翁請師答話師云識龐公麼僧云不識士便搦住其僧云苦哉苦哉僧無對士托開師少間却問適來這僧還喫拄杖不士云待伊甘始得師云居士只見錐頭利不見鑿頭方士云怎麼說話某甲即得外人聞之要且不好師云不好箇甚麼士云阿師只見錐頭尖不見鑿頭利

師因李行婆來乃問憶得在絳州時事麼婆云非師不妄師云多虛少實在婆云有甚諱處師云念你是

支那撰述

宗門統要續集卷十二

十六

傾二

女人放你拄杖婆云某甲終不見尊宿過師云老僧過在甚處婆云和尚無過婆豈有過師云無過底人作麼生婆乃豎拳云與麼總成顛倒師云實無諱處師一日見僧來乃擒住云師子兒野干屬僧以手作撥眉勢師云雖然如此猶欠哮吼在僧擒住師云偏愛行此一機師與一掴僧放下手拍三下師云若見同風僧汝甘與麼不僧云終不由別人師作撥眉勢僧云猶欠哮吼在師云料想不由別人

潭州大川禪師因江陵有僧來叅師云幾時發足江陵府僧提起坐具師云特謝遠來下去僧遶禪牀一

市便出師云若不與麼爭知眼目端的僧撫掌一下云苦殺人洎合錯判諸方師云甚得禪宗道理後僧舉似丹霞霞云大川法道即得於我這裏即不然僧云和尚此間作麼生霞云猶較大川三步在僧禮拜霞云錯判諸方者多

洞山价云若不是丹霞也難分玉石

潮州大顛和尚因石頭問那箇是汝心師云言語者是頭便喝出經旬日間師復問前者既不是除此外何者是心頭云除却揚眉瞬目將心來師云無心可得將來頭云元來有心何言無心無心盡同謗師於

文淵

宗門統要續集卷十二

七

傾二

言下有省

師一日將癢和子廊下行逢一僧問訊次師以癢和驀口打云會麼僧云不會師云大顛老野狐不曾孤負人

師因韓文公問和尚春秋多少師乃提起數珠示之云會麼公云不會師云晝夜一百八公因措歸宅快怏而已夫人乃問侍郎神思不憚復有何事公遂舉前話夫人云何不進云晝夜一百八意旨如何公明日凌晨遂去門首乃逢首座座云侍郎入寺何早公云特去堂頭通話座云堂頭有何因緣開示公舉前

話座云侍郎怎生會公云晝夜一百八意旨如何座乃扣齒三下公復至堂頭又進前語晝夜一百八意旨如何師亦扣齒三下公云信知佛法一般師云見什麼道理乃云一般公云適來門首接見首座亦復如是師遂喚首座問適來祇對侍郎佛法是不首座云是師便打趲出院

保福展云首座知前不知後大顛令不單行

宗門統要續集卷第十二

音釋

颺弦鷄切 聾音你指 姪女蟹切 辱荒故少

文淵

宗門統要續集卷十二

八

傾二

刑部郎中金壇于玉立施貲刻此  
宗門統要續集第十二卷 計字六千二百一  
一箇該銀三兩二錢二分  
澄江釋在誠對長洲徐普書上元縣張應文刻  
萬曆丁未秋八月徑山寂照庵識

宗門統要續集卷第十三

宋建溪沙門宗永集

元建康保寧禪寺住持沙門清茂續集

青原下第二世

汾州石樓和尚問僧近離甚處僧云漢國師云漢國天子還重佛法也無僧云苦哉賴值問著某甲問著別人即禍生師云作箇什麼僧云人尚不見有何佛法可重師云聞黎受戒多少時僧云二十夏師云大好不見有人便打一本曰果樹話未詳是何世代雪竇顯云這僧棒既喫要且去不再來石樓令雖

支那

宗門統要續集卷十三

二

傾三

行爭奈無風浪起

師因僧問未識本來性乞師方便指師云石樓無耳堊僧云某甲自知非師云老僧還有過僧云和尚過在甚處師云過在汝非處僧作禮師便打

澧州大同濟禪師一日因米胡領眾來纔欲相見師便拽轉禪牀面壁而坐米於背後立少時却回客位師云是即是若不驗破已後遭人貶剝却令侍者去請米纔上來却拽轉禪牀便坐師乃遶牀一匝便歸方丈米却拽倒禪牀領眾便出去

師一日訪龐居士云憶得在母胎中時有一則語

今日舉似阿師不得作道理主持師云猶是隔生也

士云向道不得作道理主持師云驚人之句爭得不

怕士云如斯見解可謂驚人師云不作道理却成作

道理士云不但隔一生兩生師云喫粥飯底僧一任

居士檢責士鳴指三下

師一日纔見龐居士來便掩却門云多知老翁莫與相見士云獨坐獨語過在阿誰師便開門纔出被士把住云是師多知是我多知師云多知且致閉門開門卷之與舒相較幾何士云祇此一問氣急殺人師不語士云弄巧成拙

支那

宗門統要續集卷十三

二

傾三

丁行者一日看性空空打一棒云瞎却汝本來眼也丁云非但今日古人亦行此令空空誰向汝道古今丁拂袖便出空空青天白日有迷路人丁云莫要指示麼空便打丁云莫瞎却人眼好空空瞎却俗人眼有甚過

青原下第三世

潭州道吾智禪師嗣藥山儼離藥山到南泉泉問闍黎名

什麼師云宗智泉云智不到處作麼生宗師云切忌

道著泉云灼然道著即頭角生至三日後師與雲巖

在後架把針次泉過見乃再問前日道智不到處切



忌道著道著卽頭角生合作麼止行履師便袖身入僧堂泉便去師却來坐巖乃問師弟適來爲甚不祇對和尚師云你得與麼靈利巖不薦却去問泉云適來因緣智頭陀作麼生不祇對和尚泉云他却是異類中行巖云如何是異類中行泉云不見道智不到處切忌道著道著卽頭角生且須向異類中行巖亦不會師知巖不薦乃云此人因緣不在此便與迴藥山山覩二人迴乃問巖汝到甚處去來巖云到南泉山云泉有何言句巖遂舉前話山云子作麼生會他這箇時節便回來巖無對山乃大笑巖便問如何是

大邪

宗門統要續集卷十三

三

傾二

異類中行山云吾今日因別時來巖云某甲特爲此事歸來山云且去巖便出師在方丈外聞巖不薦不覺咬得指頭血出師却下來問巖云師兄去問和尚那因緣作麼生巖云和尚不爲某甲說師便低頭續雲居膺因僧問切忌道著意作麼生師云此語最毒僧云如何是最毒底句師云一棒打殺龍蛇師與雲巖同侍藥山次山云智不到處切忌道著道著卽頭角生師便珍重出去巖遂問智師兄爲什麼不祇對和尚山云我今日背痛是他却會汝去問取巖遂問師兄適來爲甚不祇對和尚師云我今日頭

痛你去問取和尚後雲巖遷化遣人馳辭書至師覽後云雲巖不知有悔當時不向伊道然雖如是要且不違藥山之子

報慈遂云古人與麼道還知有也未雲巖當時不會什麼處是他不會處翠巖芝云道吾道雲巖不知有悔當時不向伊說只如與麼道道吾還知有也無

師因雲巖問師兄家風作麼生師云教汝指點著堪作什麼巖云無這箇來多少時也師云牙根猶帶笑澀在

大邪

宗門統要續集卷十三

四

傾三

師因南泉示衆云法身具四大不有人道得與他一腰視師云性地非空空非性地此是地大三大亦然泉不違前言乃與視一腰師因雲巖不安乃謂離此殼漏子向甚處相見巖云不生不滅處相見師云何不道非不生不滅處亦不求相見

雪竇顯云侍者與我記取這一問

續昭覺勤云何處不逢渠

師一指佛桑花問僧這箇何似那箇僧云直得寒毛卓豎師云畢竟如何僧云道吾門下底師云十里



大王

續昭覺勤云以膠投漆驗影知形不諳正去偏來  
爭解明投暗合還委悉麼蝦蟆跳上梵天蚯蚓蓋  
過東海 徑山策云不開戶牖安知明月之光不  
汎僊槎安觀天河之勢道吾以楔拔楔這僧以智  
破智雖然鷲路相逢未免三頭六臂還委悉麼愛  
他年少子翻作白頭翁

師因雲巖修鞋次乃問作什麼巖云將敗壞補敗壞  
師云何不道即敗壞非敗壞

師因僧問無神通菩薩為甚蹤跡難尋師云同道者

支那

高麗續集卷十三

五

傾三

方知僧云和尚還知麼師云不知僧云為甚不知師  
云去汝不會我語

師因僧問久嚮和尚會禪是不師云蒼天蒼天僧近  
前掩却師口云低聲師遂與一掌僧云蒼天蒼天師  
把住云得與麼無禮僧却與師一掌師云老僧罪過  
僧拂袖出師云早知如是悔不如也後竹園與僧  
有語頗相同

潭州雲巖曇晟禪師因藥山問聞汝會弄師子是不  
師云是山云弄得幾出師云弄得六出山云我亦弄  
得師云和尚弄得幾出山云我弄得一出師云一即  
六六即一師後到瀉山山問承聞長老在藥山弄師

支那

高麗續集卷十三

六

傾三

子是不師云是為云長弄還有置時師云要弄即弄  
要置即置瀉云置時師子在甚麼處師云置也置也  
續法昌遇云好一場師子只是有頭無尾我當時  
若見瀉山道置時師子在甚麼處便與放出踞地  
金毛直教瀉山藏身無路 泐潭準云藥山雲巖  
鈍置殺人兩父子弄一箇師子也弄不出若是準  
上座只消自弄拽得來拈頭作尾拈尾作頭轉兩  
箇金睛攫幾鉤鐵爪吼一聲直教百里內猛獸潛  
蹤滿空裏飛禽亂墜準上座未弄師子請大眾高  
著眼先做一箇定場擲下拄杖云箇中消息子能

有幾人知

師問一尼云汝爺在不尼云在師云年多少尼云年  
八十師云汝有箇爺不年八十汝還知不尼云莫是  
恁麼來者麼師云猶是兒孫

洞山价云直是不與麼來者亦是兒孫

續瀉山果云恁麼也不得不恁麼也不得畢竟作  
麼生良久云從來無位次不用強安排

師因煎茶次道吾問煎與阿誰師云有一人要吾云  
何不教伊自煎師云幸有某甲在

師問石霜甚處來霜云瀉山來師云在彼多少時霜

云粗經冬夏師云與麼則成山長也霜云雖在彼中却不知師云他家亦非知非識道吾聞乃云得與麼無佛法身心

師一日謂眾云有箇人家兒子問著無有道不得底洞山乃問他屋裏有多少典籍師云一字也無山云爭得與麼多知師云日夜不曾眠山云問一段事還得麼師云道得却不道

師因裴大夫問僧供養佛佛還喫不僧云如大夫祭家神大夫舉似師師代云有幾般飯食但一時下來師却問神山一時下來後作麼生神山云合取鉢盂

文淵

高麗續集卷十

七

傾二

師然之

師因道吾問大悲菩薩用許多手眼作什麼師云如人夜中背手摸枕头子吾云我會也我會也師云爾作麼生會吾云徧身是手耶師云道即太煞道只道得八成吾云師兄作麼生師云通身是手眼

師一日掃地次道吾云大語生師云須知有不區區者吾云恁麼則有第二月也師豎起掃帚云這箇是第幾月吾休去

玄沙備云正是第二月 長慶稜問玄沙云被他倒轉掃帚欄面撼又作麼生沙休去 羅山閑云

噫兩箇漢不識好惡雲巖箇漢縛手脚死來多少時也 雲門偃云奴見婢慙慙 保福展云雲巖大似泥裏推車步步區區 雪竇顯向有第二月也處別云泊合放過

續為山行云道吾平地生堆雲巖因行掉臂玄沙道正是第二月面皮厚多少且道雲巖豎起掃帚意作麼生十成好箇金剛鑽攤向門前賣與誰

秀州華亭船子德誠禪師因夾山初住潤州鶴林時道吾到遇上堂有僧問如何是法身夾云法身無相如何是法眼夾云法眼無瑕道吾不覺失笑夾便下

文淵

高麗續集卷三

八

傾二

座請道吾問某甲適來祇對這僧話必有不是致令上座失笑望上座不恡慈悲吾云和尚一等是出世未有師在夾云某甲甚處不是望為說破吾云某甲終不說請和尚却往秀州華亭船子處去夾云此人如何吾云此人上無片瓦下無寸土和尚若去須易服裝束蓋船子曾囑道吾已後有座主指一箇來夾乃敢眾易服直造華亭船子纔見便問大德住什麼寺夾云似則不住住則不似或云目前無似師云不似又不似箇什麼或云是夾云不是目前法師云甚處學得夾云非耳目之所到師云一句合頭語萬劫繫驢橛師又問垂絲千尺

意在深潭離鉤三寸子何不道夾擬開口師便以篙打落水中夾纔上船師云道道夾擬開口師又打夾於此有省乃點頭師云竿頭絲線從君弄不犯清波意自殊夾遂問拋綸擲釣師意如何師云絲懸綠水浮定有無之意夾云語帶玄而無路舌頭談而不談師云釣盡江波金鱗始遇夾乃掩耳師云如是如是遂囑云汝向去直須藏身處沒蹤跡沒蹤跡處莫藏身吾二十年在藥山只明斯事汝今既得他後不得住城隍聚落但向深山裏鏹頭邊覓取一箇半箇接續無令斷絕夾乃辭行頻頻回顧師遂喚云闍黎闍

文部

富經集卷十三

九

傾三

黎夾回首師豎起橈云汝將謂別有乃覆船入水而逝

續長蘆了云棹頭撥轉河漢星輝船子踏蹴天地黯黑豎起拂子云這箇是鏹頭邊乾白露淨底還知沒蹤跡處隱身不得底麼

宣州桺樹慧省禪師因道吾來相看值師臥次吾乃近前將被蓋覆師問作麼吾云蓋覆師云臥是坐是吾云不在兩頭師云爭奈蓋覆道吾便喝有日嗣焉祖者續昭覺勤云桺樹卧起道吾蓋覆一喝當頭掀翻露布 滄山智云相逢不相避箇裏聊遊戲喝一

喝翻天覆地

師一日坐次藥山來見問云作麼師云和南山云隔闊來多少時師云恰是乃拂袖出

藥山高沙彌一日齋時見藥山自打鼓師捧鉢乃作舞入堂山便擲下椎云是第幾和師云第二和山云如何是第一和師就桶舀一杓飯便行

師一日出菴值雨藥山見來乃云你來也師云是藥云可煞濕師云不打這鼓笛雲巖云皮也無打什麼鼓道吾云鼓也無打什麼皮藥云今日大好曲調

師因藥山問什麼處去師云江陵府受戒去藥云受

文部

富經集卷十三

十

傾三

戒圖箇什麼師云免生死藥云有一人不受戒亦無生死可免汝還知不師云與麼則佛戒何用也藥咄云這饒舌沙彌猶掛唇齒在師因契本心更不受戒師因藥山問我聞長安甚開你還知麼師云我國晏然山忻然乃問汝從人得請益得看經得師云亦不從人得亦不請益得亦不看經得山云有人不看經不請益爲甚麼不得師云不道他不得自是他不肯承當

朗州刺史李翱仰慕藥山道風久矣屢請不赴乃特入山致敬肅裝客禮直造座前藥山端然看經殊不



顧視李乃云見面不如聞名拂袖便行藥山却召李回首藥云何得貴耳而賤目李遂頂禮起問如何是道藥以手指天復指淨瓶李云不會藥云雲在青天水在瓶李拜謝乃呈偈云鍊得身形似鶴形千株松下兩函經我來問道無餘事雲在青天水在瓶

李翔與西堂坐次因有兩僧從江西來李乃問馬大師有何言教僧云大師或說卽心卽佛李云過這邊又問一僧僧云或說非心非佛李云總過這邊李却問西堂堂乃召李翔翔應喏堂云鼓角動也

澧州龍潭崇信禪師嗣天悟家爲餅師逐日以十餅饋

支那

宗門統要續集卷十三

十二

傾二

天皇皇每受畢却留一餅云吾惠汝以陰子孫師一日自念云餅是我持來何以返惠於我別有旨乎於是請問皇云是汝持來復汝何咎師聞之稍悟玄旨因投出家

師一日問天皇云某自到來不蒙和尚指示心要皇云自汝到來吾未嘗不指示汝心要師云何處指示皇云汝擎茶來吾與汝接汝行食來吾與汝受汝和南時我便低首何處不示汝心要師佇思問皇云見則直下便見擬思卽差師當下有省乃復問如何保任皇云任性逍遙隨緣放曠但盡凡情別無聖解

師因德山問久嚮龍潭到來潭又不見龍又不現師云子親到龍潭德山乃作禮而退

雪竇顯云將錯就錯 雲峯悅云大小德山向壑甕裏淹殺 黃龍心云雪竇與麼道不知德山將錯就錯不知龍潭將錯就錯識休咎底衲僧必知去處未過關者亦宜辨取還相委悉麼縱饒栽種得不是棟梁材

師問天皇從上相承底事如何皇云不是明汝來處不得師云這箇眼目幾人具得皇云淺草易爲長廬京兆翠微無學禪師嗣丹霞問丹霞如何是諸佛師霞

支那

宗門統要續集卷十三

十三

傾二

咄云幸自可憐生須要執巾帚作麼師退三步霞云錯師乃進前霞亦云錯師翹一足旋身一巾而去霞云得卽得孤他諸佛師

師因龍牙問自到和尚法席每每上堂不蒙一法示誨意在於何師云嫌箇什麼牙後至洞山亦如是道洞云爭怪得老僧後又問法眼眼云祖師來也

雪竇顯云兩箇老漢被這僧穿却唯有法眼與他同叅若是雪竇門下喫棒了趁出

師一日在法堂上行投子進前接禮問西來密旨和尚如何示人師顧視少頃子云乞師垂示師云更要



第二杓惡水那子便禮拜師云莫採却子云時至根苗自生

吉州性空禪師因僧來參師乃展手示之僧近前復退後師云父母俱喪略不慘顏僧呵呵大笑師云少間與闍黎舉哀其僧乃打筋斗而出師云蒼天蒼天續蔣山勤云展開兩手只見錐頭利進前退後不見利頭錐呵呵大笑裏有刀連哭蒼天弓折箭盡且道畢竟如何良久云若不共同橋上過爭信橋流水不流

師因一僧參人事退乃云與麼下去還有佛法道理

支那

南齊書卷十三

十三

傾三

也無僧云某甲結舌有分師云老僧又作麼生僧云素非好手師便仰身合掌僧亦合掌師乃撫掌三下僧拂袖出師乃有頌示之不錄

師因僧問如何是祖師西來意師云如人在千尺井中不假寸繩出得此人即答汝僧云近日湖南暢長老出世亦為人東語西話師喚沙彌寂子拽出這死屍著沙彌後舉問耽源如何出得井中人源咄云癡人誰在井中後又問為山如何出得為山乃召云慧寂寂應喏為山云出也寂及住仰山常舉前話示眾云我於耽源處得名為山處得地

米倉和尚一日有僧來參乃遶師三匝敲禪牀云不見主人翁終不參衆去師云情識什麼處去來僧云果然不在師打一拄杖僧云幾落情識呵呵而笑師云村草步頭逢著一箇有什麼話處僧云且參衆去潭州石室善道禪師嗣長因杏山問承聞行者遊臺山來還見文殊麼師云見杏云道什麼師云道你生身父母在深草裏杏無對

師因杏山入碓坊相見乃云不易行者師云有什麼不易穿心椀子盛將來無蓋盤子合將去杏無語偃天和尚嗣大因有新羅僧參纔展坐具師捉住云

支那

南齊書卷十三

十四

傾三

未離本國時道取一句僧無語師便推出云問伊一句便道兩句

師因一僧參擬作禮次師云野狐兒且什麼了便禮拜僧云老禿奴見什麼了便與麼問師云苦哉苦哉偃天今日忘前失後僧云要且得時終不補失師云爭不如此僧云誰甘師呵呵笑云遠之遠矣僧以目四顧便出

師一日與石頭和尚遊山次頭云汝斫却前頭刺樹師云不將刀來頭云這裏有乃抽刀倒度與師云何不過那頭來石頭云用那頭作麼師於言下有省

師因僧叅纔展坐具師云這裏會得早是孤負平生也僧云不向這裏會得又作麼生師云不向這裏會更向何處會便打出

師因僧叅纔展坐具師云不用通時暄還我文彩未生時道理來僧云某甲有口啞却卽間苦死覓箇臘月扇子作麼師拈棒作打勢僧把住云還我未拈棒時道理來師云隨我者隨之南北不隨我者死住東西僧云隨與不隨且致請師指出東西南北師便打師因披雲和尚來纔入方丈師便問未見東越老人時作麼生爲物雲云祇見雲生碧嶂焉知月落寒潭

撰述

宗門統要續集卷十三

十五

傾三

師云只與麼也難得雲云莫是未見時麼師便喝雲展兩手師云錯怪人者有什麼限雲掩耳便出師云死却這漢平生也

師因洛瓶和尚到乃問甚處來瓶云南溪師云還將得南溪消息來麼瓶云消卽消已息卽未息師云最苦是未息瓶云且道未息箇什麼師云一回見面千載忘名瓶拂袖行師云弄死虵手有甚限

漳州三平義忠禪師

嗣大顛

一日問侍者你姓什麼者

云與和尚同姓師云你道三平姓甚麼者云問頭何在師云幾時曾問你者云姓者誰師云念汝初機放

你三十棒

師問大顛不用指東畫西請師直指顛云幽州江口石人存師云猶是指東畫西顛云若是鳳凰兒不向那邊討師作禮顛云若不得後句前話也難圓

續昭覺勤云徹底老婆心不向那邊討父子要投機無端入荒草

師一日陞座有一道士出衆從東過西又一僧從西過東師云適來箇道士却有見處師僧未在道士出作禮云謝師接引師便打僧出作禮云乞師指示師亦打復謂衆云此兩箇公案作麼斷還有人斷得麼

撰述

宗門統要續集卷十三

十六

傾三

如是三問無對師云旣無人斷得老僧爲斷去也乃擲下拄杖歸方丈

與章敬語同

爲山詰云若不是三平老漢幾乎作道理斷却不見石鞏道三十年一張弓兩隻箭只射得半箇聖人果然

馬頰山本空和尚示衆云祇這施爲動轉還合得本來祖翁麼若合得十二時中無虛棄底道理若合不得喫茶說話往往喚作茶話在僧便問如何免得不成茶話去師云你識得口也未僧云如何是口師云兩片皮也不識僧又問如何是本來祖翁師云大衆

本生和尚因僧從太原來師乃問近離那邊風景如何僧云與此間不別師云且道此間風景如何僧云和尚與某甲不同師云踏破施主草鞋當爲何事僧無對師云卽今卽古出箇問處且難乃至老僧亦出不得

師一日拈拄杖示衆云我若拈起爾便向未拈起時作道理我若不拈起爾便向拈起時作主宰且道老

僧爲人在甚處時有僧出云不敢妄生節目師云也知闍黎不分外僧云低低處平之有餘高高處觀之不足師云節目上更生節目僧無語師云掩鼻偷香空招罪犯

雪竇顯云這僧也善能切磋爭奈弓折箭盡然雖如是且本生是作家宗師拈起也天回地轉應須拱手歸降放下也草偃風行必合全身遠害還見本生爲人處也無復拈拄杖云太平本是將軍致不許將軍見太平

韓愈文公一日白大顛云弟子軍州事多省要處乞

宗門統要續集卷十三

十

傾三

師一句顛良久文公罔措時三平爲侍者乃敲禪牀  
三下顛云作麼平云先以定動後以智拔公乃禮謝  
三平云和尚門風高峻弟子於侍者處得箇入處  
五祖戒代大顛拈拄杖打侍者

文公因唐憲宗迎佛舍利入大內供養夜放光明早朝宣問羣臣皆賀陛下聖德聖感唯文公不賀上宣問羣臣皆賀獨卿何不賀文公因奏對微臣嘗看佛書況佛光非青黃赤白等相此是龍神衛護之光上宣問如何是佛光公無對因以罪請出

雪竇顯代云陛下高垂天鑒

文公問僧承聞講得肇論是不僧云是公云肇有四  
不遷是不僧云是公遂將茶盞撲破云這箇是遷不  
遷僧無對

汾陽昭代云識得侍郎

宗門統要續集卷第十三

音釋

槎鋤佳切  
桴也  
楔先結切  
楫也  
攬懶禱切  
束待也  
鑊厥縛切  
大鋸也  
頰古力切

刑部郎中金壇于玉立施贊刻此  
宗門統要續集第十三卷 計字六千三百箇  
該銀三兩二錢七分  
澄江釋在誠對長洲縣徐普書江寧縣尚堪刻  
萬曆丁未秋八月徑山寂照庵識

支那

宗門統要續集卷十三

十八

傾  
三



宗門統要續集卷第十四

宋建溪沙門宗永集

元建康保寧禪寺住持沙門清茂續集

青原下第四世

潭州石霜慶諸普會禪師嗣道吾智僧問咫尺之間爲甚

不覩師顏師云我道徧界不曾藏僧後問雪峯徧界

不曾藏意旨如何峯云什麼處不是石霜僧回舉似

師師云這老漢有什麼死急

玄沙備云山頭老漢蹉過也 洞山价云笑殺土

地 五祖戒云著甚來由 瑯琊覺云雪峯雖有

撰述

宗門統要續集卷十四

二

傾四

利人之心且無出人之眼石霜雖有出人之眼且

未知向上一竅 法雲秀云要見石霜麼富嫌千

口少貧恨一身多

續大陽玄云今時人要明此事大須仔細只如石

霜恁麼道落在甚處若不仔細非但累及石霜和

他雪峯累及 淨因成云諸人要識石霜雪峯麼

天共白雲曉水和明月流 天童覺云雪峯石霜

相去多少直是千里萬里若有人問長蘆徧界不

曾藏意旨如何向道什麼處是石霜

師因僧問先師一片靈骨黃金色擊作鐘聲未審什

麼處去也師召僧僧應諾師云你不會我語

師因僧辭師問船去陸去僧云遇船卽船遇陸卽陸

師云我道半途稍難僧無對

雲門偃代云三十年後此話大行又云臨行一句

永劫不忘

師因僧問三千里外遠聞石霜有箇不顧師云是僧

云只如萬象歷然是顧不顧師云我道不驚衆僧云

不驚衆是不與萬象合如何是不顧師云徧界不曾

藏

雪竇顯云誰是不顧者

撰述

宗門統要續集卷十四

二

傾四

師叅道吾一日問和尚百年後有人問極則事向伊

道什麼吾喚沙彌彌應諾吾云添淨瓶水著却問師

汝適來問箇什麼師再舉前問吾便起師於此有省

師因拈裴相國笏問云在官人手中爲笏在天子手

中爲珪在老僧手中喚作什麼裴無對乃爲留下

雪竇顯云弄巧成拙

續保寧勇云只恐和尚使不著

師一日問侍者云道吾嘗問僧云莫葉那邊著這邊

你作麼生會者云一依和尚所會師云作麼生是我

會處者從西過東而立師云正是葉那邊著這邊



師因僧問如何是祖師西來意師乃咬齒示之僧不  
會師遷化後僧却問九峯云先師咬齒意旨如何峯  
云我寧可截舌不犯國諱僧又問雲蓋蓋云我與先  
師有甚怨讎

師因許州金明上座問一毫穿衆穴時如何師云直  
須萬年後明云萬年後如何師云登科任汝登科拔  
萃任汝拔萃明次問徑山譚譚云光華任汝光華結  
果任汝結果

師問僧近離甚處僧云審道師於面前畫一畫云你  
刺脚與麼來還審得這箇麼僧云審不得師云你衲

支那  
撰述

宗門統要續集卷十四

三

傾四

永與麼厚爲甚却審這箇不得僧云某甲衲衣雖厚  
爭六智這回不得師云與麼則七佛出世也救汝不  
得僧云說甚七佛千佛出世也救某甲不得師云太  
憎懂生僧云爭奈聾師云叅堂去僧云喏喏或云鏡清問僧  
潭州漸源仲興禪師因同道吾去一家弔慰次師乃  
拊棺云生耶死耶吾云生也不道死也不道師云爲  
甚不道吾云不道不道回至中路師云和尚快與某  
甲道若不道打和尚去也吾云打卽任打道卽不道  
師便打吾歸院云汝宜離此去恐知事得知不便道  
吾遷化後師至石霜舉前話請益霜云生也不道死

也不道師云爲甚不道霜云不道不道師於言下有  
省

大滄秀云大凡言論須有轉身之謀道吾既無便  
喫他痛棒且道漸源具什麼眼 雲居元云石霜  
矢上加尖喚醒千箇漸源也無用處當初待伊舉  
了以棒打出非唯作天下宗師亦乃爲道吾雪屈  
固知當斷不斷返招其亂

續五祖演云白雲今日憤氣不平須要斷這公案  
道吾第一不解爲身作主第二不能隨機入俗當  
時待伊問生耶死耶但向伊道等歸院裏向你道

支那  
撰述

宗門統要續集卷十四

四

傾四

若著得此語伶俐漢一踏踏著大小道吾和尚也  
免一頓拳頭有眼者辨取 昭覺勤云道吾橫身  
爲物指出生死根源漸源親到寶山當面蹉過若  
不是金剛正性夙植根深爭得向平田淺草驀地  
回光見得道吾著力相爲處且作麼生是道吾相  
爲處試請道看 徑山杲云生也不道死也不道  
公案兩重一狀領到露刃吹毛截斷綱要脫却鶻  
臭衫拈却炙脂帽大坐當軒氣浩浩喝一喝  
師一日將鋏子於法堂上從西過東從東過西霜云  
作麼師云覓先師靈骨霜云洪波浩渺白浪滔天覓

什麼先師靈骨雪竇著語師云正好著力霜云這裏針劄不入著什麼力師持鋏肩上便出

太原孚云先師靈骨猶在 明昭謙云莫道作什麼別下得什麼語代云鷓鴣語鶴又代漸源便擲却鋏子云淺水無魚

師因在紙帳內坐有僧來撥開帳云不審師以目視之良久云會麼僧云不會師云七佛已前事為甚不會後僧舉似石霜霜云如人解射箭不虛發

東林總云漸源云七佛已前事且從石霜喚什麼作箭良久云漸源頭白石霜頭黑七佛已前曾漏

支那

宗門統要續集卷十四

五

傾四

泄既漏泄掩不得南海波斯生白澤

續大瀉智云要知麼空劫迥超無向背展開春色共依依這僧正是執持千里鈔林下道人悲良久云赤脚人趁兔著靴人喫肉 鼓山永云漸源夢中說夢石霜接響承虛要且二俱不了

師一日因寶蓋和尚來訪師卷起簾子在方丈內坐蓋一見乃下却簾便歸客位去師遂令侍者傳語長老遠來不易猶隔津在蓋遂擒住侍者與一掌者云莫得打某甲有堂頭和尚在蓋云為有堂頭老漢所以打你者回舉似師師云猶隔津在

續蔣山勤云老漢一舒一卷賓主歷然隔津通津彼此相照侍者親蒙賜掌恩大難酬寶蓋到處垂慈費盡腕頭氣力

祿青和尚因僧問不落道吾機請師道師云庭前紅莧樹生葉不生華僧無語師云會麼僧云不會師云正是道吾機為什麼不會僧作禮師便打云須是老僧打你始得

續昭覺勤云來源既正只貴轉身這僧眼既搭瞞祿青遂因風放火當時若是箇漢待他道庭前紅莧樹生葉不生華便與掀到禪牀直饒道吾親來

支那

宗門統要續集卷十四

六

也須與他平展還委悉麼基逢敵手難藏行詩到重吟始見工

筠州洞山悟本良价禪師嗣雲巖因請泰首座喫果子次乃問有一物上拄天下拄地黑似漆常在動用中動用中收不得你道過在甚處首座云過在動用中師便喝乃令撥却果卓

五祖戒別首座云朝來更獻楚王看 瑯琊覺云若不是洞山老人焉能辨得雖然如是洞山猶欠一著在 瀉山喆云諸人還知洞山落處麼若也 不知往往作是非得失會去山僧道這果子非但

首座不得喫假使盡大地人來亦不得正眼覷著  
雲蓋本云洞山雖有打破虛空鉗鎚而無補綴  
底針線待伊道過在動用中但道請首座喫果子  
泰首座若是箇衲僧喫了也須吐出

續南堂靜云洞山坐籌帷幄決勝千里泰首座通  
身是口有理難伸 馮山果云洞山壓良爲賤泰  
首座有理難伸山僧路見不平要爲雪恥當時纔  
見與麼問只向道靈山授記未到如此待他擬議  
拈果子劈面便擲不唯塞斷咽喉免見後人妄生  
卜度 淨慈昌云洞山雖然掇得果卓去要且塞

支那

宗門統要續集卷十四

七

傾四

泰首座口不得

師示衆云兄弟秋初夏末東去西去直須向萬里無  
寸草處去始得只如萬里無寸草處作麼生去後有  
舉似石霜霜云出門便是草師聞乃云大唐國裏能  
有幾人

大陽玄云如今直道不出門亦草漫漫地且道合  
向甚麼處行履良久云莫守寒巖異草青坐著白  
雲宗不妙

續白雲端云若見得菴主便見得洞山若見得洞  
山便見得菴主見洞山卽易見菴主卽難爲他不

宗門統要續集

爲住持之絆不見道雲在嶺頭開不輟水流澗底  
太忙生 馮山果云斬釘截鐵豁開向上玄關語  
諦言誠且指當人要路且道你作麼生會出門便  
是草石霜恁麼道上封恁麼舉你諸人不得動著  
動著三十棒 徑山果云師子一滴乳迸散十斛  
驢乳

師因僧問時時勤拂拭莫遣惹塵埃爲什麼不得他  
衣鉢師云直饒道本來無一物也未合得他衣鉢僧  
云甚人合得師云不入門者僧云只如不入門者還  
得也無師云雖然如此不得不與他

支那

宗門統要續集卷十四

八

傾四

師或問道道本來無一物猶未消得他衣鉢這裏合  
下得箇什麼語有一僧下九十六轉語不愜師意末  
後一轉始契師云闍黎何不早與麼道時有一僧傍  
聽只不聞末後一轉語遂請益其僧竟不與舉如是  
三年執侍巾瓶一日因疾僧云某甲請舉前話不蒙  
慈悲善取不得惡取遂持刀向前云若不與某甲舉  
卽便殺上座也僧悚然云闍黎且待我爲汝舉乃云  
直饒將來亦無處著其僧作禮

雪竇顯云他既不受是眼將來必應是瞎還見祖  
師衣鉢麼若於此入門便乃兩手分付非但大度



嶺頭一箇提不起設使合國人來且款款將去

翠巖芝云總不合得他衣鉢却與古佛同參且道

參阿誰

續天童覺云長蘆則不然直須將來若不將來爭知不受將來底必應是眼不受底真箇是瞎還會麼照盡體無依通身合大道靈隱嶽舉翠巖語了云到江吳地盡隔岸越山多

師問雲巖和尚百年後忽有人問還貌得師真如何祇對巖云但向伊道只這是師良久巖云承當這箇事大須審細後因供養雲巖真有僧問先師道只這

文淵閣

宗門統要續集卷十四

九

傾四

是莫便是否師云是僧云意旨如何師云當時幾錯會先師語僧云未審先師還知有也無師云若不知有爭解恁麼道若知有爭肯恁麼道

長慶稜云既知有爲甚恁麼道又云養子方知父慈

師因辭京兆興善平禪師平云什麼處去師云沿流無定止平云法身沿流報身沿流師云總不作此解平乃撫掌

保福展云洞山自是一家乃別云覓得幾人

師因夜叅不點燈有僧出問話退師令侍者點燈遂

召適來問話僧出來其僧近前師云將取三兩粉與這箇上座其僧拂袖而退自此有省遂罄捨衣資設齋得三年後辭師師云善爲時雪峯待次問云只如這僧辭去幾時却來師云他只知一去不解再來其僧歸堂衣鉢下坐化及人報師云雖然如此猶較老僧三生在

師因普請次巡察去見一僧不赴普請師問你何不去僧云某甲不安師云你尋常健時何曾去來師於扇上書佛字雲巖見却書不字師又改作非字雪峯見乃一時除却

文淵閣

宗門統要續集卷十四

十一

傾四

續興化獎代云吾不如汝白楊順云我若作洞山只向雪峯道你非吾眷屬天鉢元云洞山雲巖平地起堆雪峯老漢因事長智

師問僧什麼處去來僧云遊山來師云還到頂頭麼僧云到師云頂上有人不僧云無人師云你不曾到頂頭來僧云若不到爭知無人師云聞黎何不且住僧云某甲住卽不辭西天有人不肯在

師問僧名什麼僧云某甲師云阿那箇是你主人翁僧云見祇對次師云苦哉苦哉今時人例皆如此祇認得驢前馬後底將爲自己佛法況此也是客中辨



主尚未分明如何辨得主中主僧便問如何是主中主師云闍黎自道取僧云某甲道得即是客中主如何是主中主師云與麼道即易相續也大難

師因與雲居渡水師問水深淺居云不濕師云麤人居云請師道師云不乾

續五祖演云二人恁麼說話還有優劣也無山僧今日因行掉臂爲你諸人說破過水一句不濕庫藏真珠堆積過水一句不乾無錐說甚貧寒乾濕二途俱不涉任他綠水與青山

師在泐潭見初上座示衆云也太奇也太奇佛界道

法華

宗門統要續集卷十四

十一

傾四

界不思議師云佛界道界即不問且如說佛界道界是什麼人只請一言初良久師云何不急道初云爭即不得師云道也未曾道說甚麼爭即不得初不語師云佛之與道只是名字何不引教初云教道什麼師云得意忘言初云猶將教意向心頭作病在師云說佛界道界病大小初明日忽遷化時號問煞首座

師因一僧在延壽堂不安要見師師遂至僧云和尚何不救取人家男女師云你是什麼人家男女僧云某甲是大闍提人家男女師良久僧云四山相逼時

宗門統要續集

如何師云老僧亦曾從人家簷下過僧云回互不回互師云不回互僧云教某甲向其處去師云粟舍裏去僧噓一聲云珍重便坐脫師以拄杖敲頭三下云汝只解與麼去不解與麼來

續昭覺勤云大凡行脚人正要透脫這一件事這僧既是大闍提人家男女直至四山相逼手脚忙亂若不是洞山具大慈悲放一線道與他平展爭解恁麼去所以古人道臨終之際若一毫頭聖凡情量未盡未免入驢胎馬腹裏去只如洞山道我也亦從人家簷下過粟舍裏去鼎鼎礙四山不礙

法華

宗門統要續集卷十四

十三

傾四

四山到這裏須是桶底子脫始得且道洞山意作麼生還會麼金鷄啄破琉璃殼玉兔挨開碧海門師因僧問三身中那身說法師云吾常於此切僧後問曹山洞山道吾常於此切意旨如何曹云要頭所將去僧又問雪峯峯以拄杖劈口打云我也曾到洞山來

承天宗云一轉語海晏河清一轉語風高月冷一轉語騎賊馬赴賊試請辨看忽有箇衲僧出來道總不與麼也許伊具一隻眼

師因僧問寒暑到來如何回避師云何不向無寒暑

處去僧云如何是無寒暑處師云寒時寒殺閹黎熱時熱殺閹黎

投子同云幾乎與麼去

續瑯琊覺云我卽不然如何是無寒暑處僧堂裏去雲居舜云大小瑯琊作這箇去就山僧卽不然如何是無寒暑處三冬向暖火九夏取涼風寶峯文云大衆若也會得不妨神通遊戲一切臨時寒暑不相干若也不會且向寒暑裏經冬過夏上封才云洞山一句可謂主賓交參正偏涉入諸人如今向甚處回避無事上山行一轉借問諸

文淵

宗門統要續集卷十四

十三

傾四

人會也無 泐潭準云若爲人時冰也暖不爲人時火也寒

師示衆云有一人在千人萬人中不肯一人不向一人你道此人具何面目雲居出云某甲叅堂去

潭州神山僧密禪師與洞山行次忽見白鹿走過師云俊哉洞云作麼生師云大似白衣拜相洞云老老大大作這箇說話師云你作麼生洞云積代解纓暫時落薄

師因與洞山行次洞指路傍院云裏面有人說心說性師云是誰洞云被師伯一問直得去死十分師云

說心說性底誰洞云死中得活

師把針次洞山問作什麼師云把針洞云把針事作麼生師云針針相似洞云二十年同行作這箇語話豈有與麼工夫師云長老又作麼生洞云如大地火發底道理

幽溪和尚因僧問大用現前不存軌則時如何師起遶禪牀一匝而坐僧欲進語師遂與一踏僧歸位立師云汝與麼我不與麼汝不與麼我却與麼僧再擬進語師又與一踏云三十年後吾道大行

續天童華云善射者箭不虛發若是箇漢何處更

文淵

宗門統要續集卷十四

十四

傾四

有幽溪雖然如是最初一踏何異最後一踏

澧州夾山善會禪師嗣船會下有一僧到石霜入門便道不審霜云不必問黎僧云與麼則珍重又到巖頭亦云不審頭乃噓兩聲僧云與麼則珍重纔回步頭云雖是後生亦能管帶其僧歸舉似於師師明日陞堂乃喚昨日從石霜巖頭歸底阿師出來如法舉似前話僧纔舉了師云大衆還會麼若無人道老僧不惜兩莖眉道去也乃云石霜雖有煞人刀且無活人劍巖頭亦有煞人刀亦有活人劍

師因西川座主遊方至白馬舉華嚴經問一塵含法

界無邊時如何白馬云如車二輪如鳥兩翼王云將謂禪門別有奇特元來不出教乘乃回本地後聞師盛化遣小師持前語來問師師云雕沙無鏤玉之談結草乘道人之思小師回舉似王乃讚歎將謂禪門與教意不殊元來有奇特事

師因有問如何是夾山境師云猿抱子歸青嶂裏鳥銜花落碧巖前法眼道老僧二十年只作境話會

浮山遠云直饒不作境話會亦未會在何故犀因翫月紋生角象被雷驚華入牙 瑯琊覺云且道如今怎生會良久云上士遊山水中人坐竹林

文淵  
撰述

宗鏡錄卷十四

十五

頌四

續黃龍心拈拂子云看看拂子變作夾山老子出來見麼有僧云謝和尚指示心云見你不顧而今却入露柱中去也 黃龍新云這僧分明問境法眼因甚不作境會既不作境會作麼生會長憶江南三月裏鷓鴣啼處百花香 黃龍震云直饒法眼盡力踣跳也出夾山總續不得法眼既出不得且道是什麼人出得乃豎起拂子云須是這老漢始得

師嘗遣一小師遊歷禪肆殊無趣向及聞師道譽振遠乃回省觀云和尚有如是奇特事何不早向某甲

宗門統要

說師云汝蒸飯時吾爲汝著火汝行益時吾則展鉢什麼是孤負汝處小師因而悟入

師問僧甚處來僧云洞山師云洞山有何言教僧云洞山尋常許人三路學所謂玄路鳥道展手師云實有此語不僧云實有師云執持千里鈔林下道人悲師示衆云百草頭薦取老僧關市裏識取天子

雲門偃云蝦蟇鑽你鼻孔毒蛇穿你眼睛且向葛藤裏會取 雲峯悅云雲門與麼道大似和泥脫鑿若無後語疑殺天下人山僧今日因行不妨掉臂乃豎起拄杖云還見雲門麼

文淵  
撰述

宗鏡錄卷十四

十六

頌四

續保寧勇云百草頭上分明顯露爲甚不薦關市裏終日相逢爲甚不識未開眼者且莫錯怪夾山雖然如是干保寧什麼事 雲居舜云古人與麼實爲慈悲大衆且作麼生是關市門頭天子會麼愁人莫向愁人說說向愁人愁殺人又舉了云我則不然婦搖機軋軋兒弄口喝喝 徑山杲云夾山垛生招箭雲門認賊爲子雖然如是知恩者少負恩者多

師示衆云我二十年住山未嘗舉著宗門中事一日有僧問承和尚有言二十年住山未嘗舉著宗門中



事是不師云是僧便掀倒禪牀師休去至明日普請掘一坑令侍者請昨日問話僧來云老僧二十年只說無義語今請上座打殺老僧埋向坑中便請便請上座若不打殺老僧上座自著打殺埋此坑中始得其僧歸堂裝束潛去

續蔣山勤云夾山濁時頭尾皆濁這僧清時始終俱清後人不會盡云這僧怕被打殺潛然而去殊不知綿裏有針這僧好即好只是少一轉語待夾山云闍黎若不打殺老僧闍黎自著打殺埋向坑中只近前兩手擘開眼云猫

文淵閣

宗門統要續集卷十四

十七

傾四

師因湖南虎頭上座叅師問甚處來頭云湖南來師云曾到石霜麼頭云要路經過爭得不到師云承聞石霜有毬子話是不頭云和尚也須急著眼師云作麼生是毬子頭云躍不出師云作麼生是毬杖頭云勿手足師云老僧不曾與闍黎相識出去

雪竇顯云親見這僧從石霜來夾山因什麼道不相識

續智海逸云夾山恁麼道肯這僧不肯這僧若辨得出許你具擇法眼 徑山策云入虎穴者不畏死登危竿者不怕險這僧要路經過夾山因茲落

草檢點將來未免如猫弄鼠塗毒若作夾山待他道和尚也須急著眼即和聲打出便向道淨地上不要放屁還知麼傷龜怨龜殺活由我

師次日陞座云昨日新到在麼虎頭出應語師云目前無法意在目前不是目前法非耳目之所到頭云今日雖同要且不是師云片月雖明非關天地頭云莫冢沸便作掀禪牀勢師云且緩緩虧著上座什麼處頭豎起拳云目前還著得這箇麼師云作家作家頭又作掀禪牀勢師云太衆看這一員戰將若是門庭布列山僧不如若據入理之談也較山僧一級地

文淵閣

宗門統要續集卷十四

十八

傾四

續東禪嶽云夾山口吹無孔笛手提毬拍板大家唱云去年梅今歲柳顏色聲依舊且道是何曲調還會麼曲終人不見江上數峯青

師因僧問撥塵見佛時如何師云欲知此事直須揮劍若不揮劍漁父棲巢後僧如前問石霜霜云渠無國土甚處逢渠僧却舉似師師云門庭施設不無夾山入理深談猶較石霜百步

續護國元云叅須實叅見須實見毫端許言之本末皆爲自欺今夜忽有人問三峯撥塵見佛時如何和聲便打還會麼真金自有真金價終不和沙



賣與人

鼎州德山宣鑒禪師嗣龍潭信小叅示衆云今夜不答話有問話者三十棒時有僧出禮拜師便打僧云某甲話也未問爲甚打某甲師云你是甚處人僧云新羅人師云未跨船舷好與三十

法眼益云大小德山話作兩橛 德山密云大小德山龍頭虵尾 雪竇顯云此二老宿雖善裁長補短舍重從輕要見德山老漢亦未可在何故殊不知德山握閫外之威權有當斷不斷不招其亂底劍諸人還識新羅僧麼只是撞著露柱底瞎漢

文淵

宗門統要續集卷十四

十九

傾四

芭蕉徹云作死馬醫 瑯琊覺云德山何似履春冰雖然如是如猫弄鼠 瀉山詰云德山大似清平世界銍甲磨槍這僧不惜性命身挨白刃法眼道話作兩橛大似藥病相治圓明道龍頭虵尾也是金鎗難辨雪竇道撞著露柱底瞎漢截斷眾流如今還有人爲新羅僧作主麼出來與大瀉相見乃豎拂云去去西天路迢迢十萬餘續翠巖芝云時人盡道德山作家用得好若與麼會還曾夢見麼山僧道德山被這僧一推直得瓦解冰消雖然如是今時覓一箇尊宿也大難得

五祖演云衆中舉者甚多會者不少且道向甚處見德山有不顧性命底出來道看若無山僧爲大衆與德山相見去也待德山道今夜不答話問話者三十棒但問道某甲話也不問棒也不喫你道還契他德山麼到這裏須是箇人始得 黃龍清云雖則雪竇高提祖令坐斷寰區只解瞻前不能顧後這僧堂堂出來什麼處是撞著露柱處還有人辨得麼若也辨得不唯與新羅僧雪屈亦見當人眼目分明若辨不得非唯新羅僧撞著露柱盡大地衲僧箇箇出來撞著露柱 南堂靜云德山

文淵

宗門統要續集卷十四

二十一

傾四

老人寂寂惺惺法眼圓明精精靈靈六韜三略武緯文經新羅衲子有丙無丁 丹霞淳云諸方盡道這僧纔出德山便打末後却道未跨船舷好與三十棒是話作兩橛處龍頭虵尾處若與麼會大似盲人摸象非唯不曾夢見德山自己亦乃未有參學眼在何故殊不知德山韜略雙全文武兼備放開則大野風行把住則碧天星落然則貪扶正宗步步登高仔細觀來一向只顧他非不能自省已過這僧當時若是箇作家直饒德山通身是手眼也須放下拄杖子豈不見道大丈夫將虎負未

為分外這僧既無奪驪龍珠之手段致使德山令  
行一半如今眾中莫有為新羅僧雪屈者麼便請  
掀倒禪牀喝散大眾丹霞這裏不學德山倚勢欺  
人却分半院與之住為甚如此深嗟季運一將難  
求若無實說異獸藏頭角靈禽惜羽毛 昭覺勤  
云德山大似金輪聖主寰中獨據四方八表無不  
順從等閑布一勅施一令直得草偃風行若不是  
這僧爭見殺活擒縱威權自在法眼圓明雪竇雖  
則直指單提各能扶豎德山要且只扶得末後句  
未扶得最初句且作麼生是德山最初句大鵬欲

支那

宗門經義續集卷十四

三十一

傾四

展摩霄翅誰顧崩騰六合雲 護國元云忒煞倚  
勢欺人山僧見處也要諸人共知這僧當時若是  
箇漢待他道你是甚處人便與掀倒禪牀剔起便  
行直饒德山牙如劒樹口似血盆也須倒退三千  
里何故識法者懼 淨慈一云這僧赤肉挨他白  
刃也不易抵當當時若是箇漢纔見他道今夜不  
答話問話者三十棒便與掀倒禪牀喝散大眾奪  
德山棒倒行正令去直饒德山全機也須倒退三  
千里

師到瀉山挾複子直上法堂從西過東從東過西顧

視方丈偶瀉山坐次殊不顧盼師乃云無無使出雪寶  
著語勸至門首却云也不得草草重具威儀再入相  
見纔跨門便提起坐具云和尚瀉山擬取拂子師便  
喝拂袖而出雪寶著語瀉山至晚問首座今日新到  
在甚處座云當時背却法堂著草鞋去也瀉山云還  
識此人座座云不識瀉山云此箇阿師已後向孤峯  
頂上盤結草庵訶佛罵祖去在

雪竇顯云雪上加霜 五祖戒云德山大似作賊  
人心虛瀉山也是賊過後張弓

師因侍龍潭抵夜潭云夜洙子何不去師遂珍重

支那

宗門經義續集卷十四

三十二

傾四

揭簾而出見外面黑却回云外面黑潭乃點紙燭度  
與師擬接潭便吹滅師忽有省便作禮潭云子見箇  
什麼道理師云某甲從今日去不疑天下老和尚舌  
頭也至明日龍潭陞堂云可中有箇漢牙如劒樹口  
似血盆一棒打不回頭他時向孤峯頂上立吾道在  
師遂取疏鈔於法堂前將一炬火提起云窮諸玄辯  
若一毫置於太虛竭世樞機似一滴投於巨壑將疏  
鈔燒却於是禮辭

師因一僧相看乃近前作相撲勢師云與麼無禮合  
喫山僧手裏棒僧拂袖便行師云饒汝如是也只得

一半僧轉身便喝師打云須是我打你始得僧云諸方有明眼人在師云天然有眼僧壁開眼云猫便出師云黃河三千年一度清

續天童華云這僧是透關底漢若非德山本分鉗鎚幾乎死在句下只如德山道黃河三千年一度清又作麼生嶺梅殘雪裏雲鬢未梳時

師一日見僧來乃閉却門僧敲門師云阿誰僧云師子兒師便開門僧纔設拜師驀項騎云這畜生甚處去來

師示衆云問卽有過不問又乖時有僧纔出作禮師

〔教訓〕

甯紹興續集十四

二十三

傾四

便打僧云某甲話也未問爲甚便打某甲師云待你開口堪作什麼

師垂示云我先祖見處卽不然這裏無佛無祖達磨是老臊胡釋迦是乾屎橛文殊普賢是擔屎漢等覺妙覺是破執凡夫菩提涅槃是繫驢橛十二分教是神鬼簿是拭瘡疣紙四果三賢初心十地是守古冢鬼自救不了

雲門偈云讚佛讚祖須是德山老人始得 瑯瑯覺云諸方若與麼會入地獄如箭射只如雲門與麼道也是入地獄如箭射

洪州寶峯和尚因僧從巖頭來師豎起拂云落在此機底人未具眼在僧擬近前師云恰落在此機僧回舉似巖頭云我當時見奪却拂子看他作麼生師聞乃云我豎起拂子從伊奪總不將物又作麼生巖頭聞得又云無星秤子有什麼辨處

師因僧忝師云其中事卽易道不落其中事始終難道僧云某甲在路時便知有此一問師云更與二十年行脚也不較多僧云莫不契和尚意麼師云苦心那堪待客

〔教訓〕

甯紹興續集十四

二十四

傾四

峯云三世諸佛總在裏許峯云須知有不在裏許者師云不快漆桶又一日與峯遊山峯云那箇是龍眠路師以杖指之峯云東去西去師云不快漆桶又一日峯問此間還有人參也無師將鋤頭拋向面前峯云與麼則當處掘去也師云不快漆桶峯又問一鎚便成時如何師云不是性懔漢峯云不假一鎚時如何師云不快漆桶

雪竇顯云然則一期折挫雪峯且投子是作家鑪鞴我當時若作雪峯待投子道不是性懔漢只向伊道鉗鎚在我手裏諸上座合與投子著得箇甚



麼語若能道得便乃性懃平生光揚宗眼若也瞞  
預預上一椎莫言不道 瀉山詰云雪峯雖是本  
分鉗鎚爭奈投子是作家鑪鞴山僧今日亦爲諸  
人開箇鑪鞴衆中還有本分鉗鎚者麼如無山僧  
爲你諸人下一鎚直是火星迸散乃卓拄杖云看  
看諸人護取眉毛好  
續東禪觀云與麼對喚作作家鑪鞴正是認狸  
爲虎自取疑怖若據性空見處投子心肝五臟被  
雪峯盡情樓出

師在桐城縣因趙州和尚問莫便是投子菴主麼師

文淵  
撰述

宗門統要續集卷十四

二十五

傾四

云茶鹽錢布施我來趙州先歸菴晚間見師自携油  
回趙州云久嚮投子到來祇見賣油翁師云你祇見  
賣油翁且不識投子趙州云如何是投子師提起油  
瓶云油油

續南堂靜云趙州作家鑪鞴要般百煉精金投子  
本分鉗鎚不免途中受用諸人還見二老落處麼  
十年辛苦無人問一旦成名天下知

師因巨榮禪客叅乃云老僧未曾有一言半句掛諸  
方脣齒何用要見山僧榮云到這裏不施三拜要且  
不甘師云出家兒得與麼沒碑記榮乃遶禪牀一匝

而去師云有眼無耳埽六月火邊坐

雪竇顯云也不得放過纔纔便擒住是誰不甘若  
跳得出不妨是一員衲僧 瀉山詰云這僧雖是  
慣戰沙場爭奈投子善能折挫何故真金若不經  
鑪冶爭得光華徹底鮮

師因僧問如何是十身調御師下禪牀立又有問凡  
聖相去多少師下禪牀立

雪竇顯云此公案諸人無不委知若與麼舉天下  
衲僧盡爲念話社家雪竇還有長處也無試爲大  
衆舉看凡聖相去多少投子下禪牀立如何是十

文淵  
撰述

宗門統要續集卷十四

二十六

傾四

身調御投子下禪牀立且道與前來舉底是同是  
別若道一般許上座具一隻眼若道別有奇特也  
許上座具一隻眼復更開一線道凡聖相去多少  
請上座下一轉語如何是十身調御請上座答一  
轉語非但參見投子亦乃知雪竇長處或若總道  
下禪牀立惜取眉毛好

續五祖演云或有人問山僧亦下禪牀立爲什麼  
却依樣畫貓兒待我計較得成却向你道

師因僧問一切聲是佛聲是不師云是僧云和尚莫  
尿沸碗鳴聲師便打又有問巖言及細語皆歸第一



義是不師云是僧云喚和尚作一頭驢得麼師便打師因僧問依稀似半月髣髴若三星乾坤收不得師於何處明師云道什麼僧云想師只有湛水之波且無滔天之浪師云閑言語

雪竇顯云投子古佛不可道不知若檢點來直是天地懸隔纔問和聲便打

湖州道場山如訥禪師因僧問如何得見聞性不隨緣師云汝聽看僧作禮師云聾人也唱胡家曲好惡高低自不知僧云聞性宛然也師云石從空裏立火向水中焚

支那

宗門統要續集卷十四

二十七

傾四

東山光仁禪師一日陞堂大眾集定未登座乃云不負平生眼目置箇問訊來有麼時有僧出作禮師云負我且從大眾何也便歸方丈異日有僧請益云和尚陞堂云負我且從大眾何也意旨如何師云齋時有飯與汝喫夜間有牀與汝睡一向煎逼我作麼僧禮拜師云苦苦僧云乞師指示師垂下一足云展縮一任老僧

宗門統要續集卷第十四

音釋

憎懂

憎母總切懂親動切

欽

遷遙切

覓

俠瀾切

澧

里弟切

名鏤

彫刻也

車

乙點

鏗

除孟切

尿

冬毒切

刑部郎中金壇于玉立施贊刻此  
宗門統要續集第十四卷  
計字九千四百六  
平湖該銀四兩九錢二分  
萬曆丁未秋八月徑山寂照庵識

支那

宗門統要續集卷十四

二十八

傾四

宗門統要續集卷第十五

宋建溪沙門宗永集

元建康保寧禪寺住持沙門清茂續集

青原下第五世

筠州九峯道虔禪師嗣石霜諸因僧問諸聖間出只是箇

傳語底人豈不是和尚語師云是僧云只如世尊生

下一手指天一手指地云天上天下唯我獨尊爲什

麼喚作傳語底人師云爲他指天指地所以喚作傳

語底人其僧休去

師在石霜爲侍者因普會遷化衆舉首座住持師云

文  
樞述

宗門統要續集卷十五

一

傾五

須明得先師意始可住遂問先師道如古廟裏香爐  
去冷湫湫地去如一條白練去口邊生醜去首座作  
麼生會座云明一色邊事師云未曾會先師意在不得  
住座云裝香來我若不會先師意香煙起時脫去不  
得及至香煙纔起首座脫去師乃於背上撫云坐脫  
立亡即不無首座先師意未夢見在

續雲居舜云汝等諸人作麼生會諸人會處便道

首座與麼說道理所以虔侍者不肯山僧道侍者

平生只具一隻眼 南堂靜云要識虔侍者麼只

是急殺人底漢子要識首座麼也只是孟春猶寒

仲春漸暖季春漸暄忽有人喚和尚和尚啞賴他

喚一聲若不喚一聲念到臘月三十日也未了在

開福寧云大衆且道首座是會先師意不會先

師意若道會爭奈虔侍者撫背云坐脫立亡即不

無首座先師意未夢見在若道不會其奈首座良

哉快便撒手便行且道利害在什麼處會麼路遠

夜長休把火大家吹滅暗中行 南華曷云透生

死關高超物表秉殺活劍獨據寰中若非智眼洞

明未免扶籬摸壁要會麼春蘭與秋菊各自一時

榮 薦福行云大凡本分法席肘臂欲其重非重

文  
樞述

宗門統要續集卷十五

二

傾五

不能權衡佛祖爪牙欲其利非利無以開托人天  
看他石霜遷化首座侍者各出一隻手扶持石霜  
宗旨直是光前絕後今古罕聞諸人要辨來端各  
請拗折弓箭踏翻射垛來與老僧相見 徑山杲  
云兩箇無孔鐵鎚就中一箇最重

河中南際僧一禪師到雪峯數日次到玄沙沙云此

事唯我能知長老作麼生會師云須知有不求知者

沙云山頭老漢用許多辛苦作麼

雪竇顯別際語云雪峯門下幾箇如斯

台州涌泉景欣禪師因彊德二禪客到於路次見師

騎牛不識乃云蹄角甚分明爭奈騎者不識師驟牛而去二禪客相次憇於樹下煎茶師却回下午近前問訊與坐喫茶師乃問近離甚處客云那邊師云那邊事作麼生客提起茶盞師云此猶是這邊那邊事作麼生二人無對師云莫道騎者不識好

續保寧勇代師指叅隨人云歸到山中分明舉似師因雪峯來訪乃門送峯入轎了師云這箇四人昇那箇幾人昇峯乃踊身起云道什麼師再問峯云行行他不曾師云知卽知祇是道不得

潭州雲蓋志安禪師一本曰志元非因僧問石霜萬戶俱閉

宗門統要續集卷十五

三

三

傾五

時如何霜云堂中事作麼生僧經半年方始道得云無人接渠霜云道也太煞道祇道得八九成師聞却禮請石霜爲道霜不道師乃抱霜從方丈後去坐云和尚若不道須打和尚去霜云得在師乃禮拜不住霜云無人識渠師於言下有省

翠巖芝云先行不到末後太過

續天童覺云秘密田地忌墮功勳貼肉衣裳會須脫去囊中辨的量外之機須仔細始得同中之異灼然尚帶依稀異中之同直是難臻妙極還知石霜父子轉側處麼燭曉玉人初夢破夜寒青女未

登機

師初到雲居問某甲不奈何時如何居云祇爲工夫不到師不肯直造石霜又如是問霜云非但問黎老僧亦不奈何師云和尚爲甚不奈何霜云老僧若奈何拈過汝不奈何師乃作禮求入室

師因道正奏表聞馬王乞與師論議馬王遂請師至具云茶罷師就大王借一口劍乃握劍問道正云爾本教道恍恍惚惚其中有物是何物杳杳冥冥其中有精是何精若道得卽不斬道不得卽斬道正遽設拜哀求師謂大王云還識此人麼大王云識師云是

宗門統要續集卷十五

四

四

傾五

誰王云道正師云不是其道若正合對得臣僧此只是箇無王孤鬼因斯道門不復紛紜

福州覆船山荐禪師因僧問鈎錐不到處請師道師良久僧云掣電之機徒勞佇思師云出格一句汝試道看僧近前三步却退後師云此是出格句卽今事作麼生僧以袖拂一拂便出師云也是天津橋上漢續昭覺勤云這僧渾金璞玉覆船大冶宏開百煉千煅成一箇金剛王寶劍還委悉麼也是天津橋上漢北斗南頭著眼看

師因僧問如何是師子子師云善能哮吼僧撫掌云



好手好手師云青天白日却被鬼迷僧作掀禪牀勢師便打僧云驢事未了馬事到來師云灼然是作家僧拂袖出去師云將甌盛水擬比大洋

鳳翔府石柱禪師遊方到洞山第三代處林也青見語云有四種人一人說過佛祖一步行不得一人行

過佛祖一句說不得一人說得行得一人說不得行不得那箇是其人師出衆云一人說過佛祖一步行不得者只是無舌不許行一人行過佛祖一句說不得者只是無足不許說一人說得行得者只是面蓋相稱一人說不得行不得者如斷命而求活此是石

支那

宗門統要續集卷十五

五

傾五

女兒披枷帶鎖洞云閣黎分上又作麼生師云該通會上卓卓寧彰洞云只如海上明公秀又作麼生師云幻人相逢撫掌呵呵

撫州曹山本寂耽章禪師洞因僧問學人抱璞投

師請師雕琢師云不雕琢僧云爲甚不雕琢師云須

知曹山好手

師一日聞鐘聲乃云阿哪阿哪僧云和尚作麼師云

打著我心

五祖戒代僧云作賊人心虛

師問僧甚麼處來僧云掃地來師云佛前掃佛後掃

僧云佛前佛後一時掃師云與我講契契來

五祖戒出僧語云和尚是何心行

師示衆云諸方盡把格則何不與他道一轉語教伊不疑去雲門便問密密處處爲甚不知有師云祇爲密密所以不知有雲實別云達磨來也門云此人何如親近師云莫向密密處處親近門云不向密密處處親近時如何師云始解親近門應諾諾

續徑山杲云濁油更著濕燈心

師因米和尚至未相見米遂坐却禪牀師更不出米便去主事遂問和尚禪牀爲什麼被別人坐却師云

支那

宗門統要續集卷十五

六

傾五

去後却還來米果回與師相見米到大同并操禪師處因緣多類此

師問彊德二上座菩薩在定聞香象渡河出什麼經

座云出涅槃經師云定前聞定後聞座云和尚流也

師云道也太煞道始道得一半座云和尚如何師云

灘下接取

師因僧問承教有言大海不宿死屍如何是海師云

包含萬有僧云爲甚麼不宿死屍師云絕氣息者不

著僧云既是包含萬有爲甚麼絕氣息者不著師云萬

有非其功絕氣息者有其德僧云未審向上還有事

也無師云有僧云如何是向上事師云道有道無卽



得爭奈龍王按劍何

師因鏡清問清虛之理畢竟無身時如何師云理卽如此事作麼生清云如理如事師云瞞曹山一人卽得爭奈諸聖眼何清云若無諸聖眼爭鑒得箇不與麼師云官不容針私通車馬

瀉山詰云曹山雖然善能切磋琢磨其奈鏡清玉本無瑕要會麼不經敏手終成廢器

洪州雲居道膺禪師問僧念什麼經僧云維摩經師云我不問你維摩經念底是什麼經僧因此有省師示衆云如人將三貫錢買一隻獵犬只解尋得有

文耶

宗門統要續集卷十五

七

傾五

蹤跡有氣息底忽遇羴羊掛角莫道蹤跡氣息也無僧便問羴羊未掛角時如何師云六六三十六僧云掛角後如何師云六六三十六僧便作禮師云會麼僧云不會師云豈不見道絕蹤跡其僧後舉似趙州州云雲居師兄猶在僧乃問羴羊未掛角時如何州云九九八十一

師因洞山問甚處去來師云踏山來洞云阿那箇山可住師云阿那箇山不可住洞云與麼則國內總被闍黎占却也師云不然洞云與麼則子得箇入路師云無路洞云若無路爭得與老僧相見師云若有路

卽與和尚隔生也洞云此子已後千人萬人把不住師問雪峯門外雪銷也未峯云一片也無銷箇甚麼師自云銷也

保福展云要且無雪上加霜

師因僧問如何是諸佛師師喝云這田庫奴僧禮拜師云你作麼生會僧喝云這老和尚師云元來不會僧作舞而出師云公臺檠乞兒

續昭覺勤云識機別宜休咎有回互轉關底眼千百人中難得一箇半箇爲什麼却成公臺檠乞兒去也是憐兒不覺醜何山珣云翻手爲雲覆手

文耶

宗門統要續集卷十五

八

傾五

爲雨王賓互換當機作舞堪笑公臺檠乞兒也是面南看北斗

師示衆云老僧二十年前住三峯菴時魏府興化長老來問權借一問以爲影草時如何老僧當時機思遲鈍道不得爲伊置得箇問頭奇特不敢孤他伊云想菴主答這話不得不如禮拜了退而今思量當時不消道箇何必後遣化主到魏府興化乃問山中和尚住三峯菴時老僧曾問伊話祇對不得而今道得也未主遂舉前話興化云雲居二十年只道得箇何必興化卽不然爭如道箇不必

三聖然云雲居二十年道得底猶較他興化半月程

續保寧勇云明月照見夜行人 徑山杲云何必不必綿綿密密觀面當機有人續得末後句許伊親見二尊宿

師令侍者送袴與一住庵道者者云自有娘生袴竟不受師却令侍者去問娘未生時著箇甚麼道者無語後遷化燒得舍利持似師師云直饒燒得八斛四斗不如當初下取一轉語好

師在洞山作務次剗殺蚯蚓洞山指云這箇聾師云

宗門統要續卷十五

九

傾五

他不死山云二祖往鄴都又作麼生師不對後僧問師在洞山剗殺蚯蚓洞山問師豈不是無語師云當時有語只是無人證明

師因僧問山河大地從何而有師云從妄想有僧云與某甲想出一錠金得麼師便休去僧不肯

雲門偃云已是葛藤不能折合得待伊道想出一錠金得麼以拄杖便打

師因成尚書送供至書問如來有密語迦葉不覆藏此理如何師召云尚書書應諾師云會麼書云不會師云若不會如來有密語若會迦葉不覆藏

清涼欽云且道喚底是密語應底是密語若也應喚總是去卽不密也且道作麼生是密語時有僧問欽云何曾得密來 東林總云怪哉弘覺二十年羴羊掛角絕跡亡蹤及乎被尚書一問直得帶水拖泥遭人笑怪法燈也是日午點燈夜半撥墨東林不然如何是密語却向伊道甚處不密且道與麼道還有過也無良久云更不用別人

續東禪觀云逢人且說三分話未可全拋一片心師臨順世時問侍者今日是幾者云今日初三師云三十年後但道只這是乃端然告寂

宗門統要續卷十五

十一

傾五

漳州龍牙居遁禪師初叅翠微乃問如何是祖師西來意微云與我過禪板來師纔過微接得便打師云打卽任打要且無祖師意又叅臨濟亦如是問濟令過蒲團師纔過濟接得亦打師云打卽任打要且無祖師意師住後有僧問和尚當年問二尊宿祖師意二尊宿明也未師云明卽明已要且無祖師意

五祖戒云祖師土宿臨頭又云和尚得與麼而長雪竇顯云臨濟翠微只解放不解收我當時若作龍牙待伊索蒲團禪板拈得劈臂便擲 翠巖芝云當初如是今時衲僧皮下還有血麼 滄山

詰云翠微臨濟可謂本分宗師龍牙一等是撥草  
瞻風與他後人爲龜鑒又舉住後僧問處乃云龍  
牙瞻前顧後應病與藥大瀉則不然待問當年二  
尊宿明不明劈脊便棒非唯扶豎翠微臨濟亦乃  
不孤他來問 石門聰云龍牙無人授著猶可纔  
被箇衲子授著失却一隻眼  
續昭覺勤云這僧叅來莽箇學處顛顛雖然顧後  
瞻前爭奈藏身露影既是無祖師西來意用明作  
麼若向這裏辨得出山僧與你拄杖子若辨不出  
和鼻孔一時穿却

文部  
機語

宗門統要續集卷十五

上

傾五

師問德山學人仗鎧鎧取師頭時如何山引頸近前  
云因師云頭落也山呵呵大笑師後到洞山舉似前  
話洞云德山道什麼師云山無語洞云莫道無語且  
將德山落底頭呈似老僧看師方省便懺謝後有舉  
似德山山云洞山老人不識好惡這漢死來多少時  
救得有甚用處

保福展云龍牙只知進前不知失步 翠巖芝云  
龍牙當斷不斷如今作麼生斷

續法華舉云諸上座莫是德山無機鋒麼爲當別  
有道理良久云德山引頸龍牙獻劍 東禪觀云

龍牙抱劍傷身自招過咎德山爲頭作王幸好機  
籌忽被洞山指蹤不覺尾巴露出  
師因僧問十二時中如何用力師云如無手人行拳  
雲居齊云好言語且作麼生會嘗問一僧他道無  
手底人何更行得拳也及問伊佛法伊便休去將  
知露布說得無用處不如仔細體取古人意好  
大瀉秀云是則是又教人入陰界中作活計十二  
時中如何用力如有手人行拳又且如何  
續石門聰云道即太煞道只道得一半石門道如  
無舌人解唱歌始得

文部  
機語

宗門統要續集卷十五

上

傾五

襄州洞山三世師虔禪師後住青林凡有新到須擔柴三  
轉因一僧問三轉內即不問三轉外事如何師云鐵  
輪天子震中勅僧無語師打出院

大瀉秀云夫欲君臣道合應須水乳和同這僧既  
抗節朝堂不覺喪身失命當時見道鐵輪天子震  
中勅將坐具便撼待伊擬議便打

師因洞山問近離甚處師云武陵山云武陵法道何  
似此間師云胡地冬抽筍山云別甌炊香飯供養此  
人師便出去山云此子向後走殺天下人去在  
續鼓山永云恁麼祇對滴水難消因甚別甌炊香



飯

撫州疎山仁禪師因知事與造壽塔畢來白師云汝將多少錢與匠人知事云一切在和尚師云爲將三文與伊爲將兩文與伊爲將一文與伊若道得與吾親造塔知事無語後有僧舉似大嶺師也嶺云還有人道得麼僧云未有人嶺云汝却回舉似疎山道大嶺云若將三文與伊和尚此生決定不得塔若將兩文與伊和尚與匠人共出一隻手若將一文與伊累他匠人眉鬚墮落僧回舉似師師具威儀遙望禮拜歎云將謂無人大嶺古佛放光射此間雖然如是也

撰述

南統要續集卷十五

十三

傾五

是騰月蓮華大嶺後聞乃云我與麼道也是龜毛長數丈

浮山遠云疎山以錐錐地大嶺用刀剗空雖然二古德錯下錐刀今時人亦難構副何故後語中有稍有殺然雖如是河裏失錢河裏攏

續雪竇宗云說甚麼龜毛長數丈臘月蓮華盡是和承草裏輓直饒向這裏分三列四說得個儻分明祖師正眼未夢見在我當時若見疎山恁麼道只向道一文也無待他更說道理便與掀倒禪林拆却壽塔教這老漢無依倚處爲甚如此知恩方

解報恩

師示衆云老僧咸通年已前會得法身邊事咸通年已後會得法身上事雲門一日問承聞和尚道咸通年已前會得法身邊事是不師云是門云如何是法身邊事師云枯椿如何是法身上事師云非枯椿門云還許學人說道理也無師云許門云枯椿豈不是明法身邊事非枯椿豈不是明法身上事師云是門云法身邊事還該一切也無師云作麼生不該門指淨瓶云還該這箇麼師云闍黎莫向淨瓶邊會門乃作禮而退

撰述

南統要續集卷十五

十四

傾五

續徑山杲云雲門禮拜不是好心

師因爲山示衆云行脚高士直須向聲色裏睡眠聲色裏坐臥始得師乃出問如何是不落聲色句爲山豎起拂子師云此是落聲色句爲山歸方丈師不契便辭香嚴云何不且住師云和尚與某甲無緣嚴云有何因緣不契試舉看師遂舉前話嚴云某甲有箇語師云道什麼嚴云言發非聲色前不物師云元來此中有人乃囑嚴云你向後有住處某甲却來相見遂去後爲山問嚴云問聲色話底矮闍黎在麼嚴云已去也爲山曾舉向子麼嚴云某甲亦曾對他來爲



云試舉看嚴云言發非聲色前不物爲云他道什麼嚴云他深肯爲山失笑云我將謂這矮子別有長處元來只在這裏此子向去若有住處近山無柴燒近水無水喫

續天童華云在今天下覓一箇言發非聲色前不物底正如掘地覓天何況更要會他爲山說話雖然切忌鑽龜打瓦

澧州欽山文遠禪師遊方時同雪峯巖頭憩 占上喫茶師乃云不會轉身通氣者今日不得喫茶巖云若與麼我今日定不得茶喫雪峯云某甲亦然師云

支那

宗門統要續集卷十五

十五

傾五

這兩箇老漢話頭也不識巖云什麼處去師云布袋裏老鴉雖活如死巖頭退後云看看師云叢公且致存公作麼生峯畫一圓相師云不得不問巖笑云太遠生師云有口不得茶喫者多

續蔣山勤云欽山雖解轉身吐氣亦未有喫茶分何也話在

師因良禪客問一鏃破三關時如何師云放出關中主看良云與麼則知過必改師云更待何時良云好箭放不著所在使出師云且來闍黎良回首師把住云一鏃破三關卽且致試與欽山發箭看良擬議師

乃打七棒云且聽這漢疑三十年

同安察云良公雖發箭要且未中的有僧便問未審如何得中的安云關中主是什麼人其僧却舉似欽欽云良公若解與麼也免得欽山口雖然如是同安不是好心亦須看始得

師與巖頭雪峯同到德山師乃問天皇也與麼道龍潭也與麼道未審德山作麼生道山云汝試舉天皇龍潭底看師擬議山便打師被打歸延壽堂云是卽是打我太煞巖頭云汝與麼他後不得道見德山雪竇顯云諸德欽山置箇問端甚是奇特爭奈龍

支那

宗門統要續集卷十五

十六

傾五

頭虵尾汝試舉天皇龍潭底看以坐具便撼大丈夫漢捋虎鬚也是本分他旣不能德山令行一半令若盡行雪峯巖頭總是涅槃堂裏漢 翠巖芝云欽山只顧其前不顧其後如今作麼生與欽山出氣 五祖戒云德山只解打死欽山不會打活欽山 爲山詰云德山門下草偃風行大瀉不然待問未審和尚作麼生道劈脊便打且道德山是大瀉是會麼橫按鎖鑰全正令太平寰宇斬癡頑續天童華云宗師非具透關眼有格外機臨垂手之際又焉能辨其緇素只如德山令行一半雪竇

還免得也無既不能免當時從德山門下過也是喫棒底漢還見德山麼驀拈拄杖卓一卓賊是小人

師陞堂豎起拳又伸掌云開卽爲掌五指叅差復握拳云如今爲拳必無高下還有商量也無時有僧出衆豎起拳師云你祇是箇無開合漢

雪竇顯云我卽不然乃豎起拳云握卽爲拳有高下有下復開云開卽成掌無黨無偏且道放開爲人好把定爲人好開也造車握也合轍若謂閉門造車出門合轍我也知你向鬼窟裏作活計

方冊

示門統要續集卷十五

七

傾五

續蔣山勤云掌亦是手握亦是手商量箇什麼乃舉一足云展亦是脚收亦是脚無高無下不許商量且道與欽山是同是別

師與巖頭雪峯坐次洞山行茶來師乃閉眼洞云什麼處去來師云入定來洞云定本無門從何而入

老宿代云大人與麼會 雪竇顯別云當時但指巖頭雪峯云與這兩箇瞌睡漢茶喫

師到浴室下見僧踏水車次遂放却來問訊師云幸自轆轤地轉何須却恁麼僧云不恁麼又爭得師云若與麼欽山眼堪作什麼也僧云作麼生是和尚眼

師乃以手作撥眉勢僧云和尚又得與麼師云是爲我與麼便不得與麼僧無對師云索戰無功一場氣悶良久問僧云會麼僧云不會師云欽山爲汝擔一半

師因德山侍者來叅纔禮拜師把住云還甘欽山與麼也無侍者云某甲却悔久住德山今日無言可對師放却云一任你祇對者撥開胃云且聽某通氣一上師云德山門下卽得這裏一點也用不著者云久委欽山不通人情師云累他德山眼目叅堂去

續徑山策云殺人問人不殺撥胃吐氣彼此

方冊

示門統要續集卷十五

六

傾五

孟八直饒有始有終也是辱水相潑要識欽山與這僧麼李順王小破草鞋方十三李師囊破鞋

師一日在殿上看花次有僧問訊師拈起花葉云是世界非世界從此去僧云祇此手中底從什麼處去師與一掌云中底是什麼僧云因和尚所置累某甲喫個師云若與麼我還汝一摑將面近前僧云欽山與麼端正師云世界還有過我者也無僧云有師云誰僧提起袈裟角云空劫已前誰人辨得師云除却汝未有人敢與麼僧以袖遮面而去師云空招此患僧云苦苦師云如今不苦更待何時良久云汝且

道苦在甚麼處僧無語師云雷聲甚大雨點全無

師去看巖頭住菴人事了問師兄在此住持二時齋粥作麼生巖云每日受張四郎宅供養極是難消師云師兄受張四郎供養他時後日去他家作男作女巖以手作拳安於頭上師云與麼則向頂顙上生去也巖便喝師又云何如生取文遂去好巖又喝云我見汝三二十年鼓兩片皮直至如今猶作這箇去就便喝出張四郎却共師歸宅師乃垂淚云三十年同行有佛法不向文遂道至半夜又去敲門巖云阿誰師云文遂巖云這偷兒鬼去師云師兄師兄有佛法

支那

宗門統要續集卷十五

九

傾五

不向其甲道且乞師兄慈悲巖便開門爲他說細大法門方得安樂再迴澧州住示衆橫按拄杖在膝顧視云有麼有麼若無欽山唱菩薩蠻去也囉囉哩哩便下座

師初入洞山山問什麼處來師云大慈來山云還見大慈麼師云見山云色前見色後見師云非前後見山默置師乃云某甲離師太早不盡師意

京兆華嚴休靜禪師在洛浦作維那因普請白稚云上間搬柴下間鋤地時首座便問聖僧作麼生師云當堂不正坐那赴兩頭機

續泐潭準云也好箇消息華嚴和尚雖解臨時對

答應用不失其宜只解順水撐船不解逆風把柁當時若是準上座卽不然纔見首座云聖僧作麼生便打一槌云大衆普請罷首座當出院謹白諸禪德且道因什麼如此不見道一朝權在手看取令行時

師在洞山時問學人未見理路未免情識洞山云汝還見理路也未師云無理路洞云什麼處得情識來師云學人實問洞云與麼須向萬里無寸草處立師云無寸草處還許立也無洞云直須與麼去

支那

宗門統要續集卷十五

三

傾五

台州幽棲道幽禪師一日斂鐘上堂大衆纔集乃問什麼人打鐘僧云維那師云近前來僧便近前師遂打一掌却歸方丈

高安白水本仁禪師示衆云尋常不欲向聲前句後鼓弄人家男女何故且聲不是聲色不是色時有僧問如何是聲不是聲師云喚作色得麼如何是色不是色師云喚作聲得麼僧作禮師云且道爲汝說答汝話若人辨得有箇入處

雪竇顯云本仁也甚奇怪要且貪觀天上旣非聲前句後且作麼生入大瀉秀云本仁只知橫干



不會豎百如何是聲不是聲莫逐音響如何是色不是色莫逐青黃且從伊向聲前句後覓箇安身自然別有生涯

師謂鏡清云時寒不易道者清云不敢師云還有臥單也無清云設有也無展底工夫師云直饒道者滴水冰生亦不干他事清云滴水冰生事不相涉師云是清云此人意作麼生師云此人不落意清云不落意此人聲師云高高山頂無可與道者啗啄益州北院通禪師在夾山見示衆云坐斷主人翁不落第二見師乃出衆云須知有一人不合伴夾云猶

後附

南窗叢書卷十五

二十二

傾五

是第二見師乃掀倒禪牀夾云老兄作麼生師云待某甲舌頭爛卽向和尚道

師問夾山目前無法意在目前不是目前法非耳目之所到豈不是和尚語夾云是師乃掀倒禪牀叉手而立夾山起來打一拄杖師便下去

法眼益云是他掀倒禪牀何不便去須待夾山打一棒了去意在什麼處

越州乾峯和尚上堂云法身有三種病二種光一一透得始是好手須知臨時更有一竅時雲門出衆云菴內人爲甚不見菴外事師呵呵大笑雲門云猶是

學人疑處師云子是甚麼心行門云也與和尚相委悉師云若與麼始得穩坐雲門應諾諾

雪竇顯云若明得褒貶句未必善因而招惡果續昭覺勤云動絃別曲問一知十手搦手擡以膠投漆菴內不見菴外無孔鐵鎚不會人生相識貴知音水入水兮金博金 瀉山果云乾峯平地生堆韶陽因風起浪然雖合水和泥千古叢林榜樣既是合水和泥爲甚麼是叢林榜樣不入洪波裏爭見弄潮人 天童覺云坐著病在膏肓用著光不透脫直饒縱橫十字圓轉一機也未知有向上

後附

南窗叢書卷十五

二十二

傾五

一竅在還得穩坐地麼到頭霜夜月任運落前溪師示衆云舉一不得舉二放過一著落在第二雲門出衆云昨日有人從天台來却往徑山去師云明日不得普請便下座

雪竇顯云諸德雲門老只解一手擡不能一手搦還有共相著力底麼試露爪牙看 雲居元云此語衆中商量甚多會者極少乾峯夢裏合眼跳黃河覺來身在牀上雲門醉後扶人倒上樹醒來只在座中二人打作一團至今分疎不下若人知得落處許你解空第一 瀉山詰云乾峯善唱雲門



善拍唱拍相隨風清古格還有知音者麼一堂風冷淡千古意分明

續瑯琊覺云路遙知馬力歲久見人心 育王璉云舉一黑如漆舉二全不是且道作麼生良久云城東打鼓城西響園內華開園外春 護國元云道頭知尾告往知來若非彼此共知又安向這裏共出一隻手是卽是爭奈猶欠一著在 徑山杲云乾峯洗面摸著鼻雲門喫飯咬著砂二人驀地相逢著元來却是舊怨家雖然如是只許老胡知不許老胡會又云彼此揚家醜賴遇無傍觀者

文淵

高麗續集卷十五

二十三

傾五

育王光云眼親手辯彼此作家檢點將來猶欠一著在鴻福卽不然舉一不得舉二放過一著落在第二忽有人出劈脊便打何故擊碎髑髏消息盡從教大地黑漫漫

師因僧問十方薄伽梵一路涅槃門未審路頭在什麼處師以拄杖畫云在這裏後僧請益雲門門拈起扇子云扇子踳跳上三十三天築著帝釋鼻孔東海鯉魚打一棒雨似盆傾會麼

雪竇顯代僧便喝又有僧請益長慶慶云問取堂中第二座雪竇代僧云錯尋有僧問雪竇竇云墮

六門統要續集

坑落壑又自代云作賊人心虛 黃龍南云乾峯

一期指路曲爲初機雲門乃通其變故使後人不倦 大瀉秀云今古盡道乾峯安居祖師之堂開後人之徑路殊不知乾峯老漢被這僧一問直得手忙脚亂諸德且道說訛在甚處良久云不在水兮不在山只在人心返覆間 東林總云有一古德道乾峯搖頭雲門擺尾這僧只是箇撞露柱漢脚跟下透過也不知便謂東家點燈西家暗坐龍街海寶游魚不顧山僧今日不可也隨波逐浪臨危悚人殊不知大小乾峯雲門俱被這僧勘破且

文淵

高麗續集卷十五

二十四

傾五

道什麼處是勘破處良久云多時雨水不及曬眼續寶峯文云乾峯與麼道還夢見也未若是老僧則不然十方薄伽梵一路涅槃門未審路頭在甚麼處劈脊便棒却問他路頭在甚麼處待伊擬開口熱喝出去更有箇雲門折脚老比丘不分緇素不辯邪正拈起扇子云云似這般和泥合水漢糞掃堆頭埋却十箇五箇有什麼過阿呵呵樂不樂足不足而今幸對山青水綠年來是事一時休信任身心懶拘束大眾休瞋睡好 黃龍清云若向乾峯句中會去正是死句坐殺閻黎若向雲門語

上走馬日本國裏藏身卽不問你且道路頭在什麼處或若總道在這裏我也知你在鬼窟裏作活

宗門統彙續集卷十五

二十五

傾五

計徑山琰云唱愈高和愈峻還他二老若是十  
方薄伽梵一路涅槃門總未踏著在靈隱嶽云  
乾峯也是釘椿搖櫓

洛京白馬遁儒禪師問僧名什麼僧云覓箇名字了  
不可得師云自是老僧不識好惡僧云幾人於此亡  
言師云灼然是作家僧云須是和尚眼始得師云闍  
黎聾僧拂袖而出師召闍黎僧回首師云苦屈之詞  
不妨難吐

明州天童咸啓禪師因僧同學人卓卓上來請師的師云我這裏一屨便了有什麼卓卓的僧云和

尚與麼答話更買草鞋行脚好師云近前來僧近前  
師云只如老僧與麼祇對過在什麼處僧無對師便  
打

續天童華云啓禪師故是本分鉗鎚塞斷新天童  
口未得在這僧雖深入闡域要且未具透關眼

立目釋

醅普木切  
白醅也  
旱平諸切  
共舉也  
𨾏許活切

刑部郎中全璽于王立施贊刻此  
宗門統要續集第十五卷 計字九千箇該銀  
四兩六錢八分  
平朔釋在照對長洲徐音書進賢洪以忠刻  
萬曆丁未秋八月徑山寂照庵識

又邪  
撰述

宗門統要續集卷十五

二十六

傾五

宗門統要續集卷第十六

宋建溪沙門宗永集

元建康保寧禪寺住持沙門清茂續集

青原下第五世

澧州洛浦元安禪師師夾山會問僧近離甚處僧云荆南

師云有一人與麼去還逢麼僧云不逢師云爲甚不

逢僧云若逢卽頭粉碎師云闍黎三寸甚密雲門於

江西見其僧乃問云還有此語不僧云是門云洛浦

倒退三千里師歸遷寂預告衆云吾非明卽後也今

有一事問汝等若道這箇是卽頭上安頭若道這箇

不是卽斬頭覓活首座云青山常舉足日下不挑燈

師云這裏是什麼時節作這箇語話時有彥從上座

對云離此二途請和尚不問師云未在更道從云某

甲道不盡師云我不管汝盡不盡從云某甲無侍者

祇對和尚師乃下堂至夜却令侍者喚彥從來師云

闍黎今日對老僧甚有道理據汝今時合會先師意

旨先師道目前無法意在目前不是目前法非耳目

之所到且道那句是主句若擇得出分付鉢袋子彥

從云某甲不會師云汝合會但道從云某甲實不知

師喝出乃云苦苦

文耶 撰述 宗門統要續集卷十六 一 傾六

報慈遂云且道從上座實不會爲復怕見鉢袋子  
粘著伊

師久爲臨濟侍者濟常稱美云臨濟門下一隻箭誰

敢當鋒師一日辭濟濟問什麼處去師云南方去濟

以拄杖畫一畫云過得這箇便去師乃喝濟便打師

作禮濟明日陞堂云有一條赤稍鯉魚搖頭擺尾向

南方去不知向誰家壺窰裏淹殺

師遊歷罷直往夾山頂卓菴經年夾山知乃修書令

僧馳到師接得便坐却再展手索僧無對師便打云

歸去舉似和尚僧回舉似夾山山云這僧看書三日

內必來若不看書斯人救不得果三日後至纔見夾

山不禮拜乃當面叉手而立夾云雞栖鳳巢非其同

類出去師乃問云自遠趨風請師一接夾云目前無

闍黎此間無老僧師便喝夾云住住且莫草草忽忽

雲月是同溪山各異截斷天下人舌頭則不無闍黎

爭教無舌人解語師佇思夾山便打師因茲伏膺

興化獎云但知作佛愁什麼衆生 雪竇顯云這

漢可悲可痛鈍置他臨濟他既雲月是同我亦溪

山各異說什麼無舌人不解語以坐具劈口便拭

夾山若是箇知方漢必然明窻下安排 五祖戒

文耶 撰述 宗門統要續集卷十六 二 傾六



出洛浦語云更說道理看便出去 太陽玄代云也要和尚證明

續昭覺勤云雪竇雖是賊過後張弓不妨與臨濟雪屈若仔細檢點將來令行一半儻若擔荷正法眼藏待伊道爭教無舌人解語便與掀倒禪牀喝散大眾更待什麼明窓下安排剔起便行直饒機如掣電眼似流星辯瀉懸河也卒著手脚不得且道說訛在甚麼處乃云險

師一日因侍者云肇法師制得四論也甚奇怪師云肇公甚奇怪要且不見祖師者無對

法華

宗門統要續卷十六

三

傾六

清涼欽代云和尚什麼處見

師因龐居士拜起云仲夏毒熱孟冬薄寒師云莫莫士云龐公年老師云何不寒時道寒熱時道熱士云愚聾作麼師云放你三十棒士云啞却我口塞却你眼

師因臨濟問從上來一人行棒一人行喝阿那箇親師云總不親濟云親處作麼生師便喝濟乃打

撫州黃山月輪禪師初叅夾山山問名什麼師云月輪山畫一圓相云何似這箇師云和尚與麼說話諸方大有人不肯山云子又作麼生師云還見月輪麼

山云子與麼說話此間大有人不肯諸方

師因夾山問子甚處人師云閩中八山云還識老僧麼師云和尚還識某甲麼山云不然子且還老僧草鞋錢老僧然後還子江陵米價師云與麼則不識和尚未審江陵米作麼價山云子善能啼吼

洛京韶山寰普禪師因遵布衲到山下相見遵便問韶山路向甚處去師以手指云鳴那青青黯黯處去遵近前把住云久嚮韶山莫便是不師云是即是闍黎有甚事遵云擬伸一問師還答不師云想君不是金牙作爭解彎弓射尉遲遵云鳳凰直入煙霄內誰

法華

宗門統要續卷十六

四

傾六

怕林間野雀兒師云當軒畫鼓從君擊試展家風似老僧遵云一句迥超千聖外松蘿不與月輪齊師云饒君直出威音外猶較韶山半月程遵云未審過在什麼處師云個儻之詞時人知有遵云與麼則真玉泥中異不撥萬機塵師云魯般門下徒施巧妙遵云某甲祇與麼和尚又如何師云王女夜拋梭織錦於西舍遵云莫便是和尚家風也無師云耕夫製玉漏不是行家作遵云此猶是文言作麼生是和尚家風師云橫身當宇宙誰是出頭人復云闍黎有衝天之氣老僧有卓地之矛闍黎橫吞巨海老僧背負須彌



聞黎按劍上來老僧揜鎗相待向上一路速道速道  
遵云明鏡當臺請師一鑑師云不鑑遵云爲甚不鑑  
師云淺水無魚徒勞下釣遵無語師便打

續黃龍新云好打這般漢打百千萬箇有什麼過  
當時若在黃龍手裏棒折也未放過在何山珣  
云縵天布網打鳳羅龍主則琢玉鏤冰賓則攢花  
簇錦當機不讓觀面爭先結角羅紋互存互奪諸  
方咸謂好手手中呈好手還端的也無若約慧日  
見處遵布衲若能慎初護末待韶山指出路頭驟  
步便陞堂與管取明窓下安排非唯截斷葛藤亦

支那  
撰述

高麗集卷六

五

傾六

免上他釣線何也一著不到處滿盤空用心天  
童華舉黃龍語了云死心和尚一期大驚小怪殊  
不知韶山自遭遵布衲毒手之後至今無人檢點  
得出且道請訛在甚麼處

師見白頭因至乃云莫便是多口白頭因麼因云不  
敢師云有多少口因云徧身是師云大小二事向甚  
處倚因云向韶山口裏倚師云有韶山口即得無韶  
山口向甚處倚因無語師便打

雲門偃代云這話墮阿師放你三十棒又云將謂  
是師子兒又云韶山今日瓦解冰消雪竇頌云

宗門統要續集

從來疑著韶山

福州雪峯義存禪師

嗣德山鑒

一日示衆云南山有一條

驚鼻蛇汝等諸人切須好看時長慶出云今日堂中  
大有人喪身失命雲門以拄杖攢向師前作怕勢後  
僧舉似玄沙沙云須是稜兄始得然雖如是我即不  
然僧云和尚作麼生沙云用南山作麼

續寶峯文云雪峯無大人相然則蛇無頭不行長  
慶恰似新婦怕阿家相似便道堂中大人喪身  
失命雲門將拄杖攢向面前作怕勢爲蛇畫足玄  
沙道用南山作麼道我見處親切不免在窠窟裏

支那  
撰述

高麗集卷六

六

傾六

更無一箇有些子天然氣槩報寧門下莫有天然  
氣槩底麼不敢望你別懸慧日獨振玄風且向古  
人鵲臭布衫上知些氣息也難得護國元云雪  
峯搖頭雲門擺尾長慶爲蛇畫足玄沙一向挿背  
諸人還知這一隊漢落處麼妙舞也應誇遍拍三  
臺須是大家催

師一日因有兩僧來師遂以手托菴門放身出云是  
什麼僧亦云是什麼師低頭歸菴後僧辭去師問什  
麼處去僧云湖南去師云我有箇同行在彼住巖頭  
附汝一信去師致書云某信上師兄一自鰲山成道

後迄至于今飽不飢同叅某信上師兄僧到巖頭頭問甚處來僧云嶺南來頭云曾到雪峯菴麼僧云到來有書達和尚頭接了乃問別有何言句僧遂舉前話頭云他道什麼僧云他無語低頭歸菴頭云噫我當初悔不向伊道末後句若向伊道天下人不奈雪老何僧至夏末再舉前話請益頭云何不早問僧云未敢容易頭云雪峯與我同條生不與同條死要識末後句卽這是

瀉山詰云大小雪峯巖頭却被這僧勘破  
續泐潭準云大衆雪峯是會末後句不會末後句

支那

宗門統要續集十六

七

傾六

若道會巖頭又道當初悔不向伊道末後句若道不會因甚如今見孫徧天徧地雖與我同條生不與我同條死末後巖頭與劈頭說破了也未免有些諸訛久叅先德一舉便知後學初機莫道不疑好

師在德山作飯頭一日飯遲方曬飯巾次乃見德山自托鉢至法堂前師遂問這老漢鐘未鳴鼓未響托鉢向甚處去山便回方丈師次舉似巖頭頭云大小德山不會末後句山聞令侍者喚巖頭來問汝不肯老僧那巖遂密啓其意山乃休去至明日陞堂果與

尋常不同巖至僧堂前撫掌大笑云且喜老漢會末後句他後天下人不奈伊何雖然如是也只得三年明招謙代德山云咄咄沒處去沒處去雪竇顯云曾聞說箇獨眼龍元來只有一隻眼殊不知德山是箇無齒大蟲若不是巖頭識破爭得明日與昨日不同諸人要會末後句麼只許老胡知不許老胡會翠巖真云德山巖頭一狀領過雪峯一千五百人善知識地在瀉山詰云巖頭大似高崖石裂直得百里走獸潛蹤若非德山度量深明爭得昨日與今日不同

支那

宗門統要續集十六

八

傾六

續瀉山果云古今無異路達者共同途透出威音外須明肘後符且道那裏是巖頭識破德山處若檢點得出非但叅學眼明亦乃領過雪峯其或緇素不辨邪正未分路遠夜長休把火大家吹滅暗中行

師問僧近離甚處僧云覆船師云生死海未度爲什麼覆却船其僧無語歸舉似覆船船云何不道渠無生死僧再去進此語師云此不是汝語僧云是覆船與麼道師云我有二十棒寄與覆船二十棒老僧自喫不干闍黎事

雪竇顯向爲甚覆船處代云久嚮雪峯待老漢擬議拂袖便行又於末後著語云能區能別能殺能活若也辨得天下橫行

續昭覺勤云雪峯有驗人句覆船有透關眼雪竇有陷虎機且道崇寧成得箇什麼邊事 徑山杲云作家宗師天然有在然雖如是也是作賊人心虛是則不干這僧事二十棒何須自喫當時但添打覆船便了且道渠過在什麼處老老大大不合與人代語

師示衆云望州亭與汝相見了也烏石嶺與汝相見

文部  
撰述

宗門統要續集卷十六

九

傾六

了也僧堂前與汝相見了也後保福問鶯湖僧堂前且致望州亭烏石嶺什麼處相見鶯湖驟步歸方丈保福便入僧堂

雪竇顯云二老是卽是只知雪峯放行不知雪峯把定忽有箇衲僧出問未審雪竇作麼生豈不是別機宜識休咎底漢還有烏石嶺望州亭底麼良久云擔板禪和如麻似粟

續雪居齊云此二尊宿會得會不得相見不相見試斷看

師因僧問聲聞人見性如夜見月菩薩人見性如晝

見日未審和尚見性如何師打三棒其僧後又問巖頭頭打三掌

雪竇顯云應病設藥且與三下若據令而行合打多少

師問僧見說大德曾爲天使來是不僧云不敢師云爭解與麼來僧云仰慕道德豈憚關山師云汝猶醉在出去僧便出師却召云大德僧回首師云是什麼僧亦云是什麼師云這漆桶僧無語師回顧鏡清云好箇師僧向漆桶裏著倒清云和尚豈不是據款結案師云也是我尋常用底忽若喚回道是什麼被他

文部  
撰述

宗門統要續集卷十六

十一

傾六

道這漆桶又作麼生清云成何道理師云我與麼及伊汝又道據款結案他與麼及我汝又道成何道理一等是與麼時節其間何故有得與不得清云不見道醍醐上味爲世所珍遇斯等人翻成毒藥

雪竇顯云看他父子相投言氣相合知者謂粉骨碎身此思難報不知者謂扶高抑下臨危悚人毒藥醍醐千載龜鑒還會麼這漆桶

師在洞山作飯頭淘米次洞問淘沙去米淘米去沙師云沙米一時去洞云大衆喫箇甚麼師遂將盆覆却洞云據子因緣合在德山



瑯琊覺云雪峯與麼去大拋却甜桃樹尋山摘醋梨

續天童覺云雪峯步步登高不覺草鞋跟斷若也正偏宛轉敲唱雙行自然言氣相合父子相投且道洞山不肯雪峯意在什麼處萬里無雲天有過碧潭似鏡月難來雪竇宗云直木不棲鸞鳳金針已繡鴛鴦若不是新豐老人便見冰消瓦解師因洞山問什麼處來師云斫槽來洞云幾斧斫成師云一斧斫成洞云猶是這邊事那邊事作麼生師云直得無下手處洞云猶是這邊事那邊事作麼生

師休去

汾陽昭代云某甲早是困也

師因洞山云入門來須得有語不得道早箇入了師云某甲無口洞云無口卽且從還我眼來師休去

長慶稜云某甲謹退

師因舜洞山云子向甚處去師云歸嶺中去山云當時從甚路出師云從飛後嶺出山云今回向甚路去師云飛後嶺去山云有一人不從飛後嶺去子還識麼師云不識山云爲甚不識師云他無面目出云子既不識爭知無面目師無對

瑯琊覺云心麤者失

師示衆云盡大地撮來如粟米粒大拋向面前漆桶不會打鼓普請看

長慶稜問雲門云雪峯與麼道還有出頭不得處麼門云有稜云作麼生門云不可總作野狐精見解也又云狼籍不少雪峯悅云足上不足我更與你葛藤薦拈拄杖云還見雪峯麼咄王令稍嚴不許攙行奪市馮山喆云我更爲諸人土上加泥乃舉拄杖云看看雪峯老人向你諸人面前放侗咄爲什麼屎臭氣也不知

續智海逸云慙愧雪峯老一等是弄精覓就中弄得好雖然如是好事不如無薦福見處也要諸人共知盡十方世界東西南北四維上下此土西天十萬八千昭覺勤云絕天維立地紀未足稱奇壁太華逗黃河亦非敏手若向這裏覷得透便可以撒驪龍窟明珠噴梅檀林香氣豈不快哉山僧今日不避泥水放一線道乃拈拄杖云還見雪峯麼遂卓拄杖云劄靈隱嶽云陝府鐵牛不覺膽顫嘉州大像通身汗流且道象骨老人面皮厚多少



師因僧禮拜遂打五棒僧云某甲有什麼過師又打五棒

雪竇顯云我不曾與人葛藤前五棒日照天臨後五棒雲騰致雨爾若辨得也好與五棒 鴻山秀云這僧腦門著地過犯彌天雪峯輕怒猶自不知罪名再犯不容便道日照天臨雲騰致雨惑亂後人何謂曾被雪霜苦楊華落也驚

續東禪觀云性空自來性直不似雪竇謾人雪峯前五棒打這僧禮拜後五棒打這僧無過諸人且道是不是若道是要你眼作甚麼

又述

宗門統要續集卷十六

十三

傾六

師問僧甚麼處去僧云識得卽知去處師云你是了事人亂走作麼僧云和尚莫塗汚人好師云我卽不塗汚你古人吹布毛作麼生與我說來看僧云殘羹餽飯已有人喫了也師休去

雲門偃別前語築著便作屎臭氣又代後語將謂是鑽天鷄子元來只是死水裏蝦蟇 雪竇顯出雪峯語云一死更不再話

師於僧堂前坐衆集師拈拄杖云這箇爲中下根人時有僧問忽遇上上人來時如何師拈起拄杖

雲門偃云我不似雪峯打破狼籍僧便問未審和

尚如何師便打

續護國元云宗師家有擒有縱有殺有活若是她頭上揩痒南明又且不然驚拈拄杖云我這裏爲中下機人忽有人問上上機人來時如何只向道我不似雲門打葛藤

師因一僧在山下卓菴多年不剃頭有僧問如何是西來意王云溪深杓柄長師聞此語乃云也甚奇怪一日將剃刀同侍者去訪纔相見便舉前話問是菴主語不主云是師云若道得卽不剃你頭王便將水洗頭胡跪師前師便與剃却

又述

宗門統要續集卷十六

十四

傾六

續昭覺勤云庵主雖是生鐵鑄就奈雪峯是本身鉗鎚當初若只顛預爭得驚天動地還委悉麼金鎚慣調曾百戰鐵鞭多力恨無離

師問僧聞黎名什麼僧云玄機師云日織多少僧云寸絲不掛師云叅堂去僧纔行三五步師云袈裟落地也僧回首師便打

師一日見僧遂喚僧近前師云甚處去僧云普請去師云去

雲門偃云此是隨語識人

師因僧問古澗寒泉時如何師云瞪目不見底僧云

飲者如何師云不從口入趙州聞僧舉乃云終不從鼻孔裏入僧却問古澗寒泉時如何州云苦飲者如何州云死師聞得乃云趙州古佛遂遙望作禮從此不答話

雪竇顯云衆中總云雪峯不出這僧問頭所以趙州不肯如斯話會深屈古人雪竇卽不然斬釘截鐵本分宗師就下平高難爲作者薦福懷云諸仁者作麼生會不答話底道理讚歎趙州卽不無還知趙州一片玉瑕生麼若人檢點得出相如不誑於秦王

支那

高門統要續集卷十六

五

傾六

續五祖演舉了云若有人問五祖古澗寒泉時如何老僧只向他道水飲者如何但云當下止渴或有箇漢出來問道與曹溪水是一是二只向他道分枝列派縱橫自在低處澆田高處潑茶長蘆夫云扶豎宗乘須還大匠雪峯有一千五百人善知識身心趙州用一百二十歲手段不妨奇怪如今衆中隨言定旨亂作褒貶深屈古人然則相席打令自有知音鏤骨髓心罕逢明鑒徑山杲云雪峯不答話疑殺天下人趙州道苦面赤不如語直若是妙喜則不然古澗寒泉時如何到江扶櫓

棹出岳濟民田飲者如何清涼肺腑此語有兩負門若人辯得許你有參學眼

師在國清寺拈起鉢孟問座主云道得與你鉢孟主云此是化佛邊事雪竇別云只恐純置和尚師云你作座主奴也求得王云某甲不會師云你問我與你道主方禮拜師便踏倒主後舉似雲門云某甲得七年方見門云你得七年方見主云是門云更用七年始得雪竇顯別云草賊敗也

師因僧辭問甚處去僧云禮拜徑山和尚去師云徑山問你此間佛法如何你作麼生道僧云待問卽道

支那

高門統要續集卷十六

六

傾六

師便打却回問鏡清云這僧過在甚處便喫棒清云問得徑山徹困也師云徑山在浙中因甚問得徹困清云不見道遠問近對師休去師一日叅次有僧珍重便出師云總似這箇師僧省多少心力玄沙云和尚與麼接人瞎却闔中一城人眼去師云你又作麼生沙云便好與二十棒師云已後無人奈子何師問僧什麼處來僧云江西來師云江西與此間相去多少僧云不遙師豎起拂子云還隔這箇麼僧云若隔這箇卽遙去也師便打出

師問德山從上宗乘學人還有分也無山打一棒云道什麼師不會至明日請益山云我宗無語句實無一法與人師因此有省巖頭聞乃云德山老人一條脊梁骨硬似鐵然雖如是於唱教門中猶較些子保福展問招慶只如巖頭出世有何言教過於德山便與麼道慶云汝不見巖頭道如人學射久久方中福云中後如何慶云展闍黎莫不識痛癢福云和尚今日非唯舉話慶云展闍黎是什麼心行明招謙云大小招慶錯下各言

師因鏡清問只如古德豈不是以心傳心師云兼不

文冊

高麗續集卷六

七

傾六

立文字語句只如不立文字語句如何傳授師良久鏡清禮謝師云更問我一轉豈不好清云就和尚請一轉問頭師云只與麼爲別有商量清云和尚與麼

卽得師云於汝作麼生清云孤負殺人

師一日云此事得與麼尊貴得與麼綿密僧云某甲自到山經數載可聞和尚與麼示徒師云我已前雖無如今已有莫有妨闕也無僧云不敢此是和尚不得已而矣

師因僧與造龕子了白云和尚龕子成也師云昇將向堂前著師纔見便問入衆有人道得第一句卽留

取如是再問時有僧出云某甲咨和尚師喝云莫冢沸便將龕子燒却

師因領徒南遊時黃涅槃預知師至檣竿造前途迎接抵蘇溪邂逅師遂問近離甚處槃云離辟支巖師云岩中還有主麼槃以竹竿敲師齋師乃出齋相見槃云曾卽萬福師遂展丈夫拜槃亦作女人拜師云莫是女人麼槃又設兩拜遂以竹竿畫地右繞師齋三匝師云某甲三界內人爾三界外人爾宜前去某甲後來槃乃先回師遂至止囊山憩數日槃供侍隨行徒衆一無所缺

文冊

高麗續集卷六

六

傾六

師因僧問牧童能歌能舞時如何師便下繩牀作舞玄沙云這老漢脚跟未著地在師云子又作麼生沙撫掌三下

師送南際長老出乃作女人拜際歛手應諾諾師以手所額便歸

師問僧近離甚處僧云瀉山師云瀉山有何言句僧云某甲曾問如何是祖師西來意山據坐師云汝肯他不僧云不肯他師云瀉山古佛子速去禮拜懺悔玄沙聞得云山頭老漢蹉過瀉山僧問未審和尚意旨如何沙云大小瀉山被這一問直得百雜碎



師塔銘云兄弟添十字同心著一儀土主曰松山卯塔號難提更有胡家曲汝等切須知我唱泥牛吼汝和木馬嘶

翠巖真云然寰中天子勅塞外將軍令雪峯前不至村後不構店若是翠巖和泥合水且與麼三十年後莫顛預

師一日喚僧近前來僧近前師云去

雲門偃舉問僧你作麼生道得又手句你若道得又手句卽見雪峯

師因僧問乞師指示師云是什麼僧於言下大悟

支那

宗門統要續集卷十六

十九

傾六

雲門偃云雪峯向伊道什麼

師一日云此事如一片田地相似一任衆人耕種無有不承此恩力者玄沙云且作麼生是一片田地師云看玄沙云是卽是某甲不與麼師云你作麼生沙云祇是人人底

師一日晚叅次却回中庭臥時太原孚上座云五州管内祇有這和尚較此子師便起去師問僧甚麼處來僧云浙中來師云船來陸來僧云二途俱不涉師云爭得到這裏僧云有什麼隔礙師打趁出僧過十年後再來師又問甚麼處來僧云湖南師云湖南與這

裏相去多少僧云不隔師豎起拂云還隔這箇麼僧云若隔卽不到也師又打趁出此僧住後凡見人便罵師一日有同行聞特去訪乃問兄到雪峯有何言句便如是罵他遂舉前話乃被同行詬叱與他說破當時悲泣常向中夜焚香遙禮

師示衆云盡大地是箇解脫門把手拽不入時一僧出云和尚怪某甲不得一僧云用入作麼師便打雪竇顯云三箇中有一人受救在忽若總不辯明平地上有甚數

師因玄沙問某甲如今大用去和尚作麼生師遂將

支那

宗門統要續集卷十六

二十一

傾六

三箇木毬一時拋出沙遂作斫牌勢師云你親在靈山方得如此沙云也只是自家事  
師一日陞座衆集定乃輓出木毬玄沙遂去捉來安於舊處

白雲端云此箇時節衆中皆言子父共作一大事如此見解還夢見也未海會今日布施諸人乃云濃研香翰深蘸紫毫

師在僧堂內燒火閉却前後門乃叫救火救火玄沙將一片柴從窓櫺中拋入師便開門

師示衆有云我這裏如一面古鏡相似胡來胡現漢



來漢現時有僧便問忽遇明鏡來時如何師云胡漢俱隱

玄沙備云我即不與麼有僧便問忽遇明鏡來時如何沙云百雜碎 明招譏云當與麼時莫道胡漢俱隱別作麼生道玄沙云破明招云喪也

續瑯琊覺云不見道驗人端的處下口便知音鄂州巖頭全齋禪師恭德山纔跨門便問是凡是聖山便喝師便拜洞山聞舉乃云若不是齋公也大難承當師云洞山老漢不識好惡錯下名言我當時一手擡一手搦

支那撰述

宗門統要續集卷十六

二十二

傾六

雪竇顯云然則德山門下草偃風行要且不能塞斷天下人口當時纔拜劈脊便打非唯剿絕洞山亦乃把定齋老還會麼李將軍有嘉聲在不得封侯也是閑

續瑯琊覺云巖頭無人問著不妨奇特纔被洞山腦後一錐便乃冰消瓦解 南華曷云巖頭一期展露事不徒然無人讚嘆猶較些子纔被洞山稱提直得驚群駭眾還會麼無滯自然隨勢去有聲多爲不平來 徑山杲云猛虎不識穿窬中身死蛟龍不怖劒劒下身亡巖頭雖於虎穿之中自有

透脫一路向劒刃上有轉身之機若仔細檢點將來猶欠悟在即今莫有爲巖頭作主底麼出來與大慧相見良久喝一喝拍一拍泊合停因長智教忠光云還知三大老落處麼德山和身放倒洞山帶水拖泥若非巖頭具通方眼有格外機爭顯功高汗馬且作麼生是一手擡一手搦處殺人刀活人劒

師問僧甚處來僧云西京來師云黃巢過後還收得劒麼僧云收得師引頸近前云因僧云師頭落也師呵呵大笑僧後到雪峯峯問甚處來僧云巖頭來峯

支那撰述

宗門統要續集卷十六

二十二

傾六

云巖頭有何言句僧舉前話峯便打三十棒趕出馮山喆云這僧黃巢過後曾收得劒却向巖頭處施設及至雪峯前鋒鏑不露何故爲他巖頭大笑一聲直得天地陡暗四方絕唱若不得雪峯幾乎陸地平沉不見道殺人刀活人劒 續承天宗云可惜許這般漢只學得勝負之法殊不知是生滅之因我當時若見但向他道作家作家教他擔板過一生

師因沙汰後於鄂州渚邊作渡子兩岸各掛一板有人過渡打板一下師云阿誰或云要過那邊去師乃

舞棹迎之一日因一婆抱一孩兒來乃問呈禮經棹  
卽不問且道婆手中兒甚處得來師便打婆云婆生  
七子六箇不遇知音祇這一箇也不消得便拋向水  
中

續瑯琊覺云欺敵者亡 大瀉智云巖頭業在其  
中只得通身泥水老婆雖有丈夫手段也是家醜  
外揚

師因德山一日云我這裏有兩僧入山住菴多時汝  
去彼看他怎生師遂將一斧去見二人在菴內坐師  
乃拈起斧云道得也一下斧道不得也一下斧二人

支那

宗門統要續集卷十六

二十三

傾六

殊不顧師擲下斧云作家作家歸舉似德山山云他  
如何師云洞山門下不道全無若是德山門下未夢  
見在

師因瑞巖問如何是本常理師云動也巖云動時如  
何師云不是本常理巖付思間師云肯卽未脫根塵  
不肯卽永沉生死巖於是領悟

師一日陞堂云吾嘗究涅槃經七八年中有兩三段  
義頗似衲僧說話又云休休時有僧出禮拜請和尚  
爲衆舉師遂云吾教意如●字三點第一向東方下  
一點點開諸菩薩眼第二向西方下一點點諸菩薩

命根第三向上方下一點點開諸菩薩頂門此是第一  
段義又云吾教意如摩醯首羅壁開面門豎亞一  
隻眼此是第二段義又云吾教意猶如塗毒鼓擊一  
聲遠近聞者皆喪此是第三段義時有小巖上座問  
如何是塗毒鼓師以兩手按膝亞身云韓信臨朝底  
師與雪峯坐次欽山將一椀水致地云水清月見峯  
云水清月不見師便趯翻而去一本云洞山

支那

宗門統要續集卷十六

二十四

傾六

汝是洪州觀音來不僧云是師云只如適來左邊一  
圓相作麼生僧云是有句師云右邊一圓相聲僧云  
是無句師云中心圓相作麼生僧云是不有不無句  
師云只如吾與麼又作麼生僧云如刀割水師便打  
出

師因欽山住後與雪峯同至澧州鰲山鎮阻雪師每  
日祇是打睡雪峯一向坐禪一日喚云師兄師兄且  
起來師云作什麼峯云平生不著便其文遠箇漢行  
脚到處被他帶累今日與師兄到此又只管打睡師  
喝云嚏眠去每日牀上坐恰似七村裏土地他時後

日魔魅人家男女去在峯自點臂云某甲這裏未穩  
在不敢自謾師云我將謂你他後向孤峯頂上盤結  
草菴播揚大教猶作這箇語話峯云某甲實未穩在  
師云你若實如此據你見處一一通來是處我與你  
證明不是處與你刻却峯云某甲初到鹽官見上堂  
舉色空義得箇入處師云此去三十年切忌舉著峯  
云又因洞山偈云切忌隨他覓迢迢與我踈下云云  
得箇省處師云若恁麼自救也未徹在峯又云後問  
德山從上宗乘中事學人還有分也無德山打一棒  
云道什麼我當時豁然如桶底脫相似師喝云你豈

五師

宗門統要續集卷十六

二十五

傾六

不聞道從門入者不是家珍峯云畢竟如何卽是師  
云若欲播揚大教一一從自己曾襟流出將來與我  
蓋天蓋地去峯於言下大悟便作禮起連聲云今日  
始是鰲山成道也師兄今日始是鰲山成道也師兄  
泉州瓦棺和尚爲德山侍者時同德山入山斫木德  
山將一椀水與師師接得便喫却德云會麼師云不  
會山又將一椀水與師師接又喫却山云會麼師云  
不會山云何不成褫取那不會底師云不會又成褫  
箇什麼山云子大似箇鐵橛師任後雪峯去訪茶話  
次峯問當時在德山斫木因緣作麼生師云先師當

時肯我峯云和尚離先師太早其時面前有一椀水  
峯云將水來師便過與峯接得便潑却

雲門偈云莫壓良爲賤

襄州高亭簡禪師初往叅德山隔江見德山在江岸  
坐乃隔江問訊山以手招之師忽開悟便橫超而過  
更不渡江遂返高亭住持

續徑山杲云高亭橫超而去許伊是箇伶俐師僧  
若要法嗣德山則未可何故猶與德山隔江在

宗門統要續集卷第十六  
音釋

支那

宗門統要續集卷十六

二十六

傾六

饒女交切餒所楊切搯童移切搯昵角切

刑部郎中金璽于玉立施貴刻此  
宗門統要續集第十六卷 計字八千八百七  
十箇該銀四兩六錢七分  
登江釋在誠對長洲縣徐普書進賢洪以忠刻  
萬曆丁未冬十二月徑山寂照庵識



宗門統要續集卷第十七

宋建溪沙門宗永集

元建康保寧禪寺住持沙門清茂續集

青原下第六世

洪州同安常察禪師嗣九峯度因僧叅遶禪牀一帀振錫

一下云凡聖不到處請師道師鳴指一下僧云奇哉

同安嚇得忘前失後師云聞黎發足甚處僧便珍重

師云五湖衲子一錫禪人未到同安不妨疑著僧云

近見不如遠聞師云貪他一盃酒失却滿船魚

續昭覺勤云全軍隊伍馬步相叅兩陣交鋒不妨

支那

宗門統要續集卷十七

二

傾七

奇特爭奈二俱失利具眼底試辯看 何山珣云

奮大用發大機明來暗合平坦嶮巇彼既殺活在

杖我即綿裏秤鎚縱使諸方眼目難斷箇是箇非

畢竟如何堪笑一枝無孔笛王賓顛倒兩頭吹

師問僧甚處來僧云五臺師云還見文殊麼僧展兩

手師云展手頗多文殊誰親僧云氣急殺人師云不

觀雲中鴈焉知沙塞寒僧云遠趨丈室乞師一言師

云孫臏門下徒話鎖龜僧云名不浪施師云喫茶去

僧便珍重師云雖得一場榮別却一雙足

師因有僧叅乃問甚處來僧云江西師云江西法道

與此間如何僧云賴遇問著某甲若問別人即禍生

師云老僧適來造次僧云某甲不是還見徒用止啼

黃葉師云傷龜怨龜殺活由我僧又問久造玄微如

何洞曉師云老僧耳背分明問將來僧云快鷄不打

籬邊雀師云暗中臨鏡誰辨妍媸僧云向上機關如

何洞曉師云何必僧云休休師云始解乘舟擬跨劍

水

續昭覺勤云宗師家握佛祖鉗鎚理當即行不留

朕迹這僧既上門上戶更說什麼傷龜怨龜劈脊

便棒何故重賞之下必有勇夫

支那

宗門統要續集卷十七

二

傾七

師一日遊山次大衆隨之師云堦前翠竹砌下黃華

古人道真如般若同安即不然時有僧云古人也好

和尚師云不貪香餌味可謂碧潭龍僧云諸方眼目

不怪陶潛師云聞黎閉目中秋坐却笑月無光僧云

堦前翠竹砌下黃華又作麼生師云安南未伏塞北

那降僧禮拜師云名稱普聞

師問僧近離甚處僧云太原師云太原近日法道如

何僧云只見雲隨日出水逐波生不知太原法道如

何師云豈不是離太原乎僧云苦苦師云不觀海雲

色微覺早雷聲僧云以金易鋤僧真愛假師便歸方



丈僧拂袖而出師云得縮頭時且縮頭

師問僧眼界無光如何得見僧云北斗東轉南斗西移師云夫子入太廟僧云與麼則同安門下道絕人荒去也師云橫抱嬰兒擬彰皇簡

師因僧問學人未曉時機請師指示師云參差松竹烟凝薄重疊峯巒月上遲僧擬進語師云劒甲未施賊身已露僧云何也師云精陽不剪霜前竹水墨徒誇海上龍僧遶禪牀一市大笑而出師云閉目食蠅牛一場酸澁苦

吉州禾山澄源殷禪師垂語云習學謂之聞絕學謂

支那

宗門統要續集卷十七

三

傾七

之隣過此二者謂之真過時有僧出問如何是真過師云解打鼓僧云如何是真諦師云解打鼓又問即心即佛則不問如何是非心非佛師云解打鼓僧云如何是向上事師云解打鼓

續東禪嶽云禾山以無量義百千法門若揭日月而行浮雲豈能掩蔽東禪不打這破鼓臨機豹變見兔放鷹且要諸人各各相委如何是真過實語如何是真諦如語如何是非心非佛不誑語如何是向上事不異語此四轉語如鐵蒺藜吞得過是好手其或未然言多去道轉遠

宗門統要續集

撫州金峯從志禪師嗣曹山因僧侍次乃云舉一則因緣汝第一不得亂會僧云請和尚舉師豎起拂子僧

良久師云知道閣黎亂會僧以目視東西師云雪上加霜更加霜

續昭覺勤云金峯起模畫樣這僧好肉剝瘡不唯雪上加霜未免將錯就錯山僧亦有一則因緣只是不舉向諸人何故六耳不同謀

師示衆云事存由蓋合理應箭鋒拄還有人道得麼若有人道得金峯分半院與他住時有僧出禮拜師云相見易得好共事難爲人便下座

支那

宗門統要續集卷十七

四

傾七

師一日拈起枕头云一切人喚作枕头金峯道不是僧云未審和尚喚作什麼師拈起枕头僧云與麼則依而行之也師云你喚作什麼僧云枕头師云落在金峯窠裏

續法雲秀云買賣不相當牛頭南馬頭北與麼說話也未出得金峯窠窟在畢竟如何心不負人面無慚色 雲蓋本云賣寶遇著瞎波斯 昭覺勤云渾侖無縫罅綿密不通風畫也畫不成描也描不就喚作枕头故是落在金峯窠裏直饒不喚作枕头未免亦落在金峯窠裏且作麼生出得金峯

窠窟識取鉤頭意莫認定盤星

師一日因僧問訊乃把住云輒不得向人道我有一則因緣舉似你僧作聽勢師與一掌僧云爲什麼打某甲師云我要這話行

續明招謙云可惜許金峯好一則因緣被這僧壞却若要話行這一掌須是金峯自喫始得 昭覺勤云六耳不同謀

師一日上堂喫餠餅次乃拈一箇從上座板頭轉一而大眾見一一合掌師云假饒十分擡起手也只得一半至晚間有僧請益云今日和尚行餠餅見衆僧

支那

宗門統要續集卷十七

五

傾七

合掌却云假饒十分擡起手也只得一半請和尚全道師以手作拈起餅勢云會麼僧云不會師云金峯也始道得一半

師問僧發足何處僧云趙州師云趙州法嗣何人僧云南泉師云你何曾離趙州僧云未審和尚尊意如何師云趙州實嗣南泉僧至晚請益云今日蒙和尚慈悲某甲未會請和尚指示師云若到別處莫道後語是金峯底僧云爲甚如此師云恐辱他趙州

師一日見僧來便起身僧便出去師云恰共昨日師僧見解不剎僧遂回云昨日僧道什麼師云恰與麼

問僧云知道金峯有眼師云金峯且致你今日何處喫飯僧云道著即不中師云與麼則無來處也僧云老婆心堪作什麼師云金峯問僧不曾弱他就中聞黎無話處僧云豈是分外師云小慈妨大慈

續昭覺勤云鉤頭香餌放去收來衝浪錦鱗搖頭振鬣雖金峯不曾弱他奈這僧承機自弱還會麼小慈妨大慈

處州廣利容禪師又曰貞溪因僧到師乃豎拂子云貞溪老漢還具眼麼僧云某甲不敢見人過師云老僧死在閻黎手裏僧以手指臂便出去師云閻黎衆見先

支那

宗門統要續集卷十七

六

傾七

師來至晚請喫茶了僧拈起盞子云這箇是諸佛出世邊事作麼生是未出世邊事師以手撥却盞云到閻黎死在老僧手裏僧云五里牌在郛門外師云無故惑亂師僧遂起謝茶師云特謝閻黎相訪襄州鹿門處真禪師因韶國師到遂問近離甚處韶云谷隱夜宿龐居士巖師云五眼之中那箇是正眼韶云久嚮鹿門師云這一片田地于你甚事韶云話頭何在

杭州佛日和尚嗣雲居膺到夾山維那云此間不著後生師云某甲暫來謁見和尚不宿維那白山山許見師

未陞塔山便問甚麼處來師云雲居來山云卽今在  
什麼處師云在夾山頂上山云老僧行年在坎五鬼  
臨身師欲上塔山云三道寶塔從何而上師云三道  
寶塔曲爲今時便上禮拜山問闍黎與什麼人同行  
師云木上座山云他何不來看師云和尚看他有  
分山云在什麼處師云堂中山次共師下到堂中師  
去取得拄杖擲于面前山云莫從天台得不師云  
非五嶽之所生山云莫從須彌山得來師云日月宮  
不遊山云與麼則不從他人得也師云自己尚如冤  
家從人得堪作什麼山云冷灰裏有一粒豆爆乃喚

支那

宗門統要續集卷十七

七

傾七

維那來明窓下安排著明日山入堂問昨日新到在  
甚處師出應諾山云子未到雲居已前在什麼處師  
云天台國清山云天台有潺潺之水淥淥之波謝子  
遠來子意如何師云久居巖谷不掛松蘿山云此猶  
是春意秋意又如何師良久山云看君只是撐船漢  
終歸不是弄潮人

師因夾山大請維那請師送茶師云某甲爲佛法  
來不爲送茶來維那云和尚教上座師云和尚尊命  
卽得乃將茶去作務處撼盞作聲夾山回顧師云醜  
茶三五椀意在饅頭邊山云瓶有傾茶勢籃中幾箇

宗門統要續集

既師云瓶有傾茶勢籃中無一甌便傾茶行時大衆  
舉目師云大衆鶴望請師一言山云路逢死地莫打  
殺無底籃子盛將歸師云手執夜明符幾箇知天曉  
山云大衆有人也歸去來歸去來  
洪州同安丕禪師看經次因僧來叅師以衫袖蓋却  
頭僧近前作弔慰勢師放下衫袖提起經云會麼僧  
亦將衫袖蓋却頭師云蒼天蒼天  
洪州雲居懷嶽禪師因僧問明鏡當臺時如何師云  
不鑒照僧云爲甚不鑒照師云胡來胡現漢來漢現  
僧云大好不鑒照師便打

支那

宗門統要續集卷十七

八

傾七

歙州朱溪謙禪師因韶國師遊方時到忽聞犬咬靈  
鼠聲韶便問是什麼聲師云犬咬靈鼠聲韶云既是  
靈鼠爲甚却被犬咬師云咬殺也韶云好箇犬師便  
打韶云莫打某甲話在

續昭覺勤云朱溪八面受敵故宜委曲接人國師  
一著當機未免承虛接響當時待他道莫打某甲  
話在但問道已後須遇人始得

池州嵇山章禪師在投子作柴頭投子一日送茶與  
師乃云森羅萬象總在裏許師遂潑却茶云森羅萬  
象在什麼處子云可惜一椀茶



續明招謙云嵇山未潑茶前合下得什麼語免他道可惜一椀茶

潭州報慈藏嶼禪師

嗣龍牙造

因僧問承古有言情生智

隔想變體殊只如情未生時如何師云隔僧云情未生時隔箇什麼師云這箇稍子未遇人在

瑯琊覺云報慈不妨入泥入水據衲僧門下遠之遠矣

續黃龍新云也是小慈妨大慈這僧還同受屈稍浪子未遇人在今時往往作是非會却不作是非會如何理論良久云天上有星皆拱北人間無水

支那撰述

宗門統要續集卷十七

九

傾七

不朝東 開福寧云報慈一隔佛祖命脉放去收來凡聖罔測 東禪觀云報慈末上大開東閣下稍只以麤茶備禮

師讚龍牙真云日出連山月圓當戶不是無身不欲全露龍牙一日在帳中坐僧問不是無身不欲全露請師全露牙撥開帳子云還見麼僧云不見牙云不將眼來師後聞乃云龍牙只道得一半

雲門偃令僧舉我與你道僧舉了雲門云我不妨與你道

續東禪觀徵云適來報慈龍牙把手從者裏過撥

破上座耳門因什麼不知

襄州舍珠山審哲禪師因檀越請堂中首座開堂主事來曰師云是即是欠悟在首座得聞乃束裝他去師以拄杖隨後打出

襄州石門獻蘊禪師

嗣青林處

在青林作園頭一日林間

今日作什麼師云種菜林云徧界是佛身子向什麼處種師云金鋤纔動土靈苗在處生林次日入園喚蘊閣黎師應諾林云剩栽無影樹留與後人看師云若是無影樹豈受栽林云不受栽且止汝曾見他枝葉麼師云不曾見林云既不曾見爭知不受栽師云

支那撰述

宗門統要續集卷十七

十

傾七

祇爲不見所以道不受栽林休去

筠州黃檗慧禪師

嗣疎山仁

問疎山剎那便去時如何山

云逼塞虛空你作麼生去師云逼塞虛空不如去乃下至僧堂前首座云適來祇對甚是奇特師云此乃率爾實自偶然敢望開示愚迷首座云剎那還有擬議也無師於言下有省

隨州護國寺澄禪師同演化大師在湖南報慈一日慈陞堂演化出問如何是真如佛性慈云誰無衆退首座問云汝適來問和尚話還會麼化云不會座云和尚與麼慈悲汝爲什麼不會真如佛性誰無乃至



四生六道悉皆具足化云感首座為某說破師不覺咬齒云這漢自家無眼更瞎他人却召化問首座適來說箇什麼化云某甲當初不會得他說破具如前說師云佛法不是這箇道理汝若不信去問取堂頭和尚化遂去堂上具說前解以求印證慈云佛法不是這箇道理化云適來問淨果大師他亦不肯教來問和尚望和尚為某甲決破慈云爾却去問取他化往師處作禮云和尚令某甲來請益師云汝但問來化乃問如何是真如佛性師云誰有化於言下契悟乃云師向去或在眾或住持某誓願終身佐助後相

宗門統要續集卷十七

士

傾七

繼住持護國

鳳翔青峯傳楚禪師嗣洛因齋次問北院云先師道信手拈來草師兄作麼生會北院拈起一隻箸師云與麼會何曾夢見先師北院云汝與麼會何曾夢見先師

鄧州桐泉山和尚嗣黃初到黃山山問天門一合十方無路若有人道得擺手出漳江師云蟄戶不開龍無龍句山云是汝恁麼道師云是即直言是不是直言不是山云擺手出漳江師乃作禮  
袁州水平善道禪師嗣盤初謁洛浦遂問一漚未發

宗門統要續集

已前如何辯其水脉浦云移舟諳水勢舉棹別波瀾師不愜意次叅盤龍如前問龍云移舟不別水舉棹即迷源師因此相契通明錄

雲峯悅云水平若於洛浦言下會去猶較些子可惜許向盤龍死水裏淹殺後有問如何是水平對云不勞斤斧果然只在這裏諸禪德大凡發言超方也須甄別邪正識辯真偽帶些子眼筋始得雖然如是也是賊過後張弓

福州玄沙師備禪師嗣雪因叅次聞燕子聲乃云深談實相善說法要便下座尋有僧請益云某甲不會

宗門統要續集卷十七

士

傾七

師云去無人信汝

師初到莆田縣百戲迎之次日問小塘長老昨日許多喧鬧向什麼處去小塘提起袈裟角師云料掉沒交涉

法眼益别云昨日有多少喧鬧 清涼欽别云今日更好笑 瀉山詰云大瀉則不然忽有問遂鳴指一下如有箇衲子出來云料掉沒交涉却肯他何故大丈夫漢捋虎鬚也是本分且道利害在甚處

續黃龍新云奇怪諸禪德扶豎宗乘須是小塘長

老始得玄沙爲什麼道料掉沒交涉我即不然昨日許多喧鬧向什麼處去天共白雲曉水和明月流 昭覺勤云或有問山僧只向道又是從頭起他若道料掉沒交涉劈春便棒何故曹溪波浪如相似無限平人被陸沉 南華曷云玄沙恁麼道還有得失是非也無若謂有當人未具眼在若謂無因甚麼道料掉沒交涉還會麼是非已去了是非裏薦取

師示衆云諸方盡道接物利生忽遇三種病人來且作麼生接患盲者拈椎豎拂他又不見患聾者語言

文部

宗門統要續集卷十七

十三

傾七

三昧他又不聞患瘧者教伊說又說不得且作麼生接若接不得佛法無靈驗當時地藏出云某甲有眼耳和尚作麼生接師云慚愧便歸方丈

雲門偃因僧請益門云汝禮拜著僧拜起門以拄杖捏之僧乃退後門云汝不是患盲復喚近前來僧纔近前門云汝不是患聾門云還會麼僧云不會門云汝不是患瘧其僧於是有省 雪竇顯舉了便喝云這盲聾瘧瘧漢若不是雲門驢年去如今有底或拈椎豎拂他又不管教伊近前他又不來問還會麼他又不應諸方還奈何得麼雪竇若

不奈何汝這一隊驢漢又堪作什麼以拄杖一時趁散 翠巖芝云早知燈是火飯熟已多時

續法眼益云我當時見羅漢上座舉此話我便會三種病人 雲居元云地藏如龍無角似蛇有足玄沙只有先鋒且無殿後兩人病在膏肓針藥之所不到山僧爲你諸人點破拈拄杖云棒頭有眼明如日要識真金火裏看 本覺一云雲門雪竇也是因風吹火見兔放鷹爭如地藏逆水之波當時聞玄沙恁麼道便出衆云某甲有眼有耳有口請師接玄沙云慚愧便乃呵呵大笑非但玄沙盡

文部

宗門統要續集卷十七

十四

傾七

西天此土諸佛諸祖被這一撥不免退身有分焉拈拄杖云放過則不可 龍門遠云好兄弟還知真實相爲麼今日不惜眉毛爲諸人說破只如諸人有雙眼又何曾見來有雙耳又何曾聞來有片舌又何曾說來既無說無聞無見何處有色聲香味事雖然如是能有幾人到這般田地 徑山杲云這僧雖然悟去只悟得雲門禪若是玄沙禪更買草鞋行脚 天童華云雲門平展這僧實扇且道什麼處是這僧悟處不救之疾難爲針艾 師一日見鼓山來乃作圓相示之山云人人出這箇

不得師云情知汝向驢胎馬腹裏作活計山云和尚又作麼生師云人人出這箇不得山云和尚與麼道却得某甲爲甚道不得師云我得汝不得

雪竇顯云祇解貪觀白浪不知失却手橈 雲峯悅云道得道不得總在玄沙圈裏如今作麼生出得玄沙圈

續昭覺勤云灼然這一條路作者方知直得窮天地亘萬古而不移消劫石空芥城而無盡便是透關底也須著眼始得一等是恁麼時節爲什麼我得汝不得切忌向驢胎馬腹裏作活計 淨因成

支那

高麗續集卷十七

十五

傾七

云叢林中往往作鼓山未到玄沙境界會却諸人要識玄沙鼓山麼不見道盡出這箇不得 南華曷云換轉鼻孔換却眼睛若無這箇手段如何扶豎宗乘雖然如是直是好笑笑須三十年且道笑箇什麼情知汝在驢胎馬腹裏作活計 地藏恩別云不免起動和尚 東禪觀云某甲當時若作鼓山待玄沙道人出這箇不得卽云和尚元來別有長處不圖成就前功且要與玄沙向驢胎馬腹裏相見

師嘗與地藏方丈說話夜深乃云侍者關隔子門

了汝作麼生出得藏云喚什麼作門 雪竇顯別云珍重便行 清涼欽別云和尚莫欲歇去麼

師上堂衆集遂將拄杖一時趁却回向侍者道我今日作得一解嶮入地獄如箭射者云喜得和尚再復人身

翠巖芝云大小玄沙前不構村後不至店且作麼道得出身之路 道吾真云大小芝老只是偏枯若是道吾卽不然玄沙與侍者一人具一隻眼 續雲居舜云此話衆中舉得爛如泥且作麼生會

支那

高麗續集卷十七

十六

傾七

山僧道侍者不在言也玄沙也是荆棘林裏求梅檀 東禪觀云大小玄沙性命在侍者手裏 師問鏡清我不見一法爲大過患汝道不見什麼法清指露柱云莫是不見這箇法麼師云澗中清水白米從汝喫佛法則未在此

雪竇顯云大小鏡清被玄沙熱謾我當時若見但向道靈山授記也未到如此 瀉山喆云若不是鏡清幾乎忘前失後何故不逢別者終不開拳 師令僧馳書上雪峯峯上堂開絨見三幅白紙乃呈示大衆云會麼良久云不見道君子千里同風僧回



舉似師師云山頭老和尚蹉過也不知

五祖戒出語云將謂胡鬚赤黃龍南云雪峯不

道無長處既被玄沙識破直至如今雪不出

續明昭謙云玄沙三幅白紙爭奈文彩已彰雪峯

千里同風何故不知蹉過不見道養子莫教大大

了作家賊

師與天龍入山見虎龍云前面是虎師云是汝阿虎

龍歸院乃問適來山中未審和尚尊意如何師云娑

婆世界有四種重障若人透得許汝出陰界

雪竇顯云要與人天爲師前面端的是虎

支那

宗門統要續集卷十七

七

傾七

續徑山杲云也知和尚爲人切

師因韋監軍云曹山和尚甚奇怪師乃問撫州取曹

山多少韋乃指傍僧云上座曾到曹山不僧云到來

韋云撫州取曹山多少僧云一百二十韋云與麼則

上座不到曹山韋却起身禮拜師師云監軍却須拜

此僧此僧却具慙愧

承天宗云這僧可悲可痛直饒玄沙具金剛眼睛

蹉過韋監軍了也

師因韋監軍云占波國人語稍難辯何況五天梵語

還有人辯得麼師提起索子云識得這箇卽辯得

雲門偃云玄沙何用繁辭又云適來道什麼

師問僧甚處來僧云德山來師云德山近日有何言

句僧云和尚一日大衆集定壇坫杖向前便歸方丈

掩却門師云賺舉了僧却問作麼生是其甲賺舉師

云更請上座舉其僧又舉師云不違種草

師因有聲明三藏到大王王請驗之師乃將銅火箸

敲鐵火鑪問是什麼聲藏云銅鐵聲師云大王莫受

外國人謾

雪竇顯別云大王宜加信敬又別三藏云莫謾外

國人法眼益代云大師久受大王供養清涼

支那

宗門統要續集卷十七

六

傾七

欽代云却是和尚謾大王

續淨因成云旣不是銅鐵聲玄沙喚作什麼聲然

則三藏只知度水不覺濕衣玄沙偏解誣人爭奈

國有憲章且道三藏謾大王何似玄沙謾大王

天童覺云理契則神貧子獲衣中之寶情封則物

力士失額上之珠三藏只解瞻前不能顧後還知

麼誣人之罪以罪加之

師因雪峯至謂師云近有僧來禮拜我我打一棒

便回頭我向伊道是什麼渠便有箇會處師云和尚

莫錯保持人也須驗過始得師後去山中果見其僧



遂問云山中和尚見兄來打一棒云是什麼是不僧云是師拂袖去雪峯見師乃問云那僧何似生師云那僧荒也峯云何處荒師云四邊荒艱艱地

師因光侍者道師叔若學得禪某甲打鐵船下海去師住後令人馳書問光侍者云打鐵船也未

法眼益代云和尚終不與麼 清涼欽代云請和尚下船 支提愛云玄沙也是貧人思舊債

續汾陽昭云只見錐頭利不見鑿頭方 慧林本云昨日過新羅 雲居元云禪也未曾參得何用思量舊事忽然被他撐動鐵船玄沙堪作什麼

支那

宗門統要續集卷十七

五

傾七

師因僧問盡十方世界是一顆明珠學人爲甚不會師云用會作什麼

雪竇顯別云諸方卽得我這裏不得

師因雪峯遷化爲喪主三朝集衆煎茶次師於靈前拈起一隻盞問大衆先師在日卽且從你道如今且作麼生道若道得則先師無過若道不得則過在先師還有人道得麼如是三問衆皆無對師遂撲破盞子歸院後問中塔作麼生會塔云先師有什麼過師便面壁塔便出去師復召塔塔回首師問你作麼生會塔便面壁師休去

宗門統要續集

師一日見三人新到遂自去打普請鼓三下却歸方丈新到具威儀了亦去打普請鼓三下却入僧堂久住來白師云新到輕欺和尚師云打鐘集衆勸過大衆集新到不赴師令侍者去喚新到纔至法堂却向侍者背上拍一下云和尚喚你侍者至師處新到便歸堂久住乃問和尚何不勸新到師云我與你勸了也

師因僧侍次師以杖指面前地上一點白問云還見麼僧云見師如是三次問其僧俱云見師云你也見我也見爲什麼道不會

支那

宗門統要續集卷十七

五

傾七

師因長慶稜來乃問除却藥忌作麼生道稜云惡作麼師云雪峯山橡子拾食來這裏雀兒放糞

師訪三升庵主纔相見主云不怪住山年深無坐具

師云人人盡有庵主爲什麼無主云且坐喫茶師云

庵主元來有在

師示衆云世尊道吾有正法眼藏付囑摩訶大迦葉猶如畫月曹溪豎拂猶如指月時鼓山出衆云月聲師云這箇阿師就我覓月山不肯却歸衆云道我就他覓月

雪竇顯云玄沙與鼓山如排百萬大陣抵拋瓦礫

相擊或有衲僧辯得當知正法眼藏付囑有在

續護國元云玄沙鼓山各說道理要且未識月在

諸人要識月麼幸無偏照處剛有未明人

師因上雪峯問訊次峯云我此間有箇老鼠今在浴

室下師云待與和尚勘過纔去見乎上座打水次乃

云新到相看乎云已相見了也師云什麼劫中曾相

見來乎云莫瞋睡雪竇別這賊敗也師復去曰雪峯云已勘

破了峯云作麼生勘師舉前話峯云汝著賊了也

師一日侍雪峯次有二僧從塔下過峯云此二人堪

為種草師云某甲不與麼峯云汝作麼生師云便好

支那

宗門統要續集卷十七

二十二

傾七

與二十棒

師因雪峯云世界闊一丈古鏡闊一丈師乃指火爐

云火爐闊多少峯云似古鏡闊師云老漢脚跟未點

地在

鏡清怱問僧為復古鏡致火爐與麼闊火爐致古

鏡與麼大 西院明云與麼問人也未可在 雲

門偃云餓飯泥茶爐

師因侍雪峯行次峯指面前地云這一片田地好造

箇無縫塔師云高多少峯乃上下顧視師云人天福

報即不無和尚靈山授記未夢見在峯云你作麼生

師云七尺八尺

瑯琊覺云國清才子貴家富小兒嬌

師因雪峯指火云三世諸佛在火焰裏轉大法輪師

云近日王令稍嚴峯云作麼生師云不許攙拳行市

雲門偃云火焰為三世諸佛說法三世諸佛立地

聽

師因侍雪峯遊山次峯云欲將此一片地作長生地

師云看此一片地好造箇無縫塔峯乃作量勢師云

是即是某甲不與麼峯云汝作麼生師云造塔峯云

好好

支那

宗門統要續集卷十七

二十二

傾七

福州長慶慧稜禪師因僧問眾手淘金誰是得者師

云有伎倆者得僧云學人還得也無師云大遠在

雪竇顯代這僧當時便喝復云有伎倆者得一手

分付有伎倆者不得兩手分付學人還得也無蒼

天蒼天

師因遊山次保福以手拈云祇這裏便是妙高峯頂

師云是即是可惜許

鏡清怱云若不是孫公便見髑髏偏野 雪竇顯

云今日共這漢遊山圖箇什麼復云百千年後不

道全無祇是少

續鼓山晏云長慶若不與麼紅旗徧野白骨連山  
師云寧說阿羅漢有三毒不說如來有二種語不道  
如來無語只是無二種語保福云作麼生是如來語  
師云聾人爭得聞福云情知汝向第二門頭道師云  
作麼生是如來語福云喫茶去

師示衆云總似今日老胡有望後保福云總似今日  
老胡絕望

續報慈遂云恁麼道是相見語不是相見語 黃  
龍南云總似今日曹溪絕流 天童覺云富嫌千  
口少貧恨一身多

文冊

宗門統要續集卷十七

二十三

傾七

師因臥龍和尚在會下一日舉僧問曹山維摩默然  
文殊讚善未審還稱得維摩意麼曹云你還縛得虎  
空麼僧云恁麼則不稱維摩意也曹云他又爭肯僧  
云畢竟有何所歸曹云若有所歸即同彼二公也僧  
云和尚又作麼生曹云待你患維摩病始得臥龍舉  
了師云我雖不見曹山敢與曹山作箇話王臥龍愕  
然云這和尚尚近日顛倒作麼山頭老子爲這維摩  
默然話休歇却多少人如今却道與曹山作箇話王  
師云咄這尿牀鬼不會即休亂統作麼  
師示衆云撞著道伴交肩過一生叅學事畢

宗門統要續集

雪竇顯云是卽是針不割風不入有什麼用處

師問僧什麼處來僧云鼓山來師云鼓山有不跨石  
門底句有人借問汝作麼生道僧云昨夜報慈宿師  
云劈脊便棒汝又作麼生僧云和尚若行此棒不虛  
受人天供養師云幾乎放過

師因聞帥夫人崔氏練師遣使送衣物至云練師令  
就大師請取回信師云傳語練師領取回信師明日  
入府練師云昨日謝大師回信師云却請昨日回信  
看練師展兩手闍帥問大師適來練師呈信還慳大  
師意不師云猶較些子帥云未審大師意旨如何師

文冊

宗門統要續集卷十七

二十四

傾七

良久帥云不可思議大師佛法深遠

師因雪峯云吾見瀉山問仰山從上諸聖什麼處去  
仰云或在天上或在人間汝道仰山意作麼生師云  
若問諸聖出沒處與麼道即不可峯云汝渾不肯忽  
有人問汝作麼生道師云但道錯峯云是汝不錯師  
云何異於錯

師一日陞堂大衆集定師乃拽出一僧云大衆禮拜  
這僧又云這僧有甚長處却教大衆禮拜衆無對  
師示衆云淨潔打疊了也却近前問我覓我劈脊與  
你一棒有一棒到你你須生慙愧無一棒到你你又



向什麼處會

雪竇顯云雪竇即不然淨潔打雪了也直須近前就我覓我劈脊與一棒有一棒到你你即受屈無一棒到你與你平出但與麼會

續黃龍清云長慶只知支離擁腫不知道之根源雪竇引蔓牽枝未免隨波逐浪竇卒則不然淨潔打疊了也近前來只向道會麼歸堂去雖然如是也須是仙隨婆始得

師有時拈拄杖云識得這箇一生參學事畢

雲門偃云識得這箇為什麼不住

支那

宗門統要續集卷十七

二十五

傾七

續靈巖安云恁麼住者我兒孫恁麼去者寒灰發焰然雖如是都未得勦絕在拈拄杖云識得這箇遂卓一下云敲出鳳凰五色髓擊碎驪龍明月珠

師因僧問羶羊未掛角時如何師云草裏漢僧云掛角後如何師云亂叫喚僧云畢竟如何師云驢事未去馬事到來

雪竇顯云寧可碎身如微塵終不瞎箇衆生眼長慶較些子復云一般漢設使羶羊未掛角也似萬里望鄉關

宗門統要續集卷第十七

音釋

釅音驗 挫職日切 攪取亂切 賺古陷切 攪初銜切

刑部郎中金墻于玉立施費如此  
宗門統要續集第十七卷  
計字八千六百八十九箇該銀四兩五錢二分  
澄江釋在該對長洲縣徐普書金陵鄭大化刻  
萬曆丁未冬十二月徑山寂照庵識

支那

宗門統要續集卷十七

二十六

傾七



宗門統要續集卷第十八

宋建溪沙門宗永集

元建康保寧禪寺住持沙門清茂續集

青原下第六世之餘

福州安國明真弘珎大師問僧得之於心伊蘭作梅  
檀之樹失之於旨甘露乃蒺藜之園我要箇語具得  
失兩意僧豎起拳云不可喚作拳頭師云只爲喚作  
拳頭

雪竇顯云無繩自縛漢拳頭也不識 大瀉秀云  
雪竇與安國盡謂孤高方外及乎臨鋒受敵又却

上人問

宗門統要續集卷十八

一

傾八

逐隊隨行我要箇語具得失兩意待伊豎起拳云  
不可喚作拳你又喚作什麼從伊說得出得失兩意  
也要其中見人只與麼和泥合水有甚分曉

續天童華云若見得雪竇徹便見得安國龍頭地  
尾若見不徹伊蘭作梅檀之樹甘露乃蒺藜之園

東禪觀云這僧不能鉗安國之口安國不能止  
雪竇之詞雪竇不能免大瀉之議可憐諸大老成  
羣作隊不奈一箇拳何待云我要箇語具得失兩  
意只向他道休何謂如此師子一滴乳逆散十斛  
驢乳

漳州保福從展禪師因僧問雪峯平生有何言句得  
似羴羊掛角時師云我不可作雪峯弟子不得

雪竇顯云一千五百箇布衲保福較些子

師問長慶云盤山道光境俱忘復是何物洞山道光  
境未忘復是何物據二老總未得勦絕作麼生道得  
勦絕去慶良久師云情知你向鬼窟裏作活計慶云  
汝作麼生師云兩手扶犁水過膝

雪竇顯云俱忘未忘總由我保福因什麼道未得  
勦絕灼然能有幾箇諸人又作麼生道免得長慶  
在鬼窟裏良久云柳絮隨風自西自東 大瀉秀

上人問

宗門統要續集卷十八

二

傾八

云保福拈提頗有宗風及乎問著又却拖泥帶水  
光境何物且致俱忘未忘甚處得這消息

師示衆云此事如擎石火閃電光構得構不得未免  
喪身失命有僧便問未審構得底人還免喪身失命  
也無師云過來且致問黎還構得麼僧云若構不得  
未免大衆笑師云作家作家僧云是什麼心行師云  
一杓屎攔面潑也不知臭

雪竇顯云諸上座保福有生擒虎兇底爪牙這僧  
也不易相敵雖然如此要且放過保福一著只如  
雪竇與大衆還許諸方檢責也無若兔不得平地

上死人無數其中有得活底麼乃拈起拄杖云來也來也

續護國元云能擒能縱能殺能活保福可謂作家手段本分鉗鎚這僧可惜許錯轉話頭待他道聞緊還構得麼只對他道明眼宗師天然猶在當時若下得這一句直饒保福全機更買草鞋行脚何故不見道得人一半還人一馬

師一日云如今有人從佛殿後過便知是張三李四有人從佛殿前過汝爲甚不見且道佛法利害在什麼處僧云爲伊有一分麤境所以不見師便喝復自

寶鑑彙編卷十八

三

頌八

云若是佛殿卽不見僧云不是佛殿還見不師云不是佛殿見什麼

師因僧侍立乃云你得與麼麤心僧云甚處是某甲麤心處師拈一塊土度與云拋向門外著僧拋了却來云甚處是某甲麤心師云我見你築著墻著所以道你麤心

雪竇顯云然則這僧被熱設爭奈真不掩偽曲不藏直雪竇將今視古於理不甘你這一隊漢忽僧堂裏來寮舍內出築著墻著亦乃不知近來麤心轉盛我若放過便見諸方檢責卓拄杖下座

師因長生卓菴時去相訪茶話次生云有僧問某甲如何是祖師西來意某甲豎起拂子不知得不得師云某甲爭敢道得不得有箇問有人讚嘆此事如虎帶角有人輕毀此事分文不直一等是與麼事爲甚讚毀不同生云適來出自偶爾有老宿云毀又爭得又有老宿云惜取眉毛

平上座云若無智眼難辯得失 雪竇顯別云若非和尚證明拂子一生無用 報慈遂云一等是與麼事爲什麼有得有不得

師問羅山有人問巖頭浩浩塵中如何辯主頭云銅

寶鑑彙編卷十八

四

頌八

鈔羅裏滿盛油意作麼生羅召大師師應諾羅云獼猴入道場羅却問明招忽有人問你作麼生招云箭穿紅日影

師問羅山云巖頭道與麼與麼不與麼不與麼意作麼生山召大師師應諾山云雙明亦雙暗師禮謝而去三日後却來問前日蒙大師垂慈祇爲看不破山云盡情向你道了也師云大師是把火行山云若與麼據大師疑處問將來師云如何是雙明亦雙暗山云同生亦同死師當時又禮謝後別有僧問師同生亦同死時如何師云彼此合取狗口僧云大師收取

口喫飯其僧却去問羅山同生亦同死時如何山云如牛無角僧云同生不同死時如何山云如虎戴角師因僧問如來禪卽不問如何是祖師禪師以手撥云香嚴道底拈向這邊著僧無語師却問明招云道者道取招云請大師舉師便舉招云更有第二下鐵鎚來和尚又將箇什麼祇荷卽得

師在疾問僧我與你相識年深有何名方妙藥相救僧云藥方甚有聞說和尚不解忌口

雲竇顯別云只恐難爲和尚

韶州雲門文偃禪師因鷲湖上堂云莫道未了底人

文師

宗門統要續集卷十八

五

頌八

長時浮逼逼地設使了得底人明明得知有去處尚乃浮逼逼地師下堂舉問首座云適來和尚示衆意作麼生座云浮逼逼地師云首座久在此任頭白齒黃作這箇語話座云上座又作麼生師云要道卽得見卽便見若不見莫亂道首座云只如堂頭道浮逼逼地又作麼生師云頭上著枷脚下著杻座云與麼則無佛法也師云此是文殊普賢大人境界

爲山詰云大凡撥草瞻風須是其人雲門可謂青天霹靂旱地震雷直得百里寬慮變懾不見道驚羣須是英靈漢敵勝還他師子兒

續黃龍新云雲門以錐錐地首座以刀剗空直饒齊下錐刀未免頭上著枷脚下著杻

師因僧問如何是法身向上事師云向上與汝道卽不難作麼生會法身僧云請和尚鑒師云鑒卽且致作麼生會法身僧云與麼與麼師云這箇是長連牀上學得底我且問汝法身還解喫飯麼僧無對

雲竇顯云將成九仞之山不進一簣之士過在什麼處 菴主云雲門直得入泥入水

續保福展云欠他一粒也不得 昭覺勤云雲門可謂驅耕夫之牛奪飢人之食權衡佛祖龜鑒宗

文師

宗門統要續集卷十八

六

頌八

乘所以後來尊宿各出眼目扶豎大教雖然如是只明得法身邊事未明得法身向上事且如何是法身向上事域中無背面闕外有威權 南堂靜云這僧敢將游艇子捺檢洞庭湖殊不知雲門金鍬慣調曾百戰鐵鞭多力恨無儼若是大隨卽不然這會也拈却雲門也架閣且作麼生會法身良久云任從滄海變終不爲君通 天童傑云雲門渾剛打就生鐵鑄成不動鉗鎚火星迸散永庵主冷處著把火義出豐年保福開處愛入頭未免旁觀者晒天童據款結案也要諸方檢點若檢點得



出生陷無間地獄

師問嶺中順維那古人豎起拂子放下拂子意旨如何順云拂前見拂後見師云如是如是又云是諾伊是不諾伊又云可知禮也

師問僧什麼處來僧云禮塔來師云謊我僧云某甲實禮塔來師云五戒也不持

保福展云智不責愚 汾陽昭云彼此相鈍置

師因僧問十方薄伽梵一路涅槃門薄伽梵即不問如何是一路涅槃門師云我道不得僧云和尚爲什麼道不得師云你舉話即得

支師

宗門統要續集卷十八

七

傾八

雪竇顯別云淺水無魚徒勞下釣

師問僧汝是甚處人僧云新羅人師云將什麼過海僧云草賊大敗師云爲什麼在我手裏僧云恰是師云一任踣跳

雪竇顯別雲門云噓噓又云雲門老漢龍頭虺尾放過這僧爲什麼在我手裏恰是劈脊便棒 爲

山喆云雲門雪竇只知步步登高大海即不然爲什麼在我手裏恰是便乃呵呵大笑不見道殺人刀活人劍

師到灌溪有僧舉溪語云十方無壁落四面亦無門

淨裸裸赤灑灑沒可把問師作麼生師云與麼道即

易也大難出僧云上座不肯和尚與麼道那師云你適來與麼舉那僧云是師云你驢年夢見灌溪僧云某甲話在師云我問你十方無壁落四面亦無門云

云你道大梵天王與帝釋商量什麼事僧云豈于他事師喝云逐隊喫飯漢

師在浙江蘊和尚會中因喫茶次舉蘊和尚垂語云見聞覺知是法法離見聞覺知作麼生時有僧云見定如今目前一切見聞覺知是法法亦不可得師遂拍手一下蘊乃舉頭師云猶欠一著在蘊云到這裏

支師

宗門統要續集卷十八

八

傾八

却不會

師舉馬大師道一切語言是提婆宗以這箇爲主乃云好語只是無人問我時有僧便問如何是提婆宗師云西天九十六種你是最下種

雪竇顯云赤旛被這僧奪了也

師問僧近離甚處僧云西禪師云西禪近日有何言句僧展兩手師與一掌僧云某甲話在師却展兩手僧無語師便打

師舉臨濟三句語問塔主只如塔中和尚得第幾句主無對師云你問我主便問師云不快即道主云作



麼生是不快卽道師云一不成二不是

師因到庫下見一僧乃問作什麼僧云設供師云你是甚處人僧云某處人師乃喚典座與這上座設却供

瀉山詰云雲門一期慈悲却成多事當時便回去免見掛後人脣齒良久云若不登樓望焉知滄海寬

師問直歲什麼處去來歲云刈茅來師云刈得幾箇祖師歲云三百箇師云朝打三千暮打八百東家杓柄長西家杓柄短又作麼生歲無語師便打

支那

宗門統要續集卷十八

九

頌八

瀉山詰云直歲爲衆竭力到雲門面前乃力盡神

疲何故基逢敵手難藏行水到滄溟始是波

續徑山杲云直歲無語有三百箇祖師證明雲門

令雖行要且棒頭無眼 瀉山果云這僧若具眼

見雲門恁麼道但云和尚休要把髻役衙擬議之

間坐具便撼不唯慶快平生亦乃參學眼正

師因僧問秋初夏末前程忽有人問作麼生祇對師

云大眾退後僧云未審過在甚處師云還我九十日

飯錢來

瀉山詰云這僧貪程太速致使雲門隨索飯錢而

今還有識雲門者麼出來與大瀉相見良久云不是弄潮人休入洪波裏

續昭覺勤云這僧貪觀白浪雲門見機而作雖然斬釘截鐵未是本分草料有問崇寧只對道驢事未去馬事到來待伊如之若何劈脊便打 護國

元云據虎頭收虎尾則不無斬釘截鐵猶欠一著忽有人問護國劈脊便打待伊道過在什麼處向他道不似雲門索飯錢 天童覺云大眾退後衲

僧去就豈用機關那容體究義翁老熟慣波瀾撓棹不施船放流 天童華云這僧有迎刃底謀略

支那

宗門統要續集卷十八

十

頌八

雲門具殺活底手段雖然如是報恩門下更須勸

過了打 天童傑云平如鏡面險似刀山這僧有

破關底機謀雲門善用不戰屈人兵底手段雖然

如是鼻孔在靈隱手裏

師因一僧罷經論來參多時乃云未到雲門時恰似

初生月及乎到後曲彎彎地師得知乃舉問是你道

不僧云是師云甚好吾問汝作麼生是初生月僧乃

斫額作望月勢師云你如此已後失却目在僧經旬

日却來師復問你還會也未僧云未會師云你問我

僧便問如何是初生月師云曲彎彎地僧罔措後此

僧果然失目

瑯琊覺云且道佛法有靈驗麼如今若有人問瑯琊如何是初生月向道經堂前打板聲白雲端云這僧失却目雲門和鼻孔不見雖然如是家住州西

續黃龍新云語驚時聽得無動機若謂這僧失雙目入地獄如箭射東禪觀云這僧雖失雙目光射九天雲門兩眼雖存前明後暗

師示衆云諸和尚子莫妄想天是天地是地山是山水是水僧是僧俗是俗良久云與我拈按山來時有

十一 頌八

僧問學人見山是山水是水時如何師云三門爲甚騎佛殿從這裏過或云與我拈面前按山來僧云與麼則不妄想去也師云還我話頭來

師問僧甚處來僧云江西師云江西一隊老漢寐語住也未僧無語

法眼益因僧舉眼云大小雲門被這僧勘破五雲逢云什麼處是勘破雲門處要會麼法眼亦被這僧勘破也

師示衆云你若不相當且覓箇入頭處微塵諸佛在你舌頭上三藏聖教在你脚跟底不如悟去好還有

人悟得麼出來對衆道看

雪竇顯云然則養子之緣爭奈壓良爲賤其間忽有不甘底出來掀倒禪牀豈不是大丈夫漢然雖如是且問據箇什麼乃驀拈拄杖云泊合停囚長智擊禪牀下座

師云盡十方世界乾坤大地天下老和尚以拄杖畫一畫云百雜碎

雪竇顯云這老漢是即是要且未有出身之路如今拄杖在雪竇手裏復橫按云東西南北甚處得來

十二 頌八

師云三乘十二分教達磨西來放過即不可若不放過不消一喝

雪竇顯舉了隨後喝一喝云大衆好喝落在甚處若要鼻孔遼天辯取這一喝

師示衆云聞聲悟道見色明心作麼生是聞聲悟道見色明心乃云觀世音菩薩將錢來買胡餅放下手云元來却是饅頭

續白雲端舉了展兩手云有麼又搖手云無也無也乃云曾經大海難爲水除却巫山總是煙

法雲秀拈拄杖卓一下云這箇是聲色那箇是

心良久云世間無限丹青手到此都盧畫不成  
黃龍清云雲門可謂食飽傷心諸人切忌向胡餅  
裏討汁 五祖演云我即不然乃以手作打杖鼓  
勢云棚入囉扎 南堂靜云老僧即不然張公喫  
酒李公醉李公喫酒張公醉張公李公酩酊醉鼻  
息如雷甕裏睡 徑山杲拈拄杖云這箇是色卓  
拄杖云這箇是聲諸人總見總聞那箇是明底心  
那箇是悟底道喝一喝云貪他一粒米失却半年  
糧復卓一下 靈隱嶽云治父有條活路要與諸  
人共行拈拄杖云穿入諸人鼻孔燈籠露柱直得

支那

宗門統要續集卷十八

十三

傾八

眼睛突出卓拄杖下座

師一日云真空不壞有真空不異色僧便問作麼生  
是真空師云還聞鐘聲麼僧云此是鐘聲師云驢年  
夢見麼

師一日云平地上死人無數過得荆棘林是好手時  
有僧出云與麼則堂中第一座有長處也師云蘇嚕  
蘇嚕

瀉山喆云若不是雲門被這僧一問幾乎將南作  
北大瀉即不然忽有人道恁麼則堂中第一座有  
長處也乃拈拄杖云你喚這箇作什麼若喚作拄

杖子眉鬚墮落

續黃龍南拈起拂子云大衆若喚作拂子是平地  
上死人不喚作拂子未透荆棘林在 五祖演云  
太平即不然平地上箇箇丈夫荆棘林裏坐得是  
好手何故格 泐潭清云只這拂子是荆棘林諸  
人作麼生過直饒過得也是胡孫繫露柱

師雲遊到江州陳尚書請喫飯次乃問三乘教典即  
不問儒書更不言作麼生是衲僧行脚事師云曾問  
幾人來陳云即今問上座師云即今且致作麼生是  
教意陳云黃卷赤軸師云這箇是語言文字作麼生

支那

宗門統要續集卷十八

十四

傾八

是教意陳云口欲談而辭喪心欲緣而慮忘師云口  
欲談而辭喪爲對有言心欲緣而慮忘爲對妄想作  
麼生是教意陳無對師云見說尚書看法華經是不  
陳云是師云經中道一切治生產業皆與實相不相  
違背且道非非想天有幾人退位陳又無對師云尚  
書且莫草草十經五論師僧拋却特入叢林十年二  
十年尚不奈何尚書又爭會陳遂作禮云某甲罪過  
師問堂中首座云你道乾坤大地與汝自己是同是  
別座云同師云一切物命蛾蟻子與汝自己是同  
是別座云同師云你爲甚却干戈相待



師到天童童云你還定當得麼師云和尚道什麼童云不會即目前包裹師云會即目前包裹

師因珣長老舉菩薩手中赤幡問師作麼生師云你是無禮漢珣云作麼生無禮師云是你外道奴也作不得

師因僧問佛法如水中月是不師云清波無透路僧云和尚從何得師云再問復何來僧云便與麼去時如何師云重疊關山路

師問僧近離甚處僧云南岳師云我不曾與人葛藤近前來僧近前師云去

支那

宗門統要錄卷十八

十五

傾八

福州大普山玄通禪師到玄沙沙云汝在彼住莫誑惑人家男女師云玄通祇是開箇供養門晚來朝去爭敢作與麼事沙云事難師云其情是難沙云什麼處是難處師云爲伊不肯承當沙便入方丈閉却門杭州龍冊寺道愆禪師即鏡清也因僧問學人未達其源乞師方便師云是什麼源僧云其源師云若是其源爭受方便

雪竇顯云死水裏浸却有甚用處

尋有侍者問適來成禡伊師云無者云不成禡伊師云無者云師意如何師云一點水墨兩處成龍

雪竇顯云猶較此子雪竇不是減鏡清威光要與這僧相見是什麼源其源三十年後與汝三十棒

五祖戒云與麼道也大險雖然語險爭奈用得這一點親要會麼莫怪鏡清多意氣他家曾謁聖明君

續昭覺勤云鏡清機如掣電眼似流星一切世界成就要且只解委曲不解直截還委悉麼有意氣時添意氣不風流處也風流南堂靜云大小鏡清元來手脚小今夜或有人問適來是成禡伊麼無不成禡伊麼無未審尊意如何一點水墨而地

支那

宗門統要錄卷十八

十六

傾八

成金毛師子

師因僧問學人啐請師啐師云還得活也無僧云若不活遭人怪笑師云也是草裏漢

雪竇顯云衲僧有此奇特事若一箇半箇互相平展古聖也不虛出來一迴

師問僧近離甚處僧云三峯夏在甚處僧云五峯師云放你三十棒僧云某甲過在什麼處師云爲你出一叢林入一叢林

師一日於僧堂前自擊鐘云玄沙道底玄沙道底時有僧問玄沙道什麼師乃畫一圓相僧云若不久叅



爭知與麼師云還我草鞋錢來

雪竇顯云泊被打破蔡州

師問僧近離甚處僧云石橋師云本分事作麼生僧云近離石橋師云我豈不知你近離石橋本分事作麼生僧云和尚何不領話師便打僧云某甲話在師云你但喫棒我要這話行

雪竇顯云然則倚勢欺人爭奈事不孤起這僧若能慎初護末棒須是鏡清自喫

師因普請鋤草次浴頭請師浴師不顧如是三請師忽舉鋤作打勢浴頭便走師召云來來浴頭回首師

法苑珠林

宗門統要續集卷十八

十七

傾八

明招謙代云敢死喘氣

師問僧門外是什麼聲僧云雨滴聲師云衆生顛倒迷已逐物僧云和尚作麼生師云泊不迷已僧云泊不迷已意旨如何師云出身猶可易脫體道應難

黃龍心云說難說易轉見迷已要不迷已如今喚作什麼聲

續瑯琊覺云得卽得大似平地陷人 法雲秀云出身句諸人總知脫體句還有道得麼良久云寧難方見丈夫心

師又問僧門外是什麼聲僧云蛇咬蝦蟇聲師云將

法苑珠林

宗門統要續集卷十八

大

傾八

爲衆生苦更有苦衆生

師問靈雲行脚事大乞師指南靈雲云浙中米作麼價師云若不是某甲泊作米價會

大滄秀云曾聞鏡清作者果然不類沉常旣知不作米價會必然深悟指南靈雲只解放去不能收來若不是某甲泊作米價會只問道你又別作麼生會從伊說得行脚事且與後人爲軌爲範

師在雪峯因普請次峯舉瀉山云見色便見心還有過也無師云古人爲什麼事峯云雖然如此我要共你商量師云若與麼不如某甲鏹地去

云向後遇作家分明舉似僧後舉似保福未了福以手掩其僧口僧後舉似師師云饒伊與麼也未作家師因僧引一童子到云此兒子常愛問僧佛法請和尚驗看師乃令點茶來師喫了過盞與童子童子擬接師却縮手云還道得麼子云問將來從容僧問此童子見解如何師云祇是一生兩生持戒僧

續法眼益於將來處別云和尚更喫茶不

師住菴時有一行者至徐徐近繩牀取拂子提起問某甲定喫這箇作拂子菴主喚作什麼師云不可更安名立字此行者乃擲却拂子云著甚死急

續靈隱泉云雪峯探竿在手影草隨身若不是鏡清普請幾乎狼籍

師因風穴到乃問近離什麼處穴云自離東來師云還過小江也無穴云大舸獨飄空小江無可濟師云鏡水塗山鳥飛不度子莫道聽遺言穴云滄溟尚怯朦朧勢列漢飛帆渡五湖師豎起拄杖云爭奈這箇何穴云這箇是什麼師云果然不識穴云出沒卷舒與師同用師云杓卜聽虛聲熟睡饒瞻語穴云澤廣藏山理能伏豹師云捨罪放愆速須出去穴云出去即得便出到法堂上却云夫行脚人因緣未盡盡不

支那

宗門統要續集卷十八

十九

傾八

可便休却回方丈見師坐次便問某甲適來輒陳小駭冒黷尊顏伏承和尚慈悲未賜罪責師云適來言從東來豈不是翠巖來穴云雪竇親樓寶蓋東師云不逐云羊狂解息却來這裏念篇章穴云路逢劍客須呈劍不是詩人不獻詩師云詩速祕却略借劍看穴云景首饒人携劍去師云不獨觸風化亦自顯顏預穴云若不觸風化爭明古佛心師云何名古佛心穴云再犯不容師今何有師云東來衲子菽麥不分穴云祇聞不已而已何得抑已而已師云巨浪湧千尋澄波不離水穴云一句截流萬機浸削便拜師云

東來衲子俊哉俊哉

福州長生皎然禪師因雪峯舉似云我適來普請次負一束藤逢一僧乃拋下僧擬取被我踏倒我今日踏這僧快生師云和尚替這僧入涅槃堂始得峯休去

雪竇顯云長生大似東家人死西家助哀也好與一路白雲端云雪峯外面贏得五百年中失却一貫

師因玄沙問我觀如來前際不來後際不去今亦無住長老作麼生師云放某甲過有箇道處沙云放你

支那

宗門統要續集卷十八

二十

傾八

過作麼生道師默然沙云教誰委師云和尚不委沙云情知你向鬼窟裏作活計

續崇壽稠別長生云喚什麼作如來

福州鼓山神晏國師因新到叅乃云直下猶難會尋言轉更賒若論佛與祖特地隔天涯上座作麼生會僧無語舉似侍者云某甲不會請侍者代一轉語者云和尚與麼道猶隔天涯在僧舉似師師喚侍者問你爲新到代語是不者云是師便打趣出院師示衆云鼓山門下不得咳嗽時有僧便咳嗽一聲師云作什麼僧云傷寒師云傷寒即得

續瑯琊覺云雷聲甚大雨點全無 雲蓋本云鼓山雖有探竿影草未免將曲作直道林即不然作麼生傷寒山中無別藥門外有青松

師示衆云若論此事如一口劍時有僧問承和尚言若論此事如一口劍和尚是死屍學人是死屍如何是劍師云拖出這死屍僧應諾歸永鉢下結束便行師至晚問首座問話底僧在不座云當時便去也師云好與二十棒

雪竇顯云諸方老宿總道鼓山失却一隻眼殊不知重賞之下必有勇夫然雖如是若仔細點檢來

鼓山

宗門統要續集卷十八

二十二

傾八

未免一時埋却

雲居齊云這僧若不肯鼓山有什麼過若肯何得便發去又云鼓山拄杖賞伊罰伊具眼底試商量看

續東禪觀云這僧將箇死屍出來弄得活鼓山好一口劍尚欠磨礱在

師初參雪峯纔入門峯擲住云是什麼師釋然契悟舉手搖舞峯云子作道理耶師云何道理之有峯乃撫而印之

明州翠巖令參祖師示衆云一夏以來爲兄弟東語西話看我眉毛在也無

宗門統要續集

長慶稜云生也 雲門偃云關 保福展云作賊人心虛 翠巖芝云爲衆竭力禍出私門

續雲居元云翠巖知而故犯經教不原雲門按後施行依公問罪還識長慶保福麼普州人送賊蔣山懃云翠巖坐斷天下人舌頭無咱啄處長慶云生也因事長智保福云作賊人心虛是精識精雲門云關據欵結案雖則宗風競鬪還截得翠巖脚跟麼不躡前蹤試道看 薦福行云翠巖開眼尿牀問在答處雲門失錢遭罪答在問處若問不在答處答不在問處東湖拄杖穿却嘉州大像你

鼓山

宗門統要續集卷十八

二十二

傾八

諸人提起坐具且向日本國裏作自恣佛事

雪竇云盡大地是翠巖一隻眼更說什麼在不在直得諸方尊宿做盡伎倆出繼續不得所以保福云作賊人心虛正是上他機境雲門云關大似夢中爭力長慶云生也隨語生解只如宗上座又作麼生以拂子畫圓相云分付海山無事客釣鰲時下一圈圖 大滌泰云保福道作賊人心虛可謂同道者方知長慶云生也隨語作解雲門云關寒斷咽喉若有問山僧見處又作麼生拈拄杖卓一下云一鼎穿却



師因有座主就華嚴講下請師齋師云山僧有箇問若道得卽齋乃拈起胡餅云還具法身麼主云具師云與麼則喫法身也主無對本講座主代云有什麼過師不肯

雲門偃代云特謝和尚降重空筵

越州洞巖可休禪師因雲門到得數日纔上來問訊恰值師下來便問什麼處去門云親近去師云亂走作什麼門云暫時不在師云什麼處去來

雪竇顯別云好與三十棒

福州羅山道閑禪師嗣巖頭巖一日侍巖頭遊山次忽然

文冊

宗門統要續集卷十八

二五

傾八

喚云和尚頭云作麼師乃近前作禮問和尚豈不是三十年前在洞山又不肯洞山頭云是師云和尚豈不是法嗣德山又不肯德山頭云是師云不肯德山卽不問只如洞山有什麼虧缺頭良久云洞山好佛只是無光師便作禮

師因僧辭保福福問甚處去僧云禮拜羅山去福云汝與我向羅山道保福秋間上府朝覲大王置四十箇問頭問大師忽若一句不相當莫言不道但與麼傳語僧到一一舉似師呵呵大笑云陳老師自入禪建道洪塘橋頭下一寨未曾見一箇毛頭星現汝却

與我向從展道陳老師無許多問頭只有一劒劒下須有分身之意亦有出身之路若不明便須成未但與麼傳語僧回舉似保福福云我當時也只是謔伊至秋間上朝覲師特爲辦茶筵差人去請福不赴却向僧云我前曾有謔言恐大師問著僧歸舉似師師云汝更去向他道猛虎終不食伏肉僧又去請保福遂來

師在禾山因清貴上座說話次貴云天下無第一人大小爲山猶輸他道吾師云有什麼語輸他貴舉石雷舜爲山纔禮拜起爲山問有句無句如藤倚樹子

文冊

宗門統要續集卷十八

二五

傾八

意如何霜無對却到道吾吾問甚處來霜云爲山來吾云有什麼言句霜遂舉前話吾云汝何不道取霜云祇爲道不得吾云汝爲我看菴待我與你報讎去吾往爲山山泥壁次忽回首見道吾在背後山便云智頭陀因何到此吾云某甲不爲別事來祇爲和尚問諸道者有句無句如藤倚樹還是也無爲云是吾便問樹倒藤枯時如何爲山呵呵大笑被道吾捺向泥裏爲山總不管貴上座舉了云這箇豈不是爲山輸他道吾師云上座三十年後若有把茅蓋頭切忌舉著這箇話貴不肯却與道吾作王被師擒下地云



白大衆各請停喧某甲今日與清貴上座直爲滿山雪屈話且須側聆貴云知也知也便禮拜師云何不早道你還識道吾麼只是館驛裏本色撮馬糞漢師因遊漳州見三平碑云和尚遷化時衆請韓王名作喪主韓將一條手巾蓋一面鈔鑼以一口露刃劍橫放鈔鑼上直到龕前放下云還有人道得麼若道得其卽作喪主若道不得卽不作喪主道道衆無對韓便趂却鈔鑼哭云蒼天先師遠矣師云噫大奇大奇三平門下六百來人總被這俗漢吞却也陳老師當時若在未放他過時有僧問祇如佗與麼來未審

後部

宗門統要卷十八

二十五

傾八

作麼生祇對師云我當時若在只將三尺布蓋却頭橫亞一柄露刃刀以手揭起孝幕當門而坐看韓家箇漢要作喪主也未得要不作喪主也未得進之須有禮退之須有禮

師因無軫上座問祇如巖頭道洞山好箇佛只是無光未審洞山有何虧缺便道無光師召云無軫軫應諾師云灼然好箇佛只是無光軫云大師爲什麼撥某甲話師云什麼處是陳老師撥你話處快道快道軫無對師打三十棒趂出軫舉似昭慶慶一夏罵詈至夏末自來問師此事師乃分明舉似慶便作禮懺

悔云泊錯怪大師

師因發化主往泉州臨歧乃設問太傅忽問大師十二時中將何示徒爾作麼生道主無對師云但道騎虎頭收虎尾第一句下明宗旨師又代進語云此猶是菩薩有言教菩薩無言教作麼生主又無對師又代云敵露鋒機如同電拂

師在大庾嶺住菴時有僧辭去疎山師云我有一信附與疎山得麼僧近前云便請師以手捏頭上却展手云還奈何麼僧無對僧後到疎山堂內舉次一僧云諸人還會麼衆無對僧云天下人不奈大嶺何

後部

宗門統要卷十八

二十六

傾八

師問石霜云起滅不停時如何霜云直須寒灰枯木去一念萬年去函蓋相應去全清絕點去師不契却往巖頭處如前問巖頭喝云是誰起滅師於此有省台州瑞巖師彥禪師因夾山問甚處來師云臥龍來山云來時龍起也未師近前以目顧視山云灸瘡癰上更著艾焦師云和尚又苦如此作麼山休去

爲山詰云瑞巖雖然威憚尼懇爭奈夾山水清不

容  
師問夾山與麼卽易不與麼卽難與麼與麼卽惺惺不與麼不與麼卽居空界與麼不與麼請師速道山

云老僧謾聞黎去也師喝云這老和尚而今是什麼時節便出去後有僧舉似巖頭頭云苦哉將我一枝佛法與麼流將去

師每自喚主人公復自應諾乃云惺惺著他後莫受人謾後有僧到玄沙沙問近離甚處僧云瑞巖沙云有何言句示人僧舉前話沙云一等是弄精鬼也甚可怪却云何不且在彼中僧云已遷化也沙云而今還喚得應麼僧無對

雪竇顯云蒼天蒼天

續保寧勇云和尚爲什麼對面不聞 雲居元云

鼓

宗門統要卷十八

二十七

傾八

天下宗師總爲這僧下語大似東家人死西家人助哀直饒瑞巖自出頭來也是棺木裏瞠眼 昭覺勤云百丈寒潭徹底月在波心千尺巖松倚天風生幽谷直得漂漂孤標澄澄半采及至月離碧潭影在雲衢遂乃當面蹉過當時若是箇漢待伊道卽今還喚得應麼直下便喝非唯把斷玄沙要津亦乃與瑞巖老子出氣 大潑智云勸君更盡一杯酒西出陽關無故人

宗門統要續集卷第十八

音釋

鮮羊舌之姓也 嚙多言也 圈屬驅員切趨也 尾屬 戇屬

刑部郎中金壇子玉立施贊刻此  
宗門統要續集第十八卷 計字九千三百三  
十箇該銀四兩八錢五分  
登江釋在照對長洲徐普書進賢徐永祥刻  
萬曆丁未冬十月徑山寂照庵識

鼓

宗門統要續集卷十八

二十八

傾八

宗門統要續集卷第十九

宋建溪沙門宗永集

元建康保寧禪寺住持沙門清茂續集

青原下第七世

漳州羅漢桂琛禪師嗣玄沙備問僧甚處來僧云秦州來

師云將得什麼物來僧云不將得物來師云汝爲什

麼對衆謾語僧無對師却問云秦州豈不是出鸚鵡

僧云鸚鵡出在隴西師云也不較多

鴻山詰云這僧新從秦州來爲什麼道對衆謾語

要會麼作客殷勤帶累主人拖泥涉水

擬述部

宗門統要續集卷十九

二

傾九

師與長慶保福入州見牡丹華障子福云好一朵牡丹

丹華慶云莫眼花師云可惜一朵華

報慈遂云三尊宿語還有親疎也無只如羅漢與

麼道落在什麼處

續黃龍心云據此三人見處一人超佛越祖一人

自利利他一人謾已却問僧你道自謾底是誰僧

云莫眼華師云此去更深夜靜迥絕無人處更去

共伊商量始得

師問僧你在昭慶有什麼異聞底事試舉看僧云不

敢錯舉師云真實底事作麼生僧云和尚因什麼如

宗門統要續集

此師云汝話墮也

師因同中塔侍玄沙沙次沙乃打中塔一棒云就名就

體中塔不對沙乃問師云作麼生會師云這僧著一

棒不知來處

師因爲玄沙作忌齋請報恩和尚喫藥石報恩看供

養位不見有真遂問師還有真麼師以手揖云看恩

云元來無真師云大似不看相似

師因玄沙問三界唯心汝作麼生會師指椅子云和

尚喚這箇作什麼沙云椅子師云和尚不會三界唯

心沙云我喚這箇作竹木汝喚作什麼師云某甲亦

擬述部

宗門統要續集卷十九

二

傾九

喚作竹木沙云盡大地竟一箇會佛法底人不可得

師見僧來乃豎起拂子示之僧便作禮師云你見箇

什麼便作禮僧云謝和尚指示師便打云見我豎起

拂子便道謝和尚指示見我每日掃牀掃地爲甚不

道謝和尚指示

師一日插田次見僧新到乃問從甚處來僧云南州

來師云彼中近日佛法如何僧云商量浩浩地師云

爭如我這裏栽田博飯喫僧云爭奈三界何師云喚

什麼作三界

鴻山詰云清貧快樂濁富多憂



師問僧甚處來僧云南方師云南方知識有何言句  
示徒僧云彼中道金屑雖貴眼裏著不得師云我道  
須彌在你眼裏

翠巖芝云且道地藏還免得這僧麼

師因修山主悟空法眼三人到院阻雨雪向火次師  
附爐乃問山河大地與上座自己是同是別修云別  
師豎兩指修云同師亦豎兩指便去

師問保福僧彼中佛法如何示人僧云保福有時示  
衆云塞却你眼教你覷不見塞却你耳教你聽不聞  
坐却你意根教你分別不得師云吾問你我不塞你

文淵

宗門統要續集卷十九

三

傾九

眼見箇什麼不塞你耳你聞箇什麼不坐你意根你  
作麼生分別僧於言下有省

福州安國慧球禪師問了院王先師道盡十方世界  
是箇真實人體你還見僧堂麼王云和尚莫眼花師  
云先師遷化肉猶暖在

師示衆云我此間粥飯因緣然與兄弟舉唱終是不  
常如今欲得省要却是山河大地舉明其事却常亦  
能究竟若從文殊門入者一切有爲土木瓦礫悉皆  
助你發機若從觀音門入者一切善惡音響乃至蝦  
蟄曲蟠爲你舉揚若從普賢門入者不動步而到我

今以此三門助汝方便如將一隻折箸攪大海水令  
彼魚龍知水爲命離水一分魚龍不全性命還曾麼  
若無智眼而審之任你百般善巧不爲究竟話亦同

瑯琊覺云雖是善因而招惡果

續保寧勇云大衆東西南北四維上下墜著磕著  
不覺不知過在什麼處良久云紅粉易成端正女  
無錢難作好兒郎 薦福行云若據山僧檢點安  
國自己性命亦未知落處在這裏一隻折箸也不  
消得莫有虎口奪食者麼若無山僧不免向灸瘢

文淵

宗門統要續集卷十九

四

傾九

上更下一焦去也拍禪牀下座 東禪觀云安國  
一時嚼飯餵嬰兒不知傍觀惡心

泉州昭慶法因禪師

師長慶後

師作桶頭常與衆僧語話

一日長慶入寮見乃云爾每日口嘮嘮作什麼師云  
一日不作一日不食慶云與麼則磨弓錯箭去師云  
專待尉遲來慶云尉遲來後如何師云待伊筋骨偏  
地眼睛突出慶便出去

福州報慈光雲禪師因閩王問報慈與神泉相去近  
遠師云若說近遠不如親到却問大王口應千差是  
什麼心王云什麼處得心來師云豈有無心者王云



那邊事作麼生師云請向那邊問王云大師謾別人即得

師問僧近離甚處僧云臥龍師云在彼多少時僧云經冬過夏師云龍門無宿客爲甚在彼許多時僧云師子窟中無異獸師云汝試作師子吼看僧云若作師子吼即無和尚師云念汝新到放汝三十棒

雪竇顯云奇怪諸禪德若平展則兩不相傷據令則彼此俱嶮還檢點得麼

婺州報恩曉悟寶資禪師因僧問波騰鼎沸起必全真未審古人意如何師乃叱之僧云與麼則非次也

支那

南無觀音菩薩卷十九

五

傾九

師云你話墮也又云我話亦墮汝作麼生僧無對新羅龜山和尚因僧舉裴相國問僧看什麼經僧云無言童子經國云有幾卷僧云兩卷國云既是無言爲什麼却有兩卷僧無對師代云若論無言非唯兩卷

泉州王延彬太尉因入佛殿指鉢孟問殿主這箇是什麼鉢主云藥師鉢尉云只聞有降龍鉢主云待有龍即降尉云忽遇拏雲虓浪來又作麼生主云他亦不顧尉云話墮也

玄沙備云盡你神力走向什麼處去 保福展云

歸依佛法僧 百丈常作覆鉢勢 雲門偃云他

日生天莫孤負老僧 瀉山詰云殿主只知瞻前

不知顧後太尉神威既逞殿主鉢孟猶覆大瀉當

時若見他道拏雲虓浪來時如何托起鉢孟道盡

汝神力直饒八大龍王來也只得振威尾懇

太尉因長慶舉似雪峯曾豎拂示僧其僧便出去若

據此僧合喚轉與一頓棒尉云和尚是什麼心行慶

云泊合放過

太尉因到昭慶煎茶次時朗上座與明昭把鉢忽翻

却茶鉢尉見乃問上座茶鑪下是什麼朗云捧鉢神

支那

南無觀音菩薩卷十九

六

傾九

尉云既是捧鉢神爲什麼翻却茶鉢朗云事官千日失在一朝尉拂袖便去明昭云朗上座喫却昭變飯了却向江外打野裡朗云上座作麼生昭云非人得其便

雪竇顯云當時但踏倒茶鑪 瀉山詰云王太傅

大似相如奪壁怒髮衝冠明昭也是忍俊不禁難

逢快便大瀉若做朗上座當時見問但呵呵大笑

何故見之不取千載難追

福州永隆彦端禪師嗣安國一日陞堂衆集從座而起

作舞謂衆云會麼良久云山僧不捨道法而現凡夫

事作麼不會

泉州昭慶省燈禪師

嗣保福長

因保福入殿觀佛像乃舉

手問師佛與麼意作麼生師云和尚也是橫身福云一概我自取師云和尚非唯橫身福然之

漳州報恩道熙禪師曾與保福送書往泉州王太尉處尉問漳南和尚近日還爲人也無師云若道爲人卽屈著和尚若道不爲人又屈太尉尉云道取一句待鐵牛能嚼草木馬解含煙師云某甲惜口喫飯尉良久又問驢來馬來師云驢馬不同途尉云爭得到這裏師云謝太尉領話

文部

宗門統要續集卷九

七

傾九

韶州白雲子祥禪師嗣雲門偃問僧不壞假名而談實相作麼生僧云這箇是椅子師以手撥云與我拈鞋袋來僧無語師云這虛頭漢後雲門聞乃云須是他始得

岳州巴陵顯鑑禪師因雲門舉雪峯云開却門達磨來也意作麼生師云築著和尚鼻孔門云脩羅王惡發打須彌山一擗踣跳上梵天報帝釋爲什麼却去日本國裏藏身師云莫恁麼心行好門云汝道築著又作麼生

師問僧遊山來爲佛法來僧云清平世界說什麼佛

法師云好箇無事底禪客僧云早是多事也師云上座去年在此過夏了僧云不曾師云與麼則先來不相識下去

隨州智門師寬禪師因遊山迴首座與衆出松行接座云和尚遊山巉嶮不易師拈拄杖云全得這箇力座乃進前奪却拋向一邊師放身便倒大衆遂進前扶起師拈拄杖一時趁散回顧侍者云向你道全得這箇力

黃龍南云明教雖然會起會倒不覺弄巧成拙

師一日訪白兆云老僧有箇木魚領師云請舉兆

文部

宗門統要續集卷九

八

傾九

云伏惟燭木一概佛與衆生不別若以杖子擊著直得凡聖路絕師云此頌有成禡無成禡兆云無成禡師云佛與衆生不別咋左右侍僧救云有成禡師云直得凡聖路絕咋當時白兆一衆失色

師因戒和尚初參乃問諸方言教卽不問不涉泥水一句道將來戒云話墮也師云拖泥帶水漢戒云和尚幸是大人師云這禿釘子參堂去

襄州洞山守初禪師到雲門門問近離甚處師云查渡夏在甚處師云湖南報慈門云甚時離彼中師云八月二十五門云放汝三頓棒師明日却上問訊昨

日蒙和尚放三頓棒不知過在甚處門云飯袋子江湖湖南便與麼去師於言下有省遂云他時異日向無人煙處卓箇菴子不畜一粒米不種一莖菜接待十方往來善知識盡與伊抽釘拔楔拈却胭脂帽子脫却鶻鼻布衫教伊灑灑地作箇明眼衲僧豈不俊哉快哉雲門云飯袋子身如椰子大開得許大口雪竇顯云雲門氣宇如王梭著便冰消瓦解當時若據令而行子孫也未到斷絕白雲端云大小雲門被洞山一問直得額頭汗出口裏膠生續保寧身別雲門後語云這瞎漢將謂你是箇人

數語

宗門統要續集卷十九

九一

傾九

便打 天童傑云雲門放去太奢收來太儉末後殷勤何不與他本分草料致令和泥合水洞山恁麼悟去也是杓卜聽虛聲靈隱獄云諸方盡謂父子投機啐啄同時殊不知雲門正令不行却向草窠裏覓致令洞山打失鼻孔直至于今無摸索處師問僧甚處來僧云汝州師云此去多少僧云七百師云踏破幾緉草鞋僧云三緉師云甚處得錢買僧打笠子師云叅堂去僧應諾而去韶州雙峯竟欽禪師示衆云進一步卽迷退一步

宗門統要續集

卽失事饒你一向兀然立又同無情時有僧問如何得不同無情去師云動轉施爲僧云如何得不迷理失事去師云進一步退一步僧便作禮師云向來有人與麼會老僧不肯伊僧云請和尚直指師便打出續昭覺勤云如鷹拏雀似鶻提鳩細中之細妙中之妙進一步不迷退一步不失事所謂恁麼中不恁麼不恁麼中却恁麼就中是末後一著光前絕後

數語

宗門統要續集卷十九

十一

傾九

師云爭奈在北禪手裏何僧云在和尚手裏卽收取師便打僧不甘師隨後趁出雪竇顯云奇怪宛有超師之作還知這僧麼只解貪前不能顧後若在雪竇手裏棒折也未放在深明二上座即本先請因聞僧問法眼如何是色眼豎拂子或云雞冠華或云貼肉汗衫二師特特而去遂問承和尚有三種色語是不眼云是深云鷄子過新羅便歸衆其時李後主在座下不肯乃白法眼云來晨爲置茶筵寡人請此二人重新問話明日李主置茶筵仍備絲帛一箱劍一口語二師云今日請上



座重新問話若問得是奉賞維絃若問不是只賜一  
劍法眼於是陞座深乃出問今日奉勅問話師還許  
也無眼云許深云鶴子過新羅便奉緣而去眾一時  
散法燈作維那不肯乃打鐘集眾僧堂前勸辦問云  
承聞二上座在雲門會下多時有什麼奇特因緣請  
舉一兩則來商量看深云古人道白鷺下田千點雪  
黃鶯上樹一枝華維那作麼生商量法燈擬議深乃  
打一坐具便歸眾

二師因到淮河見人牽網有鯉魚透出深云明兄俊  
哉一似箇衲僧明云雖然如此爭似當初不撞入網

數語

宗門統要續集卷十九

十一

傾九

羅好深云明兄你欠悟在明至半夜方省

益州香林澄遠禪師在眾日普請鋤草次有一僧云  
看俗家失火師云那裏失火僧云不見那師云不見  
僧云這瞎漢是時一眾皆言遠上座敗闕智門寬和  
尚後聞舉歎云須是我遠兄始得

漳州保福清懿禪師

龍興

因僧問家貧遭劫時如何

師云不能盡底去僧云為什麼不盡底去師云賊是  
家親僧云既是家親為什麼翻成家賊師云內既無  
應外不能為僧云忽然捉敗功歸何所師云賞亦未  
曾聞僧云恁麼則勞而無功師云功即不無成而不

取僧云既是成功為什麼不取師云不見道太平本  
是將軍致不許將軍見太平

或與曹山語同

續徑山杲云緣來線去弄精寬

婺州明昭德謙禪師

山開羅

在泉州昭慶大殿上指壁

間畫問僧云那箇是什麼神僧云護法善神師云會  
昌沙汰時向甚處去來僧無對師却令僧問演侍者  
演云汝什麼劫中遭此難來其僧復舉似師師云直  
饒演上座他後聚一千眾有什麼用處僧乃作禮請  
師別語師云什麼處去也

師問國泰珎和尚云古人道俱胝只念三行呪便得

支那

宗門統要續集卷十九

十三

傾九

名超一切人作麼生與他拈却三行呪便得名超一

切人國泰豎起一指師云不因今日爭識得瓜洲客  
續泐潭清云明昭只識得瓜洲客且不識國泰直  
饒識得國泰也未夢見俱胝老在保寧勇代與一  
掌

師到昭慶有度上座問云羅山尋常道諸方盡是麤  
飯唯有羅山是一味白飯兄從羅山來乃展手云白  
飯請些子師打兩掌度云將謂是白飯元來也是麤  
飯師云癡人棒打不死度夜間舉似諸禪客次師近  
前云不審度云今日便是這箇上座珎上座云不用



下掌就裏許作麼生道師云就裏許也道道瑯無對師云是汝諸人一時縛作一束倒卓向尿蹠下明日相見珍重

師到雙巖巖覩師風彩特異乃云某甲致一問問闍黎若道得便舍院與闍黎住若道不得卽不舍金剛經云一切諸佛及諸佛法皆從此經出且道此經是何人說師云說與不說拈向那邊著只如和尚決定喚什麼作此經巖無對師却舉經云一切賢聖皆以無爲法而有差別此則以無爲法爲極則憑何而有差別且如差別是過不是過若是過一切賢聖盡有

撰述

宗門統要續集卷十九

十三

傾九

過若不是過決定喚什麼作差別巖亦無對師云雪峯道底

師到泉州坦長老處坦云夫叅學一人所在亦須到半人所在亦須到師便問一人所在卽不問作麼生是半人所在坦無對後却令小師問師師云汝欲識半人麼也只是弄泥團漢

師會下有僧去住菴一年後却來禮拜師云古人道三日不相見莫作舊時看乃撥開胷云你道我這裏有幾蓋蓋膽毛僧無語師却問你什麼時離菴僧云今日早朝師云來時折脚鐺子分付與阿誰僧又無

宗門統要續集

語被師喝出

師因清八路舉仰山插鉢話問古人意在插鉢處又手處師云清上座清應諾師云還管夢見仰山麼清云不要上座下語祇要商量師云若要商量堂頭自有五百人老師在

師因迅菴主在高司徒宅見掛彌勒幪子師指彌勒佛喚云菴主主應諾師云這漢還徹也未王無語師云黃連和根煮也未是苦後國泰代但合掌云善哉善哉師云和尚與他隣舍住菴卽得

師在昭慶因普請去王太傅宅取木佛傳乃問大衆

撰述

宗門統要續集卷十九

十四

傾九

云忽遇丹霞又作麼生衆無語師當時提起向頂上云也要分付著人

師一日去保寧於中路逢見保寧師便問兄是道伴中人乃自點鼻頭云這箇閑塞我不可徹與我拈却少時得麼寧云和尚有來多少時師云噫洎賺我踏却一緇草鞋便轉國泰代云非但某甲諸佛亦不奈何師云因什麼以已防人

師在疾一日國泰深和尚來問候侍者通報云深師叔來師乃令請深纔入方丈師便云阿哪阿哪深師叔救取老僧深云和尚有什麼救處師舉頭一覷云

喚眼子烏啍啍地依前是舊時深上座乃回身面壁更不相見

續徑山印云明昭若不轉身面壁有甚面目見國泰一疾尚不奈何豈況出入生死

師病愈往國泰深乃領眾出接至門首師乃指金剛云這兩箇漢在這裏作什麼深揎拳作金剛勢師云殿裏黃面老子笑你

師叅勝光和尚纔跨門光便垂足師云伎倆已足拂袖便下

師在婺州智者寺為第一座尋常不受淨水主事云

支那

宗門統要續集卷十九

十五

傾九

不識觸淨淨水也不肯受師下牀拈起淨餅云這箇是觸是淨主事無語師乃撲破淨餅

西川慧禪師謁台州勝光和尚值光在繩牀上坐師直到身邊叉手立光問什麼處來師云猶待答話在便下去光乃拈拂子下僧堂前見師提起拂子問云

闍黎喚這箇作什麼師云敢死喘氣光低頭便歸方丈

丈

師初叅羅山纔禮拜起山云甚處來師云遠離西蜀

近發開元却近前云即今事作麼生山揖云喫茶去

師擬議間山云秋氣稍暖出去師到法堂上自嘆云

我在西川裁眉山脚下拾得一隻蓬蒿箭擬撥亂天下今日到福建道陳老師寨裏弓折箭盡去也休休

山明日陞堂師又出問豁開戶牖當軒者誰山便喝師無對山云羽毛未備翼稍未全且去

鄂州黃龍誨機禪師嗣玄嘗問巖頭如何是祖師西

來意頭云汝還解救麼師云解頭云且救餐去師後到玄泉又問如何是西來意泉拈起一葦卓角云

會麼師云不會泉放下作洗衣勢師便禮拜云將知佛法無別泉云汝見什麼道理師云某甲曾問巖頭

師翁頭云汝還解救麼也只是解黏和尚提起卓

支那

宗門統要續集卷十九

十六

傾九

角亦是解黏所以道無別泉呵呵大笑師因此忽然信入

宗門統要續集卷第十九

音釋

噉

俱縛切 鈔

徒弔切 檉

舊音卓皆切 燈

都鄧切 啤

律音黏占切

切柑著也

刑部郎中余璽于王立施贊刻此

宗門統要續集第十九卷 計字五千四百七

澄江釋在誠對長洲徐普書上元縣吳應泰刻

漢曆丁未冬十二月徑山寂照庵識

宗門統要續集卷第二十

宋建溪沙門宗永集

元建康保寧禪寺住持沙門清茂續集

青原下第八世

鼎州梁山緣觀禪師同安志因僧問家賊難防時如何

師云識得不爲冤僧云識後如何師云貶向無生國

僧云莫是他安身立命處也無師云死水不藏龍僧

云如何是活水龍師云拏雲不吐霧僧云或遇傾湫

倒嶽來時如何師下繩牀把住云莫教濕却老僧袈

裟角

支那

宗門統要續集卷二十

一

傾十

續黃龍清云梁山老漢洞達機宜堪稱作者爭奈

借便開門展轉令人著賊黃龍卽不然纔見伊問

家賊難防時如何便與一刀兩段教伊永絕窺窬

之地然雖如是忽有箇衲僧出來却指山僧云賊

賊又作麼生支遣具眼者辯取護國元云梁山

只解步步登高不解從空放下若是山僧卽不然

待他道忽遇傾湫倒嶽時如何只向他道雲在嶺

頭閑不徹天童華云梁山和尚與賊相戰兵刀

交接填然鼓之雖不棄甲曳兵而走要且只解戰

賊不解殺賊有問山僧家賊難防時如何劈脊便

打何故不見道齊之以禮

金陵清涼法眼益禪師嗣羅漢琛問修山王毫釐有差天

地懸隔兄作麼生會王云毫釐有差天地懸隔師云

與麼又爭得王云某甲只與麼未審和尚作麼生師

云毫釐有差天地懸隔王便拜

五祖戒出法眼劈脊便打

續保寧勇云修山王當時也好向法眼道與麼會

又爭得徑山杲云法眼與修山王絲來線去綿

綿密密扶起地藏門風可謂滿目光生若是徑山

門下更買草鞋行脚始得何故毫釐有差天地懸

支那

宗門統要續集卷二十

二

傾十

隔甚處得這消息來

師一日拈起香匙問悟空云兄不得喚作香匙畢竟

喚作什麼悟空云香匙師不肯悟空却後二十餘日

方省

師示衆云這裏聚集少時爲上座僧堂裏這裏聚集

少時爲上座三門頭這裏聚集少時爲上座寮舍裏

爲復說上座過別有道理會下有數尊宿對一人道

諸佛出世也有這箇方便一人云今日離章義一人

云你道伊爲什麼處一人云點燈等上座來多時也

一人云什麼處聚集來



師問僧甚處來僧云泗州禮拜大聖來師云大聖今年出塔麼僧云出師却問傍僧你道這僧曾到泗州麼

續浮山遠云這僧到即到泗州只是不見大聖

道場全云這僧見即見大聖不曾識法眼 東禪

觀云這僧到也到泗州見也見大聖識也識法眼只是自討頭不見

師因僧來叅次以手指簾尋有二僧齊去捲簾師云一得一失

續黃龍清云法眼如鑊錫在手殺活臨時二僧既

鼓

宋高僧傳卷二十

三

傾十

齊捲簾且道那箇得那箇失還會麼世事但將公道斷人心難與月輪齊

師有云盡十方世界皎皎地無一絲頭若有一絲頭即是一絲頭

清涼欽云若有一絲頭不是一絲頭

師有時指幾子云識得幾子周巾有餘後雲門道識得幾子天地懸殊

雪竇顯云澤廣藏山理能伏豹 雲峯悅云官不

容針私通車馬

續薦福懷云識得幾子是楠木做 五祖演云這

兩箇漢一人過船一人渡水若檢點得出許你具

正法眼 圓通秀舉法眼雲門天衣語了云山僧

道識得幾子四脚著地大眾其間一出一沒半合

半開有得有失有親有疎具眼禪人一任驗取

泐潭清舉法眼雲門雪竇語了云三箇漢總是依

他作解明昧兩歧不脫見聞如水中月黃龍即不

然這塞乾坤外開張日月前 徑山杲云識得幾

子好剝頭洗脚雖然如是錯會者多 天童華云

向周巾有餘處會理上偏枯向天地懸殊處會事

鼓

宋高僧傳卷二十

四

傾十

角象被雷驚花入牙

師因問井被沙塞却泉眼乃問僧泉眼不通被沙塞

道眼不通被什麼物礙僧無對師自代云被眼礙

師因有子上座自長慶來師舉先長慶稜和尚偈

問作麼生是萬象之中獨露身方遂舉拂子師云恁

麼會又爭得方云和尚尊意如何師云喚什麼作萬

象方云古人不撥萬象師云萬象之中獨露身說甚

撥不撥方豁然有省

師問脩山王云仰山四門光道應眼時全身耳應耳

時全身眼兄作麼生會脩云眼裏底作耳裏底用耳



裏底作眼裏底用師云正是弄精覓脩却問和尚如何師再舉一遍脩方省

師久叅長慶後却繼嗣地藏長慶會下有子昭首座平昔與師商確古今言句昭纔聞中心憤憤一日特領衆詣撫州責問於師師得知遂舉衆出迎特加禮待賓主位上各掛拂子一枝茶次昭忽變色抗聲問云長老開堂的嗣何人師云地藏昭云何太孤長慶先師某甲同在會下數十餘載商量古今曾無間隔因何却嗣地藏師云某甲不會長慶一轉因緣昭云何不問來師云長慶道萬象之中獨露身意作麼生

支那

宋問統要續集卷二十

五

傾十

昭豎起拂子師便叱云首座此是當年學得底別作麼生昭無語師云只如萬象之中獨露身是撥萬象不撥萬象昭云不撥師云兩箇也于時叅隨一衆連聲道撥萬象師云萬象之中獨露身豈昭與一衆懽懽而退師指住云首座殺父殺母猶通懺悔謗大般若誠難懺悔昭竟無對自此却叅師發明已見更不開堂

襄州青溪洪進山王因有二僧禮地藏和尚藏云俱錯二僧無對下堂請益脩山王云汝自魏巍堂堂却禮拜疑問他人豈不是錯師聞之不肯脩乃問未

示門統要續集

審上座如何師云汝自迷闇焉可爲人脩憤然上堂請益地藏藏指庫下云典座入庫頭去也脩乃自省撫州龍濟紹修山王問地藏古人道萬象之中獨露身意旨如何藏云汝道撥萬象不撥萬象師云不撥藏云兩箇也師駭然沉思却問未審古人撥萬象不撥萬象藏云喚什麼作萬象師方省

師問僧甚處來僧云翠巖來師云翠巖有何言句示徒僧云尋常道出門逢彌勒入門見釋迦師云與麼道又爭得僧便問和尚又如何師云出門逢阿誰入門見什麼僧於言下有省

支那

宋問統要續集卷二十

六一

傾十

薦福懷云雖得一場榮則却一雙足且道落在賓家分上主家分上若定當得出憂則共感樂則同歡山僧卽不然出門則吳山楚水入門則佛殿行廊或有箇衲僧出問師意如何許伊具一隻眼續西禪需云這僧悟卽不無爭奈未遇諦當青天白日如被鬼迷龍濟頭白齒黃作恁麼語話懶菴卽不然出門竹徑無人掃入戶方塘照影寒師一日問訊地藏乃云某甲百劫千生曾與和尚違背來此者又值和尚不安藏遂豎起拄杖云祇這箇也不肯師忽然契悟

師示衆云具足凡夫法凡夫不知具足聖人法聖人不會聖人若會卽是凡夫凡夫若知卽是聖人此語具一理二義若人辯得不妨於佛法中有箇入處若辯不得莫道不疑

續黃龍清云修山王只知布網張羅不覺自遭籠罩要得出身麼此亦有一理二義若人辯得永墮阿鼻 徑山杲云點鐵化爲金玉易勸人除却是非難 淨慈一云直饒有箇入路要作什麼凡夫則是凡夫聖人則是聖人且道凡聖兩亡一句作麼生道閑持經卷倚松立笑問客從何處來

文師撰述

宗門統要續集卷三十

七

傾十

金陵清涼休復禪師在地藏經年不契直得成病入涅槃堂一夜地藏去看乃問復上座安樂麼師云某甲與和尚因緣背藏指燈籠云見麼師云見藏云祇這箇也不背師於言下忽省

連州寶華和尚問僧甚處來僧云大容來師云大容近日作麼生僧云近日來合得一甕醬師乃喚沙彌將一椀水來與這僧照影

師因僧從法堂階下過師乃敲繩牀僧云若是這箇不請拈出師喜乃近前問之並無說處便打

韶州月華和尚因有一老宿入到法堂顧視東西云

好箇法堂要且無主師聞之乃云且坐老宿便問玄中最的猶是龜毛兔角不向二諦中修如何密用師云側老宿云與麼則拗折拄杖割斷草鞋去也師云細而詳之

靈徹散聖見巴凌鑑因寬和尚問甚處來師云水清月現寬云好好借問師云褊衫不染早寬云喫茶去師一日上堂問訊寬和尚寬云上座到來數日且得安樂師云波菰好煮羹寬云作這箇去就師云王字不著點寬撫掌大笑

蘄州五祖戒禪師門智嘗問僧近離甚處僧云東京

文師撰述

宗門統要續集卷三十

八

傾十

師云還見天子也無僧云常年一度出金明池師云有理可恕無理難容出去

蓮華峯祥菴主師奉先深拈拄杖示衆云古人到這裏爲甚不肯住衆無對自云爲他途路不得力復云畢竟如何又自云柳樑橫檐不顧人直入千峯萬峯去

桑樹第二世和尚師黃龍機因僧鋤地次見師來乃合掌問訊師云見阿誰了便不審僧云見師不問訊禮數不全師云却是孤負老僧其僧歸堂舉似第一座座云和尚近日可謂爲人切師聞乃打首座七棒座云某甲與麼道未有過亂打作麼師云枉喫許多塩醋

又打七棒

師因僧辭乃云若到諸方有人問你老僧此間法道作麼生對僧云待他問卽道師云何處有無口底佛僧云祇這也還難師豎起拂子云還見麼僧云何處有無眼底佛師云祇這也還難僧透禪牀一市而出師云善能祇對僧便喝師云老僧不識子僧云要識作麼師敲牀三下

續蔣山懃云棗樹有口如啞這僧有眼如盲透禪牀一市敗軍之將敲禪牀三下弓折箭盡

師問僧發足甚處僧云閩中師云俊哉僧云謝師指

文冊  
撰述

宗門統要續集卷二十

九

頌十

示師云屈哉僧作禮師云我與麼道落在什麼處僧無語師云彼自無瘡勿傷之也

續蔣山懃云凡爲宗師言不虛發這僧既是閩中來有何俊哉謝師指示有何屈哉還見得諸訛麼若見得方信道棗樹在山僧拂子頭上無風起浪好肉剜瘡其或未然老僧罪過彌天

嘉州黑水和尚叅黃龍機和尚乃問雪覆蘆花時如何龍云猛烈師云不猛烈龍又云猛烈師又云不猛烈龍便打師因而有省

青原下第九世

宗門統要續集

郢州大陽明安警玄禪師嗣梁山觀因問梁山如何是無相道場梁指觀音云此是吳處士畫師擬進語梁急索云這箇是有相底那箇是無相底師於言下領悟作禮却依本位立梁云何不道取一句來師云道卽不辭恐難上紙墨梁乃印可

天台德韶國師嗣法眼益師在衆時問龍牙云天不能蓋地不能載時如何牙云道者合如是師累經一十七次問牙云道者若爲你說恐爾已後罵我去在師後住天台通玄峯因澡浴次忽省前話便具威儀焚香望龍牙禮拜云當時若與我說破我今日定罵他也

文冊  
撰述

宗門統要續集卷二十

十一

頌十

師因僧問承古有言敲打虚空鳴磬敲石人木人齊應諾六月降雪落紛紛此是如來大圓覺如何是敲打虚空底師云崑崙奴著鐵袴打一棒行一步僧云與麼則石人木人齊應諾也師云你還聞麼金陵清涼法燈欽禪師示衆云某甲本欲歸山藏拙養道過時奈緣先師有未了底公案出來了却時有僧問如何是先師不了底公案師拈拄杖打云祖祖不了殃及兒孫僧云過在什麼處師云過在我殃及你

翠巖芝云爲衆竭方禍出私門 雲峯悅云這老



漢一期與奪也似光前絕後及乎撥著又却龍頭蛇尾如今莫有爲清涼作主底麼

續昭覺懃云法燈縱域中殺活握閫外威權直得氣槩驚群風標獨立山僧卑志本亦如斯今日出來只緣五祖先師有箇見成公案對衆舉揚有不惜性命底出來挨拶看如無不免自拈弄去也喝一喝擊拂子 天童覺云這僧若是箇漢出來便與掀倒禪牀不唯自己已有出身之路亦免祖禰不了殃及兒孫 東禪觀云千鈞上弦必思鑒戰寸鐵入手惟恐無敵這僧既不惜出來好大家割捨

支那

宗門統要續集卷二十

十二

傾十

理會却只恁麼把伊塗糊一上所以清涼公案至今未了

金陵報恩玄則禪師因法眼問曾見什麼人來師云見青峯和尚眼云有什麼言句師云某甲曾問如何是學人自己峯云丙丁童子來求火眼云上座作麼生會師云丙丁屬火將火求火如將自己求自己眼云與麼會又爭得師云某甲只與麼未審和尚尊意如何眼云你問我我與你道師問如何是學人自己眼云丙丁童子來求火師於言下頓悟

師開堂日李王與法眼俱在會有僧問龍吟霧起虎

嘯風生學人知是出世邊事到此爲甚不會師云會取好僧舉頭看師又看法眼乃抽身入衆眼與李王當時失色眼歸方丈令侍者喚問話僧至眼云上座適來問底話許你具眼你於人天衆前何不禮拜覆却便撼一坐具其僧三日後吐光而終

金陵報慈玄覺遂導師聞鳩子鳴乃問僧是什麼聲僧云鶉鳩聲師云欲得不招無間業莫謗如來正法輪

相州天平山從濟禪師嗣清溪進因到西院居常自言莫道會佛法今時竟一箇舉話人也無西院知一日遙

支那

宗門統要續集卷二十

十三

傾十

見乃召云從濟師舉頭院云錯師行三兩步院又云錯師近前院云適來這兩錯是西院錯上座錯師云某甲錯院云錯師休去院云且在這裏過夏待共上座商量這兩錯師當時便行住院後謂衆云我當初行脚時被業風吹到思明長老處被他連下兩錯更留我過夏待共我商量我不道與麼時錯發足南方去時早知道錯了也

首山念云據天平作與麼會解未夢見西院在何故話在

續瀉山果云天平似則似是則未是何故食程太



速當時纔見道且在此中過夏待共上座商量這  
兩錯便好擒住云過夏卽不辭這兩錯作麼生商  
量待伊擬議掀倒禪牀便行非唯慶快平生亦乃  
坐斷天下人舌頭

潭州北禪智賢禪師師福嚴歲夜小叅云年窮歲盡無  
可與諸人分歲且覓箇露地白牛炊黍米飯向楸  
火唱村田樂何故免見倚他門戶傍他牆剛被時人  
喚作郎下座歸方丈少時有倚遇上座入方丈喚云  
和尚門外有公人來師云作什麼遇云道勾和尚納  
筋角師遂將下頭帽拋在地遇乃從地拾之師便擒

文淵

宗門統要續集卷三十

三

傾十

住云捉賊捉賊遇却將帽覆師頂云天寒且還和尚  
師呵呵大笑

筠州洞山曉聰禪師師文殊或新到叅便問爲山水牯  
牛上座作麼生會前後皆不契因雪竇到亦乃垂問  
雪竇云作後人標榜師擬道雪竇以坐具拂一下便  
行師云且來上座竇云未參堂

明州雪竇明覺顯禪師師北塔因六人新到相看便問  
叅頭夫爲上將須是十事隨身兩刃交鋒作麼生僧  
云久嚮翠巖有此一著師云一著放過還我草鞋錢  
來僧便喝師便棒僧約住拄杖與師一拍師云未到

翠峯與你二十棒了也僧無語師云且在一邊  
第二副將作麼生僧茫然師云一狀領過與了師  
把住叅頭云適來公案這裏卽與麼堂中作麼生舉  
僧擬議師打一坐具推出

師因數人新到來師乃云新到那僧云是師云叅堂  
去僧便去師復喚來來其僧迴師云洞庭難得師僧  
與你一碗茶喫

師遊方時問大龍云語者默者不是非語非默更非  
總是總不是拈却大用現前時人知有未審大龍如  
何龍云子有如是見解師云這老漢瓦解冰消龍云

文淵

宗門統要續集卷三十

五

傾十

放你三十棒師禮拜歸衆龍却喚適來問話底僧來  
師便出龍云老僧因什麼瓦解冰消師云轉見敗闕  
龍作色云耐耐耐耐師休去後舉似南嶽雅和尚雅  
云大龍何不與本分草料師云和尚更須行脚師示  
衆云諸人要知真實相爲麼但以上無攀仰下絕已  
躬自然常光現前箇箇壁立千仞

雲峯悅云雪竇急麼爲人入地獄如箭  
師舉古云眼裏著沙不得耳裏著水不得忽若有箇  
漢信得及把得住不受人謾祖佛言教是什麼熱  
惱聲便請高掛鉢囊拗折拄杖管取一員無事道人

又舉古云眼裏著得須彌山耳裏聽得大海水一般漢受人商量祖佛言教如龍得水似虎靠山却須挑起鉢囊橫擔拄杖亦是一員無事道人復云與麼也得不與麼也不得然後沒交涉三員無事道人中要選一人爲師

師因新到人事便問還有作家禪客麼叅頭云和尚道什麼師云點卽不到僧擬議師便喝僧無語師云龍頭蛇尾次問第二箇僧僧指叅頭云和尚問何不祇對師與一掌僧無語師指云第三箇如何其僧茫然師云一狀領過

文部撰述

宗門統要續集卷三十

十五

傾十

師問新到闍黎甚處人僧提起坐具師云艱跳不出斗僧云踣跳師便打僧云更踣跳師又打僧便走師喚回僧便作禮云觸竹和尚師云我要這話行你又走作什麼僧云已遍天下了也師復打五棒僧云有諸方在師云你只管喫棒師又喚第二底近前來問甚處人僧云鼎州人師云敗也僧云青天白日師云兩重公案僧云恰是師以拄杖指云你擬踣跳僧擬議師亦打五棒叅頭云這僧喫棒與某甲不同師一時喚近前僧珍重便走師隨後與一拄杖師問羅漢林禪師云法爾不爾如何指南林云只爲

法爾不爾師云大衆記取某甲話頭拂衣歸衆林下堂却令侍者請師至方丈問上座適來不肯老僧那師云和尚當代宗匠某甲焉敢不肯林云你爲甚拂衣歸衆師云和尚還許某甲說道理也無林云你說看師拍一拍下去

師問僧近離甚處僧云和尚道什麼師云我問你近離甚處僧退身立師云克由耐不言來處將拄杖來僧云某甲近離奉川師云打野榧漢何不早與麼道

師到太湖有余巡檢請師并志依上座齋臨起檢問

文部撰述

宗門統要續集卷三十

十六

傾十

甲官今日命二衲僧齋得何果報師云圖他一粒米失却半年糧依云臨行方覺主人寬師召舍人舍人擡頭師指依云塚根衲子齋他有甚利益巡檢大笑師便起去

青原下第十世

惠州羅浮山如禪師大陽問師什處人師云益州人陽云此去多少里師云五千里陽云汝與麼來還曾踏著麼師云不曾踏著陽云汝解騰空那師云不解騰空陽云旣不解騰空爭得到這裏師云步步不迷方隨身無辯處陽云汝得超方三昧師云聖心





宗門統要續集卷第二十一

宋建溪沙門宗永集

元建康保寧禪寺住持沙門清茂續集

續南嶽下第十二世

桂州壽寧齊曉禪師

嗣雲峯悅

因僧問大衆雲臻合談何

事師云波斯入開市僧云恁麼則草偃風行去也師

云萬里望鄉關

舒州白雲守端禪師

嗣楊岐會

師初叅楊岐一日忽問

上座落髮師誰師云茶陵郁和尚岐云聞渠有悟道

須試舉看師便舉云我有明珠一顆久被塵勞羈鎖

支那

宗門統要續集卷二十一

一

綺一

今朝塵盡光生照見山河萬朵歧大笑而起師遂懷  
疑次日問云先師悟道領人人道好和尚因甚發笑  
歧云汝見打驅儼者麼師云見歧云汝一籌不及渠  
師大驚曰何謂也歧云他要人笑汝怕人笑師於言  
下大悟

師因僧問智不到處切忌道著道著時如何師云風  
吹日炙僧云恁麼則無處容身去也師云確搗磨磨  
師云官不容鍼私通車馬師云可貴可賤僧彈指一  
下師云恰是僧吐舌師云家貧猶自可路貧愁殺人  
僧呵呵大笑師云放過一著

師因僧問一喝分賓主照用一時行離此二途請師  
別道師便喝僧云從來疑著和尚師便打僧云作家  
宗師師云也不消得僧禮拜

師因郭功甫到示衆云夜來枕上作得箇山偈謝功  
甫大儒說與大衆請已後分明舉似諸方此偈非惟  
謝功甫大儒直要與天下有鼻孔衲僧脫却著肉汗  
衫乃云上大人丘乙巳化三千七十士爾小生八九  
子佳作人可知禮也

金陵保寧仁勇禪師因僧問如何是保寧境師云王  
山頭倒卓僧云如何是境中人師云鼻孔無半邊僧

支那

宗門統要續集卷二十一

二

綺一

云如何是佛法大意師云鑊湯無冷處  
師因僧出作禮起畫一圓相師以左手拋向後僧又  
畫一圓相師以右手拋向後僧歸衆師云更有甚麼  
僧無語師拍膝云龍頭蛇尾僧云賊過後張弓師乃  
噓兩聲

師一日陞堂時有僧禮拜起以手向懷中作取物呈  
似勢師左顧僧又作獻勢師右顧僧作接物復安懷  
中勢師以手直下指僧擬議師云只有這箇更無那  
箇僧以手劃一劃師云果然僧歸衆師呵呵大笑  
師示衆云大方無外大圓無內無內無外聖凡普會



瓦礫生光須彌粉碎無量法門百千三昧拈拄杖云  
總向這裏會去蘇盧蘇盧唵唵唵唵薩婆訶

靈隱岳云這老漢業識茫茫不奈船何打破耳斗  
潭州爲山慕喆禪師明翠巖真師因僧問趙州庭前柏樹  
子意旨如何師云夜來風色緊孤客已先寒僧云先  
師無此語又作麼生師云行人始知苦

師一日問僧云趙州洗鉢孟話上座如何會僧擬進  
語師以手托開云莫謾語

師因僧問牛頭未見四祖時如何師云寒毛卓豎僧  
云見後如何師云額頭汗出

支那

宋門統要續集卷二十一

三

綺一

吉州龍慶慶閑禪師嗣黃龍南師到雙嶺再叅黃龍龍問  
自別後甚處去來師云百丈來龍云幾時離彼師云  
正月十三離二月三日到翠巖聞和尚在此今日特  
來禮拜龍云脚跟下好痛與三十棒師云非但三十  
棒龍云爲什如此師云爲不合祇對從百丈來龍喝  
云許多時行脚並無些子氣息師云百千諸佛亦乃  
如是龍云汝與麼來未有纖毫到諸佛境界師云當  
知諸佛亦未有纖毫到某甲境界龍云人人盡有生  
緣處上座生緣在甚處師云早晨喫白粥如今肚又  
饑龍云我手何似佛手師云月下弄琵琶龍云我脚

宗門統要續集

何似驢脚師云驚爲立雪非同色龍云汝與麼剃除  
鬚髮當爲何事師云只要無事龍云既無事何須剃  
髮師云若不剃髮爭知無事龍云與麼則數聲清磬  
是非外一箇閑人天地間師云是何言歟龍云靈利  
衲子師云也不消得龍便喝師拍一拍龍又喝師便  
出去

師因侍黃龍次龍云這裏有箇辯上座汝須著些精  
彩師云他有甚長處龍云他忽向你背上拊一下你  
又作麼生師云却回向伊道作什麼龍云他忽展兩  
手你又如何師云向伊道甚處學得這虛頭來龍呵

支那

宋門統要續集卷二十一

四

綺一

呵大笑師却展兩手龍遂喝師便出去  
師齋後又侍立次龍云懽懽鬆鬆兩人共一椀汝作  
麼生會師云百雜碎龍云盡大地是箇須彌山撮來  
掌中汝又作麼生會師云兩重公案龍云者裏且待  
你胡言亂語若到同安處又作麼生過得師云同安  
也須到者箇田地始得龍云忽然他指面前火爐云  
者箇是黑漆火爐那箇是黑漆香臺甚處是不到處  
師云某甲面前且從和尚與麼說話若是別人笑和  
尚去在龍乃拍一拍師喝一喝  
師因黃龍同看僧堂龍云好僧堂麼師云好僧堂龍

云好在甚處師云一梁在一柱龍云此未是好處師云和尚又作麼生龍以手指云者一柱得與麼圓那一枋得與麼圓師云人天善知識須是和尚始得龍出堂外却云適來與麼是肯你不肯你師云若與麼何曾得安樂處

師因問訊次龍云據汝知見只得上梢不得下梢師云某甲上梢亦得下梢亦得龍云如何是上梢師云風過樹頭搖龍云如何是下梢師云刀斫斧鑿龍云老僧即不然師云如何是上梢龍云頭顱聳耳卓朔師云如何是下梢龍云緊峭草鞋師云謝師答話龍

便喝

師因黃龍問得坐披衣向後如何施設師云遇方即方遇圓即圓龍云你與麼說話猶帶唇齒在師云某甲只如是和尚又作麼生龍云近前來爲汝仔細說師撫掌云三十年用底今日捉敗龍呵呵大笑云一等是弄精靈

洪州黃龍晦堂祖心禪師因僧問達磨九年三壁意旨如何師云身貧無被蓋僧云莫孤負他先聖也無師云聞黎見處又作麼生僧畫一圓相師云燕雀不離窠僧禮拜師云更深猶自可午後始愁人

支那

富統彙纂卷三十一

五

綺一

師一日與夏倚公談肇論至會萬物爲自己情與無情共一體時有狗子臥香卓下師拈拄杖擊狗子又擊香卓云狗子有情即去香卓無情自住情與無情如何得成一體公不能答師云纔入思惟便成刺法何曾會萬法爲自己哉

洪州寶峯真淨克文禪師因僧問馬祖下尊宿一箇箇阿漈漈地惟有歸宗較些子黃龍下兒孫一箇箇硬剝剝地獨有真淨老師較些子學人怎麼還扶得也無師云打疊面前搥搥著僧云若不同牀睡焉知被裏穿師不答僧云這箇爲上上根人忽遇中下之

支那

宗門統要續集卷三十一

六

綺一

流如何祇接師亦不答僧云非但和尚懣懣學人亦一場敗闕師云三十年後悟去在

師叅黃龍龍問甚處來師云翠巖龍云恰值老僧不在師云向甚麼處去龍云天台普請南嶽遊山師云恁麼則學人亦得自在去也龍指云你脚下鞋甚處得來師云廬山七百錢唱得來龍云何曾得自在師云何曾不自在龍休去

師一日侍黃龍龍舉白雲端和尚頌臨濟三頓棒云一拳拳倒黃鶴樓一踢踢翻鸚鵡洲有意氣時添意氣不風流處也風流大稱賞之師云某甲見處與端

兄一般龍云汝作麼生會師擬開口龍喝云端會汝不會

師一日侍黃龍龍云適來令侍者捲簾問渠捲起簾時如何答云照見天下放下簾時如何答云水泄不通不捲不放時如何他無對汝又作麼生師云和尚替侍者下涅槃堂始得龍厲聲云關西人果無頭腦師乃指傍僧云只者僧也未夢見在龍大笑

師因僧問如何是佛師呵呵大笑僧云何哂之有師云我笑你隨語生解僧云偶然失利師遂高聲云不得禮拜僧便歸眾師呵呵笑云隨語生解

機辨

宗門統要續集卷三十一

七

綺一

師因劉宜翁到問云長老寫戲來得幾年也師云專候樂官來翁云我不入這保社師云爭奈即今在這場子裏翁擬議師拍手云蝦蟆禪只跳得一跳翁乃作禮

師與劉宜翁坐次翁乃指衲衣云喚作甚麼師云禪衣翁云如何是禪師抖擻云抖擻不下翁無對師掌云你伎倆如此要勘老僧那

師因諸山聚會佛印元禪師後至師問云雲居來何遲印云爲著草鞋從歸宗肚裏過所以遲師云却被歸宗吞却了也印云爭奈吐不出師云吐不出即何

宗門統要續集

出

師示眾云頭陀石被莓苔裹擲筆峯遭薜荔纏羅漢院裏一年度三箇行者歸宗寺裏參退喫茶

天童華因僧舉問此理如何華云他是關西子愛說川僧話

洪州泐潭洪萊禪師因僧禮拜起垂下袈裟角問云脫衣卸甲時如何師云喜得狼煙息弓弭壁上懸僧却攬袈裟云重整衣甲時如何師云不到烏江畔知君未肯休僧便喝師云驚殺我僧拍一拍師云也是死中得活僧禮拜師云將謂是收燕破趙之才元來

機辨

宗門統要續集卷三十一

八

綺一

只是販私鹽賊

師因僧問如何是佛師云眉分八字眼似流星僧云如何是祖師西來意師云一棒一條痕僧云大衆證明學人禮謝師呵呵大笑僧禮拜起以左手畫一圓相師以拂子穿向右邊僧以右手畫一圓相師以拂子穿向左邊僧以兩手畫圓相托呈師以拂子畫一畫云三十年來未曾逢著馮仰子孫今日却遇箇踢土壘漢

瑞州黃檗惟勝禪師因黃龍垂語云鐘樓上念贊牀脚下種菜師云猛虎當路坐龍深宵之



江州東林照覺常總禪師因僧紹慈問云世尊傳金襴外別傳何物師舉起拂子慈云畢竟作麼生師以拂子驀口打慈擬開口師又打慈忽有省遂奪却拂子師云三十年老將今日被小卒折倒

吉州禾山德普禪師講席有聲兩川以義虎稱之叅方首謁黃龍便問阿難問迦葉世尊傳金襴外復傳何物迦葉云倒却門前刹竿著意旨如何龍云上人出蜀曾到玉泉否師云曾到龍云曾掛搭否師云一夕便發龍云智者道場關將軍打供與結緣幾時何妨師良久復理前問黃龍俛首師趨出豁然有省

支那

宋明統要續集卷二十一

九

綺一

大驚曰兩川義虎不消此老一唾

黃蘗積翠永菴主示衆云山僧自住菴來無禪可說無法可傳亦無羞珍異寶只收得續火柴頭一箇留與後人令他煙燄不絕火光長明遂擲下拂子時有僧就地拈起吹一吹師便喝云誰知續火柴頭從者漢邊煙銷火滅乃拂袖歸菴僧吐舌而去

師一日問僧審奇云汝久不見何所爲奇云見偉藏主有箇安樂處師云試舉似我奇即敘其所得師云汝是偉未是奇莫測歸以告偉偉大笑云汝非永不非奇遂往積翠質于南公南亦大笑師聞之乃作偈

云明暗相叅殺活機大人境界普賢知一條生不同條死笑倒菴中老古錘

續南嶽下第十三世

蘄州五祖法演禪師

雲瑞白

師叅白雲雲見乃云川

薩你來也師遂請問南泉摩尼珠語未終雲便叱之師乃領悟作投機頌云山前一片閑田地叉手丁寧問祖翁幾度買來還自賣爲憐松竹引清風

師一日因端和尚云昨日有禪和子數人從廬山來教他下語也下得教他說也說得教他批判也批判得只是未在師云某甲有箇喻子端云汝試道看師

支那

宋明統要續集卷二十一

十

綺一

云譬如牛過窻櫺頭角四蹄都過了只是尾巴過不得端領之

師因作磨頭一日有僧視磨轉急指以問師云此神通耶法爾耶師褰衣旋磨一币僧無語

師一日因端和尚垂語云古人道如鏡鑄像像成光向什麼處去師叉手進前擡頭顧視云也不爭多端大稱賞

師示衆云山僧十有餘年海上叅尋見數員尊宿自謂百了千當及到浮山會裏直是開口不得後到白雲門下咬破一箇鐵酸餡直得百味具足且道餡子



一句作麼生道華發鷄冠媚早秋誰人能染紫絲頭  
有時風動頻相倚似向堦前闌不休

靈隱岳云五祖恁麼說話猶欠悟在

師因僧問牛頭未見四祖時如何師云頭上戴纍垂  
僧云見後如何師云青布遮前僧云未見時爲什麼  
百鳥嚙華獻師云富與貴是人之所欲僧云見後爲  
什麼不嚙華獻師云貧與賤是人之所惡

師因僧問如何是極則事師云何須特地僧云百尺  
竿頭如何進步師云快走始得

師示衆云結夏無可供養作一家宴管顧諸人遂擡

法苑珠林

宋明統要續集卷二十一

十一

綺一

手云囉邏招囉邏搖囉邏送莫怪空疎伏惟珍重

師因端和尚忌示衆云去年正當恁麼時多前年三  
件事今年正當恁麼時多去年七件事者十件事數  
不過者甚多何也去却七三存一事是去年說是今  
日急如箭黑如漆無言童子口吧吧無足仙人劈曾  
趯乃云交

師因請監收示衆云人之性命事第一須是○欲得  
成此○先須防於○若是真○人○○

師因僧問一代時教是箇切脚未審切箇甚麼字師  
云鉢羅娘僧云學人只問一字爲什麼却答許多師

宋明統要續集

云七字八字僧云也是慣得其便師云許多時茶飯  
元來也有人知滋味

師示衆云四五百石麥二三千石稻好箇休糧方者  
婆不得妙

靈隱岳云五祖老人好語只爲探頭太過香山有  
箇方便也要諸人共知透得金剛圈細嚼鐵酸餡  
一飽忘百饑始信不相賺

師因僧問如何是白雲一滴水師云打碓打磨僧云  
飲者如何師云教你無著面處

師因僧問如何是先照後用師云王言如絲僧云如

法苑珠林

宋明統要續集卷二十一

十一

綺一

何是先照後用師云其出如綸僧云如何是照用同  
時師云舉起軒轅鑒蚩尤頓失威僧云如何是照用  
不同時師云金將火試

師因僧問如何是臨濟下事師云五逆聞雷僧云如  
何雲門下事師云紅旗閃爍僧云如何是瀉仰下事  
師云斷碑橫古路僧云如何是曹洞下事師云馳書  
不到家僧作禮師云何不問法眼下事僧云留與和  
尚師云巡人犯夜

潭州雲蓋智本禪師一日陞堂高聲喚侍者者應諾  
師云那一箇因甚麼不來赴叅者無對師云點卽不

到

師因僧問人人有一面古鏡如何是學人古鏡師云打破來向汝道僧云打破了也師云胡地冬抽笋提刑郭祥正一日到黃梅東山請演禪師說法乃於法座前拈香云此一瓣香爇向爐中爲光明雲徧滿法界供養我堂頭師兄禪師伏願於此雲中方廣座上擘開面門放出先師頂相與諸人描貌何以如此白雲巖畔舊相逢往日今朝事不同夜靜水寒魚不食一爐香散白蓮風演遂云曩謨薩怛哆鉢囉野柁麼柁麼幾度白雲谿上望黃梅華向雪中開不柁麼

敲鉢

宗門統要續集卷三十一

三

綺一

不柁麼嫩柳條金線且要應時來不見龐居士問馬大師云不與萬法爲侶者是什麼人馬大師云待汝一口吸盡西江水卽向你道大衆一口吸盡西江水萬丈深潭窮到底畧約不是趙州橋明月清風安可比刑又到雲居請佛印元禪師說法遂於座前拈香云覺地相逢一何早鶻莫布衫今脫了要識雲居一句玄珍重後園驢喫草乃召大衆云此一瓣香烹天炙地去也元云今日不著便被這漢當面塗糊良久云謝公千里來相訪共話東山竹徑深借與一龍騎出洞若逢天旱便爲霖擲下拄杖便歸方丈

湖州上方日益禪師

嗣保寧

開堂日時有兩僧齊出師

云一箭落雙鵬僧云某甲話也未問何得著忙師云莫是新羅僧麼僧擬議師云撞著露柱底漢便打師因僧問如何是未出世邊事師云井底蝦蟇吞却月僧云如何是出世邊事師云鷺鷥踏折枯蘆枝僧云去此二途如何是和尙爲人處師云十成好箇金剛鐻難向街頭賣與誰

敲鉢

宗門統要續集卷三十一

十四

綺一

鄧州壽勝智淵禪師因僧問立雪殷勤事已彰山林衣鉢付神光那時得底真消息今日如何爲舉揚師云鐵牛吼處須彌轉木馬嘶時地軸搖僧云與麼則古蘭臺畔揚宗旨白雪樓前萬姓歌師云相識滿天下知心能幾人僧云祖師西來意卽不問如何是一色師云目前無闍黎此間無老僧僧云旣不如是如何曉會師云領取鉤頭意莫認定盤星

洪州景福日餘禪師因僧問如何是道師云天共白雲曉水和明月流僧云如何是道中人師云先行不到末後太過僧畫一圓相師以手劃一劃僧作舞歸衆師云家無白澤之圖必無如是妖怪

洪州泐潭景祥禪師嗣大問僧云唯一堅密身一切塵中現如何是塵中現底身僧指香爐云這箇是香

爐師云帶累三世諸佛牛陷地獄僧獨措鍾以打

洪州黃龍死心悟新禪師龍心師因謁法昌遇禪師

遇問近離甚處師云黃龍遇云還見心禪師麼師云

見遇云什麼處見師云喫粥喫飯處見遇乃插火箸

於爐中云者箇又作麼生師拽脫便行

師因僧問承師有言老僧今夏向黃龍潭內下三百

六十箇鈎未曾遇著箇錦鱗紅尾爲復是鈎頭不妙

爲復是香餌難尋師云雨過竹風清雲開山嶽露僧

云恁麼則已得真人好消息人間天上更無疑師云

是鈎頭不妙是香餌難尋僧云出身猶可易脫體道

擬述

高麗續集卷三十一

五

綺一

應難師云亂統禪和如麻似粟

師因謁詰禪師詰云是凡是聖師云非凡非聖詰云

是什麼師云高著眼詰云恁麼則南山起雲北山下

雨師云且道是凡是聖詰云爭奈頭上漫漫脚下漫

漫師仰視噓一聲詰云氣急殺人師云恰是拂袖而

出

師因僧問云如何是四大毒蛇師云地水火風僧云

如何是地水火風師云四大毒蛇僧云學人未曉乞

師方便師云一大既是四大亦同

師一日齋時聞板聲乃喚打板行者打五棒須臾鐘

鳴又喚打鐘行者打十棒却呵呵大笑與纔坐定師

乃入堂白槌云大衆齋畢便歸方丈

洪州泐潭草堂善清禪師問僧田地穩密底祖佛不

敢近神通遊戲底鬼神不敢測三十年後誰是知音

僧無語師代云好事不如無師問僧甚處來僧云堂

中來師云賓頭盧爲什麼走下洞庭湖裏去僧無語

師代云若不入水爭見長人

澧州夾山曉純禪師以木刻作一獸師子頭牛足馬

身每持出示衆云喚作師子又是馬身喚作馬身又

是牛足畢竟喚作什麼令僧下語皆不契師示頌云

擬述

高麗續集卷三十一

十六

綺一

軒昂師子首牛足馬身材三道如能入玄門疊疊開

太史黃庭堅一日叅黃龍心禪師求入道捷徑心云

祇如仲尼道二三子以我爲隱乎吾無隱乎爾太史

尋常如何理論史擬對心云不是不是史迷悶不已

一日侍心山行桂華盛開心云聞桂華香麼史云聞

心云吾無隱乎爾史遂有省

史因訪黃龍死心新禪師新問云死心死學士死彼

此燒作堆灰向什麼處相見史無語新云晦堂處叅

得底用未著在後謫官黔南忽有省乃云尋常被天

下老和尚謾却多少唯有死心道人不可謂真實



相爲

洪州泐潭湛堂文準禪師洞寶師一日叅真淨淨問

近離甚處師云大仰淨云夏在甚處師云大潯淨云

甚處人事師云興元府淨展手云我手何似佛手師

罔措淨云昔來祇對一一靈明一一天真及乎道箇

我手何似佛手便成窒礙且道病在甚處師云某甲

不會淨云一切現成更教誰會師當下大悟

師因死心禪師舉住雲巖死心爲寺承張邦昌云這

箇長老極有鼻孔一日會諸山於南昌師後至死心

指云這川僧唱喏也破句便敢出來做長老師喝一

洪州泐潭

宗門統要續集卷二十一

圭

綺一

托鉢回巖頭一授語如雷果然只得三年活莫是遭  
他授記來師乃頷之

東京法雲果禪師示衆云老僧熙寧八年文帳在鳳

翔府供申當年崩了華山四十里壓倒八十村人家

汝等後生茄子瓠子那裏知有

師因百法座主云禪家流多愛脫空師造前問承聞

座主講得百法論是不主云不敢師云昨日晴今日

雨是什麼法中收主無對師云莫道禪家流多愛脫

空好主抗聲問云和尚且道昨日晴今日雨是箇甚

麼法中收師云四十二時分不相應法中收主乃屈

洪州泐潭

宗門統要續集卷二十一

太

綺一

服作禮而謝

徑山杲云昨日晴今日雨時分不相應三日後看

取

蘇州寶華普鑑禪師叅真淨淨舉石霜度侍者話師

於語下釋然契悟作偈云枯木無華幾度秋斷雲猶

挂樹梢頭自從闢折泥牛角直至如今水逆流淨印

可

瑞州九峯希廣禪師遊方首謁雲蓋智和尚乃問興

化打克賓意旨如何智下禪牀展兩手吐舌示師師

打一坐具智云此是風力所轉又問石霜琳和尚琳



云你意作麼生師又打一坐具琳云好一坐具祇是你不知落處又問真淨淨云你意作麼生師復打一坐具淨云他打你也打師於言下大悟淨有頌示云丈夫當斷不自斷興化爲人徹底漢已後從教眼自開棒了罰錢赴出院

筠州五峯淨覺本禪師因僧問同聲相應時如何師云鶻鳩樹上啼僧云同氣相求時如何師云猛虎巖前嘯僧云一進一退時如何師云脚在肚下僧云如何是不動尊師云行住坐臥

南嶽法輪齊添禪師因僧問學人上來乞師指

示師云適來聞鼓聲麼僧云聞師云還我話頭來僧禮拜師便打

泉州慧明雲禪師因僧問般若海中如何爲人師云雲開銀漢迥僧云畢竟如何師云棒頭見血僧云毘婆尸佛早留心直至如今不得妙師云醜拙不堪當

僧云忽然當又作麼生師云半錢也不直僧云如何卽是師云趙州南石橋北僧禮拜師擊禪牀三下

江州開先行瑛禪師因僧問如何是道師云良

田萬頃僧云學人不會師云春不耕秋無望僧云如何是祖師西來意師云君山點破洞庭湖

東坡居士蘇軾叅東林總禪師總與論無情話有省遂獻投機偈云溪聲便是廣長舌山色無非清淨身夜來八萬四千偈他日如何舉似人

士到金山訪佛印元禪師隨衆入室元云此間無內翰坐處士云躉借和尚四大作禪牀得麼元云有一問居士答得則借四大作禪牀若答不得則留下腰間玉帶士遂解下玉帶元云山僧四大本空五蘊非有居士擬向甚處坐士擬議元呼侍者云收取玉帶永鎮山門士欣然而與師遂以衲衣付之士卽答以二偈云病骨難堪玉帶圍鈍根仍落箭鋒機應教乞

食歌姬院故與雲山舊衲衣此帶閱人如傳舍流傳到我亦悠哉錦袍錯落眞相稱乞與佯狂老萬回泉州尊勝有朋講師元琦叅開元足未跨門卽領悟元問座主來作甚麼師云某甲不敢貴耳賤目元云朝看華嚴夜讀般若則不問如何是當今一句師云日輪正當午元云開言語師云平生仗忠信今日任風波然雖如是祇如和尚恁麼道有甚交涉元云這裏且放你過忽遇達磨來時如何師便喝元云這座主今日見老僧氣衝牛斗師云再犯不容元拊掌大笑

笑

南康羅漢系南禪師師雲臨入寂示衆云羅漢今日

倒騎鐵馬逆上須彌踏破虚空不留朕跡去也遂歸

方丈跏趺而逝

南嶽方廣有達禪師師大因僧問學人上來便請相

見師云袖裏金槌腦後看僧云破二作三又作麼生

師云惜取眉毛僧便喝師云放過卽不可僧云瞎師

便打

彬州萬壽念禪師師大因僧問龍華勝會肇啓茲辰

未審彌勒世尊現居何處師云豬肉案頭僧云既是

彌勒世尊爲甚却在豬肉案頭師云不是弄潮人休

入洪波裏僧云畢竟作麼生師云番人不繫腰

襄州谷隱靜顯禪師師大因僧問觀面相呈事若何

師云清風來不盡僧云通上徹下絲毫不納也師云

明月照無私僧云文彩旣彰願聞舉唱師云巡海夜

叉頭戴角僧云祇園五葉華開也不屬東君別是春

師云重疊關山路

叅政蘇轍師大謁上藍順禪師咨以心法順示楞嚴

經中搐鼻因緣而有省呈偈云中年聞道覺前非避

近相逢老順師搐鼻竟叅眞面目掉頭不受別鉗鎚

枯藤破衲師何事白酒青鹽我是誰慚愧東軒殘月

上一盃甘露滑如飴

續南嶽下第十四世

成都府昭覺佛果克勤禪師師大因與佛鑒懃佛眼

遠同侍五祖至夜深祖云各人下一轉語佛鑑云彩

鳳舞丹青佛眼云鐵蛇橫古路師云看脚下祖云滅

吾宗者克勤是也

師因座主來叅乃舉國師三喚侍者侍者三度應諾

國師云將謂吾辜負汝却是汝辜負吾趙州拈云如

人暗中書字字雖不成文彩已彰你且道那裏是文

彩已彰處主云某甲不會師又問座主講何經主云

楞嚴師云楞嚴有七處徵心八還辯見畢竟心在什

麼處主又無對師勉云你但一切處作文彩已彰會

時有僧請益十玄談方舉問君心印作何顏師厲聲

云文彩已彰主聞而有省遂白師云和尚且休舉話

待某甲說看尋常拈鎚豎拂豈不是經中道一切世

界諸所有相皆卽菩提妙明眞心師笑云你元來在

這裏作活計主云下喝敲牀豈不是返聞聞自性性

成無上道師云豈不見經中這妙性圓明離諸各相

主於言下大悟

師因僧問一大藏教阿那箇是頭師云如是我聞僧

宗門要續集卷三十一

二二二

綺一

綺一

云此是阿難底如何是和尚底師云我使得甚快  
師一日與張無盡論華嚴旨要云華嚴現量境界理  
事全真初無假法所以卽一而萬了萬爲一一復一  
萬復萬浩然莫窮心佛衆生三無差別卷舒自在無  
礙圓融此雖極則終是無風市市之波無盡大悅師  
復云到此與祖師西來意是同是別無盡云同師拊  
掌云且得沒交涉無盡失色師云不見雲門偃師云  
山河大地無絲毫過患猶是轉句直得不見一色始  
是半提更須知有全提時節彼德山臨濟豈非全提  
乎無盡矍然以手加額云雖真淨老師亦不如是之

支那

宗門統要續集卷三十一

二十三

綺一

審也

金陵蔣山佛鑑慧懃禪師室中常以木骰子六隻面  
面皆書么字僧纔入便擲出云會麼僧擬議卽打出  
舒州龍門佛眼清遠禪師一日不安僧問生死到來  
時如何師云皖公山僧云爲復只這箇別有在師云  
桐城縣有僧舉似禮首座禮云遠兄不相見三十年  
這漢徹也

薦福行云禮首座與先師同叅可憐死在句下

彭州南堂元靜禪師嗣南堂與叅五祖祖云我此間不比  
諸方凡在室中不要汝進前退後豎指擎拳繞禪牀

宗門統要續集

作女人拜提起坐具子般伎倆只要你一言諦當  
是汝見處一日入室罷祖云子所下語已得十分祇  
是未曾得老僧說話在齋後可來祖塔與汝一一按  
過及至祖以卽心卽佛非心非佛睦州擔板漢南泉  
斬獍兒趙州狗子無佛性有佛性之語質師師一一  
祇對至子胡看狗話祖遽轉面云是不是師云不  
是却如何祖云此不是則和前面皆不是師云望和  
尚慈悲指示祖云他道子胡有狗上取人頭中取人  
腰下取人足入門者好看纔見僧便道看狗向子胡  
道看狗處下一轉語教子胡結舌老僧鉗口便是你

支那

宗門統要續集卷三十一

三十四

綺一

了當處師默啓其意祖笑云不道你不是了當  
底人此語祇是先師下底語師云某甲何人得似端  
和尚祖云不然老僧雖承嗣他爲他語拙蓋只用遠  
錄公手段接人故也如老僧共遠錄公便與百丈黃  
檗南泉趙州輩把手共行纔見語拙卽不堪師以爲  
不然乃曳杖渡江適大水汎漲因留四祖儕輩挽歸  
又二年祖方許可嘗商略古今次執師手云得汝說  
須是吾舉得吾舉須是汝說從今而後佛祖祕要諸  
方關鍵無逃子掌握矣  
師因五祖垂語云身之一字也大難說教中道地水



火風四大假合據老僧所見亦未是在有人道得老僧大展坐具禮他三拜師云某甲道得請和尚禮拜祖提起坐具師便趨退祖擲下坐具師揭簾而出云賊過後張弓

師因僧問云有老宿垂語云向十字街頭起一間茅廁祇是不許人廁此意如何師云是他先廁了又教甚麼人廁老宿聞乃燒香遙望大隨禮拜

潭州開福道寧禪師因僧問蓮華未出水時如何師云人天合掌僧云出水後如何師云不礙往來看師因僧問如何是句到意不到師云瑞草本無根信

支那

宗門統要續集卷三十一

二十五

綺一

手拈來用僧云如何是意到句不到師云領取鉤頭意莫認定盤星僧云如何是意句俱到師云大悲不展手通身是眼睛僧云如何是意句俱不到師云君向瀟湘我向秦

漢州無爲宗泰禪師叅五祖祖舉趙州洗鉢孟話問師你道趙州向他道什麼這僧便悟去師云洗鉢孟去聲祖云你只知路上事不知路上滋味祖又問你會遊浙不師云不曾祖云你未悟在師凡五年不能對祖一日陞堂顧眾云八十翁翁輓繡毬便下座師欣然出眾云和尚試觀看祖以手作打杖鼓勢操蜀

音唱綿州巴歌云豆子山打瓦鼓楊平山撒白雨白雨下取龍女織得絹二丈五一半屬羅江一半屬玄武師聞大悟掩祖口云只消唱到這裏祖乃大笑師因僧問如何是佛師云阿誰教你恁麼問僧擬議師云了

蘄州五祖表自禪師侍五祖久無省入時圓悟爲首座師乃請益德山小叅不答話問話者三十棒悟云禮拜著我作得你師舉話尚不會師作禮悟令再舉前話師云德山小叅不答話悟掩其口云但只恁麼看師出揚聲云屈屈豈有公案只教人看一句底道

支那

宗門統要續集卷三十一

二十六

綺一

理有僧云兄不可如此說首座須有方便師卽頓釋疑情祖乃印可

師因衲子四至不可過乃榜待者門云東山有三句若人道得卽掛搭一日有僧携坐具徑造丈室云某甲道不得只要掛搭師呼維那於明窗下安排

師示眾云世尊拈華迦葉微笑時人只知拈華微笑要且不識世尊時有僧問如何是佛師云新生孩子擲金盆僧云如何是祖師西來意師云荊棘林中舞柘枝

嘉州九頂清素禪師叅五祖聞舉首山答西來意話



忽然契悟投偈云顛倒顛顛倒顛新婦騎驢阿家牽便恁麼太無端回頭不覺布衫穿祖乃問百丈野狐話又作麼生師云來說是非者便是是非人

師因太守呂公來瞻大像問云既是大像因甚麼肩負兩楹師云船上無散工守乃作禮

昭覺勤云疑殺天下人 薦福行云將謂無人又云本有餘力 大滌果云全身擔荷

師因勤老宿至師問云舞劍當咽時如何勤云伏惟尚饗師詬云老賊死去也你問我勤理前問師叉手揖云拽破

支那

宗門統要卷三十一

二十七

綺一

元禮首座因僧問金剛經云修一切善法如何是善法師遽起云上是天下是地中間坐底坐立底立喚甚麼作善法僧無對師便打

薦福行云大眾道無橫徑理當即行敢道禮首座鼻孔落在這僧手裏若人檢點得出天下橫行

師因往祖山僧問向什麼處去師云有眼無耳朵六月火邊坐僧云未審意旨如何師云家貧猶自可路貧愁殺人

法闕上座叅五祖祖云不與萬法爲侶者是甚麼人師云法闕則不然祖以手指云住住法闕則不然作

麼生師於是契悟

師在東林度禪師席下一日拈一枝華繞禪牀一币背手插香爐中云和尚且道意作麼生度屢下語皆不契踰兩月遂令師說看師云某甲只將華插香爐中和尚自疑有甚麼事

潭州承天自賢禪師謂雲蓋本一日陞堂僧問大眾已集

仰聽雷音倪座既登請師剖露師云刹竿頭上翻筋斗僧云恁麼則嶽麓山前祥霧起祝融峯下瑞雲生師云紫羅帳裏璨真珠遂拈拄杖云不是心不是佛不是物擊禪牀一下云與君打破精靈窟敲土揚塵

支那

宗門統要卷三十一

二十六

綺一

無處尋千山萬山空突兀復擊禪牀一下云歸堂去俞道婆謂起賣油餐爲業叅瑯琊示以臨濟無位真人話一日聞丐者唱蓮華樂云不因柳毅傳書信何緣得到洞庭湖忽然大悟以餐盤投地夫傍睨云你顛耶婆掌云非公境界

婆因圓悟禪師蔣山開堂方至法座前婆於衆中躍出以身一撥便歸衆悟云見怪不怪其怪自壞悟次日至其家婆不出厲聲云者般黃鶯小兒也道出來開堂說法悟云婆子少賣弄我識得你了也婆遂大笑出相見

婆凡見僧到即云兒兒僧擬議即掩却門佛燈珣禪師往勘之婆見如前喚珣云爺在甚麼處婆轉身拜露柱珣即踣倒云將謂有多少奇特便自婆喚起云兒兒且來識你則箇珣不顧

婆因安首座至問甚處來安云德山來婆云德山泰乃老婆兒子安云婆是什麼人兒子婆云被上座一問直得立地放尿

建寧府萬壽慧素禪師嗣助因僧來禮拜師問甚處來僧云和尚合知某甲來處師云湖南擔屎漢江西

刈禾客僧云和尚真人天眼目某在大瀉充園頭東

文部

宗門統要續集卷三十一

二九

綺一

林作藏主師打三棒喝出

東京淨因繼成禪師嗣智因同圓悟法真慈受并十

大法師赴太尉陳公良弼府齋時有善華嚴者乃賢

首宗之義虎也對眾問云吾佛設教自小乘至于圓

頓掃除空有獨證真常然後萬德莊嚴方名爲佛嘗

聞禪宗一喝能轉凡成聖則與諸經論似相違背今

一喝若能入吾宗五教是爲正說若不能入是爲邪

說師云如法師所問不足三大禪師之鼎淨因小長

老可使法師無惑也師乃召善善應諾師云法師所

謂佛法小乘教者乃有義之大乘始教者乃空義也

大乘終教者乃不有不空義也大乘頓教者乃即有即空義也一乘圓教者乃不有而有而不空而空義也

如我一喝非唯能入五教至於百工技藝諸子百家

悉皆能入師震聲喝一喝問善云聞善云聞師云

汝既聞此一喝是有能入小乘教須更又問善云聞

麼善云不聞師云汝既不聞適來一喝是無能入始

教遂顧善云我初一喝汝既道有喝久聲消汝復道

無道無則元初實有道有則而今實無不有不無能

入終教我有一喝之時有非是有因無故有無一喝

之時無非是無因有故無即有即無能入頓教須知

文部

宗門統要續集卷三十一

三

綺一

我此一喝不作一喝用有無不及情解俱忘道有之

時纖塵不立道無之時橫徧虛空即此一喝入百千

萬億喝百千萬億喝入此一喝是故能入圓教善乃

起再拜師復謂云非唯一喝爲然乃至一語一默一

動一靜從古至今十方虛空萬象森羅六趣四生三

世諸佛一切聖賢八萬四千法門百千三昧無量妙

義契理契機與天地萬物一體謂之法身三界唯心

萬法唯識四時八節陰陽一致謂之法性是故華嚴

經云法性徧在一切處有相無相一聲一色全在一

塵中含四義事理無邊周徧無餘叅而不雜混而不

一於此一喝中皆悉具足猶是建化門庭隨機方便謂之小歇場未至寶所殊不知吾祖師門下以心傳心以法印法不立文字見性成佛有千聖不傳底向上一路善又問云如何是向上一路師云汝且向下會取善云如何是寶所師云非汝境界善云望禪師慈悲指示師云任從滄海變終不與君通善膠口而退聞者靡不歎仰時徽廟私幸聞之大悅謂近臣曰禪宗玄妙深極如此淨因才辯亦罕有也近臣奏曰此宗師之緒餘也

秀州華亭性空菴王

嗣黃龍新

未嘗禮佛有僧問菴主見

文  
殊  
經

宋高僧傳卷三十一

三十一

綺一

佛爲甚麼不禮師掌之云會麼僧云不會師又掌

師一日造大盆修書寄雪竇持禪師云吾將水葬矣

持至見其尚存作偈嘲曰咄哉老性空剛要餒魚鼈

去不索性去只管向人說師閱偈笑云待兄來證明

耳乃說偈云坐脫立亡不若水葬一省柴燒二省開

墻撒手便行不妨快暢誰是知音船子和尚高風難

繼百千年一曲漁歌少人唱竟坐盆中吹鐵笛順潮

而沒

福州雪峯東山慧空禪師

嗣清

因僧問和尚未見草

堂時如何師云江南有僧云見後如何師云江北無

東京天寧守卓禪師嗣黃龍清因僧問丹霞燒木佛院主因甚却眉鬚墮師云猫兒會上樹僧云早知如是終不如是師云惜取眉毛

師因僧問佛未出世時如何師云絕毫絕釐僧云出世後如何師云填溝塞壑僧云出與未出相去幾何

師云人平不語水平不流

洪州雲巖典牛天遊禪師嗣功示衆云三百五百銅

頭鐵額木笛橫吹誰來接拍時有僧出師云也是賊

過後張弓便下座

師因作牧牛偈云兩角指天四足蹋地拽斷鼻繩牧

文  
殊  
經

宋高僧傳卷三十一

三十一

綺一

甚屎屁無盡張公聞而嘆曰此偈得非彌勒大士之所說乎

洪州九僊法清禪師嗣慧日雅常以袈裟蒙頂而坐侍郎

曾開問云師僊鄉何處師云嚴州郎云與此間是同

是別師拽却袈裟下地揖云官人曾到嚴州不郎囑

措師云待官人到時却向你道

越州慈氏瑞仙禪師

先瑞

謁投子廣鑑禪師鑑問仙

里何處師云兩浙東越鑑云東越事作麼生師云秦

望峯高鑑湖水闊鑑云秦望峯與你自己是同是別

師云西天梵語此土唐言鑑云此猶是叢林祇對單



明州天童普交禪師嗣泐潭乾叅泐潭足纔跨門潭便喝

師擬問潭卽拽杖逐出一日呼師至丈室云我有箇

古人公案與你商量師擬進語潭遂喝師豁然領悟

乃大笑潭下禪牀把住云汝會佛法耶師便喝拓開

潭大笑

師凡見僧來叅則叱云柳樛未擔時爲汝說了也且道說箇什麼招手洗鉢拈扇張弓趙州栢樹子靈雲見桃華且擲放一邊山僧無恁麼閑唇吻與汝打葛

藤何不休歇去拈拄杖逐出

江州圓通道旻禪師叅泐潭潭舉世尊拈華迦葉微笑問師師不契一日侍潭行次潭以拄杖架肩長嘯

云會麼師擬對潭便打須臾復拈草示師云是什麼

師擬對潭便喝師直下契悟作拈華勢云這回瞞旻

上座不得也。潭云未。在更道。師云南山起雲北山下。

雨便禮拜

明州二靈知和菴主因僧禮拜師問近離甚處僧云

天童師云太白峯高多少僧以手所額作勢師云

猶有這箇在僧云却請菴王道師作斫額勢僧擬議

師便打

温州淨居了威禪師嗣圓通仙因僧問時節因緣卽不問

慧超佛話事如何師云波斯彎弓面轉黑僧云畢竟

如何師云穿過髑髏僧云學人好好借問師云黃泉

無邸店今夜宿誰家

宗門統要續集卷第二十一

立  
日  
釋

**儼** 何切 儼然貌  
**髡** 髡音朋 髡音僧 髡被髮貌  
**撻** 撻烏合切 撻私也

擊古歷切 塼塼坏也 藟藟力瓦切 藟藟竹下 泐歷德切 黔其廉切

溺器溺奴弔切  
與呆同  
飴盈之切  
餽也  
骰果五切  
與股同  
皖華板切  
儕皆牀

支解  
撰述  
宗門統要續集卷二十一  
三十四  
綺一

切黃 駿補過切 資才資切 覓研計切 脾須倫 姦

也。食。揚也。飢。飢也。耳。睪。視也。王。女。也。同。也。爲。切。

魚也

---

1000

刑部郎中金壇于玉立施貲刻此

五十六箇該銀六兩二錢七分

萬曆丁未冬十二月徑山寂照庵識

© 2006 The Authors  
Journal compilation © 2006 Blackwell Publishing Ltd, *Journal of Internal Medicine* 260: 101–107

**Figure 7** Effect of the concentration of the monomer on the polymerization rate.

100



宗門統要續集卷第二十二

宋建溪沙門宗永集

元建康保寧禪寺住持沙門清茂續集

續南嶽下第十五世

杭州徑山大慧宗杲禪師

勤昭

因圓悟和尚問云達

磨西來將何傳授師云不可總作野狐精見解悟又云據虎頭收虎尾第一句下明宗旨如何是第一句

師云此是第二句

師因僧問云古鏡未磨時如何師云火不待日而熱僧云磨後如何師云風不待月而涼僧云磨與未磨

宗門統要續集卷三十三

綺二

時如何師云交

師問僧不是心不是佛不是物你作麼生會僧云領師云領你屋裏七代先靈僧便喝師云適來領時今喝于他不是心不是佛不是物甚麼事僧無語師便打

師室中纔見僧入便云不是出去僧便出師云沒量大人向語脉裏轉却次一僧入師亦云不是出去僧却近前師云向你道不是更近前覓箇什麼便打出復有一僧入云適來兩僧不會和尚意師低頭噓一聲僧周措師亦打出

宗門統要續集

師室中舉竹篋問僧云喚作竹篋則觸不喚作竹篋

則背不得有語不得無語速道速道僧云甕裏怕走却鼈那師下禪牀擒住云此是誰語速道僧云實不敢謾昧和尚此是竹菴和尚教某恁麼道師連打數棒云分明舉似諸方

師因舉南院問風穴南方一棒作麼生商量穴云作奇特商量穴却問此間一棒作麼生商量院橫按拄杖云棒下無生忍臨機不見師舉了云風穴當時好大展坐具禮他三拜不然與他掀倒禪牀乃回顧冲密云你道當時風穴禮拜是掀倒禪牀是密云草賊

文冊

宗門統要續集卷三十三

二

綺二

大敗師云你看者瞎漢便打

師一日見僧便云諸佛菩薩畜生驢馬庭前柏樹子麻三斤乾屎橛你是一枚無狀賊漢僧云久知和尚有此機要師云我已無端入荒草是你屎臭氣也不知僧拂袖而去師云苦哉佛陀耶

師室中問僧云不與萬法爲侶者是什麼人僧云無面目漢師云適來有箇師僧與麼道打出去也僧擬議師便打出

師問僧云道不用修但莫汙染如何是不汙染底道僧云某甲不敢道師云爲什麼不敢道僧云恐汙染

師云行者將糞箕茗帚來僧茫然師便打

師問侍者云許多人入室幾人道得著幾人道不著者云某甲只管看師展手云我手何似佛手者云天寒且請和尚通袖師打一竹篋云且道是賞伊是罰伊者無對

師因僧請益夾山境話聲未絕師便喝僧茫然師云你問什麼僧擬舉師連棒打出

師問僧香巖上樹話你作麼生會僧云好對春風唱鷓鴣師云虎頭上座道樹上即不問樹下道將一句來又作麼生僧云適來向和尚道了也師云好對春

風唱鷓鴣是樹上語樹下語僧無對師便打

師問郡王趙衿居士同內翰汪藻參政李邴侍郎曾開等登山乃擊鼓入室郡王欣然袖香趨室師云趙州洗鉢孟話居士作麼生會王云討什麼衲拂袖便出師擒住云古人向這裏悟去你因甚不悟王擬議師打一拳云討什麼衲王云還這老漢始得

蘇州虎丘紹隆禪師到黃龍新禪師處龍問甚麼僧師云行脚僧龍云什麼村僧行什麼驢腳馬脚師云廣南蠻道什麼何不高聲道龍云却有些子衲僧氣息

師叅圓悟勤禪師悟一日入室問云見見之時見非

是見見猶離見見不能及舉拳云還見麼師云見悟云頭上安頭師忽證入便禮拜悟叱云見箇什麼師云竹密不妨流水過悟乃印可

金陵華藏安民禪師叅圓悟悟夜叅舉古帆未掛因緣師聞未領遂求決擇悟云你問我師舉前話悟云庭前栢樹子師即洞明謂悟云古人道如一滴投於大海殊不知大海投於一滴悟笑云爭奈這漢何師謁佛鑑懃鑑問云佛果有不妄爲人說底句曾與汝說麼師云合取狗口鑑厲聲云不是這箇道理師

云無人奪你塩茶袋亂叫喚作麼鑑云佛果若不爲汝說我爲汝說師云和尚疑則別叅鑑乃呵呵大笑

台州護國此菴景元禪師因僧問三聖道我逢人即出出則不爲人意旨如何師云八十翁翁嚙生鐵僧云興化道我逢人則不出出則便爲人又作麼生師云須彌山上浪翻空

師因僧問云天不能蓋地不能載是什麼物師云無孔鐵鎚僧云恁麼則天人羣生類皆承此恩力也師云莫妄想

杭州靈隱瞻堂慧遠禪師因圓悟叅遂出問云淨

裸髀空無一物赤骨律貧無一錢戶破家亡乞師賑濟悟云七珍八寶一時拏師云禍不入慎家之門悟云機不離位墮在毒海師隨聲便喝悟以拄杖擊禪牀云喫得棒也未師又喝悟連喝兩喝師便禮拜師一日因書記維那二人爭競師乃揭榜曰書記維那行令不正老僧罰油行者喫棒令二人下語維那云難逃智鑑師云是不是書記無語二人俱逐出師因淨慈先馳通書師問云你長老是甚處人馳云和尚大似不相識師云你是甚處人馳云越州師云猛虎不食伏肉

文淵

宋明統要續集卷三十一

五

綺二

師因孝宗皇帝問云前日睡夢中忽聞鐘聲遂覺未知夢與覺定如何師云陛下問夢中底覺來底若問覺來底如今正是寐語若問夢中底夢覺無殊教誰分別夢卽是幻知幻卽離離幻卽覺覺心不動所以道若能轉物卽同如來帝云夢幻既非且鐘聲向甚處起師云從陛下問處起帝大悅師因一官人問性命事如何師云老僧無性命官云如何無師云也無如何官搖頭云第恐未是在師云非但橫點頭未是縱饒直點頭亦未是在師因僧問卽心卽佛時如何師云頂分丫角僧云非

宗門統要續集

心非佛時如何師云耳墜金環僧云不是心不是佛不是物又作麼生師云禿頂修羅舞柘枝師問僧一大藏教是惡口如何是本身盧舍那僧云天台普請南嶽遊山師別云阿耨達池深四十丈闊四十丈師一日擊鼓陞堂却潛坐帳中侍僧尋不見師忽撥開帳云只在這裏因什麼不見僧無對師云大斧斫三門眉州華嚴祖覺禪師因僧問最初威音王末後婁至佛未審參見什麼人師云家住大梁城更問長安路

文淵

宋明統要續集卷三十一

六

綺二

僧云只如德山擔鉢鉢行脚意在什麼處師云撥破你眼睛僧云與和尚悟華嚴宗旨相去幾何師云同途不同轍僧云昔日德山今朝和尚也師云夕陽西去水東流蘇州明因曇玩禪師示衆云汝有一對眼我也有一對眼汝若瞞還自瞞汝若成佛作祖老僧無汝底分汝若做驢做馬老僧救汝不得蘇州虎丘元淨禪師因僧問如何是到家一句師云坐觀成敗僧云不與萬法爲侶者是什麼人師云遠親不如近隣



師因僧問亡僧遷化向什麼處去師云糞堆頭僧云  
意旨如何師云築著磕著

侍郎李彌遜時年二十八問心法於圓悟禪師一日  
躍馬忽有省竟造圓悟悟遙見便云侍郎且喜大事  
了畢侍屬聲云和尚眼華作什麼悟便喝侍亦喝於  
是機鋒迅捷休官築菴自娛一日忽說偈云謾說從  
來牧護今日分明呈露虚空拶倒須彌討甚向上一  
路遂擲筆而逝

覺菴道人祖氏叅圓悟禪師聞示衆語下有省白悟  
悟云更須颺却所見始得自由祖呈偈云露柱抽橫

文冊

宗明統要續集卷三十三

七

綺二

骨虚空弄爪牙直饒玄會得猶是眼中沙悟然之

湖州何山佛燈守珣禪師嗣將山勳叅佛鑑鑑示衆云森

羅及萬象一法之所印師聞頓悟心旨白鑑鑑云可  
惜一顆明珠被這風顛漢拾却乃詰云靈雲道自從

一見桃華後直至如今更不疑如何是他不疑處師

云莫道靈雲不疑只今覓箇疑處了不可得鑑云玄

沙道諦當甚諦當敢保老兄未徹在那裏是他未徹

處師云深知和尚老婆心切便禮拜鑑印可

師謁圓悟禪師值山行到一水潭悟乃推師入水遠

問云牛頭未見四祖時如何師云潭深魚聚悟云見

後如何師云樹高招風悟云見與未見時如何師云  
伸脚只在縮脚裏悟乃稱賞

鼎州文殊道心禪師叅佛鑑鑑夜叅舉趙州栢樹子  
話至覺鐵嘴云先師無此語莫謗先師好師聞豁然  
即趨丈室鑑遙見便閉却門師云和尚莫謾某甲鑑  
云十方無壁落何不入門來師以拳擲破窗紙鑑乃  
開門擒住云道道師兩手捧鑑頭以口啐一啐而出  
潭州龍牙智才禪師一日謁黃龍新禪師新室中問  
云會得最初句便會末後句會得末後句便會最初  
句最初末後拈放一邊百丈野狐話作麼生會師云

文冊

宗明統要續集卷三十三

八

綺二

入戶已知來見解何須更舉轆中泥新云新長老死  
在上座手裏也師云語言雖有異至理且無差新云  
如何是無差底事師云不扣黃龍角焉知領下珠新  
便打

師因僧問德山棒臨濟喝今日請師爲拈掇師云蘇

嚕蘇嚕僧云蘇嚕蘇嚕還有西來意也無師云蘇嚕

蘇嚕

福州鼓山竹菴士珪禪師嗣龍門遠因僧問如何是祖師

西來意師云東家點燈西家暗坐僧云未審意旨如

何師云馬便搭鞍驢便推磨僧云狗子還有佛性也



無趙州道無又作麼生師云一度被蛇傷怕見斷井

杭州徑山塗毒智策禪師嗣雲謁雲巖取道雲居值風雪迷路遂留月餘一日聞板聲豁然大悟及造雲巖巖遙見便指云這漢甚處見神見鬼來師云雲居聞板聲來巖云聞後如何師云打破虚空全無柄靶巖云向上事未在師云東家暗坐西家廝罵巖云巖然超出佛祖他日起家一麟足矣成都府金繩文禪師嗣信因僧問如何是大道之源師云黃河九曲僧云如何是不犯之令師云鐵蛇鑽

文冊

高麗集卷三十二

九

綺二

不入僧擬議師便打

樞密吳居厚

通吳

謁圓通云某頃赴省試到此過起

州關未明透關事曾問訥禪師訥云且去做官今五十餘年矣通云曾明得也未密云八次經過常存此念然未甚脫灑通乃揮扇云有甚不脫灑處密忽有省云便請末後句通再揮扇兩下密云親切親切通云吉獠舌頭三千里

中丞盧航謁圓通擁爐次承問云諸家因緣不勞拈出直截一句請師指示通厲聲云看火丞急撥衣忽然大悟即云灼然佛法無多子通喝云放下著丞應諾

宗門統要續集

諾

楊州石塔禮禪師

嗣明

一日陞堂至座前拂一僧上

法座僧惺惺欲走師遂指座云這棚子若牽一頭驢上去他亦須就上肩在汝諸人因甚麼却不肯以拄杖一時趕散

續南嶽下第十六世

福州西禪鼎需禪師

嗣經

師叅妙喜喜一日問云內

不放出外不放入正與麼時如何師擬開口喜連打三棒師直下大悟乃厲聲云和尚已多了也喜又打一棒師便作禮喜云汝今日方知吾不汝欺遂印以

文冊

宗門統要續集卷三十二

十一

綺二

偈云頂門豎亞摩醯眼肘後斜懸奪命符瞎却眼卸却符趙州東壁掛胡蘆

師因問僧萬法歸一一歸何處僧云新羅國裏師云我在青州做一領布衫重七斤甞僧云今日親見趙州師云前頭見後頭見僧作斫額勢師云上座是甚處人僧云江西師云因甚却來這裏納敗闕僧擬議師便打

泉州教忠彌光禪師叅大慧慧問云喫粥了也洗鉢盂了也去却藥忌道將一句來師云裂破慧震威喝云你又說禪也師即大悟投偈云一喝當機怒雷吼

驚起法身藏北斗洪波浩渺浪滔天拈得鼻孔失却口慧然之

明州育王佛照德光禪師叅大慧慧一日入室舉起竹篋云喚作竹篋則觸不喚作竹篋則背時如何師云請和尚放下竹篋與學人相見慧放下竹篋云如何相見師云伎倆已盡慧云這漢又來老僧頭上行師云也是尋常行履處便禮拜

師又一日入室大慧云喚作竹篋則觸不喚作竹篋則背不得下語不得無語不得向意根下卜度不得向舉起處承當速道速道師云杜撰長老如麻似粟

文冊

宗門統要續集卷三十二

十一

續二

慧云你是第幾箇師云今日捉敗這老賊慧深肯之江州東林止菴道顏禪師叅圓悟每至室中機辯風生一日圓悟喝云汝叅禪不求正悟只管信口胡道作麼師直得汗下歸堂夜坐豁然有省不覺失笑凌晨上方丈如前騁其機辯悟皆肯可師云某甲昨日如此祇對和尚爲甚麼不肯今日爲甚麼却肯悟云汝昨日雜妄想心師云元來釋迦老子無神通便禮拜

福州東禪思岳禪師問僧甚處來僧云黃檗來師云黃檗有何言句僧云某甲到這裏一時忘却師云上

座豈不是黃檗來僧云是師云又道忘却僧擬議師便喝出

師問僧道人相見時如何僧云更無餘事師云趙州道呈漆器又作麼生僧便喝師云你道無餘事又喝作麼僧擬議師便打

建寧府竹原宗元菴主因大慧令謙上座通張無垢書謙云我叅禪二十餘年無入頭處更作此行決定荒廢奈何師叱云在路便叅禪不得也去我與同往至中途謙泣語師云途中奔波如何得相應去師告云你但將諸方叅底悟底圓悟大慧與汝說底都不

文冊

宗門統要續集卷三十二

十三

續二

要理會途中可替底事我盡替你只有五件事替你不得你須自支當謙云五件何事師云著衣喫飯屙屎放尿拖箇死屍路上行計於言下領旨手足舞蹈師云你此回方可通書官前進吾歸矣

師室中垂語云楞嚴經中五十種魔界如今盡大地人叅禪更高也出他魔界不得時有僧云和尚落在第幾界師云和你在裏許僧云某甲不入這保社師云驢漢你擬向那裏去

蘇州資壽尼妙總禪師叅大慧慧陞堂舉藥山初叅石頭馬祖機緣遂契悟慧下座有馮檝居士謂慧云

和尚適來所舉因緣某甲會也慧云居士作麼生會  
士云恁麼也不得蘇盧娑訶不恁麼也不得唵哩娑  
訶恁麼不恁麼總不得蘇盧唵哩娑訶慧舉似師師  
云曾見郭象註莊子識者云却是莊子註郭象慧異  
其言復舉巖頭婆子話詰師師答偈云一葉扁舟泛  
渺茫呈撓舞棹別宮商雲山海月都拋却贏得莊周  
蝶夢長馮公疑師未善遂問婆生七子六箇不遇知  
音只者一箇也不消得便拋向水中大慧言道人會  
你且說看師云已上所供並是詣實馮大喜  
師因大慧問古人不出方丈爲甚麼去莊上喫油糝

文淵

南嶺集卷三

十三

綺二

師云和尚放某甲過方敢通箇消息慧云我放你過  
你試道看師云某甲亦放和尚過慧云爭奈油糝何  
師喝一喝拂袖而出

無垢居士張九成謁善權清禪師問云此事人人有  
分箇箇圓成是不清云是士云爲什麼某却無箇入  
處清於袖中出數珠示云此是誰底士俛仰無對清  
復袖之云是汝底則拈取去纔涉思惟卽不是也士  
悚然遂看栢樹子話忽聞蛙聲釋然證入說偈云春  
天月夜一聲蛙撞破乾坤共一家正恁麼時誰會得  
嶺頭脚痛有玄沙

士謁大慧杲禪師一日與馮給事諸公論格物慧云  
居士只知有格物且不知有物格士茫然慧大笑士  
云師能開喻乎慧云不見小說載唐人有與安祿山  
謀叛者曾爲閬州守有畫像存焉明皇幸蜀見之怒  
令侍臣以劍斬其像其人在陝西首忽墮地公頓領  
深旨遂投偈云子韶格物妙喜物格欲識一貫兩箇  
伍百慧印可

士謁惟尚禪師尚纔見乃展兩手士便喝尚便掌云  
張學士何得謗大般若士云某見處只如此和尚又  
作麼生尚舉馬祖陞堂百丈卷席話詰士語未終十

支那

宗門統要續集卷三

十四

綺二

推倒卓子尚大呼張學士殺人士躍起問傍僧云汝  
又作麼生僧罔措士打一拳顧尚云祖禪不了殃及  
兒孫尚大笑

士復謁尚禪師尚云浮山圓鑑道饒你入得汾陽室  
始到浮山門亦未見老僧在學士作麼生士叱侍僧  
云何不祇對僧罔措士打一掌云蝦蟇窟裏果沒獐  
龍

士一日訪規首座纔相見規便問承聞學士因蛙鳴  
有箇入處是不士云那裏得者消息來規云見成公  
案諱作什麼士厲聲云火發也規顧視傍僧士云燒



到你脚跟也規云將為你有長處元來只在者裏  
士一日同規首座圍爐坐次規薦拈火抄云學士不  
得喚作火抄畢竟喚作什麼士乃掣火抄踢倒湯餅  
而出

明州天童應菴華禪師嗣虎丘隆師據座云現成公案  
坐斷誚訛錯下註脚槌折你腰擦起便行必死之疾  
要須英俊別有生涯忽遇衝雲俊鵲來時如何縵天  
網子百千重

師因僧問凝然湛寂有辱宗風廊爾現前猶辜自己  
去此二途如何即是師云一槌便透僧云風捲長空

千里靜日輪當午八方明師云未是上座放身命處  
僧便禮拜師云三十年後

杭州徑山別峯寶印禪師嗣華藏氏謁圓悟隨眾入室悟  
問從上諸聖以何接人師豎起拳悟云此是老僧用  
底作麼生是從上諸聖用底師以拳便打悟亦舉拳  
相交笑而出

師謁大慧慧問甚處來師云西川慧云未出劒門關  
與汝三十棒了也師云不合起動和尚慧深肯之  
潤州焦山或庵師體禪師嗣護國元因元和尚舉十方同  
聚會箇箇學無為此是選佛場乃喝一喝師豁然大

悟後室中舉茗帚柄問僧云依稀茗帚柄勢亦斑  
蛇眾下語皆不契有僧請益師示以偈曰依稀茗帚  
柄勢亦斑蛇棒下無生忍臨機不識爺

內翰曾開隱遠謁靈隱問云如何是善知識隱云燈  
籠露柱猶兒狗子翰擬進語隱便喝翰遂省悟投偈  
云咄哉瞎驢叢林妖孽震地一聲天機漏洩

知府葛剡志慕禪宗久無證入一日忽舉不是心不  
是佛不是物豁然有省說偈云非心非佛亦非物五  
鳳樓前山突兀艷陽影裏倒翻身野狐跳入金毛窟  
謁靈隱遠和尚求證隱云居士見處只可入佛入魔

未得在府加禮隱正容云何不道金毛跳入野狐窟  
府乃頓悟深旨

杭州淨慈水菴師一禪師嗣育王裕初叅雪峯照禪師照  
云直須藏身處沒蹤跡沒蹤跡處莫藏身師於言下  
有省照詰云畢竟那裏是藏身無蹤跡處師云嘎照  
云無蹤跡處因甚莫藏身師云石虎吞却木羊兒  
照深肯

師室中垂語云西天胡子沒髭鬚僧傳至或菴處菴  
云餓狗喫絳繒僧回舉似師師云此是五百人善知  
識語僧復舉似菴菴云也是烏龜入水



澧州靈巖仲安禪師

嗣大瀉泰

因大瀉令通嗣法書於

山圓悟處悟問千里馳來不辱宗風公案現成如何

通信師云觀面相呈更無回互悟云此是德山底那

箇是上座底師云豈有第二人悟云背後底聲師便

度書悟笑云作家禪客天然有在次至僧堂前捧書

問訊首座座云玄沙白紙此自何來師云久默斯要

不務速說今日拜呈幸希一覽座便喝師云作家首

座座又喝師以書打之座擬議師復以書打圓悟與

佛眼傍觀悟云打殺我首座也眼云官馬廝踢有甚

麼憑據師云說甚官馬廝踢正是龍象蹴踢悟呼師

支那

高麗續集卷三十三

主

續二

至云我五百衆中首座你爲甚麼打他師云和尚也  
須喫一頓始得悟顧佛眼吐舌眼云未在待我勘過  
遂問空手把鋤頭步行騎水牛人從橋上過橋流水  
不流意作麼生師鞠躬云所供並是詣實眼笑云元  
來是屋裏人

師又到五祖自和尚處通書自問云書中說箇什麼  
師云文彩已彰自云畢竟說箇什麼師云當陽揮寶  
劒自云近前來這裏不識數字師云切莫詐明頭自  
顧侍者云這是那裏僧者云曾在和尚座下住去自  
云怪得與麼滑頭師云曾被和尚鈍置來自將書於

宗門統要續集

香爐上熏云南無三曼獸母獸南師近前彈指一下  
自便開書

福州龜峯慧光禪師

嗣薦福行

因舊住相訪師問云頃年

有一則公案與你商量不下如今作麼生舊住云未

入門已舉似和尚了也師云這裏又作麼生住云不

可頭上更安頭師以手畫一畫云這裏且置你爲什

麼蹋斷天台石橋住無語師云脫空漫語漢出去

荆門軍玉泉宗璉禪師

嗣大果

因僧問三聖道我逢人

則出出則不爲人意旨如何師云兵行詭道僧云興

化道我逢人則不出出則便爲人又作麼生師云綿

支那

宗門統要續集卷三十三

主

續二

裏秤鎚

師因僧問乾闥婆王奏樂須彌及業海水騰波意旨  
如何師云一家有事百家忙僧云迦葉作舞又作麼  
生師云隨喜功德僧畫一圓相師拍禪牀一下僧以  
袖拂一拂師云野狐精僧禮拜師云伎倆已盡  
師因僧問不落因果爲甚麼墮野狐身師云廬山五  
老峯僧云不昧因果爲甚麼脫野狐身師云南嶽三  
生藏僧云只如不落不昧未審是多是別師云倚天  
長劒逼人寒  
續南嶽下第十七世

明州天童密菴咸傑禪師嗣天童侍應菴一日菴間如何是正法眼師云破沙盆菴深肯之

續南嶽下第十八世

杭州靈隱松源崇岳禪師嗣天童室中垂語云是風動

是旛動僧擬議便打出不是風動不是旛動僧擬議便打出

右自南嶽下十二世續至十八世共二百八十六人見錄機緣二百一十二則餘俟好事者採摭續之

續青原下第十一世

徽

宗門統要續集卷三十一

十五

續二

東京芙蓉道楷禪師嗣投子青叅投子問云佛祖言句如家常茶飯離此之外別有為人處也無子云汝道寰中天子還假堯舜禹湯也無師擬進語子以拂子撼師口云汝發意來早有三十棒也師即開悟禮拜便行子云且來聞衆師不顧子云汝到不疑之地耶師以手掩耳而去

師一日侍投子遊園子度拄杖與師師便隨行子云理合與麼師云與和尚提鞋拄杖也不爲分外子云有同行在師云那一人不受教子休去至晚問師早來說話未盡在師云請和尚舉子云卯生日戌生月

師即點燈來子云汝上來下去總不徒然師云在和尚左右理合如此子云奴兒婢子誰家屋裏無師云和尚年尊缺他不可子云得與麼殷勤師云報恩有分

師因僧問胡家曲子不墮五音韻出青霄請師吹唱師云木鷄啼夜半鐵鳳叫天明僧云恁麼則一句曲含千古韻滿堂雲水盡知音師云無舌童兒能繼和僧云作家宗師人天眼目師云禁取兩片皮師因僧問如何是和尚家風師云衆人皆見僧云未審見箇什麼師云東壁打西壁

支那

宗門統要續集卷三十二

十六

續三

真州定山惟素禪師嗣棲賢因僧問如何是不遷義師云暑往寒來僧云恁麼則遷去也師云啼得血流無用處

杭州佛日戒弼禪師嗣育王因僧問如何是毘盧印師云草鞋蹋雪僧云學人不會師云步步成蹤

金陵蔣山法泉禪師嗣雲居因僧問祖師面壁意旨如何師云撐天拄地僧云便與麼去時如何師云落七

落八僧云二祖立雪齊腰又作麼生師云三年逢一閨僧云爲什麼付法傳衣師云村酒足人沽

明州天童淡交禪師因僧問臨雲閣聳太白峰高到

這裏如何進步師云但尋芳草際莫問白雲深僧云未審如何話會師云寒山逢拾得兩箇一時癡僧云向上宗乘又如何舉唱師云前言不及後語

建州崇梵餘禪師因僧問臨濟喝少過知音德山棒難逢作者和尚今日作麼生師云山僧被你一問直得退身三步浹背汗流僧云作家宗師今日遭遇師云一語傷人千刀攪腹僧以手畫一畫云爭奈者箇何師云草賊大敗

師因僧問怎麼來底人師還接不師云孤峯無宿客僧云不怎麼來底人師還接不師云灘峻不留船僧

云怎麼不怎麼則且置穿過關驢一句作麼生師云堪笑亦堪悲

江州歸宗慧通禪師嗣大為宏因僧問如何是函蓋乾坤

句師云日出東方夜合西僧云如何是截斷衆流句

師云鐵山橫古路僧云如何是隨波逐浪句師云船

子下楊州

東京慧林圓照宗本禪師嗣為懷因僧問如何是祖師

西來意師云韓信臨朝僧云中下之流如何領會師

云伏屍萬里僧云早知今日事悔不愼當初師云三

皇塚上草離離

師因僧問上是天下是地未審中間是甚麼物師云

山河大地僧云怎麼則謝師答話師云大地山河僧云和尚何得瞞人師云却是老僧罪過

師因上元日僧問千燈互照絲竹交音正怎麼時佛法在什麼處師云謝布施僧云莫便是和尚為人處也無師云大似不齋來

東京法雲法秀禪師因僧問不離生死而得涅槃不出魔界而入佛界此理如何師云赤土塗牛跡僧云謝師答話師云適來道甚麼僧擬議師便喝

師在雲居克維那時舜禪師每訶罵薦福懷禪師說

葛藤禪一日聞懷遷化於法堂上合掌云且喜葛藤

椿子倒了也師云我須與這老漢理會一上及夜叅

又如前訶罵師出衆厲聲云豈不見圓覺經中道舜

遽云久立大衆伏惟珍重便歸方丈師云這老漢通

身是眼罵得懷和尚也

真州長蘆應夫禪師因僧問古者道如來禪卽許老

兄會祖師禪未夢見在未審如來禪與祖師禪是同

是別師云一箭過新羅僧擬議師便喝

杭州佛日智才禪師因僧問如何是道師云水冷生

冰僧云如何是道中人師云春雪易消僧云畢竟如



何談論師鳴指一下

北京天鉢重元禪師因僧問如何是禪師云入籠入檻僧撫掌師云跳得出是好手僧擬議師云了

台州瑞巖子鴻禪師因僧問法爾不爾如何指南師云話墮也僧云乞師指示師呵呵大笑

師因僧問如何是真實體師云鍼割不入僧云如何是真實用師云清風在掌僧云離此二途如何是向上一路師云欠汝一問

師因僧問如何是祖師西來意師云拂衣瞻漢月飛錫過中天僧云意旨如何師云熊耳崔嵬千古色少

文冊

宋明統要續集卷三十二

二十三

續二

林蒼翠幾流芳僧云謝師答話師云師子咬人韓盧

逐塊便打

江州棲賢智遷禪師示衆云是什麼物得恁麼頑頑

器器眴眴睨睨拊掌呵呵大笑云今朝巴鼻直是黃

面瞿曇通身是口也分疎不下久立

舒州三祖冲會禪師因僧問如何是第一義諦師云

百雜碎僧云恁麼則褒禪一會不異靈山師云將糞

箕掃帚來

師因僧問生也猶如著衫死也還同脫袴未審意旨

如何師云譬如閑僧云爲甚麼如此師云因行不妨

掉臂

越州天章元善禪師一日因僧問大無外小無內既無內外畢竟是箇什麼物師云開口見膽僧云學人未曉師云苦中苦僧云爲衆竭力禍出私門師云教休不肯休須待雨霖頭便打

無爲軍鐵佛因禪師因僧問取不得捨不得不可得中只麼得未審得箇什麼師展兩手僧禮拜師云不要詐明頭

侍郎楊傑一日因芙蓉楷禪師相會侍云與師相別幾年也荅云七年侍云學道來叅禪來荅云不打這

文冊

宋明統要續集卷三十二

二十四

續二

鼓笛侍云恁麼則空遊山水百無所能也荅云別來

未久善能高鑑侍乃大笑

續青原下第十二世

東京淨因枯木法成禪師嗣芙蓉楷師問僧甚處人僧云

西川師云幾時離鄉僧云前年二月師云未離本國

一句作麼生道僧云通身是口難爲祇對師云猶是

離家失業句僧無語師打一拂子云枉踏幾緗草鞋

東京法雲善本禪師嗣本因僧問九夏賞勞即不問

從今向去事如何師云光剃頭淨洗鉢僧云謝師指

示師云滴水難消



師因僧問寶塔元無縫如何指示人師云煙雲生背面星月繞蒼楹僧云如何是塔中人師云竟日不知塵世事長年占斷白雲鄉僧云向上更有事也無師云太無狀生

舒州投子修顯禪師一日陞堂纔有僧出師云錯僧云什麼處是錯師云不信道

潤州金山善寧禪師因僧問竿木隨身逢場作戲選佛場開請師方便師云文不加點僧云可謂今古罕聞師云且道是什麼題目僧擬議師便打

蘇州定慧遵式禪師因僧問南泉斬猫兒意旨如何

撰述

高麗集卷三十二

二五

續二

師便打僧云猶是學人疑處師云十萬八千僧云忽遇趙州時如何師云賣金須是買金人

金陵保寧子英禪師嗣法雲秀因僧問山河大地不作眼

見耳聞時如何師云只恐不與麼僧云便與麼時如

何師云山高水深僧無語師云幸自可憐生剛被他

瞞却

真州長蘆宗臈禪師嗣長蘆夫因僧問六門未息時如何

師云鼻孔裏燒香僧云學人不會師云耳朶裏打鼓

僧云如何是無功之功師云泥牛不運步天下沒荒

田僧云恁麼則功不浪施也師云雖然廣大神通未

免遭他痛棒

潭州等覺法思禪師因僧問如何是佛法大意師云燈籠掛露柱僧云學人未會師云佛殿對山門僧云

向上更有事也無師云大海若知足百川應倒流

澧州夾山自齡禪師嗣佛日才因僧問金雞啄破琉璃殼

玉兔挨開碧海門此是人間光影如何是祖師機師

云針劄不入僧云只如朕兆未生已前作麼生道師

舉拂子僧云如何領會師云斫額望扶桑

明州育王曇振禪師嗣瑞巖鴻示衆云今日布袋頭開還

撰述

高麗集卷三十二

二五

續二

麼生酬價僧無語師云老僧失利便歸方丈

續青原下第十三世

真州長蘆真歇清了禪師嗣丹霞淳師叅丹霞問如何

是空劫已前自己師擬對霞云你開在且去一日登

鉢孟峯豁然契悟歸白霞霞掌云將謂你知有師便

禮拜

師一日因丹霞陞堂云日照孤峯翠月臨溪水寒祖

師玄妙訣莫向寸心安便下座師直向前云和尚今

日謾某甲不得也霞云試舉我今日底看師良久霞

云將謂你瞥地師拂袖便出

師一日看厨下煮麵忽桶底脫麵潑地上眾皆失聲云可惜師云桶底脫自合歡喜因甚却煩惱僧云和尚即得師云灼然可惜一桶麵

師問僧云你死後燒作灰撒了骨頭向什麼處去僧便喝師云好一喝只是不得翻款僧又喝師云公案未圓更喝始得僧無語師便打云這死漢

師一日普請路逢一僧師以拄杖指地上竹檐僧拈起云短些子師劈脊打云這裏是什麼所在說長說短

明州天童宏智正覺禪師叅丹霞問如何是空劫

支那

宗門統要續集卷三十二

二十一

綺二

已前自已師云井底蝦蟇吞却月三更不惜夜明簾霞云未更道師擬議霞打一拂子云又道不借師禮拜霞云何不道取一句師云某甲今日失錢遭罪師因僧問清虛之理畢竟無身時如何師云文彩未痕初消息難傳際際僧云一步密移玄路轉通身放下劫壺空師云誕生就父時合體無遺照僧云理既如是事作麼生師云歷歷纔回分化事十方機應又何妨僧云恁麼則塵塵皆現本來身去也師云透一切色超一切心僧云如理如事又作麼生師云路逢死蛇莫打殺無底籃子盛將歸

師因僧問如何是向去底人師云白雲投壑盡青嶂倚空高僧云如何是却來底人師云滿頭白髮離巖谷半夜穿雲入市鄺僧云如何是不來不去底人師云石女喚回三界夢木人坐斷六門機

右自青原下十一世續至十四世共一百二十人見錄機緣四十七則南嶽青原二派下至此續添二卷總四百單六人內一百三十一人見錄機緣總二百五十九則間有遺漏竝異好事者採撫續之

宗門統要續集卷第二十二終

支那

宗門統要續集卷三十二

二十八

綺二

音釋

是與臭 磕克盍 颺餘亮 斬士街切 獠盧皓切 西聲 尼止切 闌音朗 撼所責切 浹于叶切 鬻魚巾切 眊與覲同 指物貌 胡典

刑部郎中金壇于玉立施貴刻此 宗門統要續集第二十二卷 計字九千六百五十八個該銀五兩零二分 松陵釋宗遠對長洲徐普書江寧縣吳守倫刻 萬曆丁未冬十二月經山寂照庵識